

LIBRARY  
OF THE  
Theological Seminary,  
PRINCETON, N. J.

BX 5037 .U8 1864 v.5

Ussher, James, 1581-1656.

The whole works of the most  
Rev. James Ussher, D.D....














Digitized by the Internet Archive  
in 2014

THE  
WHOLE WORKS  
OF THE  
MOST REV. JAMES USSHER, D. D.  
LORD ARCHBISHOP OF ARMAGH,  
AND  
PRIMATE OF ALL IRELAND.

---

VOLUME V.



THE  
WHOLE WORKS  
OF THE  
MOST REV. JAMES USSHER, D.D.,

LORD ARCHBISHOP OF ARMAGH, AND PRIMATE OF ALL IRELAND.

NOW FOR THE FIRST TIME COLLECTED,  
WITH A LIFE OF THE AUTHOR,  
AND  
AN ACCOUNT OF HIS WRITINGS,  
BY  
CHARLES RICHARD ELRINGTON, D. D.,  
LATE REGIUS PROFESSOR OF DIVINITY IN THE UNIVERSITY OF DUBLIN,  
AND RECTOR OF ARMAGH.

IN SEVENTEEN VOLUMES.

VOL. V.

DUBLIN:  
HODGES, SMITH, AND CO.,  
PUBLISHERS TO THE UNIVERSITY.

1864.

DUBLIN:  
Printed at the University Press,  
BY M. H. GILL.

BRITANNICARUM ECCLESIARUM  
ANTIQUITATES,

QUIBUS INSERTA EST PESTIFERÆ ADVERSUS DEI GRATIAM A PELAGIO  
BRITANNO IN ECCLESIAM INDUCTÆ HÆRESEOS

HISTORIA.

COLLECTORE  
JACOBO USSERIO,  
ARCHIEPISCOPO ARMACHIANO TOTIUS HIBERNIÆ PRIMATE.

DUBLINII.

1639.



# CONTENTS

OR

## THE FIFTH VOLUME.

### CAPUT I.

PAG.

Britanni ante acceptam fidem Christianam idololatræ. De apostolis, qui in Britannicis insulis evangelium primi prædicasse dicuntur: Jacobo Zebedæi, Simone Zelota, Simone Petro, et B. Paulo. De Aristobulo item, et Claudia Britanna . . . . .	11
---	----

### CAPUT II.

De duodecim Philippi discipulis, et Josepho Arimathæensi, Glastoniensium monachorum traditiones; veterum nominibus fucatæ, et in Europæorum generalibus conciliis venditatae . . . . .	25
--	----

### CAPUT III.

De Taurino, Eutropio, Timotheo, Novato, Praxede, Pudentiana, Marcello, et Lucio primo Bavarorum ac Rhætorum doctore. De tempore, quo Lucius in Britannia regnavisse dicitur, variantes authorum sententiæ, et in qua insulæ parte imperium ille obtinuerit . . . . .	48
--	----

### CAPUT IV.

De literis, quæ a rege Lucio, per legatos Eluanum et Medwinum, ad Eleutherum Romanum episcopum missæ fuisse dicuntur. De doctoribus Cantabrigiensibus, nec non Timotheo, Fagano, Derwiano et Aarone, qui fidem tum Britannis feruntur prædicavisse . . . . .	64
--	----

## CAPUT V.

De XXV. episcopatibus et archiepiscopatibus III. qui Lucii temporibus, flaminum et archiflaminum loco, instituti fuisse dicuntur. De Londinensi sede metropolitica, et ejus translatione ad Cantuariensem. De Eboracensi, et pallio inde translato ad Dolsensem in Britannia Armorica. De Legionensi, et ejus translatione ad sedem Menevensem ac Landavensem. De tomo Anacleti; et provinciarum numero, in quas a Romanis divisa est Britannia 79

## CAPUT VI.

Fagani et Duviani iter Romanum, et reditus in Britanniam. Eleutheri papæ epistola ad Lucium. Fagani et Duviani res gestæ in insula Avaloniae. Antiquitatis ecclesiæ Glastoniensis assertio: et nova ab Ina et Dunstano facta restauratio. Privilegia varia a Saxonis regibus eidem concessa. Arthuri donatio, et sepulchri inventio. Henrici II. et Edvardi III. diplomata. Possessiones et libertates ecclesiæ a Lucio tributæ. Wintoniensis ecclesiæ antiquitates. Fundatio ecclesiæ S. Petri Westmonasteriensis, B. Mariae Doverensis, et S. Martini Cantuariensis. De Cantabrigiensi et Bannochorensi gymnasio: et Lucii regis exitu . . . . . 126

## CAPUT VII.

De fide a Britannis usque ad Diocletiani tempora conservata: cum Origenis et Tertulliani ea de re testimonio. De Mellone Britanno, Rothomagensium præsule. De sævissima hic a Maximiano Hercilio excitata persecutione; et passis in ea Albano, Amphibalo, Julio, Aarone, Socrate, Stephano, Augulio, et aliis innumeris. De pace Britanicis ecclesiis, altero post cœptam persecutionem anno, a Constantio Chlоро Augusti Constantini magni patre restituta . . . . . 170

## CAPUT VIII.

De patria Constantini Magni, et matris ejus Helenæ, variæ et discrepantes authorum sententiae: quam alii Britanniam, alii Galliam, alii Bithyniam, nonnulli etiam Daciam fuisse volunt: Guilielmi Camdeni et Justi Lipsii de Britannica Constantini origine amica concertatio. De pace Ecclesiæ redditâ: deque basilica S. Albani quam Verolamii, et S. Amphibali quam Wintoniae tunc constructam aiunt. De Britanicis episcopis qui concilio Arelatensi interfuerunt; et Britannorum cum patribus Nicænis in Paschatis observatione et Arianæ hæreseos condem-

- natione consensu. De Britannicis episcopis qui in synodo Sar-  
dicensi et Ariminensi adfuerunt. Quamdui ab Ariana perfidia  
immunis manserit Britannia, et quando ea contaminari cœpta.  
De Maximo in Britannia tyrannidem arripiente; Britannica  
colonia in Armorican deducta, et LXXI. fœminarum millibus  
quibus ea occasione insula hæc exhausta fuisse fingitur. Pere-  
grinatio Hierosolymitana et Romana, ut ab aliis ita etiam a  
Britannis, frequentata. Inde Origenis prava doctrina, atque  
ex illa enata nova Pelagiana et Cœlestiana hæresis, in orbem  
diffusa. Pelagius Britannus, Cœlestius Scotus, uterque mona-  
chus fuit. Quando, et quo in loco, venenum hoc ab illis spargi  
cœptum est . . . . . 212

## CAPUT IX.

- Rerum adversus Pelagium Britannum et Celestium Scotum, Inno-  
centii Romani episcopi temporibus, gestarum historia. Quan-  
tum creverit perniciosa istorum hæresis; quibus potissimum in  
locis propagata, quibus scriptis et artibus ab eis propugnata  
fuerit. Conventus Carthaginiensis in Celestii, Hierosolymita-  
nus et Diopolitanus in Pelagii examine quid egerit. Scripta  
ab Augustino, Hieronymo et Orosio illis opposita: et damnatio-  
nis ab utraque synodo Africana, Carthaginiensi et Milevitana,  
atque Innocentio pontifice lata in eos sententia . . . . . 263

## CAPUT X.

- Rerum contra Pelagium et Celestium, Zosimi et Bonifacii proxi-  
morum Innocentii successorum temporibus, gestarum historia.  
Quomodo Zosimus eorum causam primo vehementer egerit, nec  
minus vehementer postea condemnaverit. Africanorum contra  
eos episcoporum zelus, et frequentibus ad Zosimum missis literis,  
et anathematismis in duabus plenariis synodis adversus nefariam  
hæresim promulgatis, luculenter expressus. Quibus legibus et  
ipsos hæresiarchas et eorum sectatores Romani imperatores  
coercuerint: et quomodo funesta hæc Ecclesiæ pestis profligata  
tandem fuerit, atque in toto orbe condemnata . . . . . 308

## CAPUT XI.

- De Celestii et Juliani novis conatibus, et Pelagianæ partis antistiti-  
bus, ex Italia Celestini pontificis, ex Gallia Valentiniani III.  
Cæsaris opera fugatis. De Semipelagianismi seminibus a Jo-  
hanne Cassiano inter Massilienses primum jactis. De Fastidio  
Britannorum episcopo, Timotheo hæresiarcha, Agricola Pela-  
giano, Severo Sulpicio, et Leporio Pelagii discipulo. De Ger-

mani et Lupi in Britanniam adventu, et rebus ab eis ibidem gestis: eaque occasione de Albani reliquiis nonnulla interjecta. De Semipelagianismo inter Massilienses et Lirinenses caput attollente; et a B. Augustino atque Prospero editis scriptis refutato. Ut Nestoriani cum Pelagianis conspiraverint; et utrius, tum a concilio universalis Ephesino, tum a Celestino Romano pontifice, damnati fuerint . . . . . 354

## CAPUT XII.

Semipelagiani a Prospero scriptis refutati: Pelagiani a Xysto III. et Leone I. repressi. Britanni, a Scotis et Pietis conculcati, ab Aetio Romanæ militiae magistro auxilium frustra implorant. Idem fame confecti, recuperatis postea viribus hostes repellunt. De regibus eorum Constantino, et filio Constante Wintoniensi monacho, quid Britannica historia: de pace et rerum abundantia illis restituta, novaque vitiorum segete simul accrescente, quid Gildas tradat. Pelagiana heresis emergens in Istria a Leone Magno, in urbe Romana a B. Prospero, in Britannia a S. Germano et Severo prostrernitur. De S. Germani et Vortigerni Britannorum regis congressu fabulae: Anglo-Saxones a Britannis invitati, Hengisto et Horsa ducibus, in insulam adveniunt. Ex quibus Germaniae provinciis novi coloni ducti fuerint, et in quibus Britanniae locis conserderint. Tempus eorum adventus explicatum, et cum vicinorum Francorum in Gallias migratione comparatum. Quomodo, auctis viribus, ex amicis hostes effecti, Britannicam rempublicam et Ecclesiam oppresserint. De miserationum Britannorum reliquiis solum vertere coactis: eaque occasione, de eorum in Batavia, et Britannia Armorica colloca-tis sedibus . . . . . 418

## CAPUT XIII.

De Fausto Britanno Semipelagianorum coryphaeo, et conciliis Arelatensi atque Lugdunensi, quibus ille interfuit: de Gennadii quoque ecclesiasticorum dogmatum libello, et Lucidi Palinodia. De Gilda Albanio, Davide Menevensi, et Dubricio archiepiscopo. De Ambrosii Aureliani regno, et rebus gestis. De Gelasii Romani et Johannis Alexandrini scriptis contra Pelagianos editis: et Romanæ septuaginta episcoporum synodi decreto. De Godelberto presbytero, Paulino, Gundleo, Cadoco et Winwaloco. De Nazaleodo et Arthuro Britannorum regibus; persecutio-ne Saxonica, Gildæ Albanii et Cadoci Lancarvanensis exitu. De Iltuto, et ejus discipulis. De synodis Breviensi et Victoriana in Britannia habitis. De Badonico prælio, et nativitate Gildæ Badoniei . . . . . 488

CLEMENTISSIMO ET AUGUSTISSIMO

PRINCIPI CAROLO,

DEI GRATIA, MAGNÆ BRITANNIÆ, FRANCIÆ, ET HIBERNIÆ

REGI,

FIDEI DEFENSORI,

&c. &c.

---

SÆPIUS animo meo, Serenissime Princeps, oratoris obversabatur illud: “ Nescire<sup>a</sup> quid antea quam natus sis acciderit, id est semper esse puerum.” Indeque mihi insitum fuisse diffiteri non possum rerum gestarum et memoriae veteris ordinem cognoscendi singulare quoddam et prope incredibile desiderium. Quo in studio, quum exterarum gentium ἀρχαιολογιῶν mediocrem aliquam assecutus mihi visus fuisse intelligentiam: etiam illa cogitatio mentem meam identidem subiit; magnæ et inconsiderantiæ et imprudentiæ

<sup>a</sup> Cic. 1. in Orat.

notam non potuisse me effugere, si in alienis tantopere occupatus domestica negligerem, atque in ipsa patria peregrinus et hospes existerem. Sed obstitit rei summa obscuritas, ex antiquariæ, ut ita dicam, supellectilis defectu nata : qui hic tantus est, ut Britannicorum historicorum antiquissimus Gildas ante annos mille, et quod excurrevit, profiteri non dubitaverit ; hausisse se quæ tradiderat, “ non tam ex scriptis patriæ, scriptorum monumentis (quippe quæ, si qua fuerint, aut ignibus hostium exusta, aut civium exulum classe longius deportata, non compareant) quam transmarina relatione quæ, crebris irrupta intercapedinibus, non satis claret.”

Neque damnum hoc resarcire potuerunt vel Ninii (specioso Gildæ ipsius nomine fucata) collectanea ; vel liber ille Britannicus, quem a Gualtero Oxoniensi archidiacono ex Armorica advectum Galfridus Monemuthensis Latine translutit ; vel posteriorum etiam monachorum de veterum sanctorum actis commenta recentia, quorum lectoribus crebro illam Epicharmi insursum opus fuerit cantilenam<sup>b</sup> :

*Νῆφε, καὶ μέμναστ' ἀπιστεῖν<sup>c</sup>. ἄρθρα ταῦτα τῶν φρενῶν.*

<sup>b</sup> M. Cic. ad Attic. lib. 1. ep. 19. Vid. Polyb. lib. 17. pag. 768, et 945. edit. Græco-Latin. Casauboni.

<sup>c</sup> Nervos atque artus esse sapientiæ, non temere credere. Qu. Cicero ; de petit. Consulat.

At quum in fæcibus etiam istis aliquampiam demersam animadverterem veritatem, et in ipso sterilinio gemmam offendì potuisse non desperarem : purioris antiquitatis monumentis cum sequioris ævi illis alteris diligenter comparatis, e fodina ista præstantioris metalli ramenta aut stricturas aliquas eruere conatus sum. Sic tamen, ut sagenæ evangelicæ operam istam certo quodam consilio non absimilem esse voluerim, quæ “ jacta<sup>d</sup> in mare res cujusvis generis coegit : impletam vero subduxerunt in litus, et sedentes quæ bona erant in vase collegerunt, quæ autem putria foras procecerunt ;” ab æquo lectore nihil hic expectans aliud, quam quod suo jure sibi deposcebat nostrorum historicorum post Bedam præcipuus, Guilielmus Malmesburiensis bibliothecarius. “ Si<sup>e</sup> quis post me scribendi de talibus munus attentaverit ; mihi debeat collectionis gratiam, sibi habeat electionis materiam.”

Hoc autem, crasso licet filo contextum, opus tantæ majestatis patrocinio ut dicare auderem, incitamenta habui neque pauca neque levia. Primum, argumenti genus ipsum, in Ecclesiarum magnæ Britanniæ et Hiberniæ rebus explicandis occupatum, cujus clientelæ committendum potius

<sup>d</sup> Matth. cap. 13. ver. 47, 48.

<sup>e</sup> Guil. Malmesbur. de gest. Reg. Anglor. lib. 5.

fuerat, quam florentissimarum harum insularum summi Domini atque Monarchæ? Scriptum deinde, felicissimæ memoriae JACOBI regis jussu et auspiciis susceptum, eo ad meliorem vitam recepto, cui potiore jure debebatur quam præstantissimi parentis optimo hæredi; accedit et regiæ tuæ benignitatis recordatio, cuius fructus sæpe tuli lætos atque uberes: quæ cum me nexu et mancipio totum tuum effecerit, peculium etiam omne, et quicquid mei est, in tuam pariter traduxit potestatem. **DEUS OPTIMUS MAXIMUS**, regum suorum custos et vindex, “Vitam<sup>f</sup> tibi det prolixam, imperium securum, domum tutam, exercitus fortis, senatum fidelem, populum probum.” Veteris Ecclesiæ pro imperatoribus suis vota hæc solennia, pro tua et tuorum salute, redintegrat, et toto animi affectu Numini divino nuncupat

Serenissimæ Tuæ Majestatis

Servus humillimus,

JACOBUS ARMACHANUS.

<sup>f</sup> Tertullian. Apologetic. sect. 30.

## LECTORI.

---

QUOD de Gallicana, nobis proxima, ecclesia notavit nuper prætor Narbonensis Franciscus Bosquetus ; “ incertam longa antiquitate, et posteriorum commentis, originem” illius extitisse : idem in nostris quoque Britanicis verissimum fuisse comperimus. In quibus illud etiam locum habere negari non potest, quod de primis hujusmodi commentorum authoribus idem addidit : “ Primos, si verum amamus, hujusmodi zelotas monachos in Galliis habuimus. Illi simplici ac fervida, ideoque minus cauta et sæpe inconsulta, religione perculti, ad illicendas hominum mentes et augustiori sanctorum nomine ad eorum cultum revocandas, illustres eorum titulos, primum sibi, dein credulæ plebi personas proposuerunt. Ex horum officina Martialis Lemovicensis apostolatus, Ursini Bituricensis discipulatus, Dionysii Parisiensis areopagitica, Pauli Narbonensis proconsularis dignitas, amborum apostoli Pauli magisterium, et in aliis Ecclesiis similia, prodicere. Quibus quidem, sano judicio et constanti animo, Galli primum episcopi restitcre. At ubi ecclesiæ Gallicanæ parentibus, sanctissimis fidei præconibus, detractis his spoliis injuriam fieri mentibus ingenuis et probis persuasum est : paulatim error communis consurgere, et tandem antiquitate sua contra veritatem præscribere.” Hæc in primi ecclesiæ Gallicanæ historiarum libri editione prima (secunda enim tantam παρόησίαν ferre non poterat) cruditissimus Bosquetus.

Et in Britannia quidem ipsis apostolorum temporibus annunciatum fuisse Christi evangelium, authores habemus locupletissimos, Eusebium, Theodoretum, Arnobium ju niorem et Gildam Britannum: a Josepho vero Arima thæensi id fuisse præstitum, Glastoniensium monachorum traditio est; nec ita tamen antiqua, ut ante Normanica tempora certum aliquod in probatæ fidei scriptore quoquam deprehendi possit illius vestigium. De primo similiter Christiano Britannorum rege, in Beda et libro pontificali, B. Hieronymo et Damaso perperam attributo, prium legimus: Lucium regem Britannicum, missa ad Eleutherum Romanum episcopum epistola, illius opera Christianum effectum fuisse. Britannicæ consarcinato r historiæ, id satis esse non existimans, regulo hoc in Romanæ insulæ monarcham transformato, in urbibus illius XXVIII. totidem ab eo constitutos episcopos som niavit: cui et suum de Flaminibus et Archiflaminibus centonem Galfridus Monemuthensis deinde assuit. Neque quisquam fere locus repertus est illustrior, qui non a Lucio institutorum suorum vel originem vel amplificatio nem deinceps arcesseret.

Harum vero antiquitatum, sive verarum sive falsarum, reliquias ut undique dispersas sub uno aspectu ponerem; omnibus unum in locum coactis scriptoribus, ex ingenti immensoque isto campo quæ ad rem nostram spectare videbantur studiose excerpti: usu continuo ad laborem istum obdurescente et percalescente nostra patientia. Ac prium, ne quid hic me fugeret, editorum nostrorum historicorum antiquiores quideun, Gildam, Adamnanum, Bedam, Asserium Menevensem, integros, posteriores vero ubi videbatur opus, cum manuscriptis codicibus diligenter, nec sine fructu, contuli. In scripterum deinde nondum luci redditorum sylvam me abstrusi densam atque asperam: quorum, præ aliis, maximam mihi suppeditavit copiam bibliotheca illa Cottoniana nobilis; quæ una ad Britannicæ gentis historiam perficiendam plura confert admini

cūla, quam omnes omnium aliæ junetæ simul. Ea vero amieissimi D. Roberti Cottoni (quem ut antiquitatum suarum promum conduxim semper celebrabit Britannia) summa humanitate, non minus quam mea ipsius et olim patuit, et eontinuata D. Thomæ filii ipsius tum in equestri ordine atque baronetti dignitate, tum in bibliothecæ conservandæ et augendæ eura, successoris unici benevolentia adhue patet; Isoeraticæ illius monitionis hie eerte non immemoris. Πρέπει<sup>a</sup> τοὺς παῖδας, ὥσπερ τῆς οὐσίας, οὕτω καὶ τῆς φιλίας πατρικῆς κληρονομεῖν.

In nostra autem hac ex omni scriptorum genere promiscue congesta farragine, si quis obseuriorum aut minus spectatæ fidei authorum subinde hic citata mirabitur testimonia: cogitare illum velim, aliud esse historiam sibi, aliud materiam hinc inde convehere, unde delectu adhibito sylvam dicendi historicus possit ducere; et ut de fide narrationis rectius judicare quis possit, interesse sæpenumero, ut quam obscuris et novitiis illa nitatur authoribus, clare intelligat. Alioqui non ita nos judicii inopes existimare quis debet, ut Galfridum Monemuthensem, aut Hectorem Boethium, aut ex infimis subselliis testem aliquem alium advoearemus; si in antiquiore aut melioris notæ aliquo quod ab ipsis traditum est reperiri potuissest chronographo.

Quod si frivola etiam nonnulla, dubia multa, et falsa quoque non pauca, eommemorata hic objectet alias: de frivolis responsum hoc a Flavio Vopisco accipiat, in Aurelianico suo. “ Frivola hæc fortasse cuiquam et nimis levia esse videantur: sed euriositas nihil recusat.” De dubiis, ex elarissimi Junii Manilianis, hoc habeat alterum: “ me nee multis rebus ejusmodi eredere, nec credendas obtrudere cuiquam, sed legendas probandasque iudicio

<sup>a</sup> Ut rei familiaris, sic et amicitiae paternæ liberis capienda est hæreditas. Isocrat. ad Demonic.

certo.” Valdeque mihi placere sciat Euripidis illam sententiam:

Σώφρονος δ' ἀπιστίας  
Οὐκ ἔστιν οὐδὲν χρησιμότερον βροτοῖς.

Nam ad aperte falsa quod attinet: non parum etiam lectoris interesse putabam, ex isto ut cognosceret specimine, quam fœdis ineptiis sanctorum vitas totamque Ecclesiæ historiam ætas superior contaminaverit; atque novorum miraculorum et visionum obtentu, hominum simplicitati illuserit. Ita, de S. Albani corpore inter Verolamienses et Colonieuses cœnobitas lite orta, miracula miraculis opposita; et in consimili de B. Patricii reliquiis inter Glastonienses et Dunenses monachos controversia, ab utraque parte visiones productas hic videbit visionibus contrarias. In iis enim percensendis quæ ex Elizabethæ Schonaugiensis et Richardi Præmonstratensis revelationibus de Ursulanis virginibus retulimus, quis tam patientis fuerit stomachi, ut Apuleianum illud sæpius usurpare non cogatur? “ Nihil<sup>c</sup> hac fabula fabulosius, nihil isto mendacio absurdius.”

Et tamen, ne nullam solidioris materiae partem compare hic uspiam morosulus quispiam criminaretur: haereseos Dei gratiam impugnantis, a Pelagio Britanno ab inferis primum excitatae et Fausti Britanni novo mangonio denuo Christiano orbi venditatæ, historiam secundum ordinem temporum digestam placuit interjicere. Nam “ licet hæc ficus fatua toties sit præcisa, toties eradicata, toties combusta, incinerata et usque ad nihilum conculcata; quam late tamen et dense adhuc non desinit germinare, et sua vitulamina vitiosa (quanto subtilius solito,

<sup>b</sup> Prudenti incredulitate nihil est mortalibus utilius. Euripid. in Helena, ver. 1637.

<sup>c</sup> L. Apulei. Metamorphos. lib. I.

tanto periculosius) propagare," et Thomas Bradwardinus<sup>d</sup> conquestus est olim, et uos hodie non sine causa conquerimur. Sicubi vero, vel in hoc, vel in argumuento illo altero, aliorum expectationi minus satisficerim: occupationes quibus indies distineor maximæ, aliquid excusationis ab æquis, ut spero, rerum æstimatoribus impetrabunt. Dublinii, anno CIC XC XXXIX. IV. Nou. August.

<sup>d</sup> Bradwardin. Præfat. in libros de causa Dei contra Pelag.



# BRITANNICARUM ECCLESIARUM

## ANTIQUITATES.

### CAPUT I.

Britanni ante acceptam fidem Christianam idololatram. De apostolis, qui in Britannicis insulis evangelium primi prædicasse dicuntur: Jacobo Zebedæi, Simone Zelota, Simone Petro, et B. Paulo. De Aristobulo item, et Claudia Britanna.

PRISCÆ illius ignorantiae<sup>a</sup> temporibus, quæ salutarem Christi adventum præcesserunt, Britanos et Hibernos nostros communem reliquarum gentium sortem subiisse, id est, “fuisse<sup>b</sup> absque Christo, alienos a republica Israelis, et extraneos quod ad fœdera promissionis attinet, spem non habentes, et sine Deo in mundo:” non est quod quisquam dubitet. “Neque enim Britannia fertilis provincia tyrannorum,” inquiebat olim impius Porphyrius<sup>c</sup>, “et Scoticæ gentes omnesque usque ad oceanum per circuitum barbaræ nationes Moysen prophetasque cognoverant.” Neque minus falluntur viri<sup>d</sup> docti, qui Britanos a Druyibus suis in unius Dei cultu semper institutos fuisse tradunt, quam nugatus est Postellus, quem ab He-

<sup>a</sup> Act. cap. 17, ver. 30.

<sup>b</sup> Ephes. cap. 2, ver. 12.

<sup>c</sup> Apud Hieronymum ad Ctesiphontem advers. Pelag.

<sup>d</sup> Camden. Britann. pag. 47, 48. edit. Londini ann. 1607. Fr. Godwin. de convers. Britann. cap. 3. part. 23. apud quem Origenes pro Tertulliano est reponendus.

bræis<sup>e</sup> Hibernorum originem conatus est arcere. Nam et Origenes<sup>f</sup>, quem illi authorem citant, plane contrarium indicat, “ terram Britanniæ ante adventum Christi in unius dei religionem” minime consensisse: nominatim vero Andrasten sive Andaten, Victoriæ deam, Dio Cassius<sup>g</sup>, Apollinem et Dianam alii a Britannis coli consueuisse prodiderunt: et de eorum idolomania gentilis ipsorum Gildas tam clarum perhibet testimonium, ut res in quæstionem vocari non debeat. Sic enim ille: “ Igitur omit tens priscos illos communesque cum omnibus gentibus errores, quibus ante adventum Christi in carne omne hum anum genus obligabatur adstrictum; nec enumerans patriæ portenta ipsa diabolica, pene numero Egyptiaca vincentia, quorum nonnulla lineamentis adhuc deformibus intra vel extra deserta mœnia, solito more rigentia torvis vultibus intuemur: neque nominatim inclamitans montes ipsos, aut colles, vel fluvios, olim exitiales, nunc vero humanis usibus utiles, quibus divinus honor a cæco tunc populo cumulabatur, &c.” Ut de illorum temporum miserrima, et subsequentium felicissima conditione, in epitaphio Nepotiani B. Hieronymus pronuntiare non dubitaverit. “ Ubi<sup>h</sup> tunc totius orbis homines, ab India usque ad Britanniam, a rigida septentrionis plaga usque ad fervores Atlantici oceanii tam innumerabiles populi, et tantarum gentium multitudines;

Quam<sup>i</sup> variae linguis, habitu tam vestis et armis?

Piscium ritu ac locustarum, et velut muscæ et culices contrebantur; absque notitia enim sui Creatoris, omnis homo peccus est. Nunc vero passionem Christi, et resurrecti onem ejus, cunctarum gentium et voces et literæ sonant.”

Nam quum temporum plenitudo advenisset, “ mysterium<sup>k</sup> quod a temporibus seculorum tacitum fuit, factum est manifestum, et per Scripturas propheticas ex imperio

<sup>e</sup> Camden. Hibern. pag. 726.

<sup>f</sup> Orig. in Ezechiel. homil. 4.

<sup>g</sup> Xiphilin, epitom. in Neron. Vid. Cambden. in Somersetshire, pag. 170. et in Yorkshire, pag. 563. et Jo. Selden. ad marmora Arundelliana, pag. 176. Vid. Laurent. Pignor. Symbol. epistolic. cap. 23. pag. 77, 78.

<sup>h</sup> Hieron. ad Heliodor. epist. 3.

<sup>i</sup> Eneid. lib. 8. ver. 723.

<sup>k</sup> Rom. cap. 16. ver. 25, 26.

æterni Dei ad obedientiam fidei omnibus gentibus declaratum." Indeque iis qui in tenebris et umbra mortis erant positi, lumen illud gentibus patefaciendum affulsit: de quo apud prophetam Deus; "Constitui<sup>l</sup> te ut sis lux gentium, ut sis saluti usque ad fines terræ." Christo enim apostolis suis imperante, ut<sup>m</sup> profeti in mundum universum, prædiearent evangelium omni creaturæ; egressi illi prædiearunt ubique, ita ut nullum loeum cœlesti doctrinæ oceultum esse sinerent; "μὴ νήσους, μὴ ἥπερον, μηδὲ εἴτινα τρίτην ἀνθρώπους κατοικίαν ἡ φύσις ἐδίδον, non insulas, non continentem, non si quam tertiam habitationem hominibus natura eonecessit:" quemadmodum Gregorius<sup>n</sup> Nyssenus loquitur. Atque ita compleatum est quod per Esaiam olim Deus prædixerat: "Mittam<sup>o</sup> ex eis ad gentes in oceano, insulasque remotissimas, quæ non audiverant famam meam, neque viderant gloriam meam, ut indieent gloriam meam in gentibus." Nam "verbum Dei," Augustini verba hæc sunt<sup>p</sup>, "non in sola continentia terra prædicatum est; sed etiam in insulis, quæ constitutæ sunt in medio mari: et ipsæ plenæ Christianis, plenæ sunt servis Dei. Non enim separat mare eum, qui feeerat mare. Quo naves possunt aeedere, verba Dei non possunt?"

Et quidem a primo exortu Evangelii suscepisse Britanos Christi fidem, illa Gildæ satis indieant; "Interea glaciali frigore rigenti insulæ, et velut longiore terrarum seeessu soli visibili non proximæ verus ille non de firmamento solum<sup>q</sup> temporali, sed de summa etiam cœlorum arce tempora euneta excedente, universo orbi præfulgidum sui eoruseum ostendens tempore, ut seimus, summo Tiberii Cæsaris (quo absque ullo impedimento ejus propagabatur religio eominata, senatu nolente, a princeper<sup>r</sup> morte delatoribus<sup>s</sup> militum ejusdem) radios suos primum indulget, id est, sua præcepta Christus. Quæ licet ab

<sup>l</sup> Esai. cap. 49. ver. 6. Act. cap. 13. ver. 47.

<sup>m</sup> Marc. cap. 16. ver. 15, 20. cum Coloss. cap. 1. ver. 23.

<sup>n</sup> Orat. in Petrum et Paulum, edit. Ingolstad. 1620.

<sup>o</sup> Esai. cap. 66. ver. 19. Vid. Lyran. in Psal. 97. ver. 1. multitudine insularum, de Anglia et Hibernia.

<sup>p</sup> in expositione Psal. 96. op. tom. 4. pag. 1043.

<sup>q</sup> al. Sol.

<sup>r</sup> Tiberio scil.

<sup>s</sup> i. e. accusatoribus Christianorum.

incolis tepide suscepta sunt; apud quosdam tamen integre, et alios minus, usque ad persecutionem Diocletiani permansere." Hæc Gildas; ubi quod de tempore summo Tiberii dicit, ex Eusebii chronicō exponendum est: in quo ad annum vel ultimum, vel penultimum Tiberii annotatum est, " Pilato de Christianorum dogmate ad Tiberium referente, Tiberius retulit ad senatum, ut inter cætera sacra reciperetur. Verum quum ex consulto patrum, Christianos eliminari urbe placuisset; Tiberius per edictum accusatoribus Christianorum comminatus est mortem. Scribit Tertullianus in apologetico."

Verba Tertulliani<sup>t</sup> hæc sunt; "Tiberius, cuius tempore nomen Christianum in sæculum introivit, annunciatum sibi ex Syria Palæstina, quod illic veritatem illius divinitatis revelaverat, detulit ad senatum cum prærogativa suffragii sui. Senatus, quia non in se probaverat, respuit. Cæsar in sententia mansit, comminatus periculum accusatoribus Christianorum." Subdit Eusebius libro secundo historiæ ecclesiasticæ, capite tertio, Ruffino interprete. "Quod profecto divina providentia ita tunc Cæsaris sensibus ingessit, ut absque ullo obstaculo, in ipsis dunataxat initiis Evangelii sermo usquequaque percurreret. Unde et factum est, ut repente quasi cœlitus lumen ostensum, aut radius quidam solis erumpens, totum orbem claritate superni luminis illustraret: ut completeretur illa prophetia quæ dixerat, *In omnem terram exivit sonus eorum, evangelistarum scilicet et apostolorum, et in fines orbis terræ verba eorum.* Ex quo et per omnes civitates ac vicos, immensæ multitudines, velut messium tempore frumenta ad areas, ita ad Ecclesias populi congregabantur." "Congregatio<sup>w</sup> Christianorum in omne hominum penetravit genus; nec ulla natio Romani orbis remansit, quæ cultus ejus expers relinqueretur." Mία<sup>x</sup> ἡ ἐκκλησία, ἣν ἰδρύσαντο οἱ ἄγιοι ἀπόστολοι ἀπὸ περάτων ἔως περάτων ἐν τῷ αἰματὶ τοῦ Χριστοῦ, οἰκείους ἴδρωσι καὶ πόνοις.

<sup>t</sup> Tertul. apol. cap. 5. op. pag. 6.

<sup>u</sup> Psal. 94. ver. 4. Rom. cap. 10. ver. 18.

<sup>v</sup> Hegesippus vel Ambrosius potius, lib. 2. de Excid. Hierosol. cap. 12.

<sup>x</sup> Interpolator epistolæ Ignatii ad Philadelph. ed. Coteler. tom. 2. pag. 77.

Hinc Arnobius<sup>y</sup> “ Tam velociter currit sermo ejus ut, cum per tot millia annorum in sola Judæa notus fuerit Deus, nunc intra paucos annos, nec ipsos INDOS lateat a parte orientis, nec ipsos BRITONES a parte occidentis. Ubique cucurrit velociter sermo ejus.” Gildas vero inter tempus hoc summum Tiberii Cæsariis, quo lumen Evangelii per universum terrarum orbem spargi cœptum est, et rem a Romanis, (post acceptam a Boadicia regina, quam Leænam ille appellat dolosam, cladem illam maximam) adversus Britannos gestam, de qua proxime verba fecerat ; hoc est, inter XXXVI. vulgatae nostræ æræ Christianæ annum, et LXI. (quo a Paulino Suetonio recuperata iterum provincia est, cæsis Britannorum octoginta millibus) veritatis suæ radios Britanniæ primum indulsisse Christum significat. Unde inter gentes apostolorum ministerio ad fidem conversas, Britannos quoque connumerat Theodoreus libro nono ‘Ελλήνων παθημάτων θεραπευτικῆς. Οἱ δὲ ἡμέτεροι ἀλιεῖς, inquit, καὶ οἱ τελῶναι, καὶ ὁ σκυτοτόμος ἄπασιν ἀνθρώποις τοὺς εὐαγγελικοὺς προσενηρόχασι νόμους· καὶ οὐ μονον’ Ῥωμαίους καὶ ὑπὸ τούτοις τελοῦντας, ἀλλὰ καὶ τὰ Σκυθικὰ καὶ τὰ Σανδροματικὰ ἔθνη, καὶ Ἰνδοὺς καὶ Αἰθίοπας, καὶ Πέρσας καὶ Σῆρας, καὶ Υρκανοὺς, καὶ Βακτριανοὺς, καὶ Βρεττανοὺς, καὶ Κίμβρους, καὶ Γερμανοὺς, καὶ ἀπαξιπλῶς πᾶν ἔθνος καὶ γένος ἀνθρώπων, δέξασθαι τοῦ σταυρωθέντος τοὺς νόμους ἀνέπεισαν. Nostri illi piscatores ac publicani, sutorque ille noster, cunctis nationibus legem evangelicam detulerunt. Neque solum Romanos, quiique sub Romano vivunt imperio, sed Scythes quoque ac Sauromatas, Indos præterea, Æthiopas, Persas, Seras, Hyrcanos, BRITANNOS, Cimmerios et Germanos, utque semel dicatur, omne hominum genus, nationesque omnes induxerunt crucifixi leges accipere.” Sed quisnam ex illo apostolorum choro ad Britannicas nostras insulas accesserit ; non eadem est omnium authorum sententia.

S. JACOBUM Zebedæi filium, fratrem Johannis, abiisse in occidentem, multaque iis locis fecisse miracula ; ex Anastasii patriarchæ Antiocheni libro de passionibus mar-

tyrum, Arabice scripto, quidam<sup>z</sup> referunt. Eundem “ Hispaniae et occidentalium locorum populis evangelium prædicavisse, et in occasum mundi luceni prædicationis infusisse” tradit etiam Isidorus in libro de patribus utriusque Testamenti<sup>a</sup> et eum secutus Freculphus Lexoviensis<sup>b</sup>, “ Primum<sup>c</sup> omnium apostolorum prædicavisse in oris occidentalibus” asserit quoque author chronicus, quod Maximi Cæsaraugustani episcopi circumfertur nomine. Britannis, ille qui Flavii Lucii Dextri larvam induit, Hibernis Vincentius Bellovacensis prædicavisse illum affirmat. Sic enim prior in chronicis, ad annum Christi XLI. “ Rediens Jacobus Gallias invisit, ac Britannias, ac Venetiarum<sup>d</sup> oppida, ubi prædicat; ac Hierosolymam revertitur, de rebus gravissimis consulturus beatam Virginem et Petrum.” Posterior, in speculo historiali<sup>e</sup>, (in Basileensi etiam concilio, ab Alphonso Garsia de sancta Maria, Castellani regis oratore, productus) ita: “ Apostolis diversa cosmi climata adeuntibus, nutu Dei Jacobus Hiberniae oris appulsus, verbum Dei prædicavit intrepidus, ubi septem discipulos elegisse fertur: scilicet Torquatum, Secundum, Indalecium, Tisephontem, Eufrasium, Cecilium, Isichium, quorum collegio lolium extirparet, ac telluri aridæ et diu sterili semina verbi Dei committeret. Cumque dies immineret supremus, Hierosolymam cum eis perrexit, ibique martyrium subiit.”

Verum Jacobum ab Herode occisum, priusquam apostoli divisi essent in “ diversa cosmi climata” (ut cum Turpinof loquitur Vincentius) ostendunt alii<sup>g</sup>: et quos ipse Vincentius secutus est authores. Turpinus in vita Caroli Magni, et Calixtus II, in libro de miraculis S. Jacobi apostoli, et translatione corporis ejus (si tamen idem utriusque operis author non fuerit) non in Hibernia, sed

<sup>z</sup> Johan. Mariana, de adventu Jacobi in Hispaniam, cap. 7.

<sup>a</sup> cap. 72.

<sup>b</sup> Chronicorum tom. 2. lib. 2. cap. 4.

<sup>c</sup> Maxim. chronic. ad annum Christi 583.

<sup>d</sup> Vannes in Britannia Armorica. Vid. infra cap. 16.

<sup>e</sup> lib. 8. cap. 7.

<sup>f</sup> Turpin. de gestis Caroli magni cap. 1.

<sup>g</sup> Vid. Baronium, annal. tom. 1. ann. 44. sec. 1. cap. 14.

in Galæcia ista facta referunt. “ Novem discipulos in Galæcia,” ait in præfatione sua Calixtus<sup>b</sup>, “ dum adhuc vi- veret, apostolus elegisse dicitur: quorum septem, aliis duobus in Galæcia prædicandi causa remanentibus, cum eo Hierosolymis perrexerunt, ejusque corpus post passio- nem per mare ad Galæciam deportaverunt. De quibus beatus Hieronymus in suo martyrologio sic dixit, ac beato Chromatio scripsit: quod sepulto in Galæcia beati Jacobi corpore, ab apostolis Petro et Paulo infulis episcopalibus apud Romam ordinantur, et ad prædicandum Dei verbum ad Hispanias, adhuc gentili errore implicatas, diriguntur. Tandem vero prædicatione sua innumeris gentibus illus- tratis, Torquatus Acci, Tisephon<sup>k</sup> Vergi, Secundus Abu- læ, Indalecius Ursi, Cæcilius Eliberri, Esicius<sup>l</sup> Carsecæ, Eufrasius Eliturgi, scilicet Idibus Maii quieverunt.”

Et ita sane in martyrologio Romano (quod Hieronymi<sup>m</sup> nomine olim editum, supposita<sup>n</sup> quoque ejusdem ad Chromatium et Heliodorum epistola, confirmat Baronius) ut et in Bedæ, Usuardi, Notkeri et Adonis martyrologiis, ad Idus Maii, legimus; “ Romæ hos a sanctis apostolis epis- copos ordinatos, et ad prædicandum verbum Dei in His- panias directos esse: cumque diversis urbibus evangeli- zassent, et innumeras multitudines Christi fidei subjugas- sent;” tandem in dictis Hispaniae locis quievisse. In ve- tere Romanæ Ecclesiæ martyrologio, quod suo præfixit Ado, non aliud de illis dicitur, quam quod “ Romæ ab apostolis<sup>o</sup> ordinati sunt.” In Britannico vero<sup>p</sup>, quod de- scribendum curavit Ricemarchus Sulgeni Menevensis episcopi filius, ne nominantur quidem. In apostolorum tamen catalogo, qui epistolæ ad Chromatium et Heliodo-

<sup>b</sup> MS. in bibliotheca Collegii Benedicti Cantabrig. et Coll. Baliol. Oxon. et D. Roberti Cotton.

<sup>k</sup> al. Ctesiphon.

<sup>l</sup> al. Hesychius.

<sup>m</sup> Baron. de Martyrolog. Rom. cap. 9.

<sup>n</sup> Ibid. cap. 5, 6, 7.

<sup>o</sup> Petro, sc. et Paulo, ut habet Gregorius VII. lib. 1. Registr. epist. 64.

<sup>p</sup> Habetur MS. in bibliotheca D. Guil. Bedelli Kilmorensis apud nos epis- copi.

rum ibi subjicitur, de Jacobo legitur: “ Hic Hispaniæ, et in occidentalia loca prædicavit: et sub Herode gladio cæsus occubuit.” Addit Ordericus Vitalis Uticensis monachus, libro secundo ecclesiasticæ historiæ, septem ipsius discipulos cadaver ejus in Hispaniam detulisse, “ et a rege Galiciæ susceptos, primum fidem et religionem Hiberis prædicavisse.” An pro Hiberis Vincentius alicubi Hibernis exaratum repererit, aliis conjiciendum relinqu: certe hujusmodi aliquo errore dictos Jacobi discipulos ad Hiberniam translatos esse, a vero non est absimile.

**SIMONEM ZELOTEM** evangelii doctrinam “ ad occidentalem oceanum, Britannicasque insulas” pertulisse, author est Nicephorus<sup>q</sup> Callisti. Eundem “ in Britannia crucifixum, occisum et sepultum esse,” tradit in synopsi Dorotheus: astipulantibus etiam Graecorum menologiis<sup>r</sup>. In quibus ad Maii diem decimum de Simone ita scriptum legimus. “ Υστερον δὲ ἐν Βρετανίᾳ γενόμενος, καὶ πολλοὺς τῷ λόγῳ τοῦ εὐαγγελίου φωτίσας, ὑπὸ τῶν ἀπίστων σταυρωθεὶς καὶ τεθεὶς θάπτεται ἐκεῖ. Postremo in Britanniam profectus, cum multos evangelii verbo illustrasset, ab infidelibus crucifixus, illuc sepultus est.” In martyrologio tamen et breviario Romano, ut et in Bedæ, Usuardi, atque Adonis martyrologiis, ad Octobris diem octavum et vigesimum in Perside martyrium subiisse legitur.

**SIMONEM PETRUM**, “ duodecim quidem annos esse versatum in oriente, viginti autem et tres annos transegisse Romæ, et in Britannia, et in civitatibus quæ sunt in occidente,” retulit alicubi Eusebius Pamphili; siquidem Simeoni Metaphrastæ credimus. Apud<sup>s</sup> quem etiam legimus, Petrum in Britannia “ longo tempore fuisse moratum, et multas gentes non nominatas attraxisse ad fidem Christi;” ad extremum vero, cum “ verbo gratiæ multos illuminasset, et ecclesias constituisset, episcopos et pres-

<sup>q</sup> *Niceph. hist. ecclesiast. lib. 2. cap. 40.*

<sup>r</sup> *Menolog. tom. 2. Antiqu. lect. Henr. Canisii. Antholog. Græc. edit. Rom. ann. 1598. pag. 406. et Menais edit. Venet. ann. 1588.*

<sup>s</sup> *Metaphrast. commentar. de Petro et Paulo, ad diem 29. Junii, de quo vid. Baron. annal. tom. 1. an. 61. sec. 4.*

byteros et diaconos ordinasset, XII. anno Cæsaris Neronis rursus Romam reversam esse.”

S. PAULUM doctorem Gentium τὸν τὴν οἰκουμένην σταδεύσαντα, καὶ τῷ περὶ πίστεως δρόμῳ τὸν κόσμον μικρὸν ἀποφήναντα, (ut de eo loquitur Basilius Seleuciensis) “ab oceano usque ad oceanum cucurrisse,” affirmat Hieronymus<sup>u</sup>: “imitantem Dominum suum et solem justitiae, de quo legimus; *A<sup>w</sup> summo cælo egressio ejus, et occursus ejus, usque ad summum ejus*, ut ante eum terra deficeret quam studium prædicandi:” et post primam apologiam, cuius ipse in posteriore ad Timotheum epistola meminit, a Nerone dimissum, evangelium<sup>x</sup> Christi in occidentis quoque partibus prædicavisse. Verba apostoli<sup>y</sup> sunt: “In prima mea defensione nemo mihi adfuit; sed omnes me dereliquerunt. Non illis imputetur. Dominus autem mihi adstitit, et confortavit; ut per me prædicatio impleatur, et audiant omnes gentes.” In quem locum Theodoretus: “Quando,” inquit, “appellatione usus, Romam a Festo missus est, defensione audita fuit absolutus, et in Hispaniam profectus est, et ad alias gentes excurrens, eis doctrinæ lucem attulit;” atque, ut alibi addit idem<sup>z</sup>, “Insulis quæ in mari jacent, utilitatem attulit.” Unde de eo Venantius Fortunatus<sup>a</sup>:

Transiit Oceanum, vel qua facit insula portum,  
Quasque Britannus habet terras, quasque ultima Thule.

Et Sophronius patriarcha Hierosolymitanus, in sermone de natali apostolorum, Paulum Hispanis et Britannis evangelium prædicasse significat: quod tamen ex aliorum<sup>b</sup>

<sup>t</sup> Terræ habitabilis stadia percurrentem, et cursu pro fide suscepto mundi angustias demonstrantem. Basil. Seleuc. orat. 2. (sive de Adamo I.)

<sup>u</sup> Hieron. com. in Amos, cap. 5. <sup>w</sup> Psal. 19. ver. 6.

<sup>x</sup> Hier. in catal. Script. eccl. in Paulo, et Hilduinus in Areopag. et Ado in libello de festiv. apost.

<sup>y</sup> 2 Tim. cap. 4. ver. 16, 17.

<sup>z</sup> Theodoret. in Psal. 116.

<sup>a</sup> libro 3. de vita Martini.

<sup>b</sup> Madgeburgens. Centur. 1. lib. 2. cap. 2. Rob. Person. de 3. convers. Anglia, part. 1. cap. 1. sec. 22. Jo. Pits. tom. 1. relat. Anglic. pag. 11.

fide refero, mihi enim ipsi auctorem videre nondum contigit. Vetus quoque interpres sermonis Chrysostomi<sup>c</sup> de Pentecoste, ab Hispaniis “in ultimas partes” terrae cum cucurrisse innuit. Denique “tanquam<sup>d</sup> cœlestis quædam volucris orbem habitabilem circumcirca peragrans; triginta<sup>e</sup> et quinque annis evangelico pro Christo certamine peracto,” ut scribit Nicephorus, Romæ demum sub Neroni martyrio cursum consummavit.

Aristobulum quoque cuius ipse in epistola ad Romanos<sup>f</sup> meminit, Britannorum episcopum a Paulo ordinatum, in Menæis Græcorum invenio: ubi Aristobuli ad decimum quintum diem Martii, hujusmodi fit commemoratio: “Οὐτος οὖν εἰς τῶν ἐβδομάκοντα μαθητῶν, ἡκολούθησε δὲ τῷ ἀγίῳ ἀποστόλῳ Παῦλῳ, κηρύττων τὸ εὐαγγέλιον εἰς πᾶσαν τὴν οἰκουμένην διακονῶν αὐτῷ· ὑφ' οὗ καὶ χειροτονεῖται ἐπίσκοπος εἰς τὴν τῶν Βρετανῶν χώραν, ἀγρίων ἀνδρῶν καὶ ωμοτάτων παρ' ᾧ ποτὲ μὲν τυπτόμενος, ποτὲ δὲ καὶ κατὰ τῆς ἀγορᾶς συρόμενος, πολλοὺς ἔπεισε τῷ Χριστῷ προσελθεῖν· ὅθεν καὶ ἐκκλησίας συστησάμενος, καὶ πρεσβυτέρους καὶ διακόνους ἐν αὐτῇ καταστήσας, ἐτελειώθη. E septuaginta discipulis erat hic unus, sequutus est autem S. Paulum, prædicans evangeliū, et ubique terrarum ministrans illi. A quo et episcopus ordinatus est in Britannorum regionem, ferorum

<sup>c</sup> Tom. 3. Latin. edit. Paris. ann. 1546. et Basil. ann. 1558.

<sup>d</sup> Οἴα τις πτηνὸς αἰθέριος ὁ Παῦλος διέθει, κύκλῳ διατρέχων τὴν οἰκουμένην. Nicephor. Callist. ecclesiast. histor. lib. 3. cap. 1. καθάπερ ὑποπτερός τις πᾶσαν διαέραμψ τὴν οἰκουμένην ἐσαγήνευσε. Menæa Græc. Jun. 29.

<sup>e</sup> Πᾶσαν σχεδὸν τὴν γῆν διελθών, καὶ ἐπὶ πίντε καὶ τριάκοντα ὑπὲρ Χριστοῦ τῷ εὐαγγελίῳ διαθλεύσας ἐμαντοῖς. Niceph. hist. eccles. lib. 12. cap. 31. Vix triginta annorum spatio et Romanos, et Persas, et Parthos, et Medos, et Indos, et Scythas, et Sauromatas, et Saracenos, et omne prorsus humanum genus sub jugum mitteret veritatis, &c. Chrysost. homil. 4. de laudib. Pauli. Clemens in epistola ad Corinthios pag. 8. de eodem: Κῆρυξ γενόμενος ἐν τῷ ἀνατολῇ καὶ ἐν τῷ δύσει, τὸ γεννυῖον τῆς πίστεως αὐτοῦ κλέος ἔλαβεν δικαιοσύνην διέάξαι ὅλον τὸν κόσμον, καὶ ἐπὶ τὸ τέρμα τῆς δύστεως ἐλθὼν, καὶ μαρτυρήσας ἐπὶ τῶν ἡγουμένων, οὕτως ἀπηλλάγη τοῦ κόσμου. In oriente ac occidente verbi præco factus, illustrem fidei suæ famam sortitus est, in justitia mundum universum instruens, et ad occidentis terminos veniens, et sub imperatoribus martyrium subiens, sic e mundo migravit.

<sup>f</sup> Rom. cap. 16. ver. 10.

et sœvissimorum hominum. A quibus aliquando quidem verberibus affectus, aliquando etiam per forum traetus, multis persuasit ut Christo se adjungerent. Unde et ecclesiis constitutis, et presbyteris et diaconis in ea ordinatis, vitam consummavit."

Similiter et apud Dorotheum in synopsi, Aristobulum episcopum Britanniæ factum fuisse legimus: et in fragmendo, quod Heleæ Cæsaraugustani episcopi nomine habetur editum: "Britannis-elebris est memoria multorum martyrum, præcipue S. Aristobuli unius de LXXII. discipulis, qui dictus est etiam Zebedæus (Pater Jacobi, et Joannis martyris, Mariæ Salome) qui eum Petro Romanum petivit. Inde reletis domesticis suis, missus in Angliam episcopus, occubuit martyr in secundo anno imperatoris Neronis sœvissimi." Ita enim pagina 108. editionis Cæsaraugustanae habetur. Verum quæ parenthesi inelusimus, sic sunt corrigenda: "Pater Jacobi et Joannis, maritus Mariæ Salomes." In sequente enim pagina, Coneordia Petri apostoli uxor, Aristobuli et Salomes filia fuisse perhibetur. "S. Petrus," inquit author, "in honore habetur in Hispaniis, et ejus uxor Coneordia passa Romæ sub Nerone, non multo prius quam ipse pateretur. Fuit hæc, ut docet M. Maximus in commentariis ad epistolam S. Petri, filia Aristobuli vel Zebedæi, et Salomes; soerus etiam Andreæ, qui duxit alteram sororem Coneordiæ, et Jacobi et Joannis. Fuit autem Aristobulus cognomento Zebedæus, frater Barnabæ apostoli Domini." Hæc ille: cui de Petro, dueente in uxorem filiam Aristobuli, fratris Barnabæ apostoli, astipulantur etiam Graeci apud Metaphrastam in commentario de Petro et Paulo, et in Menæis, ad XXIX. Junii diem.

In fine posterioris<sup>g</sup> ad Timotheum epistolæ, commemo-  
rantur simul ab apostolo Pudens, et Linus, et Claudia.  
Linum, primum Ecclesiæ Romanæ episcopum a Paulo or-  
dinatum, Claudiæ filium fuisse innuit Pseudo-Clemens<sup>h</sup>.  
Patrem vero Lini Herculanium quendam fuisse liber pon-

<sup>g</sup> 2 Tim. cap. 4. ver. 21.

<sup>h</sup> lib. 7. Constitutionum apostolicarum, cap. 47.

tificalis asserit. Nostri Claudiam natione Britannam, et Pudentis uxorem fuisse, ex Martiale poeta colligunt: qui<sup>i</sup> de Claudia ita cecinit:

Claudia cœruleis cum sit Ruffina Britannis  
 Edita, cur Latiae pectora plebis habet?  
 Quale decus formæ? Romanam credere matres  
 Italides possunt, Attides esse suam.  
 Dii bene, quod sancto peperit fœcunda marito  
 Quot sperat generos, quotque puella nurus.  
 Sic placeat superis, ut conjugé gaudeat uno,  
 Et semper natis gaudeat illa tribus.

Atque iterum<sup>k</sup> de nuptiis Pudentis et Claudiæ:

Claudia, Rufæ, meo nubit peregrina Pudenti;  
 Macte esto tædis, o Hymenæ, tuis.  
 Tam bene rara suo miscentur cinnamia nardo,  
 Massica Thesæis tam bene vina favis.  
 Nec melius teneris junguntur vitibus ulmi,  
 Nec plus lotos aquas, littora myrtus amat.  
 Candida perpetuo reside Concordia lecto,  
 Tamque pari semper sit Venus æqua jugo.  
 Diligat ipsa senem quandam: sed et illa marito  
 Tunc quoque cum fuerit, non videatur anus.

Quod epigramma cum ad Rufum de Pudente scriptum fuerit: Thomas Dempsterus<sup>l</sup>, homo multæ lectionis, sed nullius plane judicii, ipsi Pudenti nomen etiam Rufi apposuit, ut inde fortasse disceremus, quare uxor illius “Claudia Romano cognomento assumpto Rufina dicta” fuerit: pari nempe acumine, quo eandem Claudiam “inter matronas laude continentiae clarissimas numerare Plutar-chum<sup>m</sup>” idem asserit: cum is Κλαυδίας τῆς παλαιᾶς Claudiæ illius prisæ, Vestalis utique illius nominatissimæ,

Quæ<sup>n</sup> contra satis Albulam tumentem  
 Duxit virgineo ratem capillo:

Non hujus, quæ eodem cum illo vixit seculo, mentionem

<sup>i</sup> Martial. lib. 11. epigram. 53.

<sup>k</sup> Id. lib. 4. epigram. 13.

<sup>l</sup> Dempster. Historiæ ecclesiasticæ (quam vocat) lib. 3. num. 102.

<sup>m</sup> lib. de conjug. præcept. ad finem.

<sup>n</sup> Sidon. Apollinar. in Propemptico ad libellum. Carm. 24.

faciat. Et quo Pudentem maritum, centurionem aut primipilarem in Britannia vel Germania militantem, exulem in Scotiam, ob Christianæ pietatis professionem, extra Romanii imperii fines, relegatum fuisse colligit, ex illo Martialis carmine :

Cernere<sup>o</sup> Parrhasios dum te juvat, Aule, triones  
Cominus et Scythici sidera ferre poli.

Ubi argutissimus criticus Scotici vocabulum, pro Scythici, reponendum esse conjicit: oblitus, apud Claudianum, Apollinarem Sidonium ac veteres illos, primam Scotici nominis syllabam semper productam legi; et in antiquis manuscriptis Scottos geminata litera passim exarari consuevit. Neque sui dissimilis est, quum addit, Personium “probare<sup>p</sup> in conversione Anglicana Claudiam non potuisse esse Anglam,” quasi quisquam eam Dempsteri insaniret insaniam, ut Claudiæ temporibus Angliam quæreret in Britannia: aut id argumentatione sua confidere non conaretur Personius, B. Claudiam cujus Paulus meminit, non fuisse Britannam illam, cuius formæ decus Trajano imperante Martialis laudaverit; et consequenter, absque ullo fundamento vel Scotam constitui vel Anglam. Quanquam argumentum illud, quo potissimum ille nititur, a temporis ratione deductum, non multum urgeat. Neque enim si in undecimo quem citavimus epigrammatum libello occurrunt aliqua sub<sup>q</sup> tertio vel Nervæ vel Trajani consulatu conscripta carmina; sequetur, et reliqua omnia eodem tempore fuisse composita. Et licet sub Trajano mortem poeta obierit: senem tamen decessisse cogitandum est, et prius familiariter usum esse Silio Italico, secundi belli

<sup>o</sup> Martial. lib. 6. Epigram. 58.

<sup>p</sup> Rob. Person. de convers. Ang. part. 1. cap. 1. sec. 18. Vid. Is. Pontani hist. Gelricæ lib. 1. pag. 72.

<sup>q</sup> Martial. lib. 11. epigram. 4.

Et qui purpureis jani tertia nomina fastis,  
Iane, refers Nervæ.

Trajanus vero post adoptionem, Nerva etiam dictus est: ut apud Ælianum, in Tacticorum proœmio ad Hadrian. Imp. Ἐπεὶ δὲ τῷ Θεῷ πατρὶ σου Νέρονα συμβαλὼν, &c.

Punici scriptore: quo consulatum gerente, Neronem interiisse, et alii authores confirming, et ipse *Martialis<sup>r</sup>* significat illis de Silio versiculis:

Postquam bis senis ingentem fascibus annum  
Rexerat, asserto qui sacer orbe fuit:  
Emeritos Musis et Phœbo tradidit annos,  
Proque suo celebrat nunc Helicona foro.

Nerone vero summam rerum obtinente (et quidem, ut pluribus placet, sub finem imperii illius) a Paulo illa scripta est epistola, in qua Timotheum salutant Pudens et Linus et Claudia. Sed de his in capite tertio iterum etiam erit dicendi locus.

<sup>r</sup> *Martial, lib. 7. Epigram. 63.*

## CAP. II.

De duodecim Philippi discipulis, et Josepho Arimathæensi, Glastoniensium monachorum traditiones; veterum nominibus fucatae, et in Europæorum generalibus conciliis venditæ.

AD Glastoniensium monachorum, de Josepho Arimathæensi et ejus soeiis, traditiones nunc venio: quas etsi Normannorum adventu antiquiores non existimem, et posteriorum temporum superstitionem plane redoleant; tamen qualescumque sunt, ex Guilielmi Malmesburiensis de antiquitate Glastoniensis ecclesiæ libello exhibere visum est. Sic igitur ille, præmissa præfatione ad Henricum Blesensem, Henrici I. regis ex Adela sorore nepotem, Wintoniensem tum episcopum et Glastoniensem abbatem, archæologiam suam ab apostolicis exorditur temporibus.

“ Post Dominicæ resurrectionis gloriam, ascensionisque triumphum, ac Spiritus paraeliti de supernis missionem (qui discipulorum corda temporalis poenæ adhuc formidine trepidantia replevit, scientiam omnium linguarum tribuendo) erant omnes credentes simul cum mulieribus, et Maria matre Jesu, ut Lucas narrat evangelista: et verbum Dei disseminabatur, creseebatque numerus credentium quotidie; eratque omnibus cor unum et anima una. Invidiæ ergo facibus accensi sacerdotes Judæorum cum Pharisæis et Scribis, coneitaverunt persecutionem in Ecclesia, interficiendo protomartyrem Stephanum, et fere a finibus suis omnes procul pellentes. Hac igitur persecutionis procella sæviente, dispersi credentes petierunt diversa regna terrarum a Domino sibi delegata, verbum salutis gentibus propinando. Sanctus autem Philippus, ut testatur Frecul-

phus libro secundo, capitulo quarto, regionem Francorum adiens gratia prædicandi plures ad fidem convertit et baptizavit. Volens igitur verbum Christi dilatari, duodecim ex suis discipulis elegit, et ad evangelizandum verbum vitæ misit in Britanniam: quibus, ut ferunt, charissimum amicum suum Joseph ab Arimathia, qui et Dominum sepelivit, præfecit. Venientes igitur in Britanniam anno ab incarnatione Domini sexagesimo tertio, ab assumptione beatæ Mariæ decimoquinto, fidem Christi fiducialiter prædicabant. Rex autem barbarus cum sua gente, tam nova audiens et inconsueta, omnino prædicationi eorum consentire renuebat, nec paternas traditiones commutare volebat: quia tamen de longe venerant, vitæque eorum exigebat modestia; quandam insulam sylvis, rubis atque paludibus circundatam, ab incolis Ynswitrin nuncupatam, in lateribus suæ regionis ad habitandum concessit. Postea etiam alii duo reges pagani successive comperta vitæ eorum sanctimonia, unicuique eorum unam portionem terræ concesserunt; ac ad petitionem ipsorum, secundum morem gentis, brevi<sup>a</sup> dictas duodecim hidæ confirmaverunt. Unde et duodecim hidæ per eos adhuc, ut creditur, nomen sortiuntur."

" Prædicti itaque sancti in eodem deserto conversantes, post pusillum temporis visione archangeli Gabrielis admoniti sunt ecclesiam in honore sanctæ Dei genitricis et virginis Mariæ, in loco cœlitus eis demonstrato construere. Qui divinis præceptis non segniter obedientes, secundum quod eis fuerat ostensum, quandam capellam, inferius per circuitum virgis torquatis muros perficientes, consummaverunt in anno post passionem Domini tricesimo primo, post assumptionem gloriosæ virginis decimo quinto, et deformi quidem schemate, sed Dei multipliciter adornatam virtute. Et cum hæc in hac regione prima fuerit; ampliori eam dignitate Dei filius insignivit, ipsam videlicet in honore suæ matris dedicando. Duodecim igitur sancti sæpius memorati, in eodem loco Deo et beatæ virgini devota exhibentes obsequia; vigiliis, jejuniis et orationi-

<sup>a</sup> Literis.

bus vacantes, ejusdem virginis auxilio ac visione (ut credi  
pium est) in omnibus necessitatibus refocillabantur. Hæc  
autem ita se habere, tum ex charta beati Patricii, tum ex  
scriptis seniorum cognoscimus."

Addit præterea Malmesburiensis, ad Glastoniensis ec-  
clesiæ antiquitatem comprobandum, et sequens testimo-  
nium: "Monachus quidam Glastoniæ, Godefridus no-  
mine, (de cuius epistola hoc capitulum assumpsimus) tem-  
pore Henrici Blesensis, abbatis Glastoniensis, cum in pago  
Parisiacensi apud sanctum Dionysium moraretur; senior  
quidam ex monachis interrogavit eum: quo genus, unde  
domo? Respondit, Normannum, e Britanniæ monasterio  
quod Glastingeia dicitur, monachum. Papæ, inquit, an  
adhuc stat illa perpetuæ virginis et misericordiæ matris  
vetusta ecclesia? Stat, inquit. Tum ille lepido attactu  
caput G. Glastoniensis demulcens, diu silentio suspensum  
tenuit, ac sic demum ora resolvit; hæc gloriosissimi mar-  
tyris Dionysii ecclesia, et illa de qua te asseris, candem  
privilegii dignitatem habent: ista in Gallia, illa in Britan-  
nia uno eodem tempore exortæ, a summo et magno pon-  
tifice consecratæ. Uno tamen gradu illa supereinet: Ro-  
ma etenim secunda vocatur."

Refert Cæsar Baronius ex<sup>b</sup> actis Mariæ Magdalenaæ et  
sociorum, dispersione facta post mortem Stephani, "La-  
zaram, Mariam Magdalena, Martham, et Marcellam  
pedissequam, in quos Judæi majori odio exardescabant,  
non tantum Hierosolymis pulsos esse, sed una cum Maxi-  
mino discipulo, navi absque remigio impositos, in certum  
periculum mari fuisse creditos: quos divina providentia  
Massiliam tradunt appulisse." Additque ex historia An-  
glorum, quæ manuscripta habetur in bibliotheca Vaticana,  
sed (quod ille tacet, et nos suo loco patefaciemus) nostris  
temporibus scripta, "comitem ejusdem discriminis Jose-  
phum ab Arimathæa nobilem decurionem; quem tradunt  
ex Gallia in Britanniam navigasse, illicque post prædica-

<sup>b</sup> Baron. annal. tom. I. ann. 35. sec. 5. Vid. Petrum de Natalibus, lib. 6.  
cap. 124. Melchiorem Inchofer, de veritate epistolæ B. Mariæ ad Messanenses,  
cap. 13. et Fran. Bosquet. eccles. Gallican. hist. lib. 1. sec. 3.

tum evangelium diem clausisse extremum." In Pseudo-Dextri quoque chronicō, ad annum Christi XLVIII. similiiter legimus; " Hierosolymitani Judæi vehementer infensi B. Lazaro, Magdalena, Marthæ, Marcellæ, Maximino, Josepho ab Arimathia nobili decurioni, et aliis plurimis; navi sine remigio velisque, ac sine gubernatore eos impo-  
nunt, et exulare mandant: qui per vastum mare divinitus delati, ad Massiliensem portum incolumes appellunt." Et in fragmento Helecæ attributo; " Fama est, Magdalena Lazarī sororem, cum Lazaro, Maximo atque Chelidonio, Marcella, Josepho ab Arimathia, venisse in Galliam Aquitanicam; ibique prædicasse Domini Jesu sanctum evan-  
gelium: ut docent luculenter Gallorum historiæ, et est traditio ubique satis recepta illius regionis." Quod autem de Philippi in Galliis apostolatu habet Freculphus a Malmesburiensi citatus; ex Isidori libro de patribus utriusque Testamenti ad verbum expressit. Apud utrumque enim legimus, Philippum Gallis prædicasse Christum, " barbarasque gentes, vicinasque tenebris, et tumenti oceano conjunctas, ad scientiæ lucem, fideique portum deduxisse." Neque hic mihi Baronii<sup>d</sup> conjectura placet, Isidori ista a Gallis nostris ad Galatas Asiaticos traducen-  
tis: multoque minus, nuperi operum Isidori editoris, Jacobi Breulii temeritas, Galatis pro Gallis in ipso textu, sine ulla veteris lectionis commemoratione, reponentis. Nam præterquam quod Isidorus in hoc ipso opere, capite secundo et octogesimo et in officio Toletano, quod<sup>e</sup> Go-  
thicum et Mozarabum vulgo appellatur: itemque Julianus Toletanus archiepiscopus in Nahum<sup>f</sup> prophetam scribens, et Beda (vel quicunque author fuit collectaneorum et florum ad calcem tertii tomī operum ipsius adjectorum) Philippo Galliam assignant: idemque " Gallis prædica-

<sup>c</sup> Vid. cap. 74.

<sup>d</sup> Baron. tom. 1. ann. 44. sec. 32. et eum secutus Jacobus Valdesius, de dignitate reg. Hisp. cap. 6. sec. 56.

<sup>e</sup> Offic. Mozar. in festo S. Jac. tomo 2. Auctarii bibliothecæ patrum, edit. Paris. ann. 1610. col. 1659. in Hymno de S. Jacobo quem inde desumptum com-  
mentario suo in Dextri chronicon inscruit Franc. Bivarius, pag. 86.

<sup>f</sup> Ibid. col. 205.

visse Christum" legitur, in libello de festis apostolorum, qui in Hieronymiano martyrologio manucripto habetur, ex quo pleraque omnia in librum suum de patribus novi Testamenti transcripsit Isidorus: illa barbararum gentium oceano conjunctarum mentio, Europaeos Gallos, non Gallo-Græcos ab Isidoro intellectos esse satis evincit.

Quod vero Josephi Arimathæensis opera in gentibus Britannicis ad fidem perducendis Philippus usus fuerit, id totum ex Glastoniensium monachorum lacunis haustum est: a quibus et barbari illi manarunt versiculi, ex chronicis quibusdam de rege Arvirago agentibus citati<sup>g</sup>:

Intrat Avalloniam duodena caterva virorum;  
Flos Arimathæ Joseph est primus eorum.  
Josephes ex Joseph genitus patrem comitatur;  
His aliisque decem jus Glastoniae propriatur.

Atque ex<sup>h</sup> aliis, paris elegantiæ, isti:

Joseph cum sociis jussit transire Philippus  
Ad terram Britonum divinum promere verbum.  
Ferti hos camisia qui promissum tenuerunt:  
Navigio ceteri terræ mox applicuerunt.  
Regi consuluit Joseph tunc credere Christum:  
Arviragus renuit rex hoc, nec credit in ipsum.  
Glastoniae bis sex hidias dedit Arviragus rex:  
Joseph cum sociis jura reliquit eis.  
Anno trigeno primo post vulnera Christi,  
Ecclesiam virginis faciunt cum laudibus isti.

Habetur et hodie Welliae in ædibus D. Thomæ Hugonis equitis aurati, tabula ænea, columnæ Glastoniensis ecclesiæ olim affixa: cui incisum legitur: "Anno post passionem Domini XXXI. duodecim sancti, ex quibus Joseph ab Arimathia primus erat, huc venerunt, qui Ecclesiam hujus regni primam in hoc loco construxerunt, quam Christus in honorem suæ matris et locum pro eorum sepultura præsentialiter dedicavit." Est etiam penes nobis

<sup>g</sup> Joh. Capgrav. in vita Josephi. Tabula magna Glastoniensis.

<sup>h</sup> Ex appendice chronicæ Glastoniensis, MS. in bibliotheca Cottoniana.

<sup>i</sup> Habetur ineptissima hæc fabella in magna Glastoniensis ecclesiæ tabula, et apud Capgravium in vita Josephi.

lissimum virum, D. Guilielmum Howardum, Thomæ Norfolciæ Ducis filium, ingens tabula, Glastonienses antiquitates undique conquisitas complectens: in qua, inter alia fabulosissima, et ista legimus: “Joseph ab Arimathia beati Philippi apostoli discipulatui se contulit, atque ejus salubri doctrina affluenter refertus et ab ipso cum filio suo Josepho baptizatus est. Postea vero a beato Johanne apostolo ipsi prædicationi Ephesiorum insudante, beatæ perpetuæque virginis Mariæ paronymphus delegatus est: ejusdem quoque gloriosæ virginis venerandæ assumptioni cum beato Philippo cæterisque discipulis interfuit, atque ea quæ de Domino Jesu Christo atque ejus gloriosa genitrice Maria audierat et viderat instanter per diversas regiones prædicans, ac multos convertens et baptizans; tandem decimo quinto post eandem gloriosam assumptionem anno, cum memorato filio suo Josepho ad sanctum Philippum in Gallias venit. Ac deinde secundum quod legitur in libro qui dicitur Graal, Joseph ab Arimathia, qui dominum sepelivit, baptizatus a beato Philippo apostolo venit in majorem Britanniam, sibi et semini ejus promissam, cum uxore, et filio Josephe nomine, quem ipse Salvator noster in civitate Saraz prius in episcopum consecraverat.”

Sequuntur deinde portenta illa, quæ in vita Josephi refert Capgravius ex eodem nugacissimo libro, qui sanctum Graal appellatur, cuius auctor Guilielmo Malmesburiensi paulo videtur fuisse posterior; licet ab Helinando Cluniacensi, Frigidi montis in Gallia monacho, ad annum salutis DCCXX. referatur. Sic enim ille in chronicō, a Vincentio<sup>k</sup> Bellovacensi citato: “Hoc,” inquit, “tempore in Britannia cuidam eremitæ monstrata est mirabilis quædam visio per angelum, de sancto Joseph decurione nobili, qui corpus Domini depositus de cruce, et de catino illo vel de paropside, in quo Dominus cœnavit cum discipulis suis, de quo ab eodem eremita descripta est historia, quæ dicitur de Gradali. Gradalis autem vel Gradale Gallice

<sup>k</sup> Vincent. Specul. Historial. lib. 23. cap. 147.

dicitur scutella lata, et aliquantulum profunda, in qua pretiosæ dapes cum suo jure divitibus solent apponi, gradatim unus morsellus post alium in diversis ordinibus; et dicitur vulgari nomine Graal, quia grata et acceptabilis est, in ea comedenti, tum propter continens, quia forte argentea est, vel de alia pretiosa materia; tum propter contentum, id est, ordinem multiplicem dapum pretiosarum. Hanc historiam Latine scriptam inveniri non potui: sed tantum Gallice scripta habetur a quibusdam procedibus, nec facile (ut aiunt) inveniri potest."

Multa vero inde in fabulosa regis Arthuri acta, lingua Anglicana a se edita, transtulit Thomas Malorius: qui Sangreal vocem hic usurpat, ad sanguinis realis notionem proxime accedentem; partem<sup>1</sup> enim pretiosissimi sanguinis Servatoris nostri repositum hic fuisse fingit: sive in cruce effusi, sive ex supra Christi cœna reservati: de qua Stephanus Forcatulus: "Britanni<sup>m</sup> saeræ illius cœnæ pignus ac testimonium secum attulisse Josephum commemorant: nempe catinum sanctissimis convivis appositum, diutissime in magna ceremonia, tanquam pignus quoddam securitatis Britannicæ; non aliter atque Trojanum Palladium." Hæc ille: de aucta ctiam a Josepho vetere magia Britannica effatum non minus a ratione quam a religione remotum postea adjiciens: "Auxit<sup>n</sup> prodigiosos ritus Josephus Arimathæus, advena Britannicæ plausibilis; qui de Solomonis fonte artem hauserat. Fuit namque hic sapiens rex imbutus divinitus secretiore sapientia: incantationes<sup>o</sup> composuit, quibus morbi pellerentur, et dæmones fugarentur, non reddituri."

De duodecim discipulis a B. Philippo in Britanniam missis, Malmesburiensis quidam monachus in eulogii sui libro secundo hunc in modum meminit: "Anno Incarnationis Domini LXIII. et assumptionis beatæ virginis Mariæ

<sup>1</sup> Hist. Anglic. Arthuri, a Molorio edit. lib. 11. cap. ult.

<sup>m</sup> Forcatul. de Gallorum imperio et philosophia, lib. 7. pag. 989.

<sup>n</sup> Id. ibid. pag. 1002. Vid. Jacob. Valdesium, de dignitate Hispaniæ, cap. 16. sec. 12.

<sup>o</sup> Ex Josepho, lib. 8. Antiquit. Judaic. cap. 2.

XV. duodecim discipuli venerunt in Britanniam majorem, missi a beato Philippo apostolo ad verbum Dei ibidem prædicandum: quorum primus fuit Joseph ab Arimathia, qui Iesum Christum sepelivit. Quibus rex Arviragus, licet paganus, ne ulterius laborarent, duodecim hidæ terræ eis contulit in insula Avalloniæ, quæ nunc dicitur Glastonia. In quo loco ecclesiam in honore beatæ virginis per admonitionem S. Michaelis archangeli, de virgis torquatis muros facientes, construxerunt."

In chronic<sup>p</sup> quoque Glastoniensi anno MCCLIX. exarato, scriptum legimus: "Anno ab Incarnatione LXIII. discipuli sanctorum Philippi et Jacobi apostolorum venerunt in Britanniam: a quibus primum oratorium in insula Avalloniæ, in honore S. Mariæ fuit constructum, in anno post assumptionem ejusdem quinto decimo." Et in alio<sup>q</sup>, a monacho cœnobii S. Augustini Cantuariensis anno MCCCCVI. conscripto: "Rex Yna fuit primus fundator monasterii Glastoniensis. Monachi tamen ibidem aliam prætendunt fundationem a rege Arvirago (filio Kimbelini regis Britonum, in cuius tempore Christus Jesus de Maria virgine natus fuit) et quod ab Arthuro rege dotatum fuit pluribus possessionibus." Item in libro de prærogativis et dignitatibus ordinem monasticum concernentibus, qui a Thoma Walsinghamio scriptus putatur: "S. Philippus apostolus Jesu Christi misit in Britanniam duodecim prædicatores, quorum primus et præcipuus fuit Joseph ab Arimathia, qui Christum sepelivit. Qui Glasconiam venientes, acceperunt possessionem hidarum duodecim, ab Arvirago nobili rege Britanniæ, adhuc paganis erroribus involuto. Hi per Gabrielis archangeli admonitionem, ecclesiam in honore sanctæ Dei genetricis Mariæ construxerunt anno post passionem Domini tricesimo primo."

Johannes Tinmuthensis, ex Glastoniensis monasterii libris, ita rem narrat: "Ex<sup>r</sup> quo apostoli in regiones diversas erant divisi ad prædicandum verbum vitæ, sanctus

<sup>p</sup> MS. in bibliotheca Cottoniana.

<sup>q</sup> MS. M. Roberti Haræi.

<sup>r</sup> Similia ad verbum pene reperiuntur in MS. Cottoniano, ubi variae propheetæ Merlini aliorumque una sunt collectæ.

Philippus apostolus regionem Franciæ cum suis discipulis sortitus est: de quibus misit in Britanniam duodecim (quorum primus erat Joseph ab Arimathia, qui et Dominum sepelivit) anno ab incarnatione Domini sexagesimo tertio, et ab assumptione sanctæ Mariæ quinto decimo: quibus duodecim hidæ ab Arvirago paganis erroribus decepto concessæ erant. Qui ibidem Deo servientes, per Gabrielis archangeli admonitionem, ecclesiam in honore sanctæ Dei genetricis Mariæ construxerant. Cumque fidem Christi constanter prædicarent, rex barbarus cum gente sua tam nova audiens et inconsueta, omnino prædicationi eorum consentire renuebat, nec paternas tradiciones commutare volebat: quia tamen de longe venerant, ad petitionem eorum quandam insulam sylvis paludibusqne circumdataam ad inhabitandum concessit. Erat enim portio illa duodecim hidarum, et quandam capellam (ut præmititur) ex virgis torquatis construxerunt anno post passionem Domini XXXI."

Hæc Johannes<sup>s</sup> Tinmuthensis, in sanctilogio Britanniæ, et ejus exscriptor Johannes Capgravius in nova legenda Angliæ, sed prudenter præmisso hoc prologo. "Quæ inferius digesta sunt, apud Glastoniam ex libris monasterii illius excerpsi: quæ si veritatem sapiant, lectoris arbitrio relinqu." Et hoc ad extreum subjecto epilogo. "Ego vero in præscriptis et dubiis, et in sequentibus nonnullis, authoritatem discutiendi et definiendi mihi non præsumo: sed tanquam relator simplex, quæ in diversis libris et locis cum laboribus et difficultate sedulus indagator reperire potui, ardua peritis ventilanda relinquens, sine invidia communico."

Polydorus Vergilius, vir naris emunctioris, sublatis crassioribus illis monachorum fabulamentis, historiam hanc ita proponit. "Joseph<sup>t</sup> ille, qui, teste Matthæo evangelista, ab Arimathæa civitate oriundus, Christi corpus sepeliverat, sive casu, sive consilio, ita volente Deo, cum non parvo comitatu, in Britanniam venit: ubi tam ipse, quam ejus socii,

<sup>s</sup> Jo. de Tinmouth. et Jo. Capgrav. in vita S. Patricii.

<sup>t</sup> Polyd. Angl. hist. lib. 2.

cum de evangelio prædicarent, atque dogma Christi sedulo docerent, multi per hæc ad veram pietatem traducti, salutiferaque fruge imbuti, baptizati sunt. Isti viri certe divino spiritu afflati, cum a rege parum terræ ad inhabitantum (proxime Welliam oppidum, circiter millia passuum quatuor) dono accepissent, ibi novæ religionis prima jece- runt fundamenta, ubi hodie est templum magnificum cœnobiumque monasticæ familiæ D. Benedicti ordinis nobile. Loco nomen est Glasconia. Hæc omnino Christianæ pietatis in Britannia extitere primordia; quam deinde Lucius rex, sicut paulo post dicemus, prope extinc- tam baptismi fonte sublatus mirabiliter accendit, pieque adauxit. Nam Gildas testis est, Britannos jam inde ab initio orti evangelii, Christianam recepisse religionem.” Hæc Polydorus. Et ante eum Richardus Lepidus Bartholinus. “Nec<sup>x</sup> me præterit,” inquit, “Josephum ab Arimathea, cum a Judæis nequiter in carcerem ductus fuisse, et a Deo Optimo Maximo miraculose liberatum taliter ut nusquam postea in Judæa visum fuisse. Nam, ut annalium scriptores prodiderunt, in Britanniam transmigravit; ibique et cultum Christi docuit, et multa sui monumenta in valle Avilonis, quæ adhuc visuntur, re- liquit.”

Eadem etiam de Josephi adventu refert Thomas Scropus, Dromorensis quondam in Hibernia episcopus, capite septimo libri quem de Carmelitani ordinis antiquitate scripsit. Et Thomas Harfeldius, in breviario regum Anglo- rum: ubi Faganum et Duvianum (sive Deruvianum) Lucii regis temporibus in insula Avalloniæ “antiquam ecclesiam a discipulis Christi fabricatam reperisse dicit, cum antiquis scriptis, qualiter sanctis apostolis ad prædicandum disper- sis, sanctus Philippus in Franciam veniens duodecim ex suis discipulis in Britanniam misit; quibus et Joseph ab Ari- mathia præfecit.” Et extat sane adhuc magni nostri Patricii nomine, a Glastoniensibus monachis conficta epis- tola (charta ea est. B. Patricii, a Malmesburiensi superius citata) in qua de origine ecclesiæ quæ Anglo-Saxonibus

<sup>x</sup> Lepid. epist. ad D. Robertum Wingfeld, edit. Lovan. ann. 1517.

Ealdecirc, id est, vetusta ecclesia dicta est, ita ille disserens introducitur. “ Ostenderunt mili fratres scripta sanctorum Phagani et Deruviani: in quibus continebatur, quod duodecim discipuli sanctorum Philippi et Jacobi ipsam vetustam ecclesiam construxerant in honore prælibatae advocaticis nostræ, B. Mariæ virginis, per doctrinamentum beati archiangeli Gabrielis. Insuper et quod Dominus eandem ecclesiam cœlitus in honore suæ matris dedicaverat: et quod tres reges pagani ipsis duodecim, ad eorum sostenementum, duodecim portiones terræ dederunt.” Indeque Malmesburiensis: “ Duodecim discipulis sanctorum Philippi et Jacobi anno Dominicæ Incarnationis LXIII. in Britanniam venientibus, tres reges licet pagani XII. portiones terræ contulerunt: unde adhuc nomen XII. hidarum perseverat.” Hæc ille in libro de antiquitate Glastoniensis ecclesiæ: ubi XII. harum hidarum metas cum locis præcipuis quæ intra earum limites continentur, diligenter describit. Earundem etiam in libro censuali Guilielmi I. Anglorum regis, qui Domesday<sup>y</sup> appellatur, ejusmodi fit mentio. “ Ecclesia Glastinæ habet in ipsa villa XII. hydas quæ nunquam geldorfaverunt.”

Dicitur autem hida tanta terræ portio, quanta ad familiam alendam sufficiat (unde quod Beda in ecclesiastica historia familiam vocat, Saxonius illius interpres Hýde-landæ<sup>y</sup> vertit) vel quanta unico per annum coli possit aratro; quemadmodum tum ex Dunstani charta anno DCCCCLXIII. data, in qua terræ partem concedit “ septem aratrorum”, quod Anglice dicitur septem hidæ:” tum ex Matthæo Parisiensi, Henrico Huntindoniensi, Johanne Londinensi, Thoma Walsinghamo, et aliis nostri observant antiquarii<sup>a</sup>. Tres vero istos reges paganos, Arviragum, Marium et Coillum fuisse, ad marginem libri Malmesburiensis, qui MS. habetur in bibliotheca collegii

<sup>y</sup> Domus Dei, in magno Glastoniensis monasterii registro, quod secretum Domini vocatur, fol. 249. b.

<sup>a</sup> Ploughlands.

<sup>3</sup> Guil. Lambard in *Apocriforum*. Jo. Selden, in Polyolb. Cant. II. Et Not. in Hengham, pag. 127, 128. Et D. Heu. Spelman, in Glossario, verb. Hida.

S. Trinitatis Cantabrigiæ, annotatum invenio : quod ipsum etiam innuit Johannes Capgravius ; quanquam parum hic sibi constans. In vita enim Patricii, Johannem Tinmuthensem secutus et Hardingum in chronicob, dnodecim istas hidæ ab Arvirago concessas fuisse scribit ; in Josephi vero vita, a duobus illius successoribus, Mario Arviragi, et Coillo Marii filio. Quos tamen reges Johannes Hardingus paganos extitisse vix admittit. Arviragum enim a Josepho Arimathæensi<sup>c</sup> ad fidem conversum et salutari baptismo ablutum fuisse narrat : Marium<sup>d</sup> vero et Coillum religione Christiana aliquantum imbutos, licet ad eam quæ par erat perfectionem non pertigerint. Quomodo et Richardus<sup>e</sup> Vitus Basinstochius, Arviragum “ erga religionem Christianam bene affectum ” fuisse ait : Cœlum quoque, illius ex filio Mario nepotem, “ instructum religione Christiana parumper dnm viveret, non tamen ut id publice præ se ferret.”

Ex Juvenale vero constat<sup>f</sup> Arviragum Domitiano imperante regem Britannorum extitisse : quum sub Vespasiano anno LXXVI. Josephus noster obiisse dicatur<sup>g</sup>.

Patricii discipulus Gildas Albanius, de victoria Aurelii Ambrosii librum scripsisse dicitur : quem de rebus a Josepho et sociis apud Glastonienses gestis authorem citat Foxus<sup>h</sup> noster. Sed neque ille ejusmodi librum unquam vidit : neque Nicolao Sandero ulla fides adhibenda, Gildæ hic autoritatem tam confidenter in libro primo de schismate ita venditanti ; “ Glasconia locus est in occidentali Angliæ parte, qui tam traditione perpetua, quam antiquissimorum scriptorū authoritate, is esse creditur, quem Josephus ab Arimathia, qui Christum sepelivit, Judæorum persecutionibus Judæa ejectus, sub Nerone imperatore in Britanniam cum multis sociis delatus, ab Arvirago Britannorum rege obtinuit, in quo sacellum Deo cœli conderet ; anno Christi quinquagesimo. Ita enim Gildas Britannus,

<sup>b</sup> chron. cap. 47.

<sup>c</sup> Harding. chron. cap. 48.

<sup>d</sup> Harding. chron. cap. 50.

<sup>e</sup> Vit. histor. Britann. lib. 4.

<sup>f</sup> in cap. 15. infra, a nobis citando.

<sup>g</sup> infra, pag. 43.

<sup>h</sup> Jo. Fox. Act. et Monum. lib. 1, et 2.

scriptor Christianus, qui propter excellentem eruditionem sapiens cognominatur, ante mille fere et centum annos memoriæ prodidit; et omnes deinde Anglorum annales confirmant."

Johannes Capgravius<sup>i</sup>, in vita Josephi, his alium etiam testem addit Melkinum, quem ante Merlinum fuisse ait. Ejus hæc producuntur verba, quæ ex variis<sup>k</sup> exemplaribus descripta hic exhibemus, licet quæ legantur prorsus indigna. " Insula Avallonis avida funere paganorum præ cæteris in orbe ad sepulturam eorum omnium sperulis prophetæ vaticinantibus decorata, et in futurum ornata, erit altissimum laudantibus. Abbadare<sup>l</sup> potens in Saphat<sup>m</sup>, paganorum nobilissimus, cum centum et quatuor millibus, dormitionem ibi accepit. Inter quos Joseph de Marmore<sup>n</sup> (ab Arimathia nomine) cepit somnum perpetuum. Et jacet in linea bifurcata juxta meridianum angulum oratorii cratibus præparatæ<sup>o</sup> super potentem adorandam virginem, supradictis sperulatis locum habentibus<sup>p</sup> tredecim. Habet enim secum Joseph in sarcophago duo vascula alba et argentea, cruore prophetæ Jesu et sudore perimpta. Cum reperiatur ejus sarcophagum integrum, illibatum, in futuris temporibus videbitur; et erit apertum toto orbi terrarum. Et tunc nec aqua nec ros cœli insulam nobilissimam habitantibus poterit deficere. Per multum tem-

<sup>i</sup> Et eo antiquior alias, ad marginem Matthæi Florilegi MS. in bibliotheca D. Jacobi Waræi, Melkinus (vel potius Mewynus) qui ante Merlinum fuit, inter cætera gesta de temporibus Britonum in libro suo hæc dicit; " Joseph ab Arimathia nobilis decurio in insula Avaloniae cum XI. sociis suis somnum cepit perpetuum: et jacet in meridiano angulo lineæ bifurcatæ oratorii adorandæ virginis. Habet enim secum duo vascula argentea alba cruore et sudore magni prophetæ Jesu perimpta. Et per multum tempus ante diem Judicii ejus corpus integrum et illibatum reperiatur; et erit apertum toti orbi terrarum. Tunc nec aqua nec pluvia deficiet habitantibus insulam nobilissimam.

<sup>k</sup> Nota monachi cuiusdam Glastoniensis præfix. libro Guil. Malmes. de antiquit. Glaston. in MS. bibliotheca Collegii S. Trinitat. Cantabrig. Et subjecta chronico Glastoniensi in MS. bibliotheca Cottoniana. Tabula magna Glastoniensis, penes D. Gulielmum Howardum. Capgrav. in vita Josephi Arimath. &c. Johannes Glastoniens. monachus, &c.

<sup>l</sup> al. *Albadan.*

<sup>m</sup> al. *Marmeria.*

<sup>n</sup> al. *habitantibus.* Jo. Glast.

<sup>o</sup> al. *Masphati.*

<sup>p</sup> al. *præparatis.*

pus ante diem judicialem in Josaphat erant aperta hæc et viventibus declarata.” Hunc Mevinum Britannum chronographium appellat Johannes Hardingus in chronicō suo poemate<sup>q</sup>, pro quo Nenii nomen, capite octavo et quadragesimo irrepsit : ubi bellam istam ex eo recitat fabellam, quod Josephus Arvirago regi pro gentis Britannicæ insignibus crucem, quæ Georgiana postea dicta est, in clypeo argento depictam tradiderit.

Verum et otio meo et lectoris patientia abutar, si nugacissima commenta, quæ ex stramentitiis ejusmodi scriptis tum ab Hardingo et Capgravio, tum in magna Glastoniensium tabula de Josepho referuntur, commemorem. Illud minime prætereundum, quod in Europæanorum nostrorum synodis generalibus, quando de Britannici regni dignitate cum Gallis et Hispanis habita est controversia, ad hanc de Josepho traditionem provocare subinde soliti sunt Anglicane gentis oratores. Agitata est hæc quæstio anno MCCCCIX. in Pisano primum, deinde anno MCCCCXVII. in Constantiensi concilio : ex quo excerpta est “Nobilissima disceptatio super dignitate et magnitudine regnorum Britannici et Gallici, habita ab utriusque oratoribus et legatis in concilio Constantiensi,” Lovani anno MDXVII. typis excusa. Eam ex actis concilii in ipsa urbe Constantiensi asservatis edendam curavit D. Robertus Wingfeldius eques auratus, Henrici VIII. Anglorum regis ad Maximilianum imperatorem orator : quam etiam in duobus MSS.<sup>r</sup> ejusdem concilii exemplaribus invenimus. Hic vero quum in tricesima sessione mota est hæc quæstio : “an juri et rationi consonum sit, æquiparare regnum Angliæ regno Franciæ, in concilio generali:” pro dignitate Ecclesiæ Anglicanæ, inter alia allegatum est, quod “Statim<sup>s</sup> post passionem Christi Joseph ab Arinathia, nobilis decurio, qui Christum de

<sup>p</sup> cap. 50, et 51.

<sup>r</sup> Eorum alterum habetur in bibliotheca regia : alterum (quod Petri Bembi Cardinalis aliquando fuerat) in privata D. Henrici Wottonii V. Cl.

<sup>s</sup> Eadem fere leguntur libello de provinciis Angliæ, MS. in bibliotheca Cottoniana.

cruce depositus, cum XII. sociis vineam Domini de mane colendam, Angliam videlicet ingressus est, et populos ad fidem convertit. Quibus rex XII. hidias terrae in diocesi Bathoniensi pro victu assignavit: qui in monasterio Glastoniensi Bathoniensis dioecesis, ut scribitur, tumultantur. Super quibus XII. hidis praedictis dictum monasterium antiquitus dotatum dignoscitur. Sed regnum Franciae tempore sancti Dionysii et ejus ministerio fidem Christi recepit."

Idem etiam in Senensi concilio anno MCCCCXXIV. a Richardo Flemmingo Lincolnensi episcopo et Lincolnensis collegii apud Oxonienses conditore, propositum est: quum adversus Hispanos, Scotos et Gallos coram Martino V. ab Anglis renovata esset hæc controversia. Sed in Basileensi præcipue concilio, anno MCCCCXXXIV. inter oratores regis Angliae et Castellæ efferbuit hæc contentio: ubi quæ nostris hac in parte ab Alphonso Garsia de sancta Maria, legum doctore ac Compostellanae et Segobiensis ecclesiarum decano, objecta sunt, ex schedis Cottonianis visum est proponere, et excutere. "Oratores regis Angliae," ait ille, "tam in præsentia vestrarum reverendissimarum paternitatum, quam in sacra deputatione reformatiorii, dixerunt præferendos se propter antiquiorem susceptionem fidei Christianæ. Nam dicunt, quod ille nobilis decurio Joseph ab Arimathia una cum aliis, anno XV. post assumptionem gloriosæ virginis Mariæ venit in Angliam, et magnam ejus partem ad fidem Christi convertit. Et post non longo tempore a passione Christi, Eleutherius papa regnum Angliae totaliter convertit ad fidem."

Ad primum vero illud de Josepho respondet. I. "Per interemptionem. Nego enim (inquit) Josephi illum venisse in Angliam. Ille ergo qui dicit, probat: (juxta l. Ei qui ff. de proba.) Producatur ergo in medium aliqua historia vel scriptura authentica. II. Per probabilitatem contrariam. Nam licet ei qui negat non incumbat probatio: (ut l. actor. C. de proba.) tamen interdum probatur negativa per judicium; quando habet comitantiam temporum. (ut l. optimam C. contrahentium et com. stipu.) In hoc ergo easu bene potest probari hæc negativa per

scripturam contraria. Continetur enim in floribus sanc-  
torum, sub legenda Jacobi minoris, contrarium. Hoc le-  
gitur quoque quod Titus intrans Hierusalem, quemdam  
murum densissimum vidit, ipsumque perforari jussit: et  
intus quendam senem repererunt, qui dixit se esse Joseph  
ab Arimathia, et se ibidem esse inclusum a Judæis quia  
Christum sepelisset, et quod usque ad tempus istud cœ-  
lesti cibo sit pastus. In evangelio tamen Nicodemi di-  
citur<sup>t</sup>, quod Christus eum liberavit post resurrectionem  
suam, et in Arimathiam duxit. Potest autem dici quod  
eductus cum a prædicatione non cessaret, iterum sit ab  
ipsis Judæis inclusus. Hæc ubi supra. Cum ergo Joseph  
fuerit incarceratus tanto tempore apud Jerusalem, impos-  
sibile est eum fuisse in Anglia, cum sit magna distantia.  
III. Potest dici, quod licet hoc fuisse verum, (quod tamen  
non fuit) non sequitur ergo quod totum solium illud sus-  
cepit fidem. IV. Dicitur, dato illo quod negatur, adhuc  
tamen Hispani primo suscepserunt fidem, quod probatur,  
quia Jacobus martyrium subiit vivente Petro. Scriptum  
est enim de Herode, quod occidit Jacobum gladio, et ap-  
posuit ut apprehenderet Petrum, Actuum capite duode-  
cimo. Sed constat, quod Petrus passus est sub Nerone.  
Nero autem fuit prope annum Domini LIV. et Titus fuit  
prope annum Domini LXXX. Jam certum est quod si  
Joseph fuisse in Anglia, hoc fuisse postquam de carcere  
fuisse liberatus per Titum, et sic post octagesimum annum  
a nativitate Domini: et Jacobus mortuus est ante Ne-  
ronem pluribus annis, quasi prope quadragesimum annum  
a nativitate Domini. Et Hispania suscepit fidem a Ja-  
cobō, vivente eo, vel statim in sepultura ejus; ut supra  
dixi. Ergo Hispania est in fide antiquior." Hæc ad  
patres Basileensis concilii Alphonsus Garsias: in quibus  
quædam sunt levia admodum, nonnulla etiam oppido ri-  
dicula.

Ad primam ejus responcionem quod attinet: historias  
et scripta antiqua Josephi ad Britannos legationem confir-  
mantia, quanta potuimus diligentia superius collegimus,

<sup>t</sup> Sive gestis Pilati apud Gregor. Turonens. histor. lib. 1. cap. 20.

atque in medium produximus. Quibus jam addimus oratorum et legatorum regis Angliae, in hac ipsa synodo propositam assertionem. “ Certum est in Anglia reperiri in libris antiquissimis et archivis, præcipue in archivis abbatiae notabilis Glastonensis, diocesis Bathoniensis ; quod Joseph ab Arimathia cum duodecim sociis, aut ex persecutione Herodiana, vel præsidum Romanorum in Iudea, ad Angliam vectus est. Ibidem, quæ de Christo viderat et audierat prædicavit, et prædicando plures convertit; convertendo, multa et infinita sibi, ab illis quos converterat ad fidem collata, conquæsivit; conquæsita postea templo Christo per eum erecto reliquit : (et hoc, tempore quo Petrus in Antiochia prædicavit fidem:) quod templum a Joseph erectum, in locum religiosum et abbaticalem dignitatem translatum est, et laus Christi per notabile monasterium præservatur ad præsens.”

Probabilitatem contrariam, quam secundo loco urget, negamus omnino esse probabilem. Neque enim aliquem hodie, si Thomam Dempsterum exceperis<sup>u</sup>, tam stulte credulum esse existimamus, cui absurdissimum illud commentum, de Josepho muro incluso, probabile videri possit : et de legendæ aureæ authore Jacobo de Voragine, ex<sup>w</sup> cuius areolis fœtidi isti sanctorum flores sunt decerpti, in ipsa Hispania a Ludovico Vive<sup>x</sup> et Melchiore Cano<sup>y</sup> jandudum lata est sententia ; ferrei oris eum virum fuisse, atque plumbei cordis.

Tertium illud, quod totum Britanniæ regnum Josephi ministerio fidem non suscepere; verum quidem est, sed ad rem non pertinet. Nam nec totum regnum Hispaniæ a Jacobo conversum fuisse ipsi Hispani dicent ; nec integra regna ab ullo apostolorum Christiana facta esse constat : et de antiquitate, non de universalitate susceptionis fidei instituta est quæstio.

Quartum vero et postremum, partim incertis, partim

<sup>u</sup> Apparat. ad histor. Scot. lib. 1. cap. 7. pag. 27. Vid. Melchiorem Inchofer, de veritate epistolæ B. Marie ad Messanenses, cap. 13. pag. 71, 72.

<sup>w</sup> Jacob. Januens. in legenda S. Jacobi minoris.

<sup>x</sup> Vives, de causis corrupt. artium, lib. 2.

<sup>y</sup> Can. de locis Theolog. lib. 11. cap. 6.

falsis nititur fundamentis. Jacobi prædicationem in Hispania, inter incerta posuit Rodericus Ximenius Toletanus archiepiscopus, in concertatione quam anno MCCXV. in Lateranensi concilio cum præsule Compostellano de primatu habuit. Ejus verba, a Garsia Loaisa e libro MS. bibliothecæ Toletanæ edita, hæc sunt. “ Si<sup>z</sup> inducat (Compostellanus) primam divini verbi promulgationem, et plurimorum conversionem ad fidem Christi in Hispania (per Jacobum factam:) qui divinam paginam neverunt, testimonium perhibeant. Ego tantum legi, datam ei fuisse potestatem prædicandi in Hispania : sed interim, cum per Judæam et Samariam divinam legem seminaret, sub Hcrode Hierosolymis truncato capite exhalavit animam, et Domino<sup>r</sup> reddidit. Quomodo ergo ibi prædicavit, quo nondum ingressus est ? aut sine prædicatione, quos, obsercro, convertit ad Dominum?” Nec ex parte altera certum est, quantumvis id ita esse affirmet Alphonsus, “ quod si Joseph fuissest in Anglia, hoc fuissest postquam de carcere liberatus fuissest per Titum, et sic post octuagesimum annum a nativitate Domini.” A Tito enim, anno æræ Christianæ (non octogesimo sed) septuagesimo eversam esse Hierosolymam certum est : quæ vero de Josepho Arimathæensi tunc per eum liberato pro certis assumuntur, nugæ sunt nugerrimæ.

Guilielmus<sup>a</sup> quidem Eysengreineus ex annalibus Anglorum narrat eum “ post urbis Hierosolymæ destructionem apostolis adhæsisse ; atque hoc pacto jam senem in Britanniam profectum, in urbe Wellia Christum prædicavisse.” Sed temporis illam circumstantiam in nullis Anglorum annalibus expressam reperit. Glastonienses, et Malmesburiensis monachus in secundo Eulogii sui libro, Josephi adventum ad annum Christi LXIII. referunt : quem ab assumptione beatæ virginis XV. fuisse tradunt. Oratores Angli, ut diximus, in Basileensi hoc concilio, templum a Josepho in Britannia erectum asserunt, “ tem-

<sup>a</sup> Collect. Concil. Hispan. a Loaisa edit. pag. 291. et Concil. edit. Colon. an. 1618. tom. 2. part. 2. pag. 317, 318. Vide Baron. annal. tom. 9. an. 816. sec. 49, 50, 51, 52. et bibliothec. Floriacens. Joannis a Bosco, part. 2. pag. 184.

<sup>b</sup> Eysengrein, cent. 1. part. 6. distinct. 6.

pore quo Petrus in Antiochia prædicavit fidem:<sup>b</sup> et in Constantiensi, “ statim post passionem Christi” eundem Britanniam ingressum esse, et populos ad fidem convertisse defendunt. Quod et cum ipsius Josephi ætate, qui Domino passionem adeunte inter Judæos senator<sup>b</sup> honoratus fuerat, et cum iis quæ initio ex Gilda de tempore summo Tiberii Cæsaris produxiinus, bene quadrat. Johannes cnim Hardingius indignus est, eujus hic ulla habeatur ratio: qui<sup>c</sup> Josephum per ipsos quadraginta duos a Christi morte annos, non quidem in muro, sed in Caiphæ carcere detentum, sine omni cibo et potu vixisse; deinde a Vespasiano liberatum, et in Britanniam anno Christi LXXVI. perductum, ibique regi Arvirago et conjugi ipsius Genissæ (quæ Claudi imperatoris filia fuisse fingitur) commendatum fuisse fabulatur. Johannes Balæus, Ossoriensis aliquando apud Hibernos episcopus, eodem illo anno ex vita hac migrasse eum scribit. “ In sancta senectute (inquit<sup>d</sup>) Josephus inter discipulos tandem quietam morte carnis dormitionem accepit, in Avalonica solitudine sepultus, anno a Christi incarnatione LXXVI. Mario regnante in Britannia. Postea translatum est ejus corpus ad Glasconiense monachorum collegium, et in pretiosa theca repositum. Neque desunt (inquit ille) qui ex conjecturis habeant, contexuisse illum ad ceclesias Britannorum epistolas quasdam.” Quam conjecturam ut verisimiliorem redderet Guilielmus Eysengreincus, ne a præsente ad præsentes literæ scriptæ putarentur, “ reliquise insulam et, ut renovaret sui memoriam, scripsisse epistolam ad Britannos” illum fingit: Anglorum hiç quoque citatis annalibus; in quibus tamen neque Britanniam cum reliquise, neque ejusmodi aliquam epistolam scripsisse,

<sup>b</sup> Mar. cap. 15. ver. 43. εὐσχήμων βουλευτὸς quod a vulgato interprete, nobilis decurio, redditur, de quo videndus commentarius B. Hieronymi in Matth. cap. 27. et Ludovici de Dieu V. C. in Marc. cap. 15. Et H. Grotii, in Matth. cap. 27. ver. 57. Qui apud Plinium Secundum, lib. 10. epist. 113. Bulcutæ in Rescripto Trajani, epist. 114. decuriones appellantur.

<sup>c</sup> Jo. Harding. chronic. cap. 47.

<sup>d</sup> Bal. script. Britan. Centur. I. cap. 22.

neque alibi quam Glastoniæ mortuum et sepultum fuisse, uspiam traditum invenimus<sup>e</sup>.

Extat vetustus catalogus sanctorum in Anglia sepultronum Saxonice scriptus, ac Latine, a Gotcelino Bertiniano monacho Cantuariensi, Anselmi archiepiscopi diebus editus: et de reliquis in Glastoniensi monasterio repositis libellus alter, Henrici III. Anglorum regis temporibus exaratus. In neutro vero Josephi ulla occurrit mentio. Anno demum MCCCXLV. a Johanne Blomæo Londinensi, cuiusdam revelationis sibi factæ prætextu, ab Edvardo III. licentia quærendi corpus Josephi ab Arimathia impetrata est: quam, ex archivis regiis<sup>f</sup> in arce Londonensi asservatis a me descriptam, lectori communicare non gravabor.

“ Rex omnibus ad quos, &c. salutem. Supplicavit nobis Johannes Blome de London, ut cum sibi (sicut asserit) divinitus sit injunctum, ut venerandum corpus decurionis nobilis Josephi ab Arimathia, quod infra septa monasterii Glastoniensis in Christo quiescit humatum, et est ad honorem et multorum ædificationem his temporibus revealandum, quærat donec inveniat diligenter. Et quia in quibusdam antiquis scripturis dicitur contineri corpus ejus ibidem fuisse sepultum. Nos, si sit ita, desiderantes monumentum ejus, et venerandas ipsius reliquias, qui redemptori nostro morienti tantum exhibebat pietatis et humanitatis obsequium, corpus ejus de cruce deponendo, et illud in monumento suo novo ponendo, devotis honoribus prævenire; et sperantes nobis et toti regno nostro ex revelatione prædicta gratiam uberiorem provenire: concessimus et licentiam dedimus (quantum in nobis est) eidem Johanni quod ipse infra præcinctum dicti monasterii fodere, et illas prætiosas reliquias juxta injunctionem et revelationem sibi factam quærere valeat in locis ubi melius viderit expedire: dum tamen absque damno dilectorum

<sup>e</sup> Septoniæ enim sepultum fuisse (ea Dorsettensium Schafesburia est) per errorem scriptum legitur in Jo. Caii historiæ Cantabrig. lib. 1. pag. 23. nam Glasconiæ ibidem, pag. 31. legitur.

<sup>f</sup> Patent. ann. 19. Edvard. III. part. membran. 8.

nobis in Christo, abbatis et conventus dicti monasterii, et ruina ecclesiæ et domorum suarum ibidem id fieri valeat; et quod ad id ipsorum abbatis et conventus licentiam habeat et assensum. In ejus, &c. Teste Rege

### PER IPSUM REGEM.

Apud Westmonaster.

VIII. die Junii.

Quem habuerit eventum ista inquisitio, non invenio: ab his tamen qui Glastoniense monasterium viderunt est proditum, et sacellum ibi Josephi nomini dicatum, et tumulum etiam positum fuisse, hoc inscriptum epitaphio.

Ad Britones veni, postquam Christum sepelivi;  
docui, requievi.

Quibus adde, si libet, et Guilielmi Goodi Jesuitæ narrationem, qui Henrico VIII. regnante Glastoniæ natus et puer educatus est. “ Glasconiæ extabant (inquit) laminæ æneæ sculptæ ad perpetuandam memoriam, sacella, crypta, cruces, arma, observatio festi S. Josephi ad VI. Calendas Augusti, quamdiu monachi regum chartis munitissime gaudebant: nunc omnia cum ruinis confusa perierunt. Nemo tamen monachorum unquam scivit certum locum sepulchri hujus sancti, vel designavit. Reconditum abdissimè dixerunt, vel ibi, vel in monte, qui monti acuto vicinus, et cui nomen Hamden-hill: et futurum, ut quando reperietur corpus ejus, universus eo mundus confluat præ magnitudine et numero miraculorum quæ fient.”

“ Et inter cætera memini me vidisse Glasconiæ in cruce lapidea, quæ sub regna Elizabetha subversa fuit, lamenam æneam in qua scribebatur, Josephum ab Arimathæa trigesimo anno post passionem Christi venisse in Britanniam cum undecim vel duodecim sociis, permissumque ei

<sup>8</sup> Edvard. Maihew congregat. Anglican. ordinis Benedict. Tabul. 2. pag. 1118, 1119.

ab Arvirago rege, Glaseoniæ quæ tunc erat insula dicta Avalonia, habitare, tanquam solitarios viros et simplices: et quod attulerit secum duo vasa argentea non grandia, in<sup>b</sup> quibus erat de sanguine et aqua sacratissima, quæ profluxerat de latere Christi mortui. Crux autem ista erecta est ante multos annos ad denotandam longitudinem sacelli ab eodem sancto Josepho ex vimineis cratibus constructi in honorem beatissimæ virginis; deducta scilicet linea recta a medio illius crucis ad latus sacelli postea lapidibus quadratis exædificati: sub qua item erat olim illud saccellum Sancti Josephi in crypta subterranea. Foris autem in muro hujus sacelli beatæ virginis erant in lapide sculpta vetustissimis literis hæc duo verba, JESUS, MARIA. Et confirmant antiqua arma Glasconiensis monasterii, quæ sunt hujusmodi: Scutum album in quo per longum erigitur stipes crucis viridis et nodosæ, et de latere ad latus extenduntur brachia seu rami crucis stipiti consimilia. Sparguntur guttæ sanguinis per omnem aream scuti. Utrinque ad latera stipitis, et sub alis crucis, ponitur ampulla inaurata. Et hæc semper denominabantur insignia Sancti Josephi: qui ibi habitasse pie credebatnr, et fortasse sepultus esse."

Eundem cum sociis ibi fuisse sepultum, in magna Glastoniensium tabula ita traditum invenio. "Ibi requiescant XII. discipuli: quorum primas et custos fuit Joseph ab Arimathia, qui Dominum sepelivit. Multi ex paganis per eos ad fidem Christi conversi ac baptizati ibidem requiescent, quorum, propter eorum multitudinem, non est numerus." De iisdem eulogii author, libro secundo: "Ibidem diu commorantes, multisque de dicto regno ad locum confluentibus per eosdem ad Christum conversis, tandem in pace quieverunt. Joseph vero ab Arimathia ibidem sepultus est juxta dictam Ecclesiam [B. Mariæ] cum duabus phialis plenis de sudore Christi sanguineo, quas secum de terra sancta detulerat." Quis vero inde usque ad Lucii regis tempora loci illius status fuerit, Guilielmus Malines-

<sup>b</sup> Vid. supr. pag. 31, et 37.

buriensis his verbis edocet. “Saneti<sup>1</sup> igitur memorati in eadem eremo sic degentes, effluentibus multis annorum curriculis carnis ergastulo sunt educti: idemque locus cœpit esse ferarum latibulum, qui prius fuerat habitatio sanctorum.”

<sup>1</sup> *Guil. Malmesbur. de antiquitat. Glaston. et eum secutus Johannes de Timouth, et Capgravius in vita Patricii.*

## CAP. III.

De Taurino, Eutropio, Timotheo, Novato, Praxede, Pudentiana, Marcello, et Lucio primo Bavarorum ac Rhætorum doctore. De tempore quo Lucius in Britannia regnavisse dicitur, variantes authorum sententiæ, et in qua insulæ parte imperium ille obtinuerit.

SUNT qui Taurinum<sup>a</sup> Eboracensem episcopum primis hisce Christianismi temporibus martyrium pertulisse putent: Vincentii Bellovacensis eam in rem producto testimonio. Verum ex ipso Vincentio apparet, non Eboracensem in Britannia, sed Ebroicensium in Gallia, Taurinum fuisse episcopum: ut tabularum<sup>b</sup> Ebroicensium, martyrologii<sup>c</sup> Romani, Ordericid<sup>d</sup> Vitalis, Radulphi<sup>e</sup> de Diceto, Antonini<sup>f</sup>, et aliorum testimonia huc advocare necesse non sit. Quanquam etiam in Wernerig Laerii Fasciculo Eboracensis ille episcopus appelletur; et in Hartmanni<sup>g</sup> Schedelii chronicō, inter eos qui sub Trajano florerunt, non solum Thaurinus episcopus Eboracensis recenseatur, sed etiam Eutropius episcopus Cantu. Qui tamen non aliud accipiendus videtur, quam ille Santonicæ urbis in Gallia episcopus; cuius, præter alios, in primo libro de gloria martyrum, capite quinquagesimo et sexto Gregorius Turonensis meminit.

<sup>a</sup> Guil. Harrison. in descrip. Britan. lib. 1. cap. 9. ex Vincent. Specul. historial. lib. 10. cap. 17. vel potius 76. Vid. Magdeburgens. centur. 2. cap. 10. col. 228.

<sup>b</sup> Demochar. de Missa, lib. 2. cap. 21.

<sup>c</sup> Martyrolog. di. 11. August.

<sup>d</sup> Orderic. ecclesiastic. histor. lib. 5. pag. 555.

<sup>e</sup> Dicet. Chronic. MS. ad ann. Dom. 90.

<sup>f</sup> Antonin. histor. part. 1. titul. 6. cap. 28. sec. 4.

<sup>g</sup> Wern. Fascic. tempor. ad ann. Christi 94.

<sup>h</sup> Schedel. Chronic. in 6. ætate mundi, fol. 111. a. edit. Norimberg. ann. 1493.

Rhaetis et Bavaris evangelium Lucius quidam primus annuntiasse dicitur: quem alii<sup>k</sup> Britannicum regem fuisse asserunt, alii negant; alii Lucium Cyrenaeum fuisse proununtiant, cuius apud Lucam in Actis<sup>k</sup> fit mentio. Eundemque ipsum Lucium Cyrenaeum alii Simonis illius<sup>l</sup> qui Christo crucem portavit, filium, alii, in quibus est Aventinus<sup>m</sup>, Pauli commilitonem et cognatum (cujus ipse in epistola ad Romanos<sup>n</sup> meminit) fuisse censem: alii etiam cum rege Britannico confundunt. "Principes apostolici senatus Petrum et Paulum ex Roma unum misisse, qui Lucium regem Britanniae convertens, faceret regalem sacerdotem," affirmat Sigismundus<sup>o</sup> Meisterlinus Augustanus. Nec desunt, qui Lucium hunc Britannicum a Timotheo S. Pauli discipulo baptizatum fuisse tradant. Ita Petrus Equilinus: "Lucius<sup>p</sup> beatus confessor fuit rex Britanniae, baptizatus a Timotheo discipulo sancti Pauli. Qui regno composito et bene ordinato, relictis omnibus secularibus pompis, multisque ad Deum conversis; veniens per Augustam in civitatem Curiæ, multis ad vitæ perfectionem exemplo et doctrinis inductis, die III. Decembris in pace quievit: ut dicit frater Bartholemæus<sup>q</sup>." Et Johannes Nauclerus: "Invenior," inquit, "in legenda sancti Timothei apostoli, quod venerit in Britanniam, et Lucium ejus gentis regem cum tota insula ad fidem Christi converterit. Et illud magis concordat legendæ sancti Lucii, quæ habetur in ecclesia Curiensi, ubi fuit episcopus et martyrio coronatus." Henricus<sup>r</sup> Pantaleon

<sup>i</sup> Vid. M. Velserum, rer. August. Vindelic. lib. 6. ad ann. Dom. 179. Gasp. Bruschiini de Germania episcopat. cap. 3. Sebast. Munster. cosmograph. lib. 3. pag. 519. Achillem Gassarum, in Augustanae urbis descript. ibid. pag. 603. Et Arnoldum Mermannum, in Theatro conversionis gentium. Λούκιος ἐπίσκοπος Ααοδικίας Σωρίας. Hippolyto in libello inedito de 70. discipulis.

<sup>k</sup> Act. cap. 13. ver. 1.

<sup>l</sup> Mark. cap. 15. ver. 21.

<sup>m</sup> Jo. Aventin. annal. Boior. lib. 2.

<sup>n</sup> Rom. cap. 16. cap. 21.

<sup>o</sup> Sigismund. chronic. Augustan. ecclesiastic. cap. 3. tom. 3. scriptor. rerum Germanic. a Pistorio edit. pag. 592. excus. Francofurt. ann. 1607.

<sup>p</sup> Petr. de Natalib. lib. 1. cap. 21.

<sup>q</sup> Bartholemæus Anglieus (ut videtur) in chronicō de Sanctis.

<sup>r</sup> Naucler. chronograph. volum. 2. generat. 6.

<sup>s</sup> Pantal. de viris illustr. German. part. 1.

similiter ex ecclesiae Curiensis annalibus: “Quoniam apostolorum discipuli passim per terrarum orbem Christo Ecclesiam colligerent, factum est ut etiam Britannia a S. Pauli auditoribus ab idolorum cultu ad Christum converteretur. Itaque factum est ut S. Lucius Timothei discipulus, et ex regio Britannorum sanguine prognatus, sibi proposuerit plures homines in errore perseverantes Christo lucrificare. Propterea Rhenum ascendens ubique evangelium prædicavit, atque demum in Boioariam pervenit, &c.” Denique Dempsterus<sup>t</sup>, die III. Decembris, quo Curiæ apud Rhætos illum quievisse supra est dictum, “in Scotia baptismationem Lucii regis per Timotheum S. Pauli discipulum, cum Emerita sorore,” ex Constantini Felicis ephemeredibus factam esse notat.

Hie vero notandum est, præter Timotheum illum, ad quem a B. Paulo binæ scriptæ sunt epistolæ, alium etiam a scriptoribus commemorari ejusdem Pauli discipulum, qui ad Antonini Pii imperatoris, et Pii episcopi Romani tempora vitam produxisse dicitur. Qua ratione ejusdem fere cum Polycarpo fuisset ætatis, qui, testante Irenæo, “ab<sup>u</sup> apostolis edoctus, et conversatus cum multis ex eis qui Dominum nostrum viderunt;” Romam tamen sub Aniceto Pii successore venit, et septimo<sup>w</sup> demum anno Marci Aurelii Veri, successoris Antonini Pii, nobili martyrio vitam consummavit. De Timothei hujus exitu in epistola Pio<sup>x</sup> I. Romano episcopo inscripta ita legimus: “Presbyteri illi qui ab apostolis educati usque ad nos pervenerunt, cum quibus semel verbum fidei partiti sumus, a Domino vocati, in cubilibus æternis clausi tenentur, Sanctus Timotheus et Marcus per bonum certamen transierunt.” Utrumque sub Antonino imperatore martyrio coronatum esse, ex antiquis ecclesiasticis<sup>y</sup> tabulis refert

<sup>t</sup> Dempster. in Menolog. Scotic. Decemb. 3. et histor. ecclesiastic. Scotor. lib. 5. num. 482.

<sup>u</sup> Irenæ. lib. 3. eap. 3. Euseb. lib. 3. cap. 30. (Græc. 35.) lib. 4. cap. 13. (Græc. 14.) et lib. 5. cap. 24. (Græc. 26.)

<sup>w</sup> Euseb. lib. 4. histor. cap. 14. (Græc. 15.) et in chronicō.

<sup>x</sup> Pii epist. 1. ad Justum Viennens. episc. in Orthodoxograph. et tom. 1. Concil. edit. Binii. ann. 1618. pag. 70.

<sup>y</sup> Martyrolog. Roman. di. 21. Mart. Baron. annal. tom. 2. ann. 166. sec. 2.

Baronius: qui tamen non Antoninum Pium (intra cuius imperium oinnes Pii episcopi annos comprehensos esse ex Eusebio intelligimus) sed Marcum Aurelium, qui vulgo Antoninus philosophus appellatur, hic intelligendum esse statuit; ut suas ipsius hypotheses, quibus primorum urbis Romæ episcoporum tempora mire turbavit, tueatur.

In vetere Romanæ Ecclesiæ martyrologio quod suo præmittendum curavit Ado, ad XII. Kalendas Julii, Romæ celebrari dicitur natalis “Novati, fratris Timothei presbyteri, qui ab apostolis eruditi sunt.” Idem etiam in suis martyrologiis habent Beda, Usuardus, Ado, et Notkerus, ad eundem diem. Addit Usuardus, “horum sorores fuisse beatam Potentianam et Praxedem, sacras virgines Christi.” Quod non in Jacobi<sup>z</sup> Januensis solum legenda et Petri<sup>a</sup> Equilini sanctorum catalogo, et Antonini<sup>b</sup> chro-nico, sed etiam in vita Praxedis, quæ in collectione historiarum sanctorum Lovanii anno MCCCCCLXXXV. edita habetur; in novo quoque martyrologio Romano traditum invenio: ut Raphaelem<sup>c</sup> Volaterranum præteream qui Novato quidem eundem quem Praxedi et Potentianæ patrem Pudentem assignat, sed Pudentem cum tota domo sub Antonino imperatore a Pio pontifice primum Christianum factum esse asserit, licet Pudentem illum, cuius in posteriore epistola ad Timotheum facta est mentio, una cum Paulo sub Nerone capite truncatum fuisse, in fine synopseos suæ affirmet Dorotheus. Petri Equilini verba hæc sunt: “Novatus discipulus fuit illustrissimi generis urbis Romæ, Pudentis discipuli Pauli apostoli filius, et frater Timothei presbyteri: quorum sorores fuerunt sancta Potentiana et Praxedis.” Martyrologii Romani ista: “XII. Kalend. Julii, Romæ depositio sancti Novati, filii beati Pudentis senatoris, et fratris sancti Timothei presbyteri, et sanctorum Christi virginum Pudentianæ et Praxedis, qui ab apostolis eruditi sunt in fide.” Ubi Baronius in

<sup>z</sup> Jacob. de Voragine, in legenda SS. Praxedis et Potentianæ.

<sup>a</sup> Petr. de Natalib. lib. 5. cap. 130.

<sup>b</sup> Antonin. chronic. tit. 6. cap. 28. sec. 6.

<sup>c</sup> Volaterran. Anthropolog. lib. 18.

notationibus, ex horum actis a pastore presbytero scriptis apparere ait, Timotheum et Novatum "filios Pudentis senatoris, fratres vero prædictarum sanctorum virginum" extitisse. At neque ex illis quæ hinc excerpta vel martyrologio suo Ado<sup>d</sup> vel annalibus suis inseruit ipse Baronius<sup>e</sup>, neque ex antiquissimis pseudo-pastoris illius exemplaribus, quæ in Cottoniana bibliotheca videre contigit, quicquam ejusmodi colligere potui. In his quidem Pudentiana et Praxedes germanæ, Timotheus et Novatus germani appellantur: sed hos illarum fuisse germanos nusquam dicitur.

Baronius tamen<sup>f</sup> quatuor hisce non unum solum patrem Pudentem, quod ab aliis quoque factum ostendimus, sed unam etiam matrem Priscillam, non alium, opinor, quam seipsun authorem hic secutus, satis confidenter assignat. Verum tum in actis Potentianæ sive Pudentianæ manuscriptis, quæ a pastore etiam illo ad Timotheum scripta singuntur, tum in vita Pudentis apud Petrum<sup>g</sup> Equilinum; Priscilla non uxor sed mater Pudentis, Sabinella mater Pudentianæ et Praxedis, uxor vero Pudentis statuitur. Quorum prius de Priscilla illud, in suis etiam manuscriptis Pudentianæ actis reperiri agnoscit ipse Baronius<sup>h</sup>: posteriorius hoc de Sabinella, in martyrologiis etiam Bedæ, Adonis et Notkeri, ad XIV. Kalendas Junii, legitur. Quod si Timotheum et Novatum Pudentis filios fuisse admittamus: Claudia fortasse Britanna, ex qua liberos aliquot Pudentem suscepisse Martialis author est, mater illis assignanda videretur, potius quam Priscilla. (Sabinellæ enim filios fuisse nemo dicit) atque ita minus esset mirandum, quod convertendi Britannos curam Timotheus hic in se susciperet, si ipse Britannica satus fuisse origine. Lucii certe regis conversio ultra Pii episcopi Romani tempora, quibus Timotheum vixisse ostendimus, protendi non po-

<sup>d</sup> Ado in Martyrolog. 12. Kalend. Julii.

<sup>e</sup> Baron. ann. 162. sec. 2.

<sup>f</sup> Id. ann. 159. sec. 8. et 166. sec. 2.

<sup>g</sup> Petr. de Natalibus, catalog. Sanctor. lib. 5. cap. 14.

<sup>h</sup> Baron. Martyrolog. Roman. Januar. 16. Jacobus Januensis, in legenda aurea, cap. 91. de SS. Praxede et Potentiana. "In pace quieverunt circa annos Domini CLXV. sub Marco Antonino."

test: si verum sit quod in Britannica<sup>i</sup> historia est traditum, eum “ab hac migravisse vita anno ab incarnatione Domini centesimo quinquagesimo sexto.” Id enim post Galfridum Monemuthensem affirmant Johannes Castorius, Thomas Harfeldius, Ponticus<sup>k</sup> Virunnius, authores annalium Wigorniensium, Halensium, et aliorum anonymorum complurium.

Sed non est dissimulandum, de tempore conversionis Lucii miram reperiri inter scriptores discordiam. “Centum ferme annis a partu virginis,” eam contigisse pronuntiat Paulus Jovius in descriptione Britanniae. Albertus<sup>l</sup> Crantzius sub “Alexandro primo ejus nominis summio pontifice” factam esse notat: Ninius, sub antecessore illius Euaristo. “Anno,” inquit, “Dominicæ incarnationis centesimo sexagesimo quarto Lucius Britannicus rex cum universis regulis totius Britanniae baptismum susceperunt; missa legatione ab imperatoribus Romanorum, et a papa Romano Euaristo.” Vel ut habetur in duobus bibliothecæ Cottonianæ exemplaribus antiquissinis, quæ nullum tamen autoris nomen præferunt: “Post centum et sexaginta septem annos post adventum Christi, Lucius Britannicus rex cum omnibus regulis totius Britannicæ gentis baptismum suscepit; missa legatione ab imperatore Romanorum, et a papa Romano Euaristo.” Quæ temporibus pessime divisa esse, nemo non videt. Euaristum enim undecimo Trajani anno, qui fuit æræ Christianæ centesimo et octavo Gallo et Bradua consulibus vivere desiisse, ex Eusebio et libro pontificali constat: anno vero centesimo sexagesimo quarto et centesimo sexagesimo septimo duo fratres Marcus et Lucius Aurelius simul Romanum imperium administrarunt; sed episcopatum nondum adeptus est Eleutherius, sive (ut in vetustis codicibus rectius appellatur) Eletherus, sub quo Lucium primum Christo

<sup>i</sup> Galfrid. Monemuthens. de gestis Briton. lib. 2. cap. 2.

<sup>k</sup> Initio lib. 5. in prima editione, quæ prodiit Augustæ Vindelic. anno 1534. nam in posterioribus editionibus pro anno 156. male repositus habetur 158.

<sup>l</sup> Crantz. Metropol. lib. 1. cap. 6.

nomen dedisse, tum apud omnes communiter authores, tum in uno etiam ipsius Ninii exemplari scriptum invenio. Venerabilis Beda libro primo historiæ Anglorum, capite quarto ita rem explicat: “Anno ab incarnatione Domini centesimo quinquagesimo sexto, Marcus Antoninus Verus, quartus decimus ab Augusto, regnum cum Aurelio Commodo fratre suscepit. Quorum temporibus cum Eleuther vir sanctus pontificati Romanae Ecclesiæ præcesset, misit ad eum Lucius Britannorum rex epistolam, obsecrans ut per ejus mandatum Christianus efficeretur. Et mox effectum piæ postulationis consecutus est. Susceptamque fidem Britanni usque in tempora Diocletiani principis inviolatam integrumque quieta in pace servabant.” Et in epitome ejusdem historiæ: “Anno Dominicæ incarnationis centesimo sexagesimo septimo, Eleuther Romæ præsul factus, quindecim annis Ecclesiam gloriosissime rexit: cui literas rex Britanniae Lucius mittens, ut Christianus efficeretur petiit et impetravit.”

Ex quibus duobus locis inter se collatis observo, I. Bedam, suas quasdam rationes secutum, exordium imperii Marci et Lucii Aurelii (quod in annum nativitatis Dominicæ, juxta vulgarem nostram supputationem, CLXI. incidit) ab anno Dominicæ incarnationis CLVI. repetere: et quidem a fine illius, ut videtur. Quandoquidem ipsi circa Nonas Martii imperare inceperunt; anni vero incarnationis in IX. Kalend. April. terminantur. II. Lucio Aurelio tribuere illum (cum Julio Capitolino, Aurelio Victore, et Eutropio) annos imperii XI. non IX. ut ab aliis factum. III. Ad XI. illorum annorum extremum, Eleutherianus episcopatus exordium ab eo referri: ut anni CLVI. ex CLXV. subducti calculus manifestum facit. Et quidem juxta libri pontificalis rationes initium Eleutheri ab XI. Marci anno fuisse deducendum quo consules fuerunt Severus et Herennianus: (erat is vulgaris nostræ æræ annus CLXXI. juxta Bedæ vero hypothesin CLXVII.) licet juxta Eusebianam chronologiam, quam nos ut veriorem sequimur, a XVI. ejusdem anno deduci debuisse, ab anno videlicet Christi CLXXVII. sive æræ vulgatae Dionysianæ CLXXVI. quo consulatum gesserunt Pollio

et Aper. IV. Cum Marci et Lucii Aurelii temporibus Lucium Britannorum regem epistolam misisse Beda significet; et ipsius Eleutheri initium (ut jam ostensum est) in conjuncti duorum fratrum imperii postremo anno collocet: ex illius sententia, Lucii legationem ad primum Eleutheri annum necessario esse referendam. Id quod in Latino-Saxonice annalibus, quos a V. Cl. Guilielmo Camdeno acceptos in instructissima sua bibliotheca reposuit D. Robertus Cottonus, ita clarus expressum invenio.  
 “Anno CLXVII. Eleutherus suscepit papatum, et tenuit XV. annos, et hoc ipso anno misit Lucius Britwalanorum rex [on dýran ýlcan ȝeape ȝende luciuȝ þex bþitþalana cing ȝ bæð ȝulpihter. ȝ he him ȝona ȝende.] Similiter et recentiores, Platina in vita Eleutheri, et Nauclerus in chronographia<sup>m</sup>, “Inito pontificatu, statim epistolam accepit a Lucio rege Britanno, qua rogabatur, ut se ac suos in Christianorum numerum reciperet.” Jacobus Philippus Bergomensis, in supplemento chronicorum, libro octavo.  
 “Hic in principio sui pontificatus a Lucio Britannico regi epistolam accepit, qua rogabatur, ut se suosque omnes baptizare dignaretur.” Ant. Sabellicus<sup>n</sup>, et Hector Boethius<sup>o</sup>, “Cum hoc nuper dignitatem adepto, Lucius Britanniae rex per literas egit, ut se et suos vellet Christianorum numero addicere.”

Marianus Scotus, et ejus sectator Florentius Wigorniensis, ut ut in applicatione annorum Domini ad annos imperatorum a Beda, Eusebio et aliis omnibus discedat, initium tamen Eleutheri cum Eusebio in chronicō ad XVI. Marci (XV. habent vulgati codices, contra fidem MSS. Marianī exemplarium :) legationem Lucii cum Beda ad initium Eleutheri, et horum utrumque ad consulatum Pollio et Apri non male retulit. Nec temporis, quo fides Christiana a Lucio primum est suscepta, certior aliqua circumscriptio inveniri potest inter tam multas tamenque discrpantes hac de re scriptorum sententias: quarum

<sup>m</sup> Volum. 2. generat. 6.

<sup>n</sup> Enneadis 7. lib. 5.

<sup>o</sup> Scotor. histor. lib. 5.

viginti quinque visum est subjicere. Assignant enim hic annum Christi

CXXXVII. Burtonensium annalium interpolator.

CL. Annales monasterii de Crokysdene, et Bartholomaeus de Cotton, in tractatu de archiepiscopis et episcopis Angliae.

CLV. Galfridus Malmesburiensis, et Johannes Gerbrandus Leydensis, in chronic. Bel. lib. 2. cap. 1.

CLVI. Gotcelinus Bertinianus monachus, in majore historia vitae Augustini, capite tricesimo secundo. Guido de Columna, a Fabiano citatus, author libri de primo statu Landavensis Ecclesiæ: eumque secutus Johannes Tinmuthensis et Johannes Capgravius in vita Dubricii. Thomas Rudburnus senior in chronicō minore. Thomas Stubs in libro de Eboracensibus archiepiscopis. Chronicō vetus<sup>p</sup>, vocatum Brutus, &c. Guil. Caxton in chronic. Anglic<sup>q</sup>.

CLVII. Rogerus de Wendover, et Matthæus Westmonasteriensis MS. (nam impressus habet CLVIII.)

CLXII. Marianus Scotus, Florentius Wigorniensis, et Johannes de Taxster in suis chronicis. Item Robertus Glocestrensis in historico poemate de rebus Angliæ: author historiæ Eboracensium archiepiscoporum, qui circa annum MCCCCLX. floruit; et Richardus Lepidus Bartholinus, in epistola ad D. Robertum Wingfeld.

CLXIV. Antiquitatum Wintoniensis ecclesiæ collector; et ante eum Ninius in cuius apographo, ad Dunelmensem monachorum bibliothecam quondam spectante, hujusmodi etiam habetur veteris librarii annotatio: "Ex quo Brittones primum fidem Christi, tradente papa Euaristo, regnante rege Lucio suscepérunt; Hoc anno gratiae MCLXVI. duo supra mille anni transacti sunt." Nam in eo codice, et duobus aliis quæ consuli Ninii exemplaribus, "Post CLXIV. annos post adventum Christi Lucius" baptismum suscepisse legitur: licet in alio CXLIV. et duobus anonymis Cottonianis CLXVII. annos exaratos invenerim.

CLXV. Thomas Rudburnus junior, in majore historia.

CLXVI. Guilielmus Malmesburiensis, in libro de antiquitate Glastoniensis ecclesiæ: necon Johannes Tinmuthensis et Jo. Capgravius, in vita Patricii, ex libris Glastoniensis monasterii. Item author annalium tempore regis Stephanī (ut videtur) scriptorum, et annalium S. Augustini Cantuarensis.

CLXVII. Beda, et veteres annales Saxonici, eum secuti. Item monachus cœnobii Augustini Cantuar. qui scripsit anno MCCCCVI. et annalium Roffensis ecclesiæ author, qui circa annum MCCXXIV. claruit.

CLXIX. Henricus de Erphordia, et legum S. Edvardi interpolator.

CLXXV. Annales Lichfeldenses.

CLXXVII. Dodechinus, vel quicunque vulgatum Mariani Scotti chronicō edidit. Hermannus Contractus, in chronicō ab H. Canisio edito (si prima pars illius sit.) Annales monachi de Waverly, &c. Chronicō Wintoniense, ad annum MCCLXXVII. productum. Et Guilielmus Harrison descript. Britanniae libro primo, capite nono.

<sup>p</sup> Chronic. de Pipwell.

<sup>q</sup> Vid. Naucler. volum. 1. generat. 6. fol. 25. et generat. 30.

- CLXXXVIII. Radulphus de Baldoc, Londinensis episcopus in chronicō.
- CLXXXIX. Jo. Balæus (centuria prima scriptorum Britannorum capite vicesimo nono.) ex verioribus, ut ille ait, annalibus.
- CLXXXI. Vulgatum Hermanni Contracti chronicon, a Sangallensi monacho editum.
- CLXXXII. Jo. Trithemius, in compend. libro primo annalium. Polydorus Vergilius, libro secundo Anglicanæ historiæ. Georgius Lilius, in Anglorum regum chronicō. Guil. Paradinus in Anglicæ descriptionis compendio, capite vicesimo secundo. Stephanus Forcatulus, de Gallorum imperio et philosophia libro septimo et Alphonsus Ciaconius in vītis pontificum.
- CLXXXIII. Rogerus de Wendover; in illius anni historia. Cæsar Baronius, ad annum eundem.
- CLXXXIV. Chronica Britonum abbreviata, et Johannes Fletus, in libro de foundatione ecclesiæ Westmonasteriensis ex vetustissimo chronicarum libro veteri Anglorum sive Saxonum lingua conscripto. Thobias Roffensis, et Malmesburiensis monachus in quarto Eulogii historiarum libro.
- CLXXXV. Matthæus Parisiensis in historia majore. Matthæus Westmonasteriensis, in floribus historiarum. Historia Roffensis. Chronicō de Kirstall, &c. Chronicō a Bruto ad Edvardum III. deductum.
- CLXXXVII. Hector Boethius, historiæ Scotorum libro quinto et Lanquetus.
- CLXXXVIII. Petrus Pictaviensis, a Rob. Fabiano citatus, annales de Lacock : et monasterii Abbendonensis; quibus astipulatur et Martinus Polonus.
- CLXXXIX. Annales Saxonici, ad annum MI. produeti :
- CXC. Johannes Hardingus, in chronicō capite quinquagesimo primo : item author annalium MSS. ad annum MCCCLXIV. perductorum, et Johannes de Garlandia, in poemate de triumphis Ecclesiæ, libro quarto.
- CXCIX. Monachus Malmesburiensis anonymous, libro secundo Eulogii.

Quanquam vero in annis æræ Dominicæ ad præsentem historiam applicandis tanta sit inter authores istos discrepantia: in eo tamen maximam eorum partem convenire animadverto, quod ad eundem annum et ingressum Eleutheri, et missam ad eum a Lucio legationem cum Beda et Mariano Scoto referant. Constat autem Eleutherum anno æræ Christianæ vel CLXXI. juxta librum pontificalem vel CLXXVI. juxta Eusebium (cujus major est authoritas) pontificatum iniisse. Utrumvis vero sequaris, a Cæsaris Baronii et aliorum inter quos Camdenus<sup>r</sup>, sententia discedendum erit, qui post mortem Marci Aurelii Antonini, sub successore ipsius Commodo Lucii conversionem factam esse statuunt. Id quidem primus, quod sciam, tradidit Rogerus de Wendover in chronicō, circa annum MCCXXXV. a se edito: sed antiquiores, quibus potior

habenda est fides, Beda, Ado Viennensis, (perperam, ut alterius sententiae patronus, a Baronio citatus), Annales Anglo-Saxonici, et qui Aberto Menevensi tribuuntur, Hermannus<sup>s</sup> Contractus, Marianus Scotus, Sigebertus Gemblacensis (in chronicis procœmio), Gotcelinus Bertinianus, Florentius Wigorniensis, Henricus Huntingtoniensis, Radulphus de Diceto, Radulphus Niger, et alii ad Marci tempora retulerunt.

Et hæc quidem sunt quæ de temporis ratione, tantopere controversa, dicenda habuimus. De ipso rege, et ejus regno jam aliquid attexendum. Appellatus est ille Britannica quidem lingua Lles, Latina vero Lucius: sive a Romanis, sub quibus vixit, prænomen illud primum traxerit; sive ab eventu cognomen hoc illi postea fuerit inditum. Apud Britannos enim “Lucium agnomine Léuer maur, id est, magni splendoris, propter fidem quæ in ejus tempore venit” vocatum esse, in additionibus ad Ninium author est Samuel Beulanus filius. Quo etiam referendi sunt illi Gildæ nescio cui poetæ Britannico adscripti versiculi:

Inde patri Coylo succedit Lucius, orto  
Lucifero prælucidior: nam lucet in ejus  
Tempore vera fides, errorum nube fugata.

et illud Alexandri Necchami, in libro de laudibus divinæ sapientiae, distichon:

Prima Britannorum fidei lux Lucius esse  
Fertur, qui rexit mœnia Brute tua.

Nec hoc prætereundum, repertos esse in Anglia duos antiquissimos nummos, (argenteum unum quem habuit M. Josephus Hollandus, aureum alterum quem inter D. Roberti Cottoni κειμήλια vidimus:) Christiani regis, uti ex signo crucis apposito colligitur, imagine, et literis obscurioribus, quæ LVC denotare videbantur, insignitos.

In Britannia vero regnasse Lucium, omnes consentiunt: indeque “Britanniam omnium provinciarum primam publicitus Christi nomen recepisse,” notant Sabellicus<sup>t</sup>, Po-

\* Si is prioris partis chronicis author sit.

<sup>t</sup> Sabellius. Euncad. 7. lib. 5.

lydorus Vergilius<sup>u</sup>, Georgius Lilius<sup>w</sup>, et Reginaldus Polus<sup>x</sup> cardinalis. Quod etiam a nostris anno MCCCCXXXIV. in concilio Basileensi, legatis regis Castellæ ita objectum invenio: “ Ante quemcunque regem Castellanorum multi reges Angliæ sive Britanniæ baptizati sunt, sacrosanctam recognoscentes Ecclesiam. Unde quasi in primis cunabulis fidei, Lucius rex Britannorum audita sola fidei fama, non vocatus, non alicujus prædicatione inductus, misit suas epistolas ad papam.” Frivolum vero est, quod contra opponit Alphonsus Garsias regis Castellani orator, “ hoc posse intelligi de alia Britannia quæ est citra mare :” et ratio quam affert, adhuc futilior: “ Nam ut habetur in Catholicon<sup>y</sup>,” inquit, “ quando dicimus Britanniam sine alia adjectione, intelligitur de Britannia citramarina, ubi forte tunc erant reges.” Si enim per Britanniam citramarinam, Armoricanam intelligat, quæ Francis Britannia cismarina appellatur: ea certe Lucii temporibus Britannia dicta non fuit. Nam diu postea Julius Scaligerus

Vicit Aremoricas animosa Britannia gentes,  
Et dedit imposito nomina prisca jugo.

Et post acceptum ab Armoricis illud nomen, si quis Bedam et alios gentis nostræ historicos legens, quotiescunque Britanniam sine alia adjectione nominataam invennerit, Britanniam Armoricanam intelligendam existimet: næ ille dignus sit qui ad Anticyras relegetur. Mitto quæ de sedibus episcopalibus et archiepiscopalibus in majore Britannia a Lucio constitutis, nostri produnt annales: alia enim gravior de Lucii regno adhuc movetur quæstio; totamne insulam, an partem ejus aliquam illud comprehendenterit.

<sup>u</sup> Polyd. Engl. hist. lib. 2.

<sup>w</sup> Lil. Epitom. chronic. Britan.

<sup>x</sup> “ Nam ut historiæ testantur, erat prima provinciarum quæ amplexa est fidem Christi.” Polus in oratione ad R. Philippum et Mariam, in comitiis Anglicanis, ann. 1555.

<sup>y</sup> Johannes de Janua in Catholic. voc. Brito. “ Nota quod Britanni quandoque dicuntur Angli, sed cum adjuncto, ut flavi Britanni, et raro sine adjuncto. Et quandoque dicitur quædam insula ultra Britanniam: Et prope illi Britanni, qui candem inhabitant. Sed qui nobis sunt contigui proprie sunt Britones.”

Totam illi assignant nostrorum plurimi: insulas quoque omnes ad Norwegiam et Daciam usque adjicere videtur legum Edvardi confessoris interpolator<sup>z</sup>; de limitibus regni Britannici ita disserens. “ Universa terra et tota, et insulæ omnes usque Norwegiam et usque Daciam, pertinent ad coronam regni ejus, et sunt de appendiciis et dignitate regis: et una est monarchia, et unum est regnum; et vocabatur quondam regnum Britanniæ, modo autem vocatur regnum Anglorum. Tales enim metas et fines, ut prædictæ sunt, constituit et imposuit coronæ regni hujus dominus Eleutherius papa sententia sua, anno scilicet sexagesimo<sup>a</sup> septimo post passionem Christi; qui primo destinavit coronam benedictam Britanniæ et Christianitatem Deo inspirante Lucio regi Britonum.” Petrus Cratepolius in Trevirensium archiepiscoporum catalogo, “ ejus opera Britanniæ magna ex parte fidem Christi profiteri cœpisse;” et in libello de sanctis Germaniæ, “ ejus studio totam Angliam ad Christi fidem appulsam esse” scribit. Reginaldus Polus<sup>b</sup> cardinalis in oratione ad regem Philippum et Mariam, Westmonasterii in regni comitiis habita, “ receptam tum publice Christi fidem per totam insulam” fuisse dixit. Britanos enim, “ non ut cæteras gentes, quæ sensim et diuturni temporis interposita mora fidem hauserunt, neque ut in horologiis usu venire solet, quæ temporibus paulatim succendentibus horarum suarum accipiunt incrementa; sed uno eodemque pene momento omnes simul religionem Christianam amplexatos esse.”

Ego vero in reverendi patris Francisci Godwini episcopi Herefordensis sententiam libens concedo; “ Lucium<sup>c</sup> universæ Britanniæ régem nunquam fuisse, imo nec potioris alicujus partis ejusdem, quam tam multis ante id tempus annis Romani subegerant, et in provinciæ formam redegerant.” Veteres enim Britanos non uni alicui monarchiæ,

<sup>z</sup> Guil. Lambard. *Ἀρχαιονομία* fol. 130. b. collat. cum MS. Cottoniano.

<sup>a</sup> CLXVII.

<sup>b</sup> Ex literis Johannis Elderi ad Robertum Stuartum Cathenesiæ episcopum anno 1555, scriptis: et Matth. Parkero, in vita Poli.

<sup>c</sup> Fr. Godwin. de convers. Britan. ad Christ. cap. 3, pag. 27.

sed pluribus regibus paruisse, ex Cæsare<sup>d</sup>, Diodoro<sup>e</sup>, Strabone<sup>f</sup>, Mela<sup>g</sup>, Suetonio<sup>h</sup>, Tacito<sup>i</sup>, Dione<sup>k</sup>, ipsoque Gilda<sup>l</sup> manifestum est: et meliorem<sup>m</sup> partem insulæ jambudum in provinciam a Romanis redactam, ac non ita pridem sub Antonino Pio<sup>n</sup> a cæteris indomitis gentibus interjecto vallo diremptam esse, norunt vel mediocriter in hisce studiis versati.

Ultra vallum illud erat ea Britanniæ pars quæ Caledonia appellabatur, maximam hodiernæ Scotiæ partem complexa: in qua sub Victore I. Eleutheri successore, et Severo imperatore primum receptam esse fidem Christianam, Scotorum tradunt historici. Quanquam author annalium lingua Anglo-Saxonica ante sexcentos annos scriptorum, hanc ipsam Eleutheri et Lucii historiam ad Severi tempora referat, quem anno Domini CLXXXIX. imperium adeptum esse, cum Beda<sup>o</sup> affirmat. Nec desunt, qui<sup>p</sup> in hac insulæ parte quam Britanni libere possederunt Lucium regnasse existiment; et Tertullianum<sup>q</sup> hic testem advocent sub Severi imperio scribentem, “Britannorum inaccessa Romanis loca Christo subdita.”

In citeriore tamen insulæ parte a Lucio Christianam fidem propagatam fuisse, communis scriptorum nostrorum est sententia: pro qua etiam facit, quod de Cambro-Britannis refert Gotcelinus Bertinianus monachus; eos Augustino Romano legato sese opposuisse, illi “velut<sup>r</sup> in acie non

<sup>d</sup> Cæsar. de bello Gallic. lib. 5.

<sup>e</sup> Diodor. Sicul. lib. 5. cap. 3.

<sup>f</sup> Strabo Geograph. lib. 4.

<sup>g</sup> Mela, de situ orbis, lib. 3. cap. 6.

<sup>h</sup> Sueton. in Claudio, cap. 21.

<sup>i</sup> Tacit. annal. lib. 12. et 14. et in vita Agricolæ.

<sup>k</sup> Dio Cass. lib. 60.

<sup>l</sup> Gildas, epist. de excid. Britann.

<sup>m</sup> Appianus in proœmio histor. Τῆς Βρετανίδος νήσου τὸ κράτιστον ἔχονσιν ὑπὲρ ἡμισυ, οὐδὲν τῆς ἄλλης ἔεόμενον. Οὐ γάρ εὑφορος αὐτοῖς ἐστὶ οὐδὲ ἦν ἔχονσι.

<sup>n</sup> Julius Capitolinus, in Antonino Pio. “Britannos per Lollium Urbicum legatum vicit, alio (præter illum sc. quem prius extruxerat Hadrianus) muro cespitio submotis barbaris dueto.”

<sup>o</sup> Beda, lib. 1. hist. cap. 5.

<sup>p</sup> Vid. Baron. annal. tom. 2. ann. 183. sec. 6. Et Nicol. Sander. de visib. monarch. lib.

<sup>q</sup> Tertullian. in lib. adversus Judæos, cap. 7.

<sup>r</sup> Gotcelinus in histor. minore vitæ Augustini. cap. 24.

solum repugnantes, verum etiam suos usus omnibus præminentiores, sancti papæ Eleutherii auctoritate pronuntiantes." Allegantes insuper "suas" ceremonias non solum a sancto Eleutherio papa primo institutore suo ab ipsa pene infantia Ecclesiæ dicatas, verum a sanctis patribus suis Dei amicis et apostolorum sequacibus hactenus observatas; quas non deberent mutare propter novos dogmatistas." Ita Galfridus Monemuthensis, de eadem Augustini legatione verba faciens, "In<sup>t</sup> parte Britonum adhuc vigebat Christianitas; quæ a tempore Eleutherii papæ habita, nunquam inter eos defecerat." Similiter scribit Rogerus de Wendover, ejusque sequaces Matthæus Parisiensis, Matthæus Westmonasteriensis, et Roffensis historiæ author; ad annum gratiæ DLXXXVVI. Geraldus<sup>u</sup> denique Cambrenium suorum laudabilia describens; "Olim," inquit, "longeque ante excidium Britannicum (quia per annos circiter ducentos) per Faganum et Damianum ad petitionem Lucii regis ab Eleutherio papa in insulam transmissos, in fide fundati sunt et solidati."

Neque est quod miremur, illis temporibus in Romana provincia regi Britannico locum esse potuisse. Nam præterquam quod imperante Marco arma in Romanos sumperint Britanni, adversus quos Calphurnium Agricolam missum esse author est Julius Capitolinus<sup>w</sup>: tenendum est, Romanos ut Judæis et aliis provincialibus compluribus, ita et Britannis reges suos concessisse. Indeque apud Tacitum legimus, "Regem<sup>x</sup> Icenorum Praesutagum, longe opulentia clarum," Neronom hæredem scripsisse; "tali obsequio ratum, regnum et domum suam procul injuria fore;" et Cogiduno regi postea civitates aliquot in Britannia donatas, "vetere<sup>y</sup> ac jampridem recepta populi Romani consuetudine, ut haberet instrumenta

<sup>s</sup> Gotcelinus in historia majore cap. 32.

<sup>t</sup> Hist. Britann. lib. 8. cap. 4.

<sup>u</sup> Girald. descript. Cambriæ, lib. 1. cap. ult.

<sup>w</sup> Capitolin. in Marco.

<sup>x</sup> Tacit. annal. lib. 14. cap. 31.

<sup>y</sup> Tacit. in vita Agricola, cap. 14. De Musonii Philosophi tempore, Jo. Stobæus. (serm. de regno.) ἦσαν ἔτι τότε ἐν Συρίᾳ Βασιλεῖς Ρωμαίων ἀπήκοοι.

servitutis et reges." Atque ut hoc ipso tempore de quo agimus, Lueium Verum imperatorem in oriente confecto bello Parthieo, "regna regibus, provincias vero eomitibus suis regendas dedisse," doet Capitolinus<sup>z</sup>: ita hie "Lucium Pium, Coilli filium unicum, Romanorum fautorem, Cæsaris Marci Antonini Veri tum benevolentia, tum auctoritate, Britannis post patrem imperasse;" non male seripsit Balæus<sup>a</sup> noster. Addit idem<sup>b</sup>, postea "Britannis ademptam fuisse publico et perpetuo Romanorum deereto dignitatem regiam;" quod etiam a Seotorum chronographis proditum invenio; a Johanne Fordono quidem obscurius, ab Hectore vero Boethio, quem secutus videtur Balæus, multo expressius. Fordoni verba haec sunt: "Defuneto<sup>c</sup>, vel, ut alibi, non comparente Britonum rege Lueio, post quem eorum regia stirps in Britannia regnare desiit, tribuni pro regibus eonstituuntur ibidem a Romanis;" Boethii ista, libro quinto historiæ suæ: "Post Lueium Britonum regem extinetum, cuius paulo ante mentionem feei, (dixerat autem antea, illum Britonibus Cæsaris benevolentia et auctoritate imperitasse, et Romanorum fautorem extitisse:) Romani gnari Britannos reges, multarum in populo seditionum, et rebellionum in se fuisse autores; ut res Romana in Britannia foret quietior, publico vetuere deereto, ne quispiam Britannie sanguinis deinceps regia insigniretur dignitate." Galfridus Monemuthensis, et ejus sequaces, id tantum referunt: Coillum<sup>d</sup>, Marii regis filium, Arviragi nepotem, ab infantia Romæ nutritum, moresque Romanorum edoetum, tributum quod ab eis exigebatur solventem in pace regnum suum obtinuisse; filium ejus Lucium, ut alterum Coillum habitum, omnes bonitatis paternæ actus imitatum esse, eoque deum sine<sup>e</sup> sobole quæ sibi succederet defuneto Britannos a Romana potestate deseivisse.

<sup>z</sup> Capitolin. in Vero.

<sup>a</sup> Bal. Centur. 1 Script. Britan. cap. 29.

<sup>b</sup> Bal. Centur. 1. script. Britan. cap. 30.

<sup>c</sup> Fordon. lib. 2. Scotichronici, cap. 31.

<sup>d</sup> Histor. Britannic. lib. 4. cap. 18. et 19. edit. Heidelberg.

<sup>e</sup> Histor. Britan. lib. 5. cap. 1, 2.

## CAP. IV.

De literis, quæ a rege Lucio, per legatos Eluanum et Medwinum, ad Elentherum Romanum episcopum missæ fuisse dicuntur. De doctoribus Cantabrigiensibus, nec non Timotheo, Fagano, Derwiano et Aarone, qui fidem tum Britannis feruntur prædicavisse.

DE Lucii regno satis jam dictum : quibus authoribus et quibus rationibus adductus, Christo nomen dederit, jam porro disquiramus. Et ex Ninio quidem audivimus, baptismum eum suscepisse, “missa legatione ab imperatoriis Romanorum et a papa Romano.” Fabius Questor Ethelwerdus, libro primo annalium, ea de re ita scribit. “Idem beatissimus Christi famulus Eleuther per nuntium et literas Lucium adiit insulæ regem, ammonens eum de fide et baptismo Catholico, qui tum Britanniae rex potestate pollebat : qui etiam concessit verisimili ratione Christianum se esse futurum; quod et perfecit.” Ubi a Romano episcopo consilium hoc primo profectum fuisse inuitur: eum antiquiores authores, quod a legatis regis Anglorum in Basileensi concilio propositum est, potius confirmant; Lucium, “audita sola fidei fama, non vocatum, non alicujus prædicatione inductum, misisse suas epistolas ad papam.” Ita author libri pontificalis (ab aliis Damasus, ab aliis Hieronymus perperam existimatus) in vita Eleutheri: “Hic accepit epistolam a Lucio Britannico rege, ut Christianus efficeretur per ejus mandatum.” Idem iisdem fere verbis, non solum a Luithprando Ticinensi et Abbone Floriacensi in vitis pontificum, sed etiam a Beda et Adone Viennensi in martyrologiis suis, ad VIII. Kalendas Junii, repetitum est. Similiter etiam in ejusdem Bedæ et Adonis chronicis, et annalibus Anglo-Saxonice conscriptis, legitur: “Lucius Britanniae rex, missa ad

Eleutherum Romæ episcopum epistola, ut Christianus efficiatur obsecrat<sup>a</sup>.” Et apud Johannem Fordonum, in Scotichronico: “ Lucius<sup>b</sup> rex Britonum, ut fertur, ad papam Eleutherum epistolam misit; obsecrans ut per ejus mandatum Christianus efficeretur.” Et apud Gotcelinum Bertinianum, in majore historia vitæ Augustini, “ Rex<sup>c</sup> Britonum Lucius sanctum Eleutherium, tunc temporis papam, per epistolam suppliciter expetiit, et grataanter obtinuit; quatenus fideles doctores destinaret, qui se ac gentem suam in Christo regenerarent.

Quid Lucium ad hoc permoverit, varie refertur a recentioribus. Collector Britannicarum antiquitatum, quas evulgandas curavit Matthæus Parkerus Cantuariensis archiepiscopus, “ hujus temporibus, edicto Romano de abolenda Druydom superstitione e provinciis cautum” fuisse asserit; indeque “ cœpisse eum de religione et vero Dei cultu, cuius perstudiosus fuit, imprimis deliberare.” Sed edictum ejusmodi a Romanis eo tempore fuisse promulgatum, nullus author confirmat. Thomas Rudburnus senior, in chronicō minore, et historiolæ Wintoniensis Ecclesiæ collector, hanc tantummodo occasionem commemorant; quod “ famam Christianitatis audisset Lucius:” et author historiæ archiepiscoporum Eboracensium (circa annum MCCCCCLX. scriptæ) quod “ audisset cæteras nationes fidem Christi suscepisse:” Chironicon Giseburnense; quod “ audisset de miraculis Domini nostri Jesu Christi, et de prædicatione apostolorum:” Johannes Castorius et chronica Britonum abbreviata similiter; quod “ audisset de apostolis Jesu Christi, et de eorum miraculis:” Radulphus Niger, in chronicō; “ Vates quidam paganus in Britannia Dominicam nativitatem prædixerat; unde rex Lucius Romam pro orthodoxæ fidei doctoribus misit:” Galfridus Monemuthensis<sup>d</sup>, “ Serenaverunt mentem ejus miracula quæ tyrones Christi per diversas nationes faciebant: unde in amorem veræ fidei anhelans, piæ petitionis effectum consecutus est.” Quo referendum ce-

<sup>a</sup> al. *impetrat*. Ado *petiti*.

<sup>c</sup> Vitæ Augusti. cap. 32.

<sup>b</sup> Scotichronic. lib. 2. cap. 30.

<sup>d</sup> Historiæ Britannicæ lib. 2. cap. 1.

lebre illud, quod nuperrime tum contigerat, de pluvia in bello Marcomannico Christianorum precibus impetrata miraculum: de quo in apologetico suo Tertullianus; “Literæ Marci Aurelii gravissimi imperatoris requirantur, quibus illam Germanicam sitim, Christianorum militum precationibus impetrato imbri, discussam contestatur: qui sicut palam ab ejusmodi hominibus (Christianis sc.) pœnam dimovit; ita alio modo palam dispersit, adjecta etiam accusatoribus damnatione, et quidem tetrore.” Ut non male conjecterit Nicolaus<sup>f</sup> Harpsfeldius, has Marci literas Lucium fortasse movisse: licet rescriptum ad quod ille nos remittit, cum Justini martyris operibus excusum, doctrinorum<sup>g</sup> calculo sublestæ fidei censeatur.

Cæsar Baronius, in<sup>h</sup> Lucii actis nescio quibus hujus rei narrationem invenisse se ait, paulo fusius in hunc modum explicatam. “Lucius nunquam se Christianæ religioni infensum exhibuit hostemve; sed quod Christianorum miracula simul et vitæ integritatem admiraretur, in cosdem propensior videbatur: amplexusque fuisset jam ante Christianam religionem, nisi avita velut nexibus obligatus esset superstitione, nisi etiam conspexisset Christianos ab Ethnicis ipsis ut infames vilesque haberí, a Romanis ipsis apud quos summa rerum esse videbatur, et gladio et injuriis assiduo lacerari. Comperit tamen postea, novitque ex legatis Cæsaris, senatores etiam aliquos Christianos factos esse, et inter alias Pertinacem quendam atque Trebellium: imperatoremque ipsum Marcum Aurelium, victoria eorum precibus obtenta, benigne habuisse Christianos.”

Sed fallit nos cardinalis, cum “hæc ex vetustioribus monumentis de Lucio prodita haberí” pronuntiat. Neque enim ex aliis hausta ista sunt fontibus, quam Magdeburgensium nostrorum Centuriis<sup>i</sup>, in quibus eandem rem,

<sup>e</sup> Tertul. Apol. advers. gent. cap. 5. Euseb. lib. 5. hist. eccles. cap. 5. Oros. lib. 7. cap. 15.

<sup>f</sup> Harpsfeld. histor. ecclesiast. prim. sex centur. cap. 3.

<sup>g</sup> Jos. Scalig. Animadvers. in Euseb. chronic. num. 2189. Cl. Salmas. not. in Julii Capitolini Marcum.

<sup>h</sup> Baron. Annal. tom. 2. an. 183. sec. 4.

<sup>i</sup> Centur. 2. cap. 2. col. 8.

verbis aliis et quidem plenioribus, hoc modo enarratam invenimus; “ Non erat omnino iniquus Lucius Christianorum religioni, statim initio sui imperii. Movebatur enim nonnihil miraculis illustribus, quæ a Christianis in testimonium et ornamentum suæ doctrinæ passim edebantur: ut Gildas Albanius in libro de victoria Aurelii Ambrosii refert. Verum ne prorsus ei assentiretur, retrahebatur avita sua religione, quæ erat ethnica. Altissime enim hærent, difficillimeque ex animo ejiciuntur, quæ in teneris annis nobis instillata sunt. Ad quod accedit, quod natura nostra per se proclivior sit ad superstitiones, quam ad veram Dei doctrinam, quæ appareat rationi absurdissima. Offendebatur etiam externa specie Christianorum, quod videret homines viles et abjectos Christianam religionem profiteri. Præcipue vero spectabat Romanos, et ipsum adeo imperatorem: sicut homines mundani plerunque potentes spectare, eorumque exemplum sequi solent. Posteaquam igitur comperit ex legatis Cæsaris, præpotentes atque illustres quosdam ex Romanis, Trebellium nempe et Pertinacem, aliosque nonnullos Christianæ religioni accessisse; imo etiam ipsum imperatorem Christianis æquum factum, miraculosa pluvia a Christianis imperata permotum: cœpit ipse quoque Christianorum doctrinam attentius et plenius cognoscere.” Hæc ibi.

Et hoc quidem nos Baronio non inviti concedimus, quod Eusebii<sup>k</sup> authoritate confirmatur, Commodo imperium gubernante, pacem omnes Ecclesias in toto terrarum orbe occupavisse; et evangelium ita propagatum esset, ut “ Romæ complures, et genere illustres et rerum affluentia admodum locupletati, una cum omni familia et cognatione sua, se ad suam ipsorum salutem amplexandam rcciperent.” Sed hoc post susceptum a Lucio baptismum contigisse defendimus: quod etiam a Jacobo<sup>l</sup> Philippo Bergomensi his verbis notatum observavimus. “ Lucio baptizato, data est quasi ubique pax Ecclesiis, et nomen Christi mirum in modum exercere cœpit, et quam maxime

<sup>k</sup> Euseb. lib. 5. histor. ecclesiast. cap. 21.

<sup>l</sup> Bergom. supplém. chronic. lib. 8.

Romæ, ubi multi nobiles cum conjugibus et liberis baptizati sunt."

Illud vero plane ridiculum est, comperisse Lucium "ex legatis Cæsarisi, senatores etiam aliquos Christianos factos esse, et inter alios Pertinacem quendam atque Trebellium." Neque enim aliis fuit Pertinax iste, quam ille ipse qui sub Commodo legationem<sup>m</sup> obiit in Britannia, eique postea in imperio successit: quem Christianum factum fuisse nunc primum audimus. Sed ita res se habet. Legerat in Hectore Boethio Balæus, "Lucium<sup>n</sup> de Christianorum pietate et miraculis, a Romanis in Britannia sub Trebellio et Pertinace merentibus, permulta audisse." Id ille<sup>o</sup> hunc in modum amplificat: "Erat Lucius aliquantulum, ut apparet, in Christo paupere cum Judæis scandalizatus. Nam licet a centum et amplius annis propagata fuisse per Britanniam Christiana religio, ei nihilominus debito videbatur carere splendore, quod illucusque administrata fuissest per solos pauperes, abjectos et simplices homines, saltem non fulcita Romana autoritate. Quum audisset igitur per Cæsarisi legatos Trebellium et Pertinacem, Romanorum illustres aliquot, acquiescente persecutione, illam admisisse; cogitabat aliquanto rem esse digniorem." Ista negligentius Magdeburgensis historiæ collectores percurrentes, ipsos legatos pro illustribus illis Romanis accepserunt, a quibus religionem Christianam susceptam fuisse, Lucium per Cæsarisi legatos audivisse voluit Balæus. Atque hæc vera origo est jocularis hujus fabellæ; quam velut oraculum quoddam ex Baronii tripode obtrudit nobis Robertus<sup>p</sup> Personius.

Quid vero Lucium potissimum impulerit, ut Roma doctores fidei arcesseret, apud antiquiores non invenio. In libro tantum Abingdonensi lego; "Lucium audita fama et sanctitate prædicatorum in civitate Romana tunc temporis degentium, nuncios suos cum literis suis patentibus ad venerabilem papam Eleutherium destinavisse

<sup>m</sup> Jul. Capitolin. in Pertinace.

<sup>n</sup> Hect. Boeth. Scot. hist. lib. 5.

<sup>o</sup> Balæus, centur. 1. cap. 29.

<sup>p</sup> Person. de Angl. convers. part. 1. cap. 4. sec. 2.

quantocius: rogantem devotissime et supplicantem atten-  
tius, quatenus per mandatum et voluntatem ejus Christianus efficieretur." Et quanta necessitudine cum urbe Ro-  
mana provinciales Britanni conjuncti fuerint, quæque  
commercia utrinque intercesserint, nemo ignorat: ut ad  
primatum Romani pontificis hic recurrere nihil necesse  
sit. Literarum vero illarum patentium, ut sui seculi more  
appellat Abindoniensis monachus, quis tenor fuerit; ex  
poeta Britannico, cui Gildæ nomen est impositum, si  
placet, accipe, de Lucio sic canente.

Qui simul audierat Christi vulgasse cientes  
Verbū incarnatum, regem de virgine natum  
In cruce defunctum, vita post funera functum.  
Scribit Eleutherio dictamina talia papæ.

Ecce, pater, patrum me turbant traditiones  
Qui plures fecere Deos, pluresque penates,  
Quique Creatori res præposuere creatas.  
Idola plena dolo reor esse: potentia cœli  
Non est in lignis, dæmon respondet in illis  
Vana suis membris. Deus extat trinus et unus,  
A quo, per quem, in quo sunt omnia: gloria, virtus,  
Laus et honor sit ei soli per secula cuncta.  
Uniat ergo Deo Christi nos unio, tanquam  
Membra suo capiti: sacri baptismatis unda  
Postulo mundari, conformarique creatum  
Plasma Creatori. Male pars connectitur omnis  
A toto diversa suo. Te deprecor ergo  
Ut mittas aliquos in Christi lege peritos  
Ad partes nostras; qui me populumque Britannum  
Informent, mundentque sacri baptimate fontis.

Recepitis his literis, papam gratias agentem, præ gaudio  
cecinisce canticum angelicum, Gloria in excelsis Deo;  
scribit Radulphus de Baldoc Londinensis episcopus, et  
Gisburnensis chronicus author. De legatis etiam, per  
quos missæ sunt literæ, in libello antiquo: De primo statu  
Landavensis Ecclesiæ ita legimus: "Anno ab incarnatione Domini CLVI. Lucius Britannorum rex, ad Eleu-  
therum duodecimum apostolicæ sedis papam, legatos suos,  
scilicet Eluanum et Medwinum misit, implorans ut juxta  
ejus admonitionem Christianus fieret: quod ab eo impe-  
travit. Nam gratias agens Deo suo, quod cum illa gens

a primo regionis inhabitatore Bruto gentilis fuerat, tam ardenter ad fidem Christi festinabat; consilio seniorum urbis Romæ placuit eosdem legatos baptizari, et Catholica fide suscepta ordinari, Eluanum in episcopum, Medwinum autem in doctorem. Et propter eloquentiam et scientiam quam in sacris habebant scripturis, prædicatores ad Lucium in Britanniam reversi sunt: quorum sancta prædicatione Lucius et totius Britanniæ primates baptismum suscepserunt, et secundum jussum beati Eleutherii papæ ecclesiasticum ordinem constituit, episcopos ordinavit, et bene vivendi normam docuit.” Eadem habent in vita S. Dubricii, Johannes Timmuthensis et Johannes Capgravius: nisi quod illud de Bruto ac nonnulla alia minoris momenti omittant; et postremam periodum pluraliter proponant hunc in modum; “Lucius et totius Britanniæ primates baptismum suscepserunt, episcopos ordinarunt, et bene vivendi normam docuerunt.”

Johannes<sup>q</sup> Balæus, quem hic seuti sunt complures alii, et inter eos Harpsfeldius quoque et Pitsius, legatis istis cognomenta apponit, Eluano quidem Avalonii, Medwino Belgii: quod “ex paludosso discipulorum collegio, quod Avaloniæ Josephus Arimathæensis plantaverit,” utrumque processisse existimet; Avalonia vero, sive Glastonia, in Wellensium agro sita sit, quem olim Belgæ incolebant. Thomas Dempster<sup>r</sup> Elvanum quidem Avallonim cognominat, sed Scotum tamen fuisse sibi persuadet: imo et “primum fuisse qui ad res Scoticas illustrandas accesserit, ejusque fidem Vercmundum et alios vetustissimos annalium Scoticorum authores impensius extulisse;” atque scripsisse illum “veteri lingua Scotica, hoc est, (ut ipse quoque agnoscit) Hibernica, historiam Scotiæ libro uno, et descriptionem Scotiæ libro altero;” mira quidlibet fingendi assumpta sibi licentia, affirmare non erubescit. Johannes Caius<sup>s</sup> doctores istos Cantabrigicenses fuisse conjicit, ex commentitio quodam regis Arthuri diplamate, in quo “rex Britanniæ Lucius Christianitatem amplexus esse dicitur, prædicatione doctorum Cantabrigiæ;” et ex

<sup>q</sup> Bal. centur. 1. cap. 27, 28.

<sup>r</sup> Dempster. Histor. ecclesiast. Scotor. lib. 5. num. 490.

<sup>s</sup> Cai. de antiquit. Cantabrig. lib. 1. pag. 77.

Burtonensibus annalibus, in quibus scriptum esse notat. “Anno Domini CXLI. hie baptizati sunt novem ex doctoribus et scholaribus Cantabrigiæ.” Unde colligit, “fuisse gymnasium Cantabrigiaæ ante Lucii tempora, et reeceptum evangelium ante Luei regnum, etsi non publice.” Guilielmus Harrisonus<sup>t</sup> ex iisdem annalibus narrat, “anno gratiae CXLI. tempore Hadriani imperatoris, novem scholares sive clericos Grantæ baptizatos esse in Britannia, et evangelium ibidem prædieavisse.” Atqui, annus CXLI. non in Hadriani, sed in Antonini Pii imperium ineedit: et illis temporibus gymnasium aliquod Grantæ aut Cantabrigiæ extitisse somnium est, quod viris eruditis miror placere potuisse. In Burtonensibus vero annalibus id tantum legimus: “Anno CLXXXVIII. Eleutherus papa; a quo Lueius Britannorum rex per epistolam Christianum se fieri impetravit; et mox effectum piæ petitionis consequentus est.” Sed in eodice MS. quem in collegii S. Benedicti bibliotheca habent Cantabrigienses, ab alio notula est apposita, quæ “anno Domini CXXXVII.” hoc faetum fuisse monet: adjectis quoque ab eadem manu duabus annotatiunculis sequentibus: “Anno CXXXVII. hie primo venit Christianitas in Britanniam; anno CXLI. hie baptizati sunt novem ex doctoribus et scholaribus Cantabrigiæ.” Ut etiam ex ipsius annalium interpolatoris mente, non ante, sed sub Luei regno Cantabrigienses isti baptismum susceperint.

Nee tamen idecreo vel Hadriani vel Antonini temporibus rem Christianam, ut in reliquo ita etiam in Britannie nostro orbe, incrementa eepisse negaverim. Hadriano imperante, “Ecclesiast<sup>u</sup> tanquam elarissima quedam lumina suum splendorem per totum orbem terrarum diffusisse, et fidem in Servatorem ac Dominum nostrum Jesum Christum in universo hominum genere magnopere viguisse,” eonfirmat Eusebius. Addit Russinus<sup>w</sup>, “ad Ro-

<sup>t</sup> Harrison, descript. Britan. lib. 1. cap. 9.

<sup>u</sup> Ἡέη δὲ λαμπροτάτων δίκην φωστήρων τῶν ἀνὰ τὴν οἰκουμένην ἀποτιλβοντῶν ἐκκλησῶν, ἀκμαζόντης τε εἰς ὅπαν τὸ τῶν ἀνθρώπων γένος τῆς εἰς τὸν σωτῆρα καὶ κύριον ἡμῶν Ἰησοῦν Χριστὸν πίστεως. Euseb. lib. 4. histor. eccles. cap. 7.

<sup>w</sup> Russin. ecclesiast. hist. lib. 1. cap. 8.

manos et Græcos, ad Scythas ac Barbaros, et ad ipsas pene in ultimis orbis partibus reconditas nationes, in tantum felicem Christianorum famam pervectam esse; ut omne hominum genus, legibus et superstitionibus patriis derelictis se ad fidem Christi converteret, omnisque barbaries genuina feritate deposita ad Jesum concurreret." Sub Antonino autem hoc ipso argumento adversus Tryphonem Judæum ita pugnat Justinus martyr: "Οὐδὲ νῦν ἀπὸ ἀνατολῶν ἡλίου ἔως δυσμῶν ἐστὶν ὑμῶν τὸ γένος, ἀλλ' ἐστὶ τὰ ἔθνη ἐν οἷς οὐδέπω οὐδεὶς ὑμῶν τοῦ γένους φέκησεν. Οὐδὲ ἐν γάρ ὅλως ἐστὶ τὸ γένος ἀνθρώπων, εἴτε βαρβάρων, εἴτε Ἐλλήνων, εἴτε ἀπλῶς φύτιοῦν ὀνόματι προσαγορευομένων, ἢ ἀμαξοβίων ἢ ἀοίκων καλουμένων, ἢ ἐν σκηναῖς κτηνοτρόφων ὄικούντων, ἐν οἷς μὴ διὰ τον ὀνόματος τοῦ σταυροθέντος Ἰησοῦ εὐχαὶ καὶ εὐχαριστίαι τῷ Πατρὶ καὶ ποιητῇ τῶν ὅλων γίνονται. Ne nunc quidem, ab oriente sole ad occasum usque gens vestra est: sed sunt gentes quædam ubi nondum vestri generis quisquam habitavit. Atqui ne unum quidem est genus mortalium, sive barbarorum sive Græcorum, seu etiam aliorum omnium, quocunque appellantur nomine, ne eorum quidem qui pro domibus plaustris utuntur ac tentoriis, agentes vitam pastoriciam; inter quos per nomen crucifixi Jesu, supplicationes et gratiarum actiones Patri et fabricatori rerum omnium non fiant." Gildas denique licet in primo exortu evangelii præcepta Christi a Britannis, suis tepide suscepta esse affirmet; "apud quosdam tamen integre, et alias minus usque ad persecutionem Diocletiani," permansisse asserit: ne quis ante Lucii conversionem, religionem Christianam ab apostolis et eorum discipulis huc inductam, interiisse et extinctam fuisse existimet.

Publice vero primum sub Lucio et Eleutherio receptum hic fuisse evangeliū, consentiens nostrorum historicorum est sententia. Et quidem ad opus hoc perficiendum, ipsum quoque Eleutherum in Britanniam venisse, in historia Timothei scriptum esse referunt Magdeburgenses<sup>x</sup> historici: qui mihi tamen illud, non ex historia aliqua Ti-

<sup>x</sup> Magdeburg. centur. 2. cap. 2. col. 8, 9.

mothei, sed ex verbis Naucleri minus recte pereceptis hausisse videntur. Ille enim hanc Lucii et Eleutheri historiam pertractans, verba illa subjicit, quæ de Timotheo isto agentes superius<sup>y</sup> apposuimus. “ Invenio<sup>z</sup> tamen in legenda sancti Timothei apostoli, quod venerit in Britanniam, et Lucium ejus gentis regem cum tota insula ad fidem Christi converterit. Et illud magis concordat legendæ sancti Lucii, quæ habetur in ecclesia Curiensi.” Ubi Timotheum, non Eleutherum in Britanniam venisse significare voluit Nauclerus : quod Curiensis ecclesiæ annalibus magis convenit, in quibus Lucius Timothei discipulus statuitur. “ Hic beati Timothei D. Pauli discipuli instructione ad fidem religionemque Christi inductus est : ut videas quam mature illud regnum ad Christum concesserit.” inquit Petrus Cratepolius, in libello de sanctis Germaniæ, et author antiquior, Notkerus Balbulus, in martyrologio, ad VIII. Kalend. Junii : “ Romæ, Eleutherii papæ, qui sedit in episcopatu annis quindecim, et accepit epistolas a Lucio Britannorum rege, ut per ejus mandatum fieret Christianus. Quod et factum refertur per Timotheum virum sanctum.” Sed quisnam ille Timotheus fuerit, Notkerus non explicat : an diaconus, cuius memoriam in Britannia ad XII. Kalendas Junii celebrari, idem author est ; an vero presbyter, cuius ipse ad XII. Kalendas Julii ita meminit : “ Romæ depositio beati Novati, fratris Timothei presbyteri; qui a beatis apostolis eruditi sunt :” de quo in superioribus satis multa diximus. Marcellum, qui ab anno salutis CXCI. usque ad CCXX. Tungrorum episcopus fuisse dicitur, “ Lucium<sup>a</sup> Britanniæ principem tota cum gente prædicatione sua permovisse,” in Tungrenium episcoporum indiculo refert Antonius Monchiacenus Demochares. De eodem Marcello, ex chronicis Tungronium, similia refert Nussiensis monachus in magno chronico Belgico a Johanne Pistorio edito : “ Iste prædicavit ultra mare : et obtinuit ut Lucius rex Britanniæ mandarit Eleutherio papæ, quod cum gente sua vellet

<sup>y</sup> Vid. supr. cap. 3. pag. 49.

<sup>z</sup> Naucler. chronograph. volum. 2. generat. 6.

<sup>a</sup> Demochar. de Missa, tom. 2. cap. 37.

baptisari. Ex eo tempore proventus ecclesiarum Tun-  
grensium putatur provenisse ex Anglia." In Treviren-  
sium vero archiepiseoporum catalogo, quem Petrus Crate-  
polius coneinnavit, idem "Lucius Britanniae rex, sancti  
Timothei apostoli Pauli discipuli eruditione ad religionem  
Christi inductus; et jam factus Christianus, ab hoc Mar-  
cello," sive Marcellino, Tungrorum aequae ac Trevirorum  
episcopo, baptizatus fuisse scribitur.

Radulphus Niger in echronico<sup>b</sup>, ait Eleutherium "misisse  
prædicatores in Angliam, Dinan et Fagan atque Aaron,  
petente rege Britonum Lueio." Johannes Castorius, et  
echronia Britonum abbreviata; "Papam misisse in Bri-  
tanniam duos religiosos doctores, Faganum et Dimianum  
(sive Dumianum) et plures alios." In magna etiam Win-  
toniensis ecclesiæ tabula, ex Gilda, Beda et Moraeio re-  
fertur; "a Fagano et Damiano pontifieibus, doctoribus et  
monachis, qui missi erant a Romano sanctissimo patri-  
archa Eleutherio in totius Albionis provinciam, regem  
illius prænominatum Lucium eum tota sibi subjecta fa-  
milia baptismatis unda salutifera aspersum esse." Pe-  
trus Equilinus<sup>c</sup> in sanctorum eatalogo, ait "Papam mi-  
sisse duos religiosos viros, videlicet Faganum et Dami-  
anum; qui regem prædictum et populum converterunt."  
Novum quoque martyrologium Romanum; (in aliis enim  
martyrologiis, quæ bene multa tum impressa tum manu-  
scripta eonsului, illud non invenio:) ad VII. Kalendas Junii,  
in Eleuthero horum memoriam ita eelebrat. "Sanctos  
Damianum et Fugatium in Britanniam misit; qui Lucium  
regem una cum uxore ac toto fere populo baptizarunt:"  
vel, ut Petri Galesinii editio habet: "Britanniam insulam,  
Lucii regis rogatu, per Fugatium et Damianum legatos,  
fidei sacrâ instituit." Et istis duobus opus hoc attribuunt  
etiam Johannes Gerbandus Leydensis<sup>d</sup>, Platina, Philippus  
Bergomensis, Sabellieus, Nauclerus, Heetor Boethius, Po-  
lydorus Vergilius, Johannes Lelandus, Nicolaus Harps-  
feldius, et alii reeentiores.

Guilielmus Malmesburiensis, in libro de antiquitate

<sup>b</sup> Rad. Nig. chron. ann. Mund. 5358. <sup>c</sup> Petr. de Natalib. lib. 5, cap. 46.

<sup>d</sup> Chronic. Holland. lib. 2, cap. 1. ..

Glastoniensis monasterii : “ Venerunt Eleutherio mittente prædicatores Britanniam duo viri sanetissimi, Phaganus videlicet atque Deruvianus ; prout eharta sancti Patricii gestaque Britannorum testantur.” Et ita quidem in epistola B. Patricio attributa appellantur isti : sieut etiam in magna Glastoniensi eeelesiæ tabula, et Glastoniensis monasterii libris a Johanne Tinmuthensi et Jo. Capgravio in vita B. Patricii citatis. In gestis vero Britannorum a Galfrido Monemuthensi editis, quem etiam sequuntur Rogerus de Wendover, Pontius Virunnius, et alii : “ Faganus<sup>e</sup> et Duianus, (sive Dwianus)” nominantur. “ Dwywan et Fagan” vocat vetus ehroneon, lingua Cambro-Britannica eonseripsum : “ Dunyanum et Figinum,” Petrus de Langetofte, in chronico Britanniae quod carmine Gallieo exaravit : “ Fagan et Diman,” Robertus Glocestrensis in historia regum Angliae Henrici III. temporibus edita : “ Dunian et Fagan epis-  
copos,” Lazimonus in historia Britonum quæ antiquissima lingua Anglicana scripta legitur : “ Eukanum<sup>f</sup> et Dumianum flamines,” ehroneon S. Martini de Dover : “ Fagatum et Dumianum (vel Dunmanum) presbyteros,” Thomas Rudburnus senior in minore chronico.

Nos alterum, (quem ab aliis Fugatum, Fagatum, Fa-  
gaenum, Foganum, Fuganum, Eukanum, Figinum appelle-  
latum invenimus) plurimorum authorum consensum secuti,  
Faganum<sup>g</sup> nominamus : alterum vero (quem, majori adhuc  
varietate, Damianum, Dumianum, Dunanum, Dumanum,  
Duuianum, Divianum, Dunianum, Dimianum, Diwanum,  
Dimanum, Diunamum, Divinianum, et Donatianum<sup>h</sup>  
etiam vocatum eomperimus) Britannica nomenclatura  
Dwywan sive Duvianum appellandum eensemus, quo-  
modo et Wintoniensem quendam episcopum Arthuri  
regis temporibus nuncupatum fuisse Britannica<sup>i</sup> refert

<sup>e</sup> Fugianus et Damianus ab oratoribus regis Angliae in concilio Basiliensi ap-  
pellantur.

<sup>f</sup> Fugatum et Damianum Robertus Antissioderensis monachus, fol. 39. b.

<sup>g</sup> In chartis abbatiæ B. Mariæ juxta Dublin, an. 1312, conspicitur sigillum  
Radulphi de sancto Fagano.

<sup>h</sup> Baron. ann. 185. sec. 4.

<sup>i</sup> Galfrid. Monemuth. lib. 9. cap. 15.

historia. Quod enim Johannes Stowæus in Anglicis suis annalibus mihi persuaserat apud Somersettenses in decanatu de Dunstor ecclesiam parochiale adhuc manere S. Deruviani nomine insignitam: re diligentius exquisita falsum esse comperi; atque a S. Decumano Britanno, cuius apud Johannem Timmuthensem et Capgravium vita extat, et ædem illam, et ad quem ea spectat viculum<sup>k</sup>, communem appellationem accepisse. Nec quod audivisse se scribit Nicolaus<sup>l</sup> Harpsfeldius, in Cambria quoque extare templum Fugacii et Damiani memoriæ dicatum majorem fidem mereri arbitror.

Res ab his in Britannia gestas, Galfridus<sup>m</sup> Monemuthensis sic exposuit. “ Beatus pontifex comperta regis devotione, duos religiosissimos doctores Faganum et Duvianum ad illum misit: qui verbi Dei incarnationem prædicantes, ipsum baptismate sacro abluerunt et ad Christum converterunt. Nec mora, concurrentes undique nationum populi, regis exemplum insequuntur; eodemque lavacro inundati cœlesti regno restituuntur. Beati igitur doctores cum per totam fere insulam paganismum delevissent; tempла quæ in honore plurimorum Deorum fundata fuerant, uni Deo ejusque sanctis dedicaverunt, diversisque cœtibus ordinatorum repleverunt.” Galfridum hic præter alios sequitur Rogerus de Wendover, ut Rogerum Matthæus uterque Parisiensis et Westmonasteriensis: in quibus tamen illud concoquere non possumus; quod “ concurrerint ad baptismum nationes diversæ, regis exemplum sequentes, ita ut in brevi nullus infidelis remaneret:” et quod dicti “ Doctores per totam Britanniam paganismum delerint:” quanquam id ipsum longe ante a Ninio Britanno traditum ostenderimus; “ Lucium<sup>n</sup> Britannicum regem, cum omnibus regulis totius Britanicæ gentis, baptismum suscepisse.”

Similiter historiæ archiepiscoporum Eboracensium au-

<sup>k</sup> S. Decombes.

<sup>l</sup> Histor. ecclesiast. Anglican. lib. 1. cap. 3.

<sup>m</sup> Histor. Britan. lib. 2. cap. 1.

<sup>n</sup> Supra, pag. 53.

thor: "Lucius<sup>o</sup> cum universis regulis Britanniæ fidem Christi suscepit et baptismi sacramentum, per ministerium doctorum venerabilium Fagani et Dinniani." Ponticus Virunnius, historiæ Britannicæ libro quarto: "Lucium baptizarunt, et omnes gentes Britanniæ: et diversis cœtibus ordinatorum insulam replevere, Diis gentilium expulsis et superstitionibus multis." Hector Boethius, Scotorum historiæ libro quinto: "Regem cum tota domo et populo pene universo baptismatis sacramento insigniverunt." Pseudo-Gildas poeta:

Namque duos misit Præsul sanctissimus illuc  
Doctores fidei; qui sacri gurgitis unda  
Devotum mundent regem, regisque ministros.  
Exemplo verboque vocant ad præmia vitæ  
Totius regni populum; verique lavacri  
Unda purificant: et fana profana Deorum  
Sancta Deo sanctisque dicant; traduntque probatis  
Illa colenda viris, Christumque fidemque professis.

Brevius in libri argumento tota res hoc disticho comprehenditur:

Lucius in Christum credit, Christoque dicatas  
Ecclesias dotat, distinctas ordinat urbes.

Et in prosaica Galfridi epitome: "Lucius baptismum sacram recepit una cum suis subditis; quo facto templo idolorum soli Deo viventi dedicavit, ea ampliando ut decebat." Radulphus de Diceto: "Eleuther ergo misit Faganum et Diwanum, qui regem Lucium baptizaverunt, templo etiam quæ in honore pluriñorum Deorum fundata erant, uni Deo dedicaverunt." Johannes de Garlandia, libro quarto de triumphis Ecclesiæ:

Lucius accivit rex ad baptismum Britannos  
Primitus, et patrios fecit abire Deos.  
Regis Eleutherio festinat epistola papæ,  
Ut legatus ei dogmata sacra ferat.  
Anno centeno nonagenquoque beati  
Partus, templo Dei per sua regna novat.

<sup>o</sup> Petrus Merssæus Cratepolius, in Trevirensium archiepiscoporum catalogo, de Lucio. "Ejus opera Britannia magna ex parte fidem Christi profiteri cœpit."

Prænominatos etiam antistites “in cathedralibus ecclesiis monachos cœlesti conversatione præditos introduxisse,” ex Girardo Cornubiensi de gestis Britonum libro primo capitulo octavo refert Wintoniensis ecclesiæ historiola. Johannes Castorius sive Fiber, et chronica Britonum abbreviata, “in urbe Trinovantum (Londinensi sc.) baptizatum esse regem” tradunt, et “totam familiam suam, et postea majorem partem regni.” Et “de templis Deorum (inquit Fiber) statuerunt ecclesias unius Dei, id est, Jesu Christi: statuerunt etiam episcopos et presbyteros per omnes partes Britanniæ.”

## CAP. V.

De XXV. episcopatibus et archiepiscopatibus III. qui Lucii temporibus, flaminum et archiflaminum loco, instituti fuisse dicuntur. De Londinensi sede metropolitica, et ejus translatione ad Cantuariensem. De Eboracensi, et pallio inde translato ad Dolensem in Britannia Armorica. De Legionensi, et ejus translatione ad sedem Menevensem ac Landavensem. De tomo Anacleti; et provinciarum numero, in quas a Romanis divisa est Britannia.

DE hierarchia ecclesiastica a Fagano et Duviano hoc tempore constituta, ita narrare pergit Galfridus: “Fuerunt<sup>a</sup> tunc in Britannia viginti et octo flamines, necnon et tres archiflamines, quorum potestati cæteri judices morum atque fanatici submittebantur. Hos etiam ex præcepto apostolici idolatriæ eripuerunt: et ubi erant flamines episcopos, ubi archiflamines archiepiscopos posuerunt. Sedes autem archiflaminum in tribus nobilioribus civitatibus fuerant: Londoniis videlicet, atque Eboraci, et in urbe legionum, quam super Oscam fluvium in Glamorganitia veteres muri et aedificia sitam fuisse testantur. His igitur tribus, evacuata superstitione, octo et viginti episcopi subduntur. Divisisque parochiis, subjacuit metropolitano Eboracensi Deira et Albania: quas magnum flumen Humbri a Loegria secernit. Londonensi vero metropolitano submissa est Loegria et Cornubia. Has duas provincias sejungit Sabrina a Cambria, id est, Gualia, quæ urbi Legionum subjacuit.” Hæc ille: Gildam lic authorem secutus, in libro de victoria Aurelii Ambrosii, ut Gervasius<sup>b</sup> Tillesburiensis, Nauclerus<sup>c</sup>, Tritemius<sup>d</sup>, et historiolæ Wintoniensis ecclesiæ author, a quo Gildas

<sup>a</sup> Histor. Britan. lib. 2. cap. 1. edit. Ascension. vel lib. 4. cap. 19. edit. Heidelberg.

<sup>b</sup> Gervas. de otiosis imperialib. ad Othonem imp.

<sup>c</sup> Naucler. vol. 1. chronograph. generat. 30.

<sup>d</sup> Tritem. compend. lib. 1. annalium l. v. loc.

libro primo, capitulo septimo hic citatus est, significant. Similia habent, præter authores citatos, et alios complures, Alphredus Beverlacensis, Radulphus de Diceto, Bartholomæus de Cotton, Girardus Cornubiensis, Ranulphus Cestrensis, authores historiæ Roffensis, chronicorum de Hales et Dunstable, libri Abingdonensis, chronici genealogici monasterii de Hales, et chronicæ Britonum abbreviatæ; Thomas Rudburnus, Thomas Stubs, Thomas Harfeldius, Ponticus Virunnius, Polydorus Vergilius; et qui flaminum et archiflaminum commentum (quod in vetere etiam libro<sup>e</sup> Britannico, quem transtulisse putatur Galfridus, nusquam comparet) prætermittunt, Rogerus de Wenvover, Matthæus Parisiensis, et Matthæus Westmonasteriensis: quæ poeta qui Gildæ nomen usurpavit, sic expressit.

Assignant urbes viginti octoque sacratis  
Præsulibus totidem: sed submittunt tribus illos  
Archipræsulibus, pars subjacet Eboracensi  
Cum sibi submissis populis, pars Londoniensi,  
Pars Legionensi.

Radulphus Niger, “Tunc<sup>f</sup> limitati sunt veteres episcopatus sub metropolibus Londoniæ, Eboraci, et Caerlium quæ nunc dicitur sancti David.” Thomas Rudburnus in chronicò minore: “Misit Eleutherius duos presbyteros Faganum et Dumianum ad Lucium regem; qui fidei regulam ab ipsis accipiens, viginti octo episcopos ordinavit loco et numero flaminum.” Abbreviatio chronicorum, quæ Londini in magna tabula Paulinæ ecclesiae habetur: “Doctores ergo Faganus et Divinianus de consensu regis, ubi erant archiflamines archiepiscopos et ubi flamines episcopos ordinaverunt et consecraverunt.” Liber Abingdonensis: “Misit vir venerabilis Eleutherius papa ad Lucium regem illustrem nuntios suos, Faganum videlicet et Divianum, viros religiosos, necnon in fide Catholica sufficienter instructos. Hi vero cum celebri devotione regem ipsum et populum suum unanimi

<sup>e</sup> Chronic. lingua Cambro-Britannica conscript. quod quondam Humfredi Lhuydi fuit, hodie in Cottoniana bibliotheca est repositum.

<sup>f</sup> Ad annum mundi 5358.

assensu et pari concordia baptizaverunt; destruentes idola, et ecclesias fideliter construentes. Quid multa? hi duo viri sincere in omnibus et per omnia Deo devoti Christianitatis executores effecti, constituere decreverunt per loca singula singulos ministros Dei omnipotentis: et ubi archiflamines secundum legem Gentilium invenerunt, loco eorum archipræsules; similiter ubi flamines, episcopos subrogaverunt. Fuerunt autem tunc temporis archipræsules tres, tribus in locis famosissimis, videlicet Londini, Eboraci, et apud urbem legionum." Et hæc quidem ex nostrorum monumentis.

Inter exterios primi, quod sciam, Martinus Polonus, Gnesnensis archiepiscopus, et Ptolemæus Lucensis Tuscus, qui vitas Romanorum pontificum scripserunt, Britanniæ flamines et archiflamines in episcopos et archiepiscopos conversos fuisse tradiderunt. Martini verba, a Johanne Gerbrando Leidensi etiam in chronicis Belgico usurpata, sunt ista: "Papa misit duos religiosos viros, videlicet Fuganum et Damianum: qui regem et populum baptizaverunt. Erant tune in Britannia viginti octo pontifices idolorum, quos flamines vocabant; inter quos tres archiflamines erant. Sed prædicti sancti, de mandato apostolici, ubi erant flamines instituerunt episcopos; ubi archiflamines, archiepiscopos." De eadem re Johannes Baptista Platina, et eum secutus Jacobus Philippus Bergomensis<sup>h</sup>, ita scribit. "Erant tum in Britannia pontifices quinque et viginti, quos flamines vocabant. Inter hos autem tres archiflamines habebantur; quorum in loco archiepiscopi tres constituti sunt, ut Ptolemæus ait. Protoflaminum vero loco primitiva ecclesia patriarchas instituit." Ubi si tres archiflamines in numero reliquorum pontificum recenteantur, viginti et octo potius flamines cum Martino numerandi fuerint, quam viginti et quinque cum Platina: quod clarius a Johanne Nauclero<sup>i</sup> expressum est, illis verbis:

<sup>g</sup> Joh. a Leid. lib. 2. cap. 1. confer verba Hertmanni Schedelii, in sexta ætat. Mund. f. 115. b. Col. edit.

<sup>h</sup> Bergom. supplement. chronic. lib. 8.

<sup>i</sup> Naucler. volum. 2. chronograph. generat. 6. Robertus Antissiodorensis monachus fol. 39. b. "Erant tunc in Britannia XX. et VIII. flamines, i. e. pontifices

“ Erant tum in Britannia tres archiflamines, et viginti et quinque flamines: quorum in locum archiepiscopos et episcopos instituit.” Ita pontifices in universum viginti et octo fuerint: secundum numerum civitatum, quibus ornata fuit olim Britannia. Fuisse enim eam “ viginti et octo civitatibus quondam nobilissimis insignitam,” Beda<sup>k</sup>; “ bis denis bisque quaternis civitatibus decoratam,” in epistola de Britanniæ excidio scribit Gildas, et post eum etiam Galfridus<sup>l</sup> Monemuthensis. Earum catalogum contextuit Ninius: quem, quia Britanicorum episcopatum notitiam aliunde nancisci non possumus, ex duobus antiquissimis exemplaribus Cottonianis descriptum, et cum novem aliis MSS. collatum, una cum Britanicorum nominum interpretationibus, hic subjiciendum curavimus.

HÆC SUNT NOMINA OMNIUM CIVITATUM, QUÆ SUNT IN TOTA BRITANNIA  
QUARUM NUMERUS EST XXVIII.

- I. Cair-Guintguic, quæ Noricum fortasse fuerit, Britannis Cair-Guntin appellatum, vel potius Winwick Lancastrenium. Veteri Ninii glossatori Wincestria sive Wintonia est.
- II. Cair Mincip, vel Municip, apud Henricum Huntingdonensem perperam Mer-cipit scriptum. Est Verolamium, juxta oppidum sancti Albani: quod Romanorum temporibus municipium fuisse ex Tacito constat.
- III. Cair Ligualid, aliis Legeuit, et Lualid, id est, Luguballia: quæ Huntingdonensi Cair-Leïl, vulgo Carlile dicitur.
- IV. Cair Meguaid, aliis Meiguod, vulgo Meinod in Montgomerensi comitatu posita et Ptolemæo ac Antonino Mediolanum olim dicta.
- V. Cair Colun vel Colon, quæ Galfrido Monemuthensi<sup>m</sup> et Henrico Huntingdonensi, Colcestria est; ad Coln fluvium sita, et Antonino in Itinerario Colonia appellata. Harchiam etiam Merviniæ urbem, ad mare Hibernicum positam, Cair Colun olim fuisse dictam, Camdenus in Merioneth-shire affirmat.
- VI. Cair Ebrauc, aliis Cair-Branc, Eboracum est<sup>n</sup>.
- VII. Cair Custeint, id est, urbs Constantii vel Constantini. Cair-Seiont est, prope Caer-nervon. Constantii enim filii Constantini magni “ sepulchrum monstrari juxta urbem, quæ vocatur Cair Segeint,” refert Ninius; “ ut literæ, inquit, quæ sunt in lapide tumuli ejus ostendunt: et antiquam urbem Constantii imperatoris, filii Constantini magni,” in Arvonia collocat Britannicus scriptor vitæ Gruffuni filii Conani Venedotiae principis: quanquam anno Domini MCCLXXXIII. “ apud Caer-nervon prope Snoudunam, corpus

paganorum necnon et III. archiflamines quorum potestati cæteri judices morum atque fanatici submitebantur.”

<sup>k</sup> Bed. lib. 1. hist. ecclesiast. cap. 1. et H. Huntingdon. histor. lib. 1.

<sup>l</sup> Galfrid. histor. Britan. lib. 1. cap. 2.

<sup>m</sup> Br. hist. cap. 6. lib. 5.

<sup>n</sup> Alphred. Beverl. et H. Huntingdon.

maximi principis, patris imperatoris nobilis Constantini, fuisse inventum, et rege Edovardo I. jubente in ecclesia honorifice collocatum," Matthæus Westmonasteriensis<sup>o</sup> narret: ut ad Constantium Constantini magni patrem quem Eboraci in Britannia, potius quam ad Constantium Constantini filium, quem Mopsocrenis vel Mopsuestiae in Cilicia mortuum esse legimus, referenda ista videantur.

VIII. Cair Caratauc: Henrico Huntingdonensi Cair-Cucerat perperani appellata. Cair-Caradoc autem in Salopiæ finibus inter Themidem, sive Temdum, et Colunum fluvios sitam fuisse, ostendit in fragimento Britannicæ descriptionis Humfredus Lhuydus. Galfridus Monemuthensis<sup>p</sup> et glossator Ninii Salesburiam interpretatur.

IX. Cair Grauth, aliis Grant, id est, "Granteceastria, quæ modo dicitur Cantebria;" inquit Henricus Huntingdonensis, historiæ libro primo; nomine nimirum a Granta ducto, quem idem libro quinto "fluvium Cantabrigiæ" appellat. Ejus Guilielmus de Ramseye abbas Crulandensis, in vita Guthlaci, ita meminit:

Est apud Angliegas a Grontæ flumine, longo  
Orbe per anfractus stagnos et fluviales,  
Circumfusa palus.

et ante eum Felix Crulandensis monachus; qui ejusdem Guthlaci vitam Ælfwaldi orientalium Anglorum regis jussu descripsit: "Est in meditullaneis Britanniæ partibus immensa magnitudinis tetrica palus; quæ a Grontæ fluminis ripis incipiens, haud procul a castello quem dicunt nomine Grontæ, &c." ubi Saxonius interpres flumen ȝnante cea, castellum ȝnante cea ȝtæ reddidit. Grancæstir vero suo tempore civitatem desolatam fuisse testatur Beda<sup>q</sup>, ex cuius ruinis existimant nonnulli crevisse Cantabrigiam; quæ ab Asserio Menevensi, Fabio Ethelwerdo et Anglo-Saxonis annalibus<sup>r</sup> Grantebrige et Grantanbrige vocatur: a qua et toti circumiacenti comitatui inditum est nomen Grantebridgeshire<sup>s</sup>, et Cantebriegeshire<sup>t</sup>.

X. Cair Maunguid, vel Mauchguid. Putatur esse Antonini vel Mancunium, id est, Manchester in Lancastrensi, vel Manduesedium potius, id est, Manchester in Warwicensi agro positum. Est et Menegid in Angleseia, locus a Caradoco Lhancaranvani in anni DCCCLXXIII. historia commemoratus.

XI. Cair Lundein, aliis Cair-Lud. Londinum est, regni metropolis.

XII. Cair Guorthigirn, quam a Guorthigerno Britannorum rege, in regione quæ vocatur Guennesi, ædificatam esse, confirmat Ninius: hac a vetere scholi-

<sup>o</sup> Vid. an non ad Constantium tyrannum: ex Camdeno, pag. 195. lib. 28. cum sec. 19. Is vero ann. 407. in Caer Segont imperator appellatus, in Gallia (non Britannia) anno 411. cæsus est.

<sup>p</sup> lib. 3. hist. Britan. cap. 9. lib. 6. cap. 15.

<sup>q</sup> lib. 4. hist. cap. 19.

<sup>r</sup> Florent. Wigorn. Rog. Hoveden. et Matth. Florileg. in anni 875. et 876 historia.

<sup>s</sup> in charta Edredi regis ann. 948. data; apud Ingulphum.

<sup>t</sup> apud Henr. Huntingdonensem, fol. 170. b. et Rog. Hovedenum, fol. 305. b. et 313. b. et 337. a. edit. Londin. Pagus Grantbrigensis Guilielmo Malmesburiens. de gest. reg. Anglor. lib. 1. cap. 6. Unde etiam Alphredo Beverlacensi Caer Grant exponitur Cantebrigge.

asta explicatione addita. “ Guasmoric juxta Luguballiam” ibi ædificavit : urbem scilicet, quæ Anglice Palmeester dicitur.” Galfridus<sup>y</sup> Monemuthensis, “ in natione Heringing, super fluvium Guaiæ (Vaga ea est, sive Gwy fluvius, qui inter Monemuthenses in Sabrinæ influit æstuarium) in monte qui Cloarcius nuncupatur,” sitam fuisse innuit. Alii, in regione Cambriæ Gurthrenion dicta, positam fuisse existimant : et Guthrenion Radnorenseum castrum ex ejus ruderibus extitisse<sup>w</sup>.

XIII. Cair Ceint, aliis Kent, id est, Cantuaria. Alphredus Beverlacensis et Henricus Huntingdoniensis.

XIV. Cair Gûiragon, aliis Guorangon, id est, Wigornia. Iidem. Britannis Cair Wrangon, Anglis Worcester appellata. Quam a Constantio rege fundatam, Rossus Warwicensis ; “ olim Romanorum superbiam mœnibus fuisse” affirmit alius<sup>x</sup>.

XV. Cair Peris, id est, Port-chestre. Iidem<sup>y</sup>.

XVI. Cair Daun, Antonino Danus, vulgo Lancaster.

XVII. Cair Legion, quæ Guilielmo Malmesburiensiz et Alphredo Beverlacensi est Cestria, sive Westchester. Eadem quæ Bedæ<sup>a</sup> est “ Civitas Legionum ; quæ a gente Anglorum Legacæster, a Britonibus autem rectius Carlegion appellatur ;” ut et Florentio Wigorniensi, ad annum (secundum Dionysium) DCCCXCIV. quanquam ibi Matthæo Florilego ad annum DCCCXCV. Legcestria Anglice Wirhall sit dicta ; ex annalibus Anglo-Saxonis Bedæ subnexis (non satis recte, ut videtur, intellectis) in quibus sic legimus : Hie gedydon on anje reþte ceaþte. on ƿiphealum, ƿi ƿi legaceaþte gehaten.

XVIII. Cair Guricon, vel Guorichon, quæ vel Waricum est, de quo Warwicensis Rossus<sup>b</sup> “ S. Dubricius sedem habuit episcopalem ubi nunc Castrum Warwici situm est ; ecclesiamque in honorem B. Mariæ condidit, .quæ usque dies nostros apparuit” : vel Ptolemæi Viroconium, id est, Wroxeter in Salopiensi comitatu.

XIX. Cair Segeint, Segontiacorum in agro Southantoniensi civitas : “ quæ fuit super Thamesin non longe a Redinge, et vocatur Silcestre :” ut Alphredus Beverlacensis et Henricus Huntingdoniensis annotant : qui tamen haud recte, ut puto, Silcestriæ sedem ad Thamesin posuerunt. Est et Cair Seiont in Arvonia : de qua ad numerum VII. est dictum<sup>c</sup>.

XX. Cair Legion guar Usic, Britannis Cair Leon ar Usk, id est, urbs Legionis ad Iscam flumen adhuc appellata.

XXI. Cair Guent, quæ Alphredo Beverlacensi et Henrico Huntingdonensi, Wintonia est, sive Winceastria ; Romanis Venta Belgarum olim dicta : de qua ad numerum I. Est et Venta Silurum ; quæ in agro Monemuthensi

<sup>u</sup> id est, Carleolum. Vid. supr. num. 3. et Camden. in Cumberland. 632.

<sup>v</sup> Histor. Britanic. lib. 8. cap. 2.

<sup>w</sup> Vide Lhuydi fragment. fol. 20, 21. et Camdeni Britanniam, pag. 479.

<sup>x</sup> Vid. Camden. in Worcestershire. pag. 434.

<sup>y</sup> Vid. Galfrid. Monemuth. lib. 5. hist. Britan. cap. 8. edit. Heidelb.

<sup>z</sup> lib. 1. de gestis regum Anglorum, cap. 3. et 6.

<sup>a</sup> lib. 2. histor. cap. 2. <sup>b</sup> Histor. regum Angliæ, pag. 54.

<sup>c</sup> Episcopatus vero Silcestriæ, regis Arthurii tempore, Mauganio cuidam collati, lib. 9. historiæ Britanicæ cap. 15. Galfridus meminit.

non longe a Cair Leon posita, antiquum nomen Caer Went etiamnum retinct<sup>d</sup>.

**XXII.** Cair Brithon ; quæ Huntingdonensi et Canideno<sup>e</sup>, est Cair Bristou, id est, Bristolia. Prius vero illud vocabulum ad Dun-Britton sive Brltannodunum proprius accederet, Alchuid olim dictum, Britannicæ et Pictice dictio- nis antiquum terminum : cui regis Arthurî temporibus Eledanium sive El- denium ordinatum fuisse episcopum, Britannica prodit historiæ.

**XXIII.** Cair Lerion, id est, Leicestria. Alphredus Beverlacensis, et Henricus Huntingdoniensis.

**XXIV.** Cair Driathou, vel Draiton ; nam sic apud Iluntingdonensem legitur : ut forte Salopiensium Draiton fuerit.

**XXV.** Cair Pensauelcoit. Galfridus Monemuthensis, cumque secutus Eulogii author, libro quinto ; et Matthæus uterque Parisiensis ac Westmonasteriensis, ad annum gratiæ LII, Kair Penheuelcoit interpretatur Exoniæ : pro qua in Heidelbergensi Britannicæ historiae editione<sup>f</sup> et in vetere Ascensiana, per errorem substituta est Oxonia. Verum Exoniæ, quæ dicitur Saxonice Eaxcenseastræ (vulgo contractius Excester) ut Romanis Iscam Danmoniorum, ita a Britannis (testante etiam Asserio Menevensi in gestis Ælfredi regis, anno DCCCLXXVI.) Cair Wise vel Cair Isc appellatam fuisse constat. Itaque Camdenus noster, hac repudiata sententia, Galfridi Pen Uchel coit, Ptolemai Uzellam, et Cornubiensium Lestuthiell ; Ninii vero Pontael coit, Ptolemai Ischalin, et Somersettensium Ivelcester, fuisse existimat : prius illud nomen Britannicum, Montem editum in sylva, posterius, Pontem ad Ivel in sylva, interpretatus. Mihi tamen Ninii Pensauelcoit, Guilielmi Pictaviensis<sup>g</sup>, Orderici Vitalis<sup>i</sup> et Guilielmi Gemeticicensis<sup>k</sup> Penvesellum potius fuisse videatur ; quæ Pemscia hodie dicta, primo Guilielmi Normanni in Angliam appulsa celebris est. Cui et Britannici vocabuli coit adjectio non male convenit : quum sylvestribus sepibus densa fuerit, in qua hæc sita est, Sussexiensis regio.

**XXVI.** Cair Urnach, quæ Camdeno Uronium Antonini, Virocomium Ptolemæi, et Salopiensium Wroxeter fuisse videtur.

**XXVII.** Cair Celemion, quam idem Somersettensium Camalet fuisse conjicit.

**XXVIII.** Cair Luit-coyt, quæ Galfrido Monemuthensi<sup>l</sup>, Alphredo Beverlacensi, Henrico Huntingdonensi et Ranulpho Cestrensi<sup>m</sup> est Lincolnia, de qua Galfridus Monemuthensis : "Cair Lind-coit in Lindisiensi provincia inter duo flumina super montem locata, alio nomine Lindicolinum nuncupatur." Ita ille, libro nono historiæ Britannicæ, capite tertio, ubi Arthurum, cæsis sex Saxonum millibus, eos inde usque ad nemus Celedonis insecumtum fuisse

<sup>d</sup> Fit mentio Diwanii sive Dwianii, [ita MS. et Duviani] ad Guintoniæ epis- copatum Arthuri regis tempore promoti, in historia Britannica, lib. 9. cap. 15.

<sup>e</sup> pag. 173.

<sup>f</sup> lib. 9. cap. 15.

<sup>g</sup> lib. 4. cap. 16.

<sup>h</sup> Guil. Pictav. in gestis Guilielmi I. pag. 199. rerum Normannic. scriptor.

<sup>i</sup> Orderic. ecclesiastic. histor. lib. 3. ib. pag. 500.

<sup>k</sup> Gemeticens. histor. Normann. lib. 7. cap. 34. ibid. pag. 286.

<sup>l</sup> Histor. Britan. lib. 9. cap. 3. collat. cum Ranulph. lib. 5. Polychron. cap. 6. ubi septimum Arthuri prælium factum scripsit juxta Lincolniam in sylva Cclidonis, quæ Britannice vocatur Caer Coit Celedon.

<sup>m</sup> Polychron. lib. 1. cap. 47.

narrat. Unde septimum illud prælium, quod contra Saxones Arthurum gessisse in sylva Celidonis, id est, Cath coit Celedon<sup>n</sup> prodit Ninius, juxta Lincolniam factum fuisse, in polyehronici sui libro quinto, capite sexto, scribit Ranulphus: ne quis ad Scotorum Albicnsium sylvam Caledoniam in Albania, quo Saxones nunquam penetrarunt, referendum illud fuisse existimet<sup>o</sup>.

**Pro I. VII. X. et XXV. Henricus Huntingdoniensis in primo historiarum suarum libro, sequentes sex supponit.**

1. Cair Glou, id est, Glouceastriam: de qua Ninius: “Glovus ædificavit urbem magnam super ripam fluminis Sabrinæ quæ vocatur Britannico sermone Cair-glovi, Saxonice autem Gloucester<sup>p</sup>.”
2. Cair Cei, id est, Ciceastriam, vulgo Chichester.
3. Cair Ceri, id est, Circeastriam, vulgo Circester; et Circiter; de qua Asserius Menevensis, in gestis Ælfredi, anno DCCCLXXIX. “Cirenceastre adiit, quæ Britannice Cair-ceri nominatur; quæ est in meridiana parte Huiccorum.”
4. Cair Dorm, id est, Dornmœastre; “quæ sita in Huntingdonensi provincia, super flumen quod vocatur Nen, penitus destructa est.” Hodie Dornford dicitur.
5. Cair Dauri, vel ut apud Alphredum Beverlacensem est, Cair Dorin, id est, Dorcestriam.
6. Cair Merdin: quæ nunc quoque sic vocatur.

Vox vero Cair, his omnibus præposita, Britannis urbem vel castrum significat: ut præter alios, libro primo Itinerarii Cambriæ capite quinto notat Giraldus Cambrensis. Johannes Caius<sup>q</sup> ex Gervasio Tilberiens<sup>r</sup>, “Cair lingua Trojana, civitatem dici” addit; et “Cambris murum” quoque significare. Ut quemadmodum Hebraei קַרְמָן murum, et קַרְמִין urbem vocant; ita Britannis vox non absimilis, Cair et mœnia et urbem mœnibus cinctam denotet. Cujus vocabuli originem etiam in magna Cairo Ægypti observant<sup>s</sup> nonnulli, et in ipsa quoque Carthagine; quam Carthadam dictam scribit Solinus, “quod<sup>t</sup> Phœnicum<sup>w</sup>

<sup>n</sup> Prælium sylvæ Celedoniæ.

<sup>o</sup> Lind-coit a sylvis Camdeno, pag. 404.

<sup>p</sup> Vid. Guil. Malmesbur. lib. 4. de pontificib. sub finem catalogi Wigor. episc. collat. cum MS. et infra finem cap. 6.

<sup>q</sup> Cai. de antiquit. Cantabrig. lib. 1. pag. 50.

<sup>r</sup> 2. decis. cap. 47.

<sup>s</sup> Num. cap. 35. ver. 4. Certæ nomine Parthis civitatem significari, Hermolaus Grammaticus ex Stephano auctor est.

<sup>t</sup> Vid. Johannis Twini commentar. Britan. lib. 2. a pag. 108. ad 113.

<sup>u</sup> Solin. Polyhist. cap. 27. edit. Salmasii, vel 30. Delrii.

<sup>w</sup> Chald. et Syr. קַרְמָן חַרְמָן

ore exprimit civitatem novam." Unde et ipsam, et cognominem illi urbem in Hispania extractam, a Græcis<sup>x</sup> Καυην πόλιν dietam fuisse notum est.

Apud Belgas in agro Somersettensi, Congersburiæ, non procul ab hodierna sede Wellensi, episcopalem cathedram a Fagano et Derwiano fuisse constitutam, narrat author Glastoniensis chronici anno MCCLIX. conseripti: "Anno (inquit ille) Dominicæ incarnationis CLXVII. episcopatus Somersetiae per sanatos Fuganum et Deruvianum sumpsit exordium: et in Kungresburia per multum tempus sedes episcopalnis fuit. Sederunt itaque in eadem sede plurimi pontifices successive, usque ad tempus Inæ regis West-Saxonum: quorum numerum, gesta, et tempora nusquam reperimus descripta. In tempore autem prædicti regis, Daniel, qui (ut aeecepimus) in eathedra de Kungresburia scdebat ultimus, sedem illam quæ illic per sexcentos annos, vel amplius remanserat, ad villam quæ tunc Tethiscinc, nunc vero Welles nominatur, Ine rege donante, et ei consentiente, transtulit. Iste autem Danicl in eodem episcopatu ultimus erat episcopus Britonum."

Ex viginti et oeto urbibus a Ninio memoratis, tres, uti diximus, pro metropolitieis sunt habitæ: quarum<sup>y</sup> prima et præcipua Cair-Lundein, Ptolemæo in geographia Λουδίνιον, in canone ἐπισήμων πόλεων (qui inter canones ejus astronomicos nondum editos habetur) ut et Marciano<sup>z</sup> in Britanniæ periplo, Λινδόνιον appellata. Hic in vestibulo domus capitularis Ecclesiæ S. Pauli magnam tabulam affixam vidimus: in qua ita scriptum fuit. "Tempore Britonum in urbe Lundoniæ multi floruerunt archiepiscopi: sed tempore Anglorum dignitate apud Doroberniam translata, primus sedit Mellitus episcopus in ecclesia S. Pauli London<sup>a</sup>, quam Ethelbertus rex Cantiarum fundavit." Ibidem etiam in chronico Radulphi de Baldoc Londinensis episcopi ita legimus: "Anno Domini CLXXIX. Lucius

<sup>x</sup> Stephan. Byzant. in Καρχηδών. Polyb. histor. lib. 2.

<sup>y</sup> In quibus tres archiflamines constitutos fuisse affirmat Guil. Harrisonus descript. Britan. lib. 1. cap. 9. Apollini, sc. Marti et Minervæ.

<sup>z</sup> Stephan. in Λινδόνιον.

<sup>a</sup> Vid. Bed. lib. 3. hist. cap. 3.

rex fundavit primam ecclesiam Lundoniæ, scilicet ecclesiam S. Petri de Cornhulle, et ibi fuit sedes metropolitana per quadringentos annos et amplius, usque ad adventum S. Augustini Anglorum apostoli." Similia habentur in tabula pensili, quæ in æde illa S. Petri de monte frumentario, sive Cornhill, (Cornwell vulgus appellat) adhuc cernitur: " Anno Domini CLXXIX. Lucius, primus Christianus rex hujus terræ, Britanniæ tune appellatae, fundavit primam eeelesiam Londoniæ, seilicet ecclesiam S. Petri in Cornhill: et fundavit illic archiepiscopalem sedem, et fecit illam ecclesiam metropolitanam, et primam ecelesiam hujus regni: et sie duravit spatio CCCC. annorum, usque ad adventum S. Augustini Angliae apostoli, qui in hane terram missus est a S. Gregorio, Ecclesiæ doctore, tempore Regis Ethelberti. Tum vero arehieepiscopi sedes et pallium a dieta ecclesia S. Petri in Cornhill translata fuit Doroberniam, quæ jam vocatur Cantuaria, ibique manet ad hunc usque diem. Et Miletus monaehus, qui cum S. Augustino in terram venit, factus est primus episcopus Londinensis: et sedes ejus in Paulina ecclesia constituta est. Et ille Lucius rex fuit primus fundator ecclesiæ S. Petri in Cornhill. Et regnavit in terra hac post Brutum MCCXLV. annis." Hæc ibi.

Joeelinus Furnesii monaehus, in libro de episcopis Britannicis, hunc Londinium archiepiscoporum catalogum contexit.

- I. Thean vel Theonus, qui Lucii regis temporibus Londini ecclesiam S. Petri in Cornehill construxisse dicitur a Cirano archipincerna regio adjutus.
- II. Elvanus : ille nimirum, quem una cum Medwino legatione ad Eleutherum papam functum audivimus. Is bibliothecam condidisse fertur dictæ S. Petri ecclesiæ adjunctam; et Druydom complures ad fidem Christianam convertisse. Et habuit quidem ecclesia hæc bibliothecam, quam a se visam confirmat Johannes Lelandus: verum nunc, sublatis libris, Grammaticaba schola locum occupat; quemadmodum in sua Londini perlustratione monuit Johannes Stowæus.
- III. Cadar, aliis Cadocus.
- IV. Obinus, sive Ouinus.
- V. Conanus.
- VI. Paludius, vel Palladius.

<sup>b</sup> Anno 1425. Grammaticam scholam ibi fuisse constat ante Lelandi tempora.

- VII. Stephanus.  
 VIII. Iltutus.  
 IX. Dedwin, sive Theodwinus.  
 X. Thedred, sive Theodredus.  
 XI. Hilarius.  
 XII. Guidelinus, qui et Guittelinus, et Vitelinus.  
 XIII. Vodinus, a Saxonibus occisus.  
 XIV. Theanus, vel Theonus : qui cum Britannis in Cambriam fugit, eirea annum Christi DLXXXVII.

Postremorum trium ab aliis etiam facta habetur mentio. Guitelini quidem in Britannica historia : ubi post tertium Agitii, vel Aetii potius, qui in annum **CCCCXLVI.** incidit, consulatum, Pictis<sup>c</sup> et Scotis Britanniam vastantibus, legatus ad Aldroenum, Letaviæ sive Armoricae regem a civibus suis missus, Constantimum ejus fratrem cum exercitu in patriam perduxisse, regem inunxisse, cum conjuge, quam ex nobili Romanorum genere ortam ipse educaverat, copulasse, atque filios ex eo conjugio genitos, Aurelium Ambrosium et Utherum Pendragon, enutrisse memoratur. Quæ a Matthæo Florilego, et Roffensis historiæ collectore repetuntur etiam omnia: apud quos, “Anno gratiæ **CCCCXXXV.** Guithelinus Londinensis archiepiscopus scientia et virtutibus insignis habetur.” Eum Constantino regi nequaquam fuisse superstitem, ab iisdem<sup>d</sup> est proditum authoribus: licet Guilielmus Caxtonus, et eum (uti solet) secutus Johannes Major<sup>e</sup>, sublato post Constantimum filiorum ejus natu maximo, minores duos, Aurelium et Utherum, a Londoniarum præsule Gosselino (sic enim Guithelinum nominant) ad parvæ Britanniae regem missos fuisse significant. Hunc secutum Vodinum, virum omnium opinione præcipua sanctitate, ab Hengisto Anglo-Saxonum duce imperfectum tradit alter Scotorum historicus Hector Boethius<sup>f</sup>: quod Britannorum regem Vortigernum ob nuptias, quas cum filia ipsius,

<sup>c</sup> Galfrid. Monemuth. lib. 6. cap. 4, 5. (edit. Heidelberg. et vel ipse, vel alias poetiens ejus interpres, (cui falsum Gildæ nomen est tributum) libro 5.

<sup>d</sup> Galfrid. ibid. cap. 6. Pseudo-Gilda, lib. 5. Matth. Florileg. et histor. Rof. feus. ad annum 445.

<sup>e</sup> Jo. Major. de gest. Scotor. lib. 2. cap. 3.

<sup>f</sup> Hect. Boeth. Seotor. histor. lib. 8.

Roxiena sive Rowenna, foemina ethnica, spreta justa conjuge inicrat, reprehendisset. Proximus huic, longo sed proximus intervallo, nonaginta circiter annorum spatio interposito, adeoque Londinensium archiepiscoporum postremus, ejusdem cum primo nominis Theonus, in Jocelini indiculo collocatur : quem circa annum ab incarnatione Dominica **DXLII.** a Glocestrensi episcopatu ad archiepiscopatum Londoniarum translatum fuisse, Britannicas refert historia ; posteaque Anglia a Saxonibus jam plene occupata et ecclesiis omnibus solo æquatis, cum iis qui e clero superfuerant, in Gualliam<sup>b</sup> sive Cambriam diffugisse ; de qua fuga, in anni **DLXXXVI.** historia, agit Matthæus Florilegus, et, qui eum totum exscripsit, Roffensis libri collector. Et de iis, qui Londini archiepiscopi sedisse dicuntur, hactenus.

De metropoliticæ sedis mutatione hic facta sub Anglo-Saxonum imperio, in libro quarto Anglicæ suæ historiæ ita scribit Polydorus Vergilius : “ Augustinus apud Gregorium ita egit, ut sedes archiepiscopi, quæ jam inde ab initio pietatis Christianæ Lucio rege receptæ Londini fuerat, Doroverniam, (haec hodie Cantuaria est) translata sit. Londinensis diœcesis, post archiepiscopalem sedem inde alio delatam, Miletus Augustini socius, episcopus est factus : ” et ex antiquioribus, Rogerus Wendoverius, Matthæus Florilegus, et Roffensis historiæ collector : “ Anno gratiæ **DCI.** beatus papa Gregorius Augustino pallium misit, ad ecclesiam videlicet Londinensem, quæ tempore Britonum metropolis erat : sicut Beda in historia Anglorum testatur, et anno **DCIV.** in civitate Londoniarum Augustinus Mellitum pontificem consecravit. Sieque urbis Londoniarum, quæ semper temporibus Britannorum archiepiscopum habuerat, dignitas nunc ad Doroberniam translata est : ut Merlini vaticinium dicentis impleretur ; Delebitur<sup>i</sup> religio in insula, et transmutatio primarum sedium fiet : dignitas Londiniæ adornabit Doroberniam : ” metropolitana scilicet sede illuc per Augustinum, a B. Gregorio

<sup>a</sup> Galfrid. lib. **11.** cap. 3.

<sup>b</sup> Ib. cap. 10.

<sup>i</sup> Galfrid. Monemuth. lib. **7.** cap. **3.** edit. Heidelberg. lib. **4.** fol. **52.** edit. Paris. ann. 1517. Vid. Vincent. Specul. historial. lib. **20.** cap. **30.**

Romano pontifice missum, transposita et locata: ut habet Merlini interpres, Alanus de insulis.

“ Proposuerat quidem Augustinus,” inquit Giraldus Cambrensis<sup>k</sup>, “ sed postea fortasse mutavit, sedem suam metropoliticam Londoniis, ubi caput est regni, facere:” qua de re scriptas a Gregorio ad eum literas ecclesiasticae suae historiae Beda<sup>l</sup> inseruit. Idem tamen in civitate Dorovernensi, quæ regum Cantii tum fuit metropolis, “ Augustinum<sup>m</sup> sibi habitationem statuisse et cunctis successoribus suis;” Justo quoque atque Honorio, illius in ea sede successoribus, pallia, metropolitanorum insignia, Bonifacium V.<sup>n</sup> et Honorium I.<sup>o</sup> Romanos pontifices misisse, in sequentibus ostendit. Feruntur et Bonifacii ad eundem Justum literæ<sup>p</sup>: in quibus, huc spectantia, ista legimus: “ Cognovi siquidem in vestris syllabis, ut sanctæ recordationis prædecessor noster Gregorius constituit Augustino et omnibus successoribus suis in posterum metropolitanam et primitivam sedem in civitate Dorobernia, ubi caput totius gentis Anglorum a diebus paganorum habetur;” et paucis interjectis: “ id ipsum præcipientes firmamus, ut in Dorobernia civitate semper in posterum metropolitanus totius Britanniæ locus habeatur; omnesque provinciæ regni Anglorum præfati loci metropolitanæ ecclesiæ subjiciantur, immutilata et perpetua stabilitate decrevimus:” ut et in Honorii Romani<sup>q</sup> ad Honorium Cantuariensem archiepiscopum rescripto: “ Tuæ ergo jurisdictioni subjici præcipimus omnes Angliæ ecclesias et regiones: et in civitate Dorobernia metropolitanus locus et honor archiepiscopatus et caput omnium ecclesiarum Angliæ semper in posterum servetur; et a nulla persona per aliquam malam suasionem in alium locum mutetur.”

Exstat præterea apud Guilielmum Malmesburiensem<sup>r</sup>, Kenulphi Merciorum regis, ad Leonem III. missa epis-

<sup>k</sup> Girald. dialog. de eccles. Menevens. distinct. 2.

<sup>l</sup> Bed. lib. 1. cap. 29. <sup>m</sup> Id. ib. cap. 33.

<sup>n</sup> Bed. lib. 2. cap. 8. <sup>o</sup> Id. ib. cap. 18.

<sup>p</sup> Guil. Malmesbur. de gestis pontific. lib. 1. pag. 208. edit. Francofurt.

<sup>q</sup> Ibid. pag. 209.

<sup>r</sup> Guil. Malm. libro 1. de gestis regum Anglorum cap. 4.

tola: in qua sic scriptum legitur: “ Pontifices nostri ac peritissimi quique in nobis dicunt, quod contra canones et apostolica statuta, quae nobis a patre beatissimo Gregorio dirigente statuta sunt, sicut vos scitis, authoritas Dorobernensis metropolitani in diinas scinditur parochias; cuius, eodem patre mandante, ditioni subjacere debent episcopi duodecim: sicut per ecclesias nostras legitur in epistola, quam fratri et coepiscopo Augustino direxit, de duabus Londoniæ et Eboracæ metropolitanis episcopis, quam etiam apud vos haberi non dubitamus. Sed ipse primum pontificalis apex, qui tunc Londoniæ sub honore et ornamento pallii fuerat conscriptus, pro eo Dorobernensi oblatus est atque concessus. Nam quia beatæ recordationis Augustinus, qui verbum Dei, imperante beato Gregorio, Anglorum genti ministrabat, et gloriosissime ecclesiis præfuit Saxoniam, in eadem civitate diem obiit, et corpus illius in ecclesia beati Petri apostolorum principis, quam successor ejus sanctus Laurentius sacravit, conditum fuisse; visum est cunctis gentis nostræ sapientibus, quatenus in illa civitate metropolitanus honor haberetur, ubi corpus ejus pausat, qui his partibus fidei veritatem inseruit.” Indeque Malmesburiensis ipse, initio libri primi de gestis pontificum Anglorum: “ Cantuariæ (inquit) sedit primus Augustinus, Gregorii magni discipulus, ut vulgo notum est. Pallium autem et privilegium archiepiscopatus idem Gregorius Augustino ad Londoniam concessit, ut in primo libro gestorum regalium, per Kenulfi ostendimus epistolam: quia scilicet ad id tempus alterius obscuræ urbis notitia Romanos non attigisset. Veruntamen quia primus doctor, sedulitate regis hospitis et civium charitate captus, Cantuariæ incolatum vivens throno annis sexdecim et mortuus tumulo fovit; omnis co in posterum honor translatus est.”

Postea tamen, fervente inter Henricum II. et Thomam Becketum Cantuariensem archiepiscopum contentione, Gilbertus Folio Londincensis episcopus sedi suæ archiepiscopatus honorem, sed frustra, asserere conatus est: de quo<sup>s</sup>

Johannes Sarisburiensis: “Ecce Lundoniensis episcopus publice non sine dolore fidelium protestatus est, quod primæ Britanniarum sedi, videlicet Cantuariensis ecclesiæ, nullam debet obedientiam; et quod cathedram metropoliticam illuc transferri faciet ubi eam esse debere fingit, ne dicam mentitur; scilicet ad ecclesiam Lundoniensem, ubi archiflaminem gloriatur sedisse, dum Jovialis religio colebatur. Et fortasse vir prudens et religiosus cultum Jovis instaurare disponit: ut si alio modo archiepiscopari non potest, archiflaminis saltem nomen et titulum assequatur. Fretus tamen est oraculo Merlini, qui nescio quo repletus spiritu perhibetur ante adventum beati Augustini Anglorum apostoli vaticinatus esse, delendam esse Christianam religionem, et denuo reformandam, quando Londoniensis dignitas Doroberniam adornabit.” Et Guilielmus Stephanides in Londini descriptione, paulo post cædem Thomæ edita: “Est ibi in ecclesia beati Pauli episcopalis sedes; quondam fuit metropolitana; et adhuc futura creditur, si remeaverint cives in insulam,” quæ de civium redditu divinatio ex Britonum somniis est hausta; quæ, ex Aquilæ, si credere libeat, et Merlini prophetiis petita, Galfridus Monemuthensis<sup>t</sup> in fine, et Caradocus Lan-carvanensis in principio Britannicæ suæ historiæ commemorat.

Ad secundam metropolim jam venio: quæ in superiore urbium catalogo Cair Ebrauc, hodie Cambro-Britannis Cair Effroc, Anglis York dicta, a Ptolemæo in opere geographicō Ἐβόρακον, in canonibus astronomicis Εὐόρακον, et in magna syntaxi Βριγάντιον<sup>u</sup> appellatur. Huic historia Britannica Deiram subjicit et Albaniam: Albaniæ nomine eam quæ hodie Scotia dicitur; Deiræ, Lancas-

<sup>t</sup> Galfrid. lib. 12. cap. 17, 18. edit. Heidelberg. vid. et lib. 2. cap. 9. Jo. Fordon. in Scotichronic. lib. 3. cap. 22. Jo. Balæum, scriptor. Britann. centur. 1. cap. 11. Jo. Twinum, commentarior. Britannic. lib. 2. pag. 127, 128. Camden. in Dorsetshire, pag. 157. Selden. in Polyolbion, op. tom. 3. pag. 1814.

<sup>u</sup> Lib. 2. pag. 31. edit. Græc. Hæc tamen vox a Græco Lambethanæ bibliothecæ MS. abest: pro qua Latinus Almagesti ex Arabico interpres Bericanas substituit.

treensem et Eboracensem comitatum, una cum Dunelmensi episcopatu, Westmorlandia, Cumbria, et Northumbria complectens. Urbem vero hanc a Constantio Chloro imperatore, qui hic diem obiit, episcopali sede exornatam fuisse, ex patriis scriptoribus (quorum nullum adhuc mihi videre contigit) refert<sup>w</sup> Guilielmus Camdenus. Sed qui historiam Eboracensium archiepiscoporum circa annum MCCCCLX. conscripsit, "primum in ea sede fuisse archiepiscopum Faganum" asserit, illum videlicet de quo diximus, Eleutheri legatum, "tempore Lucii regis." Alii<sup>x</sup> ibi Theodosium quendam a Lucio collocatum esse dicunt, alii<sup>y</sup> Samsonem: quem tamen Aurelii Ambrosii temporibus floruisse, et Benedictus Glocestrensis monachus, qui S. Dubricii, et alter ille qui Eboracensium archiepiscoporum vitas descriptis, testantur. Consentit et historia Britanica: in qua, de Aurelio legimus: "Convocavit<sup>z</sup> rex consules et principes regni intra Eboracum, præcipitque eis restaurare ecclesias, quas gens Saxonum destruxerat. Ipse vero metropoliticam sedem illius urbis, atque cæteros episcopatus provinciæ reædificare incepit:" et post, "Evacuatæ<sup>a</sup> erant duæ metropolitanæ sedes, Eboraci videlicet atque urbis legionum, a pastoribus suis; quibus communi popolorum consilio consulere volens, concessit Eboracum Samsoni illustri viro, summaque religione famoso: urbem vero legionum Dubrio, quem divina prævidentia in eodem loco profuturum elegerat."

Utriusque electionem ad annum salutis CCCCXC. Matthæus Florilegus refert: et utrumque anno DVII. in Britannia floruisse addit. De utroque etiam in sexto Britanniados suæ libro, ita Pseudo-Gildas canit :

Eboracensis apex vacat archipræsule, necnon  
Et Legionensis : Samson datur Eboracensi,  
Et Legionensi Dubricius ; ambo beati  
Pontifices, quos vita probat, moresque perornant.

<sup>w</sup> Camden, in Yorkshire. pag. 573.

<sup>x</sup> Guilielmus Harrison. descript. Britan. lib. 1. cap. 7.

<sup>y</sup> Franc. Godwin. in catalog. archiepisc. Eborac. pag. 2.

<sup>z</sup> Galfrid. Monemuth. lib. 8. cap. 9.

<sup>a</sup> Id. ibid. cap. 12. edit. Heidelberg. ubi pro *Saxoni*, ex MSS. restituimus *Samsoni*.

et de Samsonis successore ; libro septimo res ab Arthuro regc gestas enarrans :

Rex venit Eboracum : cuius cum strata videret  
Mœnia et ecclesias, constrictus corde, dolori  
Condolet oppressæ et viduatæ civibus urbis ;  
Compatiturque apici proprio pastore carenti.  
Nam sanctus Samson de sede fugatus eadem,  
Fugerat hostiles gladios ; populunque Dolensem  
Exemplo verboque docet, prælatus eidem.  
Rex igitur viduæ prælatum providet urbi,  
Pyramon insignem meritis virtute coruscum.

Et quidem sedis Eboracensis archiepiscopum ordine septimum fuisse Samsonem hunc, quod Ambrosio Merlino tribuitur vaticinium videri posset innuere : “ Pastor<sup>b</sup> Eboracensis septimus in Armorico regno frequentabitur : ” cuius tamen sensum longe alium Bellovacensis Vincentius reddit : “ quod<sup>c</sup> Eboracensis archiepiscopus, scilicet beatus Samson, cum septem episcopis ad Armoricanam transiret regionem, quæ modo minor Britannia nominatur : ” et ante eum Alanus de insulis<sup>d</sup>, “ Sanctum (inquit) Samsonem significat, Eboracensem archiepiscopum, qui a prophana Saxonum gente ab ecclesia et civitate expulsus, navigio transfretavit in Armoricum regnum, id est, minorem Britanniam in finibus Galliarum super littus oceani sitam ; ibique in civitate Dolis metropolitanam sibi cathedralm collocavit. Venerunt autem cum eo sex fratres ipsius, sancti et magnifici et magnarum virtutum viri : Melanius Macutus, Maclovius, Pabutual, Paternus, Waslocus ; qui in aliis civitatibus ejusdem regni ordinati sunt, et Ecclesiæ Dei præfecti. Et hoc est, quod ait: Pastor Eboracensis septimus in Armorico regno frequentabitur. Hos autem septem fratres, usque in hodiernum diem, non solum gens incola terræ illius, sed et finitimæ regiones, septem Britanniae sanctos appellant.” Giraldus Cambrensis, archidiaconus Menevensis, atque eum secutus

<sup>b</sup> Galfrid. lib. 7. cap. 3.

<sup>c</sup> Vincent. Specul. historial. lib. 20. cap. 303.

<sup>d</sup> Commentariorum in prophetias Merlini lib. 1.

Rogerus Hovedenus<sup>e</sup>, nequaquam ab Eboracensi hoc Samsone Dolensem metropolim constitutam fuisse contendit; sed a Menevensi altero, qui vicesimo quinto loco post Davidem illum sedit, cui jam memoratus Dubricius Legionensis archiepiscopatus honorem cesserit: “Tempore<sup>f</sup> Samsonis hujus,” inquit “pallium in hunc modum est translatum: ingruente per Cambriam, isto præsidente, peste quadam, qua catervatim plebs occubuit, quam flavam pestem vocabant, quam et physici ictericiam dicunt passionem, præsul quanquam sanctus et ad mortem intrepidus, tamen ad suorum instantiam navem scandens, flante Circio, cum suis indemnem in Armorica Britannia se suscepit: ubi et vacante tunc forte sede Dolensi, statim ibidem in episcopum est assumptus. Unde contigit ut ob pallii gratiam quod Sainson secum hinc illuc attulerat, succedentes ibi episcopi usque ad nostra hæc fere tempora<sup>g</sup>, quibus, prævalente Turonorum archipræsule, adventitia dignitas evanuit, pallia semper obtinuerunt.” Cumque ab Innocentio III. pontifice fuisset objectum: “Quin<sup>h</sup> immo Eboracensis, ut fertur, fuerat archiepiscopus Samson ille Dolensis;” Giraldus subintulit, “Immo quidem noster fuit, et non aliunde Samson ille; salve, pater, reverentia vestra. Dolenses enim historiæ contestantur. Unde et in eorum sequentia de sancto Samsone sic reperitur:

Præsul autem Menevensis  
Dignitatis in Dolensi  
Transfertur fastigium.

Eboracenses autem æquivocatio decipit: cum hoc eodem nomine quidam eorum archiepiscopus nuncupatus extiterat.” Quærenti deinde papæ, “quantum temporis a transitu seu transfretatione Samsonis illius” intercesserit: respondebat Giraldus, “quod tempore Gregorii papæ, magni sci-

<sup>e</sup> Hoveden. annal. sub fin. histor. ann. 1199. edit. Francof. pag. 798.

<sup>f</sup> Girald. itinerar. Cambriæ, lib. 2. cap. 1.

<sup>g</sup> Vid. Robertum de Monte, in chronic. ann. 1162. Archiepiscopum Dolensem nominat. Vid. Argentraeum, lib. 3. cap. 69. et Hoveden. loco notato, pag. 797.

<sup>h</sup> Girald. in dialogo de eccles. Menevens. distinct. 2.

licet doctoris qui Augustinum et socios suos in Angliam transmisit, accidit illud."

Matthæus Florilegus duos Samsones in Dolensi sede ante Gregorii pontificatum constituit. "Per idem tempus Samson Dolensis archiepiscopus, et successor sancti Samsonis, qui de Britannia majori ad minorem transiit, doctrina et sanctitate refulsit:" inquit ille, in anni DLXI. historia. Et circa illud sane tempus Parisiensi concilio Samsonem subscrispsisse invenimus: de quo etiam ad annum DLXVI. Sigebertus Gemblacensis: "Samson Dolensis archiepiscopus, consanguineus sancti Maclovii, et successor Samsonis Maglorius, qui de transmarina Britannia ad cismarinam transierant Britanniam, clarent sanctitate et doctrina." Utrumque vero, et Samsonem<sup>i</sup> et Maglorium, Iltuti Britanni fuisse discipulum legimus: Samsonem vero a Dubrio<sup>k</sup>, Davidis Menevensis antecessore, sacratum, tempore Justini<sup>l</sup> junioris imperatoris et Childeberti<sup>m</sup> Francorum regis claruisse. Trithemius<sup>n</sup> ad annum Domini DC. id est, ad Gregorii pontificatum, cum Giraldo, vitam ejus protendit: quod facile admittere possumus, si, ut in vita<sup>o</sup> ejus habetur traditum, CXX. annos vivendo is exegerit. Sed sive Gregorii, sive (quod certum est) Childeberti temporibus Dolensem Samsonem floruisse statuerimus: cum Samsone illo, qui in Menevensium archiepiscoporum catalogo ordine post Davidem XXV. numeratur, absque immanni anachronismo confundi non poterit. Ut Giraldum cum Menevensibus suis, potius quam Eboracenses, æquivocatio nominis hic decperit.

In vita certe Teiliavi sive Theliai, Landavensis ecclesiæ

<sup>i</sup> Vita S. Samsonis MS. in regesto Landavensi: et impress. in bibliotheca Floriacensi, Johannis a Bosco, cap. 3. Vincent. specul. historial. lib. 21. cap. 105. Vita S. Maglorii, apud Surium, tom. 5. Octobr. 24.

<sup>k</sup> Vit. Samsonis MS. et impress. in bibliothec. Floriac. cap. 3. et Capgravii legenda Angliæ, fol. 377. col. 3. Vincent. specul. lib. 21. cap. 112. Trithem. de vir. illustr. ord. Benedict. lib. 4. cap. 46, et Petr. Equilin. lib. 6. cap. 150.

<sup>l</sup> Petr. Equilin. ibid.

<sup>m</sup> Vit. Samsonis MS. et impress. in bibliothec. Floriac. cap. 4. et 10. Capgravii legend. fol. 277. col. 4. et vit. Maglorii, apud Surium, Octobr. 24.

<sup>n</sup> Trithem. de vir. illustr. ord. Benedict. lib. 3. cap. 41. et lib. 4. cap. 46.

<sup>o</sup> Vit. cap. 14. in bibliothec. Floriac.

regesto inserta, pestis ista, cuius hic Giraldus meminit, ictericia (Britannis a flavo colore quo affecti morbo tinge-bantur y gall velen appellata) Maileono in Guenedotia regnante, erupisse dicitur: Malgone videlicet illo Vener-dotorum rege, sub quo Davidem Mencensem mortem obiisse, Britannica<sup>p</sup> prodit historia. Est vero is Maglocunus ille, quem in epistola sua affatur Gildas, et quod in vicinis insulis grassarctur, insularem Draconem vocat. Circa annum Domini DLX. regnum obtinuisse, in Britannicæ descriptionis fragmento refert Humfredus Lhuy-dus: ex antiquissimo libro, de legibus Britannorum scrip-to, electionem ejus sic describens: “ Postquam Saxones devictis Britannis sceptrum regni et coronam Londinensem adepti sunt; omnes Cambriæ populi ad ostium Devi flu-minis, ad regem eligendum congregati sunt: et illuc venere viri Guynedhiæ, et viri Powysiæ, et viri Deheu-barthiæ, et Reynnuciæ, et Sylluciæ, et Morganiciæ; et Malgunum Gnenedum in regem elegere.”

Flavam illam pestem pluribus describit supradictus biographius<sup>r</sup>, ejusque metu, deserta patria, quosdam in Hiberniam perrexisse scribit, plures vero duce Theliao Landavensi episcopo, sororis Davidis Menevensis filio, ad Armoricas gentes concessisse, sub spirituali Samsonis regimine eo tempore constitutas. “ Audiente,” inquit, “ Samsone Dolensis ecclesiæ archiepiscopo adventu confratris sui in patriam: occurrit ei cum gaudio. Nam de una regione procreati fuerant, et unius linguæ viri, et simul cum B. Dubricio archipræsule edocti, ex cuius manus impositione S. Samson consecratus est in episcopum: ut vita sua testatur. Rogavitque S. Teliaum ut cum illo habi-taret: et adquievit ei, et cum eo commoratus est multo tem-pore.” Sedata deinde peste, abiturum Theliaum a Samsone pontifice et Budico rege Armoricanu detentum fuisse ait: “ Nam rex,” inquit, “ et pontifex cum multitudine populo-rum obviaverunt ei, ut illum deducerent cum condigno

<sup>p</sup> Galfrid. Monemuth. lib. 7. cap. 1.

<sup>q</sup> Ar yno doethant guyr Guynedh, a guyr Powys, a guyr Deheubarth, a Reynnuc ac Esylluc, a Morganuc.

<sup>r</sup> Vid. Galfridum, et Johan. Tinmuthens. ejusque excriptorem Capgravium, in vita Theliai: et authorem vitæ Oudocei, in regesto Landavensi.

honore ad episcopatum Dolensem; ut sublimarent illum in pontificalem sedem." Galfridus Monemuthensis eodem tempore Davidem Dubricio, et Theliaum Samsoni substitutum fuisse narrat: Armoricorum Britonum regem existente, non Budico, sed Hoelo. "In loco," ait ille<sup>s</sup>, "sancti Samsonis Dolensis archipræsulis destinatur Thelius illustris presbyter Landaviæ, annuente Hoelo rego Armoricorum Britonum; cui vita et boni mores virum commendaverant." Sed vitæ scriptor Theliaum, post septem annos mensesque totidem in Armorica perfectos, ad sedem Landavensem, cujus tum eum non presbyterum facit, sed archiepiscopum, rediisse significat; reicto Dolensibus Samsone suo. Cum quo et cæteri scriptores consentiunt, successorem<sup>t</sup> Maglorium statuentes proprium Samsonis.

In Eboracensi vero metropoli, ut ad eam redeamus, Samsoni Pyramum quendam successisse jam audivimus; pro quo Pyranni nomen apud Matthæum Westmonastericensem legitur: qui ad annum DXXII. electionem ejus refert; a Britannicæ historiæ consarcinatore narrationem mutuatus, de Arthuro rego sic scribente: "Petivit" rex Eboracum, instantis natalis Domini festum celebraturus. Cumque urbem intrasset; visa sacrarum ecclesiarum desolatione, condoluit. Expulso namque beato Samsone archiepiscopo, cunctisque sanctæ religionis viris, templos scimi-usta ab officio Dei cessabant: tanta etenim pagorum insaniam præevaluerat. Exin convocato clero et populo, Pyramum capellatum suum metropolitanæ sedi destinat; ecclesias usque ad solum destructas renovat; atque religiosis cœtibus virorum ac mulierum exornat." Ibidemque postrenius Britonum in sede Eboracensi archiepiscopus nominatur Thadiocus: qui una cum Theono Londinensi (ut supra<sup>w</sup> ex Matthæo Florilegio etiam et libro Roffensi,

<sup>s</sup> Hist. Britannic. lib. 9. cap. 15. edit. Heidelberg. in quam Cheliani nomen pro Theliai irrepsit.

<sup>t</sup> Author vitæ Maglorii, apud Surium, Oct. 21. Jo. Tinmuthens. et Capgrav. in vita ejusdem. Sigebert. in chronie. ann. 566. Vincent. specul. lib. 21. cap. 121. Petr. Equilin. lib. 9. cap. 103. (ubi Majorus appellatur) Trithem. de vir. illustr. ord. Benedict. lib. 3. cap. 50. et lib. 4. cap. 47.

<sup>u</sup> Galfrid. Monemuth. lib. 9. cap. 8.

<sup>w</sup> pag. 90.

in anni DLXXXVI. historia, est annotatum) “cum<sup>x</sup> omnes ecclesias sibi subditas, usque ad humum destructas vidisset; cum omnibus ordinatis, qui in tanto discrimine superfuerant, diffugit ad tutamina nemorum in Guallias.”

Deinde, regnibus hic Anglo-Saxonibus, anno Domini DCI. de constituenda hac metropoli, ita scripsit ad Augustinum legatum suum papa Gregorius: “Ad<sup>y</sup> Eboracum civitatem te volumus episcopum mittere, quem ipse judicaveris ordinare: Ita duntaxat, ut si eadem civitas cum finitimis locis verbum Dei receperit, ipse quoque duodecim episcopos ordinet, et metropolitani honore perfruatur; quia ei quoque, si vita comes fuerit, pallium tribuere Domino favente, disponimus.” Augustinus autem, si Giraldo Cambrensi credimus, “Doroberniæ<sup>z</sup>, quam sibi sedem elegerat, totam Angliam fere, nempe XII. vel XIII. amplos episcopatus subjicit; Eboracensem ecclesiam ferc monoculam relinquens: illud ad mentem, quamquam monachus, revocando; maledictus qui partem suam deteriorem fecerit.” Verum, et Augustino et Gregorio jam vita functis, Edwinus Nordanhumbrorum rex Eboraci, anno DCXXVII. baptizatus, “in<sup>a</sup> ea civitate ipsi doctori atque ainstiti suo Paulino sedem episcopatus donavit:” cui et Honorius I. misso pallio, jus metropolitani confirmavit; ut ex literis ipsius apud Bedam<sup>b</sup> videre licet. Post cæsum vero Edwynum inde “recedente<sup>c</sup> Paulino, Eboracensis ecclesia per XXX. annos, proprium non habuit episcopum: sed Lindiffarnensis ecclesiæ præsules, Aidanus, Finanus, Colmannus, et Tuda, Nordanhumbrorum provinciæ administrarunt pontificatum.” Qui licet essent “Eboracæ<sup>d</sup> civitatis episcopi metropolitani,” uti de Colmanno, eademque ratione de reliquis, scribit Bedæ æqualis Stephanus presbyter: tamen “nec pallio, nec urbis nobilitate valuerunt attolli, in insula Lindiffarnensi delitescentes;” quemadmodum in libri tertii de

<sup>x</sup> Galfrid. Monemuth. lib. 11. cap. 10.

<sup>y</sup> Gregor. regest. lib. 12. epist. 15. Bed. hist. eccl. lib. 1. cap. 29.

<sup>z</sup> Girald. de statu eccles. Menœvens. distinct. 2.

<sup>a</sup> Bed. lib. 2. hist. cap. 14. <sup>b</sup> Ibid. cap. 17, et 18.

<sup>c</sup> Sim. Dunclmens. in epist. de archiepiscopis Eborac.

<sup>d</sup> Stephan. (qui et Æddi) in vita Wilfridi, cap. 10.

gestis pontificum initio a Malmesburiensi est notatum.  
Atque ita Eboracensis<sup>e</sup> honor, ait Ranulphus Cestrensis,  
“ ab initio usque hodie ibi duravit: quamvis Albania  
processu temporis ab ejus subjectione se subtraxit.”

Et de duabus primis sedibus metropoliticis ista dixisse  
sufficiat: quas solas genealogiae Britannicorum regum  
scriptor agnovisse videtur, qui sub Henrico VI. Anglorum  
rege claruit. Faganum enim et Damianum, anno ab in-  
carnatione Domini CLVI. “ Rege favente duos archie-  
piscopos, Londoniis et Eboraci, ordinasse” asserit. Quem-  
admodum et Caxtonus<sup>f</sup>, ad sua tempora respiciens, “ Regem  
duos tunc fecisse scribit archiepiscopos; Cantuariæ unum,  
Eboraci alterum.” A reliquis vero omnibus tertia sedes  
ab iis constituta dicitur.

Nobilis<sup>g</sup> urbs, et amœna situ, quam labilis Osca  
Irrigat :

ab eo situ, Britannis Cair-Leon ar Usk dicta; ad diffe-  
rentiam alterius<sup>h</sup> urbis Legionum super Devam fluvium,  
quæ nobis Cestria, illis Cair-Leon ar Dour-dwy appellatur,  
et a nonnullis<sup>i</sup> cum hac non recte confunditur. Hinc  
et in Itinerario (cui vulgati codices Antonini dant titulum,  
Flodoardus<sup>k</sup> Æthici, vetus MS.<sup>l</sup> Scotti.) nostra hæc Isca  
Leg. August. notatur nomine, tum ab Isca flumine ad  
eujus ripas sita est, tum a legione secunda Augusta  
quam sub Romanorum imperio stationem hic egisse, an-  
tiquæ inscriptiones inibi repertæ fidem faciunt; tametsi  
eam a Ptolemæo non ad hanc Silurum, sed ad alteram  
Danmoniorum Iscam statui non ignorem. Est autem  
Danmoniorum illa in Devonia sita, Exoniæ nomine notis-  
sima: Silurum hæc in Monemuthensi comitatu posita,  
quem Remneius fluvius hodie sejungit a Glamorgantia, in

<sup>e</sup> Ranulph. polychronic. lib. 1. cap. 52.<sup>h</sup>

<sup>f</sup> Guil. Caxton. chronic. Anglic. cap. 44.

<sup>g</sup> Pseudo-Gild. Poem. lib. 7.

<sup>h</sup> Ranulph. Cestren. polychronic. lib. 1. cap. 48.

<sup>i</sup> Jo. Balæus script. Britann. centur. 1. cap. 47. Ric. Stanihurst. in appendic.  
rer. Hibernic. cap. 18. Guil. Harrison. deseript. Britan. lib. 1. cap. 9. et lib. 2.  
cap. 13. Nic. Harpsfeld. hist. ecclesiast. Anglican. lib. 1. cap. 26.

<sup>k</sup> Flodoard. hist. Remens. eccles. lib. 1. cap. 1.

<sup>l</sup> Dempster. histor. ecclesiast. Scotor. lib. 1. pag. 60.

qua, quum alii horum agrorum essent limites, Galfridus<sup>m</sup> Monemuthensis urbem Legionum collocavit. “ Tres<sup>n</sup> egregiæ,” si Giraldum Cambrensem audimus, “ in hac urbe antiquis temporibus fuerunt ecclesiæ. Una Julii martyris; virgineo Deo dicatarum regularium choro venustata. Altera vero beati Aaron socii ejusdem nomine fundata, et canonicorum ordine præclaro nobilitata. Tertia vero, metropolitana sede Cambriæ totius insignita :” quam tamen cum secunda eandem facit Galfridus: qui duas tantum insigniores ecclesias nobis hic exhibit: “ Duabus,” inquit<sup>o</sup>, “ eminebat ecclesiis, quarum una in honore Julii martyris erecta, virgineo Deo dicatarum puellarum choro per pulchre ornabatur, altera vero in beati Aaron ejusdem socii nomine fundata, canonicorum conventu subnixa, tertiam metropolitanam sedem Britanniæ habebat.”

In ea fuisse archiepiscopatum tempore Britonum, in primo historiarum libro refert etiam Henricus Huntingdoniensis: ad quem sub annum CCCCXC. Dubricium a rege Aurelio Ambrosio proiectum fuisse ex fide Matthæi Florilegi, non nostra diximus, jam vita functo Tremouno<sup>p</sup>, qui Legionensis Tremorinus episcopus est Pseudo-Gildæ<sup>q</sup>. Verum in libello qui de primo statu Landavensis ecclesiæ et vita archiepiscopi Dubricii est scriptus, indeque in Dubricii vita a Johanne Tinmuthensi abbreviata, longe ante hoc tempus a Germano Antissiodorensi et Lupo Trecensi episcopo constitutus hie in sede Landavensi, non procul ab urbe Legionum, archiepiscopus fuisse dicitur: “ Postquam prædicti seniores,” inquit author ille, “ Pelagianam hæresim extirpaverant, episcopos pluribus in locis Britanniæ consecraverunt. Super omnes autem Britannos dextralis partis Britanniæ beatum Dubricium summum doctorem, a rege et ab omni parochia electum, archiepiscopum consecraverunt. Hac dignitate ei a Germano et Lupo data; constituerunt ei episcopalem sedem

<sup>m</sup> Galfrid. hist. Britan. lib. 4. cap. 19. et lib. 9. cap. 12.

<sup>n</sup> Girald. itinerar. Cambr. lib. 1. cap. 5.

<sup>o</sup> Galfrid. Monem. lib. 9. cap. 12. lib. 7. cap. 4.

<sup>p</sup> Id. lib. 8. cap. 10.

<sup>q</sup> Poem. lib. 6

concessu Mourici regis, principum, cleri et populi, apud Podium Lantavi in honore S. Petri apostoli fundatam." South-Wallia autem, sive australis Wallia, Britannice Deheu-barth, id est, dextralis pars dicitur: ut notum est, et a Giraldo notatum, in Cambriæ descriptione, capite secundo. Cambro-Britanni enim australem plagam, Hebraeorum<sup>r</sup> more, dextræ nomine designant. Unde Asserius Menevensis<sup>s</sup>, Britanniam a Saxonia, hoc est, Cambriam ab Anglia distinguens, "omnes regiones dextralis Britanniæ partis ad Ælfredum regem pertinuisse" scribit; et "regionem dexterarium Saxonum, Saxonice South-seaxum"<sup>t</sup> appellatam esse, ab australi eorum situ mutuato vocabulo: eademque ratione Johannes, Sulgeni Menevensis episcopi filius, Tivio fluvio Cereticæ regionis, Abertiviensis a Cambris inde denominatae, Australem limitem circumscribens, ita rem expressit:

Immensus fluvius dextrales irrigat oras;  
Ac latus occiduum latum mare proluit.

Ecclesiam<sup>u</sup> vero cathedralem Landavensem nonnulli perhibent a Lucio rege primum fuisse constructam, circa annum salutis CLXXX. episcopos quoque a tempore Eleutherii papæ eam habuisse, in concilio Remensi, anno MCXIX. ad Calixtum II. retulit Urbanus Landavensis episcopus ut postea videbimus. Primus tamen in præsulum, qui apud Landavenses asservatur, catalogo hic ipse ponitur Dubricius: qui in Galfridi Monemuthensis historia "Britanniæ<sup>w</sup> primas" appellatur, et "apostolicæ sedis legatus;" in vita Ælgari eremitæ, "archipræsul dextralis Britanniæ;" in dicto de statu Landavensis ecclesiæ libello, "Metropolita totius dextralis magnæ Britanniæ primas, ac apostolicæ sedis legatus in civitate metropolitana Landavensi." De eo, ex Lelando, Balæns: "Contigit<sup>x</sup> ut Dubricius, Landavensis protopræsul sedis, autoritate synodi archiepiscopus urbi legionum ad Iscæ fluenta anno Do-

<sup>r</sup> Psal. 89. ver. 12.

<sup>s</sup> Asser. in vit. Ælfredi, ad ann. 884.

<sup>t</sup> Sussex.

<sup>u</sup> Fr. Godwin. initio catalogi Landavensium episcoporum.

<sup>v</sup> Galfrid. lib. 9. cap. 12.

<sup>x</sup> Jo. Balæ. centur. 1. cap. 58.

mini DXII. designaretur. Non diu caruit suo gubernatore Landavia. Nam Theliaus, ut eo munere dignus, a patribus continuo surrogatus est." Addit Galfridus ab<sup>y</sup> eodem Dubricio urbis Legionum tunc archiepiscopo, Arthurum regni Britannici diademat insignitum: quod factum ab eo anno gratiæ DXVI. notat Matthæus Florilegus: eundemque in curia illa magna quam apud urbem Legionum Arthurus tenuisse dicitur, "in<sup>z</sup> eremiticam vitam anhelantem, sese ab archiepiscopali sede deposuisse," sacerato in ejus locum Davide regis avunculo.

Eodem tempore, Davide procurante, Meneviam, quæ in Pembrochiensi agro prosita, a Cambro-Britannis Mynyw, et ab hoc Davide, Twi-Dewy, id est domus Davidis, appellatur, metropolitanæ sedis factam asse translationem, refert Giraldus Cambrensis<sup>a</sup>: et postea in Breviensi synodo confirmatam: "in illa scilicet synodo magna episcoporum omnium et abbatum Cambriæ totius, necnon et cleri universi ibidem una cum populo collecta propter Pelagianam hæresim (quanquam olim a beato Germano Altisidiorensi episcopo ab insula Britannica deletam) his denuo in partibus recidivo morbo redivivaque peste jam tunc emersam. Ubi et unanimi totius conventus tam electione quam acclamatione, quanquam invitus et renitens, David in archiepiscopum est sublimatus: præsertim cum beatus quoque Dubricius in memorata urbis Legionum curia, eidem paulo ante sua tam destinatione quam nuncupatione cessisset honorem; sede metropolitana ab urbe Legionum usque Meneviam abhinc translata." Ita Giraldus: completum in hoc esse asserens<sup>c</sup> illud Merlini Ambrosii vaticinium, "Menevia<sup>d</sup> pallio urbis Legionum induetur."

In Ceretica, ad locum qui in Davidis memoriam Lhane-dewy-brevy, id est fanum Davidis de Brevy, appellatur, habita est ista synodus: in qua, "expulsa hæresi," inquit,

<sup>b</sup> Hist. Britan. lib. 9.

<sup>c</sup> Id. ibid. cap. 15.

<sup>a</sup> Girald. Itinerar. Cambr. lib. 1. cap. 5. et lib. 2. cap. 1.

<sup>b</sup> Id. Itinerar. lib. 2. cap. 4.

<sup>c</sup> Id. Itinerar. lib. 1. cap. 5. et dialog. de eccles. Menevens. distinct. 2.

<sup>d</sup> Galfrid. Monemuth. lib. 7. pag. 49. edit. Heidel. vel lib. 4. fol. 52. b. edit. Paris. ann. 1517. ubi Mœnia perperam posita pro Menevia.

in vita Davidis, Johannes Tinmuthensis, “et fides sanis pectoribus robatur; et sanctus David totius Britanniae archiepiscopus constituitur, necnon civitas ejus totius patriæ metropolis dedicatur, ita ut quicunque eam regeret, archiepiscopus foret.” Anno Christi DXIX. eam synodum coactam fuisse, Johannes<sup>e</sup> Balæus asserit. Ranulphus<sup>f</sup> vero Cestrensis, eodem anno quo in exilio mortuus est pontifex Romanus Sylverius, qui æræ Christianæ DXL. numeratur, Davidem “præsulatum Menevensem” suscepisse; eodemque anno quo Gregorius magnus est defunctus, qui ejusdem epochæ DCIV. fuit, “in Wallia obiisse,” scribit. Mariani Scoti interpolator<sup>g</sup>, ad annum Christi secundum Ecclesiam, (ut ille supputat) DLXV. secundum Dionysium vero (cujus rationes ecclesiæ nostræ sequi solent) DXLIII. Davidem “Menevensem præsulatum in Wallia suscepisse” asserit. Priorem numerum Radulphus de Baldock Londinensis episcopus in chro-nico suo simpliciter hic retinuit: eo anno “Davidem, qui et Dewy dicitur, Menevensem episcopum factum esse” annotans: ut et magnæ Glastoniensis tabulæ consarcinator, “anno Domini DLXV. (vel, ut alias ejusdem cœnobii chronographus mavult, DLXVI.) Davidem archiepiscopum Menevensem Glastoniam venisse” referens.

Ad mortis autem tempus quod attinet: Guilielmus Malmesburiensis, in libro de Glastonicis ecclesiæ antiquitate, et eum secutus Johannes Tinmuthensis in vita S. Patricii, excessisse illum anno Domini DXLVI. affir-mat. Galfridus Monemuthensis, post commemoratam ad annum DXLII. Arthuri mortem, sub ejus successore Constantino Cadoris filio, quem tertio deinde anno a Conano imperfectum fuisse addit, Davidem mortem cum vita commutasse narrat: “Tunc,” inquit<sup>h</sup>, “obiit sanctissimus urbis Legionum archiepiscopus David in Menevia civitate, intra abbatiam suam, quam præ cæteris suæ diocesis mo-

<sup>e</sup> Balæ. script. Britann. centur. I. cap. 55.

<sup>f</sup> Polychronic. lib. 5. cap. 6. et 10.

<sup>g</sup> Marian. chronic. MS. in publica Oxoniensis academiæ bibliotheca.

<sup>h</sup> Britan. hist. lib. 11. cap. 3.

nasteriis dilexerat; quia beatus Patricius, qui nativitatem eius prophetaverat, ipsam fundavit. Dum enim ibi apud confratres suos moram ficeret, subito languore gravatus, defunctus est; et jubente Malgone Venedotorum rege in eadem ecclesia sepultus. Pro eo ponitur in metropolitana sede Kinocus Lampaternensis ecclesiæ antistes et ad altiorrem dignitatem promovetur."

Kinocum istum Cenauicum appellat Giraldus<sup>i</sup>, et Davidi in archiepiscopatu Menevensi successisse scribit: sicut et Cenauco Eliud, qui et hodie Teliau dicitur<sup>k</sup>, qui et in ecclesiæ Menevensis archivis immediatus Davidis successor constituitur. Extat vita illius a Galfrido Urbani Landavensis episcopi fratre, circa annum Domini MCXX. conscripta, et ecclesiæ illius regesto, quod ab hoc præside, sicut et ipsa sedes Landavensis, Teilo appellatur, tacito scriptoris nomine, inserta, ubi Dubrio in Landavensi archiepiscopatu successisse; defuncto, sed longo interposito intervallo, Davide, Ismaelem Dubricii discipulum illius loco Menevensem episcopum consecrasse, ac "principatum super omnes ecclesias totius dextralis Britanniae tenuisse," traditur.

Britannica vero historia<sup>l</sup> etiam tum, quum Theonus Londinensis et Thadioecus Eboracensis præsul cum clero suo ad Cambriæ nemora confugere sunt coacti, dignitatem metropolitanam in urbe Legionum permansisse confirmat. Atque eo demum<sup>m</sup> tempore, ad Menevensem civitatem archiepiscopatum urbis Legionum translatum fuisse asserit Alanus Insulensis; "paulo antequam Augustinus a B. Gregorio in Britanniam mitteretur." Quanquam et ipsius Augustini temporibus in urbe Legionum sedem archiepiscopatus adhuc hæsisse, cum ab aliis, tum ab authore chronici quod Brutus appellatur, proditum inveniam. Unde eosdem Legionenses et Menevenses antistites tunc fuisse Giraldus subindicat; in dialogo de ecclesia Mene-

<sup>i</sup> Girald. Itinerar. Cambr. lib. 2. cap. 1.

<sup>k</sup> Girald. Cambrens. in vita S. Davidis.

<sup>l</sup> Galfrid. Monemuthensis, lib. 11. cap. 10. Matt. Florileg. et liber Roffensis, in historia anni 586.

<sup>m</sup> Alan. in prophetiam Merlini, lib. 1.

vensi, distinctione secunda, ita scribens: "Habuimus apud Meneviam urbis Legionum archiepiscopos successive vinti quinque: quorum primus fuit S. David, ultimus vero S. Samson; qui ingruente per Walliam ictericia clade, in Armoricam Galliae Britanniæ navigio se transtulit cum pallio nostro."

Verum pestem illam ictericiam vel ipsius Davidis vel proximi illius successoris tempore in Wallia grassatam esse, jam ante ostendimus. A qua sententia non multum etiam discedunt historici Magdeburgenses, Samsonem<sup>n</sup> "Dubrio (Davidi, dixissent potius) in episcopatu Menevensi successisse; eoque relichto propter morbum regium, in Britanniam Armoricam abiisse, et Dolensem episcopatum adeptum esse," referentes. Ut, si epidemicus ille morbus sub Menevensis alicujus Samsonis pontificatu acciderit; non aliud ille videri esse posset, quam ipse Theliaus: quem "S. Samsoni archiepiscopo primo Dolensis civitatis" familiarem fuisse, sedisque illius "et privilegii totius gentis Armoricae" consortem ab eo factum, in Lannavensi regesto legimus. Eum præterea et Eliud et Madocum dictum fuisse, notat in ejus vita Johannes Timmuthensis; prioris nominis hanc reddens rationem: "Post incrementum ætatis, virtutum et sapientiæ, congruo nomine Helios a sapientibus nuncupatus est. Ἡλιος enim Græce, Latine sol interpretatur. Fulgebat enim sicut Sol doctrina ejus, fidelium illustrando corda. Sed, laicis extremum vocabuli corrupte proferentibus, inolevit quod non Elios sed Eliud appellabatur." Græco autem illi cognomento, Hebraicam nominis Samsonis notationem (a ψων quod solem significat, deductam) ex Hieronymi Hebraicorum nominum libello, et Eucherii Instructione, libro secundo capite primo, sapientes isti didicabant. Qua ratione etiam Epiphanio, de Sampsæorum hærcse agenti, Σαμψαῖοι<sup>o</sup> sunt Ἡλιακοὶ, et Stephano Byzantio, de Sampsæ Arabiæ urbe scribenti, Σάμψα παρὰ τοῖς Ἄραβις ὁ ἥλιος, Samsa sol est apud Arabas. Quemadmodum igitur Galfridus Monemuthensis Samsoni, Eboracensi quondam

<sup>n</sup> Centur. 6. cap. 10. col. 717.

<sup>o</sup> Epiphan. hæres. 53.

episcopo, Theliaum, ita Matthæus Westmonasteriensis eidem Samsoni alium Samsonem in sede Dolensi successisse asserit: quos pro uno et eodem biographi accepisse videantur. Sed de hac conjectura sentiat quisque, ut lubet.

De metropolis suæ Menevensis dignitate adjicit Giraldus: “ Usque<sup>p</sup> ad Anglorum regem Henricum primum, qui Walliam sibi subjugavit, et ecclesiam Wallensicam Anglicanæ supposuit, totam metropoliticam dignitatem, præter usum pallii, ecclesia Menevensis obtinuit; nulli ecclesiæ prorsus nisi Romanæ tantum, et illi immediate, sicut nec Ecclesia Scotica, subjectionem debens.” Item “ Nostri<sup>q</sup>, vel propter ignaviam vel paupertatem, aut potius propter Anglorum adventum in insulam et Saxoniam interpositam hostilitatem, ea occasione (translati videlicet per Samsonem ad sedem Dolensem pallii) continue pris-tina caruerunt dignitate. Semper tamen usque ad plenam, quæ per Anglorum regem Henricum primum facta est, Cambriæ subactionem, episcopi Walliæ a Menevensi antistite sunt consecrati; et ipse similiter ab aliis, tanquam suffraganeis, consernatus: nulla penitus alii ecclesiæ facta professione vel subjectione.” Sub ipso tamen Henrico I. Bernardus, qui illius mandato primus Normannorum sedem illam occupavit<sup>r</sup>, et Cantuariæ consecrationem suscepit, non solum “ ecclesiæ suæ jura publice protestatus est; sed etiam crucem interdum sibi præferri per Cambriæ fines attentavit:” et sub successore illius rege Stephano, anno MCXLVIII. in Remensi concilio cum Theobaldo Cantuariensi archiepiscopo hac in causa certamen init; cuius cognitio ad Romanam curiam inde<sup>s</sup> revocata (ut ex

<sup>p</sup> Girald. Dialog. de eccles. Menevens. distinct. 2.

<sup>q</sup> Id. ibid. et Itinerar. Cambriæ, lib. 2. cap. 1. Videndus et Hovedenus, pag. 98. edit. Francofurt.

<sup>r</sup> Wilfrido succedens: de quo in Florentii Wigorniensis chronico, ad annum secundum Dionysium 1115. legimus, “ Wilfridus episcopus de Sancto David in Walonia obiit. Usque ad illum episcopi extitere Britonici.”

<sup>s</sup> The rescript of Eugenius seemeth to have been before the council of Rhemes: for Giraldus notes that therein Berard was cast: who died also anno 1148. as the chronicle of Wales witnesseth. Compare the date of the council of Rhemes with the time noted in Eugenius his rescript.

Engenii III. rescripto intelligitur, quod cum aliis hue speetantibus, ex Giraldo annalibus suis Hovedenus<sup>t</sup> inseruit) eum tandem finem est sortita quem, qui tum elaruit, Henrieus Huntingdonensis ita retulit: “Tempore<sup>u</sup> nostro reeepit episeopus saneti David pallium a papa, quod seilicet fuerat olim apud Kair-legion: sed statim tamen amisit.”

At Landavenses negant eeelesiam suam sedi Menevensi subjectam unquam fuisse; et episeopos suos, inde ab Oudoceo, quem tertium suum archiepiseopum illi numerant, a Cantuariensi semper praesule eonseerationem aceppisse contendunt; qua de re, hujusmodi extat ab Urbano Landavensi episcopo ad Calixtum II. pontificem in Remensi coneilio anno MCXIX. faeta protestatio. “A tempore<sup>w</sup> antiquorum patrum, dilectissime pater et domine, sicut ehriographum sancti patroni nostri Teiliavi testatur, haee ecclesia prius fundata in honore saneti Petri apostoli, aliarum omnium ecclesiarum Gualiae semper magistra extitit in dignitate, et in omni privilegio: donee tandem per seditiones et tot bellorum flagitia, et inverterato antecessore meo Herwoldo, et inde debilitato, eeelesia ecepit debilitari, et fere vidiuata pastore, et annihilata indigenarum erudelitate, et invasione supervenientis gentis Normannicæ. Semper tamen religiosi viri ad servendum in ea haeserunt, tum propter Anglorum vieiniam, a quibus in eeelesiastico quidem ministerio nihil discrepabant; quia apud eosdem fuerant tam nutriti, quam eruditii: tum etiam quod ab antiquis temporibus, id est, a tempore Eleutherii papæ sedis Romanae episcopus illius loci, et post adventum Augustini in Britanniam insulam Doroberniensis eeelesia metropolitani, ejusdem arehiepiseopo simul et regi Anglorum semper fuerat subditus et per omnia obediens.”

In vita Oudocei<sup>x</sup>, qui filius Anaumedæ sororis S. Theliai fuisse traditur, et illius de quo diximus Budiei, regis Britanniae Armorieæ, quæ a Cambro-Britannicis scriptoribus Letavia<sup>y</sup> et Cornugallia et Cerniu-budie appellatur, suscep-

<sup>t</sup> Rog. Hoveden. sub finem histor. anni 1199.

<sup>u</sup> Huntingdon. histor. lib. 1.

<sup>x</sup> Ex regesto Landavensi.

<sup>w</sup> Ex regesto Landavensi.

<sup>y</sup> Lhy-law.

tio illius, post acceptam a Cantuariensi antistite consecrationem, sic habetur descripta. "Rex Mouricus, cum duobus filiis suis et uxore sua Oubraus filia Gurcanti magni, et tribus abbatibus trium cœnobitarum, et cum omnibus principibus regni sui et tota familia sanctorum Dubricii et Teliaui ecclesiæ Landavensis, suscepit eum cum gaudio: dans et confirmans idem privilegium datum antea sancto Dubrio sanctoque Teliau et suis succedentibus, cum omni dignitate sua et libertate, id est, sine consule, sine proconsule, sine conventu, intus nec extra, sine expeditione, sine vigilanda regione infra nec extra, et cum tota curia sua plenaria et libera et integra ut regia: et cum suo refugio non ad tempus sed sine termino, quamdiu voluerit profugus, maneat tutus sine protegente clypeo humano sub ejus asylo:" posteaque additur, "sicut Romana Ecclesia excedit dignitatem omnium ecclesiarum catholicæ fidei: ita ecclesia illa Landavia excedit omnes ecclesias totius dextralis Britanniæ, in dignitate et in privilegio et in excellentia." Ac si illa Australis Cambriæ sive South-Walliae, alia vero aliqua Venedotiaæ seu North-Walliae fuisset metropolis.

Et sane Elbodium<sup>z</sup> North-Walliae archiepiscopum anno DCCCIX. obiisse, in Caradoci Lancarvanensis chronicō legimus: illum nimirum vel Elbodus vel Elvodus, (variant enim hic exemplaria,) cuius se discipulum profitetur Ninius: nisi forte Elvodus is fuerit, qui in Landavensium episcoporum catalogo ordine XVI. recensetur: nam et Bangorensis North-Walliae civitas, in vita Dubricii, sub archiepiscopatu Landavensi fuisse memoratur. Alibi vero, tum ipse Dubricius<sup>a</sup>, tum successor illius Theliaus<sup>b</sup>, in omnes ecclesias occidentalis Britanniæ principatum tenuisse dicitur: quo nomine videndum an universa Cambria comprehendatur, ut apud Huntingdonensem<sup>c</sup>, et alios, an

<sup>z</sup> Vid. Balæum, Centur. 1. cap. 72. et Humfred. Lhuyd. fragment. Britan. descript. fol. 55. b.

<sup>a</sup> Vit. Samsonis, in regesto Landavensi.

<sup>b</sup> Jo. Timmuthensis in vita Theliai.

<sup>c</sup> In occidentali parte Britanniæ, quæ vocatur Wallia, tres supersunt episcopatus. Henr. Huntingd. hist. lib. 1.

pars tantum illius occidentalis, quæ Anglis ab eo situ West-Wallia nuncupatur, Cambro-Britannis Dyvet, in qua septem episcopales dominos fuisse, Hœlii Boni (Howelis Dha illis dicti) leges confirmant. Meneviam scilicet cum ecclesia Ismaelis, Dcensemman, Vessult, Teilau, Teuledauc, et Keneu.

Totidem episcopatus universam Cambriam, regnante Lucio, Legionensi archiepiscopo subjectos habuisse, Ranulphus Cestrensis asserit. “Urbi<sup>d</sup>,” inquit, “Legionum subjacuit tota Cambria, septem tunc episcopis, nunc vero quatuor suffraganeis insignita: quam flumen Sabrinæ tunc secernebat a Lœgria.” Quatuor autem quæ nunc sunt sedes episcopales enumerat Giraldus, tum in Cambriæ descriptione, capite quarto, tum in dialogo de ecclesia Menevensi, distinctione secunda, ubi de provinciali Romanano ab Innocentio III. producto refert ista: “Cum de jure Menevensis ecclesiæ metropolitico mentio facta finisset; præcepit papa registrum afferri, ubi de universo fidelium orbe singulorum regnorum tam metropoles per ordinem, quam earum quoque suffraganeæ numerantur ecclesiæ pontificales: et cum vertcretur ad regnum Anglorum, scriptum in hunc modum et lectum ibidem fuit. Cantuariensis metropolis suffraganeas habet ecclesias istas, Roffensem, London. &c. per ordinem. Enumeratis autem singulis ecclesiis suffraganeis Angliæ; interposita rubrica tali, de Wallia, persequitur in hunc modum. In Wallia Menevensis ecclesia, Landavensis, Bangoriensis, et de Sancto Asaph.”

Et supersunt quidem ad hunc usque diem in Wallia episcopatus isti quatuor: (quibus a Radulphio Nigro et quintus additur quem Sancti Germani appellat) sed jam inde ab antiquissimis Lucii temporibus extitisse, haud facile quis crediderit. Landavenses certe primum in urbe sua sedem episcopalem fixisse Dubricium profitentur; Menevenses<sup>f</sup> successorem illius Davidem in sua; Asaphenses<sup>g</sup> in Elguensi sua civitatula Davidis æqualem Ken-

<sup>d</sup> Ranulph. polychronic. lib. 1. cap. 52.

<sup>e</sup> Supr. pag. 102.

<sup>f</sup> Johan. Tinmuthens. in vita Kentigerni.

<sup>f</sup> Ibid. pag. 104.

tigernum Glascuensem, Asaphi magistrum: Bangorenses denique Danielem<sup>b</sup>, a Dubricio<sup>i</sup> consecratum, eo in loco, in quo postea nova civitas Bangor, super flumen Mea-nath<sup>k</sup>, ut scribit Rossus Warwicensis, a Mailgone rege est erecta: qui in vita S. Paterni (a quo sub idem quoque tempus Paternensis in Ceretica episcopatus duxit originem) Mailgunus rex Borealium Britonum appellatur, posteaque, juxta Galfridi quidem Monemuthensis rationes, circa annum DLI. juxta Matthæum vero Westmonasteriensem, anno DLXXXI. Britonum Cambrensiū omnium monarcha electus fuisse dicitur: de qua electione supra libri Britannici verba produximus. Sub Davide vero episcopos fuisse septem, Glastoniensium antiquitatum scriptores referunt. Inter quos præcipuus Guilielmus Malmesburiensis “magnum illum Davidem Menevensium archiepiscopum, Glastoniensis ecclesiæ dedicationi intendentem, cum episcopis septem, quorum primas erat, ad locum venisse” narrat. Glastoniensis etiam tabula similiter: “Anno Domini DLXV. sanctus David archiepiscopus Menevensis, cum septem episcopis suffraganeis suis, Glastoniam venit ad ecclesiam beatæ virginis dedicandam;” et alter ille de quo diximus, Glastoniensis chronographus: “Anno DLXVI. sanctus David, Legionum archiepiscopus, cum septem episcopis, quorum ipse primas erat, venit Glastoniam, et vetustam ecclesiam in honore sanctæ Mariæ dedicare disposuit.”

Postea quoque septem<sup>m</sup> Britonum episcopos ad synodum, cui Augustinus Gregorii I. legatus intererat, venisse refert Beda: de quo historia Britannica: “Postquam<sup>n</sup> autem venit Augustinus, invenit in eorum provincia septem episcopatus et archiepiscopatum religiosissimis præsulibus munitos, et abbatias complures, in quibus gressus Domini rectum ordinem tenebat.” Quem archiepiscopatum idem ipse David eousque retinere potuerit; si id admitteretur

<sup>b</sup> Jo. Balæ. centur. 1. script. Britann. cap. 59. et eum secutus Jo. Pitsius, num. 52.

<sup>i</sup> Vit. Dubricii, in regesto Landavensi.

<sup>k</sup> Menai.

<sup>m</sup> Bed. lib. 2. hist. eccles. cap. 2.

<sup>n</sup> Galfrid. Monemuth lib. 11. cap. 12. edit. Heidelberg.

<sup>l</sup> Pag. 98.

quod a Ranulpho est traditum, eodem anno et illius et Gregorii magni obitum contigisse. “Quod<sup>o</sup> autem septem tunc erant episcopi Britonum,” inquit Giraldus, “cum hodie non nisi quatuor; haec ratio assignari potest: quia plures tunc forte fuerant in hoc Walliae spatio quam nunc sunt sedes cathedrales, vel potius se tunc ampliori Wallia fine, quasi usque ad Sabrinæ<sup>p</sup> fluvium, dilatabat.”

Samsone sedente, Menevensi antistiti septem subfuisse suffraganeos, ecclesiae illius archiva perhibent: “Landavensem, Bangorensem, Asaphensem, Exoniensem, Bathonensem, et Fernensem in Hibernia.” Sed<sup>q</sup> pro episcopatu Exoniensi, Bathonensi, et Fernensi, qui omnibus provinciar<sup>r</sup> Lagenensis ecclesiis in Hibernia aliquando praeerat, nulli autem Britanniæ archiepiscopati unquam suberat, multo probabilius Rogerus Hovedenus Paternensem, Wigornensem, et Cestrensem substituit. “Omnes<sup>s</sup> enim episcopos Menevensis ecclesiae, a discessu S. Samsonis usque ad tempus Henrici regis Angliae primi, omni dignitate archiepiscopali usos” fuisse asserit, “excepto pallio, et habuisse suffraganeos septem: scilicet Landavensem, et de sancto Paterno, in Kerdigan, (quæ sedes, quia<sup>t</sup> parochiani pastorem suum interfecerunt, olim obsolevit, et Menevensi diocesi est adunata) et Bangorensem, et de sancto Asaph, in Wallia vero ab Anglis dudum occupata trans Sabrinam, Cestrensem, et Herefordensem et Wigornensem.” Ad hanc recensionem proxime accedit, sed variatis aliquantulum nominibus, Johannes Balæus; quem episcopum in Hibernia nostra a rege Edvardo VI. fuisse constitutum, D. Abrahamo Sculteto τῷ μακαρίτῃ narrare me aliquando memini, quamvis, fallente ipsimi memoria, Johannis<sup>u</sup> Foxii et Henrici VIII. nomina in

<sup>o</sup> Girald. de eccles. Menevens. distinct. 2. et Itenerar. Cambriæ, lib. 2. cap. 1.

<sup>p</sup> Supr. pag. 79, et 110.

<sup>q</sup> Fr. Godwin. in Menevensum episcop. catalog. pag. 603.

<sup>r</sup> Vitæ S. Edani, et S. Molyngi. MSS.

<sup>s</sup> Rog. Hoveden. et Gualter. Coventrens. in histor. anni 1199.

<sup>t</sup> Vid. Girald. Itinerar. Camb. T<sup>b</sup>. 2. fin. cap. 4.

<sup>u</sup> Scultet. uarrat. historic. de curriculo vitæ suæ, edit. ann. 1625. pag. 59, 60.

Diaria sua ille retulerit. “Augustinus,” ait<sup>w</sup> Balæus, “in Wigornensi provincia anno Domini DCII. synodum celebravit, in hunc finem, ut Britanniae clerum Romanæ ecclesiæ obsequentem haberet. Ad hanc synodum vocati, venerunt Britannorum episcopi septem. Nam illis diebus sub Menevensi metropolitano, ad eum numerum, Asiaticorum more, principales ecclesias cum ordinationibus habebant: quarum tunc erant nomina: Henefortensis, Tavensis, Paternensis, Banchorensis, Eluiensis, Wicensis, ac Morganensis.” Ita Balæus; atque eum hic secutus Matthæus Parkerus, vel Johannes Josselinus potius, in libro<sup>x</sup> de antiquitate Britannicæ ecclesiæ: licet apud eundem, in vita Augustini, Uniacensis pro Wicensi, et pro Eluiensi operarum incuria nomen irrepserit Cluiensis; quo Glocestrensem episcopatum designatum fuisse, librarii errore hoc minus animadverso, Camdenus<sup>y</sup> opinatus est.

Ex septem illis a Balæo commemoratis episcopalibus sedibus, prima Henefortensis eadem est cum Herefordensi; quæ Britannis Henford, id est, vetus via, dicitur. Secunda Tavensis eadem cum Landavensi, ad Tavum amnem sita, indeque<sup>z</sup> nomen adepta: in qua Dubricius<sup>a</sup> sedisse dicitur. Tertia Paternensis est Lhan-padern-vaur (quam ecclesiam Paterni magni interpretatur Giraldus<sup>b</sup>) in Cereticæ sive Cardiganiae parte boreali: nam

Hujus ad Arctoas locus est, metropolis alta,  
Antistes sanctus quo duxit jure Paternus  
Egregiam vitam septenos terque per annos :

ut in vita Sulgeni, qui hinc ortus est, cecinit filius ejus Johannes: ubi et Kinocum sive Cenaucum, Davidis Menevensis in archiepiscopatu postea successorem, Arthuri regis temporis

<sup>w</sup> Bal. Scriptor. Britann. centur. I. cap. 70.

<sup>x</sup> Edit. Londin. ann. 1572. pag. 11, 12.

<sup>y</sup> Camden. in Gloucestershire, pag. 255.

<sup>z</sup> Girald. descript. Cambriæ, cap. 5.

<sup>a</sup> Jo. Tinmuthens. in vita Dubricii, et Iluti.

<sup>b</sup> Girald. Itinerar. Cambr. lib. 2. cap. 4.

bus antistitem sedisse, ex Britannica<sup>c</sup> historia audivimus. Quarta Banchorensis est Hovedeni Pangorensis sive Bangorensis, in Arvonia: cui Daniele<sup>d</sup> episcopum præfuisse diximus. Quinta Eluiensis, illa est quam ab Asapho, proximo in illa sede Kentigerni successore, Asaphensem Angli; ab Elwy fluvio, ad quem sita est, Cambro-Britanni Lhan-elwensem vocant. Giraldus<sup>e</sup> pauperculam cathedralm Lan-elwensem appellat: quam idcirco, ut minus notam, in Wallensium episcopatum censu Henricus Huntingdoniensis<sup>f</sup> prætermittit: quanquam illius temporibus Gervasius Dorobernensis ab archiepiscopo Theobaldo Lambethæ anno MCXLIII. sacratum fuisse referat Gilbertum Lan-elvensis ecclesiæ episcopum: cui post octennium successor datus est, toties, ob antiquiorum authorum defectum, a nobis productus Galfridus Arthurus<sup>g</sup>; “qui historiam Britonum de lingua Britannica transtulit in Latinam.” Ecclesia sexta Wicensis, Hovedeni est Wigornensis, sedes præcipua Wiciorum; in quorum et occidentalium Saxonum confinio, cum proximæ Britonum provinciæ episcopis et doctoribus colloquium ab Augustino institutum fuisse narrat Beda<sup>h</sup>. Septima vero Morganensis, aliis Glamorgacensis<sup>i</sup> et Glamorganensis dicta, non alia est quam Landavensis, in regione Morganuc sive Glamorganiæ posita: unde Urbanus, ab ejus συγχρόνοις, Gulielmo Malmesburiensi<sup>k</sup>, Henrico Huntingtonensi<sup>l</sup>, et Wigornensi monacho<sup>m</sup> qui Florentii chronicon continuavit, et Glamor-

<sup>c</sup> Galfridi Monemuth, lib. 11. cap. 3.

<sup>d</sup> Id. ibid. cum vita Dubricii, et Ælgari, in regesto Landavensi.

<sup>e</sup> Girald. descript. Cambr. cap. 4.

<sup>f</sup> Huntingdon. histor. lib. 1. fol. 171. edit. Londin.

<sup>g</sup> Matth. Parisiens. et Westmonasteriens. ad ann. 1151.

<sup>h</sup> Bed. histor. lib. 2. cap. 2.

<sup>i</sup> Hen. Huntingdon. hist. lib. 1. Ædmer. histor. lib. 4. pag. 92. et lib. 5. pag. 117. et 124. Rog. Hoveden. in hist. ann. 1107. pro quo in libris editis ann. 1108. perperam est signatus.

<sup>k</sup> Malmesb. hist. lib. 5. fol. 92. col. 2. lin. 50. collat. cum hist. Novel. lib. 1. fol. 100. col. 2. lin. 1. edit. Londin.

<sup>l</sup> Huntingdon. sub fine lib. 7. fol. 220. col. 2. lin. 4. et 14. ubi pro Lavandensi, reponend. Landavensi; pro quo et Bangor perperam habetur positum apud Matthæum Westmonasterium in anni 1107. historia.

<sup>m</sup> Flor. Wigor. Chronic. ad annum secundum Dionys. 1107. et 1128.

ganensis et Landavensis episcopus indiscriminatim est nuncupatus.

Quare cum eadem ipsa sit hæc ecclesia cum illa quæ Tavensis nomine secundo in loco est proposita : vel Cestrensis Hovedeni pro ea erit substituenda, vel ex antiquis Cambriæ sedibus episcopalibus alia aliqua: cuiusmodi Caer-Guby fuisse videatur in Monæ sive Angleseiæ promontorio quod Sacrum Angli vocant; ubi Kebius<sup>n</sup>, ab Hilario Pictaviensi (a quo et alterum ejusdem insulæ Hilary-poynt nomen accepit promontorium) episcopali gradu accepto, consedisse traditur. Et Guentonia ; cuius episcopi in libro Landavensi ad annum Domini DCCCCCLV. facta habetur mentio. Estque Venta illa Silurum, sive Caer-Went Monemuthensium: ubi Tathæus Hibernus<sup>o</sup> rogatu Carodoci regis, scholarum studium aliquando rexit; “confluentibus undique scholaribus ad erudiendam (ita anonymous vitae illius scriptor loquitur) scientiam septem disciplinarum.” Cæterum non Cambriæ soli episcopos septem, juxta Asiaticarum ecclesiarum numerum, in primo apocalypses capite commemoratum, assignat Balæus, sed Albaniæ quoque totidem<sup>p</sup>: in ea autem Britanniæ parte quam Cambri Loegriam, nos Angliam appellamus, quæque duabus illis alteris magnitudine habetur æqualis, eundem numerum duplicat; ita ut in universa insula, præter<sup>q</sup> tres metropolitanos, quater septem episcopi numerarentur. At Giraldus, in scripto quod Innocentio III. ab ipso porrectum, ejusdem de Menevensi ecclesia dialogo, distinctione secunda, insertum legitur, quinque archiepiscopos et sexaginta episcopos a Fagano et Dwiano in Britannia constitutos fuisse scribit. Cum enim in nova Anglicanæ Ecclesiæ institutione a Gregorio<sup>r</sup> ordinatum meminisset, duodecim episcopos Londinensis totidemque Eboracensis archiepiscopi ditioni subjiciendos; et, sub antiquiore Ro-

<sup>n</sup> Jo. Tinmuthens. in vita S. Keb. episcopi.

<sup>o</sup> Jo. Tinmuthens. in vita S. Tathæi.

<sup>p</sup> Jo. Balæ. centur. 1. in appendic. cap. 70. eumque secuti, Matth. Parker. de antiquit. Britanic. eccles. pag. 11. et Dav. Pouel. in Itinerar. Cambriæ Giraldi lib. 2. cap. 1. annotat. 4.

<sup>q</sup> Vid. supr. pag. 82.

<sup>r</sup> Bed. histor. lib. 1. cap. 29.

mani imperii πολιτεία, quinque hic numeratas fuisse provincias: quinque metropolitanos, atque eorum cuique duodecim subditos suffraganeos, inde eruit. Integrum illius locum placet hic subjicere.

“ Ad instantiam Lucii regis Britonum missi sunt ab Eleutherio papa, qui quasi quartus decimus fuit a beato Petro, duo nobiles prædicatores in Britanniam majorem, Faganus scilicet et Duvianus: qui fidem Christi per universam insulam a mari usque ad mare plantaverunt; et, juxta<sup>s</sup> provinciarum numerum quas tempore gentilitatis habuerat insula, quinque metropoles, singulas duodecim urbes, sicut olim habuerat, et suffraganeas totidem habentes ecclesias, ordine et numero competenti distinxerunt. Juxta tomum enim Anacleti papæ, sicut in pontificalibus Romanorum gestis et imperialibus continetur, directum Galliarum episcopis; juxta statum Gentilium ante Christi adventum, Britannia habuit provincias numero quinque: Britanniam primam, Britanniam secundam, Flaviam, Maximiam, Valentiam. Prima dicta est occidentalis pars insulæ: quia primum in illa Britones, Bruto et Corineo ducibus, applicuerunt; eaque primo a Corineo et suis occupata est et inhabitata. Britannia secunda, Cantium: quod secundo a Bruto et suis fuit inhabitata. Tertia Flavia, hoc est, flava; quæ dicitur et Mercia, quasi mercibus abundans: ejus caput est Londinum. Quarta Maximia, id est, Eboraca; ab imperatore Maximio dicta. Quinta Valentia, ab imperatore Valente nuncupata. Albania, quæ nunc abusive scilicet Scotia dicitur. Sieque ordinatum a viris sanctis prædictis duobus fuerat, ut in occidentali insulæ parte, quæ et nunc adulterino vocabulo Wallia dicitur; proprie vero Cambria, a Cambro Bruti filio dicta, urbs Legionum metropolis foret, XII. suffraganeos habens. Dorobernia, quæ nunc Cantuaria dicitur, a Dur Britanico, quod est aqua, quoniam aquis abundantat, sic nuncupata, metropolis ab australi Thamisiæ fluvii parte, XII. suffraganeos habens. Eboraca, quæ nunc Eboracum dicitur, XII. suffragancos habens. Et urbs quæ nunc Sancti Andreæ forsan dicitur, totidem suffraganeos ha-

<sup>s</sup> Vid. Jac. Sirmondi adventoriam; de ecclesiis suburbicar. cap. 4. pag. 93.

bens, olim Alba dicta; unde et Albania provincia, vel potius ab Albanacto Bruti filio, nuncupata. Cumque hoc ordine distincta, ducentis annis et pluribus Britannica ecclesia floruisse: supervenit gens Saxonica, quæ nunc Anglica dicitur, a Britonibus invitata, ut eis contra Pictos et Scotos, qui boreales insulæ partes occupaverant, Britonum stipendiis militarent. Tandem vero cum viribus et numero crevissent, juncto cum hostibus fœdere, et ipsi quoque pejores hostes effecti, miris proditionibus incolas usque occiduas insulæ partes propulerunt; totamque terrain residuam, quam et Angliam vocaverunt (a natali suo Saxoniæ solo, quod lingua eorum Engelont vocabatur, id est, Angularis terra, Britanniam nominatam sic vocantes) necnon et Scotiæ partem non modicam, destructis ecclesiis ritu gentilitatis, cum gentiles essent, fœdaverunt: Britonibus nihilominus Christi fidem in occiduis inconcusse servantibus."

Ad tomum autem Anacleti, cuius hic meminit Giraldus, quod attinet: in tertia quæ Anacleto falso tribuitur ad omnes episcopos epistola leguntur ista; "Episcoporum<sup>t</sup> ordo unus est, licet sint primates illi, qui primas civitates tenent, qui et in quibusdam locis patriarchæ a nonnullis vocantur. Illi autem qui in metropoli a beato Petro apostolo, ordinante Domino, et a prædecessore nostro sancto Clemente, seu a nobis constituti sunt, non onines primates vel patriarchæ esse possunt: sed illæ urbes, quæ præfatis et priscis temporibus primatum tenuere, patriarcharum aut primatum nomine fruantur; reliquæ vero metropoles, archiepiscoporum aut metropolitanorum, et non patriarcharum aut primatum utantur nominibus, quia hæc eadem et leges sæculi in suis continent principibus. Aliæ autem primæ civitates, quas vobis conscriptas in quodam TOMO mittimus, a sanctis apostolis, et a beato Clemente, sive a nobis, primates prædicatores acceperunt." Deinde, commemoratis tribus sedibus patriarchalibus, Romana, Alexandrina et Antiochena, subditur; "Reliquas vero, ut prædiximus, in quodam TOMO, prolixitatem vitantes epistolæ,

<sup>t</sup> Tom. I. concil. edit. Colon. ann. 1618. pag. 49.

vobis conscriptas direximus. Inde namque et beati apostoli inter se statuerunt, ut<sup>u</sup> episcopi singularum scirent gentium, quis inter eos primus esset; quatenus ad eum potior eorum sollicitudo pertineret." Quo respiciens Johannes de Bellis manibus, seu Belmays, Lugdunensis archiepiscopus, in inedita ad Radulphum de Diceto decanum Londinensem epistola; "Anacletus papa," inquit, "tertio suo decretali Lugdunensem ecclesiam primam inter occidentales ecclesias nominavit, secundam vero metropolim Rothomagensium, tertiam Turonensem, quartam Senonensem: et has, cum suffraganeis suis, ad ecclesiam Lugdunensem pertinere debere firmissimo jure statuit."

In antiquioribus nimirum exemplaribus tertio huic decretali subjiciebantur (quæ ab Antonio Sconhovio cum Eutropio, et Andrea Schotto cum Antonini itinerario habentur editæ) tum generalis omnium Romani imperii provinciarum enumeratio, (adjecta insuper primarum in quaue dicecesi provinciarum annotatione, ita incipiente: In Gallia provinciæ XVII. prima Lugdunensis) tum particularis sedium metropoliticarum Galliæ recensio. Unde istum Anacleti tomum Galliarum episcopis directum affirmat Giraldus: quem "et in pontificalibus Romanarum gestis et imperialibus contineri" addit. Per pontificalia sine dubio illum quem diximus provinciarum Romanarum libellum subindicans, quem decretis pontificum Romanorum a se editis, et magna ex parte, ut videtur, etiam confictis, Isidorus Mercator inseruit: per imperialia fortasse, notitiam dignitatum utriusque imperii; quæ in membranis Scotti<sup>w</sup> cosmographiæ titulum obtinet. In priore enim illo breviculo, quod in duobus MSS. codicibus Isidori collectioni præfixum reperi, sic expresse est notatum; "In Britannia sunt provinciæ numero quinque: Britannia prima, Britannia secunda, Flavia, Maximia, Valentiana." In posteriore dignitatum laterculo, vicario Britanniæ to-

<sup>u</sup> Canon. apostol. 35.

<sup>w</sup> Dempster. hist. ecclesiast. Scotor. lib. I. pag. 60. et lib. 9. pag. 389. Scotus in libro de insignibus magistratuum, ad Theodosium Augustum; quem nuper ex Spirensi bibliotheca accepimus. B. Rhenanus, annotat. in Eusebii a Rufino versi histor. ecclesiast. lib. 7. cap. 26.

tidem quoque assignatae cernuntur provinciae: nimirum “præter primam et secundam Britanniæ, Maxima Cæsariensis, Valentia, atque Flavia Cæsariensis.” Unde Proclianum illum vicarium quinque provinciarum cui una cum Hispaniarum præfecto Macrobio anno Domini CCCXCIX. de ornamentis publicorum operum conservandis, Honorii<sup>x</sup> Augusti constitutio directa est, “non alium quam vicarium Britanniarum accipiendum,” in commentario de statu paganorum sub Christianis imperatoribus doctissimus J. C. Jacobus Gothofredus sibi persuasit: quas tamen quinque provincias, si rem penitus expendisset, in ipsa sua Gallia Hispaniæ propiores invenire potuisset.

Etsi autem in metropolitis designandis veterem Ecclesiæ civilium provinciarum rationem fere secutam, tum ex probatoris fidei authoribus liqueat, tum ex commentitiis (quas spectasse potius Giraldus videatur) Anacleti<sup>z</sup> et Stephani<sup>a</sup> I. epistolis: tamen quinquepartitam illam provinciarum Britannicarum divisionem Anacleti vel Eleutherii ætate extitisse, res est ab omni fide aliena. Nam illis temporibus unicam tantum Britanniæ fuisse provinciam apparet: quam postea Severus imperator, cæso Clodio Albinus, in<sup>b</sup> duas præfecturas dispergiit; altera in superiore<sup>c</sup>, altera in inferiore Britannia collocata. In Constantiana deinde provinciarum dispositione duplicatus est ille numerus, ad Britanniæ primam et secundam adjecta quoque Maxima et Flavia Cæsariensi. Tot enim Sexti Ruti breviarium, ab Huberto Goltzio et aliis ad fidem antiquissimorum exemplarium restitutum, nobis exhibit: suffragante quoque

<sup>x</sup> Cod. Theodos. lib. 16. tit. 10. L. 15. et Cod. Justinian. lib. 1. tit. 11. de Paganis L. 3.

<sup>y</sup> Vid. Fr. Juret. miscellan. in Symmach. lib. 4. epist. 30. collat. cum tom. 1. Concil. Galliæ, edit. Paris. ann. 1629. pag. 18, 25, et 27.

<sup>z</sup> Anaclet. epist. 3. tom. 1. concil. pag. 49. col. 1. edit. Colon. ann. 1618. et eum ad verbum secutus Gregorius VII. regest. lib. 6. epist. 35. ibid. tom. 3. part. 2. pag. 345. col. 1.

<sup>a</sup> Stephan. ep. 2. ibid. tom. 1. pag. 134. col. 2. quam Gratianus, dist. 80. cap. 1. Lucii papæ nomine perperam citavit.

<sup>b</sup> Διελὼν εἰς ἐύ ήγεμονίας τὴν τοῦ Εθνους ἔξουσίαν. Herodian. histor. lib. 3.

<sup>c</sup> Dio. lib. 55.

integro decem et octo provinciarum in Galliis simul et Britanniis apud eundem numero: neutquam vero duas, ut existimavit Onuphrius Panvinius<sup>d</sup>, Britanniam primam cum Maxima Cæsariensi maximo errore confundens, neque tres ut Gulielmus Camdenus<sup>e</sup>, ex manuscripto<sup>f</sup> cum Romana Angeli Tifernatis et primis Germanicis et Gallicis editionibus hic consentiente, nedum quinque, ut contra, omnium codicum fidem, Hunfredus Lhuydus<sup>f</sup> asscruit. Cumque sub initia Valentiniani<sup>g</sup> senioris Rufus scripserit: qui a quantitate Maximam, ab ipso vero Constantino<sup>h</sup>, qui Flavii sibi prænomen ascivit, Flaviam nomen accepisse volunt, rectius existimasse sunt putandi; quam qui a tyranno Maximo et Flavio Theodosio, post Valentiniani tempora imperium adeptis, appellationem illis fuisse impositam conjecterunt.

Sub eodem vero Valentiniano, quinta demum Valentiae adjecta est provincia. Theodosius enim, Flavii Theodosii, de quo diximus, pater, Pictis et Scottis fusis, “provinciam quæ in ditionem concesserat hostium ita reddidit statui pristino, ut, eodem referente, et rectoreni haberet legitimum, et VALENTIA deinde vocaretur arbitrio principis:” quemadmodum in libro vigesimo et octavo testis est locupletissimus Ammianus Marcellinus. Eam ab imperatore Valente, Valentiniani fratre, atque imperii consorte, longe utique post Anacleti et Eleutherii tempora, nuncupatam affirmat Giraldus: candemque facit cum hodierna Scotia: licet inter Glottæ et Bodotriæ aestuaria, fretum videlicet Dunbrittanicum et Edinburgicum, Romanarum provinciarum limites cohibendos esse constet. Mitto, quam

<sup>d</sup> Onuphr. descript. imperii Romani, lib. 3.

<sup>e</sup> Camden. in Britannæ divisione, pag. 111.

<sup>f</sup> Lhuyd. fragment. Britann. descript. fol. 28.

<sup>g</sup> Jac. Sirmond. adventor. de regionib. suburbicar. cap. 4. pag. 38, 39.

<sup>h</sup> Guid. Pancirol. commentar. in Notitiam imper. Occident. fol. 158. Vel Valentiniano potius, ut Philippo Berterio visum est, Pithanon Diatrib. I. cap. 5. fin. ita scribente, “Si quis conjecturæ locus hoc mihi persuaderi sino, vix honorem istum Valenti (in Valentiae nomine) prius delatum quam Valentiniano, a quo Flaviam provincia illa nomen accepit, et cuius auspiciis multa in Britanniis strenue et feliciter gesta fuerant.”

<sup>i</sup> Jo. Zonar. tom. 3. et inscript. veter. Vid. Treb. Pollion. in Claud.

absonum illud sit, Romanis imperium hic obtinentibus, “ fidem Christi per universam insulam a mari usque ad mare (sicut ille rem narrat) plantatam esse:” hoc tantum adjicio, ipsum Giraldum de harum rerum incertitudine, in tractatu retractationum ita lectorem suum postea commonefecisse: “ In libello invectionum, ubi de ecclesiastica chronographia tractatur, præter illa quæ ex tomis Anacleti papæ et historiis Bedæ eliciuntur: cætera fere cuncta (veluti de enumeratione sedium episcopalium antiquitus Menevensi ecclesiæ suffraganearum et subjectarum, necnon de dignitate ejusdem ecclesiæ ac libertate tempore Wilfridi episcopi<sup>k</sup>: sicut et de sedibus metropoliticis Britanniæ majoris per Faganum et Duvianum olim, longe scilicet ante adventum Saxonum in Britanniam dispositis) magis famam publicam et opinionem, quam historiæ cuiuspiam certitudinem sunt secuta.”

Guilielmus Malmesburiensis in prologo libri primi de gestis Anglorum pontificum, quum Cantuariensem archiepiscopum “ totius Angliæ primatem et patriarcham” esse dixisset; de antiquioribus Britonum temporibus deinde subjicit: “ Cæterum ubi fuerit archiepiscopatus tempore Britonum, cognitio labat; quia vetustas consumpsit nostri seculi memoriam.” Ubi Britones olim suos habuisse archiepiscopos haudquaquam inficiatur: licet de sede primi archiepiscopatus, sive patriarchatus, nihil se comperti habuisse fateatur. Etsi enim hodie Londinum civitas sit totius regni Britannici nobilissima; jamque<sup>l</sup> olim ut vetus oppidum ab Ammiano Marcellino, ut “ copia negotiatorum et commeatuum maxime celebre” a Cornelio Tacito laudatum fuerit; et Londinenses ipsi primam ecclesiam metropoliticam hujus regni a Lucio constitutam fuisse tradunt, antiquam tamen Britanniarum dioeceseos metropolim Eboracum potius fuisse statuit doctissimus Berterius<sup>m</sup>; non

<sup>k</sup> Menevensis; qui ann. 1115. obiit, postremus Britonum archiepiscopus. Vid. Hoveden. ad ann. 1115, et 1199.

<sup>l</sup> Vid. supr. pag. 87.

<sup>m</sup> Philip. Berter. Pithanon, Diatrib. 1. cap. 3. fin. In primarum provinciarum indiculo, quem tomo Anacleti insertum fuisse diximus, provinciæ annotan-

solum quod Romana esset colonia, sed etiam quod imperatoris palatum et Britanniarum prætorium illic fuerit; indeque apud Spartanum in Severo civitatis nomen κατ' ἔξοχὴν obtinuerit; pro quo etiam facit, quod in Arelatensi<sup>n</sup> synodo, sub Constantino magno celebrata, Eborius Eboracensis ante restitutum Londinensem episcopum subscrississe inveniatur, licet in subscriptionibus ordinandis senioris episcopi potius quam episcopatus ratio haberi solitam non ignorem<sup>o</sup>. Nam quod ex episcopi nomine hic usurpato Johannes Stowæus inferre voluit, totam hanc de Britanicis archiepiscopis traditionem vel minui vel potius labefactari; infirmum nimis est; cum et alibi passim, et in hac ipsa patrum concilii Arelatensis nomenclatura, in qua archiepiscopi nomen nulli antistiti tributum legitur, tum alias archiepiscopos tum ipsum Romanum<sup>p</sup> pontificem, episcopi titulo simpliciter designari, nemo harum rerum paulo peritior ignoret.

Neque hic omnino est Guilielmus Neubrigensis audiendus, qui “ne unum quidem archiepiscopum unquam habuisse Britones,” in historiæ suæ procœlio audacter pronuntiavit. Atqui “magnum illum Davidem Menevensium archiepiscopum, et septem episcoporum primatem” extitisse; ab ipso Guilielmo Malmesburiensi jam ante<sup>q</sup> audivimus. In chartis<sup>r</sup> quoque donationum Idonis regis filii Ynir Guent, inter testes e clericis, primo loco cernitur TELLUS ARCHIEPISCOPUS; ille nimurum, quem Davidi suo Menevenses, in sede vero Landavensi Dubrio successisse alii tradiderunt. Et quidem Meneviam sedem principalem in Cambria fuisse, Leges Howelis boni confirmant: quam et archiepiscopalem fuisse, Asserii in vita Ælfredi locus ille evincit, de Hemeido Demetiæ regulo ita conqueren-

tur “in Britannia V. prima Britannia.” Quo significatur, Britanniae primæ metropolitam fuisse totius Britanniae ἔξαρχον sive primatorem.

<sup>n</sup> Tom. 1. Concil. Galliæ, pag. 9.

<sup>o</sup> Vide Baronium, ad ann. 465. sec. 27. sic Cl. Salmasius, in tractat. de priuatu papæ, cap. 18. pag. 321. “Ex eo non vane colligo, prout antiquiores essent, id est, ordinationis tempore alter alterum præcederet, ita priorem subscrississe qui ætate anteiret, aut contra.”

<sup>p</sup> Tom 1. Concil. Galliæ, pag. 8. “Ex urbe Roma missi a Silvestro episcopo.”

<sup>q</sup> pag. 112.

<sup>r</sup> Ex regest. Landavens.

tis : " Sæpe deprædabatur illud monasterium, et parochiam sancti Degui (Menevensem S. Davidis intelligit) aliquando, expulsione illorum antistitum qui in eo præessent ; sicut et nobis ARCHIEPISCOPUM propinquum meum et me expulit aliquando sub ipsis ;" ubi per propinquum suum, seniorem<sup>s</sup> Asserium intelligere putatur, ecclesiæ Menevensis sancti Degwi sive Davidis archiepiscopum : de quo sub annum Christi DCCCCVI, Caradocus Lancarvanensis : " Obiit Asser Cambriæ ARCHIEPISCOPUS."

Nec ignoro tamen, quodnam virorum doctorum de Galfridi Monemuthensis historia hic fuerit judicium : quod verbis D. Godwini Herefordensis nuper episcopi (nam, dum ista commentaremur, hanc ille vitam cum meliore commutavit) potius quam meis explicare malui : " Quorundam<sup>t</sup> palato non sapit, ac in primis ne meo quidem, tot drepente hic episcopos constitui, idque per Lucium regem, in ea provincia, quam plane pacatam Romanos tunc possedisse constat. Ecclesia scilicet nostra, tanquam Aaronis virga, uno eodemque tempore et germinavit et folia fructusque affatim produxit. Cæterum in tota hac de Lucii rebus narratione, nihil est absurdius, quam somnium illud de archiepiscoporum et episcoporum sedibus ad archiflaminum et flaminum ethnicorum numerum aptandis. Commentum, pace dixerim doctissimorum viorum, qui hoc aut tradiderunt aut crediderunt, plane putidissimum et plusquam puerile. Clariss enim est quam ut possit negari, raro usu venisse, ut non una et eadem civitas plurima haberet sacerdotum collegia, et sic plures flamines. Urbs una Romana non tantum Dialem habuit, sacrorum quæ ad Jovem pertinerent sumnum pontificem, sed, pro Romulo Quirinalem, pro Marte Martialem, et ne singulos enumerem, singulis Diis singulos flamines attributos. Fieri igitur quomodo potest, ut inter illorum flamines et nostros episcopos aliqua existat proportionis ratio? cum illi in unaquaque civitate, ne dicam oppido,

<sup>s</sup> Jo. Balæ. script. Britann. Ceutur. 2. cap. 25.

<sup>t</sup> Franc. Godwin. de convers. Britann. a pag. 28. ad 32. unde paucula ista sunt carptim delibata. Vid. et D. Hen. Spelman.

plurimos haberent flamines; nos vero aliquot comitatibus non raro unum dntaxat præfecerimus episcopum."

Archiflaminum vero, ad quorum rationem archiepiscopi nostri dicuntur constituti, ne nomen quidem apud ullum antiquum et probatae fidei scriptorem uspiam occurrere; in defensione<sup>u</sup> apologiae Ecclesiae Anglicanæ ante illum monuit gemma illa theologorum, Johannes Juellus Sarisburiensis episcopus. Primus enim commenti hujus architectus Isidorus Mercator fuit: qui, Clementis ad Jacobum fratrem Domini scribentis persona assumpta, Petrum præcepisse fingit, "in<sup>w</sup> illis civitatibus in quibus olim apud Ethnicos primi flamines eorum atque primi legis doctores erant, episcoporum primates poni vel patriarchas; in illis autem civitatibus in quibus dudum apud prædictos erant archiflamines, archiepiscopos institui;" neque, ex alio fonte sunt hausta, quæ Leo IX<sup>x</sup>. Gratianus<sup>y</sup>, Petrus Lombardus<sup>z</sup>, Guilielmus Durandus<sup>a</sup>, Andreas Dominicus Floccus Florentinus<sup>b</sup> (qui falso L. Fenestellæ nomine circumfertur) Polydorus Vergilius<sup>c</sup>, et reliqui recentiores hac de re commemorant. Et de hierarchiæ ecclesiasticæ constitutione ista dixisse sufficiat.

<sup>u</sup> Juel. defens. apol. part. 2. cap. 4. divis. 2. Vid. Franciscum Vilierium (sive Hotomanum) de statu primitivæ ecclesiæ contra Remundum Rufum. Et Antonii Augustini notas in Hadriani I. papæ canones 72. cap. 23. tom. 3. concilior. part. 1. sec. 1. pag. 445. edit. Colon. ann. 1618. et Davidis Blondelli censuram epist. 1. Clementis a pag. 52. ad 55.

<sup>w</sup> Pseudo-Clement. epist. 1.

<sup>x</sup> Leon. IX. epist. 4.

<sup>y</sup> Decret. distinct. 21. in ipso initio. Otho Frisingensis, lib. 3. cap. 2. Vid. Jo. Sarisbur. supra, pag. 93.

<sup>z</sup> Sentent. lib. 4. distinct. 24.

<sup>a</sup> Durand. Rational. lib. 2. cap. 1. num. 21, 22.

<sup>b</sup> Fenestel. de potestatib. Roman. lib. 1. cap. 5.

<sup>c</sup> Polydor. de inventor. rerum, lib. 4. cap. 12.

## CAP. VI.

Fagani et Duviani iter Romanum, et reditus in Britanniam. Eleutheri papæ epistola ad Lucium. Fagani et Duviani res gestæ in insula Avaloniæ. Antiquitatis ecclesiæ Glastoniensis assertio : et nova ab Ina et Dunstano facta restauratio. Privilegia varia a Saxonis regibus eidem concessa. Arthurii donatio, et sepulchri inventio. Henrici II. et Edvardi III. diplomata. Possessiones et libertates ecclesiis a Lucio tributæ. Wintoniensis ecclesiæ antiquitates. Fundatio ecclesiæ S. Petri Westmonasteriensis, B. Mariæ Doverensis, et S. Martini Cantuariensis. De Cantabrigensi et Bannochorensi gymnasio : et Lucii regis exitu.

AD res alias, quæ a Fagano et Duviano sive Derwiano hic gestæ referuntur, jam progredimur : de quibus ita Galfridus Monemuthensis : “Restauratis<sup>a</sup> omnibus, redierunt antistites Romam ; et quæ fecerant a beatissimo papa confirmari impetraverunt. Confirmatione vero facta, reversi sunt in Britanniam compluribus aliis comitati : quorum doctrina gens Britonum in fide Christi in brevi corroborata fuit. Eorum nomina et actus in libro reperiuntur, quem Gildas de victoria Aurelii Ambrosii inscripsit. Quod autem ipse tam lucido tractatu paraverat, nullatenus opus fuit ut inferiori stylo renovaretur.” Similia habet Rogerus Wendoverius, qui hæc ad annum gratiæ CLXXXIV. necnon Matthæus Parisiensis, Matthæus Westmonasteriensis, et Roffensis historiæ collector, qui ad annum CLXXXVI. referunt ; quibus addantur et illi, alterius personati Gildæ, male tornati versiculi,

— — — — sic disposita regione,  
Doctores Romam repetunt : confirmat eorum

<sup>a</sup> Histor. Britanic. lib. 2. cap. 1. edit. Ascensian. lib. 4. cap. ult. edit. Heidelberg.

Dictus apostolicus factum ; sunt inde reversi  
Cum sanctis aliis ; quorum doctrina fideles  
Reddit et informat in Christi lege Britannos.

Ab his Roma redeuntibus ad Lucium perlatas fuisse existimant aliqui literas illas, quae Eleutheri Romani episcopi circumferuntur nomine. Habentur eae inter leges Edvardi Confessoris : tum in Ἀρχαιονομίᾳ Guilielmi Lambardi<sup>b</sup>, Londini anno MDLXVIII. edita, tum in veterum legum exemplari, quod circa Edvardi I. tempora descriptum, olim in prætorio Londonensi, nunc in bibliotheca Cottoniana asservatur : atque etiam in vetusto libro regum MS. qui Breton nominatur. Anglice quoque ex variis antiquis exemplaribus eas transtulit Guilielmus Harrisonus<sup>c</sup> : et datas fuisse asserit Commodo et Vespronio consulibus. Cujus hic fidem Guilielmus Camdenus<sup>d</sup> est secutus : licet horum consulum nomen in MSS. quos mihi videre contigit nusquam occurrebat adscriptum. Constat vero Commodum una cum Vespronio secundum consulatum gessisse anno Christi CLXXIX. quod Eleutheri papæ temporibus melius quadrat, quam sequens ἐπιγραφὴ, ab interpolatore legum Edvardi, qui has literas primus nobis dedisse videatur, epistolæ huic præfixa : “ Anno centesimo sexagesimo nono a passione Christi, scripsit Dominus Eleutherius papa Lucio regi Britanniae, ad correctionem (vel petitionem potius, ut in Lambardi edito, et Bretonico MS. legitur) regis et procerum regni Britanniae ; ” ubi notandum, auctorem more Gallico annos vulgatae nostræ æræ a passione Christi denominare ; quos nos, multo ad veritatem proprius, a nativitate vel incarnatione ejusdem dinumerare consuevimus. Sed en tibi ipsam epistolam, ex quinque codicibus inter se collatis expressam.

ELEUTHERI PAPÆ RESCRIPTUM AD LUCIUM BRITANNIÆ  
REGEM.

“ Petistis a nobis leges Romanas et Cæsaris vobis transmitti, quibus in regno Britanniae uti voluistis. Leges Ro-

<sup>b</sup> Et in lib. Consuetudinum Londonens. anno 12. Henrici VIII. edito.

<sup>c</sup> Harrison. descript. Britann. lib. 1. cap. 9.

<sup>d</sup> Camden. Britann. pag. 47.

manas et Cæsaris semper reprobare possumus; legem Dei nequaquam. Suscepistis enim nuper miseratione divina in regno Britanniæ legem et fidem Christi. Habetis penes vos in regno utramque paginam: ex illis Dei gratia per consilium regni vestri sume legem, et per illam Dei patientia vestrum rege Britanniæ regnum. Vicarius vero Dei estis in regno; juxta prophetam regem: *Domini<sup>e</sup> est terra et plenitudo ejus, orbis terrarum et universi qui habitant in eo;* et rursum juxta prophetam regem, *Dilexisti<sup>f</sup> justitiam et odisti iniquitatem, propterea unxit te Deus, Deus tuus oleo lætitiae præ consortibus tuis;* et rursum juxta prophetam regem, *Deus<sup>g</sup> judicium tuum, &c.* Non enim dixit judicium neque justitiam Cæsaris."

" Filii enim regis gentes Christianæ et populi regni sunt, qui sub vestra protectione et pace in regno degunt et consistunt: juxta evangelium; *Quemadmodum<sup>h</sup> gallina congregat pullos sub alis.* Gentes vero regni Britanniæ et populi vestri sunt; quos divisos debetis in unum ad concordiam et pacem et ad fidem et ad legem Christi, et ad sanctam ecclesiam congregare, revocare, fovere, manu tenere, protegere, regere, et ab injuriosis et malitiosis et ab inimicis semper defendere."

" *Vœ<sup>i</sup> regno cuius rex puer est, et cuius principes mane comedunt.* Non voco regem [puerum] propter parvam et minimam ætatem; sed propter stultitiam et iniquitatem et insanitatem; juxta prophetam regem, *Viri<sup>k</sup> sanguinum et dolosi non dimidiabunt dies suos, &c.* Per comedionem intelligimus gulam, per gulam luxuriam, per luxuriam omnia turpia et perversa et mala; juxta Solomonem regem, *In<sup>l</sup> malevolam animam non introibit sapientia, nec habitabit in corpore subdito peccatis.*"

" Rex dicitur a regendo, non a regno: rex eris dum bene regis; quod nisi feceris, nomen regis non in te constabit, et nomen regis perdes; quod absit. Det vobis

<sup>e</sup> Psalm. 24. ver. 1.

<sup>f</sup> Ibid. 45. ver. 7.

<sup>g</sup> Ibid. 72. ver. 1.

<sup>h</sup> Matth. cap. 23. ver. 37.

<sup>i</sup> Eccles. cap. 10. ver. 16.

<sup>k</sup> Psalm. 55. ver. 23,

<sup>l</sup> Sapient. cap. 1. ver. 4.

omnipotens Deus regnum Britanniæ sic regere, ut possitis cum eo regnare in æternum, cuius vicarius estis in regno prædicto."

Censuram vero non aliam hic adjicere libet, quam Herefordensis episcopi; brevem quidem illam, sed liberam et ingenuam: " De<sup>m</sup> hac epistola si me oporteat sententiam ferre; non nimis profecto sapere seculum Eleutherianum confitendum reor."

Non prætereundum tamen, quod in Analectis suis Anglo-Britannicis monuit, vir non magis nostri juris quam universæ antiquitatis consultus, Johannes Seldenus; non<sup>n</sup> Lucio soli vicari<sup>o</sup> Dei titulum esse tributum, sed posterioribus etiam temporibus Anglorum subsequentes reges hoc nomine potitos esse: id quod Henrici de Bracton primarii Angliæ jurisconsulti testimonio confirmat: qui libro primo de legibus et consuetudinibus Angliæ, capite octavo, ita scripsit: " Quod sub lege [rex] esse debeat, cum sit Dei vicarius, evidenter appetet; ad similitudinem Jesu Christi, cuius vices gerit in terris; quia verax Dei misericordia, cum ad reparandum humanum genus ineffabiliter ei multa suppeterent; hanc potissimum elegit viam, quasi ad destruendum opus Diaboli, ut non virtute uteretur potentiae, sed justitiæ ratione :" cuinos et aliud adjicimus, ex eodem Bractono desumptum, " Habet<sup>p</sup> rex in manu sua omnia jura quæ ad coronam et laicalem pertinent potestatem, et materialem gladium qui pertinet ad regni gubernaculum. Habet etiam judicium et justitiam, quæ sunt jurisdictiones; ut ex jurisdictione sua, sicut Dei vicarius et minister unicuique tribuat quod suum fuerit." Et post: " Cum sit Dei vicarius; jus ab injuria, et æquum ab iniquo tenetur

<sup>m</sup> D. Godwin. de convers. Britann. pag. 34.

<sup>n</sup> Selden. Analect. lib. 1. cap. 6.

<sup>o</sup> Hilarius Romanus diaconus (vel quicunque author fuit quæstionum in Vetus et Nov. Test. Augustino perperam adscriptarum) quæstione 91. " Rex adoratur in terris, quasi vicarius Dei." oper. Augustin. tom. 3. app. pag. 82. et Plinius in panegyrico ad Trajanum: " Te dedit, qui erga omne hominum genus vice sua fungereris." Sic et Fletanus, de jure Anglican. lib. 1. cap. 17.

<sup>p</sup> Bracton. lib. 2. cap. 24.

separare." Ex eodem Bractono<sup>q</sup>, "Separare debet rex, cum sit Dei vicarius in terra, jus ab injuria, æquum ab iniquo." Ita et Ædgarus<sup>r</sup> anno Christi DCCCCLXVI. seipsum Christi vicarium appellat<sup>r</sup>. Et Britonus in ipso libri sui initio Dei vicarium regem nominat, ut in fine inter errata ibi annotatur. Henricus Bractonus "Facit<sup>s</sup> homines esse perfectos et principari in regno, et sedere in regia aula, et in sede ipsius regis, quasi in throno Dei; tribus et nationes, auctores et reos, ordine dominabili judicantes vice regis, quasi vice Jesu Christi: cum rex sit vicarius Dei." Et aliud, ex textu legum Edvardi Confessoris petitum : "Rex<sup>t</sup> autem, quia vicarius summi regis est, ad hoc est constitutus; ut regnum terrenum, et populum Domini, et super omnia sanctam ejus veneretur Ecclesiam, et regat, et ab injuriosis defendat, et maleficos ab ea evellat."

De rebus a Fagano et Derwiano apud Glastonienses gestis, longiorem narrationem in libro de ecclesiæ illius antiquitate pertexit Guilielmus Malmesburiensis: "Prædicando," inquit, "et baptizando Britanniæ partes peragrantes, in insulam Avalloniæ, more Moysi legislatoris interiora deserti penetrantes, sunt ingressi: ubi antiquam, Deo dictante, repererunt ecclesiam, manibus discipulorum Christi, ut ferunt, constructam, et humanæ saluti a Deo paratam: quam postmodum ipse cœlorum fabricator multis miraculorum gestis multisque virtutum mysteriis sibi sanctæque Dei genitrici Mariæ se consecrassæ demonstravit. Fluxerant autem ab adventu discipulorum sancti Philippi in Britanniam usque ad adventum sanctorum memoratorum CIII. anni. Igitur prædicti sancti Phaganus et Deruvianus, oratorio illo sic reperto, ineffabili sunt referti gaudio, ibidem in Dei laudibus moram protrahentes diuturnam, per novem videlicet annos; locum etiam diligenter

<sup>q</sup> lib. 3. cap. 9. fol. 107.

<sup>r</sup> apud Selden. not. in Ædmer. pag. 155. lin. 16. et D. Spelman. in concil. pag. 438.

<sup>s</sup> lib. 1. cap. 2.

<sup>t</sup> MS. Cottonian. et Ἀρχαιοροῦ. Guil. Lambardi, fol. 130. b.

ter perscrutantes, figuram nostræ redēptionis, aliaque signa manifesta repererunt, quibus bene cognoverunt, quod Christiani prius locum inhabitaverant: postea cœlesti pēndentes oraculo, quod Dominus ipsum locum p̄æ cæteris Britanniæ specialiter elegerit ad nomen gloriōsæ genitri-cis suæ ibidem invocandum. Om̄nem etiam narrationem in antiquis scriptis invenerunt, qualiter sanctis apostolis per universum orbem dispersis, sanctus Philippus apostolus cum multitudine discipulorum in Franciam veniens, duodecim ex ipsis in Britanniam misit ad prædicandum. Qui prædictam capellam, angelica docti revelatione, construxerunt: quam postmodum filius Altissimi in honorem suæ matris dedicavit. Ipsiisque duodecim tres reges, licet pagani, duodecim portiones terræ dederunt ad eorum sus-tentationem. Insuper gesta eorum scripta invenerunt; ide-oque locum ipsum p̄æ cæteris dilexerunt. Qui etiam in memoriam primorum duodecim, ex suis sociis duodecim elegerunt, et in præfata insula, rege Lucio consentiente, habitare fecerunt. Qui postea in diversis locis, sicut ana-choritæ manserunt ibidem; in iisdem videlicet locis, in quibus primi duodecim primitus habitaverant. In vetus-tam tamen ecclesiam ad divina obsequia devotius complenda crebro convenerunt. Et sicut tres reges pagani dictam insulam, cum adjacentiis suis, duodecim primis Christi discipulis dudum concesserant; ita prædicti Phaganus et Deruvianus istis duodecim sociis, et aliis in posterum secu-turis, ab eodem rege Lucio eandem confirmari impetrabant. Sic autem multi aliis succedentes, semper tamen in numero duodenario, per multa annorum curricula, usque ad adven-tum S. Patricii Hiberniensium apostoli, in memorata insula permanserunt."

Habentur ea quoque ab anonymo quodam Glastoniensi monacho concioni de cœnobii sui antiquitate inserta; et in magna Glastoniensi tabula eisdem verbis descripta, una cum additamento isto: "Illic duo sancti Phaganus et De-ruvianus multum tempus perendinaverunt; et ab Eleuthe-rio papa, qui eos in terram istam miserat, decem annos indulgentiæ omnibus sacrum locum pie visitaturis perquisi-erunt. Hi vero duo sancti regionem istam in principio ad

fidem Christianam converterunt: sed utrum ibi requiescunt vel inde redierunt, non invenimus scriptum. Ibi multi ex discipulis sanctorum Phagani et Deruviani requiescunt, qui per ducentos sexaginta et septem annos quidem alii post alios, usque ad adventum sancti Patricii, in præfata insula sicut anachoritæ habitaverunt. Illic duodecim socii magnæ sanctitatis viri requiescunt, quos sanctus Patricius in primo adventu suo ibidem invenit, et eos postea congregavit, et monastice vivere instruxit. Horum vero nomina in charta sancti Patricii reperies descripta; videlicet, Brumban, Hyregaan, Brenwal, Wencreth, Bantommeweng, Adelwolred, Lowor, Wellias, Breden, Swelwes, Hinloernius, et aliis Hin," quorum nonnulla mere Anglo-Saxonica, ideoque suspectioris esse fidei, jamdudum me monuit perspicacissimus Camdenus.

Lucium regem insulam Avaloniæ Fagano et Duviano charta sua confirmasse, tam libere quam a Josepho et sanctis ejus comitibus possessa fuerat; narrat Johannes Hardingus<sup>u</sup>. Eosdemque "prædictum oratorium in insula Avalloniæ reparavisse, et præ omnibus aliis locis honoravisse," ad annum Christi CLXVI. scribit alius anonymous Glastoniensium chronographus; et relictos ibidem duodecim illorum socios "in insula illa, rege Lucio favente, aedificia construxisse," ex eorundem libris refert in vita B. Patricii Johannes Timmuthensis. "Horum ergo restaurata fuit opera vetusta S. Mariae in Glastonia ecclesia," inquit Guilielmus Malmesburiensis; "omnium<sup>w</sup> quas quidem noverim antiquissima in Anglia, indeque cognomen sortita: quæ primo virgea, nescio quid divinæ sanctitatis jam inde a principio redoluit spiravitque in omnem patriam; quamvis

— ex deformi grandis reverentia cultu."

Ejus vero antiquitatem astruere nititur, partim ex "illis non exiguæ," ut affirmat is, "fidei literis apud sanctum Edmundum repertis," hoc est, in Buriensi S. Edmundi bibliotheca, in hanc sententiam: "Ecclesiam Glastoniæ non fecerunt aliorum hominum manus; sed ipsi discipuli

<sup>u</sup> Harding. chronic. cap. 51.

<sup>w</sup> Vid. supra cap. 2. pag. 34.

Christi eam ædificaverunt:" partim ex quodam Britonum historiographo; quem et ibi et apud sanctum Augustinum Anglorum apostolum se vidisse dicit; non quod ipse Augustinus scripti illius esset author, ut aliquos<sup>x</sup> sensisse video: sed quod Cantuariae in monasterii S. Augustini bibliotheca fuisse repositum: inter cujus veteres libros anno MDLXV. a Johanne Josselino repertum, nos in Musæo Cottoniano non semel perlegimus.

Vixit author tempore Dunstani Cantuariensis archiepiscopi; cuius ille vitam in hoc descripsit opuseculo: fuitque non ex Britonum, uti Malmesburiensis innuit, sed ex genere Anglo-Saxonum: quod verba illa satis produnt: "Sumpsit secum ex more cytharam suam, quam lingua paterna hearpam vocamus"; et ista quoque, "Omnis hæc Anglicæ terra doctrina ejus sancta repleta est." Verba autem ejus ad Glastoniensis ecclesiæ antiquitatem spectantia, hæc sunt: "Erat quædam regalis in confinio (West-Saxonum) insula, antiquo vicinorum vocabulo Glestonia nuncupata; latis locorum diniensa finibus, piscosis aquis stagnisque circumducta fluminibus, et plurimis humanæ indigentiae apta usibus, atque sacris, quod maximum est, Dei dicata muneribus. In ea siquidem ipsius loci primi Catholicæ legis neophytæ antiquam, Deo dictante, repererunt ecclesiam; nulla hominum arte, ut ferunt, constructam, immo humanæ saluti cœlitus paratam: quam postmodum ipse cœlorum fabricator multis miraculorum gestis, multisque virtutum mysteriis, sibi sanctæque Dei genitrici Mariæ consecratam fore demonstravit. Huic etiam aliud addiderunt opere lapideo oratorium, quod Christo ejusque sancto Petro apostolo dedicaverunt."

Non Britonum vero neophy whole sed Anglorum recte hic Malmesburiensis accipit: qui ab Ina occidorum Saxonum rege ecclesiam Petri et Pauli extractam docet, et in supra præcinctione inscriptos esse versus a Camdeno<sup>y</sup>

<sup>x</sup> Matth. Parker, antiquit. Britannic. Eccles. pag. 4. Franc. Godw. de couvers. Britann. pag. 12. Edvard. Maihew, congregat. Anglican. ordinis Benedict. tabul. 2. pag. 1087, 1088, 1103.

<sup>y</sup> Camden. in Somersetshire, pag. 165.

memoratos; qui ex epigrammate septimo libri tertii et undecimo libri secundi poematum Venantii Fortunati desumpti sunt. Verum ubi apud Fortunatum legitur,

Hæc<sup>z</sup> pius egregio rex Childebertus amore  
Dona suo populo non moritura dedit.

hic positum est :

Hæc pius egregio rex Ina refertus amore, &c.

et ubi apud Fortunatum,

Gallia<sup>a</sup> plaudet libens, mittit tibi Roma salutem,  
Fulgor apostolicus visitat Allobrogas.

hic est adscriptum :

Anglia plaudet libens, mittit tibi Roma salutem,  
Fulgor apostolicus Glastoniam irradiat.

Qui versus, ut hoc obiter moneam, si ipsius Inæ<sup>b</sup> exarati sunt temporibus, ostendunt etiam<sup>c</sup> sub Saxonum heptarchia auditum fuisse nomen Angliæ, quod ab Egberto<sup>d</sup> monarcha primum fuisse introductum existimatur vulgo.

Ibi etiam “ primo rex Ina, consilio beatissimi Aldhelmi, monasterium ædificavit; multa illuc prædia, quæ hodieque nominantur, largitus:” ut habet Guilielmus Malmesburiensis, in gestis pontificum Anglorum, libro secundo, et in gestis regum Anglorum, libro primo, capite secundo, de eodem. Monasterium Glastoniense, “ nostris quoque diebus insignissimum, in quodam palustri recessu construxit; ut scilicet eo tenacius monachi supernis inhiarent, quo castigatus terrena haurirent: cui quantum splendoris ad-

<sup>z</sup> Bibliothec. Patr. tom. 6. part. 2. pag. 326. edit. Colon. ann. 1618. ubi tamen *prius* male excusum est pro *pius*.

<sup>a</sup> Bibliothec. Patr. tom. 6. part. 2. pag. 330.

<sup>b</sup> In ecclesiæ supremo ordine hos versus fecit describi. Johan. Glaston. pag. 94.

<sup>c</sup> Vid. Johan. Sarisburiens. Polycratic. lib. 6. cap. 17. Matth. Florilegum, ad annum Dom. 586. et Girald. supra. pag. 118.

<sup>d</sup> Humfred. Lhuyd. fragment. Britan. descript. fol. 11. b. histor. Cambriæ; ad ann. 829. Camden. Britan. pag. 99. Verstegan. restitut. antiquitat. Anglic. cap. 5. pag. 148. Jacob. Gretser. observat. in Philipp. de Divis Eystetensib. lib. 1. cap. 9. pag. 192, 193.

jecerit, libellus ille docebit, quem de antiquitate ejusdem monasterii elaboravi." Quod autem "primo regem<sup>e</sup> Inam monasterium hic ædificavisse" narrat; "de monasterio redditibus stabilito, cui abbas ab episcopo consecratus præfuit," est<sup>f</sup> qui intelligendum existimet. Videndum tamen, an non de monasterio potius suis diebus insignissimo loqui putandus sit Guilielmus; quod primo ab Ina constructum, postea a Dunstano magnifice fuerit restauratum: sic enim ille subjicit: "Quicquid turbo bellorum obtriverat, reparavit egregie Dunstanus, qui prius eo loci vitam solitariam monachus actitarat; postmodum vero liberalitate regis Edmundi omnia quondam appendicia et iis multo plura nactus, abbatiam composuit, qualis nusquam in Anglia sit fuerit; tanta est diffusio et opportunitas fundorum, tanta librorum pulchritudo et antiquitas exuberat." Hæc in secundo illo de gestis pontificum Guilielmus: qui secundo etiam libro de regum gestis, capite septimo, integrum Edmundi regis donationem inseruit, anno Domini DCCCCXLIV. inductione<sup>g</sup> I. ecclesiæ S. Mariæ Glastoniæ et Dunstano abbatи a se ibidem constituto concessam: "scriptamque literis aureis in libro evangeliorum, quem eidem ecclesiæ obtulit eleganti opere satis compositum," in qua privilegia eorum antiqua redintegrat: "quenadmodum mei antecessores," inquit, "concesserunt et statuendo confirmaverunt: videlicet Edwardus pater meus, et Elfredus<sup>h</sup> pater ejus, et Cenwines<sup>i</sup>, Ines, et Cuthredus, et alii complures, qui locum illum honorantes gloriosum habuerunt."

De eodem Ingulphus Croylandensis quoque in sua historia; "Rex<sup>k</sup> Edmundus Dunstano sancto tunc presbytero suo monasterium Glasconiaæ, tunc in desolatione a paucis clericis occupatam, cum omnibus pertinentiis consultulit restaurandum, et monachorum ordinem, prout antiquitus habuerat, in illo revocandum. Qui Floriacum adiens, et monachus ibidem factus, cum regulares observantias plenius didicisset, valefaciens fratribus, Glasco-

<sup>e</sup> Vid. supr. cap. 2. pag. 32.

<sup>f</sup> Edvard. Maihew, in addit. ad tab. 2. congreg. Anglic. Bened. pag. 29.

<sup>g</sup> II. Glaston. Oxon.

<sup>h</sup> Alfredus ibid.

<sup>i</sup> Kentwine, Ine, Glaston. Oxon.

<sup>k</sup> Ingulph. hist. pag. 871. ed. Francofurt.

niam est reversus: abbasque factus ibidem, fratres sui stemmatis accipiens, sanctissimum in brevi collegium adunavit." Posteriorum vitæ Dunstani scriptores, quos secutus est Capgravius, "primum abbatem effectum" adjiciunt: indeque Camdenus<sup>1</sup>, eum hoc "recentioris instituti monachos Benedictinos induxisse, ipsumque primum numeroso monachorum grege hic præfuisse" asserit. Vetus ille, de quo diximus, vitæ ejus descriptor paulo restrictius, ipsum "saluberrimam S. Benedicti secutum institutionem, primum abbatem Anglicæ nationis enitusse" ait. Sed Glastoniensem CCL. ante Dunstanum annis, primum Anglicæ gentis abbatem sibi præfuisse tradunt Beorwaldum vel Brithwaldum: primum vero simpliciter B. Patricium<sup>m</sup> nostrum; de quo, in<sup>n</sup> additionibus ad Guilielmi Malmesburiensis librum de cœnobii illius antiquitate, ita legimus: "Certissimum est, S. Patricium Hiberniensium apostolum apud nos requiescere, et nostri monasterii primum abbatem fuisse, tam ex scripturis antiquis, quam etiam ex ejusdem sancti charta;" et post: "Glastoniam veniens anno Domini CCCCXLIX. duodecim fratres anachoritice viventes ibidem reperiens congregavit: abbatisque, omnium voluntate et electione, licet invitus suscipiens officium, eosdem vitam agere docuit cœnobialem. Per hunc enim religio monachorum in Glastonia sumpsit exordium; vitam ducentium monachorum more Ægyptiorum. Nondum enim exortum erat sidus aureum, scilicet pater Benedictus, quod orbem terræ sua doctrina et exemplo foret illustraturum;" et in ipso Malmesburiensis libello: "His diebus mortuo Vortigerno, regnabat supra Britones Aurelius Ambrosius: et Saxones invalescebant, et multiplicati sunt valde. Sanctus vero Patricius Hiberniensium apostolus, et in insula Avalloniæ abbas primus, postquam prædictos fratres regularibus disciplinis convenienter informaverat, et eundem locum terris et possessionibus de dono regum ac aliorum principum competenter ditaverat; post annos XXXIX. ab adventu suo in insulam Avalloniæ decursos,

<sup>1</sup> Camden. in Somersetshire, pag. 165.

<sup>m</sup> MS. libell. de reliquis cœnobii Glaston. circa tem. R. Henrici III. script. Johan. Tinmouthensis in vita Patricii. Tabula magna Glastoniens, &c.

<sup>n</sup> MS. in bibliotheca collegii S. Trinitatis, Cantabrig.

naturæ cessit." Illi S. Benignum successisse affirmat ibidem Guilielmus; ac deinde addit: "Successerunt ibidem plures de natione Britonum abbates; quorum tam nomina quam gesta et memoriam oblivionis nubilo obducens delevit antiquitas. Ipsam tamen ecclesiam apud magnates Britonum in maxima fuisse veneratione, ostendunt corum exuviae ibidem requiescentes." Item: "Effluxis a tempore S. Patricii annis CCLXVII. regnante post Kyngilsum filio suo Kenwalco, qui et Cenwallis est dictus, primus de Anglis præsedidit in Glastonia abbas Briwaldus."

Balæus<sup>o</sup> ex Johannis Lelandi collectaneis, primum abbatem Glastoniæ circa annum DCXXX. Worgresium fuisse refert, Britannici generis virum: habuisseque ex codem cœnobio socium eruditum, Mawornum episcopum, qui annales suæ patriæ composuerit. Abbatem<sup>p</sup> vero a Worgresio isto quartum designatum esse Brithwaldum, qui anno DCXCIII. Cantuariensis ordinatus est archiepiscopus. De duobus prioribus hoc tantum habemus reliquum ex Guilelmo Malmesburiensi antiquitatis testimonium. "Anno incarnationis DCI. id est, adventus B. Augustini V, rex Domnoniæ (id est, Devoniæ et Cornubiæ) terram quæ appellatur Ineswithrin ad ecclesiam vetustam concessit, quæ ibi sita est, ad pictionem Worgrez abbatis in quinque cassatis<sup>q</sup>. Ego Manvorn episcopus hanc chartam conscripsi. Ego Worgrez ejus loci abbas subscrivi. Quis iste rex fuerit schedulæ vetustas negat scire: veruntamen quod Britannus fuerit, hic non ambigitur, quod Glasconiam sua lingua Ineswithrin appellavit. Sic enim Britannice vocari apud eos constat. Illud quoque animadvertere par est, quantæ antiquitatis sit ecclesia, quæ tunc etiam dicebatur vetusta. Fuerunt sanc ejusdem abbates Britannicam barbariem nominibus prætendentes (præter Worgrez) Lademmid, et Bregorez. Prælationis eorum tempora sunt in obscuero: sed nomina illorum et dignitates, in majori ecclesia, prodente secus altare pictura, sunt in propatulo." Brithwaldum vero idem Malmesburi-

<sup>o</sup> Jo. Balæ. script. Britann. centur. 1, cap. 75. et centur. 10, cap. 7.

<sup>p</sup> Id. centur. 1, cap. 99.

<sup>q</sup> Alii Hidas et Carucatas terræ vocant. H. Spelman.

ensis<sup>r</sup> inter septem illos qui e Glastoniensi cœnobio ad cathedralm Cantuariensem sunt evecti connumerat: sed abbatis nunere functum apud Cantianos, in monasterio Regulpii (quod Saxonibus Raculf-minster, hodie Reculver appellatur) ex Bedæ<sup>s</sup> liquet historia. Magnæ Glastoniensis tabulæ exarator trium archiepiscoporum corpora in insula Avalloniæ requiescere perhibet, S. Patricii videlicet Hiberniensium, S. Davidis Legionum, et S. Dunstani Cantiorum archiepiscopi: episcoporum vero novem, quorum unum Brichtwoldum nominat. At ejus nominis ego nullum in veteribus Anglo-Saxonicorum episcoporum indiculis invenio: et archiepiscopum, Doroberniae defunctum in ecclesia S. Petri, sive S. Augustini Cantuariensis, sepultum fuisse, et ipse Beda<sup>t</sup>, et in annalium quibus Bedam continuat initio docet Hovedenus; ut primus ille e gente Anglorum Glastoniensis abbas, non tam Brithwaldus sub Kenewalchio, quam Beorwaldus sub Ina rege censeri posse videatur: cuius in vita Bonifacii Moguntini archiepiscopi meminit Willibaldus: ille nimirum Beorwaldus, quem Glastoniensem abbatem post Hemgiselum extitisse, et nomen in pyramide juxta vetustam ecclesiam posita insculptum habuisse, notat Malmesburiensis<sup>u</sup>. Quanquam ut aliter sentiamus ejusdem ipsius Malmesburiensis nos moveat authoritas de tota hac re hunc in modum scribentis. “Anno Dominicæ incarnationis DCLXX. Cenwalch, anno regni sui XXIX. dedit Bertualdo Glasconiensi abbati Ferramere II. hidæ, archiepiscopo Theodoro interveniente. Hic item Bertualdus, renitente rege et diœcesis episcopo, Glasconiæ renuncians, ad regimen monasterii Raculf secessit. Quocirca Bertualdus, et fama religionis nominatissimus et gentis nobilitate præclarus (quippe fratris Ethelredi regis Merciorum filius) loci opportunitate Cantuariæ proximus, Theodoro archiepiscopo decadente illius successit cathedralæ.”

Hemgislo autem sive Hemgiselo illi duæ concessæ habentur chartæ regiæ; una Baldredi reguli, ex consensu Heddæ Wintoniensis episcopi et Aldhelmi Malmesburiensis abbatis, anno DCLXXXI. illi donata; “ad sup-

<sup>r</sup> De gest. reg. Anglor. lib. 2. cap. 11.

<sup>t</sup> Be d. lib. 2. cap. 3.

<sup>s</sup> Bed. lib. 5. cap. 9.

<sup>u</sup> De antiquit. eccles. Glaston.

plementum honorabilis ecclesiae B. Mariæ et B. Patricii quæ sita est in *Glastingaburi*;" altera Inæ regis, consilio ejusdem Aldhelmi, anno DCCIV. confirmata monachis qui in ecclesia beatæ Dei genetricis Mariæ et beati Patricii omnipotenti Deo sub abbatे Hengisto famulantur in pristina urbe quæ dicitur *Glastingay*;" qua utraqne duæ etiam antiquiores extiterunt regum West-Saxoniorum donationes: prior Kenewalchi illius de quo dictum est, data anno Domini DCLXX. regni sui XXIX. posterior octavo post anno concessa a Kentwino; de quo magnæ Glastoniensis tabulæ consarcinato: " *Illic*," inquit, " requiescit rex Centuinus, vel Kentuinus, in pyramide saxea in cimiterio monachorum. Hic de regibus Anglorum primus fuit, qui insulam Glastoniæ liberam ab omni regali servitio vetustæ ecclesiæ concessit; sicut reges Britonum ante eum jampridem confirmaverunt." Item: " Hedda episcopus in superiori cimiterio monachorum, in pyramide saxea quondam nobiliter exculta, adhuc requiescit. Hic regiam libertatem insulæ Glastoniæ de rege Centwino ad vetustam ecclesiam impetravit: et liberam electionem fratribus ibidem Deo servientibus ab eodem rege perquisivit, ut haberent jus eligendi et constituendi sibi rectorem, secundum regulam S. Benedicti." Quod maximo arguento est, non modo ante Dunstani præfecturam, sed ante Inæ regnum quoque, monachorum conventum sub Benedicti regula viventium ibidem extitisse.

Privilegii autem, quo hujusmodi electionis Glastoniensibus concessa est potestas, ut et donationis Kenewalchianæ, et alterius ab Hedda episcopo, cum consensu Cedwallæ tum pagani (qui postea, Christianam fidem amplexatus, Kentwini in regno successor fuisse videtur) anno DCLXXXI. factæ, mentio fit in ipsius Inæ magno hoc privilegio, anno Dominicæ incarnationis DCCXXV. (vel DCCXXI. potius; si IV. apposita indictio recte se habeat) consignato.

" Ego Ina regali frctus dignitate a Domino, cum consilio Sexburgæ reginæ, et licentia Beorthwaldi Dorobernensis ecclesiæ pontificis et omnium suffraganorum suorum, neenon et hortatu Baltdredi et Athielardi subregu-

lorum, ecclesiæ vetustæ, quæ est in loco qui dicitur Glas-  
teye, quam magnus sacerdos et pontifex summus, Christus  
angelorum obsequio sibi ac perpetuæ virginis Mariæ, beato  
David multis et inauditis miraculis olim se sanctificasse  
innovuit, ex iis quæ paterna hæreditate possideo, et in  
dominium peculiare teneo, locis continuis et congruentibus  
concedo, ad supplementum vitæ regularis et ad usum  
monachorum; Brete decem hidæ, Sowi duodecim<sup>x</sup> hidæ,  
Pilton viginti hidæ, Dulting decem hidæ, Bledeni unam  
hidam; cum iis omnibus quæ antecessores mei eidem  
ecclesiæ contulerunt; Kenewalchius qui, sancto Theodoro  
archiepiscopo interveniente, Ferlingmere, Beokerie, Go-  
denie, Martinesie, Edredesie; Kentwinus rex, qui Glas-  
tingeie matrem sanctorum vocare solitus fuerat, et eam ab  
omni seculari et ecclesiastico obsequio immunem statuit;  
et hanc privilegii dignitatem concessit, ut habeant fratres  
ejusdem loci potestatem eligendi et constituendi sibi rec-  
torem juxta regulam S. Benedicti. Hedde episcopus, qui  
Cedwalla annuente et propria manu (licet paganus) con-  
firmante, Lantokai; Baltdrec<sup>y</sup>, qui Penard sex hidæ;  
Athelard, qui Poeld sexaginta hidæ, me annuente et con-  
firmante dederunt. Quorum ego devotioni et benignæ  
petitioni assentio, et contra malignantium hominum et  
oblatrantium canum insidias regalium munimine invigilo  
literarum: quatenus Ecclesia Domini nostri Jesu Christi  
et perpetuæ virginis Mariæ, sicut in regno Britanniæ est  
prima et fons et origo totius religionis, ita et [in] ipsa  
supereminenterem privilegii obtineat dignitatem; nec ulli  
omnino hominum ancillare obsequium faciat in terris, quæ  
super choros Angelorum dominatur in cœlis. &c."

Illam vero de B. Davide fabellam hic perstrictam, quod  
fundamentum est reliquarum quæ de Glastoniensis ecclæ-  
siæ primordiis postea invaluerunt traditionum omnium,  
Guilielmus Malmesburiensis in libro de antiquitate Glas-  
toniæ Johannes Tinmuthensis (et ex eo Capgravius) in  
vita Patricii, et magnæ Glastoniensis tabulæ concinnator,  
latius explicarunt. Quibus et ista addantur, ex minore

<sup>x</sup> Al. *decem*.

<sup>y</sup> Al. *Baldredus*, vel *Baldred*. *rectius*.

tabula ænea, de<sup>z</sup> vetere illa ecclesia a Christo consecrata, “sancto David Menevensium archiepiscopo hoc testante: cui Dominus ecclesiam illam dedicare disponenti in somnis apparnit, et eum a proposito revocavit; necnon in signum quod ipse Dominus ecclesiam ipsam primus cum cœmiterio dedicarat, manum episcopi digito perforavit: et sic perforata, multis videntibus, in crastino apparuit. Postea vero idem episcopus, Domino revelante, ac sanctorum numero in eadem crescente, quendam cancellum in orientali parte huic ecclesiæ adjecit, et in honore beatæ Virginis consecravit; cujus altare inæstimabili sapphiro in perpetuam hujus rei memoriam insignivit. Et ne locus aut quantitas prioris ecclesiæ per tales augmentationes oblivioni traderetur; erigitur hæc columnæ, in linea per duos orientales angulos ejusdem ecclesiæ versus meridiem protracta et prædictum cancellum ab ea abscedente. Et erat ejus longitudo ab illa linea versus occidentem XC. pedum, latitudo vero ejus XXVI. pedum, distantia centri istius columnæ a puncto medio inter prædictos angulos XLVIII. pedum.”

Ecclesiolam illam a Davide adjectam, Seint Marie le petite, sive sanctam Mariam parvam, fuisse nominatam; veterem vero a Paulino<sup>a</sup> novo opere postea instauratam, in magna tabula legimus: “Anno,” inquit author, “Domini DCXXV. S. Paulinus Northanhumbrorum archiepiscopus Glastoniam ad perendinandum venit. Hic muros vetustæ ecclesiæ ligneo tabulatu construere fecit, et extra a snummo usque deorsum in terram plumbo undique cooperire fecit: et sic illud sanctnm oratorium in eadem factura usque ad combustionem ejusdem ecclesiæ perduravit.” Unde lucem accipit subscriptio prioris privilegii ab Ina rege huic cœnobio concessi: “Actum publice et confirmatum in lignea Basilica, anno Domini DCCIV.” et alterius, quo<sup>b</sup> a Cnutone antecessorum suorum, Cenwini, Inæ, Cuthredi, Ailredi, Alfredi,

<sup>z</sup> Supr. cap. 2. pag. 30. D. Godwin. de convers. Britann. pag. 13.

<sup>a</sup> “Paulinum, ex archiepiscopo Eboracensi Roffensem episcopum, asserit majorum traditio Ecclesiæ contextum dudum, ut diximus, virgeæ ligneo induisse tabulatu.” Guil. Malmes.

<sup>b</sup> Guil. Malmes. de gestis reg. Anglor. lib. 2. cap. 11.

Edwardi, Etheldredi, Ailstani, Edmundi, et Edgari, donationes confirmantur: " Scripta est hujus privilegii donatio et promulgata in lignea Basilica, sub præsentia regis Cnutonis, anno ab incarnatione Dominica MXXXII." Præ cæteris vero rex Edgarus Glastoniense cœnobium amplificare studuit: non solum privilegia concessa a prædecessoribus, Cenwino, Ina, Ethelardo, Cuthredo, Elfredo, Edwardo, Ethelstano, et Edmundo, confirmando, sed nova etiam complura adjiciendo; quæ ex Glastoniensium antiqua schedula recitat Malmesburiensis<sup>c</sup>.

Extat adhuc ejus diploma<sup>d</sup>, datum " anno Dominicæ incarnationis DCCCCLXXI. Indictione XIV. præsentibus et consentientibus Dunstano archiepiscopo Cantuariensi, et Oswaldo Eboracensi, et Athelwoldo Wintoniensi, et Brithelmo Fontanensi, et regina Edgiva, et multis aliis ducibus et principibus, et aliis innumeris." In ejus proœmio leguntur ista. " Dignum videtur, ut ecclesia beatissimæ Dei genetricis semperque virginis Mariæ Glastoniensis, sicut ex antiquo principalem in regno meo obtinet dignitatem, ita speciali quadam et singulari privilegii libertate per nos honoretur :" deinde, inter alia privilegia, confirmatur et illud: " ut, quod hactenus ab omnibus antecessoribus diligenter observatum est, Fontanensis<sup>e</sup> episcopus vel ejus ministri super hoc monasterium vel super parochiales ecclesias ejusdem, videlicet Strete, Merelinch, Budeclethi, Shapwyke, Sowi, aut super earum capellas; nec etiam super eas quæ in insulis continentur, scilicet Bekerye, quæ parva Hibernia dicitur, Godeny, Martinseye, Pathenebryge, Adredsy, Ferlingende<sup>f</sup>, nullam omnino potestatem habeant."

Hæc omnia eo studiosius a me simul huc sunt congesta; ut intelligi posset, quænam de Glastoniensis ecclesiæ antiquitate Anglo-Saxonum temporibus opiniones receptæ fuerint: nempe, I. " Primam in regno Britanniæ eam fuisse habitam, ac fontem et originem totius religionis, ut

<sup>c</sup> Guil. Malmes. de gestis reg. Anglor. lib. 2. cap. 8.

<sup>d</sup> Guil. Malmes. in lib. de antiquit. eccles. Glaston. D. Henr. Spelmanni synod. pag. 485.

<sup>e</sup> Wellensis vulgo dictus. Budeket. MS. Oxon.

<sup>f</sup> Ferlingmere. MS. Oxon.

Ina inquit, atque ex antiquo, nt loquitur hic Edgarus, principalem in eo regno obtinuisse dignitatem." II. A discipulis Christi ædificatam, et ab ipso Christo consecratam primitus fuisse. III. Glastoniam matrem sanctorum fuisse nominatam. IV. Prae aliis sanctis ita celebrem fuisse Patricii nostri in ea memoriam; ut vetusta illa ecclesia B. Mariæ simul et B. Patricii nomen acceperit: quemadmodum ex Baldredi et Inæ chartis liquet: quibus addi potest et Ealdredi cujusdam donatio; qua concessæ sunt "Ecclesiae B. Dei genetricis Mariæ et S. Patricio, sub testimonio regis Edgari optimatumque suorum, undecim hidæ de Clifan."

Atque ex hisce demum est prognata illa B. Patricio afficta epistola: in qua, non solum quæ de vetusta Ecclesia S. Mariæ a XII. discipulis Philippi et Jacobi constructa superius<sup>g</sup> recitavimus, sed etiam de oratorio S. Michaelis in montis cacumine a Fagano et Deruviano ædificato leguntur ista: "Invenimus volumen unum, in quo scripti erant actus apostolorum, pariter cum actis et gestis sanctorum Phagani et Deruviani, ex magna parte consumptum: in cuius tamen fine voluminis invenimus scripturam, quæ dicebat, quod prædicti sancti Phaganus et Deruvianus per revelationem Domini nostri Jesu Christi idem oratorium ædificaverunt in honore sancti Michaelis archangeli; quatenus ibi ab hominibus haberet honorem, qui homines in perpetuos honores jubente Deo est introducturus. At cum delectaret nos illa scriptura, nitebamur eam ad finem legere. Dicebat etenim eadem scriptura, quod venerandi Phaganus et Deruvianus moram ibi fecerunt per novem annos: et quod ipsi etiam perquisierant triginta annorum indulgentiam, omnibus Christicolis locum ipsum ob honorem beati Michaelis pia voluntate visitantibus." Neque adhuc tamen rerum ad Josephum Arimatæensem spectantium facta est illa accessio: de quibus uti de ipsa etiam commentitia hac epistola, in scriptis ante Normannorum adventum editis, quemadmodum ante<sup>h</sup> subindicavimus, altum est silentium.

<sup>g</sup> Supr. cap. 2. pag. 34.

<sup>h</sup> Supr. pag. 25.

Ab Arthuro<sup>i</sup> quoque et aliis Christianis Britonum regibus, cœnobium suum dotatum fuisse pluribus possessiōnibus, affirinant monachi Glastonienses. “Anno DXLI.” inquit eorum unus, “inclytus Arthurus obiit: et sepultus in insula Avalloniæ in Domino requiescit, qui e regibus Britonum octavus decimus fuit, qui Christiani fuerunt; et illam ecclesiam a discipulis sanctorum Philippi et Jacobi in insula Avalloniæ olim constructam nimis dilexerunt, de terris et possessionibus eam valde ditaverunt, liberamque ab omni seculari servitio per privilegia et regalia scripta confirmaverunt.” Arthurum vero regem, dicto illo anno, “Lethaliter vulneratum, ad sananda vulnera sua in insulam Avallonis advectum, cognato suo Constantino diadema Britanniæ concessisse,” refert Galfridus Monemuthensis<sup>k</sup>: in qua etiam insula, mortuo jam Galfrido, sepulchrum illius inventum fuisse, cum ab aliis proditum est, tum in magna<sup>l</sup> Glastoniensi tabula hoc modo.

“In hac insula, [quæ insula] Avalloniæ [dicitur,] immo in hoc tumulo sanctorum, apud Glastoniam requiescit inclytus rex Arthurus flos regum Britanniæ, et Guenhabera<sup>m</sup> ejus regina; qui post decessum eorum, juxta vetustam Ecclesiam, inter duas pyramides lapideas quondam nobiliter insculptas, honorabiliter<sup>n</sup> sepulti fuerunt: et ibidem per multa annorum curricula requieverunt, videlicet DCXXVIII. annos, usque ad tempus Henrici de Soili; qui post combustionem ejusdem ecclesiæ abbas fuit illius loci. Prædictus vero abbas a compluribus sæpissime admonitus, jussit iuter prædictas pyramides fodere, si regium corpus valerent invenire: et antequam fodere inceperunt, cortinis totum locum circumdederunt. Foderunt igitur in profundum valde, et ad extremum ingens sarcophagum ligneum totum clausum invenerunt: et illud quam citius potuerunt cum eorum utensilibus aperuerunt: et regum corpus

<sup>i</sup> Supr. cap. 2. pag. 32.

<sup>k</sup> Hist. Britan. lib. 11. cap. 2.

<sup>l</sup> Et parvo libro Glaston. in bibliotheca Bod'eiana.

<sup>m</sup> Guenevera regina ejus secunda. Bod.

<sup>n</sup> Sepulture tradebantur. Ibidem sexcentis qua fraginta et octo annis requiescentes, usque ad tempus Henrici de Soity abbatis. Glaston.

intro invenerunt, et quandam crucem de plumbo totam in una parte ita descriptam. **HIC JACET SEPULTUS INCLITUS REX ARTHURUS IN INSULA AVALLONIA.** Deinde tumbam reginæ aperuerunt, et crines capitis sui per similitudinem sicut noviter ibidem sepulta erat, circa corpus suum jacuerunt: sed cum eas tetigerunt, totum in pulverem deveinerunt. Abbas vero et conventus cum ingenti gaudio et honore maximo eorum exuvias inde transtulerunt, et in mausoleo intus bipartito et extra nobiliter in petra exciso, in majori ecclesia eos ita collocaverunt: regium videlicet corpus per se ad caput tumbæ, et reginam in orientali parte imposuerunt. Et hi versus circa epitaphium subtiliter exsculpti sunt.

Hic jacet Arthurus, flos regum, gloria regni;  
Quem mores, probitas, commendant laude perenni.

Arthuri jacet hic conjunx tumulata secunda;  
Quæ meruiti cœlos virtutum prole secunda<sup>o</sup>.

Henricum abbatem, cuius in hac liistoria facta est mentio, Johannes Lelandus<sup>p</sup> Blesensem alias Soliacensem dictum fuisse ait; Henrici II. regis ex Adela nepotem et Richardi regis consanguineum, ex abbe Bermundianæ insulæ Glastoniensem primum præsidem, ac deinde Wintoniensem episcopum designatum. Verum sciendum est, duos fuisse Henricos abbates Glastonienses, a Lelando hic in unum conflatos. Prior Blesensis fuit, Henrici, non secundi, sed primi ex sorore Adela nepos, Stephani regis et Theobaldi comitis Blesensis frater: qui anno MCXXIX. ad Wintoniensem episcopatum promotus, anno MCLXXI. vivere desiit. Atque huic librum de Glastoniensis ecclesiæ antiquitate dicavit Guilielmus bibliothecarius Malmesburiensis, proprio cognomine Somerset dictus; quem Balæus<sup>q</sup> anno MCXLII. vitam, Matthæus Parisiensis<sup>r</sup> Anglorum historiam terminavisse asserit: licet principia gestorum anni MCXLIII. ipse exponat in novella sua historia.

<sup>o</sup> al. *fecunda.*

<sup>p</sup> Leland. assert. Arturii; fol. 25. a. et 26. b.

<sup>q</sup> Balæ. script. Britann. centur. 2. cap. 73.

<sup>r</sup> Matth. Paris. in hist. anni 1142.

Posterior, Henricus Soliacensis, de Soili vel Sully, et quibusdam Suinesius appellatus, post combustionem Glastoniensis ecclesiae, quam anno MCLXXXIV. contigisse notat Hovedenus, abbatiam adeptus, anno (ut ex eodem intelligimus) MCXCIII. Wigorniensis factus est episcopus, et MCXCV. obiit. Ab eo Arthuri et uxoris ipsius inventae sunt reliquiae, atque in marmoreo monumento conditae; appositis duobus illis jam commemoratis distichis: ex quo scalmo navigium campingens Pitsius<sup>s</sup>; “ex multis quae et oratorio stylo scripsit et poetico, nullum titulum apud scriptores invenisse se fingit, praeter diversi generis poematum librum unum.”

Balæus<sup>t</sup> quoque illa duorum Henricorum confusione, quam a Lelando hausit, non contentus, de suo adjecit, “scripsisse Soliacum plura, tam prosa quam carmine; et inter alia ad avunculum regem, adjutore Giraldo Cambrensi, de inventione corporis Arthuri librum unum;” addens, se “reliqua ejus opuscula nec tetigisse unquam, nec vidisse:” quasi vel ille, vel aliis quisquam mortalium, alterum illum librum aut tetigisset uspiam, aut aspexisset: quem tamen, hoc commenti genere, quod Balæo nimis familiare est, haud satis perspecto, “extare etiamnum hodie,” pronuntiat Godwinus<sup>u</sup> noster. Historiam quidem Arthuriani sepulchri ab Henrico abate Glastoniæ inventi, et in libro de institutione principis et in speculo ecclesiastico fusius enarrat Giraldus; atque ab eodem abbe tum Arthuri ossa, tum crucem illam plumbeam ostensa sibi fuisse agnoscit: sed de eo argumento librum aliquem ab illo fuisse compositum, neque ipse dicit, neque ante Balæum ullus aliis.

Giraldi verba de Arthuri ossibus hæc sunt: “Os tibiæ ipsius appositum tibiæ longissimi viri, quod et nobis abbas ostendit, et juxta pedem terræ illius adfixum, large tribus digitis trans genu ipsius se porrexit. Os etiam capitis, tanquam ad prodigium vel ostentum, capax erat et gros-

<sup>s</sup> Jo. Pits. de illustrib. Angliae scriptorib. num. 267.

<sup>t</sup> Balæ. centur. 13. cap. 28.

<sup>u</sup> Fr. Godwin. in Wintoniensium episc. catalogo, num. 37.

sum; adeo ut inter cilium et oculos palmalem amplitudinem large contineret. Apparebant in hoc decem aut plura vulnera: quæ cuncta, præter unum majus cæteris quod hiatum grandem fecerat, quodque solum lethale videretur, in solidam concreverant cicatricem." De plumbea cruce ista; "In lapide quodam lato tanquam ad sepulchrum a fodientibus invento, quasi pedibus septem sub terra, cum tamen sepulchrum Arthuri novem pedibus inferius inventum fuerit, reperta fuit crux plumbea, non superiori sed potius inferiori parte lapidis inserta, literas has inscriptas habens: **HIC JACET SEPULTUS INCLITUS REX ARTHURUS IN INSULA AVALLONIA CUM WENEVERIA UXORE SUA SECUNDA.** Crucem autem hanc extractam a lapide, dicto abbatte Henrico ostendente, perspeximus, et literas has legimus." Ubi ex inscriptione demenda videntur postremæ quinque dictiones: quippe quæ neque apud Glastoniensem monachum inveniuntur qui totam hanc narrationem ipsissimis Giraldi verbis expressis, neque in protypo crucis<sup>w</sup> ipsius; quæ in Glastoniensis ecclesiæ gazophylacio usque ad cœnobii illius dissolutionem est conservata: de qua Johannes Lelandus, "Erat ex lamina plumbea confecta, longa plus minus pedem unum: quam et ego curiosissimis contemplatus sum oculis, et solicitis contrectavi articulis, motus et antiquitate rei et dignitate. Literis Romanis majusculis illis, sed parum dextere insculptis, hæc verba continent, **HIC JACET SEPULTUS INCLITUS REX ARTURIUS IN INSULA AVALLONIA.**"

Tempus inventæ hujus crucis et sepulchri, in rhythmicis versibus quos de Arthuro scriptos habeo, ita notatum comperi.

Annis millenis bis centum connumeratur,  
Tollitur undenus numerus; tunc extumulatur.  
In tumulo cuius crux plumbea scripta reperta,  
Facti tunc hujus reddebat singula certa.

**Ex MCC. sublato undenario, relinquitur ann. MCLXXXIX.**  
ad quem a Malmesburiensis quoque interpolatore ista referuntur: qui etiam in die Veneris Pentecostes, sive XXV.

<sup>w</sup> Leland. in assert. Arturii, fol. 22, 23. et Camdeu. in Somersetshire, pag. 166.

die Maii, anno MCLXXXIV. Glastoniensis cœnobii combustionem, post quam Henricum de Soliaeo abbatem factum fuisse audivimus, contigisse confirmat. “In aestate,” inquit, “die videlicet S. Urbani, totum monasterium, præter cameram cum sua capella a Roberto abbatे constructam, et campanarium ab Henrico episcopo constructum consumpsit incendium:” ubi, “reliquiarum confusio, thesauri tam in auro et argento, quam in pannis sericis, libris et cæteris ecclesiæ ornamenti, direptio, etiam remotos hæc audientes non immerito posset ad lamenta provocare:” quod sententiam refellit, et Nicolai Harpsfeldii<sup>x</sup>, in annum MCLXXVII. et Ranulphi Cestrensis<sup>y</sup> atque Johannis Caii<sup>z</sup>, in annum MCLXXX. translationem reliquiarum Arthuri conferentis.

“Anno ab incarnatione Domini MCXCI. inventum est sarcophagum in insula Avallan, et in sarcophago ossa virilia et tabula plumbea in qua ita scriptum erat: HIC JACET GLORIOSISSIMUS REX BRITTONUM ARTURUS: quod et ego Simon oculis meis inspexi,” inquit hic, in Abbendo-niensis cœnobii historia. Similiter etiam Matthæus uterque, Parisiensis et Westmonasteriensis, cum Johanne Bevero, quem Castoreum et Fiberium vocant, earum inventionem in annum conjiciunt MCXCI. quo Rogerus Hovedenus et Gualterius Coventrensis gladium Arthuri, quem Britones Caliburne vocant, Tancredo Siciliæ regi a Richardo I. donatum fuisse scribunt. Sed regnante Henrico II. quem sexto die Julii, anno MCLXXXIX. vita excessisse constata<sup>a</sup>, Arthuri ossa effossa fuisse, ex Giraldi Cambrensis narratione intelligitur: cuius hoc exordium est, “Regnante<sup>b</sup> nostris in Anglia diebus Henrico II. contigit ut apud Glastoniense cœnobium, quondam (ante combustionem scilicet) nobile sepulchrum, dicto rege moncente et abbe loci ejusdem Henrico, qui ad cathedram Wigor-

<sup>x</sup> Harpsfeld. hist. ecclesiast. Anglican. lib. 1. cap. 11.

<sup>y</sup> Ranulph. polychronic. lib. 5. cap. 6.

<sup>z</sup> Cai. antiquit. Cantabrig. lib. 1. pag. 53.

<sup>a</sup> Vide Ranulph. Cestren. polychronic. lib. 7. cap. 23. Ex Giraldi lib. de institut. principis.

<sup>b</sup> Girald. specul. ecclæs. distinct. 2. cap. 8.

niensem translatus postea fuit, procurante, diligenter quæsitum, in cœmeterio sacro a S. Dunstano dedicato, inter duas pyramides altas et literatas in Arthuri memoriā olim erectas, multis laboribus effoderetur; et corpus ejusdem in pulvrem et ossa redactum, ab imis in auram et statum digniorem transferretur." Conclusio vero ista: "Dictus<sup>c</sup> autem abbas corpore reperto, monitis quoque dicti regis Henrici marmoreum ei sepulchrum fieri fecit egregium, tanquam patrono loci illius præcipuo: qui scilicet ecclesiam illam præ cæteris regni cunctis plus dilexerat, terrisque largis et amplis locupletaverat. Ideoque non immerito, sed justo quoque Dei judicio, qui bona proculdubio cuncta, non solum in cœlis verum etiam in terris, sive in vita sive post mortem gloriam conferendo plerumque remunerat, in cœnobiali demum Ecclesia, antiqua præ cæteris regni totius et authentica, corpus Arthuri egregie sepultum fuit; et glorifice, sicut debuit et tantum virum decuit, collocatum."

Inter terras, quibus Arthurum ecclesiam Glastoniensem locupletavisse ait hic Giraldus, Brent-marsh nominat Johannes Rossus: quam alii ranarum palustrium regionem interpretantur; Malmesburiensis a Bregdeno illo derivat, cuius nomen in duarum pyramidum, inter quas Arthuri corpus fuit repositum, majore insculptum reperit. "Certe," inquit, "Logwor is pro certo asseritur esse, de cuius nomine Logweresbearh dicebatur, qui nunc Mons Acutus dicitur: BREGDEN<sup>d</sup> a quo Brentaknolle, qui nunc Brentemers dicitur." Donationis vero Arthurianæ tabulas, inter aliorum regum alias complures exhibitas sibi fuisse testatur Henricus II. in charta anno MCLXXXV. novæ ecclesiæ Glastoniensi, post veteris incendium a se fundatae, concessa: quam vidisse se affirmat Johannes Caius<sup>e</sup> "salvam atque integrum, equite in cera viridi consignatam, sigillo de filo serico albo atque rubro pendente confirmatam." Eam et nos, inter archiva regia in arce Londi-

<sup>c</sup> Girald. specul. eccles. distinct. 2. cap. 10.

<sup>d</sup> A Lelando, in assert. Arturii, fol. 24. et qui ex eo exscripsit, Camdeno, pag. 167. hoc omisssum est.

<sup>e</sup> Cai. antiquit. Cantebrig. lib. 1. pag. 54.

nensi asservata, quinquies<sup>f</sup> transcriptam invenimus indeque istas decerpsumus.

“ Henricus Dei gratia rex Angliae, dux Normanniae, Aquitaniæ, et comes Andegaviæ, archiepiscopis, episcopis, abbatibus, comitibus, justiciariis, baronibus, vicecomitibus, et omnibus fidelibus suis Francis et Anglis totius Angliae, salutem. Quoniam quæ seminaverit homo, hæc et metet: ecclesiæ Glastoniæ fundamentum jaciens, quæ dum in manu mea fuerat incendio consumpta in cinerem recedit; eam Domino volente, persuadentibus Eraclio patriarcha Hierosolymitano, Baldewino archiepiscopo Cantuariensi, Richardo Wintoniensi episcopo, Bartholomæo Exoniensi episcopo, Ranulpho de Glanvil, cum multis aliis, per me aut per hæredes meos consummandam, magnificenter reparare decrevi. Quæcunque etiam a prædecessoribus meis Willielmo primo, Willielmo secundo, et Henrico avo meo; sed et ab antiquioribus, videlicet sancto Eadgaro patre sancti Edwardi, ab Eadmundo et patre ipsius Edwardo, et Ælfredo avo ejusdem, Bringwalchio, Kentwino, Baldredo, Ina, inclito Arturo, Cudredo, et multis aliis regibus Christianis, sed etiam a Kenewalla quodam rege pagano, quorum privilegia et chartas feci diligenter inquiri et coram me præsentari et legi, confirmata sunt prædictæ ecclesiæ, quæ olim a quibusdam mater sanctorum dicta est, ab aliis tumulus sanctorum; quam ab ipsis discipulis Domini ædificatam, et ab ipso Domino dedicatam primo fuisse, venerabilis habet antiquorum auctoritas, ego quoque in honorem Dei et beatissimæ virginis matris suæ, quæ locum illum sibi specialem et primum in hoc regno elegit, et omnium sanctorum ibidem quiescentium, pro salute animæ meæ et antecessorum et hæredum meorum concedo, et hac mea charta confirmo omnes libertates et dignitates, privilegia et liberas consuetudines, quæ a prædictis nobilibus viris collata sunt præfatæ ecclesiæ, et apostolicis sanctionibus munita, et a beatis Ealfego et

<sup>f</sup> Inspeximus chart. ann. 6. Edward. II. num. 13. et ann. 7. ejusd. num. 29. et ann. 1. Edward. III. num. 67. et ann. 6. ejusd. num. 27. et Patent. an. 1. Edward. IV. part. 6. membran. 21. Eam etiam ecclesiasticæ suæ historiæ libro 1. cap. 2. inscruit Harpsfeldius.

Dunstano archiepiscopis, et quondam loci illius monachis, et a prædecessoribus eorum et posteris roborata, &c. Sed præcipue villa Glastoniæ in qua vetusta ecclesia genitricis Dei sita est, quæ fons et origo totius religionis Angliæ pro certo habetur, præ cæteris sit liberior cum insulis suis, scilicet Becaria quæ parva Hibernia dicitur, Godeneya, Martenesia, Ferumere, Patheneberga, et Adredesia, &c. Testibus Eraclio patriarcha Hierosolymitano, Willielmo Remensi archiepiscopo, Baldewino archiepiscopo Cantuariensi, Richardo Wintoniensi episcopo, Bartholomæo Exoniensi episcopo, Reginaldo Bathonensi episcopo, Willielmo Comite de Mandevill, Randulfo de Glanvill, et multis aliis, apud Westmonasterium."

Huic Henrici II. magno (ut appellatur) privilegio, diplomatis alterius, ab Edvardo III. die vicesimo septimo Februarii, anno regni tertio dati, proœcium, ex iisdem<sup>g</sup> archivis descriptum adjungam. "Edwardus Dei gratia rex Angliæ, dominus Hiberniæ, et dux Aquitaniæ; omnibus ad quos præsentes literæ pervenerint, salutem. Ad decorem et tranquillitatem Glastoniensis ecclesiæ (quæ, ut veterum tradit authoritas, primo a discipulis Doniini aedicata extitit, et ab ipso Doniino consecrata; ac sanctorum tumulus vocabatur, propter sanctorum multitudinem quorum corpora ibidem referuntur humata: quam etiam progenitores nostri reges Catholici propter loci sanctitudinem de suis fundarunt patrimoniis et ditarunt largiflue, et variis privilegiis et libertatibus munire piis desideriis studuerunt) nostræ considerationis intuitum convertentes, ut ab ea cuiuslibet inquietudinis submoveatur occasio et inserti in vite palmites virescant et fructificent, viribus a vinea extirpatis; eo solertia agimus et ferventiori desiderio æstuamus, quo ardentius cupimus cultum divini nominis et regularis disciplinæ observantiam nostris semper augeri temporibus, et personas divinis mancipatas obsequiis quietis plenitudine præpotiri."

Fervente inter Glastonienses monachos et Jocelinum Bathonensem ac Wellensem episcopum contentione, circa

annum MCCXV. facta est de pluribus articulis inquisitio : quorum<sup>h</sup> primus hic fuit, “ An omnibus ecclesiis Angliae Glastoniensis ecclesia sit antiquior et vetustior, saltem per famam, inquiratur.” Secundus iste, “ An omnibus monasteriis Angliae esset quondam laudabilius et excellenterius, et cum primo abbatе præficeretur ? et an omnium abbatum extet memoria, vel extare possit ?” Cui de abbatibus quæstioni chronologicam hanc σύνοψιν, ab ejusdem cœnobii monacho post quadraginta et quatuor annos literis memoriaeque mandatam, responsionis loco subjiciam : et cum ea totam de monasteriī illius antiquitate disquisitionem tandem finiam.

“ Ab incarnatione Domini usque ad adventum S. Patricii Hiberniensium apostoli in Glastoniam, CCCCXXXIII. anni. Hic fratres, in diebus illis in diversis locis habitantes congregavit, et secundum regulam sanctam communiter vivere instruxit : et postea ipsi fratres prædictum sanctum unanimiter elegerunt, et primum abbatem illius loci constituerunt.”

“ A tempore S. Patricii usque ad Beorwaldum abbatem de Anglicis primum, CCXXXVII. anni. Et sciendum est, quod inter S. Patricium et Beorwaldum plures abbates de gente Britannorum in Glastonia fuerunt ; quamvis antecessores nostri nomina eorum in catalogo abbatum non scripserint.”

“ A tempore Beorwaldi usque ad S. Dunstanum, CCLXX. anni. Et hoc quoque notandum est, quod inter Beorwaldum et S. Dunstanum, XVIII. abbates in Glastonia fuerint.”

“ A tempore S. Dunstani usque ad Turstinum abbatem de Normannis primum, CXL. anni. Et hoc similiter sciendum est, quod inter S. Dunstanum et Turstinum sex abbates in Glastonia extiterint.”

“ A tempore Turstini usque ad abbatem Michaelem, CLXX. anni. Et hoc quoque adjiciendum est, quod inter Turstinum et Michaelem septem abbates in Glastonia fuerunt.”

<sup>h</sup> Secret. domini abbatis, fol. 43. in bibliotheca Arundelliana.

“ Sed si quis numerum annorum a S. Patricii tempore primi abbatis Glastoniæ usque ad S. Dunstanum sciri voluerit: secundum chronica antiquorum, DVII. annos: et a tempore S. Dunstani usque ad tempus nostrum, CCCXIX. annos invenire valebit. Hæc autem scripta in anno post incarnationem MCCLIX.”

Sed nimis diu in Glastoniensibus antiquitatibus explicandis hæsimus. Ad Lucium jam regredimur: de quo in Britannica historia porro legimus. “ Gloriosus<sup>i</sup> ille rex Lucius, cum infra regnum suum cultum veræ fidei magnificatum esse vidisset, maximo gaudio fluctuans, possessiones et territoria quæ prius tempora idolorum possederant in meliorem usum vertens, ecclesiis fidelium permanere concessit. Et quia majorem honorem ipsis impendere debuerat, augmentavit illas amplioribus agris et mansis, omniq[ue] libertate sublimavit:” et in ejusdem metaphrasi, Gildæ temere attributa:

Lucius interea regnum lucere corusca  
Luce nova fide gaudens, convertit in usus  
Ecclesiæ quæ tempora prius tenuere Deorum.

Brevius, ad Othonem IV. imperatorem, Gervasius Tillesburiensis: “ His Lucius omnia territoria templis pridem collata, contulit ecclesiis et ampliavit.” Rogerus Wenvoverius<sup>k</sup>, et alii eum secuti: “ Possessiones largas ac prædia ecclesiis et viris ecclesiasticis abundanter distribuit, atque munimentis omnia et privilegiis communivit. Ecclesiæ quoque cum suis cœmiteriis, ita esse liberas constituit; ut quicunque malefactor ad illa confugeret, illæsus ab omnibus maneret.” Quibus addantur quæ de Wintoniensis ecclesiæ fundatione, in ejusdem ecclesiæ historiola<sup>l</sup>, circa annum MCCCCXL. conscripta, et majore Thomæ Rudburni chronicō<sup>m</sup>, iisdem verbis habentur expressa.

“ Aspiciens utroque lumine gloriosus ac Christianissimus rex Lucius cultu veræ fidei mirifice suum regnum

<sup>i</sup> Galfrid. Monemuth. lib. 2. cap. 2. edit. Ascension. lib. 5. cap. 1. edit. Heidelberg.

<sup>k</sup> Rog. Wenv. ad annum grat. 184. Matth. Paris. Matth. Westmonast. et histor. Roffens. ad ann. 187.

<sup>l</sup> MS. in bibliotheca Cottoniana.

<sup>m</sup> MS. in bibliotheca Lambethana.

esse magnificatum, maximoque gaudio repletus, possessiones et territoria quæ prius templorum flamines posse derant in meliorem usum vertens, ipsa ecclesiæ fidelium permanere concessit; augmentandoque eas amplioribus agris et mansis omnique libertate sublimavit. Ecclesiam vero Wintoniensem quam quadam speciali prærogativa dilexit solummodo a fundamentis renovavit: ut scribit Vigilantius in libro de Basilica Petri, capitulo primo; monachis vero, quoisque perficeretur opus pro posse consummandum, mansiunculam cum oratorio, dormitorio, ac refectorio construxit: ut scribit idem Vigilantius. Completo renovationis opere quinto anno conversionis regiae, dedicaverunt eam prædicti antistites et monachi Faganus et Duvianus in honore sancti Salvatoris, IV. Calendas Novembbris, anno gratiæ CLXIX. et monachis ipsam repleverunt Deo devote famulantibus: abbatemque loci constituerunt monachum quendam vocabulo Devotum. Statuit insuper inclitus princeps Lucius episcopo et monachis Wentanæ ecclesiæ dari possessiones et prædia quæ quondam erant ejusdem civitatis flaminum, cum privilegiis eorundem. Quorum limites extendebantur, ut scribit ille antiquus Britannorum conscriptor Moracius<sup>n</sup>, per duodecim millia passuum per gyrum civitatis Wentæ: scilicet ab unaquaque plaga civitatis in duodecim millia passuum. Insuper, ut scribit idem Moracius ibidem, dedit prædictus Christianissimus rex Lucius prædictæ ecclesiæ, quam de novo fundaverat, suburbana civitatis ejusdem cum privilegio Dunwallonis Molmutii. Iste Dunwallo, ut scribit idem Moracius, et Gildas historiæ suæ capitulo decimo nono, et Gaufridus Monemuthensis in historia<sup>o</sup> Britonum, cum sextus decimus esset Britonum rex et paganitate nimis obvolutus, leges sancivit quæ Molmutinæ dicebantur, usque ad tempora Willielmi Conquestoris satis celebres. Inter quæ statuit, ut civitates et templa Deorum, viæ ad illa ducentes, ac aratra colonorum immunitate confugii congauderent: ut quicunque fugitus sive reus ad ea confugeret, cum venia coram inimico suo abiret. In diebus illis latro-

<sup>n</sup> lib. 1. cap. 9.<sup>o</sup> lib. 2. cap. ult. edit. Heidelberg.

num muerones cessabant; nec erat qui violentiam alicui usquam ingereret. Erantque ab unaquaque plaga civitatis in quolibet duodenario numero passuum octo viculi optimi. Requievit extunc religio monastica in ecclesia Wintoniensi, quieta in pace et pacifica possessione Domino jugiter conjubilans, centum duobus annis, videlicet a primo anno regni Lucii Christianissimi principis, usque ad annum secundum Dioclesiani tyranni. Eratque mensura ecclesiæ quam primitus rex Lucius fundaverat<sup>p</sup> in longitudine ducentorum et novem passuum, in latitudine octoginta passuum, in altitudine nonaginta duorum passuum: ab uno cornu ex transverso ecclesiæ in alterum, passus centum triginta. Situs monasterii ex parte orientali ecclesiæ erat centum passuum in longitudine, versus videlicet templum Concordiæ, et quadraginta passuum in latitudine, versus scilicet novum templum Apollinis. Ex parte aquilonali in longitudine erant passus centum sexaginta, in latitudine nonaginta octo. Ab occidentali plaga ecclesiæ erant passus centum nonaginta, in latitudine centum. Ex Australi plaga erant passus in longitudine quadringenti quinque, in latitudine quingenti octoginta. In hac plaga situm erat palatium episcopale, domus necessariæ ac officinæ monachorum.

Sic constructa micat, sic et variata coruscat  
Machina, quæ hanc matrem sustinet ecclesiam.

In magna Wintoniensis ecclesiæ tabula leguntur consimilia: “ Tali sacra lotione terso Lucio rejectoque infidelitatis velamine, construitur de novo insigne Wintanae civitatis cœnobium, quod vetus nominatur. Monasticae religionis inibi constituuntur professores, adiuncta pontificalis apicis cathedra: dedicatumque est illud monasterium a supranominatis doctoribus (Fagano et Damiano) in honorem sancti Salvatoris; ut scribit Moracius libro primo, capite septimo, et Vigilantius in libro de Basilica Petri capite primo. Possessiones vero et prædia cum redditibus, quæ quondam erant flaminum, additis suburbanis mansionibus civitatis, ad pontificis et monachiorum stipendia largissima

<sup>p</sup> secundum Moracium lib. 1. cap. 2.

manu princeps inclytus commendavit. Evidentissimo dilectionis titulo insuper concessit prædictæ ecclesiae insignis princeps, sicut et aliis omnibus sacris locis regni sui, privilegium Dunwallonis Molmutii." Et in antiquitatum ejusdem ecclesiæ libello: "Paganitas deleta est in Britannia anno gratiæ CLXIV. anno primo regni Lucii regis Britannorum : qui Lucius rex primus fundavit ecclesiam Wintoniensem, quæ modo vetus nominatur cœnobium; ipsam faciens ecclesiam cathedralem, monachos in ea constituendo. Prædia et possessiones flaminum, qui parum ante erant in Britannia, monachis non solum dedit, sed etiam munifice ampliavit. Fundata est prædicta ecclesia Wintana et dedicata a Fagano et Duviano episcopis et monachis in honore sancti Salvatoris IV. Kalendas Novembris, anno gratiæ CLXIX. A prima fundatione et dedicatione Wintoniensis ecclesiæ florent anni MCCLXV. Duravit Christianitas in Britannia a tempore (videlicet a primo anno) Lucii regis primi Britannorum Christiani usque ad primum annum Dioclesiani principis quieta in pace, videlicet centum annis. Et tam diu monachi Deo servientes prædictum vetus cœnobium quiete inhabitabant." Istos autem monachatum professos esse addit Rudburnus<sup>1</sup>, "secundum regulam a S. Marco evangelista traditam; de qua scribit Cassianus, de institutis monachorum." Atque hæc sunt quæ recentiores chronographi Wintonienses de ecclesiæ suæ antiquitate proferunt, quorum fides penes ipsos esto.

Sunt qui Lucio regi assignent templum B. Petro positum extra urbem Londinum: ut notat Polydorus<sup>2</sup>. De prima illius constructione liber extat a Sulcardo monacho scriptus ad abbatem suum Vitalem: qui Westmonasterensi huic collegio sub Guilielmo Normanno præfuit, atque anno MLXXXII. vita funetus, in australi parte claustris sepultus est, cum hoc epitaphio:

Qui nomen traxit a vita morte vocante  
Abbas Vitalis transiit, hicque jacet.

<sup>1</sup> Rudburn. histor. major. lib. 1. cap. 3.

<sup>2</sup> lib. 2. cap. 5.

<sup>2</sup> Polyd. Vergil. Anglic. histor. lib. 1.

Ex hoc Sulcardi scripto sunt qui<sup>t</sup> referant, Apollinis delubrum olim hic extitisse, et Antouino Pio imperante terræ motu corruisse; indeque Lucium regem in honorem Christi alterum erexisse. Sed neque in eo quo ego suu usus Sulcardi codice, neque in iis quæ ex eo recitat Johannes Fletus, qui de ejusdem ecclesiae Westmonasteriensis fundatione anno MCCCCXLIII. alium librum edidit, hoc invenio. In eandem vero sententiam, ex “quodam libro vetustissimo chronicorum, veteri Anglorum sive Saxonum lingua conscripto,” Fletus producit ista: “A primitivo tempore Christianæ fidei inter Britones habitæ, hoc est, a diebus Lucii regis eorundem, qui primus in hoc regno, id est, sub anno gratiæ CLXXXIV. legem divinam, simul et sanctæ regenerationis lavacrum legitur suscepisse; iste locus ad honorem Dei fundatus et consecratus fuerat, atque ad regiam sepulturam regaliumque repositorium specialiter erat deputatus.”

Radulphus Niger ad annum mundi 5358. similiter: “Tunc fundata est abbatia Westmonasterii, ultimo anno Antonini; (Marcum Aurelium Antoninum intelligit:) sed postmodum præfata abbatia diu destructa, ab Eadvardo rege reparata est, et nobiliter dotata;” et Johannes de Taxster, monachus Buriensis, ad annum Christi (secundum Dionysium) CLXIX. “Lucius rex Britannorum ecclesiam sancti Petri Westmonasterii construxit;” et Matthæus Westmonasteriensis MS. ad annum gratiæ CLXXXV. “Circa idem tempus subversum est templum Apollinis apud Westmonaster, quæ tunc Thorneie vocabatur; et coepit ædificari ecclesia sancti Petri.” Quæ eadem de destructo templo Apollinis apud Thorneiam, et ecclesia S. Petri tunc ædificata, in chronica Britonum abbreviata reperiuntur; de anno etiam, in inedita ad libros de gestis pontificum appendice, Guilielmo Malmesburiensi non dissentiente; si, ut Guilielmus Harrisonus eum citat, anno ante adventum Saxonum CCLXIV. et Augustini monachi CCCCXI. factum fuisse hoc ille scripserit.

Quo tempore Lucii sacellum in Doverensi castro Servatori Christo positum sit, “ex ejusdem urbis annalibus

<sup>1</sup> Jo. Stowæus, in Londini perlustratione: et eum secutus Camdenus, in Middlesex, pag. 308.

venerandam antiquitatis præ se ferentibus imaginem," refert Lelandus<sup>u</sup>. Et ita quidem in commentario de Dorensis castelli initii legitur: "Anno CLXI. Lucius rex in summitate castri Dorensis templum Christo ædificat, et maris tributo donat." Illud B. Mariæ a Lucio fuisse dicatum, affirmat recentius chronicon ecclesiæ S. Martini de Dover verbis hisce: "Inter alia beneficia quæ fecit Deo et Ecclesiæ, construi fecit in castro Dover ecclesiam in honorem gloriosæ Dei genetricis Mariæ: ubi ipse rex, et plebs sua Catholica, sua sacramenta et sacramentalia habuerunt, et eorum Catholici successores."

Tunc etiam constructa est extra Cantuariam ecclesia sancti Martini: si Radulpho de Diceto et Combensium annalium scriptori credimus; non quod ante Lucium Martini alicujus episcopi in Britannia celebrata fuerit memoria, quod suspicatus est quidam: sed quod antiquum nomen, oblivione jam deletum, novo a Martino Turonensi deducto subsequentibus temporibus fuerit commutatum: "nam templorum nomina mutari novum non est; et Martini præsertim memoriae Franci multis post seculis, quod eum enixe colerent, vetera persæpe addixerunt:" quemadmodum in rerum Augstanarum Vindelicarum libro septimo confirmat doctissimus Velserus. Cum autem Cantuariæ ad Augustini usque adventum duæ ecclesiæ tempore Romanorum extrectæ superfuerint, Christi<sup>w</sup> in urbis medio, et Martini prope urbem posita: in altera hac Luidhardum Francorum episcopum, Berthæ<sup>x</sup> reginæ e regia Francorum stirpe adjutorem fidei datum, sacra peragere solitum ex Beda intelligimus: "Erat<sup>y</sup>," inquit ille, "prope ipsam civitatem ad orientem, ecclesia in honorem sancti Martini antiquitus facta, dum adhuc Romani Britanniam incolerent: in qua regina orare consueverat." Quantam vero amicitiae conjunctionisque necessitudinem Galliæ et Britanniae doctores secum olim habuerint, commemorare nihil est opus.

Lucium regem "viros doctos summa prosecutum esse

<sup>u</sup> Jo. Leland. assert. Arturii, fol. 7.

<sup>w</sup> Bed. lib. 1. hist. cap. 33.

<sup>x</sup> Ibid. cap. 25.

<sup>y</sup> Ibid. cap. 26.

benevolentia et honoribus," in quarto Britannicæ historiæ libro, affirmat Ponticus Virunnius. Præ aliis vero Cantabrigienses ab<sup>z</sup> illo ornatissimi fuisse, sunt qui ex duabus chartis regiis probare contendunt; Arthuri altera, quæ anno ab incarnatione Domini DXXXI. septimo die Aprilis in civitate Londinensi, Cadwalladri<sup>a</sup> regis altera, quæ Cantabrigiæ anno ab incarnatione Domini DCLXXXV. data fuisse fingitur: in qua utraque privilegii a Lucio rege academiæ indulti fit mentio; cujusmodi ab Eleutherio quoque papa concessum fuisse, ex illa Honorii<sup>b</sup> I. Romani pontificis nomine venditata bulla astrarere nituntur; quæ apud Sanctum Petrum anno ab incarnatione Verbi DCXXIV. vicesimo die mensis Februarii, scripta fuisse dicitur: cui et aliud ex memoriali historiarum petitum testimonium adjungit Johannes Caius, in libro de Cantabrigiensis academiæ antiquitate primo; per<sup>c</sup> Elvanum et Medwinum "Academiæ Cantabrigiensi generalis studii confirmationem, aliaque privilegia Eleutherium misisse."

At in illo exemplari, quod in honoratissimi domini Lumlæi bibliotheca vidit, nihil hujusmodi inveniri testatus est Brianus Twinus<sup>d</sup>: et commentitia esse res ipsa clamat, tum ista, tum quæ istis consimilia in historiæ Cantabrigiensis libro<sup>e</sup> primo, ab eodem Caio referuntur. Lucium regem Cantabrigiam venisse: eique ex sanctorum virorum, qui Christum professi sunt et Cantabrigiæ studebant, prædicatione persuasum esse, non fuisse vana quæ de Deo et Trinitate divulgata sunt. Elvanum item et Medwinum Roma reversos, Cantabrigiam parentem suam adiisse; illico anno Domini CLXVIII. postquam multum varieque cum philosophis disputassent, uno die et philosophos omnes et hominum millia baptizasse. Ubi ad Elvanum et

<sup>z</sup> Caius de antiquit. Cantabrig. academ. lib. 1. pag. 51. Twinus, antiquitat. Oxoniens. academ. lib. 1. pag. 45. qui deinde usque ad pag. 60. diploma hoc falsi convincit Vid. supr. cap. 4. pag. 71.

<sup>a</sup> Caius, de antiquit. Cantabrig. academ. lib. 1. pag. 72. Twinus, pag. 89. qui de hujus diplomatis fide deinceps disserit, usque ad pag. 95.

<sup>b</sup> Caius, de antiquit. Cantabrig. academ. lib. 1. pag. 58, 59. Twinus, pag. 61. qui hujus Bullæ examen subjicit, usque ad pag. 77.

<sup>c</sup> Caius, de antiquit. Cantabrig. academ. lib. 1. pag. 76.

<sup>d</sup> Twinus, antiquit. Oxon. lib. 1. pag. 56.

<sup>e</sup> Cai. histor. pag. 22, 23.

Medwinum tralit, quæ de Fagano et Damiano scripserat, quem hic solum authorem ille habuit, Nicolaus Cante-lipus Carmelita. Sic enim ille in historiola Cantabrigiæ : “ Ad eam civitatem rex Lucius cum venisset, et de trino Deo simplici et uno cum esset informatus dictis poetarum et oraculis prophetarum; mysterium fidei scire cupiens, ad papam Elentherium epistolas direxit, petens ab eo Christianitatem recipere. At beatus pontifex duos religiosos doctores, Faganum et Damianum misit ad illum : qui Christi incarnationem prædicantes, ipsum sacro baptimate abluebant, et ad Christum converterunt. Nec mora, philosophi civitatis Cantabrigiæ venientes, veniam de commissis petentes, fidem baptismatis cum effectu debite recipientes, gloriam dederunt cum laudibus Altissimo : quorum exemplis populi undique mundati cœlesti regno restituuntur. Tandem doctores prædicti, cum per insulam verba vitæ seminassent, accesserunt Cantabrigiam : ubi post multas et varias disceptationes cum philosophis, baptizati sunt uno die ex ipsis tria millia virorum, deinceps in Christo per fidem credentes ; qui in amore fraternitatis legeim Christi jugiter prædicaverunt, signa et prodigia pariter ostendentes.” Hæc ille.

“ Academiam quoque Banchorensem, in gratiam bonarum artium et virorum literatorum, fundavisse Lucium” affirmat Pitsius<sup>f</sup>. Eam “ sub Lucio inchoatam, postea a Congello Bangorensi in monasterium monachorum mutatam fuisse, cum annos CCCL. perstitisset,” ex Guolph-gango Justo refert Caius<sup>g</sup>. De Bangorensi nempe cœnobio, ad marginem Gildæ a se editi, Polydorus Vergilius ista annotaverat : “ In eo fuisse ferunt amplius duo millia monachorum ; qui circiter annum salutis. CLXXXII. Lucio rege, Christianum dogma receperunt retinueruntque in posterum tempus ;” et de Congello addidit postea Balæus<sup>h</sup>; atque eum, uti solet, secutus Pitsius<sup>i</sup>: “ Ban-nochorense Christianorum philosophorum collegium, quod

<sup>f</sup> Pits. de Brit. script. num. 22.

<sup>g</sup> Cai. de antiquitat. Cantebrig. lib. 1. pag. 149. Franc. Sweertius, in academi-arum catalog. Athenis Belgicis præfixo.

<sup>h</sup> Bal. scriptor. Britan. centur. 1. cap. 53.

<sup>i</sup> Pits. de Brit. script. num. 56.

a Lucii regis tempore trecentos circiter et quinquaginta duraverat annos, in monachorum sub apostolici ordinis titulo cœnobium permutavit, ex illius præposito anno Christi DXXX. primus abbas effectus." Atqui Congellus, sive Comgallus, Hibernus fuit non Britannus; et Bangorense cœnobium ab ipso institutum, non illud in Britannia, sed alterum in Ultonia juxta sinum Fergusianæ Petræ possum: de quo, suo loco<sup>k</sup>.

Neque minori etiam errore, Bangorense hoc monasterium in Flintensi agro situm cum sede episcopali Bangorensi in Arvonia ad Menaium fretum constituta confudit Guilielmus Malnesburiensis. Sub finem enim libri quarti de gestis pontificum, Hervæum primum Eliensem episcopum, causatum quod sibi et Wallensibus non conveniret, spe majorum divitarum sedem Bancorensem dimisisse docens, subjicit: "Est enim Bancor in ipsis Wallis monasterium quondam nobile, et tot habitatoribus plenum ut, sicut Beda<sup>l</sup> refert, si in septem partes divideretur, non minus quæque portio quam trecentos homines haberet: sunt certe adhuc ibi tot semiruti parietes ecclesiarum, tantæ turbæ ruinarum quantæ vix alibi." Et libro primo de regum gestis, capite tertio, Ethelfridi Northanhumborum regis res enarrans: "Testis," inquit, "est Legionum civitas, quæ nunc simpliciter Cestra vocatur, quæque ad id temporis a Britannis possessa, contumacis in regem populi alebat superbiam: ad cuius oppugnationem cum inten- disset animum, oppidani qui omnia perpeti quam obsidionem mallent, simul et numero confisi, effuse in bellum ruunt; quos ille insidiis exceptos fudit fugavitque prius in monachos debacchatus, qui pro salute exercitus suppli- caturi frequentes convenerant. Quorum incredibilem nostra ætate numerum fuisse indicio sunt in vicino cœnobio tot semiruti parietes ecclesiarum, tot anfractus porticuum, tanta turba ruderum, quantum vix alibi cernas. Vocatur locus ille Banchor, tunc monachorum famosum receptaculum, nunc mutatus in episcopatum." Sed rectius

<sup>k</sup> Post. cap. XVII.

<sup>l</sup> Bed. histor. lib. 2. cap. 2.

novam illam Bangoriam a vetere distinxit Johannes Rossus : “ Mailgo<sup>m</sup> rex erexit novam civitatem Bangor super fluviū Meanath in Wallia. Erat enim altera Bangor super Dee fluvium ; ubi Ethelfridus monachos occidit in Wotton non longe a Cestria.” Et Johannes Caius : “ Cum<sup>n</sup> Bangoriam dico, monachorum intelligo, quæ circiter octo<sup>o</sup> passuum millibus a Cestria urbe distat; non apostolorum, quæ hodie sedes episcopalē est propter mare in Cambriæ parte septentrionali. Hæc academia ab urbe Bannochoria aberat mille passibus, ut audio : sicuti olim Atheniensis academia, quæ in agro Atheniensi loco sylvoso ut, Horatius ait, posita, mille passibus ab urbe distabat.”

Quid autem Caium moverit, ut alteram Bangoriam monachorum, alteram apostolorum appelle, haud facile dixerim: nisi quod in posteriore, quæ ad prioris differentiam Banchor vaur, id est, Bangoria magna a Britannis dicta fuit, eruditorum apostolicique ordinis collegium a Daniele primo loci illius episcopo institutum, apud Balæump fortasse legerit; quanquam in priore quoque illa apostoliconrum<sup>o</sup> hominum collegium et apostolici<sup>r</sup> ordinis monachos apud eundem invenire similiter potuisset. Stetit vero celeberrimum hoc monasterium in regiuncula quam Cambro-Britanni Maelor Saesneg sive Mailoriam Anglicam vocant: nihilque sui hodie habet reliquum, præter duarum portarum, plusquam dimidiati milliarii spatio disjunctarum, nomina quarum borealior Port Hogan, australior Port Clais appellatur: medio inter utramque loco intercurrente Deva fluvio, et antiquis ædificiis in agros conversis; a quorum cultoribus monachorum ossa et vestimenta, cum saxis quadratis et Romanorum nummis, erui aliquando solita, ex Johannis Lelandi commentariis refert Guilielmus Harrisonus<sup>s</sup>.

<sup>m</sup> Hist. reg. Engl. pag. 66. 67.

<sup>n</sup> Cai. de antiquit. Cantebr. lib. 1. pag. 149.

<sup>o</sup> Decem milliaria numerat Ranulphus Cestrensis, in polychronic. lib. 4. cap. 31.

<sup>p</sup> Jo. Bal. cent. 1. cap. 53.

<sup>q</sup> Ibid. cap. 74, et 70.

<sup>r</sup> Ibid. cap. 53.

<sup>s</sup> Harrison. descript. Britann. lib. 1. cap. 14.

Defuncto, vel, ut alibi traditum, non comparente Lucio, regiam stirpem in Britannia defecisse, ex Scotichronicō supra<sup>t</sup> retulimus. Et quidem comparere desiisse scribit Galfridus Malmesburiensis: in patria defunctum esse, Galfridus Monemuthensis et reliqua Britannicorum scriptorum turba affirmat: quod “neque cum annalibus privatis nostris,” inquit M. Velserus<sup>u</sup>, “neque cum tabulis ecclesiæ Curiensis, quæ nonnullis publici juris auctoribus juvantur, convenit. His quippe relatum, Lucium relicto regno, cuiusmodi exempla prisca ætas plura tulit, magna terrarum spatia obivisse, ut pietatem qua ipse imbutus alios doceret.” In privatis quos commemorat annalibus est Sigismundi Meisterlini manuscriptum chronicon: (Augustanum, ni fallor, Sigismundi religiosi illud est chronicon, quod a Velsero acceptum, cum aliis rerum Germanicarum scriptoribus a Johanne Pistorio postea est evulgatum:) inter auctores vero publici juris factos præcipuum locum obtinet Romanum martyrologium; in quo, III. Nonas Decembris, “Curiæ in Germania S. Lucii Britannorum regis, qui primus ex iis regibus Christi fidem suscepit tempore Eleutherii papæ,” memoria celebrari dicitur; quo codem etiam die notat Hertmannus Schedelius<sup>w</sup> celebrem haberi festivitatem Lucii Anglorum regis, Coilli regis filii, quem “totam Bavariam et Rhætiam inter Alpes Christo acquisivisse” ait. “Relicta enim patria regnoque, Galliam ingressum esse” narrat, “deinde Rhætiam petuisse, per Augustam civitatem ad Curiensem urbem profectum, hos populos Domino subjugavisse, atque virtute ac miraculis clarum ibi in pace quievisse.” De quo etiam author vetustior Notkerus Balbulus in martyrologio suo, ad VIII. Kalendas Junii similiter scribit: “Lucius, spretis omnibus mundanibus rebus nudus et expeditus peregrinatione suscepta, partem Baioriorum et totam Rhætiam inter Alpes sitam miraculis et prædicationibus ad fidem Christi convertisse creditur. Cujus sepulchrum (id est, qui in Rhætia

<sup>t</sup> Sub fin. cap. 3. pag. 63.

<sup>u</sup> Velser. rerum August. Vindelic. lib. 6. ad ann. Dom. 179.

<sup>w</sup> Schedel. chronic. in sexta ætate mundi.

requiescit, sive rex quondam ille, sive quicunque servus Dei fuerit) creberrimis virtutibus illustratur."

Hinc vero contra Anglos validum scilicet ex Anglis ipsis argumentum torquet Dempsterus<sup>x</sup>. De Oswaldo Northanumbrorum rege, anno DCXLII. perempto, scripserat Guilielmus Malmesburiensis<sup>y</sup>, fuisse illum, "qui genti suæ primitias sanctitatis dederit: quippe nullus," inquit, "ante illum Anglus miraculis quod sciām claruerit." Unde concludit disputator subtilis, sequi alterutrum. "Vel S. Lucius miracula non patravit, vel Anglus non fuit." Latetebat nimirum illum hoc volentem, ex alia gente fuisse Lucium, ex alia Oswaldum: Anglum hunc, Britonem illum. Ut enim demus in ea Britanniae parte, quæ hodie Anglia dicitur, regnavisse Lucium, eaque ratione a Schadelio et aliis, Anglorum regem καταχρηστικῶς esse appellatum: nostrarum tamen rerum admodum imperitum esse oporteat, qui Anglorum gentem illis temporibus in ulla Britanniae parte consedisse sibi persuaserit. Adde, quod in Britannia Lucium miracula patravisse nusquam sit proditum: ut sive Britonum sive Anglorum regem quisquam illum fuisse statuerit, non aliud inde inferri posset, quam quod ab Achille Gassaro<sup>z</sup> in Augustanæ urbis descriptione est assertum; Lucium qui Vindelicis et Rhætis Christum annunciat, diversum fuisse "a Britanniae illo rege, qui circiter annum Domini CXC. floruit, et patria nequaquam exiens, pie apud suos obdormivit."

Verum ista in medio reicta controversia; quæ de Lucii hujus peregrinatione et martyrio a Johanne Stumpfio<sup>a</sup>, ex tabulis ecclesiæ Curiensis, et aliis auctoribus<sup>b</sup> sparsim tra-

<sup>x</sup> Dempster. apparat. ad histor. Scotic. pag. 144.

<sup>y</sup> lib. 1. gest. reg. Anglor. cap. 3.

<sup>z</sup> Munster. Cosmograph. lib. 3. pag. 603.

<sup>a</sup> Stumpf. chronic. Helvet. lib. 10. cap. 15.

<sup>b</sup> Sigismund. in chronic. Augustan. ecclesiastic. cap. 3. Hertman. schedel. ætat. 6. Ægid. Tschud. in Rhætiæ Alpinæ descript. tom. 1. scriptor. German. a Sim. Schardio edit. pag. 543. Achill. Gassar. apud Munster. loco jam notato et Martin. Crusium, in Suevicorum annualium paralipomen. cap. 18. Gasp. Bruschius, de German. episcopat. cap. 3, et 8. Jo. Bal. script. Britan. cent. I. cap. 29. Magdeburgens. cent. 2. cap. 2. col. 9. Guil. Eisengreyn. centenar. 2. part. 4. dist. 7. Henr. Pantaleon, de viris illustr. German. part. 1. Baron. notat. in

dita reperi, lectori consideranda hic exhibeo. Non tam regno quam omni mundi cultu relicto, Gallias prædicandæ veritatis causa primum petiit; inde transmisso Rheno in superiorem Germaniam concessit; ut Christum Germanis adhuc idololatris concionaretur, et eos ad Christum converteret; tum in Bavariam perveniens, Salisburgi prædicavit: et ad Danubium hærens, ejus regionis incolas in vera religione instituit. Deinde Augustam Vindelicorum celebrem urbem petiit: ibique et in Suevia passim prædicavit Christum. Cui cum multi erederent, inter quos Campestrii viri primarii nomen hodieque celebratur; ædi- eulam illam Augustæ positam ferunt, quæ, multis post seculis aucta, a Leone IX. pontifice anno Christi MLI. Sancto Gallo dicata est. Cum vero plures essent, qui Sylvani et Cybeles cultum novæ huic doctrinæ præferrent: pium Christi præconem primo convitiis incesserunt, lapi- dum dein jactu' petierunt, in puteum demum male mulctatum deturbarunt; unde piorum auxilio ægre semianimis extractus, et sanatus, in Alpinam Rhætiam concessit. Iter autem ingressus periculosum, colle illum supra arcem Gutenburgam transcendit, qui usque ad tempora nostra S. Lucii clivus<sup>e</sup> appellatur: atque in regione, ubi jam est urbs Chura sive Curia, et pago Tigurino strenuum se evangelii præconem gessit; et Curiensis ecclesiæ episcopus effectus, plures homines a tenebris ad lucem convertit. Est Churæ extra urbis muros cœnobium S. Lucii pervetustum, in vi- tifero colle situm, quod ab eo cœptum et oratori loco conditum aiunt.

Cum autem in Churiensi provincia, in qua potissimum vixit, idololatricas opiniones reprehenderet, et fidem Christi cum suis amplificare ac propagare non desineret; atque Romani eam religionis mutationem ferre non posse- sent: Antoninus Verus imperator, qui Christianos tuu- persequebatur, eum de religione tentavit; et cum nolle-

martyrolog. Roman. Decemb. 3. M. Velser. rer. Augst. Vindelic. lib. 6. ad ann. Dom. 179. Franc. Guilliman. de rebus Helvetiorum, lib. 1. cap. 15. Petrus Merssæns Cratepol. in libello de sanctis Germaniae, in Lucio: et in Treveren- sium archiepisc. catalogo. num. 20.

<sup>c</sup> Steig.

abnegare, occidi jussit. Continuit is se aliquamdiu in quadam montis caverna supra Curiam: sed tandem ab infideli populo et præfecto regionis illius ex spelunca sua ad Martis castrum sive arcem Martiolam perductus, juxta urbem Curiensem tertio die Decembris martyrio occubuit. Trimis quoque sive Trumontii pro Christi nomine ignis supplicium passa est soror ejus Emerita; quæ totam fere Rhætiam ad cultum Christi adduxisse fertur. Philippus Ferrarius, in catalogo sanctorum qui in martyrologio Romano desiderantur, ex tabulis et breviario ecclesiæ Curiensis, Decembris die quarto, Curiæ in Rhætia, sed ex kalendario et breviario Scotico, Maii vicesimo sexto, Trumontii in Scotia, sanctæ Emeritæ virginis memoriam celebrari notat: addens, "Trimontium oppidum esse in ora occidentali Scotiæ, ab ostio Solvei ad sex millia passuum, hodie Atterith" appellatum; in quo a Dempstro, quem in Scoticis ducem maxime infidulum sequi solet, in errorem proculdubio est inductus. Nam licet eo loci Trimontium a Ptolemæo collocari non inficer: tamen Trimontium illud sive Trimas, ubi martyrium Emerita subiisse dicitur, castellum urbi Curiensi finitimum fuisse docet Schedelius; ab ea videlicet unius horæ spatio distans, ut, qui loca ista optime novit, Ægidius Tschudus clarius confirmat.

Dempsterus vero<sup>d</sup> Emeritam, fratrem in Helvetios secutam, religioso fine Eremitidem ibi decessisse ait, anno CLXXVIII. At Lucium anno CLXXVI. in Bavariam venisse, Tschudus; CLXXVII. in Rhætia et pago Tigurino evangelium prædicasse, Guillimannus; anno circiter CLXXXIV. Augustæ docuisse, significat Martinus Crusius. Annum circiter CLXV. martyrio ejus Petrus Cratepolius; CLXXVI. tribuit Henricus Pantaleon. Neque de principio et fine regni apud Britannos major est consensio. Cum enim Galfridus Monemuthensis, et alii capite<sup>e</sup> tertio a nobis commemorati, anno ab incarnatione Domini CLVI. Lucium ab hac vita migravisse asserant: circa illum annum regnare cœpisse, Malmesburiensis mo-

<sup>d</sup> Dempster. histor. eccles. Scotor. lib. 5. num. 483.

<sup>e</sup> Supr. pag. 53.

nachus anonymius, in quinto eulogii sui libro, significat. Johannes Caius, historiæ Cantabrigiensis aademiæ libro primo, eodem illo anno, quem regni XIII. numerat, eonsilium suum de recipienda fide eum Eleutherio Romano pontifice eum ecommunicavisse narrans, initium regni in anno CXLIV. ea ratione colloeat. Polydorus Vergilius, anno quidem regni XIII. mentem suam regem pontifici aperuisse non diffitetur: sed annum illum salutis humanæ CLXXXII. fuisse statuens, atque annos alterum et XX. regnavisse eum adjieiens, in annum CLXX. initium, in annum CXCI. finem regni eonjicit. Johannes Stowæus anno CLXXIX. regnum adiisse, et annos XII. regnavisse dicit: in numero annorum regni cum Caxtono, Balæo, Graftono, et Riehardo Vito Basinstoehio; in anno mortis, qui hæ quoque ratione CXCI. eonsurgit, eum Polydoro Vergilio conveniens. Matthæus Florilegus, anno gratiæ CXV. natum illum affirmat, anno CXXIV. regni diademate insignitum, et anno CCI. vita functum: Sarisburiensis quoque eeclesiæ ehronio et tabula pensili eeclesiæ S. Petri in Cornhill, consentientibus; in quibus, anno gratiæ CXXIV. coronatio Lueii regis Christiani, regnantis LXXVII. annis adserpta legitur. Totidem etiam regni annos, ex Paulinæ eeclesiæ apud Londinenses tabula pensili, assignat illi Robertus Fabianus<sup>f</sup>.

Ranulpho<sup>g</sup> Cestrensi, eirca primum annum Marci Antonini, qui illi est Christi CLXII. Lucius coepit regnare apud Britones. Annum CLXIV. antiquitatum Wintoniensis eeclesiæ collector ejus principio assignat; CLXV. Guilielmus Harrisonus et Raphael Holinshedus; CLXXX. Petrus Piccavensis eumque secutus Fabianus, Lanquetus et Graftonus; CLXIV. scriptor annualium, quos ad annum MCCCLXIV. productos MSS. habeo. In deflorationibus Galfridi, quæ Alphredo Beverlacensi tribuuntur, anno ab incarnatione Domini CLXXXVI. ab hæ luee migravisse dicuntur. Juxta Fabiani rationes, cirea annum CXCH. deeessisset. Alii, apud Nauelerum, anno CLXX. alii, apud Holinshedum,

<sup>f</sup> Fabian. chronic. Anglie. part. 3. cap. 60.

<sup>g</sup> Ranulph. polychronic. lib. 4. cap. 16.

anno CCVIII. obiisse malunt. Robertus Glocestrensis circa annum CLXVI. potius. Anno enim CLXII. baptizatum, et circiter quadriennium postea Glocestriæ decessisse scribit: "A plurimis historicorum nostrorum," inquit Franciscus Godwinus, "traditum comperi, mortem obiisse Glocestriæ, anno postquam Christianæ religioni per baptismum initiatus est decimo quarto, aut ut quidam volunt decimo." Regni sui anno LXVII. in Halensis monasterii chronicò, XLIII. in genealogico de gestis Anglorum, vitam finiisse scribitur. Author chronicæ, quod appellatur Brutus, mortuum scribit, postquam regnaverat L. annos: alii, postquam XXX. Johannes Hardingus annos regni LIV. illi tribuit: ac inter illius obitum et Severi adventum in Britanniam quadriennii interstitium constituit; quod posterius a Matthæi quoque Florilegi et Polydori Vergilii rationibus non est alienum: licet Fabianus et Graftonus, et Richardus Vitus quindecim, Caxtonus quinquaginta, Eulogii author plurimum etiam quam quinquaginta annorum spatiū interponendum censeat. Nos in tanta scriptorum dissensione eo potissimum inclinamus, ut tertii a Christo sæculi anno primo Lucium vita excessisse dicendum existimemus; annis post susceptam fidem XXV. atque septennio fcre ante expeditionem Severi Britanicam; quandoquidem in annum illum CCI. non Sarisburiensis solum ecclesiæ annales, et chronicam Britonum abbreviatam, et tabulas quas citavimus Londinenses; sed etiam Rogerum Wendoverium, Matthæum utrumque (Parisiensem et Westmonasteriensem) una cum Roffensi historia, consentire animadvertisimus.

Ad sepulturae locum quod attinet: "ex Rhætia ejus corpus in Britanniam reportatum, Claudiocestriæ honorifice sepultum esse fertur;" si Richardo Vito credimus: nam Britannici historici Claudiocestriæ, sive Glocestriæ, et mortuum et sepultum esse ferunt. "Secundum quædam chronica Londini sepultus est, secundum alia Glocestriæ, eo in loco ubi nunc ordo S. Francisci consistit:" ait Loudinensis Cornhillanæ tabulæ exarator: quod tamen de Loudinensi Lucii sepultura in unico Sarisburiensis ecclesiæ chronicò reperire me memini. Scripserat

nimirum Galfridus Monemuthensis<sup>h</sup>, eumque secuti, Matthæus Parisiensis et Westmonasteriensis, et alii plures, “in urbe Claudiocestriæ ab hac vita migravisse, et in ecclesia primæ sedis honorifice sepultum esse:” unde fortasse in una e tribus archiepiscopalibus sedibus tumulo mandatum suspicati sunt aliqui: quum non aliud voluerit Galfridus, quam quod in magna Wintoniensis ecclesiæ tabula est expressum; “Regem Lucium sepultum esse Gloucestriæ in ecclesia primæ sedis,” id est, in urbis Glocestrensis ecclesia cathedrali; quo sensu ecclesiæ primæ sedis Wintoniæ alibi<sup>i</sup> apud eundem facta habetur mentio: sicut et Glocestrensum episcoporum, Eldadi<sup>k</sup> et Theoni<sup>l</sup>: ne quis ab Henrico VIII. Glocestriam sede episcopali primum ornatam fuisse hic objectet. Epitaphii vero locum supplerint canonici isti, a superioris ævi monachis conscripti versiculi<sup>m</sup>:

Lucius in tenebris prius idola qui coluisti,  
Et merito celebris ex quo baptismus subisti.  
Cœlestis medici merito curam meruisti,  
Omine felici, lotus baptismate Christi.

<sup>h</sup> Galfrid. hist. Britannic. lib. 5. cap. 1.

<sup>i</sup> Id. lib. 18. cap. 17.

<sup>k</sup> Id. ibid. cap. 7.

<sup>l</sup> Id. lib. 11. cap. 3.

<sup>m</sup> Apud Johannem Fiberium sive Bever, et chronicam Britonum abbreviatam.

## CAP. VII.

De fide a Britannis usque ad Diocletiani tempora conservata: cum Origen s  
et Tertulliani ea de re testimonio. De Mellone Britanno, Rothomagensium  
præsule. De sævissima hic a Maximiano Herculio excitata persecutio; et  
passis in ea Albano, Amphibalo, Julio, Aarone, Socrate, Stephano, Augilio,  
et aliis innumeris. De pace Britanicis ecclesiis, altero post cœptam persecu-  
tionem anno, a Constantio Chloro Augusti Constantini magni patre restituta.

BRITANNOS susceptam fidem usque ad Diocletiani tem-  
pora integrum et intemeratam in pace servavisse, et nostri  
tradiderunt authores et exteri. Beda, libro primo historiæ  
ecclesiasticæ, capite quarto; annales Anglo-Saxonici, Ivo  
Carnotensis in chronicō, Gotcelinus Bertinianus, in majore  
historia vitæ Augustini, capite trigesimo et secundo; Flo-  
rentius Wigorniensis, Galfridus Monemuthensis, Britanni-  
carum historiarum libro quinto, capite quinto; Henricus  
Huntingtoniensis historiæ libro primo; Radulphus de Di-  
ceto, Johannes de Taxster, Radulphus de Baldoc Londi-  
nensis episcopus, Ranulphus Cestrensis, in polychronici  
libro quarto, capite decimo sexto; Thomas Rudburnus in  
minore chronicō, Abingdonensis liber, annales de Winch-  
combe, Lacock, Kirstall, &c. Henricus Marleburgensis,  
Johannes Geerbrandus Leydensis in chronicō Hollandiæ,  
libro secundo, capite primo; Ponticus Virunnius, historiæ  
Britannicæ libro quinto. Johannes Major, de gestis Scoto-  
rum libro primo, capite decimo tertio, et Polydorus Vergilius,  
historiæ Anglieæ libro secundo. Quos omnes in re non  
admodum necessaria testes advocare libuit; ut duorum  
recentiorum scriptorum, Britannicæ gentis gloriæ iniquio-  
rum, Guilielmi Paradini et Thomæ Dempsteri comprime-  
retur audacia.

Eorum enim alter “ post<sup>a</sup> Lucium ita fidem refrixisse affirmat, ut tractu temporis divini cultus Barbari sint obliiti, et ad Deorum Gentilium nugas revoluti : atque in ea cæcitate vixisse addit, usque ad tempora Edvyni<sup>b</sup> regis Angliæ, et annum salutis humanæ DCVIII.” Alterius, eo dementior quo confidentior, est hæc assertio : “ Si<sup>c</sup> vera est de Lucio Britannorum rege relatio: certum est, rege fidem amplexo, populum infidelem quingentis annis totis permansisse, ut sequenti capite dicetur.” Deinde in illo capite multa accumulat testimonia, quibus probet Gregorii I. temporibus, Augustini et sociorum opera, Anglos Christianam fidem suscepisse: ac demum, quasi re plane confecta, hunc sibi canit triumphum. “ Haec satis arbitror ad refellendas aniles de Lucio rege fabulas, ex Gallis, Germanis, Italibus, ipsis Anglis.” Neque interim advertit, insaniire se solennia, ridendumque se omnibus propinare ; dum diversissimas gentes inter se confundit, et conversionem Britonum a conversione Anglorum vel nescivit vel noluit distinguere.

De Anglis quidem Sigebertus Gemblacensis in chronicō ad annum DXCIX. ea scripsit, non quæ ex eo citavit hic Dempsterus : “ Nondum verbum vitæ audierant Edilbertus rex Anglorum qui Cantuarii vocantur ; ita nec Mercii, nec gens Nordanymbrorum, sub regibus Adilfrido et Aelle :” sed ista : “ Edilbertus rex Anglorum, qui Cantuarii vocantur, prædicante Augustino, cum gente sua, baptizatur. Porro gens Anglorum qui Mercii dicuntur et gens Nordanymbrorum, qui, quod ad aquilonarem partem Humbri fluminis habitent, ita vocantur, sub regibus Edilfrido et Aelle nondum audierant verbum vitæ.” De veteribus tamen Britannis scripserat jam idem, in ipso operis proœmio. “ Hi tempore Marci Antonini Veri, instantia Lucii Britanicarum regis, per legatos Eleutherii papæ mysteria Christianitatis susceperunt ; in qua aliqui eorum usque ad martyrii coronam provecti sunt.” Eandem etiam distinctio-

<sup>a</sup> Paradin. Anglicæ descript. compend. cap. 22.

<sup>b</sup> Regis Nordanhumborum, quem ann. 627. a Paulino baptizatum constat.

<sup>c</sup> Dempster. apparat. ad histor. Scotic. cap. 7.

nem observavit, inter exteros, Alanus de Insulis : “ Cum<sup>d</sup> Britones a tempore Eleutherii, qui fuit decimus quartus a B. Petro apostolo, per gloriosæ memoriae Lucium regem suum Christianitatem suscepissent: Saxones in cultu Dæmonum usque ad adventum Augustini, a beato papa Gregorio missi, perstiterunt :” et Martinus Polonus, in chronicō; “ Anno decimo quarto Mauricii, B. Gregorius misit in Angliam Augustinum monachum, pro conversione Saxonum, qui de novo Britanniam intraverant. Nam Britones, de quibus adhuc Galenses remanserunt, ab Elethero papa diu ante Christiani facti fuerunt.” Ex quo deducit Alphonsus Garsias de sancta Maria, Castellani regis nominis cum legatis Anglicanis in Basileensi<sup>e</sup> concilio discep-tans, “ quod illud quod dicitur de temporibus Gregorii, intelligitur de Britannis qui et Angli dicuntur: illud vero quod dicitur de temporibus Eleutherii, intelligitur de Britonibus Britonantibus (ita enim loqui illi libuit) seu Galen-sibus:” et hoc quoque modo ad argumentum Anglorum, de antiquitate fidei jam inde ab Eleutherii temporibus apud ipsos receptæ, responderi posse addit, “ Illa tota gens quæ tunc erat in Anglia fuit expulsa per Saxones, qui erant infideles, et suscepserunt fidem temporibus Gre-gorii papæ et Mauricii imperatoris; ut patet in chronicis. Non ergo sunt tempora computanda a gente prima quæ totaliter est expulsa, sed a tempore Saxonum qui Angliam occuparunt, et de quorum genere Anglii descendunt.”

At antiquitatem illam fidei apud ipsos Britannos aliquantulum minuere videri posset Origenis hoc testimonium, tractatu vigesimo et octavo in Matthæum. “ Quid dicamus de Britannis, aut Germanis, qui sunt circa Oceanum, vel apud Barbaros, Dacos, et Sarmatas, et Seythias? quo-rum plurimi nondum audierunt evangelii verbum; audi-turi sunt autem in ipsa seculi consummatione.” Verum præterquam quod docti dubitent, an ista tribui debeant Origeni; non aliud hinc elicetur, quam in hisce gentibus extitisse plurimos qui nondum audiverint evangelii ver-

<sup>d</sup> Alan. explanat. prophet. Merlin. lib. 1.

<sup>e</sup> Ex actis concilii Basileensis, MSS.

bum, quod ut nos facile concedimus ; ita nec Origenem negaturum scimus, complures in iisdem gentibus evangelii verbum suscepisse. Sic enim scribit ipse, in Ezechielem homilia quarta. “ Quando enim terra Britanniæ ante adventum Christi in unius Dei consensit religionem ? quando terra Maurorum ? quando totus semel orbis ? Nunc vero propter ecclesias, quæ mundi limites tenent, universa terra cum lætitia clamat ad Dominum Israel, et capax est bonorum secundum fines suos : ” et in Lucæ caput primum homilia sexta, “ Virtus Domini Salvatoris et cum his est qui ab orbe nostro in Britannia dividuntur, et cum his qui in Mauritania, et cum universis qui sub sole in nomine ejus crediderunt.” Idem Περὶ ἀρχῶν libro quarto “ Inf’ omni orbe terrarum, in omni Græcia, atque universis cæteris nationibus, innumeri sunt et immensi, qui relictis patriis legibus, et his quos putabant Deos, ad observantiam Mosaicæ legis, et disciplinam se Christi cultumque tradiderunt.”

A Tertulliano quoque ante Origenem, in censem gentium suo tempore Christo creditum referuntur “ Getulorum<sup>g</sup> varietates, et Maurorum multi fines, Hispaniarum omnes termini, et Galliarum diversæ nationes, et Britannorum inaccessa Romanis loca, Christo vero subdita ; et Sarmatarum, et Dacorum, et Germanorum, et Scytharum, et abditarum multarum gentium, et provinciarum et insularum multarum nobis ignotarum, et quæ enumerare minus possumus. In quibus omnibus locis Christi nomen, qui jam venit, regnat”, inquit ille : et pauculis interjectis, “ Germani adhuc usque limites suos transgredi non sinuntur. Britanniæ intra Oceani ambitum conclusæ sunt. Maurorum gens et Getulorum barbaries a Romanis obsidentur, ne regionum suarum fines excedant. Quid de Romanis dicam, qui de legionum suarum præsidiis imperium suum muniant, nec trans istas gentes porrigere vires regni sui possunt ? Christi autem regnum et nomen ubique porrigitur, ubique creditur, ab omnibus gentibus supra enumeratis colitur, ubique regnat, ubique adoratur.” Arnobius libro secun-

<sup>f</sup> Clemens Alexandrinus, lib. 5. Stromat. Christum dicit omnibus notum gentibus.

<sup>g</sup> Tertull. lib. advers. Judæos, cap. 7.

do, Christianam religionem fuisse testatur, “In insulis et provinciis omnibus quas sol oriens atque occidens lustrat.”

Neque multum tribuendum est fabulosæ legendæ reginæ Helenæ a Johanne Capgravio editæ; in qua, “Asclepiodoti (qui Allectum, purpuram in Britannia adversus Diocletianum sumentem, e medio sustulit) temporibus, ut multum extincta in regno Britanniæ fides Catholica” esse dicitur. Etsi enim, ut ibi additur, “a tempore Lucii, qui primus fuerat inter Britones rex Christianus, regnum Britannicum usque ad præfatum Asclepiodotum Romanis qui gentiles erant et pagani pro majori parte fuerat subjectum:” tamen, ut reliquias gentes iisdem Romanis subjectas, ita et Britanos nostros inviolatam fidem Christo conservasse, satis testatum reliquit, in immani illa Diocletiani persecutione, quam ipsius Asclepiodoti diebus ortam Britannicah narrat historia, sustainenda, martyrum invicta constantia. Hæc enim persecutio, ut in chronico suo Beda; ejusque insistentes vestigiis Ado<sup>i</sup>, et Freculphus<sup>k</sup>, et Ordericus Vitalis<sup>l</sup>, retulerunt, “tam crudelis et crebra flagrabat; ut intra unum mensem XVII.<sup>m</sup> millia martyrum pro Christo passi inveniantur: et Oceani limbum transgressa, Albanum, Aaron et Julium Britanniae, cum aliis pluribus viris ac foeminis, felici cruento damnavit:” ita quidem ut, præter illos nominatos, alias octingentos octoginta novem numeret Notkerus Balbulus<sup>n</sup>, Christi sectatores innumeros fuisse referat Johannes Nauclerus<sup>o</sup>, qui in una hac insula martyrium perpessi fuerint: ubi tamen non multum ultra unius anni spatium in Christi athletas sævitum fuisse ostendemus.

Ante hanc vero persecutionem, S. Mellonis Britanni (Malloni, Melanii et Melonini aliis nuncupati) celebris extitit memoria: qui, relicta patria, “primus<sup>p</sup> Rotho-

<sup>h</sup> Galfrid. Monemuth. lib. 5. cap. 5.

<sup>i</sup> Ado in chronic. ætat. 6. et martyrolog. Jun. 22.

<sup>k</sup> Freculph. chronic. tom. 2. lib. 3. cap. 15.

<sup>l</sup> Orderic. histor. ecclesiast. lib. 1.

<sup>m</sup> XVIII. leguntur apud Adonem et Ordericum: sed XVII. habet liber pontificalis in vita Marcellini; unde hoc hauserunt reliqui.

<sup>n</sup> Notker. martyrolog. X. Calend. Julii.

<sup>o</sup> Naucler. Chronograph. vol. 2. generat. 6.

<sup>p</sup> Molan. in Usuard. Octobr. 22. ex vetere martyrologio Romano.

magensem ecclesiam archiepiscopus rexisse" dicitur; relicto successore Avidiano sive Avitiano, qui synodo Arelatensi anno CCCXIV. habitæ subscrispsisse reperitur. De his habentur veteres illi Rothomagensis Cleric<sup>a</sup> versiculi:

Antistes sanctus Mallonus in ordine primus  
Excoluit plebem doctrina Rothomagensem.  
Post hunc præcipiuus devotus et Avidianus  
Obtinuit regimen, curam quoque rexit herilem.

Primus quidem ad Rothomagenses S. Nicasius episcopus destinatus fuisse legitur: sed "prisca gentilitas," inquit Ordericus Vitalis<sup>r</sup>, "martyrisato prædicatore, Rothomagum diu possedit; et innumeris idolorum spurciis usque ad sanctum Mellonem archiepiscopum replevit." Hunc ex majori Britannia Romam venientem, a Stephano I. pontifice in fide Christiana instructum, baptizatum, clericum et gradatim sacerdotem ordinatum, atque divino oraculo Rothomagensem episcopum consecratum fuisse anno Domini CCLVI. in natalibus sanctorum canonicorum refert Constantinus Ghinius: actis etiam ejusdem consentientibus, quæ ita rem gestam narrant. "Tempore<sup>s</sup> Valeriani imperatoris Mellonus quidam de majore Britannia oriundus Romam venit; ut patriæ suæ tributum solveret, et imperatori serviret. Ibique, sicut mos erat, cum sociis suis ad templum Martis ductus est ut sacrificaret. Audiens autem Stephanum papam paucis Christianis evangelium Christi prædicantem, verba ejus attendit et credit; baptismum ab eo petiit et accepit."

A Stephano quoque papa ordinatum, et Rothomagum ad prædicandum evangelium missum esse, martyrologium Romanum, ad diem vigesimum et secundum Octobris, et breviarium<sup>t</sup> Rothomagense confirmant: ut et Balæus<sup>u</sup>,

<sup>q</sup> Orderic. lib. 5. hist. pag. 557, 558.

<sup>r</sup> Id. ibid. pag. 555.

<sup>s</sup> Vincent. specul. historial. lib. 11. cap. 74. Johan. Tinmuthens. et Capgrav. in vita S. Mellonis. Petr. de natalib. catalog. lib. 9. cap. 93. Legenda aurea Anglicana, edit. Londini ann. 1512. in vita S. Melonini.

<sup>t</sup> Claud. Robert. in Rotomag. archiepiscop. catalogo.

<sup>u</sup> Bal. scriptor. Britan. centur. 1. cap. 31.

Baronius<sup>w</sup>, ac recentiorum alii: quibus etiam Damasum in pontificali accenset Dempsterus<sup>x</sup>: sed eadem fide, qua Antonium Possevinum<sup>y</sup>, Scotum illum fuisse, affirmare ait<sup>z</sup>, quum de eo Pseudo-Damasus verbum omnino nullum; hæc autem tantum habeat in citato loco Possevinus: “Mellanius Probus, Britannus, scripsit quasdam homiliae. Vivebat anno CCLX.” Nam Scotum ipse Dempsterus et primus et solus fuisse somniavit. Ordericus vero Vitalis<sup>a</sup> tempore Constantii patris Constantini magni “Mallonus cum aliis quibusdam fidelibus Rothomagum incoluisse scribit, et primum ibi volente Deo pontificalem cathedralm obtinuisse: tempore Eusebii papæ et Melchiadis claruisse, undecimoque Calendas Novembbris ad Dominum migravisse, in crypta basilicæ S. Gervasii martyris extra urbem sepultum.” Quam temporis consignationem si sequi volumus, Diocletianeæ persecutioni superstitem illum vixisse dicamus necesse est.

Cœpta ea est, ut ex Eusebio<sup>b</sup> liquet, decimo nono anno Diocletiani, mense Martio, per eos dies quibus Dominicæ passionis memoria celebrabatur, anno æræ Antiochenæ CCCLI. vulgaris nostræ Christianæ CCCIII. in Britannia et reliquo occidente non minorem crudelitatem exercente Maximiano Herculio, quam in oriente ipso Diocletiano. Quomodo autem hæc persecutio Britanniam, ut Beda<sup>c</sup> loquitur, “cum plurima confessionis Deo devotæ gloria sublimavit;” ita explicat Gildas, Britannicorum scriptorum antiquissimus; “Ne penitus crassa atræ noctis caligine Britannia obfuscaretur, clarissimas lampades sanctorum martyrum nobis accendit DEUS: quorum nunc corporum sepulturæ, et passionum loca, si non lugubri divortio barbarorum<sup>d</sup> quamplurima ob sclera nostra civibus adime-

<sup>w</sup> Baron. annal. tom. 2. ad ann. 260. sec. 6.

<sup>x</sup> Dempster. in Menolog. Scotic. Octob. 22.

<sup>y</sup> Apparatus. Sacr. pag. 433.

<sup>z</sup> Dempster in histor. ecclesiastic. Scotor. lib. 12. num. 924.

<sup>a</sup> Orderic. histor. lib. 5. pag. 557, 558.

<sup>b</sup> Euseb. chronic. et histor. ecclesiastic. lib. 8. cap. 2. al. 3.

<sup>c</sup> Bed. histor. ecclesiastic. lib. 1. cap. 6.

<sup>d</sup> Anglo-Saxonas intelligit, qui ipsius tempore adhuc infideles erant.

rentur, non minimum intuentium mentibus ardorem divinæ charitatis incuterent. Sanctum Albanum Verolamiensem, Aaron et Julium Legionum urbis cives, cæterosque utriusque sexus diversis in locis summa magnanimitate in acie Christi perstantes dico." Deinde, descripto S. Albani certamine, de reliquis subdit, " Cæteri vero sic diversis cruciatibus torti sunt, et inaudita membrorum diserpitione lacerati; ut absque cunctamine gloriosi in egregiis Hierusalem veluti portis martyrii sui trophæa defigerent. Nam qui superfuerant, sylvis ac desertis abditisque speluncis se occultavere; expectantes a justo rectore omnium Deo carnificibus severa quandoque judicia, sibi vero animarum tutamina."

Purpurati hujus agminis dux fuit ille primo loco nominatus Albanus, Verolamii (quod Britannorum erat oppidum, suis quidem usum legibus, sed municipi<sup>e</sup>, quo donatum erat jure, munerum<sup>f</sup> et honorum publicorum cum populo Romano particeps) generosus civis: de quo Venantius Fortunatus, in<sup>g</sup> Carmine de virginitate;

Egregium Albanum fecunda Britannia profert.

Et longo post illum intervallo Alexander Necchamus, de Verolamio suo canens:

Hic est martyrii roseo decoratus honore  
Albanus, civis, inclyta Roma, tuus.

Et Johannes de Garlandia libro secundo de triumphis Ecclesiæ:

Bacchatur sanctos dum Maximianus in omnes,  
Albanus martyr Amplibat usque cadunt.

Et hymnus, die<sup>h</sup> S. Albani memoriæ dicato cantari solitus:

Ave protomartyr Anglorum,  
Milcs regis Angelorum;  
O Albane, flos martyrum.

<sup>e</sup> Supr. cap. 5. pag. 82.

<sup>f</sup> A. Gell. Noct. Attic. lib. 16. cap. 13.

<sup>g</sup> Fortunat. lib. 8. carm. 4.

<sup>h</sup> Breviar. Sarisbur. in officio S. Albani.

Hoc enim protomartyris Anglorum titulo, quod in ea Britanniae parte, quæ ab Anglis postea possessa et Anglia dicta est, omnium primus Christi fidem sanguine suo ob-signavit, non apud Ingulphum Croylandensem solum et alios Anglicanos scriptores passim insignitus reperitur; sed etiam in vetere inscriptione, anno MCCLVII. in ecclesia S. Albani a cementariorum ministris eruta; et anno DCCXCIII. ut videtur, Offa regnante posita: cuius anonymous quidam Albanensis monachus ita meminit; “ In mausoleo, inter altare S. Oswini et altare S. Vulstani, sub tabulatu marmoreo et feretro antiquo picto (dum aptitudo fundamenti quæreretur, per strepitum gradientium ab insperato invento) reperta sunt hæc. Panni plumbei, ut vulgariter loquamus, in quibus corpus martyris proximus ponebatur: et quædam lamina plumbea, monopedalis longitudine, et trium digitorum latitudine. In qua, secundum consuetudinem antiquorum, inscriptum et stylo ferreo in-sculptum fuerat hoc: IN HOC MAUSOLEO INVENTUM EST VENERABILE CORPUS SANCTI ALBANI PROTHOMARTIRIS ANGLORUM:” Et in anni illius MCCLVII. historia, Matthæus Parisiensis: “ In mausoleo inventa est quædam lamina plumbea, in qua secundum antiquorum consuetudinem, scriptus est hic titulus, In hoc mausoleo inventum est venerabile corpus sancti Albani protomartyris Anglorum.” Matthæus Westmonasteriensis ad annum DCCXCIV. Anglorum sive Britonum protomartyrem nominat: ubi ad vocem Britonum criticus aliquis notulam hanc apposuit, quæ in libris impressis ex margine irrepsit in contextum: “ Quod solum verum est: quia certum est eum Britonem, non Anglicum extitisse: unde male dicitur, Anglorum protomartyrem:” indeque alteram illam magis propriam appellationem retinuit Thomas Walsinghamius, commune conventus S. Albani sigillum describens: “ in quo” ut inquit ille, “ vetustissimo<sup>i</sup> opere imago gloriosi protomartyris Britannorum Albani figurabatur, tenens in manu palmam.”

<sup>i</sup> Walsingham in histor. Richard. II. ann. 1581.

Thomas Dempsterus<sup>k</sup> Scotum fuisse contendit: eam in rem producto Hartmanni apud Canisium testimonio :

Scotia se Albano felicem martyre clamat;  
Victima qui Christo prima Britanna fuit.

Verum quum in tomis Canisianis hoc frustra quæsiverim : non magis hic apud me fidem suam liberat, quam in illo quod in eodem ipso loco non minori confidentia asseverat ; pervenisse ad se Albani opusculum inscriptum, Christianorum puritas: cuiusmodi libellum, neque ab illo, neque a mortalium omnino quoquam, conspectum fuisse unquam, quovis pignore ausim contendere.

In edito Bedæ martyrologio Albinus hic vocatur; a Germano aliquo antiquario scriptura immutata. Eo<sup>l</sup> enim nomine Germani Britannicum nostrum ab Albano Moguntino martyre distinguendum censuerunt: de quo ita Colonienses S. Pantaleonis cœnobitæ, in libello anno MDII. ad Henricum VII. Anglorum regem scripto : “Theophana imperatrix, ob affinitatem S. Brunonis Coloniensis archiepiscopi, Coloniense Benedictinum S. Pantaleonis monasterium summo honore coluit; et ad illud S. Albani reliquias Roma, quo eas ex Anglia tulerat S. Germanus, pertulit. Eæ vero Moguntiam cum venissent, licet ejusdem sedis antistes Augustam cum memoria martyris venerabiliter excepisset, donariis quoque non spernendis honos rasset; verebatur tamen et auctoritate regia et martyris memoria recens adducti, per cognitionem vocabuli, sui martyris Albani gloriam extenuari: nam uterque eorum vocabatur Albanus. Hunc ergo protomartyrem Angliæ Albinum vocari obnixe rogavit; et cum optimatum regni consilio simul et auxilio impetravit.”

Hujus Britannorum protomartyris agonem breviter his verbis perstrinxit Gildas: “ Postquam, charitatis gratia confessorem persecutoribus insectatum, et jam jamque

<sup>k</sup> Dempster histor. ecclesiast. Scotor. lib. 1. num. 23.

<sup>l</sup> Jo. Molan. in Usuardi, et Petr. Galesin. in Roman. martyrolog. 11. et 10. Calend. Julii. Erhard. Winheim, in sacrario Agrippinæ, pag. 143. Nic. Serarius, rer. Moguntiac. lib. 2. pag. 275. et lib. 5. pag. 718, 719.

comprehendendum (imitans et in hoc Christum, animam pro ovibus ponentem) domo primum ac mutatis dein mutuo vestibus occubuit, et se discrimini in fratri supra dicti vestimentis libenter persequendum dedit: ita Deo, inter sacram confessionem cruoremque, coram impiis Romana tum stigmata cum horribili phantasia referentibus, placens, signorum miraculis mirabiliter adornatus est ut, oratione ferventi, illi Israeliticæ arenti viæ minusque tritæ, stante diu arca<sup>m</sup> prope glareas Testamenti in medio Jordanis canali, simile iter ignotum trans Thamesis nobilis fluvii alveum cum mille viris sicco ingrediens pede, suspensis utrinque modo<sup>n</sup> præruptorum fluvialibus montium gurgitibus, aperiret; et priorem carnificem tanta prodigia videntem in agnum ex lupo mutaret, et una secum triumphalem martyrii palmam sitire vehementius et excipere fortius ficeret."

Sed quæ angustius et obscurius ille attigit, plenius et planius in primo ecclesiasticæ suæ historiæ libro explicavit Beda<sup>o</sup>: ex quo novem illæ lectiones sunt excerptæ, quæ die S. Albani apud Anglos publice recitari consueverunt: sive eas primum Sarisburiensi breviario a se composito Osmundus inseruerit; sive ab Alfrico<sup>p</sup> abbe, sub finem decimi post Christum sæculi, ita ordinatas accepit. Sic enim de eo in historia abbatum S. Albani a Matthæo Parisiensi conscripta legimus: "Leofrico<sup>q</sup>, qui ex abbate S. Albani factus est archiepiscopus Cantuariensis, successit in abbatia frater ejus uterinus Alfricus. Iste, visione præmonitus, S. Albani quæ nunc cantatur composuit historiam, et eidem notam melicam adaptavit; et auctoritate fratris sui archiepiscopi multis locis Angliæ fecit publicari, diemque ejusdem martyris honorari: statuens ut die Jovis, nisi præoccupetur legitimis temporibus, Missa de ipso cum pertinentiis, solemniter celebretur."

<sup>m</sup> Jos. cap. 3. ver. 17.

<sup>n</sup> Al. *more*.

<sup>o</sup> Bed. lib. 1. hist. cap. 7.

<sup>p</sup> Jo. Balæ. centur. 10. cap. 52.

<sup>q</sup> Meminit ejus idem Matthæus, in historia majore, ad annum Dom. 1214. Aliis Ælfricus et Aluricius dicitur. Vid. Balæum centur. 10. cap. 52. cum centur. 2 cap. 41.

In hisce actis, confessoris illius vestimentum, quo induitus Albanus militibus capiendum se exhibuit, caracalla vocatur: quam monasticam fuisse vestem confirmat Thomas Rudburnus<sup>r</sup>, ex Saxonico Bedæ interprete, qui “habitum monachalem” reddidit; ex Dolensi, qui passum Albanum scripsit “sub caracalla et cuculla magistri sui Amphibali monachi et doctoris egregii,” et ex Thoma Walsinghamio, qui feretrum in quo vestimentum hoc apud Elienses servatum fuisse existimabatur, anno MCCCXIV. a rege Edvardo II. reclusum referens, quid in eo inventum fuerit, hunc in modum explicat: “Ecce vident locellum illum a summo usque deorsum quodam panno villoso ita occupatum, ut nihil posset aliud continere. In superiori vero parte vestimenti conspiciunt cruoris coagula dense respersa; ita nova, ita recentia, quasi pridie fuissent effusa.” Verum pro eo quod in Walsinghamio sequitur: “Constat hanc vestem fuisse caracallam, quam sanctus Albanus in conversione acceperat a sancto Amphibalo magistro suo in signum religionis, in quo idem martyr sententiam subiit capitalem:” substituit Rudburnus, “cum eo panno inventam esse scripturam antiquam, ita se habentem; hæc est cuculla<sup>s</sup> sancti Amphibali monachi et sancti Albani præceptoris; sub qua passus est sanctus Albanus Angliæ protomartyr, sub persecutione Dioclesiani imperatoris in omnes Christianos sævissima.”

Et ad caracallam quidem quod attinet: Hieronymus<sup>t</sup> et Eucherius<sup>u</sup>, ephod indumentum sacerdotale ita describentes, ut in modum caracallæ fuisse dicant, sed sine cucullo; caracallas fuisse pænulas cucullatas satis indicant: indeque diminutivum Καρακάλλιον in glossario Græco-Latino, Cyrillo adscripto, cuculla exponitur. Sed Amphibali vocabulum, quod huic ipsi vestimento magis quam illius possessori convenire, suo loco sumus ostensuri, ex Britannica Galfridi Monemuthensis<sup>w</sup> historia acceptum esse,

<sup>r</sup> Rudburn. hist. major. lib. 1. cap. 4.

<sup>s</sup> *Caracalla.*

<sup>t</sup> Hieronym. epist. ad Fabiolam. op. tom. 2. pag. 580.

<sup>u</sup> Eucher. instruction. lib. 2. cap. 10.

<sup>w</sup> Galfrid, histor. lib. 5. cap. 5.

ne ipsi quidem monachi dissimulant. Ita enim ad annum CCCIV. Rogerus Wendoverius, et ad annum CCCIII. annotat Mattheus Florilegus: “ Istius clerici nomen, licet Romanæ taceant historiæ, in historia Britonum tamen continetur expressum:” et ante eos, Guijelmus Albanensis monachus, in præfatione ad Albani vitam ex Anglo sermone in Latinum a se conversam: “ Sciendum, quod huic operi beati clerici nomen adjecerim: quod non in libro quem transfero, sed in historia quam Gaufridus Arturus de Britannico in Latinum se vertisse testatur, inveni.”

In prolixioribus quoque illis actis, nomen fluvii, quem siccо pede Albanus cum mille viris pertransiisse dicitur, haudquaquam est expressum: licet in quibusdam Gildæ exemplaribus Tamesis et Tamensis vox appareat: nam a codice Gildæ MS. qui in publica Cantabrigiensis academiæ bibliotheca habetur, ea abest: sicut a Beda, et aliis omnibus actorum Albani descriptoribus: neque aliter ferri potest, quam si Colo fluvio in Tamisim illabenti, tanquam profluenti inde derivato, Tamisis nomen a Gilda communicatum fuisse dicamus. Colus enim a Tamisi dicendens, et Colbrokex oppido nomen tribuens, Buckinghamienses a mediterraneis Saxonibus distinguit; indeque Hertfordienses visitans, vetus Verolamium et novam S. Albani villam intermeat, et Redburnam alluit. Mattheus vero Parisiensis, ex navalibus armamentis et conchyliorum testis Ældredi abbatis temporibus, circa annum Christi DCCCCLX. hic effossis, marinas etiam aquas huc olim accessisse colligit. “ Fossores,” inquit, “ juxta ripam asseres quernos, cum clavis infixis, pice navali delinitos quales solent esse in carinis invenerunt: nec non et quædam navalia armamenta, utpote anchoras rubigine semirosas et remos abiegnos, in certum ac manifestum signum aquæ marinæ, quæ quondam Warlamecestrense vexit navigium, repererunt: quæ unda quomodo in primum rivulum nunc contrahatur, et quo miraculo, historia de Sancto Albano explanat evi-

<sup>x</sup> Florentius Wigorniensis, ex annalibus Anglo-Saxonis, de Danis, anno 894.  
“ Tamense fluvio sine vadis transito, in insulam quandam intra meatum Colnæ amnis sitam fugerunt.”

denter. Conchylium vero conchas quales littus maris solet educare vel projicere, cum arenis æquoreis, quas insolito vestigio cives Verolamiæ, properantes ad martyrium novi martyris, quandam calcarunt, non sine admiratione invenerunt."

Atqui conchylia Verolamiensibus suppeditabant loca mari quam ipsi essent viciniora: ut nihil necesse sit eo argumento marinas aquas ad eorum mœnia arcessere: neque deerat illis lacus amplissimus, licet hodie ingesta terra obstructus, et in prata conversus, qui regiorum piscatorum vehebat navigia; unde Offam regem non minimum commodum percepisse, ipse testis est Matthæus: ne navales asseres, et anchoræ, et remi, quenquam hic permoveant. Illud etiam verum est, in Albani actis a Beda descriptis arenæ mentionem esse factam: sed fluminibus quoque sua est arena: et arenam terram aridam quandoque denotare, ad primum Georgicorum monuit nos Servius. In iisdem præterea actis fluvius ab Albano exsiccatus, "ministerio persoluto, reversus ad naturam esse" dicitur. Sed neque illud, neque in tota Albani historia aliud quicquam, marinas undas hoc influxisse arguit.

Duo vero in illa historia commemorantur miracula, quæ Gildas omnino non attigit: fontis nimirum in montis cacumine Albani precibus producti; et oculorum excæcati carnificis in terram cum beati martyris capite decidentium. Prioris, in anni DXVI. historia, meminit Matthæus Florilegus: posterioris, in martyrologiis suis ad X. Calendas Julii, Beda, Ado, Rabanus et Notkerus: quibus et illay Errici Antissiodorensis addi possunt de Albano nostro carmina:

Millia pœnarum Christi pro nomine passus :  
Quem tandem rapuit capitis sententia cæsi.  
Sed non lictori cessit res tuta superbo :  
Utque caput sancto, ceciderunt lumina sævo.

Atque hæc fuerunt antiqua martyrii S. Albani acta, a Beda historiæ ecclesiasticæ gentis Anglorum inserta, et in ecclesiis Anglorum solenni more olim recitari solita: cum

quibus et vetustissimum de iisdem volumen, primævo Verolamiensium idiomate conscriptum, plane consensisse, in historia abbatum S. Albani refert Matthæus Parisiensis. Quod opus quia nondum in lucem est editum; ex gestis Ædmari, qui Ældredo illi, de quo diximus, circa annum DCCCCLXX. in Albanensis cœnobii regimine successit, integrum locum non pigebit adscribere: narrationis fide ipsi authori reicta.

“Istius abbatis tempore, dum fossores muros et abscondita terræ rimarentur, in medio civitatis antiquæ, cuiusdam magni palati fundamenta diruerunt: et cum tantorum vestigia ædificiorum admirarentur, invenerunt in cuiusdam muri concavo deposito quasi armariolo, cum quibusdam minoribus libris et rotulis cuiusdam codicis ignotum volumen, quod parum fuit ex tam longæva mora demolitum; cuius nec literæ, nec idioma alicui tunc invento cognitum præ antiquitate fuerat; venustæ tamen formæ et manifestæ literæ fuerat; quarum epigrammata et tituli aureis literis fulserunt: redimiti asseres querni, ligamina serica, pristinam in magna parte fortitudinem retinuerunt. De cuius libri notitia cum multum longe lateque fuerat diligenter inquisitum: tandem unum senem jam decrepitum invenerunt, sacerdotem literis bene eruditum, nomine Unwonam: qui, imbutus diversorum idiomatum linguis ac literis, legit distincte et aperte scripta libri prænominati; similiter quæ in aliis codicibus, in eodem armario et in eodem habitaculo repertis, legit indubitanter et exposuit expresse. Erat enim litera, qualis scribi solet tempore quo cives Werlamestrani inhababant; et idioma antiquorum Britonum, quo tunc temporis utebantur: aliqua tamen in Latino: sed his non opus erat.”

“In primo autem libro, scilicet majori, cuius prius fecimus mentionem, scriptam invenit historiam de sancto Albano Anglorum protomartyre, quam ecclesia diebus hodiernis recitat legendō: cui perlibet egregius doctor Beda testimonium in nullis discrepando. In aliis vero libris passim inventis reperit lector prædictus invocationes et ritus idololatrarum civium Warlamestrensium: in quibus comperit, quod specialiter Phœbūm Deum Solis invo-

caverunt et coluerunt, quod perpendi potest per historiam S. Albani, si eam sedulus lector intelligat: secundario vero Mercurium (Woden Anglice appellatum, a quo quartus dies septimanæ intitulatur) Deum videlicet mercatorum, quia cives et compatriotæ, propter navigium civitatis, et commodum loci situm, per unam diætam tantum a Londiniis distantem, fere omnes negotiatores et institores fucrunt. Abiectis igitur et combustis libris in quibus commenta Diaboli continebantur; solus ille liber, in quo historia sancti Albani continebatnr, in thesauro carissime reponebatur: et sicut prædictus presbyter illam antiquo Anglo vel Britannico idiomate conscriptum, in quo peritus extitit, legerat; abbas iste Ædmarus per prudentiores fratrum in conventu fecit fideliter ac diligenter exponi, et plenius in publico prædicando edoceri. Cum autem conscripta historia in Latino pluribus, ut jam dictum est, innotuisset; exemplar primitivum ac originale, quod mirum est dictu, irrestaurabiliter in pulverem subito redactum cecidit annullatum."

Præter ista Albani acta, Unwoni presbyteri opera ex vetere Britannica lingua in Latinam traducta; post annos ducentos prodierunt alia, ex vulgari Anglicano in sermonem Latinum a Guilielmo Albanensi monacho conversa: quibus ne ob novitatem derogaretur fides: placuit ut author ex historicō repente propheta fieret; et de futura Anglorum conversione, ipse adliuc Catechumenus et Romanum ad suscipiendum baptismum profecturus, vaticinaretur: unde claruisse illum anno gratiæ DXC. Lelandus et Balæus conjecerunt. Interpres autem Guilielmus illc Martellus sacrista Albanensis fuisse videatur, quem post Simonis mortem abbatis dignitatem frustra ambivisse, in historia abbatum S. Albani refert Matthæus Parisiensis. Simonis enim hujus, qui ab anno MCLXVII. usque ad MCLXXXIII. Albanensi monasterio abbas præfuit, jussu, Guilielmus opus hoc aggressus est: sicut Guilielmi deinde rogatu, idem heroicis versibus expressit Radulphus Dunstapulensis; de quo, in Albanensis cœnobii virorum illustrium catalogo, ita legimus: "Radulphus de Dunstaplia non impar Maroni floruit: qui scripsit metrice

vitas sanctorum Albani et Amphibali; modernis et futuris  
merito commendandus :" fallitur enim Balæus<sup>z</sup>, cum Ra-  
dulpho Gubio, abbatи Albanensi anno MCLI. defuncto,  
poema hoc attribuit. Acta vero illa, soluta oratione edita,  
typis Frobenianis prodiisse Dempsterus<sup>a</sup> affirmat: eadem  
fortasse credulitate, qua authorem in opere eo non semel  
se Scotum fateri somniavit; quum Scotti mentio in toto illo  
opere ne semel quidem occurrat. Ego ex duobus MSS.  
Cottonianae bibliothecæ codicibus illud descripsi: unde si  
prologum (nec authoris illum tantum, sed utriusque simul  
Latini interpretis) una cum epilogo hinc apposuero; rem  
lectorи omnino non ingratam facturus mihi videor.

#### PRÆFATIO GUILIELMI INTERPRETIS.

Reverendo patri et domino charissimo Simoni, Willelmus in Domino salutem.

" CUM liber Anglico sermone conscriptus, passionem  
beati martyris Albani continens, ad nostram notitiam per-  
venisset: ut eum verbis Latinis exprimerem præcepistis.  
Ego vero nobis non obedire nefas existimans, dicto parui:  
non tamen ex aliqua præsumptione, sed ne contemni ju-  
bentis auctoritas videretur. Quod opus nomini vestro  
credidi consecrandum; non inveniens cui magis oris mei  
primitias offerrem quam Domini sacerdoti. Si quid mi-  
nus Latine forte sonuerit apud doctas aures: interpre-  
tem novum obedientia, quæ viribus plerumque majora  
præsumit, excusabit. Sciendum autem quod huic operi  
beati clericи nomen adjecerim: quod non in libro quem  
transfero, sed in historia quam Gaufridus Arturus de  
Britannico in Latinum se vertisse testatur, inveni. Sed ne  
verborum prolixitas homini displiceat occupato: restat  
nunc qualiter author operis sui præfationem dirigat au-  
diatur."

<sup>z</sup> Jo. Balæ. centur. 2. cap. 84.

<sup>a</sup> Dempster. hist. ecclesiast. Scotor. lib. 1. num. 76.

## PROLOGUS AUTHORIS.

“ **Q**UISQUIS beatorum martyrum gloriosa certamina tentaverit ad memoriam revocare: necesse est, si tamen evaserit, odia sustineat paganorum. Si quis enim de nece martyrum, de gloria sanctorum narrationem coeperit ordinare; mox qui felicitati eorum invident, irasci, fremere, et usque ad mortem persequi consueverunt. Inde est quod passionem beati Albani martyris qualicunque stylo posteris proditurus, operi titulum non præpono: malens tacendo nomen omittere, quam loquendo nomen pariter et vitam amittere. Quamvis igitur insidiantium laqueis plena sint omnia: suppresso tamen nomine, quid viderim, quid audierim non tacebo. Cives quondam Verolamii, ob elationem cordis sui declarandam, qualiter passus sit beatissimus Albanus in muris suæ civitatis sculptum reliquerunt. Quam sculpturam longo post tempore in muris eorum jam rimosis et ad ruinam inclinatis inveni: vidique mœnia præ vetustate jam labi, infra quorum ambitum beatus Albanus graves in corpore pertulit cruciatus. Vidi locum repleri arborum densitate, in quo martyr invictus quondam pro Christo sententiam subiit capitalem. Illinc inter cætera multorum relatione cognovi, qualiter vir sanctus fontem in vertice montis orando produxerit; ut inimicis siti laborantibus, et jam de vita desperantibus, aquarum beneficio subveniret. Omnem rei scriem diligenter inquisivi, didici, et (ne lateret posteros) in hunc modum stylo memoriæque mandari curavi.”

“ Cum persecutio, quæ sub Diocletiano mota est, in Christianos longe lateque desæviret: vir quidam meritis et doctrina clarus (nomine Amphibalus<sup>b</sup>) transiens in Britanniam, Verolamium Domino ducente pervenit. Qui ingressus urbem, in domum divertens Albani hospitium postulavit. Erat autem Albanus civis Verolamius, vir enimens

<sup>b</sup> Ab interprete additum: ut ipse in præfatione indicavit.

in civitate, ex illustri Romanorum prosapia originem ducens: in quo divitiarum gloria et dignitas secularis, nobilitati generis respondentes, honorabilem virum omni populo reddiderunt. Hic sanctum virum hospitio benigne suscipiens, vitæ necessaria ministravit, &c."

## EPILOGUS.

"Hæc et alia multa, quæ divina pietas noluit hominibus occultare, diligenter literis commendavi. Benedictus Deus. Decessit omnis ille cœtus infidelium qui in beatum Albanum mortis quondam tulere sententiam: nec jam de eis multum tractant homines aut loquuntur. Albani memoria non delebitur: sed ejus laudabile meritum, si quid mea carmina possunt, longe lateque per orbem diffundetur. Tempus erit, ut confidimus, quo viri religiosi Christiani ad prædicandum gentibus venient in Britanniam. Isti cum venerint, Dei magnalia hoc modo libris inserta reperient, legent, et ad notitiam deferent plurimorum. Tunc veritate cognita, lætabitur insula: tunc gentiles errorum vinculis absoluti, multiplici gaudio replebuntur. Verum tempus prædictæ visitationis et gratiæ quando venturum sit, quia certum non habeo, istic hujus lætitiae magnitudinem non expecto. Sed ne posteri super meo nomine reddantur omnino solliciti, sciant, quia si voluerint verum mihi ponere nomen, me miserum, me peccatorum ultimum nominabunt. Romam autem proficiscor; ut illic gentilitatis errore deposito, et lavacro regenerationis adepto, veniam merear assequi delictorum. Libellum quoque istum qui habetur in manibus offeram examini Romanorum: ut si quid in eo secus quam debuit forte prolatum fuerit, hoc per eos dignetur in melius commutare Dominus [noster] Jesus Christus; qui vivit et regnat Deus per omnia secula seculorum. Amen."

## PRÆFATIO RADULPHI DUNSTAPULENSIS.

Albani celebrem cœlo terrisque triumphum  
     Ruminat inculto carmine Clio rudit.  
 Ardua res poscit pectus studiumque Maronis :  
     Non Maro sum, fateor, sed neque Codrus ego.  
 Non acie mentis, non artis luceo cultu ;  
     Ut metrice martyr martyris esse queam.  
 Martyris interpres me martyris ire poetam,  
     Tu Guillelme mihi dux stimulusque cies :  
 Quem de barbarie veteri novitate Latina  
     Evolvis, versu me recitare volens.  
 Qui cupis Amphibali fortis subline trophæum,  
     Quod socias prosa, me sociare metro :  
 Allegans quod eos fidei schola fædere primo,  
     Et nunc consorti nectat honore polus.  
 Me plus discipulo doctorem carmine pulsat  
     Jungere, quod jungat me tibi pignus idem.  
 Hoc me compellit ad quod petis, et magis urget  
     Quolibet imperio, quod pius orat amor.  
 Sis igitur clypeus plus auso paupere vena :  
     Æacidæ Chiron, non mihi tendo chelym.

Sequitur et altera præfatio; quam hoc disticho Radulphus claudit :

Difficiles igitur fragili rate remigo fluctus ;  
     Quo mea Guillelmi carbasa flatus agit.

Ipsius operis epitomen si quis legere desideret: apud Matthæum Florilegum in anni CCCIII. historia, Johannem Capgravium in legenda Albani et Amphibali, et Nicolaum Harpsfeldium ecclesiasticæ suæ historiæ libro primo, capite octavo, et decimo, eam inveniet. Inter alia, siccato Albani precibus rapidissimi fluminis alveo, infideles Verolamienses dixisse hic feruntur. “ Nos Deum Solem colimus, et illi præ cæteris reverentiam deferimus ampliorum. Hic, nostræ non imminemor devotionis, propter nos aquam fluminis vi caloris absumpsit; ut sani et numero integri necem inimici nostri lætis oculis cerneremus.” Atque iterum, fonte in montis cacumine producto : “ Laus

Deo magno Soli; qui servis in areto constitutis tale dignatus est providere remedium, ut aquarum rivulus subito de terra prosiliens nobis occurreret ad salutem." Quo respexit Matthæus Parisiensis, in loco quem ex Ædmari abbatis gestis supra<sup>b</sup> jam produximus. Hoc enim dramate tantopere delectatus est Matthæus, ut illud in metrum Gallicum nova metaphrasi transfuderit.

Gallicum illud Matthæi cum Latino Guilielmi et Radulphi opere conjunctum habetur in codice MS. ecclesiae S. Albani ab Henrico VI. Anglorum rege donato: in quo et duplex continebatur tractatus, de inventione seu translatione S. Albani, in festo inventionis ejusdem, quæ facta fuit die S. Petri ad vincula, in Albanensi coenobio legi solitus. In eorum priore, de nobilitate et dignitate S. Albani recitabantur ista: "Egregiæ dignitatis miræque sanctitatis martyr Albanus, ut passionis ipsius a quodam altioris ingenii et eloquentioris linguæ editus narrat libellus, ex stemmate inclytæ gentis venam dicens clari sanguinis, ex parentibus processit paganis, velut rosa ex spinis: et inter seculares dignitates constitutus, claris floruit virtutibus, ceu lilyum candet in convallibus." Et postea, "Albanus nomen accepit a regione Albionensi; cuius ipse diu sub Cæsare primatum tenuit." Tractatus alter, priore longe prolixior, sub medium duodecimi post Christum seculi videtur editus, et ad prandium conventus legi consuevit: in cuius exordio, eam cum aliis Albano laudem tribuit, quod "primus in insula Britanniæ pro Christi confessione proprium fuderit sanguinem;" in progressu vero, hac ad Verolamiense municipium utitur apos-trophe.

"O Verolamium, civitatis antiquæ ruina, potius quam ædificium! felicior hodie in cunctis nationibus prædicaris confracta, quam in deliciosis supellectilibus extiteris integra: quæ quanti fueris integra, rupta doces. Avorum namque largientium tua superbia est magnificata donariis: sed privata, secus quam decebat, tui cognitione Creatoris. Idololatra enim effecta, et variis erroribus involuta, tuum deserueras infelix Creatorem; et adorans, lapidi serviebas.

<sup>b</sup> pag. 182.

Proinde beatior es in tuis et ditior rebus pauper et tenuis reliquis, quam in pretiosis fueras lapidibus et lapidibus pretiosis. Hæc per sanctum tibi martyrem Albanum apud Deum gratia; hæc coram hominibus ipso subest interveniente potentia. Quæ superbire olim consueveras in vasis iræ, nunc humiliaris coram Deo in vasis misericordiæ. Per beatum Albanum facta es scala pertingens usque ad cœlum; et quæ quondam fueras vorago inferni, nunc facta es aditus et janua paradisi. In te descendunt et ad te ascendunt cives Angelici; et sursum atque deorsum consortes fiunt et concives nostri. Per nomen Christi nomen ubique beati cognoscitur martyris Albani: cum ejus sub quo victor occubuit nesciatur vocabulum in toto orbe tyranni".

Sed et ista, quæ desumpta dicuntur ex libro quem dominus Johannes Mansel specialis domini regis clericus et consiliarius attulit de Hispania, eidem volumini leguntur interserta: " Obsesso Londoniis Gallo et occiso, Galebroc nomen accepit ab illo; torrens scilicet Londoniam percurrens. Illo vero regnante, orta est persecutio immanis Christianorum sub Diocletiano Romanorum imperatore. Cujus consors et legatus Maximianus Herculeus, princeps militiae illius tyranni, ecclesias Britanniæ subvertit; Christianos proscribendo, et ad ritum gentilium flectendo. Albanum quoque nobilem civem Verolamii civitatis, magistrum militum totius Britanniæ, juxta ipsam civitatem occidit; sententia plectens capitali. Qui secundum sanctiones civitatis, more nobilium sic est punitus (nam si esset plebeius, aliter fuerat puniendus: sed nobilium hoc judicium fuerat plectendorum) ubi nunc in ejusdem, tanquam Anglicæ nationis protomartyris, nobile fundatur cœnobium veneratione. Passus est autem martyr memoratus, Britanniam sanguine purpurans primitivo, anno Gratiae CCLXXXVI. pro eo quod a quodam hospite suo Christiano conversus ad Christum, licet diversis pœnis et diurno carcere lacesitus, usque ad mortem in fide persstitit Christiana."

Quibus, ad nobilitatem Albani amplius confirmandam, a collectore adjiciuntur etiam ista: " Quod B. Albanus civis Verolamii indigena fuerit et in ipsa natus civitate, præ-

claris parentibus ibidem propagatus; minime latet vitam ejus sedulo recitantes. Non enim sustinuerunt parentes ejus, quod judicandus pro sua causa compeditus ante tribunal responderet; nec ut judicatus aliam subiret sententiam quam capitalem. Veruntamen ab atavis Romanis, sicut Britones a Bruto, reremote nimis originem traxit primitivam." Nempe in vita Albani a Guilielmo Latine reddita sic legimus: "Per parentes et genus ejus magnum et praeclarum, quod erat in civitate, non minima perturbationis rabies et dissensionis exoritur. Injuriam namque tanti ac talis viri æquanimiter ferre non poterant: ut vide licet homo liber, ac si alicujus furti auctor extisset, coram judice ferro staret oneratus." Ad quem locum ab Albanensi quodam anonymo hoc appositum est scholion: "Nota, quod B. Albanus civis et indigena fuit, Verolami natus et genitus. Dicit enim quod genus in civitate habuit: ab antiquis tamen Romanis derivatum; sicut Wallenses a Trojanis."

In scripto vero illo a Guilielmo monacho Albanensi edito clericum quoque hospitio ab Albano exceptum, quem Amphibalum fuisse appellatum a Galfrido Monemuthensi primum accepimus, ex confessore martyrem effectum legimus: de cuius tamen martyrio, non modo in Gilda et Beda, sed in ipso quoque Galfrido et Sarisburyensi breviario, et antiquis omnibus martyrologiis altissimum est silentium. In hoc vero libello passionis ejus, scripto antiquis temporibus apud sanctum Albanum, (eo enim nomine a Matthæo Parisiensi<sup>c</sup> laudatum invenio) narratio ita pertexitur. Nocte Albani cædem insecura, "columna lucis e tumulo beati martyris in cœlum usque tendebatur: per quam descendentes Angeli et ascendentess, noctem totam in hymnis et laudibus deducebant; inter cætera vero quæ canebant, vox ista frequentius est audita: Albanus vir egregius, martyr extat gloriosus." Ex Verolamiensibus mille viri, hoc spectaculo commoti, Christi fidem suscipiunt: ad quam plenius perdiscendam, in Walliam pergunt; ubi eam Wallensibus et Pictis prædicantem inve-

<sup>c</sup> Matth. Paris. histor. major. ad ann. 1178.

niunt Amphibalum. Infidelium Verolamensium exercitus cives suos illuc insecurus, eorum nongentos nonaginta et novem, quod religionem Christianam abnegare nollent, simul ibidem obtruncat. “Ad perpetuandam quoque memoriam occisorum, ab ipsis incolis eorum numerus et nomina describuntur.” Milites, ea suorum cæde facta, Amphibalum vincatum abducunt: et cum “suæ janæ possent mœnia cernere civitatis, paululum in loco deserto fame et labore confecti requiescent.”

Reditus eorum nuncio Verolamium perlato et tota ad spectaculum effusa civitate: quidam “ingressi semitam cujus compendio stratæ<sup>d</sup> publicæ obliquitatem declinarent, citius ad virum Dei in vinculis constitutum et a sociis suis longius remotum pervenerunt. Quem mox arripientes, et tractantes atrocius, expoliaverunt: visceraque ejus ferro patefacta palo in terram defixo circumligantes, et flagellis nimiis sanctum Dei concidentes, in circuitu ejusdem pali ambulare fecerunt. Cumque beatus martyr Dei munere inter tot angustias constitutus nulla daret doloris indicia; illi aciores effecti, eum quasi ad signum statuunt; et cultellis lanceolisque quod reliquum erat corporis confidunt. Vir autem Domini, tanquam nihil mali pateretur, vultu hilari stabat constantior; et signa sui martyrii toto jam corpore præferebat: prodigiosum cunetis de se præbens spectaculum, quod post tanta supplicia, post tot mortis genera, adhuc vivere potuisset. Eadem hora plurimi, quorum corda Deus tetigerat, compuncti sunt corde<sup>e</sup>; renunciantesque idolis, Christianæ se fidei subdiderunt.” Qui mox omnes, judicis mandato, a speculatoribus eodem in loco interfici sunt, mille numero: ipseque Amphibalus a turba obrutus est lapidibus.

Ita ex uno Verolamiensium municipio duæ martyrum chiliades prodiissent: altera in Wallia, altera non procul ab ipsa urbe trucidata. Ut ad earum neutram magnus<sup>f</sup> ille Christianorum numerus referri posset quem, quod Amphibalum prædicantem audivisset, Johannes Rossus

<sup>d</sup> Watling-street.

<sup>e</sup> Al. *animo*.

<sup>f</sup> Jo. Balæ. centur. 1. num. 31.

Warwicensis, in libro de Wigorniensibus episcopis, impiorum telis occubuisse narrat, in loco qui ab even-  
tu Lich-field, id est, cadaverum campus appellatur: qua vocis etymologia nixi Lichfeldenses, pro civitatis suæ insignibus campum occisorum cadaveribus constratum etiam nunc usurpant. Nec desunt qui mille et ducentorum monachorum Bangorensium cædem ab Ethelfrido Northanhumbrorum rege factam eo<sup>g</sup> trahant: sed contra historiæ fidem, quæ non juxta Lichfeldiam, sed prope urbem<sup>h</sup> Legionum, quæ hodie occidentalis vocatur Cestria, interemptos illos fuisse confirmat.

Et pro Rosso faciunt, quæ in codice illo Albanensibus cœnobitis ab Henrico VI. donato reperimus: “ S. Albani concives novies<sup>i</sup> viginti et nonaginta novem, secuti magistrum suum Amphibalum et stantes immutabiliter in fide Christi, in partibus Angliæ occidentalibus, scilicet apud Lichefeld, pro Christo trucidabantur. Lich enim Britonum vel Anglorum lingua cadaver mortui nuncupatur.” Et iterum; “ Post S. Albani martyrium, de civibus Verolanii ipsum Amphibalum sequentes nongenti nonaginta apud Lichefeld pro Christo martyrium passi, ad cœlos migraverunt. Unde Liche-feld dicitur, quasi campus mortuorum corporum. Cives vero, qui ipsos trucidarunt, revertentes Amphibalum reduxerunt: et ipsum non procul a Verolamio, excogitato mortis genere, peremerunt et cum ipso quamplures de concivibus atque etiam parentibus suis. Et postea in ipsa Verolanii civitate multos pro Christo et Christi nomine, quod palam confessi sunt, truculenter trucidabant.”

Simonis vero illius Albanensis abbatis, qui jam dictum Albani et Amphibali passionis libellum Latine divulgandum curavit, authoritate atque industria, reliquias Amphibali et trium socrorum ejus anno MCLXXVII. in colliculo juxta villam Redburnam, a B. Albani monasterio tribus fere passuum millibus distante, inventas fuisse pro-

<sup>g</sup> Humfred. Lhuyd. Britan. descript. fol. 22.

<sup>h</sup> Bed. histor. ecclesiast. lib. 2. cap. 2. Ranulph. polychron. lib. 1. cap. 48. et lib. 4. cap. 31. Vide supr. pag. 161.

<sup>i</sup> Leg. nongenti.

dit author *anonymus*, qui singularem hac de re tractatum edidit; ita incipientem: “**O**pera Dei omnipotentis magnifica, quæ in sanctis suis mirabiliter operatur, multo consultius literarum industria quam succendentium sibi populorum relatione transmittuntur ad posteros.” Ex hoc ea pene omnia descripta sunt, quæ in majore Matthæi Parisiensis historia ad annum **MCLXXVIII.** hac de re leguntur: sed præter tres illos, quorum alter ille meminit, additum est hic; “inventos esse prope locum illum numero sex ex sociis martyrum prædictorum; ita quod beatus martyr Amphibalus decimus haberetur.” Unde Thomas Rudburnus, in majoris historiæ libro primo, capite quinto, et Wintoniensis ecclesiæ historiola, capitulo sexto: “Non multo post passionem B. Albani martyrizatus est S. Amphibalus, cum novem sociis suis apud villam de Redburn, per tria milliaria a villa S. Albani;” et magna Wintoniensis ecclesiæ tabula: “S. Amphibalus doctor et monachus passus est sub Diocletiano, cum novem sociis, in urbe Verolamia, quæ modo vocitatur villa Sancti Albani.” De corporibus vero reliquorum **DCCCCXCI.** qui eodem cum illis tempore interempti fuisse dicuntur, neque Redburnæ, neque in tota illa vicinia, fando quicquam est auditum.

Ad ipsum autem Amphibalum quod attinet: hominem fuisse illum transmarinum affirmant superiora illa acta a Guilielmo Albanensi edita, et sæviente Diocletiani persecutione transiisse in Britanniam. In Britannia tamen, ex urbe Legionum, sive Cair-Leon ad Iscam fluvium, extitisse oriundum, Giraldus Cambrensis<sup>k</sup> et Ranulphus Cestrensis<sup>l</sup> tradiderunt. Quo spectat et Dolensis ille locus<sup>m</sup>, a Rudburno<sup>n</sup> et Wintoniensis<sup>o</sup> historiolæ authore productus. “Passus est sanctus Albanus Verolamius, sub caracalla et cuculla magistri sui Amphibali, monachi et doctoris egregii, oriundi in urbe Legionum in Wallia, Britannico sermone Caer Usk nominata: in cuius urbis ecclesia cathedrali, ac totius Walliæ metropolitana, monachus ac ad officium cle-

<sup>k</sup> Girald. Itinerar. Cambriæ, lib. 1. cap. 5.

<sup>l</sup> Ranulph. polychron. lib. 1. cap. 48.

<sup>m</sup> De laude Britonum, cap. 15.

<sup>n</sup> Rudburn. hist. major, lib. 1. cap. 4.

<sup>o</sup> Winton. eccles. hist. cap. 6.

ricatus promotus est." Johannes Caius<sup>p</sup>, illius quidem urbis origine natalitia civem eum fuisse ait, sed urbis scholarium Cantabrigiæ rectorem, ab Herculio Maximiano non multo post exustæ; cuius fabellæ authorem ille habuit Nicolaum Cantelupum, in historiola Cantabrigiæ hac de re ita scribentem: "Civitas præclara, mater philosophiæ Cantabrigia, habitaculis pulchra, turribus munita, muro ex quadratis lapidibus cincta, a Maximo Herculio principe militiae Diocletiani imperatoris igne consumpta est. Cujus imperio omnes philosophi civitatis prædictæ, et cunctæ sanctæ ac Catholicæ scripturæ quæ inveniri poterant in medio fori exustæ sunt; atque electi sacerdotes, cum fidelibus suis sibi subditis atque commissis, trucidati agmine denso ad amœna cœlorum regna festinarunt. Inter quos cum Albano Verolamiensis civitatis præposito, passus est Dei athleta Amphibalus, civitatis scholarium Cantabrigiæ rector." In libro quem S. Albani monasterio Henricum VI. donavisse diximus, de S. Amphibalo leguntur etiam ista; "Si quis de titulis ejus plus voluerit investigare; adeat antiqua scripta Lichfeldensis et Bangorensis ecclesiarum cathedralium. Ibi enim prædicans et baptizans, multa millia hominum sequentibus signis convertit ad Dominum. Ibidem insuper, videlicet in Wallia et ejus confinio, fama celebri referente, parentes affines et incolas, uberior Deo animas lucrifaciens, Domino Jesu Christo præsentavit; quorum plurimi martyrio coronati ad Dominum migraverint: ubi etiam, secundum credibiliorum et fide dignorum relationem, fuerat oriundus. Mater enim ejus, quæ filia fuit eujusdam regis illius regionis, clam ipsum conceptum et clanculo natum per aliquod tempus occultaverat: et postea limina apostolorum adiit oratura, duxitque vel bajulavit secum puerum elegantem. Opinanuntur autem nonnulli ipsum natum fuisse Romæ: quod veritati constat repugnare; quia per historiæ tenorem certificamur, quod B. Albano familiare et diuturnum in conversione ejus continuabat colloquium; et in Britannica lingua quasi doctor et prædicator docens discipulum, peritum et perfectum reddidit Christianum. Insuper in confinio

Walliae cives Verolamii Britones quamplures, necnon et Walenses, prædicando et manifeste docendo ad fidem convertit Christianam: quod non fecisset, si linguam juvenis non addidicisset. Veruntamen de partibus rediens Hierosolymitanis, quas cum matre (sicut prætactum est) gratia orationis adierat, obiter Romam veniens, ibidem aliquan- diu moram continuavit, ut plenius in lege Domini et fide quam neophytus susceperebat, de sapiente sapientior, de sancto sanctior, et de instructo instructior redderetur. Ibidem namque sacris ordinibus fuisse creditur insignitus. Deinde in priori habitu orientali et peregrinali, videlicet caracalla, id est, villosa chlamyde, in tonsura et corona velut clerica, cum palma et cruce et aliis Christianis signis, nudusque pedes, ut se pro Christo ultro plus affligeret, repatriare maturavit. Et cum per multa hostium, maris et viarum discrimina pertransisset: proponens et desiderans ut in nativis partibus reliquias generis sui visitaret, erudit- ret, et ad Christum converteret eruditos; Domino ducente Verolamium pervenit." Verum omnes omnium ineptias longissime superavit tractatus de nobilitate, vita et martyrio S. Albani et Amphibali, de quodam libro Gallico exceptus et in Latinum translatus: ex cuius initio hic apposito, ὡς ἐκ τοῦ κρασπέδου περὶ τοῦ ὑφάσματος, de reliquo toto scripto lector facere poterit conjecturam.

" Regnante igitur in hac terra (Britannia scilicet) Se- vero, missi sunt Romam ad placendum imperatori Diocletiano, una cum filio regis Severi nomine Bassiano, filii domi- norum et nobilium totius Cornubiæ, Cambriæ, Albaniæ, et Hiberniæ, ad numerum mille<sup>a</sup> quingentorum et quinquaginta: inter quos filius principis Cambriæ missus est cum maximo apparatu, Amphibalus appellatus; juvenis in La- tina lingua, Gallica, Graeca, et Hebræa satis instructus. Missus est etiam inter illos filius Domini civitatis Verola- miæ, dictus Albanus nomine, pro recipiendo nomine militari; juvenis elegans corpore, et opere circumspectus. Hi omnes pervenientes Romam prospere, ab imperatore cum honore maximo sunt suscepti. Eo tempore, sanctus

<sup>a</sup> 1540. habet legenda aurea Anglicana: 1500. Gerardus Leghus.

Zepherinus papa Romæ sedit: qui videns tantam juvenum pulchritudinem, quantum potuit laboravit convertere eos ad fidem Christi. Et quidem filium principis Walliæ secrete convertit, et fidem docuit, et cito postea baptizavit. Qui, abjectis pompis mundi, voluntariam pro Christo assumptis paupertatem; et in omni perfectione postea continuavit vitam suam. Conversi sunt autem et de præfata turba nonnulli sub eisdem diebus. Quod cum comperisset Diocletianus, iratus est vehementer, jussitque ut per terras et per mare requirerentur, et ejus præsentiaæ siste-rentur. Sed cum nullo sensu potuissent inveniri: Diocletianus, omissa inquirendi diligentia, statuit diem in quo novi tyrones susciperent arma militaria per manus suas. Quos omnès manu sua cinxit, informans eos de statu suscepti ordinis et militaribus disciplinis: jubens ut de cætero essent viri perfecti, et corpora sua ab omni stultitia custodi-rent et delectationibus incompositis et inordinatis; audaciam sumerent et vecordiam devitarent, pugnarent pro justitia et, si instaret necessitas, morti se offerrent hilariter pro eadem: de cætero non gestarent arma contra eum qui eos tali donasset honore; et pro nulla re mundi cuiquam injuste facerent calumniam sive damnum."

Severum imperatorem Eboraci in Britannia anno Christi CCXI. defunctum, filium habuisse Bassianum, qui imperator Antoninus Caracallus dictus est; et sub imperio utriusque Zephyrinum Romæ vixisse episcopum, non est dubium: ut stuporis fuerit non ferendi, ad Diocletiani usque imperium eorum tempora velle protrudere. Et superioris tamen seculi hominibus ridicula ista commenta adeo placuerunt: ut ea legendæ aureæ, lingua Anglicana Londini anno MDXII. a Winando de Worde impressæ, intexenda censuerint; iisque non Gerardus solum Leghus sua insignium gentilitiorum rudimenta<sup>r</sup>, sed illum quoque secutus Johannes Wilsonus Anglicanum martyrologium<sup>s</sup>, tanquam emblemate aliquo vermiculato, decorari potuisse existima-verit.

<sup>r</sup> Accedens of Armory, fol. 65. edit. Lond. ann. 1562.

<sup>s</sup> Anglic. Martyrol. Jun. 25.

Johannes Fletus, de Westmonasterensi ecclesia in templum idolorum tune conversa, ex vetere chronico Anglo-Saxonico ista refert: “ Sæviente per totam Britanniam gravissima Diocletiani imperatoris persecutione, dejectum est inter cætera hoc ipsum Christianorum habitaculum; ac deinde, juxta morem ritumque gentilium, in profanum Apollinis templum saerilega potestate commutatum: sicutque factum est, ut ubi prius in sua Deus colebatur ecclesia, ibidein postea fierent idolorum sacrificia; et ablata memoria Christianorum fidelium, caput efficeretur immolationis regum paganorum.” Cum quibus conjungenda quæ a Wintoniensibus monachis de hisce temporibus sunt notata: “ Post centenorum annorum eurieulum quo Christi fides resplenduit cum gente Britannica, prævaluit vesana rabies persecutionis Dioclesianæ: sub quo turbine urbs Wentana ab inimicis erudeliter depopulatur, ecclesia cathedralis ad solum destruitur; magna monachorum multitudo quæ capta est occiditur, cæteris deserta petentibus.” Ita habet magna Wintoniensis ecclesiæ tabula. Similiter et Thomas Rudburnus junior in majore historia, libro primo, capite quarto, et Wintoniensis ecclesiæ historiola, capite sexto, “ Anno gratiæ CCLXVI. interfeci sunt monachi in Wentana ecclesia omnes, præter paucos qui fugam inierunt, et destructum est illud nobile cœnobium a ministris Diocletiani in fideles Christi crudelissimi persecutoris; quando iniquissima et a retro seculis inaudita in Christianos executa est persecutio:” et qui de ejusdem ecclesiæ antiquitatibus anno MCCCCLII. libellum edidit: “ Interfeci sunt monachi in Wintana ecclesia, destructaque est eadem ecclesia a ministris Diocletiani persecutoris, anno imperii sui secundo, anno gratiæ CCLXVI. A prima occidente monachorum in prædicta ecclesia, et destructione ipsius usque ad solum, concurrunt anni mille centum et sexaginta (vel potius mille centum et octoginta sex, usque ad tempus quo ab authore scripta sunt ista). Passio sanctorum Albani et Amphibali juxta civitatem Verolanium (quæ alias Werlamchestre sive Watlingschestre a Saxonibus vocabatur) anno gratiæ CCLXXII. anno Diocletiani et

Maximiniani octavo. Eodem anno passus est S. Amphibalus monachus et doctor in ecclesia Kaer-merdyn (alias nominata civitas Merlini) in Wallia, Asclepiodoti regis Britanniae quinto. A passione sanctorum Albani et Amphibali concurrunt anni mille centum et octoginta :<sup>\*</sup> ubi utrumque juxta civitatem Verolamium passum ille indicat : licet Johannes Caius<sup>t</sup>, ex hoc ipso, ut videtur, loco minus diligenter considerato, Amphibalum Caermerlini interfec- tum fuisse scripserit.

Et de Albano quidem clare testatur Beda<sup>n</sup>, passum fuisse illum juxta civitatem Verolamium, quae ipsius tempore a gente Anglorum Werlancester sive Watlingacester appellabatur : priore nomine, ut ad annum CCCXIII. a Matthæo Florilego est notatum, ab alveo deducto “ qui Warlame dicitur, et ad orientalem civitatis plagam defluit ;” posteriore “ a via regia, quæ Watling-strete nuncupatur, et ad partem civitatis jacet occidentalem.” Locum quo martyrium ille pertulit, vulgi consuetudine Holm-hurst vocatum acta illa referunt, quæ a Guilielmo Albanensi ex Anglo sermone in Latinum sunt conversa. Hurst vero lingua Anglo-Saxonica sylvam denotat : et sylvestrem fuisse locum, illa in prologo ejusdem authoris verba satis indicant : “ Vidi locum repleri arborum densitate, in quo martyr invictus quondam pro Christo sententiam subiit capitalem.” Ita Ilicetum vox illa denotaverit, vel etiam ulmorum sylvam ; quemadmodum Holme Cultrain in Cumbria Cœnobium de ulmo Latinc appellatum legitur. Posterioribus vero temporibus Derswoldinæ sylvæ nomen obtinuisse Stowæus ait, ibidemque S. Albani oppidum esse extrectum ; quod ex Verolamii ruinis accrevisse videmus, cuius præter nomen et mœnum rudera nihil hodie factum est reliqui. Non procul autem Verolamio ex parte una, et Annable oppido, quod ab Amphibalo nomen accepit, ex altera, sita est Redburna : ubi Amphibalum martyrio vitam finiisse, ex his ipsis Wintoniensium antiquitatum

<sup>t</sup> Cai. histor. Cantebrig. lib. 3. pag. 25.

<sup>\*</sup> Bed. histor. lib. cap. 6.

descriptoribus jam ante audivimus; ejusque memoriae ecclesia est dicata, cuius in anni MCCXVII. historia Matthæus Parisiensis meminit, et sequens haec ἐπιγραφὴ Johannis Tinmuthensis sanctilogio Britanniæ in MS. Cottoniano præfixa: “ Hunc librum dedit dominus Thomas de la Marc, abbas monasterii S. Albani Anglorum protomartyris, Deo et ecclesiæ B. Amphibali de Redburne; ut fratres ibidem in cursu existentes per ejus lecturam poterint cœlestibus instrui, et per sanctorum exempla virtutibus insigniri.”

In tempore vero persecutionis designando observandum est, a Wintoniensibus istis monachis initium imperii Diocletiani ab anno Christi CCLXV. repeti; quod juxta veriorem chronogiam ab autumno anni CCLXXXIV. fuisset deducendum. Beda libro primo historiæ ecclesiastice, capite sexto, ad annum CCLXXXVI. refert: quo et annales Anglo-Saxonici, et Latini Asserio Menevensi attributi, Thomas Rudburnus senior in minore chronico, Johannes Tinmuthensis et Capgravius in Albani vita, Sarisburicense breviarium, annales Combenses et alii, B. Albanum martyrii palnam accepisse tradiderunt: a quo Matthæi Parisiensis et Westmonasteriensis rationes non multum recedunt: quum hic, Albani reliquias ab Offa rege inventas esse scribit, “ a passione ejus anno DVII. ab adventu Anglorum in Britanniam CCCXLIV. Indictione prima, Calend. Augusti,” anno videlicet æræ nostræ Christianæ DCCXCIII: quo prima numerata est indictio, et corpus S. Albani levatum retulit etiam in illius legenda Johannes Tinmuthensis et Capgravius; atque ante illos et utrumque etiam Matthæum, Albanenses monachi, qui tum de vita Offæ tum de translatione Albani commentarios scriptos reliquerunt: non proximo, quo Westmonasteriensis hoc factum prodidit; ille, veterem ejus tumbam repartam, in octavis S. Stephani, ineunte anno Christi MCCLVII. postquam “ fluxissent anni a passione martyris DCCCCLXX. id est, mille, exceptis duntaxat triginta annis.” Sed enim integrum epilogismum, ab alio qui tum scripsit Albanensis cœnobii monacho ita propositum.

Ab incarnatione Domini usque ad passionem S. Albani, anni elapsi sunt CCLXXXVI. A passione autem S. Albani, usque ad adventum S. Germani Antissiodorensis episcopi in Britanniam, anni CLXIII. Qui simul juncti, faciunt annos CCCCXLIX.

Ab adventu S. Germani usque ad translationem S. Albani sub illustri rege Offa, anni CCCXLIV. Quos jungas superioribus, et fiunt anni DCCXCIII.

Ab hac autem translatione usque ad eam quæ facta est regnante Henrico rege primo sub abbe Gaufrido, anni sunt CCCXXXVI. Qui omnes simul collecti, annos faciunt MCXXIX.

Ab hac autem ultima translatione usque ad inventionem mausolei dicti martyris sub abbe Johanne secundo in octavis S. Stephani factam, sunt anni CXXVII. Qui juncti superioribus, faciunt annos MCCLVI. Et cum interessent huic inventioni ultimæ Dominus episcopus Bangorensis Richardus, et memoratus Dominus abbas Johannes, et totus conventus solemniter capis choralibus redimiti, magno pulsato classico et cereis accensis quamplurimis, et fidelium multitudo copiosa; concessit idem episcopus omnibus illam inventionem vñerantibus veniam tringinta dierum.

Nunc autem videlicet anno Domini MCCLVII. elapsi sunt a passione B. Albani DCCCCLXX. anni, facta coniputatione initialiter a circumcisione Domini, tanquam a capite anni, et non ab annunciatione Dominicæ.

Guilielmus Caxtonus, et eum secutus Johannes Major<sup>w</sup>, Albani martyrium ad annum Domini CCXXVI. refert; qui totis quinquaginta et octo annis initium imperii Diocletiani antevertit. In aliis Wintoniensis ecclesiæ annalibus anno CCXCVI. in aliis CCCV. in Stowæi chronicæ CCXCIII. in Wendoverii CCCIV. quem ille Diocletiani XIX. numerat, Albanus passus fuisse legitur.

Illud certum, in immani illa persecutione passum fuisse quam, ex Paulo Orosio<sup>x</sup>, “per decem annos incendiis ecclesiarum, proscriptionibus innocentium, cædibus martyrum, incessabiliter actam esse,” in loco citato notavit Beda. “Persecutionem Diocletiani tyranni novennem” appellat Gildas: sed quum “bilustro needum ad integrum expleto,” cessavisse eam addit; decimi etiam anni partem occupavisse non diffitetur. Cœpisse eam mense Martio, labente anno Diocletiani XIX. Christi CCCIII. ex Eusebio jam ostendimus: et licet in aliis provinciis ad decimum usque annum protracta fuerit, in Gallia et Britannia, ubi degebat Constantius Augustus, ipso sequente anno penitus cessavisse mox sumus ostensuri. Rectissime igit-

<sup>w</sup> Major. de gest. Scotor. lib. 1. cap. 14.

<sup>x</sup> Oros. hist. lib. 7. cap. 25.

tur inter anni CCCIII. res gestas S. Albani martyrium in floribus historiarum et Roffensi historia est expositum : hoc quoque adjecto corollario : “ Eodem tempore passi sunt in Britannia Aaron et Julius, cum aliis pluribus viris et fœminis, qui ad desiderabile cœlestis Hierusalem gaudium per martyrium convolarunt : existente tamen beato Albano Anglorum protomartyre, qui Britanniam primitivo sanguine purpuravit.”

Passus est autem B. Albanus die decimo Calendarum Julianorum : ut in historiæ suæ libro primo, capite septimo, annotavit Beda: quo etiam die, in vetustissimo Romanæ Ecclesiæ martyrologio ab Adone edito, natalis ejus habetur consignatus. In Romano novo, sicut etiam in Bedæ, Usuardi, Adonis Rabani et Notkeri martyrologiis, eodem die συμμάρτυρ ei adjungitur miles ille, qui ferire eum jussus recusavit: cui ne nomen deesset, Heraclium fuisse appellatum, in legenda sua prodidit Capgravius: Araclium alii nuncupant, ut actorum Albini et Amphibali scriptor, in historiarum sanctorum collectione Lovani, anno MCCCCCLXXXV. edita; sive Aracle, ut eum in Galliano suo de S. Albano poemate Matthæus Parisiensis nominat. Hunc, postquam S. Albanum propriis manibus humavisset, discerpto prius corpusculo et capite demum cervieibus abseiso, vitam finivisse, acta Albani a Guilielmo edita significant. Quod illius martyrium Robertus Dunstapulensis suis versibus sic expressit :

Improba displosos convulsio dissipat artus ;  
Horribilis lethi forma, furoris opus.  
Nec moritur sontum tot sancti mortibus ira :  
Sed metit, exitii meta, machæra caput.  
Fit de terreno cœlestis milite miles,  
Dum sovet invicta strenuitate fidem.  
Albani callem virtutis odore secutus,  
Fit bravio censors, sicut agone comes.

Quibus et panegyristæ Albanensis adjiciantur ista : “ Hinc est quod signifer militiae Christi suis proposuit sequacibus formam cœlestis exercitii: ita ut ille carnifex eruentus, qui lictoris fungebatur officio, conversus ad fidem Christianus gladio videretur abjecto. Qui pro beato mar-

tyre desideravit occumbere, vel cum ipso pariter de mundi sævitia triumphare. Hunc Deus ministrum beato martyri deputavit idoneum; qui eum cum trophæo, gaudentibus angelis, comitaretur ad cœlum. Indignum namque fuerat, ut solus graderetur et sine comite, qui æterna coronandus radiabat claritate. Ut Romanum Levita Dei Laurentius præmisit ante se strenuum militem: ita sanctus martyr Albanus hunc habere collegam meruit consortem. Cum hoste jam rabido luctatur in prælio, ut cum Albano Christi martyre glorietur de triumpho. Infertur militis cervicibus carnificis gladius, eumque subsequitur ad superna celeriter proprio sanguine laureatus. Signum apostolatus ejus ipse miles erit in Domino, qui primitias sacri martyrii Anglegenæ nationis consecravit in regno. Eia miles insignis, inhærens vestigiis invictissimi martyris; quam foelix et quam præclara fulget Victoria tuæ beatæ passionis! Feliciter renunciasti lictoris officio, feliciter ditatus es nomine Christiano. Qui in terra Ægypti salvavit Israelitas per cruorem paschalis agni, ipse te suo signavit charactere, et baptizari fecit in proprii sanguinis pretioso liquore. Confessio vocis et credulitas cordis tibi locum olei ministravit et chrismatis: dealbatus es candore sempiterni luminis, adunctus decore supernæ claritatis. Eum prosequeris comitatus ad palmam, quem sequi tua probitas non refugit ad poenam. Illius es vestigia investigans ad prænia, qui decertator validus præcucurrit ad prælia.” In eodem Romano martyrologio novo, ad Calendas Julias refertur Julii et Aaronis passio: de qua Petrus Equilinus. “Aaron<sup>y</sup> et Julius urbis Legionum (quæ est civitas in Britannia) cives, et alii plures martyres utriusque sexus in eadem civitate passi sunt sub persecutione Diocletiani et Maximiani, qui propter multa et insignia miracula, quæ in passione beati Albani martyris ostensa sunt, conversi sunt ad Christum; et pro ejusdem fidei ac confessionis gloria, et ipsi ab infidelibus martyrium passi triumphatorum cœlestium numero sociati, Calendis Julii:” et Giraldus Cambrensis<sup>z</sup>, de urbe Legionum ad Oscam fluvium

<sup>y</sup> Petr. de natalib. lib. 6. cap. 35.

<sup>z</sup> Itinerar. Cambriæ lib. 1. cap. 5.

sita, verba faciens : “ Jacent hic duo nobiles, et post Al-  
banum, et Amphibalum<sup>a</sup> præcipui Britanniæ majoris pro-  
tomartyres, et ibidem martyrio coronati, Julius scilicet et  
Aaron: quorum uterque ecclesiam in urbe insignem ha-  
bebatur suo nomine decoratam. Tres enim egregiæ in hac  
urbe antiquis temporibus fuerunt ecclesiæ. Una Julii  
martyris; virgineo Deo dicatarum regularium choro ve-  
nustata. Altera vero beati Aaron socii ejusdem nomine  
fundata, et canonicorum ordine præclaro nobilitata. Tertia  
vero, metropolitana sede Cambriæ totius insignita:” licet  
Galfridus Monemuthensis, ut dictum alias<sup>b</sup>, duas tantum  
ecclesias hic constitutæ: unam<sup>c</sup> S. Aaronis quam, respectu  
ad Londinensem et Eboracensem habito, tertiam metro-  
politanam sedem Britanniæ fuisse ait, S. Julii alteram  
(ubi nunc Herbertinæ S. Juliani ædes putantur consistere)  
virginum cœnobio ornatam, in quo Gueneveram Arthuri<sup>d</sup>  
regis uxorem post admissum adulterium monasticam vitam  
suscepisse narrat. Julio et Aaroni in oppido Carleonensi,  
patrum adhuc nostrorum memoria, capellæ visebantur  
constructæ; quarum una ab orientali, altera ab occidentali  
parte oppidi, duobus minus milliaribus disjunctæ erant<sup>e</sup>.

In Romano martyrologio et aliis, die “ XV. Calenda-  
rum Octobris in Britannia sanctorum martyrum Socratis  
et Stephani” natalis commemorari dicitur: de quibus, ad  
eundem diem, Petrus Equilinus<sup>f</sup>. “ Socrates et Stepha-  
nus martyres ipso die in Britanniis palmas percipiunt.”  
Eorum vero apud Britannos absolvevit memoria: nisi Ste-  
phanus is forte fuerit, qui in Londinium archiepisco-  
porum catalogo supra<sup>g</sup> loco septimo est positus: licet hoc  
tempore alium, in illo catalogo minime nominatum, Londi-  
nium præsulem fuisse, idem Petrus innuat; quum Augu-  
lium pontificem Augustæ civitatis Britanniæ martyrium

<sup>a</sup> Quem in hujus urbis ecclesia cathedrali ac totius Walliæ metropolitana mo-  
nachum ac clericum supra fecit Dolensis (pag. 195.) et magistrum quoque Julii et  
Aaronis. Balæus centur. 1. cap. 34.

<sup>b</sup> Supr. pag. 102.

<sup>c</sup> Galfrid. Britan. hist. lib. 9. cap. 12.

<sup>d</sup> Id. lib. 11. cap. 1. Matt. Florileg. ad ann. 541.

<sup>e</sup> Fr. Godwin. in Landavensium episcoporum catalogo; num. 21. pag. 629.

<sup>f</sup> Petr. de natalib. lib. 11. cap. ult. sec. 250.

<sup>g</sup> Supr. cap. 5. pag. 89.

passum esse scribit. Nam et hujus et Stephani passionem ad persecutionem hanc, quæ numeratur decima, potius quam ad præcedentium aliquam referamus necesse est: si a communis scriptorum nostrorum consensu non discedamus, qui primum omnium Albanum in Britannia pro Christo sanguinem fudisse statuit. Augustam vero non aliam quam Londinensem fuisse civitatem, ostendunt illa Ammiani Marcellini: “Tendens<sup>b</sup> ad Lundinium vetus oppidum, quod Augustam posteritas appellavit:” et, “Ab<sup>i</sup> Augusta profectus, quam veteres appellavere Lundinium.”

Ab aliis B. Augulus vel Augulius (Ricemarchus Augulinum nominat) sub Decio passus dicitur: quemadmodum in suis sanctorum canonicorum natalibus, ad diem VII. Februarii, Constantinus Ghinius annotat. Gilbertus Genebrardus, in calendarii Romani chronologia, ad eundem diem Augurii (sic enim appellat) “Episcopi Hiberniae, anno CCCLXI. sub Valentiniano,” (Julianum volebat dicere) excessum collocat. Thomas Dempsterus<sup>l</sup>, de passionis tempore cum Genebrardo consentiens, de patria repugnat: et suæ, id est, recentiori Scotiæ antiquum Christi martyrem vendicat. Quod ne sine authore fecisse videretur: “Hunibertum Scotum, scriptorem antiquissimum, in sua historia ejus in Scotia labores, prædicacionem, et miracula extulisse” asserit: eadem fingendi libidine, qua ipsum Augurium sive Augulum De fide plantanda librum unum, et De fuga persecutionis alterum scripsisse subjicit: quum de sancto hoc martyre nihil aliud hodie habeatur cognitum, quam quod a Petro Equilino his verbis est proditum: “Augulius<sup>m</sup> episcopus in Britannia martyrium passus est. Hic enim pontifex Augustæ civitatis Britanniæ, ætate ac viribus provectus, cursum temporis per martyrium complens, æterna meruit suspicere præmia, VII. Idus Februario; ut ait Ado:” Ad quem diem, non in Adonis solum et Ricemarchi, sed etiam in Bedæ, Usuardi, Rabani, Wandelberti, Romano, necnon et MSS. tum Sarisburiensis ecclesiæ, tum Eveshamensis

<sup>b</sup> Amm. Marc. lib. 27. cap. 8.

<sup>i</sup> Ibid. lib. 28. cap. 3.

<sup>k</sup> Dempst. hist. ecclesiast. Scotor. lib. 1. num. 40.

<sup>l</sup> Petr. de natalib. lib. 3. cap. 105.

et Winteneiensis monasterii martyrologiis, ejusdem quoque episcopi commemorationem factam invenimus: ex quibus defectus in Notkeri Balbuli martyrologio ita supplendus. “VII.<sup>m</sup> Idnum Februarii in Britanniis, [civitate Augusta, natale sancti Auguli episcopiet martyris. In Ægypto,] sancti Moyseis vel Moysis venerabilis episcopi:” ne quis vulgata lectione deceptus, Moysem episcopum Saracenorum in Britanniam nostram traducendum opinetur.

Atque hæc dira illa fuit a Diocletiano et Maximiano adversus Christiani nominis professores mota persecutio: de qua, recentior Scotorum historicus, Hector Boethius<sup>n</sup>: “Evagata est rabies illa, non modo ab oriente in occidente, sed etiam per alterum orbem Britanniam: unde Christiana pietas truculentis et inhumanis adinventis plagiis concussa immani tortorum vesania, ac persecutionis diuturnitate, tota ferme est ejecta; piis viris ac religiosis persecutionum metu in eremos ac ferarum lustra concedentibus, ubi expertes injuriarum vere monasticam sanctissimamque exegerunt vitam.” Et quidem in Britannia totam pene fidem Christianam hoc tempore extinctam fuisse; etiam in Antissiodorensi chronologia Roberti monachi, Scotichronico Johannis Fordoni, et fasciculo temporum Werner Laerii, legimus: quæ opinio ex unico Gildæ loco, non attente satis considerato, accepta primum fuisse videatur. Hic vero, “ob<sup>o</sup> immanitatem persecutionis, religionem ita refixisse, ut sit pene extincta,” Polydorus Vergilius Gildam testem advocat: eaque “fere<sup>p</sup> deletam fuisse Christianitatem in tota insula,” Galfridus Monemuthensis asserit; non alia et ipse authoritate quam Gildæ nixus, ex quo hujus persecutionis historia ad verbum pene ab illo est transcripta. In ea enim, ut apud Gildam habetur; “subversæ<sup>q</sup> per totum mundum sunt ecclesiæ, et cunctæ sacræ scripturæ quæ inveniri potuerunt in plateis exustæ, et electi sacerdotes gregis Domini cùm

<sup>m</sup> Tom. 6. antiqu. lect. Hen. Canis. pag. 778.

<sup>n</sup> Boeth. Scotor. hist. lib. 6.

<sup>o</sup> Polydor. Anglic. hist. lib. 2.

<sup>p</sup> Galfrid. Britan. hist. lib. 5. cap. 5.

<sup>q</sup> Gild. hist. sect. 7.

innocentibus ovibus trucidati: ita ut ne vestigium quidem, si fieri potuisset, in nonnullis provinciæ locis Christianæ religionis appareret;” vel in nonnullis provinciis, potius; ut in Cantabrigiensis academiæ exemplari MS. legimus; non enim speciatim, quod minus videtur animadvertisse Galfridus, de Britanniæ provincia Gildas ista scripserat; sed de novensi illa persecutione universim, in qua, “ad ainoena cœlorum regna (ut ille loquitur) quasi ad propriam sedem tota festinavit ecclesia<sup>r</sup>. ”

Secundo autem persecutionis illius anno, testante Eusebio<sup>s</sup> et Orosio<sup>t</sup>, Diocletianus et Maximianus purpuram deposuerunt; illo, ut indicat Zosimus<sup>u</sup>, nonum, hoc octavum jam consulatum gerente: anno videlicet æræ nostræ Dominicæ CCCIV. Unde Augustus declaratus Constantius Chlorus, in suæ ditionis provinciis, Hispania et Gallia et nostra Britannia, in qua illum συνεχέστερον ἐνδημοῦντα notavit idem Zosimus<sup>w</sup>, Christianis pacem restituit: Τοὺς ὑπ' αὐτὸν θεοσεβεῖς, ἀβλαβεῖς καὶ ἀνεπηρεάστους φυλάξας, ut inquit Eusebius<sup>x</sup>, Μήτε τῶν ἐκκλησιῶν τοὺς οἰκους καθελῶν, μήθ' ἔτερόν τι καθ' ἡμῶν καινονοργήσας· pios Christianos, qui sub ipso vitam degebant, a damno contumeliaque penitus immunes conservans, neque ecclesiarum ædificia demolitus, neque aliquod scelus in nos machinatus.” Indeque Donatistæ, in libello supplice filio ipsius porrecto: “Rogamus<sup>y</sup> te, O Constantine optime imperator; quoniam de genere justo es, cuius pater inter caeteros imperatores persecutionem non exercuit:” et Sozomenus<sup>z</sup>: Διωκομένων τῶν ἀνὰ τὴν ἄλλην οἰκουμένην ἐκκλησιῶν, μόνος

<sup>r</sup> “In Anglia pene tota fides extincta est hoc tempore a Maximiano.” Werner. Laerius, in Fasciculo tempor. ætat. 6. “Qua persecutione tota fere Christianitas in Britannia deleta est.” Jo. Fordon, in Scotichronico. “In Britannia fere deleta est Christianitas, quæ a tempore Eleutheri papæ et Lucii ejusdem insulae illic floruerat.” Robert. Antissiodorens. in chronic.

<sup>s</sup> Euseb. chronic. et hist. ecclesiast. lib. 8. cap. 25. et de vita Constantini, lib. 1. cap. 12.

<sup>t</sup> Oros. hist. lib. 7. cap. 25.

<sup>u</sup> Zosim. hist. lib. 2.

<sup>w</sup> Zosim. hist. et eum secutus Suidas in Κωνσταντῖνος.

<sup>x</sup> Euseb. hist. lib. 8. cap. 13. edit. Graec. 16. Ruffin. 26. Christophors. Vid. eund. de vita Constantini, lib. 1. cap. 9, 11. et Nicephor. Callist. lib. 7. hist. cap. 19.

<sup>y</sup> Optat. de schism. Donat. lib. 1.

<sup>z</sup> lib. 1. hist. ecclesiast. cap. 6.

**Κωνστάντιος ὁ Κωνσταντίνου πατὴρ ἀδεῶς θρησκεύειν συνέχώρησε τοῖς Χριστιανοῖς.** Cum ecclesiæ in aliis orbis partibus persecutionum fluctibus jactarentur, solus Constantius Constantini pater permisit Christianis potestatem libere suam religionem excolendi:” “Ἐντεῦθεν εἰκότως, ἦτι Κωνσταντίου περιόντος, οὐκ ἐδόκει παράνομον χριστιανίζειν τοῖς Ἰταλῶν ἐπέκεινα Γαλάταις τε καὶ Βρεττανοῖς, καὶ ὅσοι περὶ τὸ Πυρηναῖον ὅρος οἰκοῦσι, μέχρι τοῦ πρὸς ἑσπέραν ὡκεανοῦ· quamobrem hinc capere conjecturam licet, neque Gallis, neque Britannis, qui ultra fines Italiae habitant, neque aliis qui circiter montes Pyrenæos ad oceanum occidentalem usque incolunt, contra leges visum esse, Christianam religionem, dum adhuc vita suppeditabat Constantio, profiteri.”

Addit Regino Prumiensis, “Constantii<sup>a</sup> temporibus pace ecclesiis redditæ, episcopos privatis sedibus restitutos, et alia plura Christianæ religioni profutura” fuisse concessa. Nec tamen idcirco episcopalem sedem Eboraci<sup>b</sup> ab illo constitutam magis crediderim, quam a Constantio rege, sive hoc, sive alio, esse “conditam Warwici ecclesiam, in honorem Johannis Baptistæ:” quod a Rosso Warwicensi<sup>c</sup> proditum invenio. Quanquam Eboraci<sup>d</sup> extreum spiritum duxisse Constantium non ignorem: ubi “in medio filiorum pariter et filiarum,” ut refert Eusebius<sup>e</sup>, ipsum instar chori undique cingentium se statuens, et in ipsa regia inque regio cubili decumbens, regni hæreditate filio, qui reliquos ætate anteibat, communis lege naturæ tradita, decessit e vita.” Unde ad novum imperatorem Eumenius Rhetor<sup>f</sup>: “Sacrum istud palatium non candidatus imperii, sed designatus intrasti: confessimque te illi paterni Lares successorem videre legitimum. Neque enim erat dubium quin ei competeteret hæreditas, quem

<sup>a</sup> Regin. chronic. lib. 1.

<sup>b</sup> Ut supr. pag. 94.

<sup>c</sup> Hist. reg. Angl. pag. 53.

<sup>d</sup> Eutrop. hist. lib. 10. et Hieron. in chron. Vide supr. pag. 82.

<sup>e</sup> Euseb. de vit. Constantini, lib. 1. cap. 15.

<sup>f</sup> Ad Constantinum Aug. Panegyric. 9.

primum imperatori filium Fata tribuissent:" qua in re non naturæ tantum legi obsecutum, sed summo etiam patrem usum fuisse judicio, in Basilico suo Libanius observavit: "Cum enim plures liberos haberet, animadvertisit eum qui diligentior regni custos foret: Καὶ τὴν ἡσυχίαν ἐκείνοις ἐπιτάξας, ὃν ἐπιτηδειότερον ἦδει, τοῦτον ἐπὶ τὴν ἀρχὴν ἐκάλει, et reliquis in quiete manere jussis, quem aptiorem noverat, eum ad imperium vocavit:" quod Deum quoque ipsum suo comprobavisse judicio, in epistola ad Saporem regem ita profitetur filius: "Τοῦτους τοῦ θεοῦ τὴν δύναμιν, ἔχων σύμμαχον, ἐκ τῶν περάτων τοῦ ὀκεανοῦ ἀρξάμενος, πᾶσαν ἐφεζῆς τὴν οἰκουμένην βεβαίας σωτηρίας ἐλπίσι διήγειρα. Hujus dei virtutem in auxilio habens, inclinans a finibus oceani, omnem terrarum orbem firmissima spe salutis obtinui." Et plenius in edicto ad Palæstinæ provinciales: "Τὴν<sup>h</sup> ἐμὴν ὑπηρεσίαν πρὸς τὴν ἑαυτοῦ βούλησιν ἐπιτηδείαν ἐζήτησέ τε καὶ ἔκρινεν ὃς ἀπὸ τῆς πρὸς Βρετανοῖς ἐκείνης θαλάσσης ἀρξάμενος, καὶ τῶν μερῶν ἐνθα δύεσθαι τὸν ἥλιον ἀνάγκη τινὶ τέτακται, κρείττονι τινὶ δυνάμει ἀπωθούμενος καὶ διασκέδαννὺς τὰ κατέχοντα πάντα δεινὰ ἐκ ποδῶν ἔποιήσατο· ἵν' ἂμα μὲν ἀνακαλοῖτο τὸ ἀνθρώπινον γένος εἰς τὴν περὶ τὸν σεμνότατον νόμον θεραπείαν, τῷ παρ' ἐμοῦ παιδευόμενον ὑπουργίᾳ· ἂμα δὲ ἡ μακαριστὴ πίστις αὐξῶντο ὑπὸ χειραγωγῷ τῷ κρείττονι. Cum Deus meum ministerium quale esset explorasset, idemque ad ipsius voluntatem explendam idoneum censeret; eodem utens, et a mari Britannico, illisque partibus ubi sol rato cursu confecto necessario occidit, initium faciens, eximia quadam potentia et virtute omnia mala quæ homines premebant profligavit, et a medio prorsus sustulit: adeo ut mea opera ac diligentia tum humanum genus ad cultum augustinissimæ legis et disciplinæ revocatum esset, tum fides sanctissima permagna ipso Deo duce faceret progressiones:" quod egregium profecto fuisse observat Stephanus

<sup>g</sup> Apud Euseb. de vit. Constant. lib. 4. cap. 9. Theodorit. lib. 1. cap. 25. hist. tripartit. lib. 3. cap. 3.

<sup>h</sup> Euseb. de vit. Constant. lib. 2. cap. 28.

Foreatulus<sup>i</sup> de Britannia præconium; “ex cuius velut  
sanctitatis venerandæ rogo fax accensa fuerit, quæ toti  
illuxerit imperio.”

<sup>i</sup> Foreatul. de Gallorum imperio et philosoph. lib. 7.

## CAP. VIII.

De patria Constantini Magui, et matris ejus Helenæ, variae et discrepantes authorum sententiae : quam alii Britanniam, alii Galliam, alii Bithyniam, non nulli etiam Daciam fuisse volunt : Guilielmi Camdeni et Justi Lipsii de Britanica Constantini origine amica concertatio. De pace Ecclesia reddita : deque basilica S. Albani quam Verolamii, et S. Amphibali quam Wintoniæ tunc constructam aiunt. De Britannicis episcopis qui concilio Arelatensi interfuerunt ; et Britannorum cum patribus Nicænis in Paschatis observatione et Arianæ hæreses condemnatione consensu. De Britannicis episcopis qui in synodo Sardicensi et Ariminensi adfuerunt. Quamdiu ab Ariana perfidia immunis manserit Britannia, et quando ea contaminari cœpta. De Maximo in Britannia tyrannidem arripiente ; Britannica colonia in Armoricanam deducta, et LXXI. fœminarum millibus quibus ea occasione insula hæc exhausta fuisse fingitur. Peregrinatio Hierosolymitana et Romana, ut ab aliis ita etiam a Britannis, frequentata. Inde Origenis prava doctrina, atque ex illa enata nova Pelagiana et Cœlestiana hæresis, in orbem diffusa. Pelagius Britannus, Cœlestius Scotus, uterque monachus fuit. Quando, et quo in loco, venenum hoc ab illis spargi cœptum est.

A CONSTANTIO dilectum filium Constantimum pietatem edoctum, et in Britannicis insulis imperii relictum fuisse successorem, in Menæis<sup>a</sup> suis tradunt Græci. Et quidem “ in Britannia creatum esse imperatorem, et in locum patris exoptatissimum moderatorem accessisse,” scribit Eutropius<sup>b</sup>. Cujus rei, praeter alias<sup>c</sup>, locupletissimus testis est, in oratione ad ipsum Constantimum habita, Augustodunensis Rhetor Eumenius : ista demum ad Britanniam facta apostrophe. “ O<sup>d</sup> fortunata, et nunc omnibus beatior terris Britannia; quæ Constantimum Cæsarem prima vidisti.” Eum locum ad natale solum Constantini adstru-

<sup>a</sup> Menæ. Mai. 21.

<sup>b</sup> Eutrop. hist. lib. 10.

<sup>c</sup> Aurel. Victor. in Epitome. Hieronym. in chronic. Socrat. lib. 1. histor. ecclesiast. cap. 1. Oros. lib. 7. cap. 25, et 28.

<sup>d</sup> Panegyric. 9.

endum producunt Britanni nostri, nec sine probabilitate magna: utcunque illud Cæsaris additamentum adversus eos urgeat Johannes Livineius<sup>e</sup>, quod illum ipsum premit maxime. Etsi enim de Constantino, morientis patris sententia imperatore declarato, et a Britannico exerceitu imperatoria purpura mox vestito, in præeendentibus verba fecerit orator: tamen Cæsarem factum Constantimum non primam vidisse Britanniam, sed Galliam, pluribus hinc confirmat, ipsius Livineii in hæca causa vel dux vel saltem σύμμαχος, Justus Lipsius<sup>f</sup>. Ipsius quoque Nicephori ad hoc comprobandum adducto testimonio, qui Drepanicæ Constantini originis ab utroque prolatu est assertor unicus.

Neque Nicephorus solus<sup>g</sup> Constantium, relicto in Asia Galerio, ad patrem in Gallias concessisse scribit: sed etiam author eo longe antiquior, ab Henrico Valesio simul cum Ammiano Marcellino editus, id ipsum hisce verbis significat: “Tunc eum Galerius patri remisit. Qui ut Severum per Italiam transiens vitaret, summa festinatione veredis post se truncatis Alpes transgressus, ad patrem Constantium venit apud Bononiam, quam Galli prius Gesoriacum vocabant.” Et ut a patre Cæsarem illum declaratum fuisse docet actorum<sup>h</sup> Metrophanis et Alexandri scriptor vetus: ita factum id, priusquam in Britanniam ad morientem patrem ille accessisset, ipsa temporum ratio suadere videatur. Nam eodem tempore Constantium Cæsarem effectum, quo Severus et Maximinus, prodit Aurelius Victor<sup>i</sup>. Hos vero a Galerio Maximiano Augusto, anno qui Constantii mortem antecessit, creatos esse Cæsares, in Eusebii chronicè est annotatum. Neque si a posteriore aliquo anno regni Constantini epocham deducat idem Eusebius; quod alibi, “paucis<sup>k</sup> et mensibus et diebus demptis annos duos et triginta” implevisse illum dicit, haud scio quomodo cum historiæ veritate conciliari

<sup>e</sup> Notasis mihi additamentum CÆSAREM. Livinci. not. in Panegyric. 5.

<sup>f</sup> Lips. not. in Admirand. lib. 4. cap. 11.

<sup>g</sup> Niceph. hist. ecclesiast. lib. 7. cap. 19.

<sup>h</sup> Bibliothec. Photii cod. 256.

<sup>i</sup> De Cæsaribus. cap. 40.

<sup>k</sup> Δυὸς πρὸς τοῖς τριάκοντα τῆς βασιλείας ἐτηντοῖς, μησὶ τε καὶ ἡμέραις βραχείαις δέουσιν, ἐπλήρου. Euseb. de vita Constantini, lib. 4. cap. 53

possit: quandoquidem a XXV. die Julii mensis quo in sexto et postremo consulatu suo morte in obiit Constantius, usque ad XXII. diem Maii in Feliciani et Titiani consulatum incurrentem, quo Constantium filium interiisse constat, non plures quam triginta annos, menses novem, et dies viginti et octo, fasti Romani nobis hic exhibeant. Quibus addit et Lipsius alterius panegyrici scriptoris sermonem illum, in nuptiis Constantini habitum. “*Cum<sup>m</sup> tibi pater imperium reliquisset, Cæsar tamen appellatione contentus, expectare maluisti ut idem te qui illum declararet Augustum.*” Cæsar tamen nimurum appellatione illa, quam jam ante habebas: ut haud inscite interpretatur ille: Ille, inquam, Lipsius eodem ipso in loco, quo adversus Britannicam Constantini originem ex professo disputat, et præcedentia ejusdem panegyristæ verba (quæ de ea, non nostri solum, sed etiam beatus Rhenanus et Cæsar Baronius, sunt interpretati) de imperii ortu accipienda contendit. “*Liberavit<sup>m</sup> ille (pater videlicet Constantius) Britannias servitute; tu etiam nobiles illic oriendo fecisti.*”

In Britannia autem natum fuisse Constantium, ex patribus quoque traditionibus docuit Guilielmus Malmesburiensis<sup>n</sup>: et ante illum, scriptor Anglo-Saxonicus vitæ Helenæ; quam foeminam primariam Britanniæ extitisse, in chronico quod Flavio Lucio Dextro attribuitur, filiam regis Britanniæ fuisse, in Martini Poloni chronico legimus: de qua etiam Henricus Huntingdonensis<sup>o</sup>: “*Helena<sup>1</sup> Britanniæ nobilis alumna Londoniam muro, quod adhuc superstet, cinxisse fertur; et Colcestriam mœnibus adornasse:*” et de filio ejus; “*Constantinus flos Britanniæ, regnavit triginta annis et decem mensibus. Hic igitur Britanicus genere et patria; ante quem nec post similis est egressus de Britannia:*” ad quem et illa Johannis Sarisburiensis spectant in Polycratici sui prologo: “*Arcus triumphales*

<sup>1</sup> Panegyric. 5. ad Maximian. et Constantini.

<sup>m</sup> Ibid.

<sup>n</sup> Malmesbur. lib. 4. de regib. Anglor.

<sup>o</sup> Huntingdon. hist. lib. 15.

tunc proficiunt illustribus viris ad gloriam, cum ex quibus causis, et quorum sint, impressa docet inscriptio; liberatorem patriæ, fundatorem quietis, tunc demum inspector agnoscit; cum titulus triumphatorem, quem nostra Britannia genuit, indicat **Constantinum;**" et **Joscphe Exoniensis**, in Antiocheide sua Britanniae laudes ita decantantis :

————— Inlyta fulsit

Posteritas ducibus tantis, tot dives alumnis,  
Tot fœcunda viris : premerent qui viribus orbem,  
Et fama veteres. Hinc **Constantinus**, adeptus  
Imperium, Romam tenuit, Byzantium auxit.

Et Johannis de Garlandia, libro quarto de triumphis Ecclesiæ :

Romanus domitor Constantius orbis Hiberi,  
Suscepit Britonum tradita regna sibi.  
Regna Coel, natamque suam concesserat illi  
Quæ claro cleri dignitate clara fuit.  
Hæc **Constantinum** peperit : pater hinc Eboraci  
Decessit, nato dans ea regna suo.  
Vi capiens Romam, factus fuit ille monarcha  
Mundi, quo Christi crevit in orbe fides.

Is enim " **Britannica<sup>p</sup>** matre genitus, in Britannia natus, in Britannia imperator creatus, haud dubie magnitudinis suæ gloriæ natale solum particeps effecit:" inquit homo Italus, inclinatione animi in nominis Britannici gloriam non admodum propendens, Polydorus Vergilius.

Natum Eboraci fuisse affirmant regis Angliae oratores, qui in concilio Constantiensi cum Gallicani, et Basileensi cum Castellani regis legatis de πρωτείοις concertarunt: e quibus priores illi Constantienses: " Domus regalis Angliae, inter plures sanctos palmites quos produxit, qui de facile numerari non poterunt, sanetam Helenam cum suo filio Constantino Magno imperatorem, nato in urbe regia Eboracensi, educcere comperta est." Basileenses alterci, **Constantinum** illum magnum, " qui primus imperator Christianus," ut illi inquiunt, " licentiam dedit per uni-

<sup>p</sup> Polydor. hist. Anglic. lib. 2.

versum orbem ecclesias constituere ; immensa ad hoc conferens bona, Perternnæ natum in Eboracensi civitate," adjiciunt: eo, ut videtur, nomine collegium vicariorum choro inservientium, Bederne hodie dictum, intelligentes: quod, uti etiam ecclesia Christi nomine insignita, quæ ecclesia S. Trinitatis in curia regis in antiquioribus chartis nuncupatur, pars olim palatii<sup>q</sup> imperatoris fuisse existimatur. Hic etiam in Helenæ memoriam ædes sacra est posita : sicut et Londini altera, ubi Constantimum quoque editum, in urbis illius descriptione, affirmat Guilielmus Stephanides : fortasse quod Londinum ille, " rogatu Helenæ matris, primum mœnibus e lapide structili et latere Britannico obsepserit ;" quemadmodum ex patriis historiis retulit Guilielmus Camdenus<sup>r</sup>, et ipse Londinensis. Ab ipsa Helena hoc factum tradunt Henricus Huntingdoniensis et Simeon Dunelmensis : quod et Helenæ<sup>s</sup> nummi sub mœnibus sæpe reperti videntur confirmare : Colcestrenses tamen, uti idem alibi monuit Camdenus Helenam " suam<sup>t</sup> alumnam fuisse asserunt, ex Coelo rege natam: et in memoriam crucis ab illa repertæ, crucem nodosam inter quatuor coronas interpositam publico in digmate gerunt :" quo facit et illud Alexandri Nechami, ab eodem productum, tetrastichon :

Effulxit sidus vitæ, Colcestria lumen  
Septem climatibus lux radiosa dedit.  
Sidus erat Constantinus, decus imperiale :  
Servit huic flexo poplite Roma potens.

Et Henrici Huntingdonensis testimonium : qui Hclenam, et fuisse " filiam regis Britannici de Colecestre, cui nomen erat Coel ; et Colecestriam mœnibus adornasse," asserit : quam urbem ab ipso quoque rege Coelo, patre Helenæ, fuisse ædificatam, narrat Radulphus Niger<sup>u</sup>, Johannes Nauclerus<sup>v</sup>, et Jolannes Bouchetus<sup>w</sup>: Coel vero

<sup>q</sup> Vid. supr. pag. 123. et 209. ex Eumenio.

<sup>r</sup> Camden. in Middlesex, pag. 301.

<sup>s</sup> Id. ibid. in margine.

<sup>t</sup> Id. in Essex, pag. 325.

<sup>u</sup> Radulphi chronie. MS.

<sup>v</sup> Naucler. chronograph. volum. 2. generat. 6.

<sup>w</sup> Bouchet. annal. Aquitan. part. 1. cap. 5. ubi Cloel per epenthesis pro Coel, et Cloestre per metathesis ponitur pro Colestre.

regem Britonum, patrem Helenæ, Glastoniæ sepultum fuisse, in Glastoniensium reliquiarum indiculo, Henrici III. Anglorum regis temporibus confecto, invenimus.

In Britannica historia, quæ, paulo post editam Guilielmi Malmesburiensis historiam, Galfridi Monemuthensis opera in publicam lucem est producta, Coelum<sup>x</sup> Colcestriæ ducem fuisse legimus. Eum, imperante Diocletiano, Asclepiodotum prælio conserto peremisse, Britanniae regnum occupavisse, illudque unicæ quam habebat filiæ Helenæ hæreditario jure possidendum reliquisse. Illa igitur in uxorem ducta, Constantium regni Britanniæ diadematæ sese insignivisse; et suscepto ex ca filio Constantino, “cum undecim anni præteriissent, apud Eboracum morti subjacuisse, regnumque filio donavisse.” Quæ quidem temporibus admodum perverse esse distincta, nemo non videt. Quis enim tam rudis est, ut undecim tantum annorum Constantinum fuisse existimet, quum defuncto patri in regno successit? Nam non ante Diocletiani modo sed Taciti quoque imperium fuisse illum natum, ideoque tricesimum saltem ætatis annum, quum pater moreretur, numeravisse; integer annorum vitæ numerus evincit, a temporum illorum scriptoribus consignatus: quorum convenienter rationibus congruenterque, Camdenus<sup>y</sup>, una cum Baronio<sup>z</sup>, Britannicam historiam catenus emendat; ut Constantium Chlorum Aureliano imperante Helenam in uxorem duxisse dicat, et ex ea Constantinum illum Maximum in Britannia genuisse. Ut nullo modo Jacobus Philippus Bergomensis<sup>a</sup> audiendus sit, qui Constantium repudiata Theodora Helenam, Anglorum regis filiam captivam, uxorem duxisse fabulatur: cum ex Romanorum annalibus certo constet, Helenam illum coactum repudiasse, ut The-

<sup>x</sup> Galfrid. lib. 5. cap. 6. ct 11. Roger. Wcndover. ad annum gratiæ 303. et Matth. Florileg. ad annum 302. Jo. Capgrav. in legenda Helenæ. Pontic. Virunn. histor. Britannic. lib. 5. &c.

<sup>y</sup> Camden. Britann. pag. 51.

<sup>z</sup> Baron. annal. tom. 3. ad ann. 306. sec. 16.

<sup>a</sup> Bergom. supplement. chronic. lib. 8. Et Hertmann. schedel. in sexta ætate mundi.

odoram Maximiani Augusti privignam conjugem acciperet.

Ex Theodora Constantium sex liberos Constantini fratres habuisse, author est Eutropius<sup>b</sup>, eumque secuti, Hieronymus<sup>c</sup>, Orosius<sup>d</sup>, et Jornandes<sup>e</sup>: quot etiam, et eosdem quoque, ni fallor, ex Helena illum genuisse vult Capgravius<sup>f</sup>. Bouchetus<sup>g</sup>, ex hymno de Lucionensis ecclesiae fundatione composito (cujus initium; *Gaude Lucionum*) duos, praeter Constantinum, filios Helenam Constantio perissim narrat; eorum alterum Lucium, seniore fratre imperfecto, patria expulsum et ad monasticam vitam damnatum esse: indeque a patre navigio cum multis presbyteris et viris religiosis impositum, ducentibus ventis, ad locum inter Pictavienses Aquitanico oceano vicinum appulisse, atque ibi abbatiam et ecclesiam B. Mariæ dicatam extruxisse, et a nomine suo Lucionum appellasse. Ea vero ecclesia a Johanne papa XXII. ex abbatiali postea facta est episcopalis: cui nuper præfuit Armandus Johannes Plessæus, cardinalis de Richelieu; qui hodie universi regni Gallicani habenas moderatur.

Constantinus Porphyrogenitus, in libro de administrando imperio, capite decimo tertio, interdictum Constantini Magni in sacra mensa ecclesiae S. Sophiæ perscriptum fuisse simulat, ne unquam imperator Romanus affinitatem contraharet cum gente quæ peregrinis et a Romano statu diversis moribus uteretur: exceptis duntaxat Francis: “Τούτους γὰρ μόνους (inquit) ὑπεξέιλετο ὁ μέγας ἐκεῖνος ἀνὴρ Κωνσταντῖνος ἄγιος, ὅτι καὶ αὐτὸς τὴν γένεσιν ἀπὸ τῶν τοιούτων ἔσχε μερῶν. Hos enim solos exceptit magnus ille vir sanctus Constantinus: quod ex illis partibus ipse esset oriundus.” Notum vero est, Francorum nomine a posterioribus Græcis, uti etiam ab hodiernis Turcis<sup>h</sup>, occidentales omnes Europæos nostros generatim atque universe comprehendi. Ut nihil sit necesse, voluisse Porphyrogenitum, quod eru-

<sup>b</sup> Eutrop. hist. Rom. lib. 9.

<sup>c</sup> Hieronym. in chronic.

<sup>d</sup> P. Oros. lib. 7. cap. 25.

<sup>e</sup> Jornand. de regnor. succession.

<sup>f</sup> Capgrav. in legenda Helenæ.

<sup>g</sup> Jo. Bouch. annal. Aquitan. part. 1. cap. 5.

<sup>h</sup> Vid. Isaac. Pontan. Origin. Francic. lib. 5. cap. 7. pag. 386.

ditus illius interpres Johannes Mursius existimavit, “ In Galliis natum esse Constantiū Magnum;” et ab iis qui in Britannia ortum censuerunt dissensisse. Magni tamen Constantini matrem “ Helenam, quidam ex patria Treverorum oriundam asserunt; alius de regno Persarum, ubi Constantius ad tributa colligenda transmissus, eam legitur contigisse,” inquit in chronico suo Gottefridus Viterbiensis<sup>i</sup> presbyter: qui etiam de Constantio postea subjicit: “ Filiam<sup>k</sup> regis Britanniæ nomine Helenam, defuncto prius patre ejus nomine Johel<sup>l</sup>, accepit uxorem, de qua genuit Constantiū. Quamvis alii asserant ipsum Constantiū fuisse spurium filium Helenæ puellæ tabernariæ, in finibus Persarum genitum, dum pater ejus Constantius pro colligendis tributis publicis legatione in Perside fungeretur.”

De Treverica vero Helenæ origine ne quis scrupulus deinceps animo cujusquam insideret, Treverenses caverunt monachi; præclaro hoc Sylvestri I. Romani pontificis nomine in vulgus edito diplomate: “ Sicut<sup>m</sup> in gentilitate propria virtute sortire et nunc Trebir primas super Gallos et Germanos prioratum: quem tibi præ omnibus harum gentium episcopis in primitivis Christianæ religionis doctoribus, scilicet per Eucharium, Valerium, et Maternum, ac per baculum caput ecclesiæ Petrus signavit habendum; suam quodammodo minuens dignitatem, ut te participem faceret. Quem ego Sylvester, ejus servus successioneque indignus, per patriarcham Antiochenum Agricium renovans confirmo, ad honorem patriæ dominæ Helenæ Augustæ, metropolis ejusdem indigenæ: quam ipsa felix per apostolum Matthiam Judæa translatum, cum tunica et clavo Domini, et dente sancti Petri et capite Cornelii papæ, cæterisque reliquiis ditavit specialiterque provexit. Hujus privilegii consciī nocivi æmuli communione dirimantur, quoniam anathemate maculantur.” Et ne carmina hic deessent, hisec quoque versiculis cun-

<sup>i</sup> Gotfrid. chronic. part. 15. sec. ult.

<sup>k</sup> Ibid. part. 20.

<sup>l</sup> leg. Coel.

<sup>m</sup> Guilielmi Kyriandri commentar. de August. Treveror. part. 3. pag. 15, 16.

dem primatus dignitatem Trevericæ ecclesiæ conferentem induxerunt<sup>n</sup> :

Accipe primatum post Alpes, Trevir, ubique :  
Quem tibi Roma nova lege dat et veteri.

Ita, Otto Frisingensis<sup>o</sup> : “ Hanc Helenam ex pago Treverorum oriundam dicunt : unde eandem ecclesiam plurimum eam decorasse tradunt.” Et Ranulphus Cestrensis<sup>p</sup> : “ Hanc Helenam dicit Ambrosius fuisse stabulariam apud urbem Treverensem in Gallia ; et ob insignem pulchritudinem a Constantio Caesare duc-tam.” Et fuisse quidem illam stabulariam, non ipse dicit Ambrosius, sed ab aliis dici affirmat, et de dicti illius sensu varii sentiunt varie. Richardus Vitus Basinstochius “ Helenæ<sup>q</sup> patrem Cæsari fuisse comitem stabuli ait, idque officium in imperatoris aula præstantissimum” fuisse : cuiusmodi est “ Angliæ aut Franciæ conestabularii, qui vulgo dicitur : quod ignorantes quidam, ausi sint ex contemptu dicere, illam esse filiam stabularii.” Petrus Equilinus<sup>r</sup>, inscio patre Cloele rege Britanniæ, Romæ peregrinatam esse, et post conceptum ibi ex Constantio Constantinum ; “ habitu indutam vilissimo in villam secessisse, atque in domo quadam quæ olim stabulum fuerat equorum” habitavisse, indeque stabulariam dictam fuisse fingit. Guilielmus Camdenus<sup>s</sup>, a Judæis et Gentilibus stabulariam ignominiose appellatam fuisse ait ; quia “ præsepe in quo Christus natus quæsivit, et ubi stabulum fuit, ecclesiam fundavit :” quod etiam ante eum, in legenda Helenæ, tradidit Johannes Capgravius : “ Judæos ipsam inter se ex invidia stabulariam vocavisse ; eo quod supra stabulum et tam vilem locum, eis admodum exosum, tam nobilem ecclesiam ædificavisset.” Cæsar Baronius<sup>t</sup>, contemptus gratia, stabulariam nominatam putat, “ quod hospitis, apud quem divertit Constantius in Britannia,

<sup>n</sup> Christ. Brower. not. ad Venant. Fortunat. lib. 3. epigram. II.

<sup>o</sup> Ott. Frising. chronic. lib. 3. cap. 45.

<sup>p</sup> Ranulph, polychronic. lib. 4. cap. 26.

<sup>q</sup> Vit. ad lib. 5. antiquitat. Britannic. not. 26.

<sup>r</sup> Petr. de Natal. lib. 7. cap. 73. <sup>s</sup> Camden. Britan. pag. 52.

<sup>t</sup> Baron. ann. 306. sec. 20, 21.

filia fuisse;” licet talis hospitis, “ qui dueem totius exercitus domi exciperet.” Et nota sunt quæ, ex odio ac livore in Constantinum, adversus matrem ab ethnicis confictæ sunt calumniæ: ut quod impius illius nepos, apostata Julianus, Ἐξ<sup>u</sup> Ἐλένης φαύλης τίνος γυναικὸς καὶ ἀσῆμου, natum illum dieat; et Zosimus<sup>w</sup> Εξ ἀσέμνου μητρὸς, atque ἐξ ὁμιλιὰς γυναικὸς οὐ σεμνῆς οὐδὲ κατὰ νόμον συνελθούσης Κωνσταντίῳ τῷ βασιλεῖ γεγεννημένον.

Ex hujusmodi hominum rumuseulis disseminatum dispersumque de Helena stabularia sermonem, ad summam illius laudem pio hoc sensu convertit S. Ambrosius: “Stabulariam<sup>x</sup> hanc primo fuisse asserunt, sic cognitam Constantio seniori, qui postea regnum adeptus est. Bona stabularia, quæ tam diligenter præsepe Domini requisivit. Bona stabularia, quæ stabularium non ignoravit illum qui vulnera euravit a latronibus vulnerati. Bona stabularia, quæ maluit existimari stereora<sup>y</sup>, ut Christum luerifacceret.” De urbe vero Treverensi nullum hic extat verbum. Primusque, quantum ego investigando comperire potui, abbas Berengosius “B. Helenam<sup>z</sup> Trevirorum quondam indigenam civitatis” fuisse affirmavit: ibidemque<sup>a</sup> Constantium Cæsarem eam sibi sociavisse in connubium, et ex ea Constantinum Magnum generavisse: de ejusdem Helenæ antiqua nobilitate ista etiam adjiciens: “Licet<sup>b</sup> in historiis parentum illius generosa sileatur nobilitas; nobilitatem tamen ejus apud Treviros ædificiorum suorum adhuc antiqua testatur gentilitas: ubi pavimentum domus illius variis marmoribus et Pario quondam lapide stratum, bene declarat, quantum ibi præ aliis videretur habere primatum. Præterea vero ipsæ planities parietum fulvo auro velut hyæinthino textu depictæ bene testabantur insignia nobilitatis ejus invictæ: insuper etiam prædiorum ejus copiæ cœlesiis Dei olim undique collatae bene deela-

<sup>u</sup> Act. Artemii, apud metaphrastam, Octob. 20.

<sup>w</sup> Zosim. hist. lib. 2.

<sup>x</sup> Ambros. orat. de obitu Theodosii.

<sup>y</sup> Philip. cap. 3. ver. 8.

<sup>z</sup> Berengos. de inventione Crucis, lib. 2. cap. 1.

<sup>a</sup> Id. lib. 3. cap. 1.

<sup>b</sup> Id. ibid. cap. 2.

rant, quam nobilissima generis polleret antiquitate." Sed neque palatum Trevericum ibi fuisse procreatam, neque illius munificentia et tot ecclesiis collata donaria veteri dignitate fortunaque natam eam fuisse arguit. Neque enim privatam habuisse illam ista appareret, et a majoribus accepta : sed quando "Augusta<sup>c</sup> cum filio conregnabat ;" et "prompto<sup>d</sup> filii imperatoris adsensu (ut loquitur Paulinus) mater Augusta, patefactis ad opera sancta thesaurois, toto abusa<sup>e</sup> fisco est." Cum enim Treveris Cisalpinarum<sup>f</sup> urbiū maxima, imperatorem<sup>g</sup> in illis partibus clarum esse, domicilium : nihil mirandum est, eo in loco matrem imperatricem ædes incoluisse splendidissimas ; undecumque demum ortus illa traxerit originem.

Quod de Persarum<sup>h</sup> regno Gottefridus attexit, a Nicephoro Callisti lucem aliquam accipit: qui Constantium<sup>i</sup>, legatum ad Persas a Diocletiano missum, Drepanum divertisse, et ex Helena hospitis sui filia Constantinum genuisse narrat : ubi Bithynicam tamen Helenæ, potius quam Persicam, tribuit ille originem. Verum hanc Nicephori fabellam, ex temporis ratione, satis refutavit Baronius<sup>k</sup> : vulgataque illa de Bithynica Helenæ patria opinio, partim ex apocryphis Sylvestri actis, partim ex Helenopoleos nomine Drepano postea imposito, primam duxisse videtur originem. Cum enim a Silvestro baptizaretur Constantinus (quod nunquam factum) matrem in Bithynia versa-

<sup>c</sup> Sulpit. Sever. sacr. hist. lib. 2.

<sup>d</sup> Paulin. epist. 11. ad Sever. Vid. Euseb. de vita Constantini, lib. 3. cap. 46.

<sup>e</sup> Id est, usa, quomodo accipendus est et Hieronymus in quæstionib. in Genesim ; ubi apostolos ait "iis plerumque testimoniis abuti, quæ jam fuerant in gentibus divulgata :" et ipse Tullius, lib. 2. de Natur. Deor. ubi nos scribit "sagacitate canum ad utilitatem nostram abuti."

<sup>f</sup> Ἐστι δὲ αὕτη πόλις μεγίστη τῶν ὑπὲρ τὰς Ἀλπεις ἡ θυῖνη. Zosim. hist. lib. 3.

<sup>g</sup> Ammian. Marcellin. hist. lib. 15. Gelas. P. epist. 13. ad episcopos Dardaniae. Vid. Aub. Miræi fastos Belgic. et Burgundic. Septembr. 14. pag. 535, 536.

<sup>h</sup> Næsson, episcopalis urbs, in finibus Persarum habetur apud Sim. Metephras tam in vita S. Acepisnæ. Et Næssus in Dardania ab aliis statuitur patria Constantini. Videndum, an non ex homonymia hac natus fuerit error ille.

<sup>i</sup> Nicephor. histor. ecclesiast. lib. 7. cap. 18. et lib. 8. cap. 2.

<sup>k</sup> Baron. annal. tom. 3. ad ann. 306. sec. 14.

tam, unde orta erat, in Actis Sylvestri apud Simeonem<sup>1</sup> metaphrastam legimus. Ex alia tamen Sylvestri legenda, apud Britanniā eam tunc constitisse, refert Ranulphus Cestrensis<sup>m</sup>: Mariano Scoto quoque astipulante; cuius in chronicō hæc sunt verba: “Constantino a papa Sylvestro baptizato, scripsit de Britannia sibi sua mater Helena, ut negantes Christum Judæos sequeretur,” quæ, in favoreni Helenæ, editum Florentii Wigorniensis chronicō ita immutavit: “Constantino a papa Silvestro baptizato, scripsit ei sua mater Helena de Britannia, ut negantes Christum Judæos persequeretur.”

De Helenopoli sic scribit, in libro quinto de aedificiis Justiniani, Procopius Cæsariensis: “”Εστι τὶς ἐν Βιθυνοῖς πόλις, Ἐλένης ἐπώνυμος οὗσα τῆς Κωνσταντίνου βασιλέως μητέρος. Ἐκ ταύτης γὰρ τὴν Ἐλένην ὡρμῆσθαι φασὶ, κώμης οὐκ ἀξιολόγου τὰ πρότερα οὖσης· ὥπερ τὰ τροφεῖα Κωνσταντίνος ἐκτείνων, ὄνόματι μὲν καὶ ἀξιώματι πόλεως τὸ χωρίον δεδώρηται τοῦτο· οὐ μὲν τοι οὐδὲν οὐδὲ βασιλικὸν οὐδὲ μεγαλοπρεπὲς τῆδε πεποίηται. Est apud Bithynos urbs quædam, Helenæ Constantini regis matris cognominis: nam ex hac Helenam oriundam aiunt, vico olim ignobili, cui Constantinus nutricationis officium exolvens, hunc locum nomine quidem et dignitate urbis decoravit; nihil tamen regium, nihil magnificum in ea extruxit.” Ex hoc Constantini facto falsam illam plerorumque, quos voce φασὶ inuit Procopius, de ipsius et matris Helenæ patria conceptam esse sententiam, non mala suspicatus est conjectura Stephanus Forcatulus<sup>n</sup>.

Atqui non hanc solum Bithyniæ, sed aliam quoque in Palaestina Helenopolim, ubi nemo natam Helenam somniavit, in matris honorem a Constantino denominatam testatur Sozomenus<sup>o</sup>; et præter ortus rationem, alia redditur causa, ob quam matris in Drepano decorando meminisse potuerit Constantinus: si quidem illud verum sit,

<sup>1</sup> Januar. 2. tom. 5. Lipomani, fol. 357.

<sup>m</sup> Ranulph. Polychronic. lib. 4. cap. 26.

<sup>n</sup> Forcatul. de Gallorum imper. et philosoph. lib. 7.

<sup>o</sup> Sozomen. lib. 2. histor. eccl. cap. 1.

quod in actis Luciani martyris legitur : “ Veneranda<sup>q</sup> Helena, quando revertebatur Hierosolymis, locum honorans ; et in eo condidit civitatem, convocatis habitatoribus ex iis quae circum circa erant regionibus, et effectis operis participibus, et validis eam cinxit mœnibus, et martyri templum ædificavit maximum; quod nunc quoque insigne et pulchre extrectum cernitur ab iis qui et terra et mari ingrediuntur ac navigant.” Unde et ipse Nicephorus<sup>r</sup>, Helenam hac urbe delectatam fuisse narrat ; non tam “ quod ibi orta esset” (quod hic in Latino legimus interprete, non in textu Græco) quam “ quod Lucianum post martyrium obitum eo a delphine deportari contigerit,” Luciani certe martyris, magis quam suæ vel maternæ patriæ, memoriam spectavisse Constantinum, matris nomine urbem hanc insignientem, fidem mihi quidem facit B. Hieronymus ; qui in chronico suo, omni patriæ mentione penitus omissa, rem simpliciter ita enarravit : “ Drepanam Bithyniae civitatem in honorem martyris Luciani ibi conditi Constantinus instaurans, ex vocabulo matris suæ Helenopolim nuncupavit.” Ut et Constantinopolitanus chronographus, Alexandrini nomine a Radero editus : “ Δρέπανον ἐπικτίσας ὁ βασιλεὺς Κωνσταντῖνος ἐν Βιθυνίᾳ εἰς τιμὴν τοῦ ἀγίου μάρτυρος Λουκιανοῦ, ὅμώνυμον τῷ μητρὶ αὐτοῦ Ἐλενούπολιν κέληκε, δωρησάμενος ἄχρι τοῦ νῦν ἔως φανερᾶς περιοχῆς πρὸ τῆς πόλεως, εἰς τιμὴν τοῦ ἀγίου μάρτυρος Λουκιανοῦ, ἀτέλειαν. Constantinus in honorem sancti Luciani martyris instaurata Drepani urbe in Bithynia, illam a matre sua Helenopolim nuncupavit ; donata civitati, in martyris honorem, quounque patet ante urbem prospectus, immunitate vectigalium ad hodiernum usque diem : ” et, ex Theophane, Cedrenus : “ Δρεπανᾶν τὸν ἐν Νικομηδείᾳ ἐπικτίσας, εἰς τιμὴν Λουκιανοῦ τοῦ ἐκείσε μαρτυρήσαντος, Ἐλενόπολιν διὰ τὴν μητέρα ἐκάλεσεν. Drepanam apud Nicomediam in honorem Luciani, qui ibi martyrium subierat, condidit ; et a matre Helenopolim appellavit.”

<sup>q</sup> Metaphrast. Octob. 15. Sur. Januar. 7.

<sup>r</sup> Nicephor. hist. eccles. lib. 8. cap. 31.

Sed de Bithynica Constantini patria novam hic item movet Lipsius<sup>s</sup>, ex depravato Julii Firmici testimonio : apud quem “Constantinus Maximus<sup>t</sup>, Divi Constantini filius, apud Tharsum genitus, a primo ætatis gradu imperii gubernacula retinuisse,” vulgo legitur. Hic enim Constantium Magnum Divi, non Constantini, sed Constantii filium ille intelligit, genitum ad sinum et curvaturam maris (cujusmodi loca communis nomine Drepuna Graeci, quasi Falces, a similitudine, vocaverint) juxta Nicomediam Bithyniæ, ubi Tarsum hanc a Stephano<sup>u</sup> de urbibus, Niceta<sup>w</sup>, et Porphyrogenneta<sup>x</sup>, ponit notat. Verum codices manuscripti pro Tharso habent hic Naisum<sup>y</sup>; ut si locus hic de Constantino Magno fuerit accipiendus; non Lipsio, sed (cui ille aurem hic non præbet) Georgio Cedreno sit auscultandum potius, qui in urbe Daciæ genitum illum fuisse asserit: de quo et Cuspinianus, in Cæsaribus: “Constantinus natus est in Britanniis: licet alii apud Dacos natum scribant; quod verisimilius est:” eo videlicet, quod et patri Constantio Illyricum patriam fuisse Aurelius Victor, et avum Eutropium nobilissimum gentis Dardanæ virum extitisse, testetur Trebellius Pollio in Claudio. Ut enim Naisus, sive Nesus, urbs<sup>z</sup> est Dardaniæ<sup>a</sup>; ita Da-

<sup>s</sup> Lips. Admirand. de Magnitud. Rom. lib. 4. cap. 11. edit. Antwerp. ann. 1598.

<sup>t</sup> Jul. Firmic. Matheseos, lib. 1. cap. 4.

<sup>u</sup> Δρεπάνη Βιθυνίας, πρὸς τῷ Ἀστακηνῷ κόλπῳ. Τάρσος τῆς Βιθυνίας.

<sup>w</sup> In imperio Alexii Comneni, Manuelis filii sec. 9. Ἐπεὶ δὲ τῷ Ταρσίᾳ ὁ Ἀνδρόνικος ἦγγιζε, καὶ τῶν περὶ τὴν Νικομήδους πόλιν οἱ πλείονες αὐτῷ προσεχώρουν.

<sup>x</sup> Lib. 1. Them. 5. in eas gentes: Βιθυνοί, Θυνοί, Ταρσιάται. Urbes 1. Nicomedia metropolis. 2. Helenopolis. 3. Prænetus. 4. Astacus. 5. Parthenopolis. In libro notitiarum Orientalis imperii (F. 1.) mari Isauriæ adscriptum habetur: Tharsus mare. Vid. Orteli. Thesaur. in Tarsia.

<sup>y</sup> Ita in veteri codice habcri notavit etiam Nicolaus Rigaltius, apud Petavium in not. ad Orat. 13. Themistii pag. 661. Ptolemæus, lib. 2. cap. 16. in Pannonia inferiore Tarsium collocat. ibid. pag. 727.

<sup>z</sup> Ptol. Geograph. lib. 3. cap. 9. Ibid. cap. 4. urbs Naissatensis, in Illyrico, Ptolemæo dicitur Νέσος, vel potius Ναῖσσος, ut apud eum legit Joh. Tzetzes in varia sua historia; Curopalatae Nisus; Ammiano Marcellino, lib. 21. et 26. Nessus; Antonino in itinerario, pag. 30. edit. Colon. ann. 1600. et authori itinerarii Hierosolymitani, ibid. pag. 145. Naissum.

<sup>a</sup> Quæ et Mysia Mediterranea; in codice lib. 11. tit. 6. dc Metallariis. lib. 4.

ciæ<sup>b</sup> pars est Dardania, et Illyrici Dacia. Mutilum vero Cerdreni locum ita supplendum esse, ut περὶ τὴν [Ναισὸν] τῆς Δακίας πόλιν in eo legi debeat, ex Constantino Porphyrogenito demum deprehendi: apud quem<sup>c</sup>, in præfectura Daciæ mediterraneæ “Ναισὸς, ἡ πατρὶς τοῦ μεγάλου Κωνσταντίνου, Naisus vel Næsus, patria magni Constantini,” expresse collocatur. Quod enim idem, in<sup>d</sup> libro de administrando imperio, ex Francorum partibus oriundum illum retulit, ficte et simulate ab eo factum quæ præcesserint satis indicant; in quibus Romanum filium edocet, quo prætextu uti illum oporteret, si Turcæ aut Russi, aut aliæ quæpiam gentes Boreales ac Scythicæ cum imperatore affinitatem contrahere desiderarent. Naisi vero natum fuisse Constantinum, tradidit etiam author illo longe antiquior, Stephanus vel saltem, qui illius quam habemus epitomen ad Justinianum imperatorem edidit, Hermolaus Constantinopolitanus grammaticus; licet is Thraciæ urbem illam faciat; Ναισσός, inquiens, “πόλις Θράκης, κτίσμα καὶ πατρὶς Κωνσταντίνου τοῦ βασιλέως. Naissus, urbs Thraciæ, structura et patria Constantini imperatoris.” Similiter et Hermolao æqualis historicus, cum Ammiano Marcellino ab Henrico Valesio viro eruditissimo nuper editus, “Constantinum natum in oppido Naiso, illudque eum oppidum postea magnifice ornavisse” scribit. Ubi et illud obiter notandum, Stephani ætate Thraciæ membrum habitam fuisse Dardaniam; quæ Ptolemæo<sup>e</sup> Mysiæ superioris pars fuit. Nam et Naissum et vicinam Scoporum<sup>f</sup> sive Scuporum urbem in Thracia Stephanus constituit, quas in Dardania<sup>g</sup> Ptolemæus, in Bulgaria Ce-

cum procuratores. Ptol. lib. 3. cap. 9. Dardaniam Mysiæ superioris partem facit.

<sup>b</sup> Notitia Orientalis imperii. Sext. Rufus in brevario. Jornandes de regnor. successionib. unde Nicolao Damasceno, apud Stobæum. Δαρδανεῖς Ἰλλυρικὸν ἔθνος, et Aeliano, lib. 4. var. hist. cap. 1. Δαρδανεῖς οἱ ὑπὸ vel ἐπὶ τῆς Ἰλλυρίδος.

<sup>c</sup> Constantin. Themat. 9. lib. 2. (pag. 98.)

<sup>d</sup> Supra. pag. 225.

<sup>e</sup> Ptolem. Geograph. lib. 3. cap. 9. Vid. et Cod. Justinian. lib. 11. tit. 6. de Metallariis. leg. 4. cum procuratores.

<sup>f</sup> Σκόποι, πόλις Θράκης, Stephan.

<sup>g</sup> Dardaniæ Scupum Metropolim facit Marcellinus Comes in chronicō. ad ann. Dom. 518.

drenus<sup>h</sup> collocat. Et Mysiam<sup>i</sup> vero et Bulgaria<sup>k</sup> Thraciae aliquando partem fuisse, etiam Constantinus Porphyrogenitus annotavit.

At eadem libertate critica, qua Constantimum Divi Constantii filium in Julio Firmico legit Lipsius, Constantium Divi Constantini filium legendum contendit Camdenus noster; eumque Naisi natum fuisse confirmat. Licet enim in Zosimi<sup>l</sup> historia, tres eodem tempore Cæsares a Constantino creatos fuisse legamus; Crispum e Minervina concubina natum, “ἥδη νεανίαν ὄντα, qui jam adoleverat, καὶ Κωνστάντιον, οὐ πρὸ πολλῶν ἡμερῶν ἐν Ἀρελάτῳ τῷ πόλει τεχθέντα, et Constantium, in Arelatensi oppido ante non multos dies in lucem editum” et Licinianum Licinii filium, qui jam ætatis mensem vicesimum ingressus erat: tamen Constantimum, qui post Crispum Constantini Magni filiorum natu erat maximus, reponendum hic esse pro Constantio (uti in notis recte monuit Fridericus Sylburgius) ex chronicis Eusebii, Aurelii Victoris, Idatii, et Orosii, manifestum est: e quibus Victor, eodem quo Zosimus modo; “Filiū suū,” inquit, “Crispū nomine, ex Minervina concubina suscep̄tū, item Constantīnum iisdem diebus natū oppido Arelatensi, Licinianūque Licinii filium, mensū fere viginti, Cæsares effecit.” Et Eusebius<sup>m</sup>: “Primus, qui patris erat cognominis, decimo paterni imperii anno honorem hunc adeptus est. Secundus, avi nomine appellatus Constantius, anno fere vicesimo:” quem quidem non in Gallia sed Illyrico natum fuisse, extra controv̄siā ponit ejusdem in imperio successor Julianus, his ipsis ad eum ipsum usus verbis: “Ιλλύριοι<sup>n</sup>, ὅτι παρ' αὐτοῖς γέγονας, οὐκ ἀνέξονται τοῦ καλλίστου τῶν εὐτυχημάτων στερούμενοι, εἴ τις ἄλλην σοι πατρίδα προσνέμοι. Illyrici, quod in eorum

<sup>h</sup> Georg. Cedren. histor. compend. pag. 615.

<sup>i</sup> Constantin. Theniat. 3. lib. 1. pag. 19.

<sup>k</sup> Id. Themat. 1. lib. 2. pag. 80.

<sup>l</sup> Zosim. hist. lib. 2. pag. 679. edit. Græcolat.

<sup>m</sup> De vita Constantini, lib. 4. cap. 40.

<sup>n</sup> Julian. orat. 1. in laudem Constantii. Constantinopolim tamen patriam illius urbein appellat Jo. Zonaras, annal. tom. 3. de reliquiarum Andrcæ et Lucæ translatione sub eo facto verba faciens. Verum eo nomine intelligit ille τοῦ πατρὸς αὐτοῦ πόλιν, ut de eadem re scribens habet Metaphrastes, sub finem vitæ S. Lucæ, pag. 88.

solo natus sis, tam felici forte ac conditione privatos se esse non patientur, si quis aliam tibi patriam attribuerit." Esse autem Illyrici civitatem Naisum (præter orientalis imperii notitiam, quæ urbem Naissatensem statuit in Illyrico) testem damus Marcellinum comitem Illyricanum; qui in clironico<sup>o</sup>, Gaianum Naisatanum inter Catholicos Illyrici numerat sacerdotes; atque Hunnorum<sup>p</sup> reges, Bledam et Attilam fratres, "cum numerosis suorum millibus in Illyricum irruentes, Naisum, Singidunum, aliasque civitates, oppidaque Illyrici plurima excidisse" narrat. Prisco<sup>q</sup> quoque rhetore, qui eodem quo hæc clades accidit, tempore ipse vixit, in *Gothica historia* similiter attestante, ab Attila dirutam esse Naissum, urbem quinque dierum itinere ab Istro flumine distantem.

Sed quid vetat integrum doctissimi Camdeni hac de re epistolam, hactenus ineditam, huc apponere?

CL. V. JUSTO LIPSIO, GUILIELMUS CAMDENUS S.

"Ex quo ADMIRANDA illa tua, te dignissima, in lucem prodierunt, V. CL. gestiit mihi animus tecum paucis de loco natali Constantini Maximi agere; non altercandi vel calumniandi studio (quod a nobis, qui Musis et Modestiae litamus, susceptamque inter nos benevolentiam conservamus, procul absit) sed cupiditate quadam cognoscendi, et veritatem, si fieri possit, ab injuria vindicandi. Cumque jam mihi vacet scribere quæ subinde mecum hac de re animo agitavi; utinam et tibi per operosa negotia liceat huic disquisitioni tantisper immorari: licet illa sane levicula, et omnino supervacanea. *Non enim*, inquit Vopiscus, *summa sciendi est, ubi quisque magnorum principum sit genitus, sed qualis in republica fuerit.*"

"Historici omnes qui de loco natali Constantini Maximi scripserunt una voce, præter duos Graeculos Cedrenum et Nicephorum, in Britannia natum asserunt: et historiæ

<sup>o</sup> Anno 516.

<sup>p</sup> Anno 441.

<sup>q</sup> Ἐκλογ. πρεσβείων a D. Hæschelio ann. 1603. edit.

fides ut certa favenda, cum in idem plures ut testes consentiunt. Cedrenum, qui natum circa urbem Daciæ tradit, ut vanitatis manifestum ipse rejicis: Nos itidem Nicephorum, qui Drepani Bithyniæ natum, cum ut vanum, tum ut ætate minorem ad testimonium perlibendum rejicimus. Præ scriptoribus enim qui contra eunt, nuperus ille et novitius; ab anno scilicet MCCCXL. sub Andronico Juniore. Cui, praeter vitam Helenæ Anglo-Saxonice circa annum DCCCCXL. scriptam, Henricum Huntingdonensem, Guilielmum Malmesburiensem, Johannem Sarisburiensem, ejusdem ævi, cum denso scriptorum agmine opponamus; qui Nicephoro, judicio non inferiores, tempore antiquiores. Quo antem quisque tempore antiquior et rei gestæ loco propior, majorem et potiorem fidem mereatur."

" Nec de loco audiendus, qui in modo genituræ aniliter ineptit, et temporis ratione omnino aberrat. Ait patrem ejus Constantium Claudii ex filio nepotem (quod minime verum docet Pollio) legatum ad Persas a Dioclesiano missum, Drepani in Bithynia hospitem ei filiam suam prostituisse, cui pallium regium purpura intextum (quid privato cum pallio regio?) donarit; eademque nocte solem ex occidente in somniis illuxisse. Deinde anno Diocletiani quarto Cæsarem fuisse designatum Constantinum ex hac natum; ostento regio isto pallio patri innotuisse, qui eum in Gallia (imo in Britannia) Cæsarem creavit."

" At quando ille genitus? cum Diocletianus bellum Persis minaretur: ad annum scilicet Domini CCLXXXVI. ut, hac inita ratione, tantum XX. fuerit annorum cum imperium cœperit. Tricesimum tamen tunc attigisse annum Eusebius et Victor Schotti, qui tunc vixerunt, docent. Ad quod tempus ipse etiam proxime accedit, qui Nicephori fidem in hoc concidentem libenter statumines."

" Ad Nicephori tamen fidem firmandam adlibetur testis vetus ab ipsius Constantini ævo, fide plenus et omni exceptione major, Julius Firmicus. Sed examinetur primum tempus quo Firmicus scripsit, deinde testimonium quod profert."

" Quod Firmicus non sub Constantino Maximo scripsit,

sed sub Constantio ejus filio, circa XVIII. scilicet ab excessu Constantini Maximi annum, ipse testis fide dignus in præfatione qua Mavortio Lolliano jam consuli ordinario designato librum inscripsit. Cujus consulatum in annum XIX. Constantii incidisse, ex fastis manifesto constat. Nec quenquam ante tot annos consulem ordinarium designatum me legere memini. At hæc de postremis annis Constantini Maximi ut tunc transactis loquitur, ubi meminit solaris deliquii Optato et Paulino consulibus vix uno et altero anno ante mortem ipsius Constantini."

"Quod ad testimonium: si adesset et audiret ipse Firmicus, ut corruptum et interpolatum, et non ut suum agnosceret; et non de loco natali Constantini Maximi, sed Constantii ejus filii, sub quo Lolliano ordinario consuli designato librum obtulit, se loqui clamitaret. At verba ipsa pensiculatius examinemus, ex duobus manuscriptis, altero ex bibliotheca collegii Lincolniensis Oxonii, altero Thomæ Alani mathematici Oxoniensis; non ex illo impresso et mendoso, qui tibi imposuit, et in Tharso indaganda negotium facessit. Ecce autem verba ipsa fide antiqua; parenthesi tantum a me interjecta, et Constantius pro Constantinus, critica licentia substituto:

*Dominus et Augustus noster ac totius orbis imperator pius, felix et providus princeps, CONSTANTIUS scilicet Maximus, Divi Constantini filius augustæ et venerandæ memorie principis (qui ad liberandum orbem a tyrannicis immoderationibus, et ad comprimenda domestica mala favore propitiæ majestatis electus, ut per ipsum servitutis squalore deterso, securæ nobis libertatis munera redde-rentur; ut captivitatis juga fatigatis jam et oppressis cervicibus poneremus: quem pro nostra semet libertate pugnantem incertissima inter casus humanos nunquam belli fortuna decepit) apud Naisum genitus, a primo ætatis gradu, imperii gubernacula retinens quæ prosperiis nactus fuit auspiciis, Romanum orbem salubri gubernatoris moderatione sustentat.*

"Quæ parenthesi hic interclusa, ad Constantinum

Maximum referenda videntur. Ille enim ad liberandum orbem a tyrannis, ad comprimenda domestica mala, &c. divinitus electus, *Illico*, inquit panegyristes, *atque pater terris fuerat exemptus, universus in te consedit exercitus, te omnium mentes oculique signarunt: et quanquam tu ad seniores de summa reipublicæ, quidnam fieri placeceret, retulisses; prævenerunt tamem studio, quod illi mox judicio probaverunt. Purpuram statim tibi, cum primum copiam tui fecit egressus, milites utilitati reipublicæ magis quam tuis affectibus servientes injecere lacrimanti, &c.*

“ Cætera autem quæ præeedunt et subsequuntur, parenthesi exelusa, perpendas quæso an non apposite Constantio Constantini filio eonveniant. Ille post fratres Constantinum et Constantem totius orbis imperator, ille solus imperator : Ille **M**AXIMI agnomen habuit, ut nos in ejus nummis vidimus, et tu apud Oceonem videoas. Ille Divi Constantini fuit filius : ille a primo ætatis gradu, id est, a pueritia (ut ego capio ex Firmiei præfatione) gubernacula retinuit : novennis enim vel octennis vicennialibus patris Cæsar fuit designatus, et orientis imperio præpositus : eum pater gubernacula illa non suscepserit ante annum triagesimum. Quod autem Constantius noster Naiso, ut libri nostri præ se ferunt, genitus fuerit; ipsius ætas probare videatur. Si enim ille obiit, ut habet Vietor, anno ætatis quadragesimo quarto; natus fuit anno salutis CCCXVII. Gallieano et Basso eonsulibus. Quo quidem anno et subsequentibus in illis partibus egit Constantinus Maximus ; ut rescripta Sirmio, Sardiea, et etiam Naisso data demonstrant.”

“ Haetenus secundo æstu provehi videoer : sed hic tu subridens ἀνὰ ποῦν irrucas, quod Firmicus Constantinum Maximum, et ejus invictissimos liberos Cæsares et dominos appellat ; eum Constantius liberos habuerit nullos. Vela obliquo ; nee eonfugio ad Gallum vel Julianum, quos eum Cæsares dixerit in liberos adoptavit. Sed facio limatissimi tui judieii, an illa Firmiei verba satis commodo sensu intellegi non possint illum preeari erratia nomina, ut Constantinus sit Maximus primeps, liberosque habeat qui sint invictissimi Cæsares et domini, qui posterorum posteris imperent, &c.”

“ Hæc qualiacunque me inhibent quo minus Constantium Maximum Tarsi Bithyniæ natum credam : et ignoscas si illum Firmici locum non facero ad patrium solum Maximi illius Constantini, donec solidiora proferantur, existimem. Interim fraudi nobis non sit, si scriptoribus antiquis patriis, vicinis, iisque pluribus, potius quam uni eidemque novello, et eruditæ conjecturationi ex mendoso libro hac in parte credamus ; et pro nostra Helena et Constantino depugnemus, ut conjecturis eripi non patiamur. Nosti illud : aberranti conjecturæ qui non resistit, approbare videatur. Vale vir clarissime et salve ab eo qui te unice colit et admiratur. Londini, XVIII. Augusti stilo veteri. MDCIV.”

Huic dissertationi publice postea<sup>r</sup>, tacito tamen illius adversus quem scripsit nomine, et prius in privata hac ad ipsum Camdenum epistola, respondit Lipsius.

JUSTUS LIPSIUS GUILIELMO CAMDENO, V. C. S. D.

“ Legi quæ pro Constantini patria, et veteri de ea sensu, scripsisti. Inquisite et erudite, non nego : sed in quibus parum etiam comperti esse, mihi videbatur. Vestri ita Britanni, scio : quis aliorum adsentit ? Non Bedas : quod jure observes. Ille antiquus et fidus, an gloriæ gentis suæ non favit ? Atqui ubi locus dicendi erat<sup>s</sup> duntaxat ex Eutropio, *creatum in Britannia imperatorem*, scripsit. Cæteri vestri quam fabulosa misceant, non nescis. Scribis Firmicum sub Constantio scripsisse eos libros. Edidisse, hoc fatcor : scripsisse diu ante, et per partes, ipse in præfatione satis dicit. Neque nescis alloquia illa in ultimis solere adscribi. De Nesso etiam natali Constantii, pariter incertum : et illud de liberis, urgere et premere mihi videtur, quidquid ingeniose, mi Cambdene, excusas. Sed altercari non libet (absit litigare) et hæc talia pro judicio suo quisque arbitrator.”

<sup>r</sup> Lips. in posteriorib. notis ad Admiranda sua, edit. Antwerp. ann. 1605. pag. 220.

<sup>s</sup> Hist. lib. 1. cap. 8.

“ Considerare te velim, quod iterum *dominum atque imperatorem Constantinum* appellebat, initio libri: cur non Divum, si jam obierat? Nam ita tu legis in loco, quem ad Constantinum dueis. Et de Lollianō eonsule, non etiam palam scribit: sed ordinarium consulem designatum fuisse. Potuit sub Constantino designatus esse, et causa aliqua dilatus. Sed et fasti ejus ævi, quod te non fugit, obseuri aut defecti. Sed tui judieii res esto; non pertendo: nec meum est ingenium. Ego te jam olim amo, et præclare meritum eum de alia antiquitate, tum de patriæ tuæ, animo sentio et voee prædico. Redde mihi affectum, neque enim factio, plebeiorum ingeniorum venenum, imminuet aut tollet. Languor me habuit, atque is jam trimestris, eum hæc scripsi: is breviorem me facit. Vale vir doctissime. Lovanii, X. Calendas Octobris MDCIV.”

Hæc Justus Lipsius: ejus e Beda illud neminem magnopere movebit, qui consideraverit ex Anglo-Saxonum gente fuisse illum; qui et Britanniearum antiquitatun inseii, et a rebus Britonum ornandis animo fuerunt alienissimo. Neque vero soli vel Angli vel Britones in insula sua natum fuisse Constantinum tradiderunt: idem senserunt inter exteros etiam, in antiquitatis investigatione haud indiligenter versati; Pomponius Lætus, Polydorus Vergilius, Renerus Snoius Goudanus, Beatus Rhenanus, Johannes Huttielius, Franciseus Balduinus, Stephanus Forcatulus, Onuphrius Panvinius, Cæsar Baronius, Antonius Possevinus, Adolphus Oceo, et Octavius de Strada: et matrem Helenam Britannieam Britannici regis filiam fuisse, Cornelius Aurelius, Johannes Carion et Joaelius Camerarin<sup>t</sup>, Martinus Polonus, Johannes Veronensis<sup>u</sup>, Gobelinus Persona<sup>v</sup>, Johannes Nauclerus, Philippus Bergomiensis, Ponticus Virunnius, Johannes Trithemius, Valerius Anselmus Ryd, Christianus Massæus, Johannes Bouhetus, Gilbertus Genebrardus, retulerunt: quibus adde, si libet, et Jacobi Januensis illud: “ In<sup>w</sup> quadam

<sup>t</sup> In Nicēphorianæ chronologiæ explicatione.

<sup>u</sup> In chronicō a Petro Equilino lib. 7. cap. 73. citato.

<sup>v</sup> In Cosmodromio.

<sup>w</sup> Jacob. de Vorag. legend. cap. 64.

ehronica satis authentiea legitur, quod Helena fuit filia Choeli regis Britonum, quam Constantinus<sup>x</sup> in Britanniam veniens, eum esset uniea patri suo, duxit uxorem: unde insula post mortem Choelis sibi devenit. Hoe et ipsi Britones attestantur: lieet alibi legatur, quod fuerit Treverensis." Mitto quod Abingdoniensis elchronici collector retulit, Abingdoniae educatum fuisse Constantinum: eadem vanitate, qua alia de eœnobii sui Abingdoniensis eelebri- tate ante Anglorum adventum est eommentus: quod<sup>y</sup> monaehi supra quingentos illi fuerant adscripti, qui per sylvas et loea deserta, quæ in vicinia fuere, manuum labore vic- titabant, ad eœnobium singulis Sabbatis et Dominieis con- venientes: præter sexaginta, qui assidue in ipso eœnobio versabantur.

Sed a patria Constantini, de qua satis superque dictum, ad pacem Ecclesiæ ab eo redditam reducendus est sermo: de eujus lœto suecessu ita noster Gildas: " Bilustro supradicti turbinis needum ad integrum expleto, emarees- eentibusque neee sui authorum nefariis edietis: lœtis lu- minibis omnes Christi tyrones, quasi post hyemalem ae prolixam noctem, temperiem lucemque serenam auræ eœ- lestis excipiunt: renovant eeclesias ad solum usque de- structas; basilicas sanctorum martyrum fundant, eonstru- int, perficiunt, ae velut vietrieia signa passim propalant; dies festos celebrant, saera mundo corde oreque eonfie- unt; omnes exultant filii gremio ac si matris Eeclesiæ eon- foti." Eo tempore " Basilicam<sup>z</sup> in honorem B. Albani Anglorum protomartyris constructam" asserit Matthæus Florilegus, " deeem annis post passionem ejus elapsis:" Bedæ eam in rem produeto testimonio, qui<sup>a</sup> Verolamii, " redeunte temporum Christianorum serenitate, eeelesiam mirandi operis atque ejus martyrio eondignam extuctam" fuisse ait.

Tunc etiam Wintonienses ecclesiam suam seeundo fun- datam, et in eam monachos denuo introductos fuisse

<sup>x</sup> Constantius.

<sup>y</sup> Nic. Harpsfeld. hist. ecclesiast. Anglican. Secul. 10. cap. 9.

<sup>z</sup> Flor. hist. ad ann. Chr. 313.

<sup>a</sup> Bed. lib. 1. hist. cap. 7.

fabulantur. Sic enim in magna illorum tabula legimus : “ Mortuo Dioclesiano cessanteque crudelissima persecutio ne in Christianos, fideles ad statum pristinum respirant ; ecclesiam Wintoniensem iterum a fundamentis construunt, et ipsam monachis replent : et dedicata est in honorem sancti Amphibali :” et in antiquitatibus Wintoniensis ecclesiæ : “ De novo fundatum est vetus in Wintana monasterium a Christi fidelibus, et monachi illud iterum ingrediebantur ad inhabitandum. Idus Martii dedicatum est illud cœnobium in honore sancti Amphibali, qui nuper pro Christo martyrio rubricatur XVI. Calendas Octobris, a Constante ejusdem ecclesiæ pontifice ; hoc petente Deodato ejusdem monasterii abbe : ut scribit Vigilantius in libro de basilica Petri, capitulo tertio. In tautum enim tunc Christianorum fervebat erga matricem suam ecclesiam Wintoniensem reædificandam ; quod infra annum et triginta dies tota ecclesia cum officinis monachorum opere gaudebat perfectissimo. A secunda ædificatione ecclesiæ Wintoniensis et secundo ingressu monachorum resultant anni mille centum sexaginta et octo” usque ad tempus videlicet, quo libellus iste est conscriptus.

In Thomæ Rudburni majore chronic<sup>b</sup>, et Wintoniensis ecclesiæ historiola<sup>c</sup>, paulo adhuc plenior hujus rei pertextitur narratio : “ Orationes ac deprecationes justorum assiduae cum multum valeant apud justum judicem Deum ; ascenderunt lachrymæ suorum fidelium in conspectu Conditoris altissimi : et sedatum est gravissimæ persecutionis ac percussionis jaculum fulminosum ; completo videlicet spatio viginti duorum annorum ; unde Christiani, qui prius in sylvis opacissimisque locis se posuerant in absconso, in publicum se ostendentes, renovant ecclesias quæ usque ad solum undique erant destructæ. Quo in tempore reædificata est ecclesia Wintoniensis secundo ab Christi fidelium oblationibus : non tamen tantum spatium continebat ecclesia, neque situs monasterii nec ejusdem loca, sicut prius monasterium a Lucio rege fundatum continebat. Constructa sic denuo ecclesia Wentana, monachi secundo

<sup>b</sup> Lib. 1. cap. 6.

<sup>c</sup> Cap. 7, et 8.

ipsam reintrant: scilicet anno Dominicæ incarnationis CCXCIII.<sup>d</sup> Et tunc ad requisitionem Deodati abbatis, de novo vetus cœnobium in honore sancti Amplibali socio-rumque ejus consecratum est: ministerium dedicationis solemniter perficiente Constante tunc in eadem ecclesia pontificante (Nonas Junii, addit hic Rudburnus) ut scribunt Girardus Cornubiensis de gestis Britonum libro tertio, capitulo octavo, et Vigilantius in libro de basilica Petri, capitulo quinto. Dedicata sic ac renovata ecclesia Wintoniensi in honore S. Amphibali martyris (quæ extunc hoc nomen sumpsit, scilicet vetus cœnobium:) requieverunt in ea monachi, in hymnis et spiritualibus canticis Domino devotissime vacantes, ferme ducentis decein annis, usque ad adventum Cerdicij Saxonici, qui primus extitit occidentalium Saxonum rex.”

Sub Constantino duo majora collecta sunt episcoporum concilia: Arelatense in Gallia anno CCCXIV. et Nicænum in Bithynia anno CCCXXV. habitum. In Arelatensi, ad causam Donatistarum cognoscendam, “plurimos episcopos ex locis diversis et prope infinitis convenire mandavit” pius imperator: ut ipse in epistola ad Chrestum Syracusiorum episcopum significat. Interfuerunt illi ex Britannia nostra:

Eborius<sup>f</sup> episcopus, de civitate Eboracensi, provincia Britannia.

Restitutus episcopus, de civitate Londinensi, provincia suprascripta.

Adelfius episcopus, de civitate Colonia<sup>g</sup> Londinium; exinde sacerdos presbyter, Arminius diaconus.

In Isidori Mercatoris collectione,

Ex provincia Britania Eburius episcopus; ex civitate Culnia Adelfius.

In editione Petri Crabbe,

Ex provincia Britanniæ, civitate Londinensi Restitutus episcopus.

<sup>d</sup> De Wintoniensium monachorum anachronismis dictum aliquid in capite præcedente.

<sup>e</sup> Πλείστους ἐκ διαφόρων καὶ ἀμυθήτων τόπων ἐπισκόπους εἰς τὴν Ἀρετατησιῶν πόλιν εἶσαν καλανέων Αὐγούστων συνελθεῖν ἐκελεύσαμεν. Constantinus. apud Euseb. lib. 10. hist. ecclesiast. cap. 5.

<sup>f</sup> Tom. I. Concilior. Galliæ, edit. Paris. ann. 1629, pag. 9.

<sup>g</sup> Colcestria. Vid. supr. cap. 5. pag. 82.

Ex proviucia Byzacena, civitate Tuberlicensi, Eburius episcopus.  
Ex eadem provincia civitate Culucitana, Adelphius.

In Nicæna synodo et paschalis observantiæ constitutum est tempus, et iumpia Arianorum hæresis condemnata: cum reliqua ecclesia Catholica consentientibus hic etiam Britannis. De priore enim testis est ipse imperator Constantinus, in epistola ad Alexandrinos, et orthodoxos omnes episcopos qui concilio non interfuerunt, transmissa; pascha eodem modo observatum, “μιᾷ καὶ συμφώνῳ γνώμῃ, una et consentiente sententia,” cum in aliis omnibus nationibus quas ibi commemorat, tuin in nostris quoque Britannis<sup>h</sup>. De posteriore, et magnum Athanasium authorem habemus, et Hilarium Pictavorum episcopum; apud quem Kebium Britanniam (de quo supra<sup>i</sup> diximus) postquam viginti annis apud Cornubienses suos liberalibus disciplinis incubuisset, per quinquaginta annos mansisse, graduque episcopali ab eo accepto in patriam suam postea remeasse, referunt in ejns vita Johannes Timmuthensis et Capgravius.

Sardicensi enim concilio, anno CCCXLVII. a Constantino et Constante<sup>k</sup>, Constantini Magni filiis, in Thraciæ et Mysiæ confiniis coacto, Britanniarum<sup>l</sup> episcopos cum aliis interfuisse, et damniatis Arianis Athanasium absolvisse; sub initium secundæ suæ contra Arianos apologiæ, ostendit ipse Athanasius. Ab Hilario vero anno CCCLVIII. in Phrygia, ubi is exul tum degebat, editus est liber de synodis adversus eosdem Arianos: cuius initium: “Dominis et beatissimis fratribus et coepiscopis provinciæ Germaniæ primæ et Germaniæ secundæ, &c. et provinciarum Britanniarum episcopis; Hilarius servus Christi, in Deo

<sup>h</sup> Κατὰ τὰς Βρεττανίας. Constantin. epist. apud Euseb. lib. 3. de vita Constantin. cap. 18. Socrat. lib. 1. cap. 6. et lib. 5. cap. 21. Theodoret. lib. 1. cap. 10. Gelas. Cyzicen. Act. concil. Nicæn. lib. 3. et Nicæphor. lib. 8. hist. cap. 25.

<sup>i</sup> Supr. cap. 5. pag. 116.

<sup>k</sup> De ejus navigatione in Britanniam videndus Libanius in Basilico, et Julius Firmicus Maternus de errorib. profan. relig. cap. 29, quam ann. 343, contigisse notat Henr. Valesius initio notarum ad librum 20. Ammiani Marcellini.

<sup>l</sup> Βρεττανίων Athanas. Græcolat. tom. 1. pag. 560. edit. Commelin. Vid. etiam ejusd. epist. ad solitariam vitam agentes, pag. 640.

et Domino nostro æternam salutem :" et paulo post,  
" Beatae fidei vestræ literis sumptis (quarum lenitudinem  
ac raritatem de exilio mei et longitudine et secreto intelligo  
constitisse :) gratulatus sum in Domino incontaminatos vos  
et illæsos ab omni contagio detestandæ hæreseos persti-  
tisse." Hæc Hilarius.

### De quo Venantius Fortunatus:

Eloquii<sup>m</sup> currente rota penetravit ad Indos,  
Ingeniumque potens ultima Thule colit;  
Perfundens cunctas, vice solis, lumine terras :  
Cujus dona Sacæ, Persa, Britannus habet.

### Et iterum :

Thrax<sup>n</sup>, Italus, Scytha, Persa, Indus, Geta, Daca, Britannus,  
Hujus in eloquio spem bibit, arma capit.

" Multi nugas esse putabant, in ejusmodi ( $\pi\epsilon\varrho\lambda\dot{\iota}\mu\alpha\sigma\sigma\tau\acute{o}v$ )  
verborum concertationibus versari; et mentem saltem  
Nicænæ synodi tenere se profitebantur," inquit Sozomenus<sup>o</sup>. Atque huic parti erant addicti episcopi plurimi  
Germaniæ, Galliæ, Britanniæ, ad quos peculiarem librum  
scripsit Hilarius in eum finem; inter alios ut ipsos impel-  
leret non solum ad rem, sed etiam ad vocem Homousii  
acciendiādam<sup>p</sup>.

Anno sequente, CCCLIX. a Constantio Ariminensis in  
Italia convocata est synodus; quo, ut libro secundo his-  
toriæ sacrae rem narrat Sulpicius Severus, " acciti aut  
inacti<sup>q</sup> quadringenti et aliquanto amplius occidentales epis-  
copi: quibus omnibus annonas et cellaria dare imperator  
præceperat. Sed id Aquitanis, Gallis, ac Britannis inde-  
ceus visum: repudiatis fiscalibus, propriis sumptibus vi-  
vere maluerunt. Tres tantum ex Britannia, inopia propria,  
publico usi sunt; cum oblatam a cæteris collationem res-  
puissent: sanctius putantes fiscum gravare, quam sin-  
gulos." Etsi vero hic episcopi " in Arianum dogma fue-

<sup>m</sup> Fortunat. lib. 8. epigram. 1.

<sup>n</sup> Id. lib. 6. epigram. 1.

<sup>o</sup> Lib. 3. hist. ecclesiast. cap. 12.

<sup>p</sup> Nic. Vedelius, de prudent. vet.eccles. lib. 3. cap. 2.

<sup>q</sup> coacti.

rant subacti (ut Facundus<sup>r</sup> loquitur) opprimente Constantio:" Britanniam tamen, et reliquas unde illi acciti sunt provincias, sub toto et Constantii hujus Ariani et apostatae Juliani imperio ab Ariana labe immunes sese conservasse; evincunt quæ de Nicæno symbolo, in literis anno CCCLXIII. ad Jovianum imperatorem datis, scripserunt Athanasius et reliqui episcopi, qui nomine omnium Ægypti, Thebaidis et Libyæ episcoporum in unum convenerunt: "Ταύτης πίστιν ὡμολόγησαν οἱ ἐν Νικαίᾳ συνελθόντες πατέρες καὶ ταύτη σύμφηφοι τυγχάνουσι πᾶσαι αἱ κατὰ τόπον ἐκκλησίαι αἱ τε κατὰ τὴν Σπανίαν, καὶ Βρεττανίαν, καὶ Γαλλίας, &c. καὶ αἱ κατ’ ἀνατολὰς ἐκκλησίαι, πάρεξ ὀλίγων τῶν τὰ Ἀσείου φρονούντων. Πάντων γὰρ τῶν προειδημένων τῇ πείρᾳ ἐγνώκαμεν τὴν γνώμην, καὶ γράμματα ἔχομεν. Hanc fidem professi sunt qui Nicææ convenere patres: et suffragiis suis eam comprobant omnes omnibus locis ecclesiæ; ut Hispaniæ, Britanniæ, Galliæ, &c. Orientis denique ecclesiæ, exceptis paucis quæ sectæ favent Arianae. Nam istarum omnium reipsa exploratae cognitam habemus sententiam; literas ab illis accepimus."

Post hæc tamen, Ariana hæresis "non solum orientis et occidentis partem maculavit; sed et meridianam et septentrionis plagam, et ipsas insulas sua perfidia irretivit:" quemadmodum sub finem chronicæ sui notavit Johannes Biclariensis abbas: et de insula Britannica nominatim Beda: "Mansit<sup>t</sup> hæc in ecclesiis Christi, quæ erant in Britannia, pax usque ad tempora Arianae vesaniæ; quæ, corrupto orbe toto, hanc etiam insulam extra orbem tam longe remotam veneno sui infecit erroris:" quæ ex Gilda ille hausit: cuius hac de re verba sunt ista; "Mansit hæc Christi capitis membrorumque consonantia snavis; donec Ariana perfidia, atrox ceu anguis transmarina nobis evomens venena, fratres in unum habitantes exitiabiliter faceret sejungi: ac sic quasi via facta trans oceanum, omnes omnino bestiæ feræ, mortiferum cuiuslibet hære-

<sup>r</sup> Faecund. Hermianens. lib. 5. cap. 3.

<sup>s</sup> Athanas. Græcolat. tom. 1. pag. 309. edit. Commelin. Theodorit. lib. 4. hist. eccles. cap. 3. et Nicephor. Callist. lib. 10. cap. 42.

<sup>t</sup> Bed. hist. lib. 1. cap. 8.

seos virus horrido ore vibrantes, letalia dentium vulnera patriæ novi semper aliquid audire volenti, et nihil certi stabiliter obtinenti, infigebant." Quod factum videtur, quum Gratianus imperator, qui Britanniam, una cum Gallia et Hispania, obtinebat, anno CCCLXXVIII. legem tulisset, ut<sup>u</sup> quisque libere quamcunque religionem vellet sectaretur; et quæque secta, nullo habito discrimine, in ecclesiis conventus ageret: solis Manichæis, Photinianis et Eunomianis exceptis. Contigisse id certe ante annum CCCLXXXIII. quo Maximus, arrepta in Britannia tyrannide, per Andragathium ducem eundem Gratianum interfecit; satis clare Gildas indicat, illis jam dictis statim subjiciens.

" Itemque tandem tyrannorum virgultis crescentibus, et in immanem sylvam jam jamque erumpentibus, insula nomen Romanum, nec tamen morem legemque tenens, quin potius abjiciens, german suæ plantationis amarissimæ, ad Gallias magna comitate satellitum caterva, insuper etiam imperatoris insignibus (quæ nec decenter usquam gessit) non legitime, sed ritu tyrannico et tumultuante initiatum milite, Maximum mittit. Qui callida primum arte potius quam virtute finitos quosque pagos vel provincias contra Romanum statum, per retia perjurii mendaciique sui, facinoroso regno adnectens, et unam alarum ad Hispaniam, alteram ad Italiam extendens, et thronum iniquissimi imperii apud Treveros statuens; tanta insania in Dominos debacchatus est, ut duos imperatores legitimos, unum<sup>w</sup> Roma, aliud religiosissima vita pelleret. Nec mora, tam feralibus vallatus audaciis, apud Aquileiam urbem capite nefando cæditur, qui decorata totius orbis capita regni quodammodo cervicibus dejecerat." Hæc Gildas de Maximo: de quo multo moderatius, qui proprius illum noverat, Sulpitius Severus: " Maximus<sup>x</sup> im-

<sup>u</sup> Socrat. hist. lib. 5. cap. 2. Sozomen. lib. 7. cap. 1. et Johan Antiochenus, in chronicco.

<sup>w</sup> " Duos imperatores, unum regno, alterum vita expulit." S. Martin. vit. per Sulpit. Sever. cap. 23. " Occidit namque Gratianum; Valentinianum vero urbe Roma expulit." Gloss. Gild. MM. in Cantabrig. academ. bibliothec.

<sup>x</sup> Sulpit. Sever. dialogo, 2. cap. 7.

perator rempublicam gubernabat, vir omni vitæ merito prædicandus, si ei vel diadema non legitime tumultuante milite impositum repudiare, vel armis civilibus abstinere licuisset. Sed magnum imperium nec sine periculo renui, nec sine armis, potuit retineri." Et Paulus Orosius; "Maximus<sup>y</sup> vir quidem strenuus et probus, atque Augusto dignus, nisi contra sacramenti fidem per tyrranidem emerisset, in Britannia invitus propemodum ab exercitu imperator creatus in Galliam transiit: ubi Gratianum Augustum subita incursione perterritum, atque in Italiam transire meditantem, dolis circumventum interfecit; fratremque ejus Valentianum Augustum Italia expulit."

Maximus autem, cum natione Hispanus<sup>z</sup> esset, a Gilda tamen germen plantationis Britannicæ, uti ab Ausonio Rutupinus<sup>a</sup> latro, nominatur; quod "apud<sup>b</sup> Britanniam tyrranidem arripuissest, indeque in Galliam transmisisset." Nec alia mens Socrati, quum scripsit: "Μάξιμος ἐκ τῶν περὶ τὰς Βρεττανίας μερῶν ἐπανέστη τῷ Ρωμαίων ἀρχῇ, Maximus ex partibus Britanniae arma contra imperium Romanum tulit." Licet aliud, Latinum interpretem secuti, patria illum Britannum fuisse hinc collegerint. Historia<sup>c</sup> Britannica, fuisse illi "patrem Britannum, Leolinum Constantini Magni avunculum; matre vero et natione Romanum" fuisse ait. Henricus Huntingdoniensis<sup>f</sup>, "a Britannia oriundum," Fabius Ethelwerdus<sup>g</sup> et annales Anglo-Saxonici, "natum in Britannia" asserunt. Verum qui tum vixit, Latinus Pacatus Drepanius, "homines<sup>h</sup> insulanos totius incendium continentis adolevisse, et regali habitu exulem suum illos exules orbis induisse" affirmans,

<sup>y</sup> Oros. hist. lib. cap. 34. et eum secutus Beda, lib. I. hist. cap. 9.

<sup>z</sup> Zosim. hist. lib. 4.

<sup>a</sup> Auson. de claris urbib. Vid. Camden. in Cantio. pag. 240, 241.

<sup>b</sup> Aurel. Victor. in epitome. <sup>c</sup> Socrat. lib. 5. hist. eccles. cap. 11.

<sup>d</sup> Onuphr. Rom. princip. lib. I. Baron. ann. 383. sec. 1. cum Joanne Hemerlario et Octavio de Strada, in imp. vitis et nummis.

<sup>e</sup> Galfrid. Monemuthens. lib. 5. cap. 9. Matthæus Florileg. ad ann. grat. 379. Jo. Trithemius, in annalibus, et de origine Francorum.

<sup>f</sup> H. Hunting. hist. lib. 1. <sup>g</sup> Ethelwerd. chronic. lib. I.

<sup>h</sup> Panegyric. dict. Theodosio Aug. cap. 21.

ipsumque Maximum “orbis extorrem patriæque fugitivum” appellans; inter nostros “toto divisos orbe Britannos,” et ea ratione orbis exules atque extores ab isto oratore habitos, relicta propria patria, advenam illum vixisse non obscure significat. Hispanum quoque istum, licet quondam mensularum servilium statarium lixam<sup>i</sup>, et patris incertum, Flavii Theodosii Hispani, in oriente tum imperantis, se et affinitate et favore jactavisse, affirmat idem; quod aliter non potuisset allicere militum societatem, nisi illum auctoramenti sui finxisset auctorem. Qua de causa et Flavii nomen filio suo Victori, Augusto a se creato, (neque enim patrem ipsum aliis quam Magni et Clementis titulis usum invenio) tribuisse illum potius existimaverim, quam quod de Constantini Magni stemmate sibi aliquid arrogaret; e cuius tamen stirpe illum descendisse, non Scotorum solum historici Johannes Fordonus et Hector Boethius, sed etiam nostri temporis viri eruditissimi Guilielmus Camdenus, et Adolphus Occo (sine ullo antiquitatis testimonio) literis memoriaeque mandaverunt.

Ninius, cui in plerisque MSS. Gildæ nomen est impositum, ex uno hoc Maximo effecit duos: “Sextus,” inquit, “Maximus imperator regnavit in Britannia. A<sup>k</sup> tempore illius consules esse cœperunt, et Cæsares nunquam postea appellati sunt; et sanctus Martinus in tempore illo claruit in virtutibus et signis, locutusque est cum eo. Septimus imperator regnavit in Britannia dictus Maximianus. Ipse perrexit cum omnibus militibus Britonum a Britannia, et occidit Gratianum regem Romanorum, et imperium tenuit totius Europæ: noluitque dimittere milites, qui cum eo perrexerunt a Britannia, neque ad uxores suas neque ad filios neque ad possessiones suas: sed dedit illis multas regiones, a stagno quod est super verticem montis Jovis usque ad civitatem quæ vocatur Cantguic, et usque ad cumulum occidentalem, id est, Cruc-ochidieint. Hi sunt Britones Armorici: et nunquam reversi sunt ad

<sup>i</sup> Inde illud Ausonii in Aquileia; “Maximus armigeri quondam sub nomine lixæ.”

<sup>k</sup> Ridiculum: ut hujus authoris multa alia.

proprium solum usque in hodiernum diem. Propter hoc Britannia occupata est ab extraneis gentibus; et cives ejus expulsi sunt, usque dum Deus auxilium dederit illis. In veteri traditione seniorum nostrorum septem imperatores fuerunt a Romanis in Britannia: Romani autem dicunt novem fuisse."

Addit Galfridus Monemuthensis<sup>1</sup> Maximianum (sic enim Gratiani imperatoris interfectorem et ipse appellat) edicto suo "centum millia e plebe" ex Britannia insula evocavisse, et "triginta millia militum, qui ipsos (episcopos jam ordinatos pro ipsis Matthæus Florilegus<sup>m</sup> hic substituit) intra patriam qua mansuri erant ab hostili irruptione tuerentur;" siveque Armorican, Britannico populo oppletam, Conano Meriadoco donavisse: qui a Dionoto rege Cornubiaæ, cui Britanniae insulæ principatum Maximianum commendavisse refert, non solum filiam ipsius Ursulam sibi matrimonio copulandam, sed etiam "nobilium filias, numero undecim millia, et ex infima gente creatis sexaginta millia," quæ novis colonis jungerentur, per nuncios impetraverit. Harum majorem partem, orta tempestate, in mari periisse; reliquas ab exercitu Hunnorum, et Melgæ Pictorum regis, partim trucidatas, partim mancipatas fuisse narrat: Christianas fuisse omnes mulieres istas Britannicas, numero unum et septuaginta millia præter infantes et parvulos, ait Johannes Trithemius; reliquam vero totam fabulam, dempto immanni illo fœminarum numero, qui fidem etiam poeticam superare videbatur, hoc carmine alias, Gildæ<sup>n</sup> quoque nomine ab aliquibus nobilitatus, sic expressit:

Interea Galli nimia feritate feruntur  
Contra Conanum: Conanus mente feroci  
Armoricum regnum defendit, et effugat hostes.  
Cumque carere suos uxoribus ipse videret;  
Regi Cornubiaæ, cui tota Britannia major  
Comissa est, scribens Diodoco, mandat ut ipse  
Armoricis nymphas generosas et niediocres  
Destinet uxores per classem, præparat illam,  
Implet virginibus: dat navita carbasa ventis,

<sup>1</sup> Hist. Britan. lib. 5. cap. 14, 15, 16.

<sup>m</sup> Flor. hist. ad ann. 391.

<sup>n</sup> Poem. lib. 5.

Littus ad Armoricum tendit ; contrarius Euro  
 Missus ab Eoliis æquor movet utribus auster.  
 Obruit unda rates : pereunt cum classe puellæ.  
 Pars tamen illarum, rabie rapiente procellæ,  
 Fertur in hostiles agmen miserabile terras.  
 Vanius has et Malga neci, vel forte pudendo  
 Tradunt servitio : qui toto corde faventes  
 Principibus Latii, fautores Maximiani  
 A criter infestant. His tota Britannia major  
 Succumbit : quoniam vires subtraxerat illi  
 Armoricos adiens jampridem Maximianus.

Cum quibus comparare liceat quos nostris temporibus  
 Nicolaus Oudartus hac de re composuit elegos :

Qua potis imperium sibi firmet ut arte tyrannus  
 Maximus, Armoricos milite complet agros.  
 Neu soboles desit, fera quæ succrescat ad arma;  
 Præbeat uxores terra Britanna jubet.  
 Ursula virgo igitur Dionethi filia regis,  
 Quatuor et septem millia virginum agens ;  
 Connano ac sociis tanquam connubia portet,  
 Innumeris stratum puppis æquor adit,  
 Velaque dat ventis : sed, divertente procella,  
 Devia Germano classis adacta solo est.  
 Castum ubi ne violent Pictusque Hunnusque pudorem,  
 Victima dux Christo tota cohorsque cadit.

Hanc narrationem, ut vulgatam illam de undecim milibus virginum, earumque cynosura Ursula, Sorbonicorum Parisiensium patrona, traditionem aliquo modo tueretur, avide arripuit Baronius: et, quasi rarum aliquid et nemini adhuc perspectum in lucem protulisset, pro thesauro carbones istos ita nobis venditavit : “Ego<sup>o</sup> quidem cum in hujus rei veritate investiganda plurimum laboris insumpsissem; exoptato evenit, ut invenerim tandem codicem Vaticanum pervetustum, in quo tractatus erat inscriptus de rebus Britanicis, auctore Gaufrido episcopo Asaphensi, sub nota numeri nongentesimi quadragesimi quarti: in quo agens auctor de rebus Maximi tyranni, qui temporibus Gratiani imperatoris invasit imperium, de Ursula quoque per breve contextit historiam:” quam tamen non

<sup>o</sup> Baron. in notis ad Roman. Martyrolog. Octobr. 21.

ex ipso Gaufrido, ut videri voluit, et doctissimo Velsero<sup>p</sup> persuasit, sed ex nupero illo, ni fallor, auctore ex quo idem Lucii<sup>q</sup> acta alio in loco expressit, descriptam nobis hic exhibuit: Sigeberti quoque ad Galfridi fidem suffulciendam, adjuncto testimonio; qui “de eadem incursione Gauni Hunnorum et Melgæ Pictorum ducum” ad annum Domini CCCLXXXIX. meminerit. Verum Sigeberti nequaquam esse ista, sed ex ipso Galfrido<sup>r</sup> (ut alia multa) in illius chronicon esse intrusa, scimus: et hujus de Armorice a Maximo sedibus suis expulsis, et deductis illuc e Britannia virorum ac foeminarum coloniis, quod Galfridianæ narrationis est fundamentum, figmenti vanitas a Christophoro Browero<sup>s</sup> ita est detecta; ut amplius quid addere nihil sit necesse; nisi quis multo adhuc vanioris figmenti accessionem audire aveat, quam in Anglicano sno martyrologio<sup>t</sup> Johanni Wilsono libuit adjungere; de Coloniensi solo, in quo virginum harum lipsana condita dicuntur, alia omnia cadavera, etiamsi infantium recenter baptizatorum ea fuerint, suspicere defugiente: in quod sæpius probatum esse, serio nobis narrat ille nugivendulus. Nam ut omittam Galfridi, quam ille quoque sequitur, narrationem cum Coloniem, de cæsis apud se virginum Ursulanarum turmis, traditione consistere omnino non posse: etiam qui in ipsa Agrippinensium urbe rei tam mirabilis veritatem curiosius indagarunt, ejusmodi experimentum ullum sibi compertum fuisse negant. Imo “stare non posse,” inquit eorum unus<sup>u</sup>, “inde colligi potest; quod in ecclesia Machabæorum, in qua magno numero ex societate SS. virginum corpora reperta inde ab initio passionis coluntur, quotidie adhuc Christi fideles, quos

<sup>p</sup> M. Velser. in notis ad tabulam Itiner. Peutengerianam.

<sup>q</sup> Supr. cap. 4. pag. 66.

<sup>r</sup> “In tuo exemplari sunt quædam inserta ex historia Britannica Galfridi Monemuthensis (ex antiquissimis Britannici sermonis monumentis in Latinum sermonem traducta :) quæ quia sic reperi intexta dimisi :” ait Antonius Rufus in epistola ad Guilielmum Parvum præfixa primæ editioni Sigeberti, quæ prodidit Parisiis anno 1513.

<sup>s</sup> Brower. in notis ad Venantii Fortunati lib. 3. epigramm. 8.

<sup>t</sup> Anglic. Martyrolog. J. W. Octob. 21.

<sup>u</sup> Erhard. Winheim, in sacrario Agrippinæ, num. 9. pag. 106.

tamen certaminis arena non evomit, sepulturæ mandantur: ita ut fidem meam pro obside interponere ausim, virgines illas non tam lividas, ut in Domino obdormientes regni Dei cohæredes, confratres et consortes, multo minus modo genitos, a suis cubilibus excludant." Unde liquet quantum fidei Guilielmo Lindano<sup>w</sup>, quem Wilsonus ducem hic videtur fuisse secutus, debeatur, qui hoc ipsum fiderenter nobis venditat: "Templi aream nullum suscipere sepe liendum, immo pueros recens baptizatos de nocte quasi evomentem in superficiem rejicere visendos: atque hujus rei miracula narrare incolas non rara, quæ non alibi temere inveniantur." Aliorum de virginibus hisce commenta in decimo quinto capite plenius enarrabimus: id tantum ad extremum hic monentes, a Matthæo Florilego et Radulpho de Baldoc Londinensi episcopo ad annum CCCXCII. (quadriennio post Maximi cædem integro) ab aliis quibusdam (in earum legenda, sanctilogio Johannis Tinmuthensis inserta, commemoratis) ad CCCLXXXV. a Baronio in quarto annalium tomo ad CCCLXXXIII. virginum cladem referri: quanquam anno demum CCCLXXXVI. Arinoricum regnum Conano Meriadoco traditum, et expulsis indigenis a Britannici generis colonis occupatum fuisse scribat Johannes Fordonus in Scoticchonico. Passæ autem sunt secundum quosdam, XII. Calendas Novembris anno Domini CCCLXXXV.<sup>x</sup> Et epigramma illud adjicientes, quod Romæ, in ecclesia S. Stephani in Cœlio, inter martyrum triumphos, Ursulæ dicatum spectatur:

Tu tandem innumeræ ductrix regina phalangis,  
    Virginibus clades carmina nostra tuis.  
Te teneræ patrio comitantur ab axe catervæ,  
    Candida queis roseus contegit ora pudor.  
Fit sonitus spumante salo, dant vela carinæ,  
    Anchora Agrippinum sistitur ante solum.  
Dissipat hic Hunnus turmas ferialibus armis,  
    Magnaniimumque gregem ceu lupus ense vorat.  
Fœlix quæ terris ducebas agmina inermis,  
    Laurigeros ducis sidera ad alta choros.

<sup>w</sup> Apud. Baron. notat. in Martyrolog. Roman. Octob. 21.

<sup>x</sup> Legenda XI. millium virginum, sanctilogio Johannis Tinmuthensis inserta.

Frequens erat his temporibus Hierosolymitanæ peregrinatio: de qua et in proprio tractatu sententiam suam aperuit Gregorius Nyssenus, et suam quoque, in epistola tertia decima ad Paulinum, ita breviter subindicavit Hieronymus: “Et de Hierosolymis et de Britannia æqualiter patet aula cœlestis. Regnum enim Dei intra vos est. Antonius, et cuncta Aegypti, et Mesopotamiæ, Ponti, Cappadociæ, et Armeniæ examina monachorum, non videre Hierosolymam: et patet illis absque hac urbe paradisi janua. Beatus Hilarion, cum Palæstinus esset, et in Palæstina viveret, uno tantum die vidi Hierosolymam; ut nec contemnere loca sancta propter viciniam, nec rursus Deum loco claudere videretur.”

Britannicas tamen etiam nostras, inter alias gentes, huc confluxisse, tum ex iis quæ de Melania in Lausiacæ historia retulit Palladius, tum ex epistola, quam Paulæ et Eustochii nomine ad Marcellam scripsit Hieronymus, intelligimus. De Melania seniore, ita in chronicæ Hieronymus: “Melania nobilissima mulierum Romanarum et Marcellini quondam consulis filia, unico prætori tunc urbano filio derelicto, Hierosolymam navigavit: ubi tanto virtutum præcipueque humilitatis miraculo fuit, ut Teclæ nomen acceperit;” licet ista Hieronymum de exemplaribus suis erasisset calumnietur Rufinus<sup>y</sup>, “cum actus suos vidisset districtioris disciplinæ fœminæ displicere.” De eadem, una cum eodem hoc Rufino, comite<sup>z</sup> ipsius individuo, peregrinos hospitio Hierosolymis excipiente; qui utrique familiaris et Origenis<sup>a</sup> quoque errorum simul particeps fuit, Palladius Galata: “Τοῦτο<sup>b</sup> δὲ οὐκ ἐμόν ἔστι διηγήσασθαι, ἀλλὰ καὶ τῶν τὴν Περσίδα, καὶ Βρεττανίας, καὶ τὰς πάσας νήσους οἰκούντων. Τῶν γὰρ εὐποιῶν καὶ ἐπιδόσεων τῆς ἀθανάτου ταύτης, οὐ δύσις, οὐκ ἀνατολὴ, οὐκ ἄρκτος, οὐτε μεσημβρία ἡστρόχησε. Hoc autem non est meum solum

<sup>y</sup> Rufin. *invectiv.* in Hieronym. lib. 2.

<sup>z</sup> Hieronym. epist. 2. ad Florent. op. tom. 4. par. 2. pag. 4. Paulin. epist. 9. ad Sever. Pallad. hist. Lausiac. cap. 118.

<sup>a</sup> Epiphanius. in fine epist. ad Johannem Hierosolymitanum. inter Hieronymianas, ordine 110. op. tom. 4. par. 2. pag. 822.

<sup>b</sup> Pallad. hist. Lausiac. cap. 118.

narrare, sed etiam corum qui Persidem et Britanniam, et omnes habitant insulas. Beneficiorum enim et largitio-  
num hujus immortalis fœminæ non occidens, non oriens,  
non septentrio fuit expers, non meridies."

Paulæ vero et Eustochii nomine ita scripsit Hiero-  
nymus. "Divisus<sup>c</sup> ab orbe nostro Britannus, si in reli-  
gione processerit, occiduo sole dimisso, quærit locum fama  
sibi tantum et scripturarum relatione cognitum." Et paulo  
post: de aliis convenis: "Concurrunt ad hæc loca, et  
diversarum nobis virtutum specimen ostendunt. Vox  
quidem dissona, sed una religio: tot pene psallentium  
chori, quot gentium diversitates," quam religionis unita-  
tem, et Britannorum in ea non tam cum particulari Ro-  
mana Ecclesia quam cuin Catholica et universalí (cujus  
potior authoritas) consensem, in epistola ad Evagrium ita  
declarat idem: "Nec<sup>d</sup> altera Romanæ urbis ecclesia, al-  
tera totius orbis existimanda est: et Galliæ, et Britanniæ,  
et Africa, et Persis, et Oriens, et India, et omnes barbaræ  
nationes unum Christum adorant, unam observant regulam  
veritatis. Si authoritas quæritur, orbis major est urbc.  
Ubiunque fuerit episcopus, sive Romæ, sive Eugubii,  
sive Constantinopoli, sive Rheyii, sive Alexandriæ, sive  
Tanis; ejusdem est meriti, ejusdem et sacerdotii." Urbem  
tamen, cum aliis provincialibus, identidem invisebant Bri-  
tanni: et a portu Romano solventes, non in Palæstinam  
solum trajiciebant, sed etiam in vicinam Syriam; ubi  
Simeonis Stylitæ cœlebris tum fama apud exteras nationes  
omnium sermone percrebuit. Ad Simeonem hunc spectat  
illud Theodoreti, qui acta ipsius adhuc viventis conscrip-  
sit: "'Αφίκοντο<sup>e</sup> δὲ πολλοὶ, τὰς τῆς ἐσπέρας οἰκουμέντες ἐσχα-  
τιὰς, Σπάνοὶ τε καὶ Βρεττανοὶ, καὶ Γαλάται, οἱ τὸ μέσον  
τούτων κατέχοντες.' Venerunt multi quoque qui habitant  
extrema occidentis, Hispani inquam et Britanni, et Galli,  
qui quod horum est intermedium occupant:" ad portum

<sup>c</sup> Hieronym. epist. 44. op. tom. 4. par. 2. pag. 551. Hieronym. in orthodoxi  
et Luciferiani dialogo, Christianis, annumerat "Britannos, Gallos, Orientem,  
Indorum populos, Iberos, Celtiberos, Aethiopas."

<sup>d</sup> Id. epist. 102. op. tom. 4. par. 2. pag. 803.

<sup>e</sup> Theodoret. in Philotheo, sive SS. Patrum hist. cap. 26.

Romanum illud Hieronymi, in epitaphio Fabiolæ : “ Xenodochium<sup>f</sup> in portu Romano situm totus pariter mundus audivit. Sub una aestate didieit Britannia, quod Ægyptus et Parthus noverant vere.”

Ille vero, cuius jam meminiimus, Rufinus, triginta<sup>g</sup> fere annis in oriente transactis, sub fine pontificatus Siricij domum rediens, “ navem plenam blasphemiarum,” ut loquitur Hieronymus<sup>h</sup>, “ Romano intulit portui, et venenata spurcaque doctrina Romæ invenit, quos induceret.” “ Neque<sup>i</sup> uni urbi, sed orbi blasphemias Origenis et περὶ ἀρχῶν libros, quantum in se fuit, intulit Rufinus : ” harum opinionum pravitate prius imbutus a magistro Evagrio : de quo, in epistola ad Ctesiphontem, Hieronymus : “ Evagrius ponticus Hyperborita, qui scribit ad virgines, scribit ad monachos, scribit ad eam, cuius nomen nigredinis testatur perfidiae tenebras (ea nominis notatione Melaniam designat; quæ ex<sup>k</sup> Hierusalem post quinque lustra remeans, cum<sup>l</sup> Rufino suo Origenicorum errorum adversus Hieronymum suscepit patrocinium) edidit librum et sententias περὶ ἀπαθείας quam nos impassibilitatem vel imperurbationem possumus dicere ; quando nunquam animus ullo perturbationis vitio commovetur, et, ut simpliciter dicam, vel saxum vel Deus est. Hujus libros per orientem Græcos et, interpretante discipulo ejus Rufino, Latinos plerique in occidente lectitant.” Eundem Rufinum ob sparsos Origenis errores Romæ damnavit Siricij successor Anastasius : eundemque “ in aliquibus de arbitrii libertate notatum” ab Hieronymo fuisse, in Romano LXX. episcoporum concilio ostendit Gelasius ; atque ab eodem originalis peccati inficiationem Romæ se edoctum, in Carthaginiensi Africanorum episcoporum conventu ita professus est Celestius : “ Sanctus<sup>m</sup> presbyter Rufinus Romæ,

<sup>f</sup> Hieronym. ad Oceanum, epist. 82. op. tom. 4. par. 2. pag. 645.

<sup>g</sup> Rufin. apolog. ad Anastas. P. Hieronym. apolog. advers. Rufin. lib. 2. cap. I. lib. 5. cap. 3. et 7.

<sup>h</sup> Hieronym. in epitaphio Marcellæ, epist. 96. op. tom. 4. par. 2 pag. 782.

<sup>i</sup> Id. Proœm. in dialogos advers. Pelag.

<sup>k</sup> Paulin. ad Severum, ep. 10.

<sup>l</sup> Hieron. sub fin. ep. 33. ad Pammachium.

<sup>m</sup> Apud Augustin. de Peccat. Original. cap. 3.

qui mansit cum S. Pammachio, id dixit. Ego enim audiui illum dicentem, quod tradux peccati non sit.”

Anno autem CCCXCVIII. mortua uxore Paulina, nuncium seculo remisit Pammachius: et Rufinus, relictus Roma, in patriam Aquileiam habitationem transtulit anno proxime sequente; quo ab Hieronymo ad eum scripta legitur epistola hoc initio: “Diu<sup>n</sup> te Romæ moratum, sermo proprius indicavit.” Celestii quoque magistrum Pelagium “in<sup>o</sup> urbe Roma diutissime vixisse,” atque in hæreticis his fuisse “sermonibus contentionibusque versatum,” docet Augustinus: qui et se “Romæ<sup>P</sup> constituti Pelagii nomen cum magna ejus laude cognovisse” confitetur. Extantque adhuc rei testes sequentes literæ<sup>q</sup>.

DOMINO DILECTISSIMO, ET DESIDERATISSIMO FRATRI PELAGIO, AUGUSTINUS IN DOMINO SALUTEM.

“Gratias ago plurimum, quod me literis tuis exhilarare dignatus es, et certum facere de salute vestra. Retribuat tibi Dominus bona, quibus semper sis bonus, et cum illo æterno vivas in æternum; Domine dilectissime, et desideratissime frater. Ego autem, etsi in me non agnosco præconia de me tua, quæ tuæ benignitatis epistola continet; benevolo tamen animo erga exiguitatem meam ingratus esse non possum: simul admonens, ut potius ores pro me quo talis a Domino fiam, qualem me jam esse arbitraris. Memor nostri, incolumis Domino placeas, Domine dilectissime et desideratissime frater.”

Hoc enim artificio in primis suis scriptis usum fuisse Pelagium notat Augustinus, ut prava illa dogmata “non<sup>r</sup> ex persona sua posuerit, sed quid ab aliis diceretur expouuerit; quæ tamen postea jam hæreticus pertinacissima animositate defendit:” quod in brevioribus in primis in Pauli epistolas commentariis ab illo factitatum observat

<sup>n</sup> Hieron. epist. 42, ad Rufin. op. tom 4. par. 2. pag. 348.

<sup>o</sup> Augustin. de peccat. origin. contra Pelag. cap. 21.

<sup>p</sup> Id. de gestis Palæstinis, in causa Pelagii, cap. 22.

<sup>q</sup> Ib. cap. 27, 28.

<sup>r</sup> Id. Retract. lib. 2. cap. 33.

idem: *juxta receptas "leges<sup>s</sup> commentariorum, in quibus multæ diversorum ponebantur opinione, vel tacitis vel expressis auctorum nominibus; ut lectoris arbitrium esset, quid potissimum eligere deberet decernere."* Hæretica enim illa "in<sup>t</sup> ipsis quasi expositionibus," inquit Augustinus, "non ex sua persona est ausus objicere: sed ibi hoc dicebat, ubi multis notissimus erat, et quid sentiret ac diceret, latere non poterat."

De eodem autem, quum jam patefactæ essent illius hæreses, in epistola ad Paulinum Nolanum, ita scribit idem; "Pelagium, quem credimus, ut ab illo distingueretur qui Pelagius Tarenti dicitur, Britonem fuisse cognominatum, quod ut servum Dei dilexeris, novimus: nunc autem quemadmodum diligas, ignoramus. Nam et nos non solum dileximus, verum etiam diligimus eum: sed aliter nunc diligimus, aliter aliquando dileximus. Tunc enim, quia nobis rectæ fidei videbatur: nunc autem, ut ab iis quæ inimica et adversa gratiae Dei sentire dicitur, illius misericordia liberetur:" et Prosper, in chronico: "Pclagius Brito dogma nominis sui contra gratiam Christi, Celestio et Juliano adjutoribus, exerit." Nec cognomento solo, sed etiam gente fuisse illum Britonem, ostendit idem in libro de ingratis; quo nomine Semipclagianos ille designat, ex hæresiarchæ hujus cincribus exortos: ubi a parente primum exorsus, enarrat.

Dogma<sup>u</sup> quod antiqui satiatum felle Draconis  
Pestifero vomuit coluber sermone Britannus.

Et in operis progressu, ad novam sobolem scrinone converso,

Vos<sup>w</sup> soli ingrati, quos urit gratia: cuius  
Onine opus arbitrio vultis subsistere vestro.  
Et quod non cuncti mortales atria vitæ,  
Ingrediuntur, ita ex ipsis pendere putatis,  
Ut tam ex judicio constet cuiusque quod intrat,

<sup>v</sup> Hieronym. Proœm. in lib. 1. commentar. Hieremias.

<sup>t</sup> Augustin. de peccat. origin. cap. 21.

<sup>u</sup> Prosp. de Ingrat. cap. 1.

<sup>w</sup> Id. ib. cap. 34.

Quam quod non intrat : ceu par in utrumque facultas  
Suppetat ; ut tam sit proprium bona quam mala velle.  
I procul insana impietas, artesque malignas  
Aufer ; et authorem comitare exclusa Britannum.

Similiter in elegis, quibus B. Augustini obtrectatorem perstrinxit, e schola vel Pelagii Britanni vel Juliani Campani prodeuntem:

Aut hunc fruge sua æquorei pavere Britanni  
Aut huic Campano gramine corda tument :

Sive ut in duobus antiquissimis Bedæ<sup>x</sup> codicibus, et Henrico Huntingdonensi<sup>y</sup>, versum illum citatum invenio ;

Aut hic Campano gramine corda tumet.

Accedat et illud Pauli Orosii, “Dominus<sup>z</sup> Christus summo præmio fidei dignum judicat ; si quis hæc filium Dei posse crediderit : et Britanicus noster mox ut voluerit se posse confidit.” Ita ille in apologetico de arbitrii libertate contra Pelagium: quem ut “latos<sup>a</sup> humeros gestantem robustamque cervicem, præferentem etiam in fronte pinguedinem,” sed et mutilum<sup>b</sup> quoque et μονόφθαλμον ibi depingit.

Patrio nomine Morgan dictum fuisse aiunt. Morgan autem Britannis Marigenam<sup>c</sup>, sive pelago ortum denotat : unde et Latinum Pelagi<sup>d</sup> deductum est vocabulum : ad quod vocis etymon alludens Julianus libro primo posterioris adversus Augustinum operis pro Celestianis et Pelagianis suis ita in orthodoxos ecclesiae filios invehitur : “Vos imperitis authoribus de nominibus Catholicorum virorum, qui propter fidem apostolicam quam tuemur nobiscum laborant, cietis inanem fragorem : ut qui timuisserint Cœlestiani a vobis dici, amitterent cœlestis fidei dignitatem ; et qui expavissent, ne a vobis Pelagiani dicerentur, in Manichæorum pelagus præcipitarentur.” Hac enim παρονομασίᾳ Pelagii nomen a pelago derivatum innuit;

<sup>x</sup> Bed. lib. 1. hist. cap. 10. MS.

<sup>y</sup> Huntingd. hist. lib. 1.

<sup>z</sup> Oros. apol. pag. 633. edit. Mogunt. ann. 1615.

<sup>a</sup> Ibid. pag. 666.

<sup>b</sup> Ibid. pag. 639.

<sup>c</sup> Vid. Camden. pag. 496.

<sup>d</sup> פֶּלָגִיָּה וְאַנְגָּלוֹן Pelagi hæretici meminit etiam R. Abraham. Zachutus in libro Jochasin, fol. 144.

sicut et Cœlestii a cœlo : quanquam sine diphthongo Κελέστιον et Κελεστιανὸν a Græcis semper scribi observaverim.

“ Natum in Britannia citeriore” Polydorus Vergilius<sup>e</sup>, in ea illius parte quæ Cambria vocatur, Johannes Balæus<sup>f</sup> indicat: “ eodemque die quo ille in Anglia (quod nomen citerior Britannia nondum tum obtinuerat) natus tenebras errorum toti mundo effudit, summum Ecclesiæ lumen Augustinum in Africa emicuisse;” ex Wasfila nescio quo, vetustissimo tamen, si illi credimus, historiæ ecclesiasticae scriptore, refert Dempsterus<sup>g</sup>: Cantabrigiensem doctorem illum faciunt Nicolaus Cantelupus<sup>h</sup> et Johannes Caius<sup>i</sup>; Bangorensem abbatem, alii. Sic enim de Cantabrigia sua Cantelupus: “ Cum Pelagius ejusdem civitatis doctor præcipuus in hæresim cecidisset, contra eum surrexerunt alii fideles: propter quod denuo vastata est civitas a Pelagii fautoribus, qui asserunt hominem sine gratia posse salvare.” De aliorum illorum sententia Ranulphus Cestrensis in Polychronico: “ Tradunt<sup>k</sup> nonnulli Pelagium fuisse abbatem apud famosum illud monasterium de Bangor; quod per decem miliaria a Legecestria<sup>l</sup> distat:” alterum enim illud ejusdem nominis in Hibernia nostra, post Pelagii tempora, a Congello sive Comgallo institutum fuisse constat. Atque in horum numero Johannes Tinmuthensis est reponendus, in vita Albani, ita de illo scribens: “ Circa annum Domini quadringentesimum quartum Pelagius Brito abbas illius famosi monasterii de Bangor extitit; ubi duo millia monachorum et centum, laboribus manuum vitam suam ducentium, sub uno abate militarunt.”

Ut autem e Britannia Pelagium, ita e vicina nostra Hibernia, quæ vetus Scotia fuit, prodiisse illius Phineam (uti appellat Orosius<sup>m</sup>) Celestium, ex Hieronymi in prophetam Hieremiam commentariis colligimus: “ Nuper,”

<sup>e</sup> Polydor. Anglic. hist. lib. 3.

<sup>f</sup> Bal. centur. 1. scriptor. Britan. cap. 28.

<sup>g</sup> Dempst. hist. Scotor. lib. 15. num. 1012.

<sup>h</sup> Cantelup. in Cantabrig. historiola.

<sup>i</sup> Cai. hist. Cantabrig. lib. 1. pag. 27.

<sup>k</sup> Polychronic. lib. 4. cap. 31.

<sup>l</sup> West-chester. Vid. supr. cap. 5. pag. 84. cap. 6. pag. 161. cap. 7. pag. 194.

<sup>m</sup> P. Oros. apologetic. contra Pelagium, pag. 663.

inquit ille in primi libri procœmio, “indoctus calumniator erupit, qui commentarios meos in epistolam Pauli ad Ephesios reprehendendos putat. Nec intelligit, nimia stertens vecordia, leges commentariorum, &c. nec recordatur stolidissimus et Scotorum pulibus prægravatus, nos in ipso dixisse opere : Non damno digamos, imo nec trigamos, et si fieri potest octogamos : plus aliquid inferam, etiam scortatorem recipio pœnitentem.” Atque hujus Scotti præcursorum ibi dicit fuisse Grunnium : quo usitato sibi nomine designat is Rufinum, jam vita functum ; a quo, dum Romæ viveret, damnatum illud de negata peccati traductione dogma se accepisse, ipsum Celestium supra confitentem audivimus. Sed clarius in tertii libri procœmio exprimit ista Hieronymus ; de Pelagio, domestico et intimo Celestii magistro, verba faciens : “ Hic tacet, alibi criminatur ; mittit in universum orbem epistolas biblinas, prius auriferas, nunc maledicas : et patientiam nostram, de Christi humilitate venientem, malæ conscientiæ signum interpretatur. Ipseque mutus latrat per Alpinum canem grandem et corpulentum, et qui calcibus magis possit sœvire, quam dentibus. Habet enim progeniem Scotticæ gentis, de Britannorum vicinia : qui, juxta fabulas poetarum, instar Cerberi spirituali persecutiendus est clava, ut æterno cum suo magistro Plutone silentio conticescat.”

His enim “ænigmaticis” formulis describit Pelagium atque Celestium,” rectissime animadverit Baronius : quos<sup>o</sup> in epistola etiam ad Ctesiphontem, producto illo, quod in ipso operis<sup>p</sup> hujus vestibulo a nobis est positum, Porphyrii testimonio, “patriæ nomine expressisse” Hieronymum affirmat; “dum Britanniæ tyrannorum fertilis, et Scotticæ gentis meminit.” Ut enim Pelagium et Britonem et Britannum, (ne quis inter hæc vocabula discrimen hic aliquod cum Christophero Browero<sup>q</sup> aucupetur) a Prospero esse habitum ostendimus<sup>r</sup>: ita Scotum fuisse

<sup>n</sup> Baron. ann. 410, sec. 61.

<sup>o</sup> Id. ann. 411, sec. 14.

<sup>p</sup> Supr. cap. 1. pag. 11.

<sup>q</sup> Brower. not. ad Venant. Fortunat. lib. 3. epigram. 8.

<sup>r</sup> Supr. pag. 251.

Celestium, ex Hieronymo non male deductit Robertus Personius<sup>s</sup>. Nam qui Pelagium natione Scotum fuisse hinc eliciunt, non satis animadvertisse videntur, manifeste ab Hieronymo distingui hoc in loco Plutonem (ut illi vocare libuit) a Cerbero, mutum magistrum, cuius progeniem omnino non commemorat, a latrante discipulo, quem Scoticæ gentis fuisse asserit: neque etiam considerasse, quum ista scriberet Hieronymus, Pelagium adhuc post carecta latuisse; et callide dissimulata sua hæresi, eam per discipulos in publicum proposuisse. Unde ad eum, in tertio dialogorum libro, idem Hieronymus: “O te felicem! cuius præter discipulos nemo conscribit libros: ut quidquid videris displicere, non tuum, sed alienum esse contendas.”

“Novam<sup>t</sup> hanc ex vetere quæstionem, et novam<sup>u</sup> ex vetere hæresim,” atque illius magistros “novos<sup>w</sup> ex veteribus hæreticos” appellat Hieronymus; quod veteres illi errores non renovaverint modo, sed aliis etiam de suo appositis laciniis egregie interpolaverint. “Quis enim unquam” inquit Vincentius Lirinensis<sup>x</sup>, “ante profanum illum Pelagium, tantam virtutem liberi præsumpsit arbitrii; ut ad hoc in bonis rebus per actus singulos adjuvandum, necessariam Dei gratiam non putaret? Quis ante prodigiosum discipulum ejus Celestium, reatu prævaricationis Adæ omne genus humanum negavit adstrictum?” Istos namque vel authores vel certe acerrimos notissimosque suasores novæ hujus hæresecos extitisse, in epistola ad Optatum affirms Augustinus, qui de iisdem etiam alibi<sup>y</sup>: “Hujus, inquit, perversitatis authores vel perhibentur vel etiam probantur; vel certe si authores non sunt, sed hoc ab aliis didicerunt, assertores tamen atque doctores, per quos id latius reptaret et cresceret, et verbis

<sup>s</sup> Person. de convers. Angl. part. 1. cap. 3. sec. 10.

<sup>t</sup> Hieronym. initio epistolæ ad Ctesiphont. contra Pelag. op. tom. 4. par. 2. pag. 474.

<sup>u</sup> Id. lib. 1. in Hierem. cap. 2. et 3. item lib. 6. in Hierem. cap. 30.

<sup>w</sup> Id. lib. 5. in Hierem. cap. 25.

<sup>x</sup> Vincent. Lirinens. advers. hæres. commonitor. cap. 34.

<sup>y</sup> Augustin. de peccat. original. cap. 23.

et literis suis, et competentibus indiciis, et fama ex his omnibus surgente et crebrescente jactantur."

Postrema est hæc earum hæreseon, quas in libro ejus argumenti ad Quodvultdeum scripto Augustinus commemorat: "Pelagianorum", inquit, est hæresis hoc tempore omnium recentissima, a Pelagio monacho exorta: quem magistrum Celestius sic secutus est, ut sectatores eorum Celestiani etiam nuncupentur." Eam exortam etiam notat idem in<sup>a</sup> libro de gestis synodi Palæstinae contra Pelagium, "non ab episcopis, seu presbyteris, vel quibuscumque clericis, sed a quibusdam veluti monachis." Et cum inter clericos non numerarentur monachi, quorum longe diversas fuisse rationes, ab Hieronymo<sup>b</sup> quoque est notatum, in laicorum censu Pelagium a Zosimo<sup>c</sup> papa et Orosio<sup>d</sup> collocari neutiquam est mirandum. "Ministrum mensarum" quidem Orosius<sup>e</sup> illum vocat: non quod diaconus esset tamen, sed quod "balneis epulisque nutritus," ut alibi objectat idem, aliorum mensas<sup>f</sup>, quod illi Isidorus Pelusiota quoque vertit vitio, studiosius consectaretur. Affirmat Balæus<sup>g</sup>, illum in oriente "ex earum partium monacho præsulem ordinatum, sui nominis hæresim fabricasse:" Prateolus<sup>i</sup> etiam, "a quibusdam Catholicis ad episcopalia munera obeunda esse perductum;" ejusque rei authorem laudat ille divum Hieronymum. Sed neque apud Hieronymum, neque apud antiquorem illorum aliquem, de episcopali vel etiam clericali Pelagi munere verbum occurrit ullum: ut nec de episcopatu, quem pari liberalitate ibidem tribuit Balæus satelliti ipsius Cœlestio, sive, ut is Gen-

<sup>a</sup> August. de hæres. cap. 88.

<sup>a</sup> Id. de gest. Palæst. cap. 35.

<sup>b</sup> Hieronym. ad Heliodor. epist. 5. op. tom. 4. par. 2. pag. 10. et ad Paulin. epist. 49. Ibid. pag. 565.

<sup>c</sup> Zosim. ad African. epist. 4. tomo 1. Concil. pag. 607. edit. Colon. ann. 1606.

<sup>d</sup> Oros. apologetic. pag. 622, et 623.

<sup>f</sup> Ibid. pag. 666.

<sup>e</sup> Id. Ibid. pag. 633. fin.

<sup>g</sup> Ἐρευνῶν τὰς τραπέζας. Isidor. Pelus. lib. 1. ep. 314. Hieronym. dicit quod Pelagius Brito post Arrium successit, et in oriente in Syria Palæstinæ Pelagius a quibusdam catholicis ad temporalia vel episcopalia est perductus. Bernardus Lutzenburgius, in catalogo Hæreticor. lib. 3. in Pelagio.

<sup>h</sup> Balæ. cent. 1. cap. 38.

<sup>i</sup> Prat. Elench. hæres. lib. 14. cap. 14.

nadii corruptam lectionem secutus, eum vocat, Cœlestino. Presbyterii quidem hic honorem, in<sup>k</sup> Africa ob hæresis infamiam denegatum, in<sup>l</sup> Asia tandem est consecutus: sed quum primum in lucem producta est ista hæresis, simplex omnino monachus erat tam Celestius quam Pelagius.

Et monachum quidem fuisse Pelagium, præter Augustinum, synodi quoque Palæstinæ acta<sup>m</sup>, et Johannes Chrysostomus<sup>n</sup>, et discipulus ipsius Isidorus Pelusiota<sup>o</sup>, et Isidorus Hispalensis<sup>p</sup>, et Photius Patriarcha<sup>q</sup>, et recentiorum plurimi consentiunt. E monasterio quoque prodidisse Celestium, in ecclesiasticorum scriptorum catalogo testis est Gennadius. “Celestius,” inquit, “antequam Pelagianum dogma incurreret, imo adhuc adolescens, scripsit ad parentes suos de monasterio epistolas in modum libellorum tres, omnibus Deum desiderantibus necessarias. Moralis siquidem in eis dictio: nihil ibi vitii postmodum proditi, sed totum ad virtutis incitamentum tenuit.” De libris etiam a Pelagio ante publicatam hæresim exaratis ita scribit idem: “Pelagius<sup>s</sup> hærciarcha, antequam proderetur hæreticus, scripsit studiosis tres necessarios de fidic Trinitatis libros: et pro actuali conversatione eulogiarum ex divinis scripturis librum unum, capitulorum indicis in modum S. Cypriani martyris præsignatum.” Hic enim se<sup>t</sup>, in scripturarum testimoniis sub titulis certorum capitulorum digerendis, imitatorem imo exploratorem operis B. Cypriani ad Quirinum, fuisse gloriatus est: hoc sc dicens facere ad Romanum, (ei enim librum dedicaverat) quod ille fecerat ad Quirinum. In quo tamen

<sup>k</sup> August. epist. 147. ad Hilarium op. tom. 2. pag. 552. Oros. apologetic. pag. 621.

<sup>l</sup> Concil. Milevitan. epist. ad Innocent. P. inter Augustinian. num. 176, op. tom. 2. pag. 621. Zosim. P. epist. 3, et 4. ad Africanos, tom. 1. Concil.

<sup>m</sup> Augustin. de gestis Palæstin. cap. 14, 19, 20, 33, et 35.

<sup>n</sup> Chrysost. ad Olympiad. epist. 4, op. tom. 3. pag. 577.

<sup>o</sup> Isidor. Pelusiott. lib. 1. epist. 314. Πελαγίῳ μοναχῷ

<sup>p</sup> Isidor. Hispal. Origin. lib. 8. cap. 5.

<sup>q</sup> Phot. bibliothec. num. 53.

<sup>r</sup> Gennad. catalog. vir. illust. cap. 44. <sup>s</sup> Ibid. cap. 42.

<sup>t</sup> Hieronym. contra Pelag. lib. 1. op. tom. 4. par. 2. pag. 503. et lib. 3. ibid. pag. 545. Augustin. ad Bonifac. lib. 4. cap. 8, 9. op. tom. 10. pag. 480, et 484.

sive testimoniorum<sup>u</sup> sive capitulorum<sup>v</sup> opere (ex quo Balæus<sup>w</sup> trium librorum titulos videtur efformasse; de moribus clericorum, librum unum; pro vita actuali, librum unum; eulogiarum ex scripturis, librum unum) expressa hæreseos illius deprehendi vestigia, loca tum in gestis<sup>x</sup> Palæstinis, tum in Hieronymi<sup>y</sup> contra Pelagium dialogo inde producta satis ostendunt: quod idem de expositionibus<sup>z</sup> in Paulum, et libro de liberi arbitrii vigore sentiendum: quæ Balæus ante conditas hasce hæreses composuisse illum ait. Nam quod de libris duobus ad Bonifacium comitem, et altero ad Albinam et Melaniam scripto sub-jungit idem; ut omni authoritate penitus destitutum merito negligimus; uteunque ex eo in Gesnerianæ bibliothecæ epitomen, indeque in Possevini apparatum, et istos et ejusdem generis alios quam multos commentitios titulos translatos esse videamus.

Quando vero primum eruperit ista hæresis, inter scriptores non satis convenit. Annales Anglo-Saxonici, “Maximi tyranni tempore, Pelagianam hæresim ortam et divulgatam esse” tradunt. Sexennio post excessum hujus emersisse Johannes Major<sup>a</sup> indicat. “Anno enim CCCXCIV. post partum virgineum,” secundum illum, “virus pestiferum Pelagius Brito in Ecclesia seminavit, gratiam Dei negans.” Sed serius apparuisse illam hæresim, maximo nobis argumento est; quod illi nondum adhuc exortæ occurrisse se dicit Augustinus, in libris a se jam episcopo<sup>b</sup> conscriptis atque editis: ut “in<sup>c</sup> primi libri posterioribus partibus, eorum duorum quos sui episcopatus initio, antequam Pelagiana hæresis appareret, ad Simplicianum Mediolanensem episcopum scripsit:” et in libris confessionum postea exaratis. Quid enim, inquit, “meorum<sup>d</sup> opuscularum frequentius et delectabilius inno-

<sup>u</sup> Augustin. ad Bonifac. lib. 4. cap. 8. Oros. apologetic. pag. 631.

<sup>v</sup> Augustin. de gest. Palæstin. cap. 3. et 30.

<sup>w</sup> Balæus centur. 1. cap. 38.

<sup>x</sup> Augustin. gest. Palæstin. cap. 1, 3, 4, 5, 6.

<sup>y</sup> Hieronym. contra Pelag. lib. 1. <sup>z</sup> Supr. pag. 251.

<sup>a</sup> Major de gest. Scotor. lib. 1. cap. 15.

<sup>b</sup> Augustin. retract. lib. 2. cap. 1. et 6.

<sup>c</sup> Id. de dono perseverantiæ, cap. 21.

<sup>d</sup> Id. ib. cap. 20.

tescere potuit, quam libri confessionum mearum? cum et ipsos ediderim antequam Pelagiana hæresis extitisset. In eis certe dixi Deo nostro, et sape dixi: Da quod jubes, et jube quod vis. Quæ mea verba Pelagius Romæ, cum a quodam fratre coepiscopo meo fuissent eo præsente commemorata, ferre non potuit; et contradicens aliquanto commotius, pene cum eo qui illa commemoraverat litigavit.” Prosper autem Aquitanicus Augustinum, “et<sup>e</sup> ab exordio episcopatus sui, multo prius quam impugnatores gratiæ exurerent, pro gratia disputavisse,” et in Olybrii et Probini consulatu, id est, æræ nostræ Christianæ anno CCCXCV. episcopum ordinatum fuisse testatur<sup>f</sup>, quando et mortuo Theodosio filii ejus, Arcadius et Honorius, in imperii administratione successerunt.

Horum igitur “temporibus<sup>g</sup> Pelagium Britonem Dei gratiam impugnavisse,” et “contra<sup>h</sup> auxilium gratiæ supernæ venena suæ perfidiæ longe lateque dispersisse,” a Beda recte est traditum: sed quo potissimum imperii ipsorum anno, nondum liquet. Ad sextum, qui æræ nostræ quadringentesimo respondet, in breviore chronicō, quod Tironi Prospero tribuitur, habetur annotatum. “Pelagius vesanus doctrina execrabilis ecclesias commaculare conatur.” In Isidori Mercatoris conciliorum farragine, synodus Milevitana Arcadio et Honorio V. consulibus, id est, anno Christi CCCCII. habita, octo habet hujus hæresi oppositos canones: quorum quinque primi postrema quinque capitula constituunt distinctionis quartæ de consecratione; a Gratiano producta “ex concilio Milevitano cui interfuit Augustinus et Anselmus Romanæ Ecclesiæ legatus contra Pelagianos.” Sed neque Anselmi hujus apud alium aliquem ulla occurrit mentio: et ex viginti et septem Isidori canonibus, tertius decimus tantum, cum duobus sequentibus, ad Milevitatum hoc concilium pertinet. Reliqui enim omnes ex aliis Africanis synodis hic sunt translati: et nominatim octo isti contra Pelagianos, ex magno concilio Carthaginiensi anno

<sup>e</sup> Prosper contra collator. cap. 43.

<sup>f</sup> Id. in chronicō.

<sup>g</sup> Bed. libell. de sex ætatibus.

<sup>h</sup> Id. in histor. lib. I. cap. 10.

<sup>i</sup> Cod. Canon. Eccles. African. a Justello edit. pag. 289. 290.

CCCCXVIII. congregato: cui et “ Romanæ<sup>k</sup> Ecclesiæ legationem interfuisse” legimus: a Zosimo<sup>l</sup> papa eo missis Faustino, Philippo et Asello; quem Gratiani Anselmum esse censem Antonius Augustinus<sup>m</sup>. Itaque ad Pelagianæ hæreseos primordia investiganda ex Milevitana hac pseudo-synodo parum ad nos provenit subsidii.

Inter posterioris ævi scriptores Matthæus Florilegus, “ anno gratiae CCCCIV. exortam esse hæresim Pelagianam ait, a Pelagio quodam natione Britannico inventam.” Eundem anium assignat et Sigebertus: licet VII. Arcadiani et Honoriani imperii simul appositus, ad eum nos ducat annum, qui Milevitanum Concilium proxime antecessit. In vulgato Hermanni contracti Chronico, a Sangallensi monacho interpolato, anno ejusdem imperii XII. qui illi CCCCVII. nobis CCCCVI. Christi annus est, “ Pelagius Brito Dei gratiam impugnasse” legitur. Pro quo facit et Chrysostomi epistola ad Olympiadem, in qua Pelagii lapsum, re adhuc recenti, ita ille commemorat: “ Σφόδραν ἥλγησα ὑπὲρ Πελαγίου τοῦ μονάζοντος. Ἐννόησον τούννυ ὅσων στεφάνων ἄξιοί εἰσιν οἱ γενναῖοι στάντες, ὅταν ἀνδρες ἐν ἀσκήσει τοσαντῆ διάγοντες καὶ καρτερίᾳ, οὕτω φανῶσιν ὑποσυρόμενοι: De Pelagio monachio magno dolore affectus sum. Cogita igitur, quot quantisque coronis digni sint, qui forti animo in acie steterunt; cum viros qui tam pie ac sancte tantaque cum tolerantia vixerunt, abripi atque in fraudem impelli videamus.” Data fuit hæc epistola ex Armeniae oppido Arabisso; quo exul anno Domini CCCCV. perductus est Chrysostomus: eodem videlicet anno quo ad Paulinum Nolanae urbis episcopum a Pelagio alia missa est epistola; cujus in literis ad Innocentium I. anno CCCCVII. scriptis, ita ipse meminit. “ Legant illam epistolam, quam ad sanctum virum Paulinum episcopum ante duodecim fere annos scripsimus; quæ trecentis forte versibus nihil aliud quam Dei gratiam et auxilium confitetur, nosque nihil omnino boni facere posse sine

<sup>k</sup> Cod. Canon. Eccles. African. a Justello edit. pag. 322.

<sup>l</sup> Ibid. pag. 38.

<sup>m</sup> Ant. Augustin. de emendat. Gratian. lib. 1. dialog. 2.

<sup>n</sup> Chrysost. ad Olympiad. ep. 4. op. tom. 3. pag. 577.

Deo:" et de qua subdit Augustinus, " Hanc<sup>o</sup> epistolam legi, et inveni eum pene per totam non immorari nisi in facultate et possibilitate naturæ, et pene ibi tantum Dei gratiam constituere: Christianam vero gratiam tanta brevitate, sola nominis commemoratione, perstringit, ut nihil aliud videatur, quam eam taceere timuisse."

Neque vero magis ex illa ad Olympiadem epistola, colligere possumus, cum Baronio<sup>p</sup>, in oriente tum fuisse Pelagium, quam ex altera illa ad Paulinum, vixisse in Italia. Urbe quidem post quinquennium ab Alarico capta, transmarina illum loea petiisse, et Hierosolymis sedem tandem fixisse, in sequente eapite ostendemus: sed ante id tempus, et diseipulum ipsius Cœlestium<sup>q</sup> Romæ a Rufino in hæresi fuisse confirmatum; et ipsum Pelagium diu<sup>r</sup>, imo diutissime<sup>s</sup> in urbe vixisse, et pravorum ibi dogmatum segmentem feeisse, ex Augustino jam ostendimus. Unde cum Pelagium postea in Syria Palæstinæ, ubi primum monachum vixisse, et perfidiam suam animo eoneepisse, recentiorum<sup>t</sup> quidam erediderunt, Johannes episcopus Hierosolymitanus suo judicio vel absolvendum vel condemnandum postularet; ab Orosio<sup>u</sup> et aliis qui aderant Latinis contra clamatum est, " Latinum esse hæreticum, et hæresim Latinis magis partibus notam Latinis judieibus disserendam." Neque audiendi etiam Sigebertus Gemblaeensis, Martinus Polonus, et alii<sup>w</sup>, qui in Britannia execrabilem hanc doctrinam in lueem ab illo productam trididerunt: lieet eo spectare videantur Thomæ Waldensis verba illa, in doctrinalis sui ad Martinum V. proœmio, patriam suam ab istius infamiae labore vindicare laborantis.

<sup>o</sup> Augustin. lib. de gratia Christi cap. 35. op. tom. 10. pag. 246.

<sup>p</sup> Baron. ann. 405. sec. 7.

<sup>q</sup> Augustin. de peccat. original. cap. 3. op. tom. 10. pag. 254.

<sup>r</sup> Id. ibid. cap. 8. pag. 256. et epist. 177. ad Innocentium. op. tom. 2. pag. 622.

<sup>s</sup> Id. de peccat. original. cap. 21. op. tom. 10. pag. 263.

<sup>t</sup> Gabr. Prateolus, in hæreticorum catalog. Claud. Menard. in notis ad opus Augustini imperfectum contra Julianum: et Dionys. Petavius, in rationar. tempor. part. 1. lib. 6. cap. 15.

<sup>u</sup> Oros. apologetic. pag. 624. 625.

<sup>w</sup> Conradus a Licchtenaw abbas Urspergns. in chron. anno 403. " Eodem tempore in Britannia Pelagius doctrina execrabilis Ecclesiam maculare nititur."

“ Si ibi nata est Pelagiana perfidia, ibi damnata est, et exilio relegata in Asiam, ipsa eadem gente providente remedium.” Verum de Pelagiana hæresi e Britannia Germani et Lupi opera expulsa illum loqui, sequentia plane indicant: ut ipsum Pelagium “ a suis Britannis in exilium pulsum” fuisse, Balæus<sup>x</sup> non recte hinc intulerit. Cui neque illud assentior; Pelagium, peregrinatione confecta, “ cum impostricis doctrinæ fæcibus in patriam suam reversum, omnem illam regionem conspurcavisse.” In quo authorem secutus ille fuisse videtur catalogi hæreticorum concinnatorem Bernardum Lutzenburgium<sup>y</sup>: ut et Gabriel Prateolus, de eodem ita scribens: “ Tandem<sup>z</sup> in patriam reversus, suis erroribus undique respersis, Britannicam insulam eisdem quoque infecit; idque Arcadii imperatoris ac Innocentii hujus nominis primi summi Romanorum pontificis temporibus, circa annum Domini CCCCV.” Sed ut eo tempore, et multis post annis, longe illum a patriæ finibus abfuisse, ex authorum qui tum vixerunt certissimo constat testimonio: ita post diuturnam illam peregrinationem, domum aliquando rediisse, absque omni veterum autoritate affirmatur.

<sup>x</sup> Balæ. centur. I. cap. 38.

<sup>y</sup> Lib. 3. in Pelagio: “ Monachus existens e Roma in Angliam proficiscens, insulam illam omnem execrabilis infecit errore.” Similiter Jacobus Philippus Bergouas, suppl. chronic. lib. 9. ad annum Christi, 410. Et Hertmannus Schedel. 6. ætat. mundi: “ Pelagius quidam monachus et hæresiarcha pessimus, e Roma in Angliam proficiscens, insulam illam omnem execrabilis infecit errore.”

<sup>z</sup> Prateol. Elench. hærcs. lib. 14. cap. 14.

## CAP. IX.

Rerum adversus Pelagium Britannum et Celestium Scotum, Innocentii Romani episcopi temporibus, gestarum historia. Quantum creverit perniciosa istorum hæresis; quibus potissimum in locis propagata, quibus scriptis et artibus ab eis propugnata fuerit. Conventus Carthaginensis in Celestii, Hierosolymitanus et Diospolitanus in Pelagii examine quid egerit. Scripta ab Augustino, Hieronymo et Orosio illis opposita: et damnationis ab utraque synodo Africana, Carthaginensi et Milevitana, atque Innocentio pontifice lata in eos sententia.

Post exortam in partibus Romanis Pelagii Britanni hæresim, et a Romanis amissa<sup>a</sup> est Britannia, e qua Belgicis et Germanicis præsidiis annonam<sup>b</sup> advehere prius solebant, et ipsa Roma ab Alarico Gotlio capta est. Cujus cladis imaginem Demetriadi virginis ita graphice repræsentavit ille ipse Pelagius: “Recens<sup>c</sup> factum est, et quod ipsa audisti; cum ad stridulæ buccinæ sonum Gothorumque clamorem, lugubri oppressa metu domina orbis Roma contremuit. Ubi tunc nobilitatis ordo? ubi certi et distincti illius dignitatis gradus? Permista omnia et timore confusa: omni domui planctus, et æqualis fuit per cunctos pavor. Unum erat servus et nobilis; eadem omnibus imago mortis; nisi quia eam magis timebant illi, quibus fuerat vita jucundior. Si ita mortales timemus hostes et humanam manum; quid faciemus cum clangore terribili tuba intonare de cœlo cœperit; et ad illam archangeli vocem omni buccina clariorem, totus simul remugiet mundus? cum viderimus super nos non manufacta arma con-

<sup>a</sup> Zosim. hist. lib. 6. Bed. lib. 1. hist. cap. 11. Ethelwerd. chronic. lib. 1.

<sup>b</sup> Ammian. Marcellin. hist. lib. 18. Eunap. Sardian. in eclogis legationum ab Hœschelio edit. Zosim. hist. lib. 3.

<sup>c</sup> Inter Augustinianas, epist. 17. op. tom. 2. app. pag. 17.

cuti, sed et virtutes cœlorum commoveri?" et ad eandem Demetriadem quoque beatus Hieronymus: "Dudum<sup>d</sup> inter barbaras tremuisti manus, aviæ matrisque sinu et palliis tegebaris. Vidisti te captivam, et pudicitiam tuam non tuæ potestatis: horruisti truces hostium vultus; raptas virgines Dei gemitu tacito conspexisti. Urbs tua, quondam orbis caput, Romani populi sepulchrum est."

Mense<sup>e</sup> post urbem a Gothis captam decimo, apud Carthaginem celeberrima illa inter Catholicos et Donatistas habita est collatio: quo tempore adfuisse ibi Pelagium, indeque festinanter transmarina loca petiisse, ex Augustino didicimus, ita de eo scribente: "Posteaquam<sup>f</sup> in Africam venit, me absente, nostro (id est, Hipponeñsi) littore exceptus est, ubi omnino nihil ab illo hujusmodi auditum est; quia et citius quam putabatur inde profectus est. Postmodum ejus faciem Carthagine, quantum recolo, semel vel iterum vidi; quando cura collationis, quam cum hæreticis Donatistis habituri eramus, occupatissimus fui, ille vero etiam ad transmarina properavit." Quænam loca illa fuerint, nominatim non explicat. "In Ægyptum et Syriam, aliasque orientis regiones pervenisse" illum ait Balæus<sup>g</sup>. Et per Ægypti certe monasteria aliquo tempore discurrisse, ex sequente hac Isidori Pelusiotæ, ad ipsum Pelagium scripta, apparet epistola: "Τῷ Ἐφραὶμ ἐξήνθησαν πολιὰ, ἀλλ' οὐκ ἔγρω, νεάζων τοῖς πάθεσι. Καὶ σε πολὺς ὄχλος ἐτῶν περιέστη, ἀλλ' ἔτι ἀκαμπὲς ἔχεις τὸ φρόνημα, ἀλλην μονὴν ἐξ ἀλλης ἀμείβων, καὶ πασῶν ἐρευνῶν τὰς τραπέζας" Εἰ οὖν κνίσσης μέλει σοι καὶ ὄψων καρυκείας, τοὺς ἐν τέλει μᾶλλον κολάκευε, καὶ τὰς πόλεις τοῖς καπνοδόχοις ἐρεύνα" ἐρημῆται γὰρ ἄνθρωποι σε ἐξιοῦσθαι προσφιλῶς οὐκ ἀδικοῦσι. Canii effusi sunt in Ephraim, et ipse ignoravit; vitiosis nimirum affectionibus juvenescens. Eodem modo tibi quoque ingens annorum turba caniciem invexit:

<sup>d</sup> Hieronym. ad Demetriad. epist. 97. op. tom. 4. par. 2. pag. 786.

<sup>e</sup> Ann. CCCCXI.

<sup>f</sup> Augustin. de gest. Palæstin. contra Pelag. cap. 22.

<sup>g</sup> Bal. centur. 1. cap. 38.

<sup>i</sup> Ose. cap. 7. ver. 9.

<sup>b</sup> Isidor. Pelusiot. lib. 1. epis. 314.

et tamen rigidum atque inflexum animum habes; ex alio monasterio ad aliud subinde migrans, atque omnium mensas perscrutans et explorans. Quamobrem si tibi carnium nidor, atque obsoniorum condimentum curae est; iis qui magistratus gerunt potius blandire, atque urbium caminos vestiga. Neque enim homines eremitæ facultates eas habent, ut te, quemadmodum tibi gratum est, excipere valeant."

Hæsit<sup>k</sup> autem in Africa primarius Pelagii discipulus Celestius: ubi "in<sup>l</sup> Carthaginiensis civitatis ecclesia jam ad presbyterii honorem surrepere cœperat; sed fidelissima libertate fratrum propter has contra Christi gratiam disputationes usque ad judicium episcopale perductus est." Cum enim "per<sup>m</sup> ora eorum, qui Pelagii discipuli ferebantur, dogmata ista serverent," atque "ista<sup>n</sup> hæresis plurimos decepisset, et fratres quos non deceperat turbaret; Celestius ad judicium Carthaginiensis ecclesiæ perductus, episcoporum sententia condemnatus est." Tempus quo habita est ista synodus, Aurelii Carthaginiensis episcopi, qui ei præfuit, et coepiscoporum epistola<sup>o</sup>, sub exitum anni CCCCXVI. ex alia Carthaginiensi synodo ad Innocentium papam scripta, patefacit: ubi ecclesiasticum hoc judicium "ante ferme quinquennium apud ecclesiam Carthaginiensem agitatum" fuisse dicitur. Accusationis libellus concilio a Paulino Carthaginiensi diacono porrectus est: ex quo Celestius convictus est docuisse,

I. Adam<sup>p</sup> mortalem factum, qui sive peccaret, sive non peccaret, moriturus esset.

II. Quod peccatum Adæ ipsum solum læserit, et non genus humanum.

III. Quod lex sic mittat ad regnum, quemadmodum et evangeliū.

IV. Quod ante adventum Christi fuerint homines sine peccato.

V. Quod infantes nuper nati in illo statu sint, in quo Adam fuit ante prævaricationem.

VI. Quod neque per mortem vel prævaricationem Adæ omne genus humanum moriatur, neque per resurrectionem Christi omne genus humanum resurgat.

<sup>k</sup> Ann. CCCCXII.

<sup>l</sup> Augustin. epist. 157. ad Hilarium.

<sup>m</sup> Id. de gest. Palæstin. cap. 22.

<sup>n</sup> Id. ibid. cap. 35.

<sup>o</sup> Inter Augustinianas epist. 175. op. tom. 2. pag. 617.

<sup>p</sup> Augustin. de gest. Palæstin. cap. 11. et de peccato originali, cap. 11.

VII. Hominem esse sine peccato, et mandata Dei facile custodire, si velit.

Nam et hoc quoque in Celestio damnatum hic fuisse confirmat Orosius: qui non aliam quam hanc ipsam per Africanam synodus<sup>q</sup> intelligere potuit; quandoquidem nulla alia contra Celestianos in Africa fuerit habita, quum ille in oriente apologeticum suum literis consignaret. Nam ut ista præsens synodus triennio scriptionem illam antecessit; ita plenaria illa Carthaginiensis altera (quam clarissimus Vossius<sup>r</sup> intellectam hic putavit) triennio eam subsecuta est.

De<sup>s</sup> primo accusationis capite, Celestii et Paulini hæc habita est in synodo altercatio : “CELESTIUS. Dixi de traduce peccati me dubium esse, ita tamen ut cui donavit Deus gratiam peritiæ consentiam: quia diversa ab iis audivi, qui utique in Ecclesia Catholica constituti sunt presbyteri. PAULINUS. Dic nobis nomina ipsorum. CELESTIUS. Sanctus presbyter Rufinus, Romæ qui mansit cum sancto Pamachio. Ego enim audivi illum dicentem, quia tradux peccati non sit. PAULINUS. Est aliquis alias? CELESTIUS. Audivi et plures dicere. PAULINUS. Dic nomina ipsorum. CELESTIUS. Non tibi sufficit unus sacerdos?” De quinto, interponente se præside Aurelio, conflictio facta est ejusmodi : “AURELIUS. Docuisti, Celesti, aliquando, ut dixit diaconus Paulinus, quod infantes qui nascuntur, in eo statu sint, in quo fuit Adam ante transgressionem? CELESTIUS. Exponat quid dixit, ante transgressionem. PAULINUS. Tu nega hoc te docuisse. Unum est ex duobus: aut neget se docuisse, aut jam damnet istud. CELESTIUS. Jam dixi: exponat quomodo dixit, ante transgressionem. PAULINUS. Nega te illa docuisse. AURELIUS. Rogo: quid collegiū ego ex hujus objecione? Dico; Adam constitutus in Paradiso, quod ante dicatur inexterminabilis factus, postea per transgressionem præcepti factus sit corruptibilis. Hoc dicis, frater Pauline? PAULINUS. Hoc Domine. AURELIUS. Status certe

<sup>q</sup> Oros. apologetic. pag. 623, et 645.

<sup>r</sup> Voss. histor. Pelag. lib. 1. cap. 45. pag. 98. et lib. 5. part. 4. pag. 496.

<sup>s</sup> Augustin. de peccat. Original. cap. 3, et 4.

infantium hodie baptizandorum utrum talis sit, qualis fuit ante transgressionem Adæ; an certe de eadem origine peccati, de qua nascitur, transgressionis culpam trahat? Hoc vult diaconus Paulinus audire. PAULINUS. Utrum docuit hoc, an non, neget. CELESTIUS. Jam de traduce peccati dixi, quia intra Catholicam constitutos plures audi vi destruere, necnon et alios astruere; licet quæstionis res sit ista, non hæresis. Infantes semper dixi egere baptismō, ac debere baptizari. Quid quærerit aliud?"

In libello<sup>t</sup> quoque suo, quem syuodo tunc exhibuit, per baptismum Christi parvolorum redemptionem fieri confessus est Celestius; licet et Adam in eos transisse peccatum confiteri noluerit: "Ubi" quanquam noluerit de originali peccato aliquid expressius dicere; tamen ipso redemptionis nomine non parum sibi præscripsit. Unde enim redimendi sunt, nisi a Diaboli potestate; in qua esse non possent, nisi originalis obligatione peccati? aut quo precio redimuntur, nisi Christi sanguine; de quo apertissime scriptum est, quod in remissionem effusus sit peccatorum?" Breviter, quid actum hic fuerit, expedit Orosius<sup>w</sup>; quum "Celestium, jam ad honorem presbyteri subrepentem, apud Carthaginem plurimis episcopis judicantibus proditum, auditum, convictum, confessum, detestatumque ab ecclesia, ex Africa profugisse" retulit. Quo speciosius tamen episcopale judicium declinaret, simulatam ad Romanam sedem appellationem<sup>x</sup> interposuisse videtur: quam vivente Innocentio nunquam prosecutum illum fuisse constat. Ab eo enim prius Romæ repressam fuisse hanc hæresim, non solum ex illo Prosperi<sup>y</sup> colligimus,

— pestem subeuntem prima recidit  
Sedes Roma Petri —

<sup>t</sup> Augustin. de peccat. Original. cap. 19. et contra Julian. lib. 3. cap. 3. Concil. Carthagin. ad Innocentium P. inter Augustinianas, epist. 175.

<sup>u</sup> Augustin. epist. 157. ad Hilarium.

<sup>w</sup> Oros. apologetic. pag. 221.

<sup>x</sup> Facund. Hermianens. lib. 7. cap. 3. Zosim. P. epist. 10. tom. I. concil. pag. 611. edit. Colon. ann. 1606. et Paulin. in libello ad Zosimum. apud Baron. ann. 418. sec. 15.

<sup>y</sup> Prosp. de ingratis. cap. 2.

sed etiam ex Facundo Hermianensi<sup>z</sup> episcopo, qui primum Pelagianam hæresim condemnavisse Innocentium expresse asserit. Male igitur de Celestio Bernardus Lutzenburgius : “ Damnavit<sup>a</sup> ad instantiam concilii Africani hæresim Pelagianam.”

Augustinum a Carthaginensi hac synodo abfuisse, is ipse, cum<sup>b</sup> alibi, tum in retractationum libro secundo, capite tricesimo tertio, ita significat: “ Celestius discipulus Pelagii jam propter tales assertiones apud Carthaginem in episcopali judicio, ubi ego non interfui, excommunicacionem meruerat :” docetque tum denum scriptis adversus hanc hæresim agere se cœpisse ; editis tribus quos habemus, ad Marcellinum, qui Carthaginiensi collationi præfuerat, de peccatorum meritis et remissione, ac puerorum baptismo commentariis. “ Venit,” inquit ille ibidem, “ necessitas, quæ me cogeret adversus novam Pelagianam hæresim scribere : contra quam prius, cum opus erat, non scriptis sed sermonibus et collocutionibus agebamus, ut quisque nostrum poterat aut debebat. Missis ergo mihi a Carthagine quæstionibus eorum quas rescribendo dissolverem ; scripsi primum libros tres, quorum titulus est, De peccatorum meritis et remissione : ubi maxime de baptimate disputatur parvulorum propter originale peccatum, et de gratia Dei qua justificamur, hoc est, justi efficimur ; quamvis in hac vita nemo ita servet mandata justitiae, ut non sit ei necessarium pro peccatis dicere, Dimitte nobis debita nostra. Contra quæ omnia sentientes illi, novam hæresim condiderunt. In his autem libris tacenda adhuc arbitratus sum nomina eorum, sic eos facilius possc corrigi sperans : imo etiam in tertio<sup>c</sup> libro (quæ est epistola, sed in libris habita propter duos quibus eam connectendam putavi) Pelagii ipsius nomen non sine laude aliqua posui, quia vita ejus a multis prædicabatur :” et in libro de gestis Palæstinis capite vicesimo secundo, post commiormoratum

<sup>z</sup> Facund. lib. 7. cap. 3.

<sup>a</sup> Catalog. hæreticor. lib. 2. in Celestianis.

<sup>b</sup> Augustin. de gest. Palæstin. cap. 11. et contra Julian. lib. 3. cap. 1.

<sup>c</sup> Cap. 1, 3, et 10.

item ecclesiasticum judicium adversus Celestium : "Salubrius sane," ait, "adversus eos agi putabamus, si hominum nominibus tacitis, ipsi refutarentur et redarguerentur errores; atque ita metu potius ecclesiastici judicii corrigerentur homines, quam ipso judicio punirentur. Nec libris igitur adversus mala illa disserere, nec popularibus tractatibus cessabamus:" et capite undecimo: "Coacti sumus solicitudine charitatis, quam erga Ecclesiam Christi per gratiam Christi nos habere convenit, etiam ad beatæ memoriæ Marcellinum, qui eos quotidie disputatores molestissimos patiebatur, et me per literas consulebat, de quibusdam istarum quæstionibus scribere, et maxime de baptismo parvolorum:" et in imperfecti operis contra Julianum libro primo, capite sexagesimo sexto : "Scis, in libris quos ad Marcellinum edidi, vehementer egisse contra incipientem tunc surgere hæresim vestram; ne crederetur Adam, etiamsi non peccasset, fuisse moriturum." Ad eundem quoque Marcellinum scripsit Augustinus librum, qui in decimo operum tomo legitur, *De spiritu et litera*: in quo "acriter<sup>d</sup> disputavit contra inimicos gratiæ."

Aliis deinde quæstionibus Carthagine ab Honorato missis, contra<sup>e</sup> hæresim illam novam inimicam gratiæ Dei, de gratia novi Testamenti scripsit. "Habet<sup>f</sup> enim" inquit, "adversarios; qui ejus profunditate turbati, non Deo tribuere, sed potius sibi volunt arrogare quod boni sunt. Nec tales sunt quos facile contemnas, sed continenter viventes, atque in bonis operibus laudabiles: nec falsum Christum, sicut Manichæi aliquique plurimi hæretici, sed eundem verum æqualemque Patri et coæternum veraciterque hominem factum, et venisse credentes et venturum expectantes; sed tamen ignorantes<sup>g</sup> Dei justitiam, et suam constituer volentes." Hunc librum in manibus habuisse se indicat Augustinus, quum epistolam scriberet ad Marcellinum: quem sequente anno ab hæreticis occisum ostendemus. Hoc vero anno, ut ex eodem Augustino in gestis Palæstinis capite sexto colligimus, "Pelagii nomine pro-

<sup>d</sup> Augustin. *Retractat.* lib. 2. cap. 37.

<sup>e</sup> Id. *ibid.* cap. 36.

<sup>f</sup> Id. *epist.* 140. op. tom. 2. pag. 455.

<sup>g</sup> Rom. cap. 10. ver. 3

dierunt libri exhortatorii vel consolatorii, ad quandam vi-  
duam conscripti, cuius nomen non est expressum": in  
quorum uno, post orationem Dominicam, aliam Pharisai-  
cam orandi formulam sanctis præscribit; quam infra in  
Palæstinæ synodi actis objectam illi invenies: in altero,  
" eidem<sup>h</sup> adulans viduæ, non erubuit dicere, pietatem quæ  
nusquam reperitur in terra, et veritatem quæ ubique pere-  
grina sit, in illa potissimum commorari :" exclamans, esse  
illam " felicem nimium et beatam si justitia, quæ esse jam  
non nisi in cœlo creditur, apud illam solam inveniatur in  
terrīs :" in quem insurgens Hieronymus : " Docere est  
hoc," inquit, " an occidere ? levare de terra, an præcipi-  
tare de cœlo ? id mulierculæ tribuere, quod angeli non  
audeant usurpare ? Si autem pietas, veritas, atque jus-  
titia non inveniuntur in terris, nisi in una muliere ; ubi  
erunt justi tui, quos absque peccato in terris esse jac-  
tabas ? Quæ duo capita, orationis et laudis, soles cum  
tuis jurare discipulis non esse tua : cum perspicue in  
eis styli tui splendor eluceat, et tanta sit venustas elo-  
quii Tulliani, ut testudineo incedens gradu, quæ se-  
creto doces mittisque venalia, publice non audeas profi-  
teri." Addit Augustinus<sup>i</sup> quorundam sanctorum fratrum  
testimonium, qui " se istos tanquam Pelagii libros habu-  
isse, nec unquam utrum ejus essent ab aliquo se audisse  
dubitari," confirmarunt : licet ipse Pelagius in synodo  
Palæstina suos fuisse libros aperte negaverit.

Ea tempestate<sup>k</sup> qua Heraclianus, Lucii in consulatu col-  
lega, " novarum in Africa rerum reus et honorem amisit  
et vitam, etiam Pelagium Britonem dogma nominis sui con-  
tra gratiam Christi exeruisse, multosque in errorem suum  
traxisse," affirmat Prosper in chronicō. Et certe sub  
Lucii consulatu imperfectum esse Heraclianum, ex Idatii et  
Marcellini quoque fastis cognoscimus ; licet in hujus chrono-  
nicō ad sequentem annum ejus interitum referri perperam  
Baronius<sup>l</sup> annotaverit. Marcellinum illum, ad quem con-  
tra Pelagianos scripserat Augustinus, " sub invidia ty-

<sup>h</sup> Hieronym. contra Pelag. lib. 3. op. tom. 4. par. 2. pag. 511.

<sup>i</sup> Aug. de gest. Palæstin. cap. 6.

<sup>k</sup> Anno 413.

<sup>l</sup> Baron. ann. 413. sec. 2.

rannidis Heraclianæ ab hæretieis innocentem cæsum esse," sub finem dialogi tertii contra Pelagium ostendit Hieronymus : qui ad eundem epistolam secundam et octogesimam<sup>m</sup> scribens, ex quatuordecim quos habemus in Ezechielem commentariorum libris, eo ipso quo Roma a Gothis capta est anno inchoatis, tres tantum tum perfectas fuisse agnoscit ; interpositæ moræ hanc causam reddens : " Ezechielis volumen olim aggredi volui, et sponsonem creberrimam studiosis lectoribus reddere : sed in ipso dictandi exordio, ita animus occidentalium provinciarum, et maxime urbis Romanæ, vastatione confusus est, ut, juxta vulgare proverbium, proprium quoque ignorarem vocabulum ; diuque tacui, sciens tempus esse lachrymarum."

In primi vero commentariorum illorum proœmio, in quo de capta urbe nuncium sibi allatum ait, æmulum suum Rufinum defunctum fuisse in Sicilia, ænigmatico loquendi genere, ut illius consuetudinis est, hunc in modum significat : " Scorpius inter Enceladum et Porphyrium Trinacriæ humo premitur, et Hydra multorum capitum contra nos aliquando sibilare cessavit : datumque tempus, quo non hæreticorum respondere insidiis, sed scripturarum expositioni incumbere debeamus :" Nec defuisse tamen Rufino successores, et inimicitarum cum Hieronymo gestarum similes sui hæredes ; in libri sexti deinde proœmio sic ipse conqueritur : " Putabam quod medio serpente confosso, non reviviscerent Hydræ novella plantaria ; et juxta fabulas poetarum, Scylla mortua, nequaquam in me Scyllæi sævirent canes, qui latrare non cessant. Et<sup>n</sup> hæreticis Dei percussis manu, ne tentarentur, si fieri potest, etiam electi Dei ; hæresis ipsa non moritur, hæreditariis contra nos odiorum suorum catulis derelictis : qui nostra simulantes, genitricis antiquæ et pellacis Ulyssis venena non deserunt." De quibus etiam Demetriadem, virginitatem nuper professam, in octava epistola<sup>o</sup>, hoc tempore (annis circiter triginta post editum a se librum de<sup>p</sup> virgi-

<sup>m</sup> Epist. 78. ed. Bened.

<sup>n</sup> At.

<sup>o</sup> Epist. 97. ed. Bened.

<sup>p</sup> Epist. 18. Hieron. ad Eustochium, op. tom. 4. par. 4. pag. 27. Vid. Baron. ann. 382. sec. 28.

nitate servanda) exarata, ita commonet: “Dum esses parvula, et sanctæ ac beatæ memoriæ Anastasius episcopus Romanam regeret ecclesiam; de orientis partibus hæreticorum sæva tempestas simplicitatem fidei, quæ apostoli voce laudata est, polluere et labefactare conata est: sed vir ditissimæ paupertatis et apostolicæ solicitudinis, statim noxiū perculit caput, et sibilantia Hydræ ora compescuit. Et quia vereor, immo rumore cognovi, in quibusdam adhuc vivere et pullulare venenata plantaria: illud te pio charitatis affectu præmonendam puto, ut sancti Innocentii, qui apostolicæ cathedræ et supradicti viri successor et filius est, teneas fidem; nec peregrinam, quamvis tibi prudens callidaque videaris, doctrinam recipias.”

Etsi autem “primum Pelagianam hæresim condemnavisse” Innocentium hunc, ex Facundo<sup>q</sup> dictum sit; et ex Origenis fæcibus a Rufino in urbem illatis haustam illam fuisse non ignoremus: tamen non novam illam a Pelagio, sed veterem a Rufino invectam hæresim ab Hieronymo hic perstrictam esse facile animadvertis. qui quæ in hac ad Demetriadem epistola subsequuntur cum iis quæ in libro tertio apologiæ adversus Rufinum, capite octavo, leguntur, conferre voluerit. Neque satis adhuc perspecta illi fuit nova ista hæresis, quum commentarios in Ezechielem et epistolam ad Demetriadem scriberet. Ut enim in hac, tacito nomine, Heracliani tyrannidis; ita in illis<sup>r</sup>, defectionis ejusdem aperte meminit. Quum vero in Hieremiam commentarios componeret, quos statim post illos in Ezechielem aggressum illum fuisse constat, Pelagianam hæresim caput primum extulisse et late longeque sese diffusisse (quæ Prospero quoque mens, quum ea tempestate Pelagiūm dogma suum “exeruisse, multosque in suum errorem traxisse” dixit) affirmat Hieronymus: “Commentarios in Hieremiam”, inquit, “per intervalla dictabam, ut quod deerat otio superesset industriæ: cum subito hæresis Pythagoræ et Zenonis ἀπαθείας καὶ ἀναμαρτησίας, id

<sup>q</sup> Supra pag. 267.

<sup>r</sup> Hieron. lib. 9. in Ezechiel. cap. 28.

\* Hieron. fin. proœm. lib. 1. et 14. comment. in Ezechiel. et initio proœm. lib. 1. in Hierem.

est, impassibilitatis et impeccantiæ, quæ olim in Origene, et dudum in discipulis ejus Grunnio (ita Rufinum appellat) Euagrioque Pontico et Joviniano jugulata est, cœpit reviscere; et non solum in occidentis sed et in orientis partibus sibilare, et in quibusdam insulis, præcipueque Sicilæ et Rhodi, maculare plerosque et crescere per dies singulos, dum secreto docent, et publice negant.” Hæc, in proœmio libri quarti commentariorum in Hieremiam, Hieronymus: in ipso deinde opere eorundem quoque mentionem faciens, qui<sup>t</sup> ἀπάθειαν et impeccantiam prædicant: quibus duabus vocibus unum et eundem errorem expressum esse recte observavit doctissimus Vossius<sup>u</sup>. Unde Paulus Orosius in apologetico contra Pelagium (ubi et<sup>v</sup> ἀναμάρτητος meus, et ἀπαθὴς noster, ab illo nuncupatur:) “Si vis<sup>w</sup>,” inquit, “de immaculato qualem David orans quærerit audire, vanam impassibilitatis (ita enim legendum, non, ut habetur editum, impossibilitatis) tuæ depone fiduciam; et prostratus in precibus cum propheta oratione conjungere, flens pariter ac dicens, *Delicta<sup>x</sup> quis intelligit? Ab occultis meis mundamus, Domine, et ab alienis parce servo tuo. Si enim mihi non fuerint dominati, tunc immaculatus ero.* Infelix ego homo, delicta, quæ nondum intelligo, quando vitabo?” Et Photius Patriarcha<sup>y</sup>, in bibliotheca sua: “”Εγραψε δὲ καὶ Ἱερώνυμος πρεσβύτερος πρὸς Κτησιφῶντα, κατὰ τῶν λεγόντων ἀπάθειαν, ὃτοι κατὰ Πελαγίου. Scripsit Hieronymus presbyter ad Ctesiphontem, contra impassibilitatis assertores, sive contra Pelagium.”

Primum hoc fuit adversus Pelagianos ab Hieronymo editum opusculum: quod sub initia commentaryum in Hieremiam susceptarum elaboratum a se esse, in earum secundi proœmio ita ipse indicat. “Secundum in Hieremiam librum celeri sermone dictamus; avertentes parumper aures, ne audiamus judicium sanguinis, et interjectorum animas deploremus, qui opinione virtutum quotidie corrunt in superbiam, et Deo se similes arbitrantur: ut æqualitatem, quam impia Arianorum hæresis in filio negat,

<sup>t</sup> Hieron. lib. 4. in Hierem. cap. 22.

<sup>u</sup> Vossius histor. Pelagian. lib. 1. cap. 3. et lib. 5. part. 1. antithes. 7.

<sup>v</sup> Oros. apologetic. pag. 638, 639. <sup>w</sup> Id. ibid. pag. 652.

<sup>x</sup> Psalm. 19. ver. 12, 13.

<sup>y</sup> Phot. bibliothec. num. 53.

cunctis hominibus tribuant ; et ponant in cœlum os suum, et nihil futuræ sanctorum beatitudini amplius derelinquant. Quorum furori respondimus, ut potuimus : et, si Dominus vitam dederit, plenius responsuri sumus." In hac enim ad Ctesiphontem epistola justum adversus Pelagianos promittit volumen : id quod tribus contra eos scriptis dialogis postea præstítit ; quorum hoc exordium, " Scripta jam ad Ctesiphontem epistola, in qua ad interrogata respondi, crebra fratrum expostulatio fuit, cur promissum opus ultra differrem ; in quo pollicitus sum, me ad cunctas eorum qui ἀπάθειαν prædicant quæstiunculas responsum :" sicut hoc, epistolæ ad Ctesiphontem : " Non audacter, ut falso putas, sed amanter studioseque fecisti, ut novam mihi ex vetere mitteres quæstiōnem ; quæ ante literas tuas plerosque in oriente decepit, ut per simulatam humilitatem superbiam discerent :" ubi, paulo ante acceptas Ctesiphontis literas, novam illam ex vetere hæresim ab occidente in orientis partes, in quibus degebat Hieronymus, transiisse ; atque ita utramque orbis plagam pervasisse, nota ; de qua, in bibliotheca, Photius<sup>z</sup> : " Η Πελαγιανὴ ἥτοι Κελεστιανὴ αἵρεσις ἡκμασεν ἐν τῇ ἀνατολῇ, διεδόθη δὲ καὶ ἐν τῇ δύσει. Pelagiana seu Celestiana hæresis in oriente viguit, propagata vero etiam est in occidente."

In occidente Sicilia, in oriente Rhodus, ex Hieronymo, præcipua discipulorum Pelagii schola fuisse videatur : magistro ipsi HIEROSOLYMIS habitationis sedem collocare libuit ; quod eo ex toto orbe peregrinantium turbis quotidie confluentibus, locum illun ad errores suos latissime diffundendos, maxime opportunum futurum animadverteret. Atque hinc cum Hieronymo, Bethlehami tum comorante, instituto sibi certamine, adversus eum misit in universum orbem epistolas illas maledicas, de quibus in præfatione tertii libri commentariorum in Hieremiam conquestum illum audivimus<sup>a</sup> : quo et illud referendum, in quarto eorundem commentariorum<sup>b</sup>. " Utamur hoc testimonio adversum eos, qui epistolas plenas mendaciorum

<sup>z</sup> Phot. bibliothec. num. 54.

<sup>a</sup> Supra cap. 8. pag. 254.

<sup>b</sup> Comm. ad Hierem. cap. 23. 15.

et fraudulentiae atque perjurii in orbem dirigunt, ut et aures polluant audientium, et existimationem simplicium lædant; quod implicatur in eis hoc, quod scriptum est: *A prophetis HIERUSALEM est egressa pollutio in omnem terram.* Non enim eis sufficit iniuriam propriam devorare, et proximos lædere: sed quos scelus oderunt, per universum orbem infamare conantur, et ubique seminare blasphemias:" et in ejusdem libri proœmio, "Cui respondere, diu tacens et dolorem silentio devorans, crebra fratrum expostulatione compulsus sum: nec tamen hucusque prorupi, ut auctorum nomina ponerem; malens eos corrigi quam infamari. Nec enim hominum, sed erroris inimicus sum: qui mihi ut vicem talionis et genuinum sui doloris illiderent, veteres magistrorum suorum (Joviniani scilicet et Rufini) calumnias concinnantes, in tantum elingues et miseri demonstrati sunt, ut ne maledicere quidem suis verbis potuerint."

Respondit autem primum, ut diximus, scripta illa ad Ctesiphontem epistola; in qua ita institutum suum ipse aperit: "Nullius in hoc opusculo nomen proprie tangitur; adversus magistrum perversi dogmatis locuti sumus: qui si iratus fuerit atque rescriperit, suo quasi ius prodetur indicio, ampliora in vero certamine vulnera suscep[t]urus," non alium hic magistrum intelligens, quam Pelagium: quem ad theologiam suam crypticam palam<sup>c</sup> faciendam sic ibidem urget ac premit: "Loquere, quod credis; publice prædicta, quod secreto discipulis loqueris. Qui dicis te habere arbitrii libertatem, quare non libere quod sentis loqueris? aliud audiunt cubiculorum tuorum secrcta, aliud rostrorum populi. Etenim vulgus indoctum non potest arcanorum tuorum onera sustentare, nec capere solidum cibum, quod infantiae lacte contentum est. Necdum scripsi, et comminaris mihi rescriptorum tuorum fulmina; ut scilicet hoc timore perterritus, non audeam ora reserare: et non animadvertis, idcirco nos scribere, nt vos responderc cogamini, et aperte aliquando dicere, quod pro tempore, personis et locis, vel loquimini, vel tacetis." Nam,

<sup>c</sup> Vid. Hieronym. in proœm. lib. 4. commentar. in Hieremiam.

ut paulo post ab codem est additum, “ Sola haec haeresis est, quæ publice erubescit loqui, quod secreto docere non metuit. Magistrorum silentia profert rabies discipulorum. Quod audierunt in cubiculis, in tectis praedican: ut, si placuerit auditoribus quod dixerint, referatur ad gloriam magistrorum; si displicuerit, culpa sit discipuli, non magistri. Ideo crevit vestra haeresis, et decepit plurimos; maximeque eos qui adhaerent mulieribus.”

Neque ab istius labis suspicione prorsus immunem fuisse Ctesiphontis familiam, extremis illis epistolæ hujus verbis declarat Hieronymus: “ Illud, per te, sanctæ et illustris domus conciliabulum precor, atque commoneo; ne per unum, aut, ut multum, tres homunculos suscipiant tantarum fæces haereseon aut, ut parum dicam, infamiam: ut, ubi primum virtus et sanctitas laudabatur, ibi præsumptionis diabolicæ et sordidissimæ societatis turpitudo versetur. Sciantque qui hujuscemodi hominibus opes suggesterunt, haereticorum multitudinem congregare, et Christi hostes facere, et enutrire adversarios ejus; frustraque aliud lingua prætendere, cum manu sentire aliud comprobentur.” Ubi per unum illum homunculum, ipsum inteligit haeresiarcham: quem prius ita compellaverat. “ Fratrum inter se cernis jurgia: et rides atque laetaris, quod alii tuo nomine, alii Christi appellantur.” Duo reliqui, illi videntur fuisse a Prospero commemorati, Celestius et Julianus: unus certe eorum est Celestius; de quo in hac eadem epistola Hieronymus: “ Unus discipulorum ejus, imo jam magister, et totius ductor exercitus, et contra apostolum vas perditionis, per solœcismorum, et non, ut sui jactant, syllogismorum spineta decurrens, sic philosophatur et disputat: *Si nihil ago absque Dei auxilio, et per singula opera ejus est omne quod gessero: ergo non ego qui labore, sed Dei in me coronabitur auxilium: frustraque dedit arbitrii potestatem, quam implere non possum, nisi ipse me semper adjurerit: destruitur enim voluntas, quæ alterius ope indiget.* Sed liberum dedit arbitrium Deus: *quod aliter liberum non erit, nisi fecero quod voluero.* Ac per hoc ait. Aut utor semel potestate quæ mihi data est, ut liberum servetur arbitrium: aut si

alterius ope indigeo, libertas arbitrii in me destruetur. Qui hæc dicit, quam non exeedit blasphemiam? quæ haeretieorum venena non superat?" Ita Hieronymus.

Ex Africa autem fugatus Celestius, reeepisse se putatus est in Siciliam: unde quinque ista Pelagianæ doctrinæ capitula, inter Syracusanos hoc tempore agitata, Augustino explieanda misit Hilarius<sup>d</sup>.

- I. Posse esse hominem sine peccato; et mandata Dei facile custodire, si velit.
- II. Infantem non baptizatum, morte præventum, non posse perire merito; quoniam sine peccato nascitur.
- III. Divitem manentem in divitiis suis, regnum Dei non posse ingredi, nisi omnia sua vendiderit; nec prodesse eidem posse, si forte ex ipsis divitiis fecerit mandata.
- IV. Non debere jurare omnino.
- V. Ecclesiam hic esse sine macula et ruga.

Ad ista Augustini, in epistola centesima et quinquagesima septima (quam in Hierosolymitano episeoporum eonventu, anno CCCCXV. habito, leetam a se fuisse testatur Orosius<sup>f</sup>) habemus responsum; ubi laborum, quibus in hoc negotio antea perfunetus fuerat, ita meminit: "Multa de iis quæstionibus in aliis nostris opusculis et ecclesiasticis sermonibus diximus: quoniam fuerunt etiam apud nos quidam, qui ubicunque poterant hæc sui erroris nova semina spargerent; quorum nonnullos per ministerium nostrum fratrumque nostrorum misericordia Domini ab illa peste sanavit. Nee tamen hie deesse aliquos arbitror, maxime apud Carthaginem: sed jam oeculte mussitant, timentes Ecclesiæ fundatissimam fidem." Tum Celestium judieio episcopali, anno CCCCXII. Carthagine damnatum commemorat: "Sed quia magis convictus et ab Ecclesia detestatus, quam correctus et pacatus abscessit; veritus sum, inquit, ne forte ibi sit ipse qui vestram fidem perturbare conatur. Ideo nominis ipsius commemorationem putavi esse faciendam. Sed sive ipse sit, sive alii consortes ejus erroris (plures enim sunt quam sperare possumus, et ubi non redarguuntur, etiam alios ad suam seetam seducunt; et sie erebrescunt, ut nesciam quo sint erupturi) nos tamen malum eos in Ecclesiæ compage

<sup>d</sup> Epist. 156. inter Augustinianas. op. tom. 2. pag. 542.

<sup>e</sup> Vid. Augustin. de gest. Palæstin. cap. 12. et 35.

<sup>f</sup> Oros. apologet. pag. 621, 622.

sanari, quam ex illius corpore velut insanabilia membra resecari; si tamen hoc permittat ipsa necessitas."

Ex<sup>g</sup> Sicilia quoque ad Augustinum perlatæ sunt definitiones vel ratiocinationes quædam, Celestii nomen præferentes (Pelagii et <sup>h</sup>Celestii quæstiones appellat Prosper<sup>h</sup>) quibus ille respondit, de perfectione justitiæ ad Eutropium et Paulum episcopos scripta epistola: cuius eam ob causam in retractationum libris mentionem author videtur prætermisso, quod eos, ut in fine ipsorum monuit, edidisset, " antequam epistolas retractare cœpisset." Est autem hujus epistolæ hoc exordium.

SANCTIS FRATRIBUS ET COEPISCOPIS, EUTROPIO ET PAULO,  
AUGUSTINUS.

" Charitas vestra quæ in vobis tanta est et tam sancta, ut etiam jubenti servire delectet, petivit ut definitionibus quæ dicuntur Celestii esse respondeam. Sic enim prænotata est eadem chartula quam dedistis: [definitiones, ut dicitur, Celestii] quæ prænotatio credo, quod non illius, sed eorum sit qui hoc attulerunt de Sicilia, ubi Celestius non esse prohibetur. Sunt enim multi talia garrientes et, sicut ait apostolus, ipsi errantes, et alios in errorem mittentes. Ex illius tamen hæc esse doctrina, vel etiam quorundam sectatorum ejus, et nos possumus arbitrari. Nam neque istæ breves definitiones, vel potius ratiocinationes, ab illius abhorrent ingenio, quod in opere<sup>i</sup> alio ejus inspexi, cuius eum esse constat authorem: et non frustra istos fratres, qui hæc attulerunt, in Sicilia existimo audisse, quod ipse docuerit ista vel scripserit."

Quæstionum vero, ratiocinationum, et definitionum, more Socratio ab hæretico propositarum, forma erat ejusmodi.

I. Ante omnia interrogandus est, qui negat hominem sine peccato esse posse; quid sit quodecumque peccatum? quod vitari potest, an quod vitari non potest? Si quod vitari non potest, peccatum non est: si quod vitari potest, potest homo sine peccato esse, quod vitari potest. Nulla enim ratio vel justitia patitur saltem dici peccatum, quod vitari nullo modo potest.

II. Iterum quærendum est: peccatum voluntatis, an necessitatis est? Si necessitatis est, peccatum non est: si voluntatis est, vitari potest.

<sup>g</sup> Ann. 414.

<sup>h</sup> Prosp. contra Collator. cap. 43.

<sup>i</sup> Syllogismorum: de quo supra Hieronymus. pag. 276.

III. Iterum quærendum est, quid sit peccatum? naturale, an accidentis? Si naturale, peccatum non est: si autem accidentis est, et recedere potest; et quod recedere potest, vitari potest, et quod vitari potest, potest homo sine eo esse quod vitari potest.

IV. Iterum quærendum est; quid sit peccatum? actus, an res? Si res est, necesse est ut authorem habeat: et si authorem habere dicitur, jam alter præter Deum rei alicujus author induci videbitur: at si hoc impium est, confiteri necesse est peccatum omne actum esse, non rem. Si igitur actus est, imo quia vere actus est, vitari potest.

V. Iterum quærendum est; utrumne debeat homo sine peccato esse? Proculdubio debet. Si debet, potest: si non potest, ergo nec debet. Et si non debet homo esse sine peccato, debet ergo cum peccato esse; et jam peccatum non erit, si illud haberet debere constiterit. Aut si hoc etiam dici absurdum est: confiteri necesse est, debere hominem sine peccato esse; et constat eum non aliud debere quam potest.

VI. Iterum quærendum est; utrum præceptum sit homini sine peccato esse? Aut enim non potest, et præceptum non est: aut quia præceptum est, potest. Nam cur præcipiteretur, quod fieri omnino non posset?

VII. Iterum quærendum est; an velit Deus hominem sine peccato esse? Proculdubio vult, et proculdubio potest. Quis enim tam demens est, ut vel dubitet fieri posse quod Deum velle non dubitat?

VIII. Iterum quærendum est; quomodo vult Deus hominem esse? cum peccato, an sine peccato? Proculdubio non vult esse cum peccato. Quanta hæc impietatis blasphemia sit cogitandum est: ut dicatur hominem posse esse cum peccato, quod Deus non vult; et negetur posse esse sine peccato, quod Deus vult: quasi aliquem ad hoc Deus creaverit ut possit esse quod nolit, et non possit esse quod velit; et ut contra suam magis, quam ut secundum suam existeret voluntatem.

IX. Iterum quærendum est, per quid efficitur homo cum peccato? per naturæ necessitatem, an per arbitrii libertatem? Si per naturæ necessitatem, culpa caret: si per arbitrii libertatem, quærendum est a quo ipsam arbitrii libertatem acceperit? Proculdubio a Deo. Deus autem quod dedit, certe bonum est: negari enim non potest. Qua igitur ratione bonum probatur, si magis ad malum quam ad bonum primum est? Magis enim ad malum quam ad bonum primum est; si homo per illud potest esse cum peccato, et non potest esse sine peccato. Proinde Deus bonum hominem fecit; et præterquam quod illum bonum fecit, bonum ei insuper ut faceret imperavit. Quam impium! ut confiteamur hominem malum esse, quod nec factus est, nec ei præceptum est, et negemus eum bonum posse esse, quod factus est, et quod ei ut faceret imperatum est.

X. Iterum quærendum est; quot modis constat omne peccatum? duobus, ni fallor: si aut illa fiant quæ prohibentur, aut illa nou fiant quæ jubentur. Tam certe omnia illa quæ prohibita sunt vitari possunt, quam quæ præcepta sunt perfici. Nam frustra aut prohiberetur aut juberetur, quod vel caveri vel impleri non possit. Et quomodo negabimus posse esse hominem sine peccato; cum confiteri necesse sit, cum tam omnia illa quæ vetantur posse cavere, quam quæ imperantur efficere?

XI. Iterum quærendum est; quomodo non potest homo sine peccato esse? voluntate, an natura? Si natura, peccatum non est: si voluntate, perfacile potest voluntas voluntate mutari.

XII. Iterum quærendum est : Si non potest homo sine peccato esse ? cuius culpa est ? ipsiusne hominis, an cujuslibet alterius ? Si ipsius hominis : quomodo culpa hominis est, si hoc non est quod esse non potest ?

XIII. Iterum quærendum est : Si natura hominis bona est (quod nullus negare nisi Marcion aut Manichæus audebit) quomodo igitur bona est, si malo ei carere non est possibile ? Omne enim peccatum malum esse quis dubitet ?

XIV. Et hoc dicendum est : Certe justus est Deus : negari enim non potest. Imputat autem Deus homini omne peccatum : et hoc quoque confitendum puto : quia neque peccatum est, quicquid non imputabitur in peccatum. Et si est aliquid peccatum quod vitari non possit ; quomodo justus Deus dicitur, si imputare cuiquam creditur quod vitari non possit ?

Dum ita in occidente rem suam ageret Celestius, præcudit in oriente Pelagius lucubratissimam illam, ut Orosius<sup>k</sup> appellat, ad virginem Demetriadem epistolam; cuius, in literis<sup>l</sup> ad Innocentium papam, ita ipse meminit. “ Legant epistolam, quam ad sacram Christi virginem Demetriadem in oriente conscripsimus : et invenient nos ita hominis laudare naturam, ut Dei semper gratiæ addamus auxilium.” Matris vero Julianæ rogatu eam a se scriptam esse indicat: “ Nec veremur,” inquit, “ ne temere scribendo ad tantæ nobilitatis virginem ultro nos morsibus tradamus invidiæ. Scribimus enim petente sancta matre ejus, imo jubente, idque a nobis transmarinis miro cum desiderio animi flagitante : quæ facile ostendit, quo studio quantaque cura in filia germen cœleste plantaverit, dum illud tam sollicite cupit ab aliis irrigari.” Habetur<sup>m</sup> hæc epistola inter Augustinianas, numero CXLII. et inter Hieronymianas, initio tomī IV. editionis Erasmi, IX. Mariani Victorii ; qui et monuit hic Celestii nomen exemplaria quædam præ se tulisse.

Et quidem ex illius officina prodīsse tum hoc, tum alia etiam Pelagii nomine vulgata opuscula, innuit Paulus Orosius: Goliath et armigerum suum (qua<sup>n</sup> appellatione Pelagium ille designare solet et Celestium) hunc in modum nobis depingens. “ Stat<sup>o</sup> immanissimus superbia Goliat, carnali potentia tumidus, omnia se per se posse confidens ;

<sup>k</sup> Oros. apolog. pag. 662.

<sup>l</sup> Apud Augustin. in lib. de gratia Christi. cap. 37.

<sup>m</sup> Vide nostram historiæ Pelagianæ continuationem ; cap. 1. op. tom. 4. pag. 3, 4.

<sup>n</sup> Oros. apologetic. pag. 653.

<sup>o</sup> Ibid. pag. 620.

caput, manus, totum insuper eorum plurimo apparatu vestitus : habens post se armigerum suum ; qui etsi ipse non dimicat, euneta tamen aeris et ferri suffragia subministrat :” et de hae epistola speeiatim ipsum ita eompellans Pelagium, “ Quanquam<sup>p</sup> hoc, quod neque apte neque deoore dicitur, tibi imputare non debeamus, cui neque natales dederunt ut honestioribus studiis erudireris, neque naturaliter provenit ut saperes ; sed illis dictatoribus tuis, qui miserum sensum miserrimo sermone conseribunt, et te legendum cachinnis, quasi titulum confusionis, exponunt.” Eruditam tamen et disertam esse hanc epistolam jure negari non potest : id quod de aliis etiam Pelagii et discipulorum ejus scriptis profitentur ulti Augustinus et Alypius, in epistola quam ad Julianam Demetriadis matrem, ut Pelagianæ hujus antidotum, post aliquot annos transmiserunt. “ Satis<sup>q</sup> enim (inquiunt) dici non potest, quantum cupiamus in eorum hominum scriptis, qui propter aerimoniam atque faecundiam leguntur a plurimis, apertam eonfessionem illius gratiae reperiri, quam vehementer commendat apostolus :” ipseque Pelagius tanta scientiae et eruditionis eminentia elaruisse quibusdam<sup>r</sup> est visus ; ut de ejus lapsu illud apocalypses exponendum putaverint, “ Cecidit<sup>s</sup> de cœlo stella magna.”

Editus est a Pelagio et alias liber, in quo “ hominist naturam contra Dei gratiam qua justificatur impius, et qua Christiani sumus, quanta potuit argumentatione defendit.” In eo sententiam suam de ἀναμαρτησίᾳ sive impeccabilitate, non de ipso non peccandi actu, sed de sola possibilitate aiciendam esse, hujusmodi dialogismo indicat : “ Ego dico posse esse hominem sine peccato : tu quid dicas ? Non posse esse hominem sine peccato ? Neque ego dieo hominem esse sine peccato : neque tu dieis non [posse] esse hominem sine peccato. De posse et non posse ; non de

<sup>p</sup> Oros. apolog. pag. 662.

<sup>q</sup> Augustin. epist. 188.

<sup>r</sup> Dionys. Carthusian. in 2. sententiar. distinct. 28.

<sup>s</sup> Apocal. cap. 8. ver. 10. et in cum locum Nicolaus Lyranus et Petrus Aureolus.

<sup>t</sup> Augustin. Retractat. lib. 2. cap. 42.

esse et non esse contendimus. Nam, *Nullus<sup>u</sup> mundus est a sorde: et Non<sup>w</sup> est homo qui non peccet; Non<sup>x</sup> est justus in terra; et Non<sup>y</sup> est qui faciat bonum;* et cætera his similia; ad non esse, non ad non posse proficiunt. Hujusmodi enim exemplis ostenditur, quales homines quidam tempore aliquo fuerint, non quod aliud esse non potuerint; unde et jure inveniuntur esse culpabiles. Nam si idcirco tales fuerunt, quia aliud esse non potuerunt, culpa carent.” Et quia in hoc plurimos se offendisse cerneret, quod naturæ hic omnia, gratiæ parum aut nihil tribuisse visus esset; ad invidiam istam declinandam, duabus hac in re tanquam ab adversario propositis objectonibus ita occurrendum esse censuit.

“ I. Potest quidem esse, sed per gratiam Dei; inquies. Respondetur. Ago humanitati tuæ gratias, quod assertiōnem meam, quam dudum oppugnabas, non modo non op-pugnare aut confiteri solum contentus non es; verum etiam non refugis comprobare. Nam dicere; Potest quidem, sed per illud aut illud: quid aliud est, quam non solum consentire quod possit esse, verum etiam quomodo vel qualiter possit ostendere? Nullus itaque magis alicujus rei possibilitatem probat, quam qui ejus etiam qualitatem fatetur: quia neque absque re esse qualitas potest. II. Sed tu, inquies, hoc in loco Dei gratiam, quandoquidem eam non commemoras, vi-deris abnuere. Respondetur. Ego ne abnuo, qui rem confi-tendo confitear necesse est et per quod res effici potest: an tu, qui rem negando, et quicquid illud est per quod res efficitur proculdubio negas? Sive per gratiam, sive per adjutorium, sive per misericordiam, et quicquid illud est per quod esse homo absque peccato potest, confitetur, quisquis rem ipsam confitetur. Nam si dixero, Homo dis-putare potest, avis volare, lepus currere; et non etiam per quæ hæc effici possunt commemoravero, id est, linguam, alas, pedes: num ego officiorum qualitates negavi, qui officia ipsa confessus sum?”

In summa, “apertissime” expressit hanc se dicere Dei

<sup>u</sup> Job. cap. 14. ver. 4. juxta LXX.

<sup>w</sup> 3. Reg. cap. 8. ver. 46.

<sup>x</sup> Eccles. cap. 7. ver. 21.

<sup>y</sup> Rom. cap. 3. ver. 12.

<sup>z</sup> Augustin. de gest. Palæstin. cap. 10. op. tom. 10. pag. 203.

gratiam; quod possibilitatem non peccandi natura nostra cum conderetur accepit, quoniam condita est cum libero arbitrio: aliquando<sup>a</sup> (idque tenuiter, nec aperte) ei conjugens, vel legis adjutorium, vel remissionem etiam peccatorum.” De quo toto libro, “ea<sup>b</sup> prorsus persuadere moliente, quæ gratiam Dei, per unum mediatorem Dei et hominum hominem Jesum Christum generi humano imperitam, de fidelium cordibus creditam debeant:” gravis hæc extat Innocentii<sup>c</sup> Romani pontificis censura. In eo “multa blasphemia, nihil quod placeret, nihil quod non penitus displiceret a quovis damnandum atque calcandum: cui similia, nisi qui ista scripserat, nemo alter in mentem recipere atque sentiret.”

Librum<sup>d</sup> hunc Augustino<sup>e</sup> refellendum dederunt Timasius et Jacobus, “adolescentes honestissime nati, et institutis liberalibus eruditii;” ex discipulis Pelagii, cujus exhortatione, relictæ seculari, monasticam vitam sunt amplexi, orthodoxi jam effecti. Quod ille egregie præstítit, edito ad eos libro de natura et gratia. “Nec<sup>f</sup> sic tamen,” inquit, “operi meo, quo eundem librum refelli, Pelagii nomen inserui, facilius me existimans profuturum si, servata amicitia, adhuc ejus verecundiæ parcerem, cujus literis jam parecere non deberem:” veritus alias, “ne<sup>g</sup> offensus insanabilior redderetur.”

Accepto libro, rescripserunt adolescentes: gratias ei agentes, cujus opera ipsi fuerant ab errore liberati; et benevolentiam præterea suam erga veterem magistrum significantes, dum eum cupiunt ab eodem liberari: ubi “nomen<sup>h</sup>, vel nomina, ipsi quoque adhuc tacenda putaverunt; ut, vivente amicitia, error potius moreretur amicorum.” Exemplum<sup>i</sup> autem epistolæ, quia et brevis ea est, et ecclesiasticis annalibus needum habetur intexta, subjiciendum hic putavi.

<sup>a</sup> Augustin. de gest. Palæstin. cap. 23.

<sup>b</sup> Id. epist. 186. ad Paulinum.

<sup>c</sup> Innocent. I. epist. 26. tomo 1. concil. et inter Augstiniianas. 183.

<sup>d</sup> Ann. CCCCXV.

<sup>e</sup> Augustin. epist. 177, 186, et 179. De gestis Palæstin. cap. 10.

<sup>f</sup> Id. de gest. Palæstin. cap. 23.

<sup>g</sup> Id. epist. 186. ad Paulinum.

<sup>h</sup> Id. de gest. Palæstin. cap. 25.

<sup>i</sup> Ibid. cap. 24.

DOMINO VERE BEATISSIMO, ET MERITO VENERABILI PATRI,  
EPISCOPO AUGUSTINO, TIMASIU<sup>S</sup> ET JACOBUS  
IN DOMINO SALUTEM.

“ Ita nos refecit et recreavit gratia Dei, ministrata per verbum tuum, ut prorsus germane dicamus, *Misit<sup>k</sup> verbum suum, et sanavit eos;* Domine beatissime, et merito venerabilis pater. Sane ea diligentia ventilasse sanitatem<sup>l</sup> tuam textum ejusdem libelli reperimus, ut ad singulos apices responsa redditam<sup>m</sup> studeamus: sive in his quæ refutare, detestari, aut fugere deceat Christianum, sive in illis in quibus non satis invenitur errasse; quamvis, nescio qua calliditate, in ipsis quoque gratiam Dei credidit suppri- mendam. Sed unum est, quod nos in tanto beneficio afficit<sup>n</sup>; quia tarde hoc tam præclarum gratiae Dei munus effulsit<sup>o</sup>. Siquidem contigit absentes fieri quosdam, quo- rum cœcitati ista tam perspicuæ veritatis illustratio debe- retur: ad quos etsi tardius, non diffidimus propitio Deo eandem gratiam pervenire; *qui<sup>p</sup> vult omnes homines salvos fieri, et ad agnitionem veritatis venire.* Nos vero, etsi olim, spiritu claritatis<sup>q</sup> qui in te est docti, subjectionem ejus adjecerimus erroris; in hoc etiam nunc gratias agi- mus, quod hæc quæ ante credidimus nunc aliis aperire didicimus, viam facilitatis<sup>r</sup> uberiore sanctitatis tuæ sermone pandente.” Et alia manu. “ *Incolumem beatitudinem tuam, nostrique memorem, misericordia Dei nostri glorificet in æternum.*”

Scribere vero cœpisse hunc librum Augustinum, quum Paulum Orosium, “ pro<sup>s</sup> discenda animæ ratione,” ad Hieronymum mitteret, atque edidisse, dum idem Bethle- hemi cum Hieronymo commoraretur; ex Augustini epistola ad Evodium, Orosii apologetico contra Pelagium, et Hieronymi adversus eundem dialogis, uno et eodem anno

<sup>k</sup> Psal. 107, ver. 20.

<sup>l</sup> sanctitatem.

<sup>m</sup> Al. redditam stupeamus. apud Suarez.

<sup>n</sup> Sc. dolore: vel forte affligit. Suarez.

<sup>o</sup> Suarez. affulsit.

<sup>p</sup> 1 Tim. cap. 2. ver. 4.

<sup>q</sup> Al. charitatis.

<sup>r</sup> Suar. felicitatis.

<sup>s</sup> Gennad. catalog. in Orosio. Marcellin. Comes, in chronicō. Vide ipsius Augustin. epist. 166. ad Hieronymum. op. tom. 2. pag. 583.

CCCCXV. editis, promptum est colligere. Augustinus enim in fine epistole ad Evodium, quum Orosio ut ad Hieronymum pergeret persuasisse se dixisset, et ea occasione librum ad eundem de animæ origine conscripsisse; subjungit, “Scripsi etiam grandem quendam librum adversus Pelagii hæresim; cogentibus nonnullis fratribus, quibus contra gratiam Christi opinionem perniciosissimam ille persuaserat.” De codem in apologetico ait Orosius; “contra<sup>t</sup> librum Pelagii B. Augustinum, discipulis ipsius Pelagii prodentibus ac potentibus, plenissime respondere;” et ad ipsum Pelagium, in fine dialogi tertii, de Augustini libris agens Hieronymus: “Alios quoque (præter tres videlicet illos ad Marcellinum, et quartum ad Hilarium) specialiter tuo nomini cedere dicitur, qui neendum in nostras venere manus.”

Hoc vero anno Hierosolymis Palæstinorum sacerdotum habitum esse conventum ostendit Orosius: ad quicunque ex Latinis acciti sunt Avitus, Vitalis et Orosius presbyteri; ut quid contra Pelagium et Celestium in occidente actum fuisset exponerent: quibus adjuncti sunt: “probati<sup>u</sup> et Deo et seculo viri, Passerius presbyter et Dominus ex duce; ut pro experientia et fide sua adesse interpretes dignarentur.” Quod vero in Hierosolymitano hoc conventu (quem cum Diospolitano non recte confundit Pennottus<sup>w</sup>) actum fuerit, ipsum Orosium sacerdotibus qui illi interfuerant memorantem audiamus: “Latebam<sup>x</sup> in Bethlehem, traditus a patre Augustino, ut timorem Domini discerem, sedens ad pedes Hieronymi: inde Hierusalem, vobis accersentibus, vocatus adveni. Dehinc in conventum vestrum una vobiscum, Johanne episcopo præcipiente, consedi. Illico a pusillitate mea postulastis universi, ut si quid super hac hæresi, quam Pelagius et Celestius scinarunt, in Africa gestum esset cognoscerem, fideliter ac simpliciter indicarem. Exposui coronæ vestræ breviter ut potui, &c.”

“Ad hæc Johannes episcopus, ut Pelagius coram in-

<sup>t</sup> Oros. apolog. pag. 621.

<sup>u</sup> Ibid. pag. 626.

<sup>w</sup> Gabr. Pennot, propugnacul. humanæ libertatis lib. 6. cap. 8. sec. 4.

<sup>x</sup> Oros. apologetic. pag. 621, 622, &c.

tromitteretur, expetit. Cui et propter paternitatis ipsius reverentiam, et propter actionis utilitatem (dum præsentem ab episcopo rectius crederetis confutandum) intromittendi conniventia praestita est. Intromissum Pelagium unanimiter omnes interrogastis an hæc quibus Augustinus episcopus respondisset, se docuisse cognosceret. Illico ille respondit: Et quis est mihi Augustinus? Cumque universi acclamarent, blasphemantem in episcopum, ex cuius ore Dominus universæ Africæ unitatis indulserit sanitatem, non solum a conventu illo, verum ab omni ecclesia pellendum; episcopus Johannes illico cum, hominem videlicet laicum, in consessu presbyterorum reum hæreseos, manifeste in medio Catholicorum sedere præcepit: et deinde ait, Augustinus ego sum: ut scilicet persona quasi præsentis assumpta, liberius ex autoritate ejus qui lædebatur ignosceret, et dolentium animos temperaret. Cui mox a nobis dictum est: Si Augustini personam sumis, Augustini sententiam sequere. Tunc idem episcopus nobis omnibus ait: Hæc quæ leguntur, in alios dicta sunt? aut de Pelagio sugerendum putas? Si in ipsum autem Pelagium; quid dicatis expromite. Ego autem vobis annuentibus dixi, Pelagius mihi dixit, docere se, hominem posse esse sine peccato, et mandata Dei facile custodire, si velit. Respondit Pelagius, audientibus vobis: Hoc et dixisse me et dicere, negare non possum. Ego illico prosecutus sum, Hoc in Celestio Africana synodus detestata est: hoc Augustinus episcopus scriptis suis, sicut audistis, exhorruit; hoc in ipsius nunc Pelagii scriptis sua responsione condemnat. Hoc et beatus Hieronymus: cuius elogium universus occidens, sicut ros in vellus, expectat (multi enim jam hæretici cum dogmatibus suis, ipso oppugnante, supplesi sunt) et in epistola sua quam nuper ad Ctesiphontem edidit, condemnavit; similiter et in libro, quem nunc scribit, collata in modum dialogi altercatione confutat. Hoc est enim lubricum in Antichristo draconem teneret, ne possit effugere."

“ Porro autem episcopus Johannes nihil horum audiens, a nobis cxigere conabatur, ut accusatorcs nos, ipso judice, fateremur. Responsum særissimum est ab universis, Nos

accusatores hujus non sumus, sed quid fratres tui, patres nostri, senserint et decreverint super hac hæresi, quam nunc laicus vulgo prædicat, intimamus; ne ecclesiam tuam præsertim, ad cuius sinum convolavimus, te ignorante conturbet. At ille, cum sæpe nos docendi simulatione in aliquam professionis speciem tentaret inducere, dicebat; quia ad Abraham dictum esset a Domino, *Ambula<sup>y</sup> coram me et esto sine macula: et Zachariam et Elizabet pronuntiatos esse justos ambos ante Dominum, incidentes in omnibus justificationibus Domini sine querela.* Quod quidem ab Origene dictum, ab eo proferri, compluribus nobis notum erat. Cui responsum per me est: Nos filii Ecclesiæ Catholice sumus. Non exigas a nobis, pater, ut doctores super doctores esse audeamus, aut judices super judices. Patres quos universa per orbem Ecclesia probat, quorum communioni nos adhærere gaudetis, damnabilia hæc esse dogmata decreverunt: illis probantibus, nos obediare dignum est. Cur interrogas filios quid sentiant; cum patres audias quid decernant?"

Quæ nunc sequuntur, hic ipse Johannes Hierosolymitanæ antistes ecclesiæ, a Diopolitanæ synodi episcopis, in hujus anni exitu congregatis, de iis quæ apud illum in causa Pelagii gesta fuerant interrogatus, ita retulit: "Illi<sup>z</sup> instantibus et dicentibus, quia hæreticus est; dicit enim, quoniam potest homo, si voluerit esse sinc peccato: et de hoc interrogantibus nobis eum, respondit Pelagius, Non dixi, quoniam recipit natura hominis ut impassibilis (vel impeccabilis) sit: sed dixi, quoniam qui voluerit pro propria salute laborare et agonizare, ut non peccet et ambulet in præceptis Dei, habere eum hanc possibilitatem a Deo. Tunc quibusdam susurrantibus et dicentibus, quod sine Dei gratia diceret Pelagius posse hoc perfici: culpam super hoc etiam intuli, quia et apostolus Paulus multum laborans, sed non secundum suam virtutem, sed secundum gratiam Dei, dixit; *Amplius<sup>a</sup> omnibus illis laborari, non ego autem, sed gratia Dei tecum.* Et iterum; *Non<sup>b</sup> est*

<sup>a</sup> Genes. cap. 17. ver. 1. Luc. cap. 1. ver. 6.

<sup>b</sup> Augustin. de gest. Palæstin. cap. 14. et 30. et epist. 186. ad Paulin. ex actis synodi Diopolitanæ.

<sup>a</sup> 1 Cor. cap. 15. ver. 10.

<sup>b</sup> Rom. cap. 9. ver. 16.

*volentis, neque currentis, sed miserentis Dei.* Et illud ; *Nisi<sup>e</sup> Dominus ædificaverit dominum, in vanum laboraverunt qui ædificant eam.* Et alia multa similia diximus de Scripturis sanctis. Illis autem non suscipientibus quæ dicebantur a nobis de sanctis Scripturis, sed adhuc susurrantibus ; dixit Pelagius. Et ego sic credo. Anathema sit, qui dicit absque adjutorio Dei posse hominem ad profectum omnium venire virtutum.”

Pergit Orosius : “ Episcopus Johannes ait, Si sine adjutorio Dei hoc hominem posse diceret; pessimum et damnabile erat. Nunc autem cum adjiciat, posse esse hominem sine peccato, non sine adjutorio Dei; vos quid dicitis? An forte vos Dei adjutorium denegatis? Cui respondi ego: anathema ei, qui negat adjutorium Dei. Ego certe non nego: præcipue cum e contrario in hæreticis confutarim, &c. Multisque aliis actitatis, Johannes episcopus novissimam sententiam protulit, confirmans tandem postulationem intentionemque nostram; ut ad beatum Innocentium papam Romanum fratres et epistolæ mitterentur, universi quod ille decerneret secuturi: sed ut hæreticus Pelagius imposito sibi eatenus silentio conticesceret, et ut nostri ab insultatione convicti Johannis confusique temperarent. Universi in hanc sententiam consensimus: gratiarum actione celebrata, pace facta, et consummata ad pacis testimonium oratione, discessimus.”

“ Nunc autem post dies quadraginta et septem, cum primo Encæniorum die, ut solitus eram quando aderam, ad obsequium Johannis episcopi cucurrissem; statim ab eo notam falsi criminis pro gratia salutationis accepi. Ait enim mihi : Quare ad me venis homo, qui blasphemasti ? volens, ne credo, intelligi; Noli me tangere, quia mundus sum et absque peccato. At ego nihil mihi conscient; interrogavi; quando, aut quo audiente, aut cuiusmodi illud est dictum, quod blasphemiae possit adscribi. Episcopus respondit: Ego te audivi dixisse; quia nec cum Dei adjutorio possit esse homo sine peccato. Ego quidem, beatissimi sacerdotes, (sicut et vos testes estis, et universa fraternitas, et præterea sancti viri, qui huic testimonio

amore veritatis assistunt) statim testificatus sum, dicens: quia ejusmodi verbum, quod nunc a me dictum episcopus intenderit, nunquam de ore meo antea processisset." Et istud jurgium Orosio apologiae suae scribenda occasione præbuit.

Observandum vero, uno et eodem anno trium fidei defensorum scripta prodiisse adversus Pelagium: Orosii apologeticum, librum Angustini de natura et gratia, atque tres Hieronymi dialogos; in quibus se Attici, Pelagium Critobuli nomine designat: quod quare fecerit, in operis procœmio ita ipse explicat: "Ut omnibus probarem me non odisse homines, sed errores, nec aliquorum infamiam quærere; magisque dolere vicem eorum, qui falsi nominis scientia supplantantur: Attici et Critobuli nomina posui, per quos, et nostra pars et adversariorum quid sentiret, exprimerem." Consulto enim hactenus, ut in apologetici sui initio notavit etiam Orosius, "Augustinus<sup>d</sup> et Hieronymus multa adversus hanc nefariam hæresim, absque designatione nominum hæreticorum, scriptis probatissimis ediderunt." Scriptæ etiam tum sunt amicissimæ illæ Hieronymi ad Augustinum literæ; quarum hoc initium: "Virum<sup>e</sup> honorabilem, fratrem meum, filium dignationis tuæ, Orosium presbyterum, et sui merito, et te jubente suscepisti: sed incidit tempus difficillimum, quando mihi tacere melius fuit, quam loqui; ita ut nostra studia cesserent, et juxta Appium, canina exerceceretur facundia."

Quibusdam deinde interjectis, in epistola sequitur: "Nos inter nos eruditio[n]is causa disserimus: cæterum æmuli, et maxime hæretici, si diversas inter nos sententias viderint, de animi calumniabuntur rancore descendere. Mihi autem decretum est, te amare, te suspicere, colere, mirari; tuaque dicta quasi mea defendere. Certe et in dialogo, quem nuper edidi, tuae beatitudinis, ut dignum fuerat, recordatus sum: (in fine videlicet libri tertii;) magisque deinceps operam, ut perniciosissima hæresis de ecclesiis auferatur, quæ semper simulat pœnitentiam, ut do-

<sup>d</sup> Oros. apolog. pag. 619.

<sup>e</sup> Hieronym. epist. 79. op. tom. 4. par. 2. pag. 643.

cendi in ecclesiis habeat facultatem: ne, si aperta se luce prodiderit, foras expulsa moriatur. Sanctæ ac venerabiles filiæ tuæ, Eustochium et Paula, et genere suo ex exhortatione tua dignæ gradiuntur, specialiterque salutant beatitudinem tuam: omnis quoque fraternitas, quæ nobiscum Domino Salvatori servire conatur."

Ejusdem anni mense ultimo Diospoli, quæ olim Lydda dicta fuit, Palæstinorum episcoporum provincialis habita est synodus: ut ex Lucianif libello liquet, de Stephani reliquiis tunc repertis; quem "Avitus<sup>g</sup> presbyter Hispanus (quem Hierosolymitano conventui hoc anno interfuisse<sup>h</sup> diximus) in Latinum transtulit sermonem, et addita epistola sua per Orosium occidentalibus edidit." Erant illi episcopi numero quatuordecim: Eulogius<sup>i</sup>, Cæsariensis archiepiscopus, synodi præses, Johannes Hierosolymitanus episcopus, qui in priori illo conventu Pelagii patrocinium in se suscepit, Ammonianus, Porphyrius Gazensis, Eutonius Hierichuntinus, Porphyrius, Fidus, Zosimus, Zebænus Eleutheropolitanus, Nymphidius, Chromatius, Jovinus Ascalonensis, Eleutherius Sebastensis, et Clematius. Hic vero, "Pelagius<sup>k</sup> a quibusdam Catholicis fratribus ad episcopalia gesta perductus, eisque absentibus qui de illo libellum dederant, quoniau ad diem synodi non potuerunt occurrere, ab episcopis illis quatuordecim auditus est: ubi eum dogmata ipsa damnantem, quæ inimica gratiæ Dei adversus eum de libello legebantur, Catholicum pronunciaverunt." Accusatores, qui libellum contra Pelagium Eulogio<sup>l</sup>, provinciæ Palæstinæ metropolitano, dederunt, erant Eros et Lazarus, episcopi Galli: quorum posterior in Aquensium episcoporum reperitur catalogo<sup>m</sup>: prior, "vir sanctus et beati Martini discipulus, quum Arelatensi oppido episcopus

<sup>f</sup> Apud Surium, vit. sanctor. tomo 4. August. 3.

<sup>g</sup> Gennad. catalog. cap. 47. in Avito. <sup>h</sup> Supra pag. 285.

<sup>i</sup> Augustin. contra Julian. lib. 1. cap. 5, et 7.

<sup>k</sup> Id. retractat. lib. 2. cap. 47. Vid. eund. de gestis Palæstinis, cap. 29, et 35.

<sup>l</sup> Id. de gest. Palæstin. cap. 3.

<sup>m</sup> Claud. Robert. Galliae Christian. pag. 13. fin.

præsideret, ante triennium (ut Prosper narrat in chronicō) a populo ejusdem civitatis insons et nullis insimulationibus noxius pulsus est." Licet antem ipsi " propter" gravem unius eorum ægritudinem, præsentes esse minime potuerunt :" libellus tamen eorum in synodo recitatus est, et ex eo sequentes articuli objecti Pelagio;

### I. Ex ipsius Pelagii capitulorum libro.

1. Non posse esse sine peccato, nisi qui legis scientiam habuerit. **SYNODUS**: Tu hoc edidisti, Pelagi ? **PELAGIUS**: Ego quidem dixi; sed non sicut illi intelligunt. Non dixi, non posse peccare qui scientiam legis habuerit, sed adjuvari per legis scientiam ad non peccandum : sicut scriptum est, " Legem<sup>o</sup> in adjutorium dedit illis." **SYNODUS**: Non sunt aliena ab Ecclesia quæ dicta sunt a Pelagio.

2. Omnes voluntate propria regi. **PELAGIUS**. Et hoc dixi propter liberum arbitrium, cui Deus adjutor est eligeunt bona ; homo vero peccans, ipse in culpa est, quasi liberi arbitrii. **SYNODUS**. Neque hoc alienum est ab ecclesiastica doctrina.

3. In die judicii iniquis et peccatoribus non esse parcendum, sed æternis eos ignibus exurendos. **PELAGIUS**. Hoc secundum Evangelium dixi, ubi dicitur de peccatoribus : " Iстi<sup>p</sup> ibunt in supplicium æternum ; justi autem in vitam æternam." Et si quis alter credit, Origenista est. **SYNODUS**. Hoc alienum non est ab Ecclesia.

4. Malum nec in cogitationem venire. **PELAGIUS**. Hoc non ita posuimus: sed diximus, debere studere Christianum ne male cogitet. **SYNODUS** hoc quoque approbavit.

5. Regnum cœlorum etiam in veteri testamento esse promisum. **PELAGIUS**. Hoc et per Scripturas probari<sup>q</sup> possibile est: hæretici autem in injuriam veteris testamenti hoc negant. Ego vero Scripturarum autoritatem secutus dixi: quoniam in propheta Daniele scriptum est; " Et<sup>r</sup> accipient sancti regnum Altissimi." **SYNODUS**. Neque hoc alienum est a fide ecclesiastica.

6. Posse hominem, si velit, esse sine peccato: quibus addita sunt et illa, ex libro ipsius ad viduam: Inveniat apud te pietas, quæ nusquam invenit, locum; inveniat, ubique peregrina, in te sedem justitia; veritas, quam iam nemo cognoscit, domestica tibi et amica fiat: et lex Dei, quæ ab omnibus prope hominibus contemnitur, a te sola honoretur. Et iterum ad eandem: O te felicem et beatam, si justitia, quæ in cœlo tantum esse credenda est, apud te solam inveniatur in terris! Et in alio ad ipsam libro: Ille ad Deum digne elevat manus, ille orationem bona conscientia effundit, qui potest dicere: Tu nosti, Domine, quan*m* sanctæ et innocentes et mundæ sunt ab omni molestia<sup>s</sup> et iniquitate et rapina,

<sup>n</sup> Augustin. de gest. Palæstin. cap. 1. et 35. indeque Photius in bibliotheca, num. 54.

<sup>o</sup> Esai. cap. 8. ver. 20. Juxta LXX.

<sup>p</sup> Matth. cap. 25. ver. 16.

<sup>q</sup> Al. *probare*.

<sup>r</sup> Dan. cap. 7. ver. 18.

<sup>s</sup> *Fraude* Hieron. lib. 3. advers. Pelag. cap. 5.

quas ad te extendo, manus; quam justa et munda labia, et ab omni mendacio libera, quibus offero tibi deprecationem ut mihi miserearis. PELAG. Posset quidem hominem sine peccato esse et Dei mandata custodire, si velit, diximus: hanc enim possibilitatem Deus illi dedit. Non autem diximus, quod inveniatur aliquis ab infantia usque ad senectam, qui nunquam peccaverit; sed quoniam a peccatis conversus, proprio labore et Dei gratia possit esse sine peccato; nec per hoc tamen in posterum erit inconvertibilis. Reliqua vero quæ subjecerunt, neque in libris nostris sunt, neque talia unquam diximus. SYNOD. Quoniam negas te talia scripsisse; anathematizas illos qui sic tenent? PELAG. Anathematizo quasi stultos, non quasi hæreticos: siquidem non est dogma. SYNOD. Nunc quoniam anathematizavit Pelagius incertum stultiloquium<sup>u</sup>; recte respondens, hominem cum adjutorio Dei et gratia posse esse ἀραιμάρτητον, id est, sine peccato; respondeat et ad alia capitula.

II. Aliud capitulum in doctrina Celestii discipuli Pelagii, ex iis quæ Carthagine a sancto Aurelio Carthaginensi episcopo cum aliis episcopis auditæ sunt et commemorata. Adam mortalem factum, &c. (ut supra<sup>w</sup>, in concilio illius Carthaginensis capitulis.) Quoniam sanctus episcopus Augustinus adversus discipulos ejus in Sicilia respondit Hilario ad subjecta capitula; scribens librum in quo ista continentur. Posse hominem sine peccato esse, si velit. Infantes, et si non baptizentur, habere vitam æternam. Divites baptizatos, nisi omnibus abrenuncient, si quid boni visi fuerint facere, non reputari illis, neque regnum Dei posse eos habere.

PELAG. Posse quidem hominem sine peccato esse, dictum est superius. De eo autem quod fuerint omnes ante adventum Domini sine peccato, dicimus et nos, quoniam ante adventum Christi vixerunt quidam sancte et juste, secundum Scripturarum sanctorum traditionem. Reliqua vero, et secundum ipsorum testimonium, a me dicta non sunt; pro quibus ego satisfacere non debeo: sed tamen ad satisfactionem sanctæ synodi, anathematizo eos qui sic tenent, aut aliquando tenuerunt. SYNOD. Ad hæc, quæ dicta, capitula sufficienter et recte satisfecit præsens Pelagius; anathematizans ea quæ non erant ejus.

Hic etiam objectum est Pelagio<sup>x</sup>, quod diceret, Ecclesiam esse sine macula et ruga. PELAG. Dictum est a nobis ita; quoniam lavacro ab omni macula et ruga purgatur Ecclesia, quam velit ita Dominus permanere. SYNOD. Hoc et nobis placet.

### III. Ex libro Celestii.

1. In capitulo primo: quod plus facimus, quam in lege et evangelio jussum est. PELAG. Hoc quasi nostrum posuerunt. Dictum est vero a nobis, secundum apostolum, de virginitate; de qua Paulus dicit, "Præceptum Domini non habeo." SYNOD. Hoc et Ecclesia recipit.

2. In capitulo tertio: Gratiam Dei et adjutorium non ad singulos actus dari; sed in libero arbitrio esse, vel in lege ac doctrina. Et iterum; Dei gratiam se-

<sup>t</sup> August. epist. 179. op. tom. 2. pag. 632.

<sup>u</sup> Augustin. de peccat. Original. cap. 11.

<sup>w</sup> Pag. 265.

<sup>x</sup> Ex Cœlestio. Augustin. de gest. Palæstin. pag. ult. Est autem postrema Hilarianarum quæstionum: apud eund. epist. 156, 157. pag. 512.

<sup>y</sup> 1 Cor. cap. 7. ver. 25.

cundum merita nostra dari; quia si peccatoribus illam det, videtur esse iniquus; Propterea et ipsa gratia (inquit) in mea voluntate posita est, sive dignus fierem⁹ sive indignus. Si enim per gratiam omnia facimus: quando vincimur a peccato, non nos vincimus, sed Dei gratia, quæ voluit nos adjuvare omnimodo et non potuit. Et iterum: Si gratia Dei est quando vincimus peccata, ergo ipse est in culpa quando a peccato vincimur; quia omnino custodire nos aut non potuit, aut noluit. PELAG. Hæc utrum Celestii sint, ipsi viderint qui dicunt ea Celestii esse: ego vero nunquam sic tenui, sed anathematizo, qui sic tenet. SYNOD. Recipit te sancta synodus, ita verba reproba condemnantem.

3. In capitulo quinto: Unumquemque hominem omnes virtutes posse habere et gratias. PELAG. Dictum est a nobis: sed maligne et imperite reprehenderunt. Non enim auferimus gratiarum diversitatem: sed dicimus donare Deum ei, qui fuerit dignus accipere, omnes gratias; sicut Paulo apostolo donavit. SYNOD. Consequenter et ecclesiastico sensu et ipse sensisti de dono gratiarum, quæ in sancto apostolo continentur.

4. In capitulo sexto: Filios Dci non posse vocari, nisi omnimodo absque peccato fuerint effecti. In septimo: Oblivionem et ignorantiam non subjacere peccato; quoniam non secundum voluntatem eveniunt, sed secundum necessitatem. In decimo: Non esse liberum arbitrium, si Dei indigeat auxilio; quoniam in propria voluntate habet unusquisque, aut facere aliquid aut non facere. In duodecimo: Victoriam nostram non ex Dei esse adjutorio, sed ex libero arbitrio: quod his verbis expressit: Nostra est victoria, quoniam propria voluntate arma suscepimus: sicut e contrario nostrum est, quando vincimur, quoniam armari propria voluntate contempsimus. Et de apostolo Petro posuit testimonium; divinæ⁹ nos esse consortes naturæ: indeque syllogismum facere dicitur: quoniam si anima non potest esse sine peccato, ergo et Deus subjet peccato, cuius pars, hoc est, anima, peccato obnoxia est. In tertio decimo capitulo dicit; quod pœnitentibus venia non datur secundum gratiam et misericordiam Dei, sed secundum merita et labore eorum, qui per pœnitentiam digni fuerint misericordia. SYNOD. Quid ad hæc quæ lecta sunt capitula dicit præsens Pelagius monachus? Hæc enim reprobat sancta synodus, et sancta Dei Catholica Ecclesia. PLLAG. Iterum dico, quia hæc, et secundum ipsorum testimonium, non sunt mea; pro quibus, ut dixi, satisfactionem non debeo. Quæ vero mea esse confessus sum, hæc recta esse affirmo: quæ autem dixi non esse mea, secundum judicium sanctæ Ecclesiae reprobo; anathema dicens omni contravenienti et contradicenti sanctæ Catholicae Ecclesiæ doctrinis. Ego enim in unius substantie Trinitatem credo, et omnia secundum doctrinam sanctæ Catholicae Ecclesiæ: si quis vero aliena ab hac sapit, anathema sit. SYNOD. Nunc quoniam satisfactum est nobis præoccupacionibus præsentis Pelagi monachi; qui quidem piis doctrinis consentit, contra vero Ecclesiæ fidei reprobat et anathematizat: communionis ecclesiastice cum esse et Catholicae confitemur.

Atque hæc est, “ illa miserabilis,” ut eam appellat

<sup>2</sup> Al. *fiam*, et *fuerim*.

<sup>3</sup> Quomodo quispiam illius rei consortium suscipit, a cuius statu et virtute esse extraneus definitur? inquit ille in 11. capitulo citat. ab Augustino, de gestis Palæstin. cap. ult.

Hieronymus<sup>b</sup>, “Synodus Diospolitana:” in qua “Pelagium<sup>c</sup> hæresiarcham, quæ contra Christi gratiam sentiebat operientem, pravasque sententias suas versutia interpretantem, per ignorantiam absolutum” notavit, inter alios, Facundus Hermianensis episcopus. “His<sup>d</sup> nebulis illud judicium se putat illusisse Pelagius; vosque ad hoc nefas toto capite annuitis, et tot ab illo episcopos irrisos esse ridetis:” ait ad illius discipulos Augustinus. Et ad ipsum magistrum: “Quando<sup>e</sup> tibi illa damnanda objiciebantur, non ea Catholicæ episcopi sic intelligebant; ideo cum illa damnares, Catholicum te esse credebant. Propterea ergo quod te illi sapere existimabant, absolvendum fuit, quod vero tu sapiebas, damnandum fuit. Non ergo tu absolutus es, qui damnanda tenuisti: sed illud absolutum est, quod tenere debuisti. Ut autem tu absolutus putareris, creditus es sentire laudanda; cum te judices non intellegent occultare damnanda.”

Culpa autem omni in versipellem hæreticum derivata, episcopos qui in judicio illo sederunt sic ipse excusat: “Hoc<sup>f</sup> pios judices cogitasse credendum est: si tamen hoc, quod in libro ejus Latino est diligenter interpretatum, satis intelligere potuerunt; sicut ejus responsonem Græco eloquio prolatam (Græce enim in synodo locutus est Pelagius) et ob hoc facile intellectam, alienam non esse ab Ecclesia judicaverunt.” “Sed<sup>g</sup> hoc episcopi, Græci homines, et ea verba per interpretem audientes, discutere non curarunt: hoc tantum intuentes, quid ille qui interrogabatur sensisse se dicere, non quibus verbis eadem sententia in ejus libro scripta diceretur. Et postea, Quod indiscussum judices reliquerunt, Latini sermonis ignari, et ejus qui causam dicebat confessione contenti, præsertim ubi ex adverso nullus adstaret, qui verba libri ejus expoundingo aperire interpretem cogeret, atque inde fratres non

<sup>b</sup> Hieronym. epist. 81. op. tom. 4. par. 2. pag. 646.

<sup>c</sup> Facund. lib. 7. cap. 3.

<sup>d</sup> Augustin. contra Julian. Pelagian. lib. 1. cap. 5.

<sup>e</sup> Id. de peccato Original. cap. 16.

<sup>f</sup> Id. de gestis Palæstin. cap. 2.

<sup>g</sup> Ibid. cap. 1.

frustra moverentur ostendere." "Neque<sup>h</sup> hoc dicens iudicium arguo vel negligentiam, vel cohibentiam<sup>i</sup>, vel, quod ab eis longe abhorrere certissimum est, impiorum dogmatum eonscientiam: sed eorum judicio pro merito approbato atque landato, Pelagius tamen apud eos quibus amplius certiusque notus est, non mihi videtur esse purgatus. Illi enim tanquam de ignoto judicantes, his præsertim absentibus qui contra eum libellum dederant, hominem quidem diligentius examinare minime potuerunt; hæresim tamen ipsam penitus peremerunt." "Et<sup>k</sup> per hoc quomodolibet ea Celestius posuerit aut non posuerit, vel Pelagius senserit aut non senserit; tanta mala tam novæ hujus hæresis illo eeclesiastico judicio damnata gaudemus, et Deo gratias agamus laudesque dicamus."

Hæc modestissimus et prudentissimus ille pater: quem secutus quoque est discipulus ipsius Prosper; de hoc orientalium episcoporum judicio, in poemate de Ingratis, ita canens:

— non segnior inde orientis  
 Reotorum cura emieuit: captumque nefandi  
 Dogmatis authorem construxit lege benigna  
 Commentum damnare suum; nisi corpore Christi  
 Abjungi, et sancto mallet gregi dissociari.  
 Lene quidem hoc, nimiumque malis tolerasse videtur  
 Judicium: sed saneta fides examine in illo  
 Vicit oborturam diro de semine prolem.  
 Prospectum namque est, divino et inunere cautum,  
 Ut licet instantem declinans bestia pœnam,  
 Perfidiae secum sensus tenuisset eosdem;  
 Ipsa tamen proprium germen damnando necaret,  
 Ore malam extingens sobolem, quam protulit ore.

Peraeto<sup>l</sup> judicio Palæstino, prius quam gesta publicarentur, in manus hominum prævolavit Pelagii epistola, "seribentis<sup>m</sup> ad amicum suum quendam presbyterum, qui eum literis benigne admonuerat, ne per ejus occasionem sealiquis a corpore Ecclesiæ separaret:" in qua hæreticum suum dogma comprobatum hic fuisse ita ille jactitat:

<sup>h</sup> Augustin. de gestis Palæstin. cap. 21.

<sup>i</sup> conniventiam.

<sup>l</sup> Ann. CCCCXVI.

<sup>k</sup> Augustin. de gest. Palæ. cap. ult.

<sup>m</sup> Augustin. de gest. Palæstin. cap. 30.

“ Quatuordecim episcoporum sententia definitio nostra comprobata est, qua diximus, posse hominem sine peccato esse, et Dei mandata facile custodire, si velit. Quæ sententia contradictionis os confusione perfudit, et omnem in malum conspirantem societatem ab invicem separavit.” ubi tamen, ut recte animadvertis Augustinus<sup>n</sup>, “ et facilitatem posuit non peccandi, de qua nulla in hoc judicio quæstio fuit, quasi judicibus etiam de hoc verbo placuerit; et gratiam Dei non posuit, quam confitendo et addendo pœnam ecclesiasticæ damnationis evasit.” Pro ipsis vero synodi gestis, misit Augustino<sup>o</sup> (per quendam Hippomensem civem, orientalem autem diaconum) quandam a se conscriptam velut defensionem suam, qua se dixit objectis respondisse Gallorum: ut pro gestorum illorum breviatione ista charta usquequaque discurreret.

Quum autem nullas Augustinus simul accepisset literas, et defensionis illam chartulam merito habuisse suspectam: suo et aliorum multorum episcoporum nomine a Johanne Hierosolymitano antistite petiit, ut ipsa ecclesiastica gesta transmittere dignaretur: in qua epistola (quæ numero est CLXXIX.) de Pelagio ita illum admonet: “ Pelagium fratrem nostrum, filium tuum, quem audio quod multum diligis; hanc illi suggero exhibeas dilectionem, ut homines qui eum neverunt et diligenter audierunt, non ab eo tuam sanctitatem existiment falli.” Et post, “ Si diligitis Pelagium, diligat vos etiam ipse, imo magis seipsum; et non vos fallat. Cum enim auditis eum confiteri gratiam Dei et adjutorium Dei; putatis hoc eum dicere, quod et vos qui Catholica regula sapitis: quoniam quid in libro suo scripscerit ignoratis. Propter hoc, ipsum librum misi, et meum<sup>p</sup> quo ei respondi: unde perspiciat venerabilitas vestra, quam gratiam vel adjutorium Dei dicat, quando illi objicitur quod gratiae Dei et adjutorio contradicat. Proinde ostende illi docendo, et hortando, et pro ejus salute quæ in Christo esse debet orando; ut eam Dei gratiam confiteatur, quam probantur sancti Dei fuisse

<sup>n</sup> Augustin. de gestis Palæstin. cap. 31.

<sup>o</sup> Ibid. in procem. et cap. 6. 32, 33. item epist. 177. et 179.

<sup>p</sup> De natura et gratia scilicet, ad Timasium et Jacobum.

confessi, cum a Domino ea ipsi peterent, quæ illis jubebat ut facerent. Quoniam neque juberentur, nisi ut nostra voluntas ostenderetur: neque peterentur, nisi ut voluntatis infirmitas ab illo qui jusserrat juvaretur.”

Tumultuantibus deinde in Palæstina Pelagii sectatoribus, factum est, “ut Dei servi et ancillæ ad curam sancti Hieronymi presbyteri pertinentes sceleratissima cæde afficerentur, diaconus occideretur, ædificia monasteriorum incenderentur, vix ipsum ab hoc impetu atque incursu in Dei misericordia turris munitior tueretur:” quemadmodum in fine libri de gestis Palæstinis narrat Augustinus. Inter eas autem quæ ad curam S. Hieronymi pertinebant, præcipuae fuerunt nobilissimæ illæ virgines (in literis ejusdem ad Augustinum anno superiore missis jam<sup>q</sup> commemoratae) Eustochium et Paula; quarum prior Paulæ senioris, ante annos duodecim Bethlehemi defunctæ, filia fuit; posterior, de cuius institutione ad matrem Lætam Hieronymi septima<sup>r</sup> scripta est epistola, ex Toxotio filio neptis. Et harum et ipsius Hieronymi, de vi ista sibi et suis illata conquerentium, Aurelii Carthaginiensis episcopi opera ad Innocentium Romanum pontificem perlatæ sunt literæ: cuius et rescripta<sup>s</sup> extant, tum ad Aurelium et Hieronymum, tum ad Johannem Hierosolymitanum, in quem mali huius suspicio maxime cadebat. Ut enim in Pelagium admodum benevolo, ita in Hieronymum infenso erat ille animo atque inimico: utpote qui non Pelagii solum, sed etiam Johannis<sup>t</sup> errores publicis scriptis acriter coarguisseisset. Hoc ipso autem anno mortuus est Johannes; Praylio, et in Hierosolymitanæ ecclesiæ regimine et in Pelagii patrocinio, successore relicto.

Pelagius interim, “au<sup>t</sup> fratribns increpatus, quod nihil tribneret adjutorio gratiæ Dei ad ejus mandata facienda, correptioni eorum hactenus cessit, ut non eam libero arbi-

<sup>q</sup> Supra pag. 290.

<sup>r</sup> Al. 57. op. tom. 4. par. 2. pag. 590.

<sup>s</sup> Innocent. I. epist. 32, 33, 34. tom. 1. concil. edit. Colon. ann. 1606. pag. 590, 591.

<sup>t</sup> Hieron. epist. 38. ad Pamimach. advers. errores Johan. Hierosolymit. op. tom. 4. par. 2. pag. 306.

<sup>u</sup> Augustin. de hæres. ad Quodvultdeuin, cap. 88.

trio præponeret, sed infidelitate supponeret; dicens, ad hoc eam dari hominibus, ut quæ facere per liberum jubentur arbitrium, facilius possint implere per gratiam." Hoc in libris post judicium Palæstinum editis ab eo dictum notat Augustinus<sup>w</sup>: nempe in primo librorum illorum quatuor, quos pro libero conscripsit arbitrio. Sic enim ille ibi<sup>x</sup> loquitur: "Hic nos imperitissimi hominum putant injuriam divinæ gratiæ facere, quia dicimus eam sine voluntate nostra nequaquam in nobis perficere sanctitatem. Quasi Deus gratiæ suæ aliquid imperavit, et non illis quibus imperavit, etiam gratiæ suæ auxilium subministret; ut quod per liberum homines facere jubentur arbitrium, facilius possint implere per gratiam, quam nos non, ut tu putas, in lege tantummodo, sed et in Dei esse adjutorio confitemur. Adjuvat enim nos Deus per doctrinam et revelationem suam, dum cordis nostri oculos aperit; dum nobis, ne præsentibus occupemur, futura demonstrat; dum Diaboli pandit insidias; dum nos multiformi et ineffabili dono gratiæ cœlestis illuminat. Qui hæc dicit, gratiam tibi videtur negare; an et liberum hominis arbitrium, et Dei gratiam confitetur?" Hoc namque præcipue in toto illo opere laborabat, ut negatæ gratiæ invidiam, cui ferendæ imparem sese senserat, quovis modo declinaret. Unde in apologetica papæ Innocentio proximo anno inscripta epistola, huc potissimum suos vocat adversarios: "Legant," inquit, "recens meum opusculum, quod pro libero nuper arbitrio edere compulsi sumus: et agnoscent quam inique nos negatione gratiæ infamare gestierint; qui per totum pene ipsius textum operis perfecte atque integrè et liberum arbitrium confitemur et gratiam."

Quandoquidem vero hic in unam hanc rem defixit et intendit ille animum, ut sua perfidia distracta ista in pristinam rursus reduceret concordiam; atque hunc impuri hæretici vomitum nonnulli, et olim et hodie quoque, non

<sup>w</sup> Augustin. epist. 186. ad Paulin.

<sup>x</sup> Apud eund. lib. 1. de gratia Christi, contra Pelag. et Celest. cap. 7, et 29.

<sup>y</sup> Ibid. cap. 41.

animo sorbent solum sed etiam concoquunt, qui reliquas illius sordes tanquam auspicium malum detestantur: operæ pretium fuerit, totum illius dogma, suis ipsius verbis expressum, hic proponere; ut ad damnatum errorem agnoscendum homines, quibus ille ecepit allubescere, oculos aliquando aperiant. “*Nos*,” inquit, “sic tria ista distinguimus, et certum velut in ordinem digesta partimur. Primo loco posse statuimus, secundo velle, tertio esse. Posse in natura, velle in arbitrio, esse in effectu loemus. Primum illud, id est, posse, ad Deum proprie pertinet, qui illud creaturæ suæ contulit: duo vero reliqua, hoc est velle et esse, ad hominem referenda sunt; quia de arbitrii fonte descendunt. Ergo in voluntate et opere bono laus hominis est; imo et hominis et Dei, qui ipsius voluntatis et operis possibilitatem dedit, quique ipsam possibilitatem gratiae suæ adjuvat semper auxilio. Quod vero homo potest velle bonum atque perficere, solius Dei est. Potest itaque illud unum esse, etiam si duo ista non fuerint: ista vero sine illo esse non possunt. Itaque liberum mihi est, nee voluntatem bonam habere nec actionem; nullo autem modo possum non habere possibilitatem boni: inest mihi etiam si noluero, nec otium sui aliquando in hoc natura recipit. Quem nobis sensum exempla aliqua faciant clariorum. Quod possumus videre oculis, nostrum non est: quod vero bene aut male videmus, hoc nostrum est. Quod loqui possumus, Dei est: quod vero bene vel male loquimur nostrum est. Et, ut generaliter universa compleetar; quod possumus omne bonum facere, dieere, cogitare, illius est, qui hoc posse donavit, qui hoc posse adjuvat: quod vero bene vel agimus, vel loquimur, vel cogitamus, nostrum est; quia haec omnia vertere etiam in malum possumus. Unde (quod propter calumniam vestram sæpe repetendum est) eum dicimus hominem posse esse sine peccato, confessione possibilitatis acceptæ laudamus Deum, qui nobis hoc posse largitus est: nec est ibi ulla laudandi hominis occasio, ubi solius Dei causa tractatur. Non enim de velle, nec de esse, sed tantummodo de eo quod potest esse, disseritur.”

<sup>z</sup> Apud Augustin. lib. 1. de gratia Christi, contra Pelag. et Celest. cap. 4.

Hæc ille, in libro tertio pro libero arbitrio: in quo et objectioni ex verbis apostoli, “ Non<sup>a</sup> quod volo ago:” et, “ Video aliam legem in membris meis repugnantem legi intentis meæ” ita respondet: “ Hoc<sup>b</sup> quod tu de apostolo intelligere cupis, omnes ecclesiastici viri in peccatoris et sub lege adhuc positi asserunt eum dixisse persona; qui nimia vitiorum consuetudine velut quadam teneretur necessitate peccandi, et quamvis bonum appeteret voluntate, usu tamen præcipitaretur in malum. In persona autem hominis unius, designat populum sub vetere adhuc lege peccantem; quem ab hoc consuetudinis malo dicit liberandum esse per Christum, qui credentibus sibi primo omnia per baptismum peccata dimittit, deinde imitatione sui ad perfectam incitat sanctitatem, et vitiorum consuetudinem virtutum vincit exemplo.” In primo vero libro, naturam liberi arbitrii ita explicat: “ *Habemus*<sup>c</sup> possibilitatem utriusque partis a Deo insitam, velut quandam, ut ita dicam, radicem fructiferam atque fœcundam; quæ ex voluntate hominis diversa gignat et pariat, et quæ possit ad proprii cultoris arbitrium, vel nitere flore virtutum, vel sentibus horrere vitiorum:” deinde gratiæ subjungit adminiculum: “ *Cum*<sup>d</sup> autem tam forte, tam firmum ad non peccandum liberum in nobis habeamus arbitrium, quod generaliter naturæ humanæ Creator inseruit; rursus, pro ejus inæstimabili benignitate, quotidiano ipsius munimur auxilio.”

Et in alio ejusdem operis loco: “ *Qui*<sup>e</sup> currit,” inquit, “ ad Deum et a Deo se regi cupid, id est, voluntatem suam ex ejus voluntate suspendit, qui ei adhærendo jugiter, *unus*, secundum apostolum, *cum eo fit spiritus*; non hoc nisi de arbitrii efficit libertate. Qua qui bene utitur, ita se totum tradit Deo, omnemque suam mortificat voluntatem, ut cum apostolo possit dicere, *Viro*<sup>f</sup> *autem jam non ego, rivot autem in me Christus*: ponitque cor suum in manu Dei, ut illud quo voluerit Deus ipse declinet:” et

<sup>a</sup> Rom. cap. 7, ver. 19, 23.

<sup>c</sup> Ibid. cap. 18.

<sup>e</sup> Ibid. cap. 22, 23.

<sup>b</sup> Augustin. de gratia lib. 1. cap. 39.

<sup>d</sup> Ibid. cap. 28.

<sup>f</sup> Gal. cap. 2. ver. 20.

alibi, quæstioni quæ ex epistola ad Philippenses moveri poterat occurrens, “*Et<sup>g</sup> quomodo,*” inquit, “*stabit illud apostoli? Deus<sup>h</sup> enim qui operatur in nobis et velle et perficere.* Operatur in nobis velle quod bonum est, velle quod sanctum est; dum nos terrenis cupiditatibus deditos, et mutorum more animalium tantummodo præsentia diligentes, futuræ gloriae magnitudine et præmiorum pollicitatione succedit: dum revelatione sapientiae in desiderium Dei stupentem suscitat voluntatem, dum nobis, quod tu alibi negare non metuis, suadet omne quod bonum est.” Quodnam vero in hisce omnibus absconditum in venenum, in libro primo de gratia Christi contra Pelagium et Celestium patefecit Augustinus: ad quem lectorem antiquæ fidei studiosum remittimus.

Eodem hoc anno, duæ provinciales Africanorum patrum habitæ sunt synodi: Carthaginiensis cui Aurelius, et Milevitana cui Numidiæ primas præfuit Sylvanus. Posterior haec episcoporum fuit LXI. prior illa, non LXXVII. (ut habet Baronius<sup>i</sup>) sed LXVIII. ut nomina eorum epistolæ ad Innocentium præscripta numeranti liquebit. Etsi autem adhuc “*gesta<sup>k</sup> ecclesiastica, quibus apud episcopos provinciæ Palæstinæ Pelagius perhibebatur esse purgatus,*” in Africam non pervenissent: literæ tamen “*de oriente venerunt, candem causam apertissime ventilantes.*” Scriptæ<sup>l</sup> eæ sunt ab Erote et Lazaro, Gallicis illis episcopis, ad quorum libellum respondere in Palæstina synodo coactus est Pelagius: et ab Orosio, nuper ex oriente reverso, episcopis in Carthaginensi concilio hoc tempore congregatis traditæ: quibus illi “*lectis, Pelagium et Cœlestium authores nefarii prorsus et ab omnibus anathematizandi erroris adverterunt: et communi deliberatione censuerunt, nisi hæc apertissime anathematizaverint, ipsos anathematizari oportere;*” ut si ipsorum non potuerit, saltem eorum qui ab eis decepti sunt vel decipi possunt, cognita sententia quæ in eos lata est, sanitas procuretur.”

<sup>g</sup> Augustin. de gratia, lib. 1. cap. 10. <sup>h</sup> Philipp. cap. 11. ver. 13.

<sup>i</sup> Baron. ann. 416, sec. 5.

<sup>k</sup> Augustin. epist. 186. ad Paulin.

<sup>l</sup> Concil. Carthagin. ad Innocent. epist. ordine inter Augustinianas 175.

Hoc ipsi in epistola ad Innoeentium Romanum episcopum significant: de Palæstino judieio illud insuper adjicientes. “ Si Pelagius episeopalibus gestis quæ in oriente eonfecta dicuntur, etiam tuæ venerationi juste visus fuerit absolutus; error tamen ipse et impietas, quæ tam multos assertores habet per diversa dispersos, etiam authoritate apostolicæ sedis anathematizanda est.”

Consimiles etiam a Milevitanæ<sup>m</sup> synodi episcopis ad Innocentium missæ sunt literæ in quibus ista legimus: “ Nova hæresis et nimium pernieiosa tentat surgere inimicorum gratiæ Christi, qui nobis etiam Dominieam orationem impiis disputationibus eonantur auferre. Hujus pernieiosissimi erroris authores esse perhibentur Pelagius et Celestius: quos quidem in Eeelesia sanari maluimus, quam desperata salute de Eeelesia reseeari, si necessitas nulla compellat. Quorum unus, id est, Celestius, etiam ad presbyterium in Asia dieitur pervenisse. De quo ante paueos annos quid gestum fuerit, sanetitas tua de Carthaginiensi eeelesia melius instruitur. Pelagius vero (sicut a quibusdam fratribus nostris missæ loquuntur epistolæ) Hierosolymis eonstitutus nonnullos fallere asseritur: veruntamen multo plures, qui ejus sensus diligentius indagare potuerunt, adversus eum pro gratia Christi et Catholieæ fidei veritate eonfigunt; præeipue sanetus filius tuus, frater et eompresbyter noster, Hieronymus. Hæc ad sanetitatem tuam de eoneilio Numidiæ scripta direximus, imitantes Carthaginiensis provinciæ eoepiscopos nostros, quos ad sedem apostolicam, quam beatus illustras, de hæ causa seripsisse eomperimus.”

Præter binas istas synodieas, quarum et Augustinus meminit, in epistola<sup>n</sup> eodem tempore eontra hanc hæresim ad Hilarium episeopum exarata, aliæ etiam familiares<sup>o</sup> a quinque episcopis, Aurelio, Alypio, Augustino, Eudio et Possidio, ad eundem Innoeentium datae sunt literæ: in quibus, inter complura dogmatica, hæc ad historiam pertinentia inseruntur; “ De conciliis duobus provinciæ Car-

<sup>m</sup> Concil. Carthag. ad Innocent. epist. ordine inter Augustinianas 176.

<sup>n</sup> Ibid. epist. 178.

<sup>o</sup> Ibid. epist. 177.

thaginiensis atque Numidiæ ad tuam sanctitatem a non parvo episcoporum numero subscriptas literas misimus contra inimicos gratiæ Christi. Audivimus enim esse in urbe Roma, ubi ille (Pelagius) diu vixit, nonnullos qui diversis causis ei faveant: quidam scilicet, quia vos talia persuasisse perhibent, plures vero qui eum talia sentire non credunt; præsertim quia in oriente, ubi degit, gesta ecclesiastica facta esse gestantur, quibus putatur esse purgatus: ubi quidem si episcopi eum Catholicum pronunciariunt, non ob aliud factum esse credendum est, nisi quia se dixit Dei gratiam confiteri, et ait posse hominem suo labore ac voluntate juste vivere, ut ad hoc adjuvari Dei gratia non negaret. His enim auditis verbis, Catholici antistites nullam aliam Dei gratiam intelligere potuerunt, nisi quem in libris Dei legere et populis Dei prædicare consueverunt. Quapropter non culpandi sunt judices: quia ecclesiastica consuetudine nomen gratiæ audierunt; nescientes quid hujusmodi homines vel in suæ doctrinæ libris vel in suorum solent auribus spargere. Non agitur de uno Pelagio, qui jam fortasse correctus est, quod utinam ita sit; sed tam multis, quibus loquaciter contendentibus, et infirmis atque ineruditas animas velut convictas trahentibus, firmas autem et in fide stabiles ipsa contentionе fatigantibus, usquequaque jam plena sunt omnia. Aut ergo a tua veneratione acciendus est Romam, et diligenter interrogandus quam dicat gratiam qua fateatur, si tamen jam fateatur ad non peccandum justeque vivendum homines adjuvari: aut hoc ipsum cum eo per literas agendum: et cum inventus fuerit hanc dicere quam docet ecclesiastica et apostolica veritas, tunc sine ullo scrupulo Ecclesiae, sine latibulo ambiguitatis ullius absolvendus est, tunc est revera de ejus purgatione gaudendum. Unde et ad ipsum scriptam ab uno nostrum (Augustino scilicet) epistolam, (ad quem per quendam orientalem diaconum, civem autem Hipponensem, tanquam purgationis suæ quædam scripta transmisit) tuæ beatitudini potius credimus dirigendam; melius judicantes et petentes ut eam ei mittere ipse digneris. Sic enim eam legere potius non dedigna-

bitur; magis in illa eum qui misit quam qui scripsit attendens."

Ad<sup>p</sup> tres Africanorum antistitum epistolas per Julium episcopum ad se perlatas, initio sequentis anni respondit Innocentius. Literæ enim ad<sup>q</sup> Milevitanæ synodi patres datae leguntur sexto Kalendas Februarias, Honorio et Constantio viris clarissimis consulibus: in quibus hæc adversus hæreticos lata habetur sententia: "Pelagium Celestiumque, id est, inventores vocum novarum, quæ, sicut dixit apostolus, ædificationis nihilum, sed magis vanissimas<sup>r</sup> consueverunt parere quæstiones, ecclesiastica communione privari, apostolici vigoris auctoritate censemus, donec resipiscant de Diaboli laqueis, a quo captivi tenentur secundum ipsius voluntatem; eosque interim Dominico ovili non recipi quod, ipsi perversæ viæ sequuti tramitem deserere voluerunt." Epistola ad<sup>s</sup> Carthaginiensis concilii episcopos int<sup>t</sup> vetustis monasterii Corbeiensis exemplaribus legitur "Data VI. Kalendas Februarii, post consulatum Theodosii Augusti VII. et Junii Quarti Palladii V. C." altera vero ad<sup>u</sup> quinque episcopos, "Data pridie Kalendas Februarias post consulatum glorioissimi Theodosii Augusti VII. et Junii Quarti Palladii V. C." ubi de Pelagii purgatione rescribit ista: "Nobis nec persuaderi potest eum esse purgatum, quainvis ad nos a nostris quibusdam laicis sint gesta perlata, quibus ille auditum se crederet et absolutum: quæ utrum vera sint dubitamus, quod sub nulla illius prosequutione venerunt, nec eorum aliquas accepimus de hac re literas apud quos istius rei iste præsttit causas. Quod si de sua ille potuisse purgatione confidere, hoc magis credimus quod egisset, quod multo verius esse potuerat, ut illos cogeret epistolis suis quid judicaverunt indicare. Verum cum sint aliqua in ipsis posita gestis, quæ objecta

<sup>p</sup> Ann. CCCCXVII.

<sup>q</sup> Innocent. epist. 25. tomo 1. Concil. et inter Augustinian. num. 182.

<sup>r</sup> 2 Tim. cap. 2, ver. 23, 26.

<sup>s</sup> Innocent. epist. 24. tom. 1. concil. inter Augustinian. num. 181.

<sup>t</sup> Jac. Sirmond. propemptic. lib. 2. cap. 2.

<sup>u</sup> Innocent. epist. 26. tom. 1. concil. inter Augustinian. num. 183.

partim ille vitando suppressit, partim multa in se verba retorquendo tota obscuritate confudit, aliqua magis falsis argumentis quam vera ratione ut ad tempus poterat videri, purgavit negando, alia falsa interpretatione vertendo. Sed utinam, quod optandum magis est, etiam sc ille ad veram fidei viam ab illo sui tramitis errore convertat, ut cupiat velitque purgari; considerans quotidianam Dei gratiam, adjutoriumque cognoscens, ut videatur verum, et approbetur ad omnibus manifesta ratione correctus, non gestorum judicio sed ad Catholicam fidem corde converso. Unde non possumus illorum nec culpare nec approbare judicium, cum nesciamus utrum vera sint gesta, aut si vera sunt, illum constet magis subterfugisse, quam se tota veritate purgasse. Qui si confidit novitque non nostra dignum esse damnatione, quod dicat jam totum hoc se refutare quod dixerat; non a nobis accersiri, sed ipse debet potius festinare ut possit absolvi. Nam si adhuc taliter sentit; quando se nostro judicio quibusvis acceptis literis, cum sciat damnandum esse, committet? Quod si accersendus esset; ab iis melius fieret, qui magis proximi et non longo terrarum spatio videntur esse disjuncti. Sed non deerit cura, si medicinæ præbeat ille materiam. Potest enim damnare quæ senserat, ac datis literis erroris sui, ut regressum ad nos decet, veniam postulare."

Scripsisse Innocentium "Decretum occidentalium ecclesiarum, et orientalium, adversus Pelagianos datum, quod postea successor ejus papa Zosimus latius<sup>w</sup> promulgavit," refert Gennadius\*. Ubi Innocentii temporibus et ab occidentalibus, et orientalibus ecclesiis rejectos fuisse istos observa. De occidentalibus id ita confirmat Photius: "Ἐξεβλήθσαν<sup>y</sup> οἱ οὖτω φρονοῦντες τῆς ἐκκλησίας, ὡς αἵρετικοὶ, ἐν τοῖς χρόνοις Θεοφίλου τοῦ Ἀλεξανδρείας καὶ Ἰννοκεντίου Ρώμης, ὑπὸ τε Ρωμαίων, καὶ Ἀφρων, καὶ τῶν λοιπῶν δυτικῶν ἐπισκόπων. Ejecti sunt qui ita senserunt ex Ecclesia, velut haeretici, temporibus Theophili Alexandrini et Innocentii Romani antistitis, et a Romanis et ab

<sup>w</sup> Al. *Latinis*; male.

<sup>y</sup> Phot. bibliothec. num. 54.

\* Gennad. catalog. vir. illust. cap. 43.

Afris et a reliquis occidentalibus episcopis:" de orientalibus confirmat Eusebius in epistola<sup>z</sup>, post mortem quidem Innocentii sed ante publicatum decretum Zosimi, ad Cyrillum patrui Theophili successorem scripta, adversus Valerianum quendam, servilis conditionis hominem, Pelagianam hæresim Alexandrinæ ecclesiæ invehere molientem. "Quomodo nunc," inquit ille, "cum beatæ memoriae Innocentius Pelagium Celestiumque cum suis capitibus condemnans, cunctis eos abjicientibus orientalibus, Alexandrina ecclesia in communionem receperit; quæ sola et prima inter comprovinciales suos tales refutare debuerat? Sed ille est pestifer, de quo sanctitudini tuæ ante annum scripseram, signifer et confederatus eorum Valerianus ventriloquus; qui gulæ operam præbens, quicquid otiosum suæ adulationis invenerit, ibi sanctos ac fidelissimos nunciat. Sed non illum liberum putet tua beatitudo: servus est Ariminensis possessionis illustrissimi Valerii Comitis: quem, propter reverentiam tui amoris, repetendum a te, interim fieri siluinus."

Hoc autem anno vita functus est Innocentius, IV. Idus Martii, qui dies memoriae ejus in Bedæ martyrologio recte habetur assignatus. In libro quidem pontificali, V. Calendas Augusti sepultus fuisse dicitur: eodemque die in Romano, ut et in Usuardi ac Rabani martyrologio, ejus obitus est consignatus. Verum mense Martio post Innocentium Romanæ Ecclesiæ præfuisse hoc anno Zosimum, ex Paschasino Lilybetano et Prospero constare arbitror. Nam "tempore Zosimi, anno consulatus Honorii Augusti XI. et Constantii II. (id est, hoc ipso anno CCCCXVII.) cum declinaretur ne X. Calendarum Maiarum die pascha teneretur, celebratum fuisse VIII. die Calendarum Aprilis" in epistola<sup>a</sup> ad Leonem I. Romanum pontificem testatur Paschasinus: eundemque Zosimum "anno uno, mensibus novem, diebus novem," Romanæ Ecclesiæ episcopatum tenuisse, in chronicō author est Prosper: qui a fine se-

<sup>z</sup> Baron. ann. 417. sec. 15.

<sup>a</sup> Inter 63. et 64. Leonis epistol. edit. Paris. ann. 1618.

quentis anni, sive XXVI. die Decembris (in quo et Bedæ et Romanum martyrologium decessisse Zosimum consentit) retro numerati, ad XVIII. Martii hujus anni nos perducunt: qui dies integra hebdomada paschalem Dominicam a Paschasino indicatam antecedit, sex vero dierum spatio, quod sedis vacationi tribuendum, excessum Innocentii in Bedæ martyrologio annotatum subsequitur. Unde Baronii chronologia corrigenda, qui “post<sup>b</sup> Innocentii obitum, interlapsis diebus viginti duobus (ut ille appellat) interregni, Zosimum subrogatum esse die XIX. mensis Augusti; et sedisse<sup>c</sup> annum unum, menses quatuor, et dies septem,” statuit.

<sup>b</sup> Baron. ann. 417. sec. 17.

<sup>c</sup> Id. ann. 418. sec. 75.

## CAP. X.

Rerum contra Pelagium et Celestium, Zosimi et Bonifacii proximorum Innocentii successorum temporibus, gestarum historia. Quomodo Zosimus eorum causam primo vehementer egerit, nec minus vehementer postea condemnaverit. Africanorum contra eos episcoporum zelus, et frequentibus ad Zosimum missis literis, et anathematismis in duabus plenariis synodis adversus nefariam hæresim promulgatis, luculenter expressus. Quibus legibus et ipsis hæresiarchas et eorum sectatores Romani imperatores coercuerint; et quomodo funesta hæc Ecclesiæ pestis profligata tandem fuerit, atque in toto orbe condemnata.

MORTUO<sup>a</sup> Innocentio, contra<sup>b</sup> Pelagianos ad S. Paulinum Nolanum episcopum ab Augustino et Alypio missa est epistola<sup>c</sup>: in qua, commemoratis literis ab Africanis præsulibus ad Innocentium pridem scriptis, de responso illius et subsecuto successu adjiciuntur ista: “ Ad omnia nobis ille rescripsit eodem modo quo fas erat atque oportebat apostolicæ sedis antistitem. Quæ omnia modo legere poteris, si eorum forte ad te vel nulla vel non cuncta pervernerant: ubi videbis servata erga hominem moderatione quæ debuit, ne damnaretur si prava damnaret, ipsum tamen novellum et perniciosum errorem sic ecclesiastica auctoritate compressum, ut multum miremur esse adhuc quosdam qui per quemlibet errorem gratiæ Dei conentur obsistere; si tamen hæc gesta didicerunt.” Habenturque ibidem “ capitula<sup>d</sup> excerpta ex gestis habitis contra Pela-

<sup>a</sup> Ann. CCCCXVII.

<sup>b</sup> Augustin. de dono perseverant. cap. 21.

<sup>c</sup> Augustin. epist. 186. op. tom. 2. pag. 663.

<sup>d</sup> Edita ea sunt in Isidori Mercatoris collectione, inter epistolas Leonis P. num. 72. fol. 177. edit. Paris. ann. 1525. et ad calcem commentar. Gabr. Vazquez in primam secundæ Thomæ; ex codice Monasterii montis Cassini.

gium hæreticum, et alia de libellis ejus, quæ in Palæstina synodo sibi objecta damnare compulsus est :" cum procœmio etiam illo quod ab Africanis episcopis adjectum fuisse putavit Baronius<sup>e</sup>, et tanquam rarum aliquod monumentum ex Cresconiana collectione annalibus suis intexuit ; et epilogo, quem pro synodi Diospolitanæ canone per errorem annexus est vir doctissimus, qui sub Petri Aurelii nomine ad<sup>f</sup> octo causas respondit Jesuiticæ Spongiæ præambulas. Pleniorum vero rerum istarum descriptionem Augustinus, integra Diospolitanæ synodi acta jam nactus, singulari ad Aurelium tractatu edito explicavit. Liber ille, quem periisse existimaverat Baronius<sup>g</sup>, apud Fesulanos in bibliotheca canonicorum regularium abbatiæ S. Bartholomæi a Davide Rothæo Hiberno primum repertus<sup>h</sup>, indeque a Petro Lombardo item Hiberno extractus, Marci Velseri et Davidis Höeschelii opera Augustæ Vindelicorum in lucem postea est productus, atque etiam a Francisco Suarez ad finem sexti sui prolegomeni de gratia appositus. Is in Fesulano exemplari, de gestis Pelagii, in indiculo Possidii contra gesta Pelagii, in Prospero<sup>i</sup>, et ipso Augustino<sup>k</sup> multo rectius, de gestis Palæstinis est inscriptus. Nec ita multo post ab<sup>l</sup> eodem Augustino scripta est epistola centesima et octogesima septima ad Dardanum ; in qua, suam intentionem contra hæresim Pelagianam, non expresse nominataam, niam maxime vigilavisse profitetur.

Hoc interim spatio Celestius, ex Asia Romam profectus, coram novo pontifice (quem magis sibi benevolum exspectabat quam Innocentium expertus fuerat) sese stitit, ei- que purgationis suæ libellum obtulit : ubi cum<sup>m</sup> fidem

<sup>e</sup> Baron. ann. 415. sec. 21.

<sup>f</sup> Resp. ad caus. 4. pag. 445.

<sup>g</sup> Baron. ann. 415. sec. 20.

<sup>h</sup> Post mille centenos annos inventus ab illustri et docto viro Davide Rothæo Hiberno in bibliotheca Fesulana canonicorum regularium in Hetruria liber de gestis Pelagii contra adversarios gratiae, ab eodemque extractus per illustriss. D. Petrum Lombardum archiepiscopum Armachianum totius Hiberniae primatum : ut notat in præfatione ad lectorem Francisci Assisiatis opusculis a se editis præfixa, Lucas Waddingus Hibernus.

<sup>i</sup> Prosper. contra Collator. cap. 42. <sup>k</sup> Augustin. de peccat. Original. cap. 14.

<sup>l</sup> Id. Retractat. lib. 2. cap. 47, 49. <sup>m</sup> Id. de peccat. Original. cap. 23.

suam a trinitate unius deitatis usque ad resurrectionem qualis futura est mortuorum, de quibus eum nullus interrogaverat, et unde ibi nulla quæstio movebatur, quantum dicere libuit explicasset; ubi ad id quod agebatur ejus sermo pervenit, "Si quæ vero," inquit, "præter fidem quæstiones natæ sunt, de quibus esset inter plerosque contentio: non ego quasi author alicujus dogmatis definita hoc authoritate statui, sed ea quæ de prophetarum et apostolorum fonte suscepi, vestri apostolatus offerimus probanda esse judicio; ut si forte ut hominibus quispiam ignorantiæ error obrepserit, vestra sententia corrigatur." Deinde hoc quasi gradu quodam atque aditu ad cætera jacto; de paedobaptismo verba faciens, licet parvulos<sup>n</sup> in remissionem peccatorum baptizari debere agnosceret, ullum tamen originale habere peccatum ore impudentissimo pernegavit: "Infantes autem," inquit<sup>o</sup>, "debere baptizari in remissionem peccatorum, secundum regulam universalis Ecclesiæ et secundum Evangelii sententiam, confitemur: quia Dominus statuit regnum cœlorum non nisi baptizatis posse conferri; quod quia vires naturæ non habent, conferre necesse est per gratiæ libertatem. In remissionem autem peccatorum baptizandos infantes, non idecirco diximus, ut peccatum ex traduce firmare videamus, quod longe a Catholico sensu alienum est: quia peccatum non cum homine nascitur, quod postmodum exercetur ab homine; quia non naturæ delictum, sed voluntatis esse demonstratur. Et illud ergo confiteri congruum, ne diversa baptismatis genera facere videamus, et hoc præmuovere necessarium est, ne per mysterii occasionem ad Creatoris injuriam malum, antequam fiat ab homine, tradi dicatur homini per naturam."

Hinc ad ecclesiasticum judicium Romæ in S. Clementis basilica vocatus, crebra<sup>p</sup> interlocutione a Zosimo interrogatus est; utrum Innocentii papæ literis, quibus nuperime ille episcoporum literis respondit Afrorum, consen-

<sup>n</sup> Augustin. de gratia Christi, cap. 33.

<sup>o</sup> Apud eund. de peccat. Original. cap. 5, et 6.

<sup>p</sup> Ibid. cap. 7. et lib. 2. ad Bonifac. cap. 3, 4.

tiret, et quæ in Paulini diaconi libello, in Carthaginiensi examine ante quinquennium habito, objecta illi fuerant condemnaret. At ille noluit quidem diaconi objecta damnare, sed Innocentii literis non est ausus obsistere; imo se omnia, quæ sedes illa damnaret, damnaturum esse promisit: “*Damnas<sup>q</sup> ergo illa omnia,*” inquit ad eum Zosimus, “*quæ in libello Paulini continentur?*” et cum Paulinum ille diceret posse, ex his quæ illi objecta sunt, hæreticū approbari; pressit ulterius: “*Nolo nos circuitu ducas. Damnas ea omnia quæ tibi objecta a Paulino, sive per famam jactata sunt?*” Et in alio loco: “*Cognovisti quales literas dederit sedes apostolica ad fratres et coepiscopos Africanæ provinciæ?*” Et adjectum: “*Damnas illa omnia quæ damnavimus; et tenes quæ tenemus?*” Et iterum; “*Illa omnia damnas quæ jactata sunt de nomine tuo?*” Ipse<sup>r</sup> respondit; “*Damno, secundum sententiam beatæ memoriae præcessoris tui Innocentii.*”

Superest de his gestis epistola Zosimi<sup>s</sup>, ad Aurelium Carthaginiensium episcopum et universos Africæ episcopos hoc anno, Honorio Augusto XI. et Flavio Constantio consulibus conscripta: equa, quæ ad historiæ illustrationem faciunt, ista excerptsimus: “*Celestius presbyter nostro se ingessit examini, expetens ea, quæ de se apostolicæ sedi aliter quam oportuit essent inculcata, purgari.*” Et licet multæ occupationes majoribus vinculis ecclesiasticorum negotiorum curam nostram solitudinemque distraherent: tamen ne paternitatis vestræ de adventu ac discussione prædicti diutius penderet expectatio, posthabit is omnibus, die cognitionis resedimus in sancti Clementis basilica. Omnia igitur quæ prius fuerant acta discussimus, sicut gestorum huic epistolæ cohærentium instructione disceatis. Intromisso Celestio, libellum ejus, quem dederat, fecimus recitari. Nec hoc contenti: utrum hæc quæ scripsisset, corde loqueretur, an labiis, sæpen numero exploravimus: cum de occultis animorum solius Dei nostri possit esse

<sup>q</sup> Paulin. diacon. in literis ad Zosimum, apud Baron. ann. 418. sec. 13.

<sup>r</sup> Augustin. ad Bonif. lib. 2. cap. 4.

<sup>s</sup> Zosim. ep. 3. tom. 1. concil. pag. 606.

judicium; cui non tantum cogitata, sed cogitanda jam præsto sunt. Quid voces ejus contineant, compendiosius duximus ad sanctitatem vestram legenda cognosci. Unum sane movet nos, ut cum in præsenti ibi Celestium habueritis, nihil liquido judicatum sit. Ad literas Erotis et Lazari priori relatione destinata, equidem hoc fervore fidei præfestinatum esse, promptissimum est. Sed cum de his interroga-  
retur, asseruit nullum sibi de talibus contentionibus unquam cum antedictis fuisse sermonem, nec ante sibi quam de se scriberent, visu fuisse comperto: Lazarum sane in transitu cognitum; Erotem vero etiam satisfactione interposita, quod secus de ignoto et absente sensisset, cum gratia recessisse. Unde in præsenti causa nihil præcox immaturumque censuimus, sed innotescere sanctitati vestræ super absoluta Celestii fide nostrum examen; cui etiam prior libellus ab eo intra Africam testimonio apud nos esse debuisse, ne inexploratis, famaque jactantibus tam facile crederetur. Quare intra secundum mensem aut veniant qui præsentem redarguant aliter sentire, quam libellis et confessione contexuit; aut nihil (post hæc tam aperta et manifesta quæ protulit) dubii sanctitas vestra resedisse cognoscat."

Errorem, a Zosimo in causa Celestii tractanda hic commissum, qua arte potuit, obducere conatus est Augustinus: " Multum misericors antistes," inquit<sup>t</sup>, " ubi eum vidit ferri tanta præsumptione præcipitem; tanquam furientem, donec, si posset fieri, resipisceret, maluit eum sensim suis interrogationibus et illius responsionibus colligare, quam districta feriendo sententia in illud abruptum, quo jam propendere videbatur, impellere." " Atque<sup>u</sup> ita velut phreneticus, ut requiesceret, tanquam leniter fatus; a vinculis tamen excommunicationis nondum est creditus esse solvendus: sed interposito duorum mensium tempore, donec rescriberetur ex Africa, resipiscendi ei locus sub quadam medicinali sententiæ lenitate concessus est." De libello vero illius Romæ<sup>w</sup> tum edito et gestis ibi ecclesi-

<sup>t</sup> Augustin. de peccat. Original. cap. 6.

<sup>u</sup> Ibid. cap. 7.

<sup>w</sup> Ibid. cap. 5, 6.

asticis allegato, in quo sine illo vitio peccati originalis hominem nasci apertissime ascrit, ita judicium pontificis defendi potuisse putavit acutissimus pater: “ Cum<sup>x</sup> hoc Celestius in suo libello posuisset, inter illa duntaxat, de quibus se adhuc dubitare et instrui velle confessus est; in homine acerrimi ingenii, qui profecto si corrigeretur plurimis profuisset, voluntas emendationis, non falsitas dogmatis approbata est. Et propterea libellus ejus Catholicus dictus est; quia et hoc Catholicæ mentis est, si qua forte aliter sapit quam veritas exigit, non ea certissime definire, sed detecta ac demonstrata respuere.” Verum sudare hic magnum antistitem, quo strumam Zosimi θιβάφω vestiat et occultet, jampridem a doctissimo Vossio<sup>y</sup> est ostensum. Favisse enim revera illum non Celestio solum sed ipsi etiam Pelagio, ut hominibus Catholicis, et qui nunquam a vera fide descivissent; ex proximis ad Africanos literis ita clare elucet, ut in dubium res vocari omnino non possit.

Mox enim post missas illas ad Africanos priores, Zosimo sunt traditæ Praylii Hierosolymitani episcopi literæ: una cum Pelagii epistola apologetica et libello fidei: quæ Innocentio<sup>z</sup> papæ directa fuerant, quem illi defunctum esse nesciebant. In ista epistola dixit Pelagius esse, de quibus eum homines infamare conantur; “ Unum, quod neget parvulis baptismi sacramentum, et absque redemptione Christi aliquibus regna cœlorum promittat: Aliud, quod ita dicat posse hominem vitare peccatum, ut Dei excludat auxilium, et in tantum libero confidat arbitrio, ut gratiæ repudiet adjutorium.” De priore respondit; “ nunquam<sup>a</sup> sc vel impium aliquem hæreticum audisse, qui hoc de parvulis diceret. Quis enim ita evangelicæ lectionis ignarus est, qui hoc non modo affirmare concetur, sed qui vel leviter dicere, aut etiam sentire possit? Deinde quis tam impius, qui parvulos exortes regni cœlorum esse velit, dum eos baptizari et in Christo renasci putat? et in perpetuam

<sup>x</sup> Augustin. ad Bonifac. lib. 2. cap. 3.

<sup>y</sup> Voss. hist. Pelagian. lib. 1. cap. 28.

<sup>z</sup> Augustin. de gratia Christi, cap. 30. et de peccat. Origin. cap. 17.

<sup>a</sup> Ibid. de peccat. Original. cap. 18. 19. 20.

certamque vitam renasci vetet eum, qui natus sit ad incertam?"

De posteriore, post<sup>b</sup> invidiosas de suis inimicis querelas, ita locutus est: "Ecce ad beatitudinem tuam epistola ista me purget; in qua pure atque simpliciter ad peccandum et ad non peccandum integrum liberum arbitrium habere nos dicimus, quod in omnibus bonis operibus divino semper adjuvatur auxilio. Quam liberi arbitrii potestatem dicimus in omnibus esse generaliter; in Christianis, Judæis atque Gentilibus. In omnibus est liberum arbitrium æqualiter per naturam; sed in solis Christianis juvatur a gratia. In illis nudum et inerme est conditionis bonum: in his vero qui ad Christum pertinent, Christi munitur auxilio. Illi ideo judicandi atque damnandi sunt, quia cum habeant liberum arbitrium, per quod ad fidem venire possent, et Dei gratiam promereri, male utuntur libertate concessa: hi vero remunerandi sunt, qui bene libero utentes arbitrio merentur Domini gratiam, et ejus mandata custodiunt." Tum adjutorii gratiae a se asserti testes libros<sup>c</sup> suos producit; atque in iis epistolam "ad sanctum Constantium episcopum; ubi breviter quidem, sed plane, libero hominis arbitrio Dei gratiam auxiliumque conjunxisse" se affirmat. Extat vero adhuc integer libellus<sup>d</sup> fidei Pelagii ad Innocentium cum epistola transmissus: Catholicæ professionis fuco ita obductus, ut nomine et Augustini<sup>e</sup>, qui dolos illius ipse<sup>f</sup> detexit, et Hieronymi<sup>g</sup>, quem, tacito nomine, libellus<sup>h</sup> iste ut blasphemum execratur, superioribus seculis passim venditatus fuerit.

Ista Pelagii scripta ad Aurelium et reliquos Africæ epis-  
copos mittenda curavit Zosimus, una cum literis<sup>i</sup> suis, datis  
XI. Kalendas Octobris: quarum hoc initium: "Post-

<sup>b</sup> August. de gratia Christi, cap. 31. <sup>c</sup> Ibid. cap. 34, 36.

<sup>d</sup> Tom. 1. concil. pag. 606. edit. Colon. ann. 1606.

<sup>e</sup> Inter op. Augustin. serm. 236. app. tom. 5. pag. 388.

<sup>f</sup> Augustin. de gratia Christi, cap. 22, 23.

<sup>g</sup> Symboli explanatio ad Damasum; op. Hieronym. tom. 5. pag. 122. Item in Caroli M. Capitular. de imaginib. lib. 3. cap. 1.

<sup>h</sup> Vide nostram Pelagianæ historiæ continuation. in fin. cap. 1. op. tom. 4. pag. 12.

<sup>i</sup> Zosim. epist. 4. tom. 1. concil. pag. 607.

quam a nobis Celestius presbyter auditus est, et quid de fide sentiret evidenter expressit; eadem quoque quæ in libello contulerat, repetitis crebro professionibus, roboravit: de ejus nomine plenius ad dilectionem vestram scripta direximus. Ecce epistolam Hierosolymitani epis copi Praylii, qui in locum quondam sancti Johannis epis copus est ordinatus, accepimus; qui causæ Pelagii enixius adstipulator intervenit. Literas quoque suas idem Pelagius purgationem continentes, abundantissime misit: quibus et professionis suæ fidem, quid sequeretur, quidve daunmaret, sine aliquo fuco, ut cessarent totius interpretationis insidiæ, cumulavit. Harum recitatio publica fuit: omnia quidem paria, et eodem sensu sententiusque formata, quæ Celestius ante protulerat, continebant. Utinam ullus vestrum, dilectissimi fratres, recitationi literarum interesse potuisset. Quod sanctorum virorum, qui aderant, gaudium fuit? Quæ admiratio singulorum? Vix fletu quidam se et lachrymis temperabant. Tales etiam absolutæ fidei infamari potuisse? Estne ullus locus, in quo Dei gratia vel adjutorium prætermissum sit?"

Deinde in Erotem et Lazarum, Pelagii accusatores, acerbius et vehementius invectus: "Mirum est," inquit, "si isti laicum<sup>k</sup> virum, ad bonam frugem longa erga Deum servitute nitentem, falsis literis percellere noluerunt; qui in fratres et coepiscopos tanta machinati sunt, qui tot tempestates Ecclesiæ reddiderunt. Non decet episcopalem auctoritatem, et præcipue prudentiam vestram, ad levium susurronum scripta pendere. Ecce Pelagius Celestiusque apostolicae sedi in literis suis et confessionibus suis præsto sunt. Ubi Eros? ubi Lazarus? erubescenda factis et damnationibus nomina? Ubi illi adolescentes Timasius et Jacobus?" Tandemque totam epistolam hoc claudit epilogo: "Si Deo nostro cordifuit, propter oves perditas, Verbum carnem fieri, et ex Domino formam servientis induere, ut diu interceptam redderet libertatem: sit vobis gaudium, eos, quos falsi judices<sup>l</sup> criminabuntur, agnoscere a nostro corpore et

<sup>k</sup> Pelagium. Vid. supr. cap. 8. pag. 256.

<sup>l</sup> Indices. Eros. sc. et Lazarus; Voss.

Catholica veritate numquam fuisse divulgos. Certe hoc quod nostra expectatio desiderabat, eluxit; ut damnanda damnarent, et sequenda sequerentur. Si<sup>m</sup> paterfamilias reditu filii gratulabatur, qui mortuus fuerat et revixit, perierat et inventus est; et jubet in usum ejus stolam mundam, hoc est, insigne candidæ mentis, afferri et vitulum saginatum: quantum hæc uberior exultatio est fidei, non mortuos esse nec periisse de quibus falsa vulgata sunt? Misimus igitur ad dilectionem vestram exemplaria scripturarum, quas Pelagius misit: quarum lectionem non ambigimus parem vobis in Domino de absoluta ejus fide esse lætitiam."

In quibus literis observare liceat "Zosimum", contra S. Innocentii decessoris sui sententiam fidem ipsius Pelagi ejusque complicis Celestii (quem in ecclesia Carthaginiensi convictum, atque appellantem apostolicam sedem, et ipse gestis discusserat) tanquam veram et Catholicam laudantem; insuper etiam Africanos culpantem episcopos, quod ab illis hæretici crederentur: cum, neandum ipsi Africanis episcopis dolos eorum multo manifestius detegentibus, memoratos Pelagium et Celestium putaret orthodoxos:" quemadmodum his ipsis verbis a Facundo Hermianensi episcopo est notatum: qui in hoc tamen eum excusandum putavit; " quoniam non debet criminis deputari simpli- cium, non intellecta versutia malignorum." Neque istos solum, sed etiam Julianum, tertium illius sectæ antesignanum, in Romani Pontificis gratiam se insinuare conatum fuisse, duæ illæ epistolæ fidem fecerint, quas se ad<sup>o</sup> Zosimum super his quæstionibus destinavisse, libro primo posterioris adversus Augustinum responsionis testatur ipse.

Ex<sup>p</sup> tot et tantis in Celestii causa inter Zosimum et Afros episcopos currentibus et recurrentibus scriptis ecclesiasticis, Africanorum patrum nihil fere adhuc superest. " Ex<sup>q</sup> Africano episcoporum concilio rescripta illa directa

<sup>m</sup> Luc. cap. 15. ver. 22, 23, 24.

<sup>n</sup> Facund. lib. 7. cap. 3.

<sup>o</sup> Apud Augustin. imperfecti adversus Julianum operis, lib. 1. cap. 17.

<sup>p</sup> Augustin. ad Bonifac. lib. 2. cap. 3.

<sup>q</sup> Id. de peccat. Original. cap. 7.

fuisse," docet Augustinus. Carthaginem vero in autumno huius anni, convenisse patres illos ex Zosimi rescripto colligo; quod post solutam synodum, Aurelio ac cæteris qui in concilio Carthaginensi affuerunt, sequentis veris initio est transmissum. Ex eo, non unas literas a concilio illo ad Zosimum scriptas fuisse apparet: et postremarum latorem fuisse Carthaginensis ecclesiæ subdiaconum Marcellinum; per quem et Paulinus, ejusdem ecclesiæ diaconus, Romam ad prosequendam adversus Celestium accusationem accersitus, libellum suum Zosino direxisse se dicit, datum sexto Idus Novembris. In eo libello, quæ ad hanc causam potissimum faciunt, ista sunt:

"Ego<sup>r</sup> Deo et Christo Domino gratias ago, qui Ecclesiæ suæ causam ita agi voluit, ut sedes apostolica, a qua oportuit ore duorum pontificum hæresim condemnari, ea damnanda præcepit, quæ a me Celestio fuerant objecta; cuius ego non damnationem, sed correctionem semper optavi et opto: cui nunc jam non mecum, sed cum universa Dei Ecclesia causa est, sicut data ad beatitudinem tuam scripta testantur. Unde oro beatum apostolatum tuum, ut hunc meum libellum suscipi jubeas, quo gratias referam tantæ sedi, et sententiis justissimis pro parte mea latis: quem idecirco direxi, quia me licet sermone Basiliscus subdiaconus a tua beatitudine cum gestis sedis apostolicæ directis, Carthagine convenit quarto Nonas Novembris die, ut adessem ad apostolicam sedem, et tuae judicio sanctitatis: ad quam me fugisse, suggestum est, nec defuturum fore, promittere, si adversum me et non pro me fuisset lata sententia. Ubi tunc igitur nihil agere potui, quia is qui ad sedem apostolicam provocaverat, defuit, quem oportuerat utique merita suæ appellationis adstruere; maxime cum nihil agente appellatore, secundum etiam humanas leges, superior est semper ille qui vicit. Quid enim jam mea intererat, ut etiam apud vestram reverentiam pravæ ejus doctrinæ adstipulator existeret, de quo

congaudere possem, si damnatis his quæ illi a me objecta fuerant, sic ea per apostolicæ sedis judicium roborari, meruiisset absolvī, nec prius se ordinari quam purgari pateretur? Sed vulpecula fraudibus fuit semper studens, ingenium suum mutare nescit. Non se credidit posse deprehendi; quoniam confidentiam semper in foveis habuit, in quibus demersum caput conscientiæ suæ nititur occultare. Quod jam diutius latere non potuit; sed manifestius publicatum, spirituali per tuam beatitudinem gladio resecatur, ne amplius ferinis dentibus grex Domini secetur in partes, quam pastor bonus sollicita et pervigili cautela custodis."

Sequitur<sup>s</sup> jam Pelagianæ hæresi funestus ille annus, Honori<sup>i</sup> XII. et Theodosii VIII. consulatu signatus: ad quem in chronico suo Prosper: "Hoc tempore Constantius<sup>t</sup> servus Christi ex vicario Romæ habitans, et pro gratia Dei devotissime Pelagianis resistens, factione eorundem multa pertulit, quæ illum sanctis confessoribus sociaverunt. Concilio apud Carthaginem<sup>u</sup> habito CCXIV. episcoporum, ad papam Zosimum synodi decreta perlata sunt: quibus probatis per totum mundum hæresis Pelagiana damnata est." Sed ante proscriptam in plenario hoc Africæ concilio Pelagianam hæresim, ad episcopos qui superiori autumno in provinciali concilio Carthaginensi adfuerunt, de Celestii causa a Zosimi<sup>w</sup> scripta est epistola: in cuius parte posteriore, percepto jam errore factus moderatior, multo quam ante placidius eos sic est allocutus:

"Pariter vobiscum voluimus habere tractatum de illo qui apud vos, sicut ipsi per literas dicitis, fuerit accusatus, et ad nostram (qui se assereret innocentem, non refugiens judicium ex appellatione pristina) venerit sedem, accusatores suos ultro deposcens, et quæ in se crimina per rumorem falso dicebat illata condemnans: omnem ejus petitionem prioribus literis, quas vobis misimus, putavimus ac

<sup>s</sup> Ann. CCCCXVIII.

<sup>t</sup> Martyrolog. Roman. die 30. Novembr.

<sup>u</sup> Vid. Augustin. Psalm. 47.

<sup>w</sup> Zosim. ep. 10. tom. 1. concil. pag. 611.

novimus explicatam; satisque illis scriptis, quæ ad illa rescripseratis, credimus esse responsum. Sed post missæ per Marcellinum subdiaconum vestrum epistolæ omne volumen volvimus: quo aliquando perfecto, ita totum literarum comprehendistis textum; quasi nos Celestio commodaverinus in omnibus fidei, verbisque ejus non discussis, ad omnem (ut ita dicam) syllabam præbuerimus assensum. Nunquam temere, quæ sunt diu tractanda, simuntur; nec sine magna deliberatione statuendum est, quod summo debet disceptari judicio. Idcirco noverit vestra fraternitas, nihil nos post illas quas superius vel literas vestras accepimus, immutasse, sed in eodem cuncta reliquisse statu, in quo dudum fuerant, cum hoc nostris literis vestræ indicavimus sanctitati, ut illa quæ a vobis ad nos missa erat obtestatio, remaneret."

Datae quidem notantur hæ literæ XII. Calendas Aprilis sed acceptæ III. Calendas Maii Honorio Augusto XII. consule. Interea vero patres Carthaginienses, qui ex omnibus Africæ provinciis convenerant, minime hic cunctandum rati, adversus Pelagium et Celestium constitutiones ediderunt: quibus et synodalem ad Zosimum<sup>x</sup> præfixerunt epistolam, in qua contra hæresiarchas liberam hanc et claram protulerunt sententiam: "Constituimus in Pelagium atque Celestium per venerabilem episcopum Innocentium de beatissimi apostoli Petri sede prolatam manere sententiam: donec apertissima confessione fatantur, gratia Dei per Jesum Christum Dominum nostrum non solum ad cognoscendam, verum etiam ad faciendam justitiam nos per actus singulos adjuvari; ita ut sine illa nihil verae sanctæque pietatis habere, cogitare, dicere, agere valeamus." Atque hujusmodi fuit, non ab ipso quidem Zosimo (ut μημονικῷ ἀμαρτήματι a Baronio<sup>y</sup> aliquibi citatam invenimus) sed ad Zosimum edita "ducentorum quatuordecim sacerdotum constitutio contra initios gratiæ Dei; quam, ut<sup>z</sup> Prosper ait, totus mundus amplexus est."

<sup>x</sup> Prosper. contra Collator. cap. 10.

<sup>z</sup> Prosp. respon. ad capit. 8. Gallorum.

<sup>y</sup> Baron. ann. 416. sec. 14.

Speciatim vero de Celestio<sup>a</sup> rescripserunt Africani antistites; “ non sufficere hominibus tardioribus et solicitioribus, quod se generaliter Innocentii episcopi literis consentire fatebatur, sed aperte eum debere anathematizare quæ in suo libello prava posuerat: ne, si id non fecisset, multi parum intelligentes, magis in libello ejus illa fidei venena a sede apostolica crederent approbata, propterea quod ab illa dictum erat, eum libellum esse Catholicum; quam emendata, propter illud quod se papæ Innocentii literis consentire ipse responderat.” Quæ Romam literæ postquam venerunt, “ cum ejus præsentia posceretur, ut certis ac dilucidis responcionibus vel astutia hominis vel correctio dilucesceret, et nulli ambigua remaneret; se subtraxit et negavit examini, ne<sup>b</sup> secundum Africana rescripta ipsa omnino verba commemorare et anathematizare, quæ in libello suo posuit, cogeretur.”

Acceptis Carthaginiensis synodi gestis (ut ex vetustissimo Thuanæ bibliothecæ codice ostendit doctissimus Salmasius<sup>c</sup>) ab Honorio et Theodosio Augustis contra Pelagium et Celestium lex est edita: quam cum edicto suo (ut moris erat) tres præfecti prætorio per singulas præfeturarum suarum diœceses promulgarunt. Eorum primus Junius Quartus Palladius, Italæ præfectorus, ante biennium, secundus Monaxius, præfectoris orientis, anno sequente, tertius Agricola, Galliarum præfectorus, anno post eum altero, consulatum gessit ordinarium. Lex ista a Magdeburgensibus<sup>d</sup> historicis in lucem primum est producta: quam, ex Atrebatis<sup>e</sup> et alterius illius e Thuana bibliotheca exemplaris collatione paulo emendatiorem redditam, hoc etiam in loco conspiciendam exhibemus.

<sup>a</sup> Augustin. ad Bonifac. lib. 2. cap. 3.

<sup>b</sup> Ibid. cap. 4.

<sup>c</sup> Salmas. Eucharist. de ecclesiis suburbicar. pag. 288.

<sup>d</sup> Cent. 5. cap. 9. col. 847, 848.

<sup>e</sup> Baron. ann. 418. sec. 19, 20.

## SACRUM RESRIPTUM, ACCEPTIS SYNODI GESTIS DATUM.

Imperatores Honorius et Theodosius Augusti, Palladio præfecto prætorii.

“ AD conturbandam Catholicæ simplicitatis lucem, puro semper splendore radiante, dolosæ artis ingenio novam subito emicuisse versutiam pervulgata opinione cognovimus: quæ fallacis scientiæ obumbrata mendaciis, et furioso tantum debacchata luctamine, stabilem quietem cœlestis conatur attractare fidei; dum novi acuminis commendata vento, insignem notam plebeiæ æstimat vilitatis, sentire cum cunctis, ac prudentiæ singularis palmam fore, communiter approbata destruere. Cujus impiæ commen-tationis authores Pelagium Celestiumque percrebuit extitisse. Hi parenti cunctarum rerum Deo, præcipuæque semper majestatis, interminatione potenti omne ultra principium transeunti, tam trucem inclem tam sævæ voluntatis assignant, ut cum formandi mundi opificem curam sumeret, qualitatemque hominis struendi profunda spiritus conceptione libraret, fundati muneris finem anteferret exordio, et mortem præmitteret nascituro; non hanc insidiis vetiti fluxisse peccati, sed egisse penitus legem immutabilis constituti: ad declinandum leti exitialis incursum nihil prodesse abstinentiam delinquendi, cuius ita vis putaretur adstricta, ut non possit aboleri deinceps. Primitivi hominis errorem, in quem captæ mentis inops rationis cæcitas irruisset, delapsum ad posteros non fuisse; tantumque apud eum, quem malesuadæ gratiæ infelix rapuisset illecebra, transgressionem interdicti extitisse discri-minis: cum evidens Catholicæ legis omnifaria testetur authoritas, illum interitus omnium fuisse vestibulum, quem divinæ præceptionis sedulum liqueat corrupisse mandatum. Aliaque quamplurima, quæ sermo respuit, lex refutat; quæ perexosum sit recordari, etiam sub disposi-tione plectendi: quæ maturato remedio et celeritate fes-tina oportet intercipi; ne corroborato usu nequitiæ ado-lescentes vix valeant coerceri. Siquidem aures mansue-

tudinis nostræ recens fama perstrinxerit, intra sacratissimam urbem nostram aliaque loca, ita pestiferum virus quorundam inolevisse pectoribus, ut interrupto directæ credulitatis tramite, scisis in partes studiis asserendi, materia impacatae dissensionis inducta sit; novoque scandali fomite concitato, beatissimæ Ecclesiæ acta nutet et attentata tranquillitas (aliis id, aliis aliud ancipiti interpretatione sectantibus) et absoluta sanctorum apicum claritas, ac dilucide quod sequi universitas debeat explanans, (pro captu versipellis ingenii profanam novorum authorum motentibus quæstionem) Palladi parens carissime atque amantissime."

" Ob quam rem illustris authoritas tua, victura in omne ævum lege, nos statuisse cognoscat, ut pulsis ex urbe primitus capitibus dogmatis execrandi, Celestio atque Pelagio, si qui hujus de cætero sacrilegii sectatores quibuscunque locis potuerint reperiri, aut de pravitate damnata aliquem rursus proferre sermonem: a quocunque cor-  
repti, ad competentem judicem pertrahantur; quos, sive clericus sive laicus fuerit, deferendi habeat potestatem, et sine præscriptione aliqua perurgendi, quos relicta communis scientiæ luce novæ disputationis tenebras introferre deprehenderit; contra apostolicam scilicet disciplinam evangelicamque claram et sine errore sententiam, vafra rudis sectæ calliditate pugnantes, involentesque splendentem fidem veri ambagibus disserendo. Hos ergo repertos ubicunque de hoc tam nefando scelere conferentes, a quibuscumque jubenus corripi, deductosque ad audi-  
entiam publicam, promiscue ab omnibus accensari; ita ut probationem convicti criminis stylus publicus insequatur, ipsis inexorati exilii deportatione damnatis. Decet enim originem vitii a conventu publico sequestrari; nec in communi eos celebritate consistere, qui non solum facto nefario detestandi, verum etiam exemplo venenati spiritus sunt cavendi. Juvat autem per ommem pene mundum, qua imperium nostrum extenditur, hujusmodi promulgata diffundi: ne scientiæ fortasse dissimulatio pastum præstet errori; atque impune se quisque putet audere, quod condemnatum vigore publico sese finxerit ignorare. Datum

pridie Calendas Maias, Ravennæ, DD. NN. Honorio XII. et Theodosio VIII. Augustis consulibus."

EXEMPLAR<sup>d</sup> EDICTI PROPOSITI A PALLADIO PRÆFECTO  
PRÆTORIO.

Junius Quartus<sup>e</sup> Palladius, Monaxius et Agricola, iterum præfeti prætorio, edixerunt:

" IN Pelagium atque Celestium, Catholici dogmatis fidem scævis tractatibus destruentes, sententia principalis invalluit, ut venerabili urbe submoti bonorum concilio muletarentur. Hoc igitur omnes admoneri oportet edicto, ne quis sinistræ persuasionis erroribus credulum præstet assensum. Et si sit ille plebeius, ac clericus, qui in caliginis hujus obscoena reciderit; a quocunque tractus ad judicem, sine accusatricis discretione personæ, facultatum publicatione nudatus, irrevocabile patietur exilium. Nam superna majestas, ut colligit ex secreti ignoratione reverentiam, ita ex inepta disputatione injuriam."

Proximo post datam imperatoriam sanctionem die, ejus adhuc inscii CCXIV. illi patres, qui ex omnibus Africæ provinciis Carthaginem convenerunt, octo anathematismis Pelagii et Celestii hæresim perculerunt: quorum primi duo peccatum originale spectant, tres intermedii necessitatem gratiæ, postremi totidem justitiæ inhærentis imperfectionem. Eos quoque, licet notos atque apud omnes pervulgatos, velut trophæum de Pelagiana perfidia constitutum, lectorum oculis visum est subjicere.

CONCILII CONTRA HÆRESIM PELAGII ET CELESTII.

" Gloriosissimis imperatoribus Honorio XII. et Theodosio VIII. consulibus, Calendis Maiis, Carthagine in secre-

<sup>d</sup> Magdeburgens. centur. 5. col. 849. Salmas. Eucharist. de eccles. suburbicar. pag. 291, 292. Baron. ann. 420. sec. 4. loco non suo.

<sup>e</sup> Quarto legit Salmasius, de primatu papæ, cap. 5. pag. 68.

tario basilicæ Fausti, cùm Aurelius episcopus in universalis concilio consedisset, adstantibus diaconis: placuit omnibus episcopis, quorum nomina et subscriptiones inditæ sunt, in sancta synodo Carthaginiensis ecclesiæ constitutis;

I. Ut quicunque dixerit, Adam primum hominem mortalem factum, ita ut sive peccaret sive non peccaret moreretur in corpore (hoc est, de corpore exiret, non peccati merito sed necessitate naturæ) anathema sit.

II. Item placuit, ut quicunque parvulos recentes ab uteris matrum baptizandos negat, aut dicit in remissionem quidem peccatorum eos baptizari, sed nihil ex Adam trahere originalis peccati quod lavacro regenerationis expietur (unde sit consequens, ut in eis forma baptismatis in remissionem peccatorum non vera, sed falsa intelligatur) anathema sit. Quoniam non aliter intelligendum est, quod ait apostolus; *Per unum hominem peccatum intravit in mundum, et per peccatum mors, et ita in omnes homines pertransiit, in quo omnes peccaverunt*: nisi quemadmodum Ecclesia Catholica ubique diffusa semper intellexit. Propter hanc enim regulam fidei etiam parvuli, qui nihil peccatorum in semetipsis adhuc committere potuerunt, ideo in peccatorum remissionem veraciter baptizantur; ut in eis regeneratione mundetur, quod generatione traxerunt.

III. Item placuit, ut quicunque dixerit gratiam Dei, qua justificamur per Jesum Christum Dominum nostrum, ad solam remissionem peccatorum valere quæ jam commissa sunt, non etiam ad adjutorium ut non committantur; anathema sit.

IV. Item quisquis dixerit, eandem gratiam Dei per Jesum Christum Dominum nostrum, propter hoc tantum nos adjuvare ad non peccandum, quia per ipsam nobis revelatur et aperitur intelligentia mandatorum, ut sciamus quid appetere et quid vitare debeamus, non autem per illam nobis præstari, ut quod faciendum cognoverimus, etiam facere diligamus atque valeamus; anathema sit. Cum enim dicat apostolus; *Scientia inflat, charitas vero edificat*: valde impium est, ut credamus ad eam quæ

<sup>f</sup> Rom. cap. 5. ver. 12.

<sup>g</sup> 1 Cor. cap. 8. ver. 1.

inflat nos habere gratiam Christi, et ad eam quæ ædificat non habere: cum sit utrumque donum Dei, et scire quid facere debeamus, et diligere ut faciamus; ut ædificante charitate scientia non possit inflare. Sicut autem de Deo scriptum est; *Qui<sup>h</sup> docet hominem scientiam*: ita etiam scriptum est; *Charitas<sup>i</sup> ex Deo est*.

V. Item placuit, ut quicunque dixerit ideo nobis gratiam justificationis dari, ut quod facere per liberum jubeamur arbitrium, facilius possimus implere per gratiam; tanquam etsi gratia non daretur, non quidem facile, sed tamen possimus etiam sine illa implere divina mandata; anathema sit. De fructibus enim mandatorum Dominus loquebatur: ubi non ait, *Sine me difficilius potestis facere*; sed ait, *Sine<sup>k</sup> me nihil potestis facere*.

VI. Item placuit, quod ait sanctus Johannes apostolus, *Si<sup>l</sup> dixerimus quia peccatum non habemus, nos ipsos seducimus, et veritas in nobis non est*; quisquis sic accipiendum putaverit, ut dicat, propter humilitatem non<sup>m</sup> oportere dici nos non habere peccatum, non quia vere ita est; anathema sit. Sequitur enim apostolus, et adjungit: *Si<sup>n</sup> autem confessi fuerimus peccata nostra, fidelis est et justus, qui remittat nobis peccata, et mundet nos ab omni iniquitate*. Ubi satis appareat, hoc non tantum humiliter, sed etiam veraciter dici. Poterat enim apostolus dicere; Si dixerimus, quia non habemus peccatum, nos ipsos extollimus et humilitas in nobis non est: sed cum ait, *Nos ipsos decipimus, et veritas in nobis non est*; satis ostendit, eum, qui dixerit se non habere peccatum, non verum loqui, sed falsum.

VII. Item placuit, ut quicunque dixerit in oratione Dominica ideo dicere sanctos, *Dimitte<sup>o</sup> nobis debita nostra*, ut non pro seipsis hoc dicant, quia non est eis jam necessaria ista petitio, sed pro aliis qui sunt in suo populo peccatores; et ideo non dicere unumquemque sanctorum, *Dimitte mihi debita mea*, sed *Dimitte nobis debita nostra*,

<sup>h</sup> Psal. 94. (al. 93.) ver. 10.

<sup>l</sup> 1 Johan. cap. 4. ver. 7.

<sup>k</sup> Johan. cap. 15. ver. 5.

<sup>l</sup> 1 Johan. cap. 1. ver. 8.

<sup>m</sup> Sive, oportere dici nos habere peccatum.

<sup>n</sup> 1 Johan. cap. 1. ver. 9.

<sup>o</sup> Matth. cap. 6. ver. 12.

ut hoc pro aliis potius quam pro se justus petere intelligatur; anathema sit. Sanctus enim et justus erat apostolus Jacobus, cum dicebat: *In<sup>p</sup> multis enim offendimus omnes.* Nam quare additum est, *omnes?* nisi ut ista sententia conveniret et psalmo, ubi legitur; *Non<sup>q</sup> intres in judicium cum servo tuo, quoniam non justificabitur in conspectu tuo omnis vivens.* Et in oratione sapientissimi Salomonis: *Non<sup>r</sup> est homo, qui non peccat:* et in libro Job: *In<sup>s</sup> manu omnis hominis signat, ut sciat omnis homo infirmitatem suam.* Unde etiam Daniel sanctus et justus cum in oratione pluraliter diceret: *Peccarimus<sup>t</sup>, iniquitatem fecimus,* et cætera, quæ ibi veraciter et humiliter confitetur: ne putaretur, quemadmodum quidam sentiunt, hæc non de suis, sed de populi sui potius dixisse peccatis, postea dixit; *Cum<sup>u</sup> orarem, et confiterer peccata mea, et peccata populi mei Domino Deo meo.* Noluit dicere, peccata nostra, sed populi sui dixit, et sua: quia futuros istos, qui tam male intelligunt, tanquam propheta, prævidit.

VIII. Item placuit, ut quicunque ipsa verba Dominicæ orationis, ubi dicimus, *Dimitte nobis debita nostra,* ita volunt a sanctis dici, ut humiliter non veraciter hoc dicitur; anathema sit. Quis enim ferat orantem, et non hominibus sed ipsi Domino mentientem? qui labiis sibi dicit dimitti velle, et corde dicit, quæ sibi dimittantur, debita non habere."

Atque ita tandem Pelagius et Celestius, ut ad Optatum hoc tempore scripsit Augustinus<sup>v</sup>, "Conciliorum episcopaliū vigilantia, in adjutorio Salvatoris qui suam tuetur Ecclesiam, et a duobus venerabilibus antistitibus apostolicæ sedis papa Innocentio et papa Zosimo, nisi correcti etiam egerint poenitentiam, toto Christiano orbe damnati sunt." Cui addendum et illud Possidii<sup>w</sup> de Pelagianistis, ut appellat. "Quoniam iidem perversi sedi apostolicæ per-

<sup>p</sup> Jacob. cap. 3. ver. 2.

<sup>q</sup> Psalm. 143. (al. 142.) ver. 2.

<sup>r</sup> 3 Reg. cap. 8. ver. 46.

<sup>s</sup> Job, cap. 37. ver. 7.

<sup>t</sup> Dan. cap. 9. ver. 5.

<sup>u</sup> Ibid. ver. 20.

<sup>v</sup> Augustin. ep. 157.

<sup>w</sup> Possid. de vita Augustini, cap. 18.

suam ambitionem eandem perfidiam persuadere conabantur; instantissime etiam coneiliis Afrieanis sanetorum episcoporum gestum est, ut saneto papæ urbis Romæ, et prius venerabili Innocentio et postea sancto Zosimo ejus successori, persuaderetur quam illa secta Catholica fide et abominanda et damnanda fuisset. At illi tantæ sedis antistites, suis diversis temporibus eosdem notantes atque a membris Ecclesiæ praecedentes; datis literis ad Afrieanas, orientis et oecidentis ecclesias, eos anathematizandos et devitandos ab omnibus Catholiceis censuerunt."

Nam a Zosimo quoque jam proleta est in haeresiarchas sententia: "duobus<sup>x</sup> istis, Pelagio seilieet et Celestio, aut in locum poenitentiae redactis, aut si id reeusaverint omnino damnatis." Unde de Zosimo Prosper, in libro contra Cassianum: "Africanorum<sup>y</sup> eoneiliorum deeretis beatæ reordinationis papa Zosimus sententiæ suæ robur adnexuit, et ad impiorum detrunctionem gladio Petri dexteræ omnium armavit antistitum;" et de Pelagio Augustinus, in libro de peccato originali ad Albinam, Pinianum atque Melaniām; "Fefellit<sup>z</sup> judicium Palæstinum: propterea ibi videtur esse purgatus. Romanam vero ecclesiam, ubi eum esse notissimum scitis, fallere usquequaque non potuit: quamvis et hoc fuerit utcumque conatus; sed ut dixi, minime valuit. Recoluit enim beatissimus papa Zosimus, quid imitandus prædecessor ejus de ipsis senserit gestis<sup>a</sup>. Attendit etiam quid de illo sentiret prædicanda in Domino Romanorum fides, quorum adversus ejus errorrem pro veritate Catholica studia consonantia concorditer flagrare cernebat: inter quos diu ille vixerat, et quos ejus dogmata latere non poterant; qui Celestium ejus esse discepulum sic noverant, et ut fidelissimum et firmissimum possent de hæ re testimonium perhibere." Et iterum, "Visus est ad tempus aliquid dicere quod fidei Catholiceæ conveniret: sed illam sedem usque in finem fallere non

<sup>x</sup> Augustin. de peccat. original. cap. 22.

<sup>y</sup> Prosper contra Collator. cap. 41.

<sup>z</sup> Augustin. de peccat. original. cap. 8.

<sup>a</sup> Palæstinæ synodi. Vid. supr. cap. 9. pag. 305.

prævaluit. Post rescripta quippe Afrieani eoneilii, in quam provinciam quidem doctrina illa pestifera serpendo pervenerat, sed eam non tam late oceupaverat alteque pervaserat, alia quoque ipsius in urbe Roma (ubi diutissime vixerat, atque in his fuerat prius sermonibus contentionibusque versatus) cura fidelium fratrum prolata patuerunt: quæ literis suis quas conseripsit per orbem Catholicum preferendas papa Zosimus execranda, sicut legere potestis, attexuit."

In ea epistola Catholieam de divinæ gratiæ opitulatione sententiam Zosimus sic expressit: "Quod<sup>b</sup> tempus intervenit, quo ejus non egeamus auxilio? In omnibus igitur actibus, causis, cogitationibus, motibus, adjutor et protector orandus est. Superbum est enim, ut quicquam sibi humana natura præsumat." Et de peccato originali, "Fidelis<sup>c</sup> Dominus in verbis suis, ejusque baptismus re æ verbis, id est, opere, confessione et remissione vera peccatorum, in omni sexu, ætate, conditione generis humani eandem plenitudinem tenet. Nullus enin, nisi qui peccati servus est, liber efficitur; nec redemptus dici potest, nisi qui vere per peccatum fuerit ante captivus: sicut scriptum est; *Sid vos filius liberaverit, vere liberi eritis.* Per ipsum enim renascimur spiritualiter, per ipsum crucifiximur mundo: ipsius morte, mortis ab Adam omnibus nobis introductæ, atque transmissæ universæ animæ, illud propagatione contractum chirographum rumpitur; in quo nullus omnino natorum, antequam per baptismum liberetur, non tenetur obnoxius."

Cum universalis illa ad omnes totius orbis episcopos epistola, speciales ad Africanos antistites, de inimicorum gratiæ damnatione, a Zosiino missæ sunt literæ: quibus illi respondentes hanc<sup>e</sup> de divina gratia sententiam in Encyclica ipsius epistola positam præcipuo honore sunt venerati. "Nos instinctu Dei (omnia enim bona ad authorem suum referenda sunt, unde nascuntur) ad fratrum et coe-

<sup>b</sup> Celestin. P. ad Gall. episcop. capitul. 9.

<sup>c</sup> Augustin. epist. 190. ad Optat. <sup>d</sup> Johan. cap. 8. ver. 36.

<sup>e</sup> Celestin. ad Gall. episcop. capitul. 9. Prosper, contra Collator. cap. 10.

piscoporum nostrorum conscientiam universa retulimus." Ad quod Africani episcopi, in rescripto suo: " Illud vero," inquiunt, " quod in literis tuis, quas ad universas provincias curasti esse mittendas, posuisti; sic accepimus dictum, ut illos, qui contra Dei adjutorium extollunt humani arbitrii libertatem, districto gladio veritatis, velut cursim transiens, amputares. Quid enim tam libero fecisti arbitrio, quam quod universa in nostræ humilitatis conscientiam retulisti? et tamen instinctu Dei factum esse, fideliter sapienterque vidisti, veraciter fidenterque dixisti. Ideo utique, quia *præparatur<sup>f</sup> voluntas a Domino*; et ut boni aliquid agant, paternis inspirationibus suorum ipse tangit corda filiorum, *Quotquot<sup>g</sup> enim spiritu Dei aguntur, hi filii Dei sunt*: ut nec nostrum deesse sentiamus arbitrium, et in bonis quibusque voluntatis humanæ singulis motibus magis illius valere non dubitemus auxilium."

Neque ad Africanos solus de hac re scripsit Zosimus episcopus, sed etiam Sextus presbyter Romanus, Celestini postea in eodem episcopatu factus successor: quem<sup>h</sup> cum prius " fama jactaret inimicis Christianæ gratiæ favisse; nunc priorem anathema eis in populo frequentissimo pronunciasse eadem fama non tacuit." Duas ille de hoc negotio in Africam misit epistolas: brevissimam unam per Leoneum acoluthum, Aurelio Carthaginensi episcopo directam; in qua tamen suum " vigorem adversus eorum errorem satis indicavit;" prolixiorem alteram per Firmum presbyterum ad Angustum et Alypium perlata; in qua apertius et latius quid de illo perniciosissimo dogmate sentiret explicavit. Ad posteriorem hanc duabus epistolis respondit Augustinus: brevi una per Albinum acoluthum, longa alia per ipsum Firmum presbyterum missa; quem, cum rebus gestis Romæ præsens adfuisset, Sextus " non solum advectorem scriptorum suorum, verum etiam narratorem testemque factorum esse voluit."

In priore, quæ inter Augustinianas ordine CXCI. numeratur, ita rescripsit magnus ille doctor: " Quid gratius

<sup>f</sup> Prov. cap. 8. ver. 35. juxta LXX.    <sup>g</sup> Rom. cap. 8. ver. 14.

<sup>h</sup> Augustin. epist. 194. ad Sextum. op. tom. 2. pag. 715.

legi vel audiri potest, quam gratiæ Dei tam pura defensio adversus inimicos ejus, ex ore ejus qui eorundem inimicorum magni momenti patronus ante jactabatur? Aut unde uberiores Deo debemus agere gratias, quam quod ejus sic defenditur gratia ab eis quibus datur, adversus eos, quibus vel non datur, vel ingratum est quod datur, quia ut eis gratum sit, occulto et justo judicio Dei non datur? Quapropter Domine venerabilis, in Christi charitate suscipiendo sancte frater, quamvis optime facias, cum de hac re scribis ad fratres, apud quos se illi de tua solent efferre amicitia: tamen haec cura major tibi restat, ut non solum salubri severitate plectantur, qui errorem illum Christiano infestissimum nomini audent garrire liberius, sed etiam ii diligentissime caveantur vigilantia pastorali propter infirmiores et simpliciores dominicas oves, qui eum pressius quidem ac timidius, sed tamen insusurrare non cessant; *penetrantes<sup>i</sup> domos*, sicut ait apostolus, et cætera quæ sequuntur exercitata impietate facientes: nec illi negligendisunt, qui usque ad profundum silentium supprimunt timore quod sentiunt, sed tamen eandem perversitatem sentire non desinunt. Nonnulli quippe eorum, antequam ista pestilentia manifestissimo etiam sedis apostolicæ judicio damnaretur, vobis innotescere potuerunt, quos nunc repente reticuisse perspicitis; nec utrum sanati sint sciri potest, nisi cum non solum dogmata illa falsa tacuerint, verum etiam illis vera contraria, eo quo illa solent studio defensaverint: qui tamen lenius profecto sunt tractandi. Quid enim eos terri opus est, quos satis territos ipsa taciturnitas monstrat? Nec ideo tanquam sani prætereundi sunt diligentia medicinae, quorum vulnus in abdito est. Etsi enim terrendi non sunt, tamen docendi sunt: et quantum existimo, facilius possunt: dum in eis timor severitatis doctorem adjuvat veritatis, et opitulante Domino, gratia ejus intellecta atque dilecta etiam loquendo expugnent quod jam loqui non audent."

In posteriore quæ numero est CXCIV. accuratissima adversus Pelagianos instituitur disputatio; ex cuius principio de sermone reliquo lector judicium facere poterit: "Sunt enim, inquit, quidam qui justissime damnatas impietates

<sup>i</sup> 2 Tim. cap. 3. ver. 6.

adhuc liberius defendendas putant: et sunt qui occultius penetrant domos: et quod in aperto jam clamare metuunt, in secreto seminare non quiescunt. Sunt autem qui omnino siluerunt, magno timore compressi, sed adhuc in corde retinent quod ore jam proferre non audent: qui tamen esse possunt fratribus ex priore ipsius dogmatis defensione notissimi. Proinde alii severius sunt coercendi, alii vigilantius investigandi, alii tractandi quidem lenius, sed non segnus sunt docendi: ut si non timentur ne perdant, non tamen negligantur ne pereant. Quod enim putant auferri sibi liberum arbitrium, si nec ipsam bonam voluntatem sine adjutorio Dei hominem habere consenserint; non intelligunt non se firmare humanum arbitrium, sed impellere ut per inania feratur, non in Domino tanquam in petra stabili collocetur. Paratur enim voluntas a Domino. Quod autem personarum acceptorem Deum se credere existimant, si credant quod sine ullis praecedentibus meritis, cuius vult miseretur, et quos dignatur vocat, et quem vult religiosum facit: parum attendunt quod debita reddatur poena damnato, indebita gratia liberato, ut nec ille se indignum queratur, nec dignum se iste glorietur; atque ibi potius acceptionem nullam fieri personarum, ubi una eademque massa damnationis et offensionis involvit, ut liberatus de non liberato discat, quod etiam sibi supplicium conveniret, nisi gratia subveniret: si autem gratia, utique nullis meritis reddit, sed gratuita bonitate donata. Sed injustum est, inquietunt, in una eademque mala causa hunc liberari, illum puniri. Nempe ergo justum est utrumque puniri. Quis hoc negaverit? Agamus ergo gratias Salvatori, dum nobis non redditum cernimus, quod in damnatione similium etiam nobis debitum cognoscimus. Si enim omnis homo liberaretur, utique lateret quid peccato per justitiam debeatur; si nemo, quid gratia largiretur."

Interea Pinianus vir nobilis, Severi expræfecti filius, socrus illius Albina et uxor Melania (senioris Melaniæ, cuius superius<sup>k</sup> mentio facta est, neptis) Hierosolymis habitantes, "cum<sup>l</sup> Pelagio egerunt, ut quæcumque ad-

<sup>k</sup> Supr. cap. 8. pag. 247, 248.

<sup>l</sup> Augustin. de gratia Christi, cap. 1.

versus eum dicerentur scripto damnaret:" quibus ille, quod ad gratiæ necessitatem attinet, hac interposita protestatione, satisfacere conatus est, "Anathema<sup>m</sup> qui vel sentit vel dicit gratiam Dei, qua Christus venit in hunc mundum peccatores salvos facere, non solum per singulas horas aut per singula momenta, sed etiam per singulos actus nostros non esse necessarium: et qui hanc conantur auferre, poenas sortiuntur æternas:" deinde, ut de originali peccato errorem suum obtegeret, ex<sup>n</sup> libello fidei suæ Romam ad Innocentium misso illis recitavit; "iisdem sacramenti verbis debere baptizari infantes, quibus et maiores." Ea occasione, ad versipellis hæretici dolos aperiendos, editi sunt ab Augustino libri illi duo, de gratia, et originali peccato: quos scriptos testatur ipse, "posteaquam<sup>o</sup> Pelagiana hæresis cum suis authoribus ab episcopis ecclesiæ Romanæ, prius Innocentio deinde Zosimo, cooperantibus conciliorum Africanorum literis, convicta atque damnata est." Indeque est, quod in libri posterioris capite decimo septimo ait; "in tam nefandi erroris authores, episcopalia concilia, et apostolicam sedem, universamque Romanam ecclesiam, Romanumque imperium, quod Deo propitio Christianum est, rectissime fuisse commotum, donec resipiscant<sup>p</sup> de Diaboli laqueis." Et in epistola CXCVI. ad Asellicum: "Hoc genus hominum capita sibi invenerat Pelagium et Celestium, impietatis hujus assertores acerrimos. Qui recenti judicio Dei, per diligentes et fideles servos ejus, etiam Catholica communione privati sunt; et propter cor impœnitens adhuc in sua damnatione persistunt."

Scripserant ad Julianam quoque virginis Demetriadis matrem Augustinus et Alypius, "ut contraria gratiæ Dei dogmata devitaret:" ad quos ita rescripsit illa, "Quod me hortatur reverentia vestra, ne aures indulgeam his hominibus qui pravis tractatibus venerandam fidem saepè corrumpunt; gratias uberes ago tam piæ admonitioni.

<sup>m</sup> Augustin. de gratia Christi, cap. 2.

<sup>n</sup> Id. de peccato Original. cap. 1. et 5.

<sup>o</sup> Id. retractat. lib. 2. cap. 50.

<sup>p</sup> 2 Tim. cap. 2. ver. 26.

Sed noverit sacerdotium vestrum, longe me ac domunculam meam ab hujusmodi personis esse discretam: omnisque familia nostra adeo Catholicam sequitur fidem, ut in nullam haeresim aliquando deviaverit, nec unquam lapsa sit; non dico in eas sectas quae vix expiantur, sed nec in eas quae parvos habere videntur errores." Hujus literae ad Augustinum et Alypium, tum apud Hippomen simus constitutos, quum pervenissent: alia inde ad eandem scripta epistola (quae inter Augustinianas numero habetur CLXXXVIII.) Pelagianorum non parvum esse errorem docuerunt; et venenum in Pelagii libello ad Demetriadem occultatum patefecerunt. "In quo," inquiunt, "libro quamvis nec ipsius nec tuae reverentiae nomen expresserit; tamen a matre<sup>a</sup> virginis ut ad eam scriberet se postulatum esse commemorat. In quadam vero epistola sua idem Pelagius, ubi et nonen suum apertissime ponit, nec nomen sacræ virginis tacet, dicit ad eam se scripsisse; et ejusdem sui operis testimonio probare nititur se gratiam Dei, quam vel tacere vel negare asseritur, apertissime confiteri." Hoc enim a Pelagio factum in epistola apologetica Innocentio directa, sed, illo defuncto, successori ejus Zosimo tradita, ostendit Augustinus<sup>r</sup>: ex quo liquet, ante Zosimi pontificatum (superiore anno inceptum, et in hujus fine terminatum) hanc ad Julianam epistolam conscriptam non fuisse.

De prostrata etiam in occidente Pelagiana haeresi, in orientem scripserunt Augustinus et Alypius ad Hieronymum; ut et de Aniano Pelagiano, qui epistolæ illius ad Ctesiphontem responderat. Ad hos Bethleemo per Innocentium presbyterum rescripsit Hieronymus: "Cooperatoribus<sup>s</sup> et adjutoribus vobis, haeresis Celestiana jugulata est: quae ita infecit corda multorum, ut cum superatos damnatosque esse se sentiant, tamen venena mentium non omittant; et quod solum possunt, nos oderint, per quos putant se libertatem docendæ haereseos perdidisse. Quod autem quæritis, utrum rescripserim contra libros Aniani

<sup>a</sup> Supra pag. 280.

<sup>r</sup> Augustin. de gratia Christi, cap. 30, 34, 37.

<sup>s</sup> Inter Hieronymianas, epist. 81. op. tom. 4. par. 2. pag. 645. inter Augustinianas, 202. op. tom. 2. pag. 763.

pseudodiaconi Celedensis, qui copiosissime pascitur, ut alienæ blasphemiae verba frivola subministret: sciatis me ipsos libros in schedulis missos a sancto fratre nostro Eusebio presbytero suscepisse, non ante multum temporis; et exinde vel ingruentibus morbis, vel dormitione sanctæ et venerabilis filiæ vestræ Eustochii, ita doluisse, ut propemodum contemnendos putarem. In eodem enim luto hæsitat, et exceptis verbis tinnulis atque emendicatis, nihil aliud loquitur. Tamen multum egimus; ut dum epistolæ meæ respondere conatur, apertius se proderet, et blasphemias suas omnibus patefaceret. Quicquid enim in illa miserabili synodo Diospolitana dixisse se denegat, in hoc opere confitetur. Nec grande est ineptissimis næniis respondere. Si autem Dominus vitam tribuerit, et notariorum habuerimus copiam, paucis lucubratiunculis respondebimus: non ut convincamus hæresim mortuam: sed ut imperitiam atque blasphemiam ejus nostris sermonibus confutemus. Meliusque hoc faceret sanctitas vestra: ne compellamur contra hæreticum nostra laudare."

Hic ille hæresim Celestianam jugulatam esse dicit, non (ut dicere eum fingit Bernardus Lutzenburgius<sup>t</sup>, eumque secutus, licet id ipse dissimulet, Thomas Dempsterus<sup>u</sup>) "Pelagium seculi gladio et totius orbis autoritate damnatum esse:" quod licet verum sit, tamen ab Hieronymo nusquam scriptum reperitur. Responsionis vero adversus se editæ authorem hic non obscure facit Hieronymus ipsum Pelagium; verba tantum, quibus sensa sua expresserit, ab Aniano pseudodiacono mutuatum. Eam ab Eusebio presbytero accepisse se ait: Cremonensi utique illo, socio ipsius intimo, cui in Matthæum et Hieremiam commentarii ab eo sunt dicati. Eundem etiam Eusebium illum fuisse putat Baronius<sup>w</sup>, cuius habetur epistola ad Cyrillum Alexandrinum scripta contra Valerianum Pelagianum: quin et hoc in loco Hieronymum emendandum esse conjicit, et pro Aniano pseudodiacono Celedensi, *Valerianum*

<sup>t</sup> Bernard. Lutzenburg. catalogo hæreticor. lib. 3.

<sup>u</sup> Dempster. histor. ecclesiastic. Scotor. lib. 15. num. 1012. Ex Gelasio; infra.

<sup>w</sup> Baron. ann. 417. sec. 16.

*pseudodiaconum Cenetensem*<sup>x</sup> reponendum. In ecclesiæ certe nomine “absque dubio depravatum esse textum” asserit; “cum de ecclesia Celedensi nusquam fiat mentio.” Atqui ad Marcum presbyterum Celedensem scripta legitur decima quinta ipsius Hieronymi epistola: et Celidam civitatem in Cyrenaica provincia Ptolemæus<sup>y</sup> collocat. Neque vel Celedensis, vel Cenetenensis, vel alterius alicujus ecclesiæ diaconum Valerianum illum fuisse ostendi potest; quem “servum Ariminensis possessionis illustrissimi Valerii comitis” extitisse, Eusebius<sup>z</sup> in illa ad Cyrilum epistola nobis indicavit: clarissimi utique illius comitis Valerii, qui “profanis<sup>a</sup> istis novitatibus potestate, curando et instando, efficaciter” restitut.

Huic<sup>b</sup> illustrissimo comiti cum<sup>c</sup> scripsissent Pelagiani, Catholicos “damnatores esse nuptiarum operisque divini, quo ex maribus et foeminis Deus homines creat; quoniam dicunt eos, qui de tali commixtione nascuntur, trahere originale peccatum:” ad eundem Augustinus, post<sup>d</sup> damnationem Pelagii et Celestii, de nuptiis et concupiscentia librum edidit; quo nuptiarum bonum discrevit a concupiscentiæ carnalis malo, quo bene utitur ad filios procreandos pudicitia conjugalis. Atque hic primum Juliani Pelagiani episcopi contra Augustinum erupit furor; qui et<sup>e</sup> patrem illius Memorium episcopum, et ipsum adolescentem in diaconatus ordine constitutum, non vulgari amore fuerat prosecutus. Post patris mortem in hæresim incidisse, illa Augustini ad eum verba indicant: “Ego<sup>f</sup> vero parentes tuos tanquam Catholicos Christianos honorabiles habeo; eisque gratulor, quod ante defuncti sunt, quam hæreticum te viderent.”

<sup>x</sup> Provinciæ Istriæ. 1. in subscriptionib. epistolæ syn. Agathonis P. ann. 680. in Act. 4. sextæ synodi. fin. pag. 54.

<sup>y</sup> Ptolem. Geograph. lib. 4. cap. 4.

<sup>z</sup> Supra, cap. 9. pag. 306.

<sup>a</sup> Augustin. de nupt. et concupiscent. lib. 1. cap. 2.

<sup>b</sup> Ann. CCCCXIX.

<sup>c</sup> Augustin. de nupt. et concupiscent. lib. 1. cap. 1. et retractat. lib. 2. cap. 53.

<sup>d</sup> Id. ad Bonifac. lib. 1. cap. 5.

<sup>e</sup> Id. epist. 101. ad Memorium; et integri operis contra Julian. lib. 1. cap. 2.

<sup>f</sup> Id. imperfecti operis contra Julian. lib. 1. cap. 66.

Baronio<sup>g</sup> et pater et filius Capuanus videtur fuisse episcopus: quod de patre sine authore ille opinatur, de filio unius Gennadii inductus testimonio; quam tamen in Sigerbergensi<sup>h</sup> Gennadii exemplari pro Capuano habeatur Campanus: quomodo et ab Honorio Augustodunensi, Vincentio Bellovacensi, Johanne Trithemio et Bernardo Lutzenburgio lectum fuisse apparet. Tametsi vero antiquis proprie Campanos illos fuisse dictos non nesciam, quos ætas posterior Capuanos appellavit: latius tamen accipiendo hic Campanorum nomen, vel illud Bedæ suaserit, initio libri primi expositionis in canticum Salomonis, “ Julianum Celanensem episcopum a Campania” fuisse asserentis. In Romano quoque septuaginta episcoporum sub Gelasio habito concilio Celanensis invenitur idem nominatus: in Prospere autem chronicō, et Petri diaconi libello de incarnatione et gratia Domini ad Fulgentium, duarum primarum literarum facta metathesi, Eclanensis; quod ad Æculanum Hirpinorum proprius accedit. Sed ut inter Campanos potius quam Hirpinos Juliani sedem inquiramus, non Bedæ solum nos ducit authoritas, sed etiam Prospere ab eodem<sup>i</sup> citatum testimonium, cui<sup>k</sup> et Campania probe erat cognita, et Campanus ipse Julianus. Celenam vero in Campania locum fuisse, notavit Servius<sup>l</sup>, in illud Æneid. VII.

Quique Rufas Batulumque tenent, atque arva Celennnæ.

eodemque Celenam Coloniam, ex Vespasiani nummo, retulit in Thesauro geographicō Abrahamus Ortelius.

Scripserat autem Julianus in Canticum Salomonis commentarios, præfixo de amore libello: sub<sup>m</sup> obtenu, quasi hunc a foedissima foret voluptate secreturus, re autem vera suam confirmaturus hæresim: in quo inter alia, asserit, “sanctum nobis ac generosum amorem, ab ipso lucis exordio, natura conciliante insitum, et ad ultimam usque

<sup>g</sup> Baron. ann. 419. sec. 50.

<sup>h</sup> Suffrid. Petr. in Gennad. de vir. illustr. cap. 45.

<sup>i</sup> Bed. histor. ecclesiastic. lib. 1. cap. 10. Vid. supra, cap. 8. pag. 252.

<sup>k</sup> Prosp. de dimidio tempor. cap. 6.

<sup>l</sup> Ubi Celennam vocat.

<sup>m</sup> Bed. in Cantic. lib. 1.

senectutem solis viribus animi innixum, sine ullo damno sui persistere vigoris;" eundemque, "sicut de corpore trahere quod est perturbatus et rapidus, ita de animo quod sit sublimis atque continuus;" ideoque, "quamdiu nihil de genitali voluptate desiderat, quasi ad solius animi moveri arbitrium, et in actibus suis habere jocunditatem, ut perturbationis immunem, ita etiam libertate gaudentem;" atque sic demum concludit, "Cum igitur sapientis animus, qui voluptatem subjicit dignitati amoris et incitat et ordinat appetitum, nunquam fines transit officii, sed ad eam magnitudinem atque pulchritudinem studiis procedit ac meritis, ut generosum ejus ignem gratia sancti Spiritus incipiat ventilare: tunc sit illa charitas, quæ non propinquos solum aut cives, sed ipsum genus humanum gremio suo conatur amplecti."

Editus ab eodem quoque liber est de bono constantiæ: in quo virtutis illius laudes ita celebrat: "Hæc est constantia, quæ maxime asserit arbitrii potestatem ac bonum, ejusque naturæ et humani animi motus liberos; dum ostendit omne mentis bonum voluntarium, nec ulli unquam casui obnoxium. Ipsa enim armat egregium cujusque et accedit animum; dum illum libertatis suæ semper admonet, dumque omnes ab eo repellit metus." Et post multa, quibus libertatem nostræ voluntatis prædicat, ait, "Etenim, sicut præclare a doctissimis atque orthodoxis disputatum est, nemini vere unquam noceri nisi a seipso potest: nec est prorsus aliquid quo quisquam invitus fiat miser. Quid tandem virtus timebit, nisi defectum sui, quo homini in æternum nocetur?" Et, ne gratiæ in tota hac disputatione prorsus oblitus videretur, "Divinæ," inquit, "gratiæ est, armare et firmare constantiam, quæ cæteras possit custodire virtutes; et contra omnia quæ resistunt, defendere virtutem." Ubi tamen, ut recte a Beda<sup>n</sup> est observatum, "cautissimo usus est verbo, ut non diceret eam donare, quasi antea non habitam, nobis constantiam; sed potius juvare et firmare, quasi a nobis jam exortam."

Verum apertissime hæreticæ malignitatis virus in qua-

\* Bed. in Cantic. lib. I.

tuor libris idem prodidit, quos contra Augustini illum unicum de nuptiis et concupiscentia evulgavit; Turbantio euidam episcopo tunc Pelagiano, postea<sup>o</sup> vero ab illo errore liberato, nuncupatos. In quos ita præfatus<sup>p</sup> ille est, “ Doctores nostri temporis, et nefariæ quæ adhuc fervet seditionis authores, ad hominum quorum sanctis studiis uruntur contumelias et exitium, quoniam iter aliud non patebat, decreverunt per ruinam totius Ecclesiæ pervenire: non intelligentes quantum his contulerint honoris, quorum ostenderunt gloriam nisi cum Catholica religione non potuisse convelli. Nam si quis aut liberum in hominibus arbitrium, aut Deum esse nascentium conditorem dixerit, Celestianus et Pelagianus vocatur: quo simplices sermone perterriti, ut ab invidia nominis exuantur, etiam sanam fidem deserunt; credituri proculdubio, nec liberum esse in hominibus arbitrium, nec Deum nascentium conditorem, quando illud quod prius affirmaverant, utrumque deseruerint. Ne igitur vocentur hæretici, fiunt Manichæi: et dum falsam verentur infamiam, verum crimen incurunt; instar ferarum, quæ circundantur pinnis, ut cogantur in retia. Quibus quoniam deest ratio, in verum exitium vana formidine contruduntur.”

Addit deinde, “ laborare<sup>q</sup> illam partem rationis inopia, quæ in disserendo cum terrorem surrogat, nullum a prudentibus impetrat, sed cœcum a meticulosis extorquet assensum:” terrorem nimirum imperatorio edicto illis incusum subindicans: in quo tamen audacissimus hæreticus pro suis potius quam pro Catholicis pronuntiatum fuisse cavillatus est. Nempe<sup>r</sup> in rescripti sui præfatione Pelagium Celestiumque incusaverat imperator, quod Deo omnipotenti “ tam trucem inclemtam sævæ voluntatis assignarent,” ut quum in mundi initio hominem condere deliberaret; “ mortem præmitteret nascituro:” dicentes, “ non hanc insidiis vetiti fluxisse peccati, sed exegisse penitus legem immutabilis constituti.” Illud enim, “ Statutum<sup>s</sup>

<sup>o</sup> Augustin. operis imperfecti contra Julian. lib. 1. cap. 1.

<sup>p</sup> Ibid. cap. 71. et de nup. et concupiscent. lib. 2. cap. 3.

<sup>q</sup> Apud eund. contra Julian. lib. 3. cap. 1.

<sup>r</sup> Supra pag. 321.

<sup>s</sup> Heb. cap. 9. ver. 27.

est hominibus semel mori," valitum censuerunt, etiamsi Adamus nunquam peccavisset. Quia vero orthodoxi etiam tenebant cum apostolo, postquam "per<sup>t</sup> unum illum hominem peccatum in mundum hunc intrasset, et per peccatum mors;" originalis peccati reos nasci omnes, indeque esse "natura<sup>u</sup> filios iræ:" in eos edicti verba retorqueri potuisse putavit sophista, ut qui ipsi etiam sentirent, prius damnatum esse hominem quam natum. Quem non alia Augustinus<sup>w</sup> (illius enim hæc verba sunt, non, ut citata sunt a Baronio<sup>x</sup>, Juliani) dignari hic voluit responsione quam ista: "Si pro vobis potius ab imperatore responsum est, cur non in medium prosilitis, et hoc ultiro publicis potestatibus allegatis; vos esse monstrantes, quorum Christianus princeps approbavit fidem? Verum si Dei legem non sicut sese habet, sed sicut vobis placet, intelligitis: quid mirum si et de lege imperatoris hoc facitis?"

Ad pontificis vero Romani judicium quod attinebat, Zosimum<sup>y</sup> prævaricationis accusare non est veritus, et brevi post insecutam de constituendo illius successore dissensionem populi Romani (aliis Bonifacium presbyterum, aliis Eulalium archidiaconum diligentibus) ultiōni Dei tribuere. De judicibus denique generatim est conquestus, partis suæ homines apud eos "non<sup>z</sup> potuisse agere causam suam: quia nemo de rebus dubiis bene consultat, nisi qui ab odio, amicitia, inimicitia, ira vacuum pectus attulerit; quales non fuisse dixit, qui de hac causa judicaverunt, quia prius eam cœperunt odisse quam nosse," adjungens præterea, "non numerandas sed ponderandas esse sententias; et ad aliquid inveniendum multitudinem nihil prodesse cœcorum in causa judicandi, amoto strepitu turbarum, de omni ordine conversationis hominum, sive sacerdotum, sive administrantium, sive præfectorum, ad discussionem talium rerum non sola nomina, sed eligendam esse prudentiam; et honorandam esse paucitatem, quam ratio eru-

<sup>t</sup> Rom. cap. 5. ver. 12.

<sup>u</sup> Ephes. cap. 2. ver. 3.

<sup>w</sup> Aug. contra Julian. lib. 3. cap. 1.

<sup>x</sup> Baron. ann. 418. sec. 23.

<sup>y</sup> Aug. contr. Julian. lib. 1. cap. 4. et lib. 6. cap. 12.

<sup>z</sup> Ibid. lib. 3. cap. 1. et lib. 2. cap. 10.

dit libertasque sublimat :" hisque omnibus consideratis, " majoris sibi esse apud Deum gloriæ, destitutam veritatem tueri." Hæc arrogantissimus Julianus.

Post<sup>a</sup> consulatum Honorii XII. et Theodosii VIII. octavo Calendas Junias, iterum Carthagine in secretario basilicæ Fausti habitum est CCXVII.<sup>b</sup> episcoporum Africæ plenarium concilium : in quo præcedentia<sup>c</sup> concilia Africana, tempore Aurelii Carthaginiensis episcopi celebrata (et in iis anathemata<sup>d</sup> contra Pelagianos hoc ipso in loco superiori anno promulgata) recitata et confirmata sunt ; atque ex iis codex<sup>e</sup> canonum Africanae ecclesiæ compositus : qui quidem codex, et in eo octo illi contra Pelagianos editi anathematismi, Justiniani imperatoris temporibus, a Dionysio exiguo sub Africani concilii nomine codici<sup>f</sup> canonum occidentalis ecclesiæ est insertus ; posteaque in secundo Trullani concilii universalis canone, ut membrum codicis<sup>g</sup> canonum orientalis ecclesiæ, approbatus.

In hoc præterea plenario totius Africæ concilio peculiariter aliquid adversus Pelagianos fuisse constitutum ; partim ex verbis illis Augustini<sup>h</sup> colligimus : " quod papæ Zosimo de Africano concilio scriptum est, ejusque rescriptum ad universos totius orbis episcopos missum ; et quod posteriori concilio plenario totius Africæ contra ipsum errorem breviter constituimus :" partim ex Prospere<sup>i</sup> illo carmine :

Tu causam fidei flagrantius Africa nostra  
Exequeris : tecumque suum jungente vigorem  
Juris apostolici solio, fera viscera belli  
Confidis, et lato prosternis limite victos.  
Convenere tui de cunctis urbibus almi  
Pontifices, geminoque senuni celeberrima cœtu,  
Decernis quod Roma probet, quod regna sequantur.  
Nec sola est illie synodorum exerta potestas,  
Ceu quos non possunt ratione evincere nostri,  
Vi premerent : discussæ artes, virusque reiectum est

<sup>a</sup> Cod. canon. eccles. African. a Justello edit. pag. 33.

<sup>b</sup> Ibid. pag. 34, 338. et 341.                   <sup>c</sup> Ibid. pag. 54, 58. et 106.

<sup>d</sup> Ibid. pag. 289, 290.                           <sup>e</sup> Excus. Paris. ann. 1614.

<sup>f</sup> Excus. Mogunt. ann. 1525. et Paris. ann. 1609.

<sup>g</sup> Græce excus. Paris. ann. 1540. Græce et Latine Tiguri, ann. 1559.

<sup>h</sup> August. epist. 215. ad Valentium.           <sup>i</sup> Prosp. de ingratis, cap. 2.

Hæretici sensus : nullumque omnino relictum,  
 Docta fides quod non dissolveret argumentum.  
 Condita sunt et scripta manent, quæ de cataractis  
 Æterni fontis fluxere undante meatu,  
 Et tercentenis procerum sunt edita linguis :  
 Sic moderante suam legem bonitate severa,  
 Ut qui damnato vellent de errore reverti,  
 Acciperent pacem ; pulsis qui prava tenerent.  
 An alium in finem posset procedere sanctum  
 Concilium, cui dux Aurelius ingeniumque  
 Augustinus erat ?

Cum enim duas illas synodos de cunctis Africæ urbibus convenisse significet : vix aliæ commode poterunt hic intelligi, quam plenariae illæ duæ, hoc et præcedente anno Carthagine congregatae ; quibus utrisque et Aurelium præfuisse, et Augustinum interfuisse constat : quarum posterioris cœtui frequentiori cum facile concipere possimus LXXXVI. episcopos præsentes adfuisse, qui a priore abfuerunt, et sententiam tamen contra Pelagianos ab ea latam una cum reliquis confirmarunt : eos, prioris concilii CCXIV. patribus adnumeratos, trecentorum procerum summam a Prospero constitutam confidere potuisse, nullo negotio intelligimus. Nam duorum illorum conciliariorum ante triennium habitorum, ad quæ nos dicit Baronius<sup>k</sup>, (Carthaginiensis episcoporum LXVIII. cui præfuit Aurelius, sed non interfuit Augustinus ; et Milevitani episcoporum LXI. cui interfuit Augustinus, sed minime præfuit Aurelius) velutrumque secum, vel utrumvis cum horum quæ diximus altero compositum, ægre hic nobis satisfecerit : tum quia provincialia ambo illa fuerint non nationalia, tum quia pauciorum numero episcoporum, quam ut Prospere calculo complendo possint sufficere.

Pios hos Aurelii et Augustini in reprimendis Pelagianis conatus, lege contra eos renovata corroboravit imperator Honorius : ut ex ejusdem rescripto, eodem tenore ad utrumque dato, cognoscitur ; quod, una cum adjuncta Aurelii ad Byzacenæ et Arzugitanæ provinciæ episcopos

<sup>k</sup> Baron. ann. 416. sec. 8. Vid. Voss. histor. Pelagian. lib. 1. fin. cap. 45.

epistola, ab historicis Magdeburgensibus<sup>1</sup> et Baronio<sup>m</sup> ex MSS. codicibus editum, hic subjicimus.

IMPERIALIS<sup>n</sup> EPISTOLA, AD AURELIUM CARTHAGINIENSEM  
EPISCOPUM.

Imperatores Honorius et Theodosius Augusti, Aurelio episcopo salutem.

“ Dudum quidem fuerat constitutum, ut Pelagius et Celestius nefandi dogmatis repertores ab urbe Roma, veluti quedam Catholicæ veritatis contagia pellerentur, ne ignorantium mentes scaeva persuasione perverterent. In quo secuta est clementia nostra judicium sanctitatis tuæ, quo constat eos ab universis justæ sententiæ examinatione esse damnatos. Sed quia obstinati criminis pertinax malum, ut constitutio geminaretur, coegit: recenti quoque sanctione decrevimus, ut si quis eos in quacunque provinciarum parte latitare non nesciens, aut propellere aut prodere distulisset, præscriptæ pœnæ velut particeps subjaceret. Præcipue tamen, ad quorundam episcoporum pertinaciam corrigendam, qui pravas eorum disputationes vel tacito consensu adstruunt, vel publica oppugnatione non destruunt: pater carissime atque amantissime, sanctitatis tuæ autoritatem cavere conveniet, quatenus in abolitione præposteræ hæresis, omnium devotio Christiana consentiat. Religio itaque tua competentibus scriptis universos faciat admoneri, scituros definitione testimonii tui, hanc sibi definitionem esse præscriptam, ut quicunque damnationi supra memoratorum (quo pateat mens pura) subscribere impia obstinatione neglexerint, episcopatus amissione mulctati, interdicta in perpetuum (expulsi civitatibus) communione priventur. Nam cum ipsi nos juxta synodum Niænam confessione sincera, conditorem rerum omnium Deum, imperiique nostri veneremur authorem; non patientur sanctitas tua, sectæ detestabilis homines in injuriam

<sup>1</sup> Centur. 5. col. 846, 847.

<sup>m</sup> Baron. ann. 119. sec. 57, 58.

<sup>n</sup> Cujus et Photius in bibliotheca meminit, num. 53.

religionis nova et inusitata meditantes, secretis tractatibus occultare sacrilegium publica semel autoritate damnatum. Una enim eademque culpa est corum, qui aut dissimulando conniventiam, aut non damnando favorem noxiūm p̄æstiterint." Et alia manu. "Divinitas te per multos annos servet incolumem, pater carissime atque amantissime. Data V. Idus Junias, Ravenæ, Monaxio et Plinta consulibus."

**EPISTOLA<sup>o</sup> SANCTI AURELII CARTHAGINIENSIS EPISCOPI, AD OMNES EPISCOPOS PER BYZACENAM ET ARZUGITANAM PROVINCIAM CONSTITUTOS; DE DAMNATIONE PELAGII ET CELESTII HERETICORUM.**

Dilectissimis ac desiderabilibus fratribus ac consacerdotibus, Donatiano primæ sedis, Januario, Felici, Palatino, Primiano, Gaiano, et alii Gaiano, Januario, Victorino, et cæteris per tractum provinciæ Byzacenæ et Arzugitanæ constitutis, Aurelius episcopus.

"Super Celestii et Pelagii damnatione eorumque dogmatibus, participem sanctam dilectionem vestram in plenario concilio fuisse commemini; dilectissimi ac desiderabiles fratres. Sed quoniam pro honore Dei, in cuius manu cor regis est constitutum, gloriosissimorum principum Christianorum fidem rectam et Catholicam custodientium accessit authoritas, quam per humilitatem meam universis coepiscopis meis voluit intimari: idcirco honorabilem fraternitatem vestram missis exemplaribus instruere festinavi, ne quid mali in aliqua parte provinciæ, ex supradictorum serpentina persuasione ab universalis Ecclesia totius orbis exclusa, fortasse subrepat. Ob hoc ergo tam necessaria constitutio Christianorum principum charitatem vestram latere non debuit, et ad me ab eis datae literæ: quarum simul exemplaribus lectis, quemadmodum subscribere unusquisque vestrum debeat, dilectio vestra cognoscat; sive quorum synodalibus gestis subscriptio jam tenetur, sive qui non potuistis eidem plenario totius Africæ interessc-

<sup>o</sup> Habetur in parte 2. col. Isidori Mercatoris, edit. Paris. ann. 1525. fol. 177.

concilio : quo, cum in supradictorum hæreticorum damnatione omnium vestrum fuerit integrata subscriptio ; nihil omnino sit, unde ullius<sup>p</sup> dissimulationis, vel negligentia, vel occultæ<sup>q</sup> forsitan pravitatis aliqua videatur merito remansisse suspicio." Et alia manu. " Opto fratres, bene vivatis, mei memores. Data Calendis Augusti, Carthagine, Monaxio et Plinta consulibus."

Istam de subscriptione tam necessariam constitutionem episcopi Pelagiani ægerrime tulerunt : quorum decem<sup>r</sup> et octo communem Thessalonicam miserunt epistolam, " ad loci illius episcopum sua calliditate tentandum, et ad suas partes, si posset fieri, traducendum." Id enim agebant, " ut<sup>s</sup> in auxilium suum, contra Manichæorum(ut loquebantur) profanitatem, concessionem orientalium episcoporum exposcerent : nihil aliud nitentes, nisi ut horribili hæresi objecta, cuius se adversarios confingebant, laterent inimici gratiæ in laude naturæ." Romanos enim clericos asserebant, " jussionis<sup>t</sup> terrore percuslos, non erubuisse prævaricationis crimen admittere ; ut contra priorem sententiam suam, qua gestis Catholico dogmati affuerant, postea pronunciarent malam hominum esse naturam :" reliquos etiam universe, " sub<sup>u</sup> nomine gratiæ, ita fatum asserere ; ut dicant, quia nisi Deus invito et reluctant homini inspiraverit boni et ipsius imperfecti cupiditatem, nec a malo declinare, nec bonum possit arripere :" denique " toto<sup>w</sup> penitus occidente non minus stultum quam impium dogma suscepturn" : et " de simplicibus episcopis, sine congregatione synodi in locis suis sedentibus, extortam subscriptionem esse."

Romam quoque utramque tentandam putaverunt : veterem per Julianum, novam per Celestium. Et a Juliano quidem missa est epistola, " ad<sup>x</sup> eos seducendos, qui Ro-

<sup>p</sup> Al. *illis.*

<sup>q</sup> Al. *occultatæ.*

<sup>r</sup> Augustin. ad Bonifac. lib. 1. cap. 1. op. tom. 10. pag. 411.

<sup>s</sup> Id. ad Bonifac. lib. 2. cap. 1. Ibid. pag. 431.

<sup>t</sup> Ibid. cap. 3. pag. 433.

<sup>u</sup> Ibid. cap. 5, et 8. pag. 436, et 442.

<sup>w</sup> Ibid. lib. 4. cap. ult. pag. 490.

<sup>x</sup> Augustin. contra Julian. imperfecti operis lib 1. cap. 18. op. tom. 10. pag. 880.

mæ possent tali suasione seduci:" quam scriptam ab eo fuisse post editos libros quatuor adversus Augustini de nuptiis et concupiscentia commentarium, ipse ibidem indicat. Ita enim probra Catholicis objecta exorsus est hæreticus : " Dicunt<sup>y</sup> illi Manichæi, quibus modo non communicamus, id est, toti isti cum quibus dissentimus ; quia primi hominis peccato, id est, Adæ liberum arbitrium pererit, et nemo jani potestatem habeat bene vivendi, sed omnes in peccatum carnis suæ necessitate cogantur. Dicunt etiam istas, quæ modo aguntur, nuptias a Deo institutas non fuisse, quod in libro Augustini legitur ; contra quem ego modo quatuor libellis respondi : cujus Augustini dicta inimici nostri in veritatis odium susceperunt :" deinde, cum suorum antitheses subjecisset : " Contra<sup>z</sup> hæc nos quotidie disputamus, et ideo nolumus prævaricatoribus adhibere consensum ; quia nos dicimus liberum arbitrium in omnibus esse naturaliter, nec Adæ peccato perire potuisse ; quod Scripturarum omnium autoritate firmatur. Dicimus has, quæ nunc in orbe terrarum, a Deo nuptias institutas ; nec rcos esse conjuges, sed fornicatores et adulteros condemnados, &c," ita tandem epistolam concludit : " Nemo<sup>a</sup> ergo vos seducat, nec se negent impii ista sentire. Sed si verum dicunt, aut audience detur, aut certe isti ipsi episcopi, qui nunc dissident, damnent, quæ supra dixi, cum Manichæis se ista tenere ; sicut nos ista damnamus, quæ de nobis jactant : et sit plena concordia. Quod si nolunt : scitote eos esse Manichæos, et ab eorum vos abstinetе consortiis."

Constantinopoli suorum nomine legatione functus est Celestius : quem ibi debellatum fuisse notavit Augustinus<sup>b</sup>. Duos urbs illa consuevit habere episcopos : Novatianorum unum, Catholicorum alterum : anno CCCCXIX. die<sup>c</sup> Augusti XXVI. Monaxia et Plinta consulibus, e vita excessit Novatianorum episcopus Chrysanthus : qui ab im-

<sup>y</sup> Apud August. lib. 1. ad Bonifacium, cap. 2. et 5. op. tom. 10. pag. 413. et 415.

<sup>z</sup> Ibid. cap. 15. pag. 424. <sup>a</sup> Ibid. cap. 24. pag. 430.

<sup>b</sup> Aug. contra Julian. lib. 3. cap. 1. pag. 554.

<sup>c</sup> Socrat. hist. ecclesiast. lib. 7. cap. 17.

peratore aliquando “*vicarius<sup>d</sup>* in insulis Britannicis constitutus, in illarum administratione permagnam laudem consecutus fuerat.” Catholicis præsidebat ex Armenia Sebastenus Atticus: cuius zelum in Pelagianis ab urbe illa propulsandis ita commendat, in epistola ad Nestorium, papa Celestinus: “*Ἐφ’ ἡμέρας τινὰς τῆς ζωῆς ἡμῶν μετὰ τὸ ἀνόσιον καὶ πολλάκις κατακριθὲν δόγμα Πελαγίου καὶ Κελεστίου, ἡ καθολικὴ πίστις εἰρήνευσεν, ὅπότε ἐκείνους, μετὰ τῶν ἐπομένων τῇ δόξῃ αὐτῶν, ἥτε ἀνατολὴ καὶ ἡ δύσις ἀκοντίῳ συμφωνούσης ἀποφάσεως ἐπληξεν· αὐτίκα ὁ τῆς ἀγίας μνήμης Ἀττικὸς, ὁ διδάσκαλος τῆς καθολικῆς πίστεως, καὶ ἀληθῶς τοῦ μακαρίου Ἰωάννου καὶ εἰς ταῦτα διάδοχος, οὕτως ἐκείνους ἐδίωξεν ὑπερ τοῦ κοινοῦ βασιλέως, ὥστε αὐτοῖς μήτε τοῦ ἐκεῖ ἔσταναι ἄνεστιν συγχωρηθῆναι. Aliquantis diebus vitae nostrae, post nefandum et sæpe damnatum dogma Pelagii atque Celestii, Catholica fides quietem habuit; quando eos, cum suæ opinionis sequacibus, telis unitæ sententiæ oriens occidensque percussit. Denique sanctæ recordationis Atticus, Catholicæ magister fidei, et vere beati Johannis etiam ad ista successor, eos ita persecutus est pro rege communi, ut iis nec standi quidem illic copia præstaretur.” Cujus rei testes postea citat ille commentarios<sup>f</sup> inde ab Attico ad se missos.*

Addit Prosper<sup>g</sup>, non solum Pelagianorum legatos repulsam tulisse ab Attico, sed Ephesios<sup>h</sup> quoque et Siculos pari studio eosdem a suis sedibus exegisse.

Quid loquar et curam, magna quam gessit in urbe  
Constantinoli docto bonus ore sacerdos  
Atticus, antiqua legatos häreticorum  
Confutando fide? de qua tunc impia corda,  
Quamvis se obducta tegerent velaminc forma  
Judicii et tacita tulerant tormenta repulsæ.

<sup>d</sup> Βικάριος τῶν Βρεττανικῶν νῆσων καταστὰς, ἵθανμάσθη ἐπὶ ταῖς ἀιοκήσεσι. Socrat. hist. eccles. lib. 7. cap. 12.

<sup>e</sup> Act. concil. Ephesin. part. 1. cap. 18. pag. 276. edit. Roman.

<sup>f</sup> “Οτι ἐκεῖθεν πρὸς ἡμᾶς παρὰ τοῦ τότε ἐπισκόπου τοῦ καθολικοῦ Ἀττικοῦ τὰ ὑπομνήματα ἀπεστάλη. Ibid. pag. 280.

<sup>g</sup> Prosp. de ingratis, cap. 2.

<sup>h</sup> Ante exortam novam Semipelagianorum progeniem, ut ex initio cap. 4. colligo. Unde factum, ut ad Ephesini concilii tempora istud non retulerim, cum Baronio ann. 431. sec. 100.

Prætero quanto fuerit bene mota tumultu  
Clara Ephesos, non passa suis consistere tectis  
Vasa iræ, et morbi flatus, et semina mortis :  
Quaque fide tellus etiam Trinaeria fervens,  
Agmen vipereum propriis exegerit oris.

Ut recte scripsérunt Gelasius, non solum “divinis<sup>i</sup> huma-  
nisque legibus dominatum Pelagianæ pestilentiae virus;”  
ejusque fautores, “tam<sup>k</sup> ecclesiasticis constitutis, quam  
imperialibus etiam percussos fuisse præceptis:” sed eam  
quoque “perversitatem<sup>l</sup> toto orbe damnatam: nec tantum  
Ecclesiæ Catholicæ legibus, sed principum quoque Roma-  
norum eo tenore damnatam, ut nec usquam terrarum vi-  
vendi locum sectatores ejus habere sinerentur. Quæ  
omnia, inquit, tam gestis Ecclesiæ per singulas quasque  
regiones de eorum pravitate confectis, quam censuræ  
publicæ sanctionibus edocentur.” Quibus addendum est  
illud Prosperi, in epistola ad Demetriadem: “Restiterunt  
quidem huic impietati recta innumerabilia corda sancto-  
rum; et non solum docti qui que pontifices, verum etiam  
universales Ecclesiæ plebes, apostolicæ sedis exemplo, in-  
saniam novi dogmatis horruerunt: sed invenerunt quos-  
dam viperina consilia, quibus doctrinæ suæ virus infun-  
derent, et quorum linguas per dolos falsæ rationis arma-  
rent.” Et Possidii, in vita Augustini: “Hoc<sup>m</sup> tale de illis  
Ecclesiæ Dei Catholicæ prolatum judicium, etiam piissimus  
imperator Honorius audiens ac sequens, suis eos legibus  
damnatos, inter hæreticos haberi debere constituit. Unde  
nonnulli ex eis ad sanctæ matris Ecclesiæ gremium, unde  
resilierant, redierunt, et adhuc alii redeunt, innotescente  
et prævalecente adversus illum detestabilem errorcm rectæ  
fidei veritate.”

Honorii<sup>n</sup> etiam exemplum secutum esse hic Constan-  
tium, in regni consortium ab eo assumptum, ostendit  
Photius<sup>o</sup>: “Ἐγραψε (inquit) μετὰ ταῦτα καὶ Κωνσταντῖνος, ὁ

<sup>i</sup> Gelas. P. ep. 6. ad Honorium, tom. 2. concil. pag. 239. edit. Colon. ann. 1618.

<sup>k</sup> Id. epist. 7. ad Piceni episcopos: pag. 239, 240.

<sup>l</sup> Id. epist. 5. ad Honorium. pag. 238.

<sup>m</sup> Possid. vit. August. cap. 18.

<sup>n</sup> Ann. CCCCXX.

<sup>o</sup> Phot. bibliothec. num. 53.

Πλακιδίας ἀνὴρ Οὐαλεντινιανοῦ δὲ τοῦ μικροῦ πατὴρ, περὶ τοῦ ἐξοισθῆναι Κελέστιον τὸν αἱρετικὸν. ἔγραψε δὲ τὴν κατ' αὐτοῦ ψῆφον πρὸς Οὐολοσιανὸν ἐπαρχὸν πόλεως. Scripsit posthac et Constantius (ita enim legendum) Placidiæ maritus, Valentiniani vero minoris pater, ut exilio mulctaretur Celestius hæreticus. Scripsit adversus eum sententiam ad Volusianum præfectum urbis.” Addit vel ille, vel illius potius interpolator, Volusianum hunc avunculum fuisse S. Melaniæ (junioris scilicet:) qui cum Ethnicorum errores sectaretur, paulo<sup>p</sup> ante obitum conversus, a S. Proculo Constantinopoli baptizatus fuerit. Imperatorium vero decreatum, a Volusiano per edictum publice propositum erat hujusmodi.

Imperator<sup>q</sup> Constantini Volusiano præfecto urbis.

“ QUUM tum præterita superstitionis, tum recentis plena vanitatis jamdudum corrigi jusserimus; quotidianis insinuationibus majora fieri nunciantur. Et quoniam discordia animos commovet populorum: ea quæ jamdudum jussaramus, præcipimus iterari. Unde his lectis, Eximietas tua, omnes qui Dei invident pietati, diligenter inquirat, et eos faciat statim e muris urbis expelli; ita tamen, ut ne intra centesimum quidem lapidem habeant licentiam consistendi. Celestium quoque magis ac magis ex urbe pelli mandamus. Constat enim, iisdem e medio sublatis gratiam et concordiam tenere veterem firmitatem. Sane deinceps si tale quicquam fuerit nunciatum, officium præstantiæ tuæ capitali sententiæ subdendum esse cognosce. Non enim patimur impunitum esse, præcepta nostra executionis negligentia protelari. Vale parens carissime atque amantissime.” Et adjecta subscriptio. “ Impleatur quod jussimus; quia hoc famæ<sup>r</sup> tuæ expedit.”

<sup>p</sup> Vita S. Melaniæ, apud Metaphrast. et Surium, die 31. Januarii.

<sup>q</sup> Baron. ann. 420. sect. 2. 3. Salmas. Eucharistic. de ecclesiis suburbicar. pag. 283.

<sup>r</sup> Quia Christianæ religioni, ut Ἐλληνὸφρων, minus favisse putabatur. Vid. epistolas 132, 133, 135, 136, 137. tomo 2. oper. Augustini.

EXEMPLAR EDICTI PROPOSITI A VOLUSIANO PRÆFECTO  
URBIS.

Volusianus præfectus urbi edixit.

“ HACTENUS Celestium, divinæ fidei et quietis publicæ turbatorem, judiciis amica reis secreta<sup>s</sup> subduxerunt. Jam leges etiam et edicta consequentur absentem. Cui, quod primum est, æternæ urbis negatur habitatio; ut si vel in proximis fuerit diversatus, debitum non evadat exitium. Pro merito etiam temeritatis atque ausus sui, cunctos hujus edicti cautione præmonemus, ne quis iniquo noxijs latebram putet esse præbendam: ne cum hujusmodi sit posita poena, supplicium ac stylum necesse sit proscriptionis incurrire, quisquis reum divinis humanisque legibus apud se putaverit occultandum.”

Romanæ ecclesiæ præfuit eo tempore Bonifacius: de quo Prosper<sup>t</sup>: “ Sanctæ memoriæ papa Bonifacius piissimorum imperatorum Catholica devotione gaudebat; et contra inimicos gratiæ Dei non solum apostolicis, sed etiam regiis utebatur edictis: et cum esset doctissimus, adversus libros tamen Pelagianorum beati Augustini episcopi responsa poscebat.” Duas<sup>u</sup> enim Pelagianorum epistles illi refellendas misit per Alypium; unam Juliani Romanis, alteram ab eodem octodecim pseudepiscoporum nomine Thessalonensi episcopo directam. Eis Augustinus quatuor libris respondit, Bonifacio inscriptis: quorum primo prioris, tribus reliquis posterioris epistolæ refutatio continetur: ubi prævaricationis crimen Zosimo et Romanis clericis objectum ita conatur diluere: “ Pelagiani<sup>w</sup> spe falsa putaverant, novum et execrabile dogma Pelagianum vel Celestianum persuaderi quorundam Ro-

<sup>s</sup> Al. *sacra subdiderunt.*

<sup>t</sup> Prosp. contra Collator, cap. 21.

<sup>u</sup> Augustin. 1. ad Bonifac. lib. 1. cap. 1. op. tom. 10. pag. 411. et retractat. lib. 2. cap. 61. tom. 1. pag. 62. Vide et imperfecti operis contra Julian. lib. 2. cap. 178. tom. 10. pag. 1024.

<sup>w</sup> Augnstin. ad Bonifac. lib. 2. cap. 3. op. tom. 10. pag. 433.

manorum Catholicis mentibus posse: quando illa ingenia quamvis nefando errore perversa, non tamen contemptibilia (cum studiose corrigenda potius, quam facile damnanda viderentur) aliquanto lenius, quam superior postulabat Ecclesiæ disciplina, tractata sunt. Sed si, quod absit, ita tunc fuisset de Celestio vel Pelagio in Romana ecclesia judicatum, ut illa eorum dogmata, quæ in ipsis et cum ipsis papa Innocentius damnaverat, approbanda et tenenda pronunciarentur: ex hoc potius esset prævaricationis nota Romanis clericis inurenda. Nunc vero cum primitus beatissimi papæ Innocentii literæ episcoporum literis respondentes Afrorum, pariter hunc errorem, quem conantur isti persuadere, damnaverunt; successor quoque ejus sanctus papa Zosimus hoc tenendum esse, quod isti de parvulis sentiunt, nunquam dixerit, nunquam scripperit; insuper etiam Celestium se purgare molientem ad consentiendum supradictis sedis apostolicæ literis crebra interlocutione constrinxerit: profecto quiequid interea lenius actum est cum Celestio, servata duntaxat antiquissimæ et robustissimæ fidei firmitate, correctionis fuit clementissima suasio, non approbatio exitiosissima pravitatis. Et quod ab eodem sacerdote postea Celestius et Pelagius repetita autoritate damnati sunt; paululum intermissæ, jam necessario proferendæ, ratio severitatis fuit, non prævaricatio prius cognitæ vel nova cognitio veritatis."

De fati calumnia placide primum respondet: "Nec<sup>x</sup> sub nomine gratiæ datum asserimus; quia nullis hominum ineritis Dei gratiam dicimus antecedi. Si autem quibusdam omnipotentis Dei voluntatem placet fati nomine nuncupare; profanas quidem verborum novitates evitamus, sed de verbis contendere non amamus:" deinde, justo zelo exardescens: "Itane<sup>y</sup> vero, filii superbiæ, inimici gratiæ Dei, o novi hæretici Pelagiani, quisquis dicit, gratia Dei omnia hominis bona merita præveniri, nec gratiam Dei meritis dari, ne non sit gratia, si non gratis datur, sed debita merentibus redditur; datum vobis videtur asse-

<sup>x</sup> Augustin. ad Bonifac. lib. 2. cap. 5. op. tom. 10. pag. 436.

<sup>y</sup> Ibid. cap. 6. pag. 437.

rere?" Ac demum, occasione congregationis synodi, cuius illi mentionem injecerant, ita totum opus concludit: "Istorū<sup>z</sup> superbia, quæ tantum se extollit adversus DEUM, ut non in illo velit sed potius in libero arbitrio gloriari, hanc etiam gloriam captare intelligitur; ut propter illos orientis et occidentis synodus congregetur. Orbem quippe Catholicum, quoniam Domino eis resistente pervertere nequeunt, saltem commovere conantur: cum potius vigilancia et diligentia pastorali, post factum illis competens sufficiensque judicium, ubicunque isti lupi apparuerint, conterendi sint; sive ut sanentur atque mutentur, sive ut ab aliorum salute atque integritate vitentur: adjuvante pastore pastorum, qui ovem perditam et in parvulis quærerit, qui oves sanctas et justas gratis facit; qui eas quamvis sanctificatas et justificatas, tamen in ista fragilitate atque infirmitate pro quotidianis peccatis, sine quibus hic non vivitur, etiam cum bene vivitur, quotidianam remissionem, et ut petant providenter instruit, et petentes clementer exaudit."

Eodem<sup>a</sup> quoque tempore per Alypium misit Valerius comes excerpta quædam ex primo Juliani Pelagiani libro; in quo primum caput libri Augustini de nuptiis et concupiscentia ille oppugnaverat: quibus, libro altero de eodem argumento ad Valerium scripto, responsum opposuit Augustinus. Postea<sup>b</sup> vero, Claudio episcopo mittente, integri libri quatuor Juliani ad Augustinum pervenerunt: quibus ille sex libris, eidem Claudio dicatis, accuratissime respondit; in primis duobus præcedentium doctorum testimoniis Julianum manichæismi Catholicos insimulanten redarguens, quatuor reliquos illius singulis objiciens. Neque inter doctores a se citatos præmittere voluit ille Hieronymum; licet "de<sup>c</sup> illo jactitare soleret Pelagius,

<sup>a</sup> Augustin. ad Bonifac. lib. 4. cap. ult. pag. 492.

<sup>b</sup> Id. de nupt. et concupiscent. lib. 2. cap. 1, 2. op. tom. 10. pag. 301. et tractat. lib. 2. cap. 53. tom. 1. pag. 59.

<sup>c</sup> Id. in epist. ad Claud. præfix. priori operi contr Julian. tom. 10. pag. 495. item posterioris operis imperfecti lib. 1. præfat. et cap. 2. pag. 874, 875. ac tractat. lib. 2. cap. 62. tom. 1. pag. 62.

<sup>c</sup> Id. prioris operis contra Julian. lib. 2. cap. ult. op. tom. 10. pag. 551.

quod ei tanquam æmulo inviderit :" sed tali producendum censuit ornatum testimonio : " Nec<sup>d</sup> sanctum Hieronymum, quia presbyter fuit, (non episcopus) contemnendum arbitris; qui Græco et Latino insuper et Hebræo eruditus eloquio, ex occidentali ad orientalem transiens ecclesiam, in locis sanctis atque in literis sacris usque ad decrepitam vixit ætatem ; cujus nobis eloquium ab oriente usque in occidentem ad instar lampadis resplenduit. Hic omnes, vel pene omnes, qui ante illum ex utraque parte orbis de doctrina ecclesiastica scripserant, legit; nec aliam de hac re tenuit promsitque sententiam."

De eodem, Idatius in chronicō : " Pelagianorum sec tam, cum ejusdem authore, adamantino veritatis malleo contrivit :" et Prosper, in<sup>e</sup> carmine de ingratis :

Tunc et Bethlæi præclari nominis hospes,  
Hebræo simul et Graio Latioque venustus  
Eloquio, morum exemplum, mundique magister,  
Hieronymus libris valde excellentibus hostem<sup>f</sup>  
Dissecuit : noscique dedit, quo turbine veram  
Vellent exortæ lucem obscurare tenebræ.

Idemque in chronicō, Theodosio IX. et Constantio III. consulibus, hoc est, anno æræ nostræ Christianæ CCCCXX. pridie Calendas Octobres, mortuum illum fuisse notat. Unde, cum inter doctores ecclesiasticos tunc defunctos Hieronymum connumeret Augustinus<sup>g</sup>: ante hujus anni finem libros illos contra Julianum ab eo scriptos non fuisse inferimus, vel etiam ante annum sequentem, qui ab eo quo primum adversus Pelagianos scribere ille cœpit erat omnino decimus.

Decennalis autem illius certaminis, quo cum illis continenter ab Augustino pugnatū est, ita meminit in ejusdem vita Possidius : " Adversus<sup>h</sup> Pelagianistas novos nostrorum temporum hæreticos et disputatores callidos (arte magis subtili noxia scribentes, et ubicunque poterant publice et

<sup>d</sup> Aug. prioris operis contra Julian. lib. 1. cap. 7. op. tom. 10. pag. 219.

<sup>e</sup> Prosp. de ingrat. cap. 2. <sup>f</sup> Pelagium.

<sup>g</sup> Augustin. prioris operis contra Julian. lib. 2. cap. ult. op. tom. 10. pag. 551.

<sup>h</sup> Possid. vit. August. cap. 18.

per domos loquentes) per annos ferine DECEM laboravit; librorum multa condens et edens, et in ecclesia populis ex eodem errore frequentissime disputans:" cui et nuper*it* vitæ Augustini descriptoris de libris hisce testimonium adjicere non pigebit: "Hoc sane constat, quod quemadmodum aliis a se scriptis libris præstissette scriptoribus cæteris judicatur, ita hisce quos contra Pelagium elaboravit, scipsum omnino superasse videatur. Ad quorum excellentiam D. Prosper hisce versibus allusisse videtur :" quibus ut clarissimo de prostrata post decennale bellum malorum hac Iliade ἐπινικίῳ, caput hoc concludendum putavimus.

Istius<sup>k</sup> ergo inter cunctos qui de grege sancto  
Insanas pepulere feras, industria major,  
Majus opus, totum præstantius imbuit orbem.  
Nam quounque gradum convertit callidus hostis,  
Quaque per ambages anceps iter egit operata,  
Hujus ab occurso est præventus; mille viarum  
Insidiis aditum non reperientibus ullum.  
Cumque foris rabies avidorum exclusa luporum  
Frenderet, inque omnes mendacia vertcret artes;  
Ne mentes ulla"um ovium corrumpere posset,  
Neu dubia obliquis turbaret corda querelis,  
Istius ore viri fecit Deus: istius ore  
Flumina librorum mundum effluxere per omnem;  
Quæ mites humilesque bibunt, campisque animorunz  
Certant vitalis doctrinæ immittere rivos.

<sup>a</sup> Cornel. Lancillot. vit. Augustin. lib. 3. cap. 17.

<sup>b</sup> Prosp. de Ingrat. cap. 3.

## CAP. XI.

De Celestii et Juliani novis conatibus, et Pelagianæ partis antistitibus, ex Italiae Celestini pontificis, ex Gallia Valentiniani III. Cæsaris opera fugatis. De Semipelagianismi semiñibus a Johanne Cassiano inter Massilienses primum jactis. De Fastidio Britannorum episcopo, Timotheo hæresiarcha, Agricola Pelagiano, Severo Sulpicio, et Leporio Pelagii discipulo. De Germani et Lupi in Britanniam adventu, et rebus ab eis ibidem gestis: eaque occasione de Albani reliquiis nonnulla interjecta. De Semipelagianismo inter Massilienses et Lirinenses caput attollente; et a B. Augustino atque Prospero editis scriptis refutato. Ut Nestoriani cum Pelagianis conspiraverint; et utrique, tum a concilio universalí Ephesino, tum a Celestino Romano pontifice, damnati fuerint.

QUIEVIT deinceps Pelagius in oriente: sed socii illius Celestius et Julianus in occidente non prius res turbare desierunt, quam a Romano pontifice Celestino ex Italiae finibus sunt depulsi. “Venerabilis memoriae pontifex Celestinus,” inquit Prosper<sup>a</sup>, “cui ad Catholice Ecclesiæ præsidium multa Dominus gratiæ suæ dona largitus est, sciens damnatis non examen judicii, sed solum poenitentiae remedium esse præstandum; Celestium, quasi non discussu negotio audientiam postulantem, totius Italiae finibus jussit extrudi: adeo et præcessorum suorum statuta, et decreta synodalia, inviolabiliter servanda censebat; ut quod semel meruerat abscindi, nequaquam admitteret retractari.” Julianus vero novis etiam scriptis damnatam hæresim tutari conatus, quatuor illis libris, quos contra Augustini de nuptiis et concupiscentia priorem librum prius scripserat, octo addidit alios, posteriori libro oppositos. Huic enim unico, non (quod opinati sunt alii, et in his Baronius<sup>b</sup>) sex illis quibus priorem suum librum de-

<sup>a</sup> Prosp. contra Collator. cap. 41.

<sup>b</sup> Baron. ann. 419. sec. 51.

fenderat Augustinus, Julianum respondere hic voluisse, non alium testem hic proferre opus fuerit, quam ipsum Augustinum, in posterioris responsonis præfatione de Valerio comite ita scribentem : “ Vir illustris misit mihi in chartulis nonnullas sententias decerptas ex opere Juliani hæretici Pelagiani (in quo opere libris quatuor respondisse sibi visus est illi uni, quem de nuptiis et concupiscentia me scripsisse memoravi) missas sibi a nescio quo, qui eas, ut voluit, ex primo Juliani libro decerpendas putavit: quibus ut quantocius responderem idem Valerius poposcit. Et factum est, ut sub eodem titulo etiam secundum librum scriberem: contra quem Julianus alias octo nimia loquacitate conscripsit. His nunc respondeo; ejus verba proponens, eisque subjungens responsonem meam.”

In horum octo librorum primo, in sanctissimum Ecclesiae doctorem ita declamat petulantissimus hæreticus: “ Quousque<sup>c</sup> simplicitate, qui hæc loqueris, religiosorum pectorum et imperitis auribus perstabis illudere? quem ad finem sese impudentia effrænata jactabit? Nihil te cum hæc scriberes censura doctorum virorum, nihil reverentia futuri judicii, nihil ipsa literarum monumenta moverunt? Patere jam fallaciam tuam, et deprehensam teneri non vides? Quid in primo, quid in secundo opere conscriperis, quem nostrum ignorare arbitraris? Libuit enim prorsus et decuit his te compellare modis, quibus in paricidam publicum eloquens consul infremuit.” Et quasi alius ab Augustino introductus fuisse Deus, quam quem Catholica semper agnovit et venerata est Ecclesia; ita contra illum, vel contra ipsum Deum potius, latrat novus iste orator, non loquitur. “ Amolire<sup>d</sup> te itaque cum tali Deo tuo de Ecclesiarum medio. Non est ipse cui patriarchæ, cui prophetæ, cui apostoli crediderunt; in quo speravit et sperat Ecclesia primitivorum, quæ conscripta est in cœlis. Non est ipse quem credit judicem rationabilis creatura;

<sup>c</sup> Julian. posterioris operis contra Augustin. lib. 1. sec. 20. pag. 121. edit. Paris. ann. 1616.

<sup>d</sup> Ibid. sec. 48. pag. 50, 51.

quem Spiritus sanctus juste judicaturum esse denunciat. Nemopudentium pro tali Domino suum unquam sanguinem fudisset: nec enim merebatur dilectionis affectum, ut suscipienda pro se onus imponeret passionis. Postremo iste quem inducis, si esset uspiam reus, convinceretur esse non Deus; judicandus a vero Deo meo, non judicaturus pro Deo. Ut igitur prima fidei fundamenta cognoscas; noster Deus, Ecclesiæ Catholicæ Deus, substantia nobis ignotus est, et ab aspectu similiter remotus, &c."

" Pro<sup>e</sup> hoc Deo meo, quem mihi, qualem credo, omnis creatura et sancta scriptura denuntiat, rectius dixi sacerdem, si nec librorum te concertatione dignum putarem. Verum quoniam mihi hoc potissimum a sanctis viris nostri temporis confessoribus munus impositum est, ut dicta tua quid habeant ponderis rationisque discutiam: opportunum fuit ostendere prius, non a te credi ei Deo, qui in Catholicorum semper Ecclesia prædicatus est, et usque ad finem ubi illa fuerit prædicabitur. Audi<sup>f</sup> igitur, contra ea quæ dixisti, breviter. Non sunt Ecclesiæ Catholicæ pectora, quibus sermo tuus convenit, si a pietate et ratione discordant. Sed utrumque committunt, cum nec de Dei æquitate bene æstiment, nec mysteriorum quæ criminantur sapientiam et divitias intelligunt. Non est hæc fides antiquitus tradita atque fundata nisi in conciliis malignantium; inspirata a Diabolo, prolata a Manichæo, celebrata a Marcione, Fausto, Adimanto, omnibusque eorum satellitibus, et nunc a te in Italia, quod graviter gemimus, eructata."

Secundum vero librum, quasi ab alio principio, Julianus sic est exorsus: " Commode<sup>g</sup> nobiscum ageretur, si aut apud eruditos judices negotium veritatis tueri daretur facultas, aut quia hoc interim negatur, vel nullo imperitorum obverberaremur tumultu: et<sup>h</sup> quia tollendi in ecclesiarum salutem trophæi damna perpetiun: quod bonæ causæ prudentia cognitorum miris erat delatura suffragiis, si nihil ad contumelias nostras vulgi valeret assensio. De

<sup>e</sup> Julian. posterioris operis contra Augustin. lib. 1. sec. 20. pag. 53. edit. Paris. ann. 1616.

<sup>f</sup> Ibid. pag. 67.

<sup>h</sup> Ibid. pag. 212.

<sup>g</sup> Id. lib. 2. sec. 1. pag. 211.

his ergo quas dixi hominum partibus, una vobis prodesset, altera nihil noceret; si aut illa potestatem obtineret, aut ista verecundiam. Verum quia rerum est magna confusio, et stolidorum maxima multitudo; eripiuntur Ecclesiæ gubernacula rationis, ut erecto cornu velificetur dogma populare," &c. "Delectat<sup>i</sup> enim prorsus subantes animas infamare quidquid unquam et usquam sanctorum fuit; ne clarorum operum castigentur exemplis. Delectat prorsus et penitus afficit, causari imbecillitatem naturæ, dicere carnem congenitis obnoxiam esse peccatis, nec in voluntate hominis emendationis effectum locare, sed studiorum crimina officia vocare membrorum. Catholicam hanc fidem esse; ut liberum confiteatur arbitrium, sed per quod homo malum facere cogatur, et bonum velle non possit: vanos vero hominum hæreticosque sermones qui asserant Dominum justum ad bonum opus liberum hominem condidisse, et esse in uniuscujusque potestate recedere a malo ac studiis splendere virtutis; ut his qui flagitia in necessitatem carnis refundunt solicitudinum et timorum aculeus infigatur. Postremo<sup>k</sup> in ecclesiis prædicare tantam vim esse peccati, ut ante membrorum formam, ante initium adventumque animæ, jactis seminibus supervolans, in secretum matris invadat, et reos faciat nascituros; ortuque ipso antiquior expectet culpa substantiam: quæ lex peccati habitans deinceps in membris captivum hominem cogat servire criminibus, non castigatione in turpitudinibus sed misericordia dignorem: quandoquidem quod nos vitia pravæ voluntatis esse dicimus, id in Ecclesia a viris et fœminis magnisque pontificibus originalis passio nuncupatur."

"Quid<sup>l</sup> igitur? Horumne<sup>m</sup> intuitu, receptui canere debemus, et contumelias nostras ulcisci silentio, ac de conscientiæ portu aliorum ridere naufragia? Verum contradicit huic odio, primo benignitas quam generi debemus

<sup>i</sup> Julian, posterioris operis contra Augustin. lib. 2. sec. 1, pag. 214, 215.

<sup>k</sup> Ibid. pag. 216.

<sup>l</sup> Ibid. pag. 218.

<sup>m</sup> Hæc Juliani verba, nihil fere aut admodum paululum immutata, velut sua usurpavit qui, fictitious Patricii Armacani assumpto nomine, Martem Gallicum nuper edidit; sub finem præfationis lib. 2. pag. 201, edit. ann. 1637.

humano; deinceps spes et fides, quam habemus in Deum, &c." "Hac igitur fidei consolatione gaudentes, imminamus cœpto operi, et disputationum promissa reddamus: non ambigentes hoc ipsum maximam esse prœmii partem, quod in ejus dogmatis arce constitimus; quod cum tam multorum livor, sed plurimorum error, oppugnet, tamen ita supra casus evasit ancipites, ut invincibilis cluat possessione victoriæ." "Nam<sup>n</sup> si (ut et superior sermo patefacit, et secuturus docebit) quidquid ratio est, quidquid eruditio, quidquid justitia, quidquid pietas, quidquid testimoniorum sacrorum, huic quod tuemur dogmati suffragatur: nihil aliud inimici nostri toto adipiscuntur conatu, quam ut doctis quibusque imprudentissimi, sanctis contumacissimi, in Deum profanissimi comprobentur." "Ac<sup>o</sup> per hoc (si quem in rebus adhuc humanis locum veritas habet, et non ob strepitum iniquitatis totus omnino mundus obsurduit) ratione, disputatione, et apostoli fide atque ipsa ejus sententia teste, perdoctum esse fatebitur, inter Traducianos et Catholicos tantum esse discrimen, quantum inter Paulum et Manichæum, quantum inter sapientiam et stultitiam, quantum inter rationem et insaniam, quantum inter constantiam doctorum et eam fluctuationem, quam nova foeditate perpetieris, ut in iisdem pene versibus quod dixeris neges, quod negaveris asseveres." Sic enim Augustinum compellat homo impudentissimus: cuius idecirco verba hæc describenda putavi, ut in hoc speculo contemplaretur lector consimiles nostrorum temporum ardentes, Thrasoni huic adeo geminos, ut in eos hujus spiritus quasi per Pythagoricam quandam μετεμψύχωσιν immigrasse videatur.

Quinque primos Juliani libros Roma ab Alypio se accepisse Augustinus<sup>p</sup> indicat, quum binos retractationum libros jam absolvisset; et ad quarti refutationem progressum esse, priusquam de hæresibus ad Quodvultdeum cœ-

<sup>n</sup> Julian. posterioris operis contra Augustin. lib. 2. sec. 1. pag. 220.

<sup>o</sup> Ibid. pag. 302, 303.

<sup>p</sup> Augustin. epist. ad Quodvultdeum, præfix. libro de hæresib. op. tom. 8. pag. 1.

pisset scribere: adeoque in instituto suo ad ipsum usque dierum suorum finem perseverasse, neque inter impetus obsidentium Vandalorum hunc respondendi laborem intermisisse, ostendit Prosper in chronicō. Imperfectum tamen opus ab eo relictum fuisse, ex Possidii liquet indiculo: ejusque altercationis primam tantum partem, Claudii Menardi opera e tenebris erutam, in manibus habemus, libros duos integros, tam opponentis Juliani, quam respondentis Augustini, nobis exhibentem: ubi hæretici convitia breviter et modeste ita depellit sanctus pater: “Convitiare<sup>a</sup> quantum potes: quis enim convitiosus hoc non potest? Si<sup>r</sup> emeres ista convitia; prodigum te dicere. Gratis tibi adjacent: cur non eis fruaris, quibus maledicuum animum pascis? Aliquid<sup>s</sup> dicere non potes: tace si potes: sed, quod pejus est, nec hoc potes.” Verum alio modo tractandum Julianum censuit Celestinus pontifex: dum et ipsum, et, cui ille octo suos adversus Augustinum libros dedicaverat, Florum, una cum Orentio et Fabio et aliis ejusdem sectæ, episcopatibus suis exuit, et solum vertere coegit: quos, Theodosii imperatoris open in oriente frustra implorantes, ab œcumenico concilio Ephesino denuo condemnatos videbimus suo loco.

In Galliis interim, dum a Valentiniano III. Cæsare data est opera ut Pelagiani episcopi vel corrigerentur vel inde pellerentur, a Johanne Cassiano sub specie rejecti Pelagianismi, posita sunt fundamenta illius Semipelagianismi, qui Gallicanam ecclesiam centum amplius annos perturbavit. Valentiniani lex, Aquileiæ anno CCCCXXV. ad Armatum præfectum prætorio Galliarum data, fuit hujusmodi: “Diversos<sup>t</sup> episcopos, nefarium Pelagiani et Christiani dogmatis errorem sequentes, per Patroclum sacro-sanctæ legis antistitem præcipimus conveniri. Et, nisi intra viginti dies ex conventionis tempore (intra quos deliberandi tribuimus facultatem) errata correxerint seque Catholicae fidei reddiderint; Gallicanis regionibus

<sup>a</sup> Augustin. operis imperfecti contra Julian. lib. 1. op. tom. 10. pag. 879.

<sup>r</sup> Id. ibid. pag. 901. <sup>s</sup> Id. ibid. lib. 2. pag. 992.

<sup>t</sup> Concilior. Galliæ, tom. 1. pag. 54. Et append. Cod. Theodosian. edit. Paris. ann. 1631. pag. 16.

expelli, atque in corum loco sacerdotium fidibus subrogari: quatenus præsentis erroris macula de populorum animis tergeatur, et futuræ bonum disciplinæ justioris instituatur."

Erat iste Patroclus Arelatensis<sup>u</sup> archiepiscopus: quem anno proxime sequente "a tribuno quodam barbaro multis vulneribus laniatum" occubuisse, testis est Prosper in chronicō. Successor illi datus est Honoratus, primus Liricensis cœnobii abbas: cui post biennium vita functo in sede Arelatensi substitutum esse Hilarium, docet in hujus vita Honoratus Massiliensis episcopus. Ex quibus intelligimus, Honorato sub initium anni CCCCXXIX. mortem obcunti (die enim Januarii XVI. in martyrologiis consignata habetur illius memoria) Hilarium, et Patroclo sub finem anni CCCCXXVI. occiso in Arelatensi cathedra suffectum fuisse Honoratum. Quum autem esset hic abbas, undecimam; quum episcopus, decimam octavam collationem scripsit Cassianus: ut ex præfatione utriusque præfixa liquet. Unde illud est consequens, circa annum CCCCXXVI. scriptam fuisse de protectione Dei collationem decimam tertiam: in qua, primas Pelagii imitatus artes, non sub sua, sed sub Chærémonis abbatis persona, medium quandam de gratia et libero arbitrio insidiose proposuit sententiam.

"In libro," inquit Prosper<sup>w</sup>, "cujus prænotatio est, de protectione Dei, vir quidam sacerdotalis ordinis, qui disputationi usu inter eos quibuscum degit excellit, abbatem quendam introducit de gratia Dci et libero arbitrio disserentem, cuius se ostendit per omnia probasse ac suscepisse sententiam. Ut jam non cum illo nobis sit negotium, qui forte tales opiniones suas aut negando refutaret, aut corrigendo dilueret: sed cum isto, qui ad instrumentum inimicorum gratiæ Dei talem studuit proferre doctrinam. Qui tamen inter initia disputationis a veritatis pietate non

<sup>u</sup> Illic potissimum huic rei præfetus; quia primas totius Gallicanæ diœceseos fuit; provincia cuius primatus ei tributus est, primas totius diœceseos Gallicanæ foret. Salmas. ibid. ex Canon. 18. concilii Arelatensis 2.

<sup>w</sup> Prosp. lib. contra Collatorem, cap. 2.

dissonat; et justo honorari præconio mereretur, nisi præcipiti lævoque progressu ab inchoata rectitudine deviaret." Ex sequentibus enim illius definitionibus illa Prosper<sup>x</sup> deducit porismata.

I. "Quod Adam peccante, anima ejus læsa non fuerit; sanumque in eo manserit, unde peccavit (siquidem scientiam boni, quam acceperat, non amiserit:) nec potuerunt posteri ejus id perdere, cujus damnum nec ille pertulerit."

II. "Inesse omni animæ naturaliter virtutum semina beneficio Creatoris inserta, ut possit qui voluerit judicio naturali Dei gratiam prævenire, et adjutorium ejus, quo facilius ad perfectionem perveniat, promereri: quia nullius sit laudis ac meriti, qui donatis bonis non propriis adoratur."

III. "Cavendum esse, ne ita ad Deum omnia sanctorum merita referantur, quasi per se nihil boni possit agere ipsa humana natura: cum tanta sit virium ejus integritas, ut contra ipsum Diabolum sævitiamque ejus usque ad extrema supplicia, sine auxilio Dei, valeat dimicare."

IV. "Hanc possibilitatem in omnibus esse hominibus naturalem, sed non omnes ingeneratis sibi uti velle virtutibus: tantam autem circa universos homines bonitatem esse Creatoris, ut alii ab eo quia sponte veniant suscipiantur laudati, alii quia resistunt attrahantur inviti; atque ideo volentium susceptor, nolentium vero salvator sit."

V. "Cum pars Ecclesiæ ex gratia, pars autem ex libero justificetur arbitrio; gloriosiores sint quos natura provexerit, quam quos gratia liberarit: quia ad omne opus bonum tam libera sit voluntas in Adæ posteris, quam in Adam fuit ante peccatum."

Unde Collatorem Prosper<sup>y</sup> sic adoritur, "Doctor Catholice, cur professionem tuam deseris? cur ad funosam falsitatis caliginem, relicta serenissimæ veritatis luce, de-

<sup>x</sup> Prosp. contra Collator. cap. 40. Vid. Didae. Alvarez. de auxiliis gratiæ, lib. 1. disput. 2. a sec. 18. ad fin. Henrici Cuykii censorias notas in libros Cassiani. Et Theophili Raynaudi defensionem Valciani, cap. 3. sec. 3, 4, 5. cap. 4. sec. 15, 16.

<sup>y</sup> Prosp. ibid. cap. 1. 5, 6.

volveris? Quod in potentibus, quærentibus, pulsantibusque miraris, cur non eidem gratiæ, quæ desideratur, adscribis? Vides bonos conatus, pia studia; et dubitas esse Dei dona? Latuerit opus gratiæ donec fides insita cogitationis claudetur arcano: at ubi supplex oratio, ubi diligens inquisitio, ubi appetet crebra pulsatio; quare non ex qualitate operis sumministrationem intelligis incitantis? Et satis te contra Pelagianorum calumnias præcavere existimas, si quod in universitate vocatorum sentiendum est, id nobis in portione concedas. Sed nec cum hæreticis tibi, nec cum Catholicis plena concordia est. Illi in omnibus justis hominum operibus, liberæ voluntatis tuentur exordia. Nos bonarum cogitationum ex Deo semper credimus prodire principia. Tu informe nescio quid tertium et utriusque parti inconveniens reperisti; quo nec inimicorum consensum acquireres, nec in nostrorum intelligentia permaneres."

"Quomodo autem non advertis, te in illud damnatum incidere, quod velis nolis convinceris dicere, gratiam Dei secundum merita nostra dari; cum aliquid præcedere boni operis, ex ipsis hominibus, propter quod gratiam consequantur, affirmas? Non enim nullius meriti haberi potest patientis fides, quærentis pietas, pulsantis instantia: præcipue cuni omnes ejusmodi, et accipere<sup>z</sup>, et venire<sup>a</sup>, et intrare dicantur. In quo superfluum imo impium est, sic velle meritis ante gratiam existentibus locum facere, ut non ex toto verum sit, quod ait Dominus; *Nemo<sup>b</sup> venit ad me, nisi pater, qui misit me, attraxerit eum*: si cujusquam hominis sine Dei illuminatione esset credenda couversio; aut ullo modo se voluntas hominis ad Deum sine Deo posset extendere: qui eum vocatum ad filium trahit, non resistentem invitumque compellit; sed ex invito volentem facit, et quibuslibet modis infidelitatem resistentis inclinat: ut cor audientis, obediendi in se delectatione generata, ibi surgat, ubi premebatur; ibi discat, ubi ignorabat; inde fidat, unde diffidebat; inde velit, unde nolebat. *Etenim<sup>c</sup>*

<sup>z</sup> Matth. cap. 7. ver. 7, 8.

<sup>b</sup> Johan. cap. 6. ver. 44.

<sup>a</sup> invenire.

<sup>c</sup> Psalm. 85. ver. 12. al. 84. ver. 13.

*Dominus dabit suavitatem, et terra nostra dabit fructum suum.*<sup>a</sup>

Hinc in concilio Romano LXX. episcoporum sub Gelasio habitu, opuseula Cassiani presbyteri Galliarum apoyerpha eensemuntur: eaque “a Catholiceis cautissime legenda, maxime de libero arbitrio et gratia,” notat Ado Vienensis in chronico. “De libero enim arbitrio a beato Prospero jure eulpatus est: unde monemus, ut in rebus talibus excedentem sub eautela legere debeatis”, inquit, ante Adonem, in divinarum lectionum institutione, capite vigesimo nono Aurelius Cassiodorus: et post eum, in proœmio librorum de causa Dei contra Pelagium, Thomas Bradwardinus: “Hæresis Pelagiana per patres orthodoxos extineta, a Cassiano iterum suscitatur: quam et Prosper prospere castigavit.” Ob resusatutum enim hunc Pelagianismum ita ab illo increpatum Cassianum invenimus.

“Cum<sup>d</sup> de sanctarum origine voluntatum, et fidei charitatisque principiis, inter nostros et Pelagianos quæstio versaretur, non ancipi viatoria nec dubio diremptum est fine eertamen; ut adhuc nobis de iniquissima hujus fœderis tui pace traetandum sit. Prostrata est inimica aeies, bellum confectum est; victores sumus per illum qui<sup>e</sup> fecit potentiam in brachio suo, qui dissipavit superbos mente cordis ipsorum, &c. Quid de elistarum argumentationum ratiunculis fraeta studes arma colligere? Quid eineres extinti dogmatis refovendo, defieientis fumi nidorem in redivivam flamnam conaris aeeendere? Non est perieulum libero arbitrio ex gratia Dei; nec voluntas aufertur, cum in ipsa bene velle generatur. Nam si ideo non putanda est nostra, qui formatur, regitur, ordinatur, imbuitur; spoliantur libertate filii<sup>f</sup> Dei, quia aguntur spiritu Dei: perdunt vigorem rationalis animi, et omni voluntariae devotionis laude privantur, quibus datur spiritus<sup>g</sup> sapientiae et intellectus, consilii et fortitudinis, scientiae et pietatis, ac ti-

<sup>a</sup> Prosp. contra collator. cap. 11, et 12.

<sup>b</sup> Luc. cap. 1, ver. 51.

<sup>c</sup> Esai. cap. 11, ver. 2, 3.

<sup>d</sup> Rom. cap. 8, ver. 14.

*moris Domini.* Prorsus qui his reformationibus se non putant indigere, de veteris morbi consuetudine in phrenesim transeunt: respuentes remedium, clamant, insaniunt, reluctantur. Sed si reprobationis sunt filii, quiescent et sanabuntur."

Floruit his temporibus apud Britannos Fastidius: de quo in scriptorum ecclesiasticorum catalogo Gennadius: "Fastidius Britannorum episcopus, scripsit ad Fatalem quendam de vita Christiana librum unum, et alium de viduitate servanda, sana et Deo digna doctrina": et Johannes Trithemius, "Fastidius episcopus Britannorum, vir in Scripturis sanctis eruditus, et verbi Dei prædicator egregius, vita quoque et conversatione illustris, sermone et ingenio clarus, scripsit nonnulla devota opuscula: de quibus fertur ad Fatalem volumen quoddam sana doctrina conscriptum de doctrina Christiana, et de viduitate servanda liber unus. Claruit sub Honorio et Theodosio principibus, anno Domini CCCCXX." In quibusdam Gennadii codicibus, de fide, in aliis, quos in suo catalogo Honorus Augustodunensis est secutus, de vita Christiana scripsisse legitur: ex qua diversitate lectionis factum, ut Trithemius de doctrina Christiana, Jacobus Philippus Bergomensis<sup>h</sup> de vita Christi (pro Christiana) librum ab eo editum retulerit.

Et quia Britannorum vel, ut alia legunt exemplaria, Britanniarum episcopum a Gennadio appellatum scioli quidam adverterunt, Britanniarum primatem<sup>i</sup> fuisse inde collegerunt: quumque non alibi quam Londini<sup>k</sup> primam sedem collocatam eo tempore fuisse sibi persuasissent, Londonensem fuisse illum archiepiscopum concluserunt. "Londinensis, ut fertur, metropolites erat: scripsitque, de vita Christiana librum unum; de doctrina spiritus librum unum; de viduitate servanda librum unum; admonitiones pias, librum unum; et alia nonnulla": inquit Johannes Balæus<sup>l</sup>. Johannes Pitsius<sup>m</sup> paulo confidentius, "in præ-

<sup>h</sup> Philip. Bergom. supplement. chronic. lib. 9. ad annum Christi 413.

<sup>i</sup> Vid. Christ. Broweri notas ad Venant. Fortunat. lib. 3. epigram. 11.

<sup>k</sup> Vid. supr. cap. 5. pag. 123.

<sup>l</sup> Balæ. cent. 1. cap. 41.

<sup>m</sup> Pits. de Britanniæ script. æstat. 5.

mium virtutum ad archiepiscopatum Londinensem even-  
tum" fuisse asserit; et "composuisse, de fide et vita  
Christianæ, librum unum; de doctrina Deo digna vel spiri-  
tuali, librum unum; admonitionum piarum, librum unum et  
alia non pauca." Dempsterus<sup>n</sup> præterea, ex indiculo popula-  
ris cuiusdam sui, chronicon Scotorum scripsisse eum re-  
fert: utpote "e montibus Scotiæ occidentalis, qua parte  
Hiberniam despectant, oriundum:" quæ omnia flocci non  
sunt facienda: cum de Fastidio nihil aliud in antiquioribus  
monumentis scriptum inveniatur, quam quod a nobis ex  
Gennadio est productum.

Timotheum etiam quendam contra divinam et humanam  
in Christo naturam impie inter Britannos disputavisse,  
prodiderunt recentiores<sup>o</sup>; vulgato Sigeberti Gemblacensis  
chronico decepti, in quo ad annum Christi CCCCXXVIII.  
ita legimus: "In Britannia Timotheus quidam continen-  
tiæ et religionis imagine multis illudens, eos in errorem  
suæ hæresis induxit: dicens Christum verum quidem  
Deum, et verum hominem de virginе Maria natum fuisse;  
sed mentiens, dicendo, quod divina natura conversa sit in  
humanam naturam." Verum in emendatori chronicō,  
quod ex Gemblacensi exemplari ab Auberto Miræo editum  
est, pro Britannia habetur hic Bithynia: quam lectionem  
etiam Gennadianus hæreticorum indiculus confirmat; in  
quo Timotheanorum hujusmodi reperitur descriptio, "Ti-  
motheani dicunt filium Dei verum quidem hominem ex  
virginе Maria natum; sed non ita unam reddidisse perso-  
nam, ut non in unam redacta sit naturam, conflatorm  
quoddam fuisse volentes interiora virginis, per quod duæ  
naturæ, id est, Deus et homo, in unam resolutæ et com-  
pactæ massam, unam Dei et hominis exhibuerint formam:  
immutata videlicet naturarum proprietate efficientium coi-  
tionem. Et ad confirmandam hujuscemodi impietatem,  
quæ Deum asserit a sua versum natura, cogunt Evangelistæ  
testimonium, dicentis, *Etp verbum caro factum est:*  
quod ita interpretantur; Divina natura in humanam

<sup>n</sup> Dempster. histor. Scotor. lib. 6. num. 530.

<sup>o</sup> Jo. Balæ. centur. 1. in appendic. cap. 44, et 45. Camden. Britann. pag. 60.

<sup>p</sup> Johan. cap. 1. ver. 14.

versa est. O abolitionem, illi inviolabili impingentem substantiae! Hujus impietatis initiator Timotheus, apud Bizam Bithyniae modo exulans civitatem, continentis et religiosæ vitæ imagine multis illudit."

Timotheanorum descriptionem istam, ad calcem libri de hæresibus ad Quodvultdeum adjectam, in MS. Gemblacensi invenisse se testantur Lovanienses operum Augustini editores: unde verisimile fit, Gemblacensi Sigeberto occasionem datum suspicandi, Pelagianæ hæresi, quæ in Augustini catalogo novissima recensetur, tempore fuisse proximam Timotheanam istam, Nestoriana et Eutychiana superiorem: quum tamen certum sit, non alium Timotheanorum ducem a Gennadio hic intellectum, quam Ælurum illum Timotheum, Eutychianæ hæreseos interpolatorem et Chalcedonensis concilii hostem acerrimum; qui "extincto<sup>q</sup> ab Alexandrinis Proterio episcopo, tumultuante adhuc plebe, aut voluit aut passus est se ab uno episcopo, in locum occisi episcopi, fieri episcopum:" de quo, in scriptorum catalogo, ut in hæreticorum indiculo, hoc itidem ab eo est adjectum; "Vivere adhuc in exilio jam hæresiarcha dicitur et habetur."

Sed non ut a Timotheana, ita etiam a Pelagiana hæresi Britanniam immunem præstare possumus. Nam "totam fere Britanniam Pelagianam pestem occupavisse," in S. Lupi vita legimus: quam tamen neque ab ipso Pelagio, quantumvis ibi nato, neque a vicino Celestio, sed ab Agricola quodam Pelagiano eo advectam fuisse accepimus. Narrat quidem Claudio Menardus<sup>r</sup>, "Agricolæ Britanno Scoto, totam insulam turbanti Celestium, Italæ finibus extrusum, adjutorem accessisse." Sed tam de Celestii in Britanniam adventu, quam de Agricolæ patria, sine teste ille loquitur. Quare ab antiquioribus historiæ veritas est exquirenda; imprimisque horum temporum scriptore Prospero: cuius de Celestino Romano pontifice verba sunt ista, "Nec<sup>s</sup> segniore cura ab hoc eodem morbo (Pelagiano) Britannias liberavit, quando quosdam inimicos

<sup>q</sup> Gennad. catalog. scriptor. ecclesiast. cap. 72.

<sup>r</sup> Menard. not. in Augustini contra Julian. opus imperfectum.

<sup>s</sup> Prosp. contra Collator. cap. 41.

gratiæ, solum<sup>t</sup> suæ originis occupantes etiam ab illo secreto exclusit oceani; et ordinato Scotis episcopo, dum Romanam insulam studet servare Catholicam, fecit etiam barbaram Christianam."

Hæc in chronicò magis explicate idem repetit: anni CCCCXXIX. Florentii et Dionysii consulatu signati, historiam sic enarrans: "Felice<sup>u</sup> ad patriciam dignitatem provecto, Aetius magister militum factus est. Agricola Pelagianus, Severiani episcopi Pelagiani filius, ecclesias Britanniæ dogmatis sui insinuatione corrupti. Sed actione Palladii diaconi, papæ Celestinus Germanum Antisiodorensem episcopum vice sua mittit: et, deturbatis hæreticis, Britannos ad Catholicam fidem dirigit<sup>w</sup>:" et ad annum ab hoc alterum de Palladio adjiciens, "Ad Scotos in Christum credentes ordinatur a papa Celestino Palladius; et primus episcopus mittitur." Unde duas fuisse Palladii legationes in Britanniā, perperam colligit Baronius<sup>x</sup>: quum priore anno, agente tantum Palladio, Germanum huc a Celestino missum fuisse Prosper indicet. Ut simul etiam concidat, quod Menardus retulit; eodem anno CCCCXXIX. Palladium primum, tum Germanum Lupumque Britanniæ legatione fuisse functum.

Accedat huc et Bedæ narratio: "Hæresis<sup>y</sup> Pelagiana per Agricolam illata, Severiani episcopi Pelagiani filium, fidem Britanniarum fœda peste commaculaverat. Verum Britanni, cum neque suspicere dogma perversum, gratiam Christi blasphemando, ulla tenus vellent, neque versutiam nefariæ persuasionis refutare verbis certando sufficerent; inveniunt salubre consilium, ut a Gallicanis antistitibus auxilium belli spiritalis inquirant. Quam ob causam collecta magna synodo quærebatur in commune, qui illuc ad suc-

<sup>t</sup> "Pelagius enim Britannus cum esset, ex Britannia complures allegerat sibi discipulos." Baron. ann. 429. sec. 1.

<sup>u</sup> Prosp. chronic. ab Arn. Pontaco edit. et ab Henr. Canisio, tomo I. antiqu. lection. ex MS. Augustano, et ab Andr. du Chesne, tomo I. rerum Francicarum scriptorum.

<sup>w</sup> Al. rededit. chron. integr. redigit. rectius.

<sup>x</sup> Baron. ann. 429. sec. 6. et ab eo deceptus Alphonsus Ciaconius, in vita Celestini. P.

<sup>y</sup> Lib. I. histor. ecclesiast. cap. 17.

currendum fidei mitti deberent : atque omnium judicio eligebantur, apostoli sacerdotes, Germanus Antisiodorensis et Luperus Trecassinae civitatis episcopi, qui ad confirmandam fidem gratiae cœlestis Britannias venirent. Qui cum prompta devotione preces et jussa sanctæ Ecclesiæ suscepissent; intrant oceanum, &c."

Severianum illum Johannes Balæus<sup>z</sup> Severum Sulpitium Aquitanum fuisse affirmat : qui B. Martini vitam edidit ; atque Agricolam istum "in Britannia genuisse ex Britanna matre, dum Pelagianum illic spargeret dogma." Verum non a patre, sed a filio Pelagianum dogma in Britanniam illatum fuisse Prosper et Beda dicunt : ac patrem episcopum fuisse addunt, quum illum Aquitanicum, qui magistri sui Martini vitam scripsit, presbyterum tantum faciat, qui res illius ignorare non potuit, Massiliensis Gennadius. "Hic<sup>a</sup> tamen in senectute sua a Pelagianis deceptus et agnoscens loquacitatis culpam, silentium usque ad mortem tenuit ; ut peccatum quod loquendo contraxerat, tacendo penitus emendaret :" ut de hoc ipso presbytero refert idem Gennadius, et post eum Ado Viennensis, Matthæus Florilegus, Johannes Trithemius, et alii. Britannos quoque, juxta Sulpitii Severini regulam, LXXXIV. annorum cyclum in Paschate designando observasse, author est Aldhelmus<sup>b</sup>. Ut quod de Sulpitio Severo hic dicitur, aliqua saltem probabilitatis specie niti videatur.

At nullam verisimilitudinis vel speciem quidem obtinet, quod a Balæo est additum, Agricolam hunc eundem cum Leporio fuisse ; de quo Gennadius : "Leporius<sup>c</sup> adhuc monachus<sup>d</sup>; postea presbyter, præsumens de puritate vitæ (quam arbitrio tamen et conatu proprio, non Dei adjutorio obtinuisse crediderat) Pelagianum dogma cœperat sequi, sed a Gallicanis doctoribus admonitus, et in Africa per Augustinum emendatus, scripsit emendationis suæ libellum ; in quo et satisfacit de errore, et gratias agit de emendatione : simul et quod male senserat de incarnatione

<sup>z</sup> Balæ. centur. 1. cap. 45.

<sup>a</sup> Gennad. catalog. script. ecclesiastic. cap. 19.

<sup>b</sup> Aldhelm. epist. ad Geruntium ; inter Bonifacianas. num. 44.

<sup>c</sup> Gennad. catalog. cap. 59.

<sup>d</sup> Laicus. Ado in chronic. æstat. 6. vid. supr. cap. 8. pag. 256.

Christi corrigens, Catholicam sententiam tulit; dicens, manentibus in Christo duabus naturis, unam credi filii Dei personam:" et Facundus Hermianensis<sup>e</sup>, "Cum quidam Leporius presbyter apud Gallias, depravatus a vera et antiqua Ecclesiæ fide, eadem docere præsumeret quæ postea Nestorius docuit, atque inde pro tali errore depulsus, in Africam docendus veniret; ille instructus, ut docet apostolus, in spiritu mansuetudinis a spiritualibus patribus Aurelio Carthaginiensi, et Augustino, atque aliis Africanis episcopis, pravissimam novitatem sui dogmatis abdicavit. Scripsit autem libellum satisfactionis idem Leporius ad Gallos episcopos; quem memorati venerabiles patres Aurelius atque Augustinus et caeteri sic probaverunt, ut ad faciendam veritatis fidem, etiam suas ei subscriptiones adjicerent:" et, cui ille probe notus erat, Johannes Cassianus<sup>f</sup>, "Leporius tunc monachus, modo presbyter, qui ex Pelagii institutione vel potius pravitate descendens, apud Gallias assertor prædictæ (incerti nominis) hæreseos aut inter primos aut inter maximos fuit, a nobis admonitus, a Deo emendatus, ita male conceptam persuasionem magnifice condemnavit, ut non minus pene admiranda sit correctio illius, quam illæsa multorum fides: quia primum est, errorem penitus non incurrere; secundum, bene repudiare. Is ergo in se reversus, non solum in Africa, ubi tunc erat atque nunc est, (anno videlicet CCCCXXX.) tam errorum suum cum dolore, quam sine pudore confessus est; sed etiam ad omnes admodum Galliæ civitates flebiles confessionis ac planctus sui literas dedit: quas ita exorsus est: *Quid in me primum, o Domini mei venerandi et beatissimi sacerdotes, accusem nescio; quid in me excusem, non invenio. Sic imperitia cum superbia, sic stulta simplicitas cum persuasione noxia, sic ferror cum intemperantia, sic (ut verius dicam) cum sui diminutione debilis fides, simul in me omnia recepta riguerunt; ut tot et tantis simul sit et obedisse confusio, et hæc*

<sup>e</sup> Facund. de trib. capitulis, ad Justinianum imp. lib. 1. cap. 4.

<sup>f</sup> Cassian. de incarnat. Christi, lib. 1. cap. 4, 5.

*eadem ab animo potuisse rejicere, mihi stupenda sit gratulatio."*

Nam quod anno Christi CCCCVI. quo Pelagiana ipsa hæresis, Leporianæ hujus parens, lucem vix aspexerat, "Leporium episcopum Uticensem in Bætica, prius monachum ex familia S. Augustini, mutavisse perditam suam priorem sententiam, admonitum a S. Augustino præceptore suo," in chronico suo narrat commentitius Dexter; ejusdem est ponderis, cuius illa a Balæo et Pitsio de eodem prodita: in Britannia natum, presbyterum et monachum in magno illo Bannochorensi cœnobio factum, per Gallicanos episcopos Germanum et Lupum, in Britanniam a Celestino missos, admonitum a Pelagiano errore resipuisse; et præter erroris sui palinodiam, duo quoque alia opuscula edidisse, de incarnatione Domini et de duabus in Christo naturis: quum Leporium Gallum fuisse constet, et in Gallia hæresim suam sparsisse, indeque a Proculo Massiliensi episcopo et Cylinnio exturbatum in Africam cum sectatoribus suis concessisse, atque ibi ab Aurelio<sup>g</sup>, Augustino, Florentio et Secundino in viam revocatum, emendationis suæ sive satisfactionis libellum ad episcopos Galliæ scripsisse; quem cum aliis quibusdam veterum scriptorum opusculis dogmaticis in lucem a diligentissimo Sirmondo<sup>h</sup> emissum habemus. Ad alia vero illa opuscula quod attinet: alterius "de confessione naturarum Christi insignem facere mentionem Johannem Cassianum libro primo de ejus incarnatione," affirmat Balæus; ibidemque extare "contra Timotheum hæreticum de incarnatione Verbi epistolam, a Leporio scriptam," Pitsius asserit. Verum unius tantum satisfactionis libelli, sive palinodiæ, Cassianus meminit: indeque de Verbi incarnatione et duabus in Christo naturis, excerpta quædam retulit; non quidem contra Timotheum, (quem illo ætate posteriore fuisse jam ostendimus) sed contra semetipsum edita, quod duas in Christo personas ante Nestorium adstruere præsumpsisset.

<sup>g</sup> Vid. eorum epistol. ad Proculum et Cylinium: tomo 1. concilior. Galliæ.

<sup>h</sup> Paris. ann. 1630.

Germani, ut ad eum jam accedamus, primas fuisse partes in liberandis a Pelagiana peste Britanniis, omnes consentiantur: sed quorum opera munus hoc illi sit impositum, inter optimos authores aliquantula videtur esse dissensio. Prosper enim (ut vidimus) Celestino Romano episcopo hanc laudem tribuit, Palladio diacono ad curam hanc suscipiendam incitato. Constantius vero et cum eo Beda, Paulus diaconus, Freculphus, Erricus Antissiodorensis et Ado Viennensis, curantibus episcopis Gallicanis, ad opem Britannis ferendam, Germanum simul cum Lupo missum fuisse affirmat: quæ Baronius<sup>1</sup> ita inter se conciliare nittitur, "Cum authoritate Prospere satis liqueat, S. Germanum episcopum in Britanniam a Celestino missum esse legatum; Constantius vero ac post eum Beda tradant a synodo Gallicana id factum: potuit quidem utrumque facile contigisse; vel ut quem mittendum synodus illa delegisset, pontifex comprobasset; vel quem sibi ad eam provinciam legare deberet, ipse Celestinus arbitrio Gallorum episcoporum reliquisset. Certe quidem clades ipsa illata Britannorum Ecclesiæ ab ipsorum gentile Pelagio, ac ejus discipulis, prius innotuit episcopis Galliarum legatione Catholicorum antistitum Britannorum, ut ex Constantio liquet. Qui igitur legibus imperatorum undique (ut dictum est) exagitati Pelagiani fuere; in insula illa in primis, ex qua Pelagius auctor impietatis oriundus erat, latebras captare curarunt: ubi affectato ex more titulo sanctitatis, in se populi oculos convertentes, in eos paulatim cum prædicatione Christianæ vitae perfectionis quam se profiteri jactabant, venena hæresis instillarunt; quæ adeo eorum præcordiis inhæserunt, ut jam medicinam nullam admitterent, suorumque pastorum lupos arcentium vocem contemnerent: unde opus fuit, e vicinis Galliis, imo e longe posita Romana ecclesia adversus ingruentia mala auxilium implorare. Sed non unus Germanus episcopus tantum suscepit onus subeundum; verum additus est illi collega vir sanctissimus Lupus episcopus Trecensis: amboque, sicut Paulus et Barnabas, in evangelium segregati."

<sup>1</sup> Baron. ann. 429. sec. 10.

Duabus in Britannia legationibus functum fuisse Germanum, rerum ipsius scriptores tradiderunt: indeque in poemate de vita illius conscripto, Erricus Antissiodorensis hac ad eum usus est apostrophe:

Tuque o, cui toto discretos orbe Britannos  
Bis penetrare datum, bisque intima cernere magni  
Monstra maris.

Priorem hanc fuisse constat: in qua collegam habuit ille Lupum; quem Claudio Menardus fratrem, Petrus Equilinus<sup>k</sup> cognatum illius, sua tantum fide, nuncupat. Fratrem vero Lupi fuisse Vincentium Lirinensem ex Eucherio novimus, primos Latinæ suæ patres ita commemorante: “Digna quæ Honorato auctore fundata sit: quæ tanti instituti tantum nacta sit patrem, apostolici spiritus vigore, et vultus honore radiantem. Digna quæ illum suscipiens, ita emitteret; (ad Arelatensem scilicet cathedralm:) digna quæ præstantissimos alat monachos, et ambiendos proferat sacerdotes. Hæc nunc successorem ejus tenet Maximum, nomine clarum, quia post ipsum meruit adscisci. Hæc habuit reverendi nominis Lupum, qui nobis illum ex tribu Benjamin<sup>l</sup> lupum retulit. Hæc habuit germanum ejus Vincentium, interno gemmam splendore perspicuam. Hæc nunc possidet venerabilem gravitate Caprasium, veteribus sanctis parem.”

Hæc Eucherius, in libello de laude eremi ad Hilarium tum scripto, quum se ille Lirinensi insulæ, “derelictis<sup>m</sup> episcopatus Honorati (ut de se narrat ipse Hilarius) principiis, secreti amore reddidisset.” Unde intelligimus eo tempore utrumque fratrem, “post desudatas militiae Lirinensis excubias;” ut in epistola ad Lupum loquitur Sidonius<sup>n</sup>, alio sese transtulisse: licet anno CCCCXXIX. “Vincentium ex Palatino factum esse monachum Lirinensem,” in Pseudo-Dextri legamus chronico. Lupum certe, qui Hilarii hujus sororem Pimeniolam uxorem duxerat, “cum jam septimus conjugii annus volveretur,” sub Ho-

<sup>k</sup> Petr. de Natalib. lib. 6. cap. 156.

<sup>l</sup> Gen. cap. 49. ver. 27.

<sup>m</sup> Hilar. Arelatens. in serm. de vita Honorati.

<sup>n</sup> Sidon. Apollinar. lib. 16. ep. 1.

norato abbe gymnasium Lirinense ingressum esse, “cumque annum unum illie egisset” ad urbis Treeensis episeopatum fuisse raptum, indeque “exaeto biennii spatio” in Britanniam eum Germano profeetum esse, antiquus vitæ illius scriptor clare indicat. Quod eorum anaehronismos refutat qui, Prosperi rationibus desertis, post annum CCCCXXIX. legationem hanc a Germano et Lupo susceptam fuisse opinantur. Ut<sup>o</sup> enim in ipso extremo anno CCCCXXVI. quo Honoratum a Lirinensi præfectura ad Arelatensem archiepiseopatum eveetum fuisse ostendimus, Lupum monasticam sub eo vitam profiteri ecepisse admittamus; triennium inde numeratum anni CCCCXXIX. terminos exeedere nos nequaquam patietur. Et eum anno abhinc altero concilium Ephesinum habitum fuisse constet; corrigendum inde quod a Sabellico<sup>p</sup> est scriptum: “misisse Celestimum, secundum hæc quæ Ephesi faeta sunt, Germanum antistitem Altisiodorensem in Britanniam; ad Pelagianam hæresim, quæ passim tota insula inoluerat, prædicatione tollendam.”

Porro eorum, quibus Britannicæ hujus legationis obendum munus est impositum, tam sancta erat apud suos existimatio, ut Apollinaris Sidonius<sup>q</sup> S. Anianum Aurelianensem, velut maximum consummatissimumque pontificem commendaturus, “Lupo parem Germanoque non imparem” dixisse, satis esse putaverit: et ad<sup>r</sup> ipsum Lupum scribens, “Patrem patrum, et episeopum episcoporum, et alterum seculi sui Jaeobum,” compellare nihil dubitaverit. Nactus est autem rerum suarum buccinatorem S. Germanus Lugdunensem presbyterum Constantium, cui octo primos epistolarum suarum libros dicavit idem Sidonius: et ut “virum singularis ingenii, salutaris eonsilii, in tractatibus publicis cæteros eloquentes, seu diversa sive paria deeernat, præstantioris facundiae dotibus antecellentem,” prædicat. Quæ ille vero soluta oratione

<sup>o</sup> Ad annum 436. refertur in Roberti Antissiodorensis chronologia, fol. 61. a. ad annum 450. Et a Johanne de Garlandia.

<sup>p</sup> Sabellic. Ennecd. 8. pag. 323.

<sup>q</sup> Sidon. lib. 6. epist. 1.

<sup>q</sup> Sidon. lib. 8. epist. 15.

<sup>r</sup> Id. lib. 9. epist. 16.

libris duobus, ea libris sex Erricus Antissiodorensis<sup>t</sup> monachus versu expressit; qui Colinæ typis anno MDXLIII. Parisiis habentur excusi. Ejusdem præterea de miraculis S. Germani, quæ in ejus vita omissa sunt, libros duos, una cum sermone de transitu illius, in bibliotheca Bodleiana et Sarisburiensis ecclesiæ MSS. vidi: in quorum præfatione primum illum *βιόγραφον* hoc ornat elogio: “Constantius Lugduni impense doctissimus, impulsu vel precibus S. Patientis ejus tunc urbis episcopi, librum de vita et virtutibus beati Germani mira sententiarum elegantia copiosoque delectu verborum excellentissime edidit; cum per ora cunctorum Sancti recens adhuc spiraret memoria, pluresque qui eum degentem in seculo viderant superessent.”

Prioris hujus legationis initia Constantius sic exponit: “Eodem<sup>u</sup> tempore ex Britanniis directa legatio Gallicanis episcopis nunciauit, Pelagianam perversitatem in locis suis late populos occupasse, et quamprimum fidei Catholicæ debere succurri. Ob quam causam synodus numerosa collecta est: omniumque judicio duo præclara religionis lumina universorum precibus ambiuntur, Germanus et Luperus apostolici sacerdotes, terram corporibus, cœlum meritis<sup>w</sup> possidentes. Et quanto laboriosior necessitas apparebat, tanto eam promptius heroes devotissimi suscepérunt; celeritatem negotii fidei stimulis maturantes.” Tum de Genovefa virgine in itinere Deo dicata, et sedata in oceano oborta tempestate, narrationem persequitur: de illa pariter consentiente Genovefæ, de hac Lupi vitæ scriptore anonymo. Hujus enim profectionis vitæ Genovefæ scriptor<sup>x</sup> ita meniinit: “Proficiscentes ad Britannias, præclari maximique pontifices, ad Pelagianam hæresim, quæ tunc in locis illis emerserat, reprimendam; ad me-

<sup>t</sup> Sigebert. Gemblacens. de illustr. eccles. scriptor. cap. 105. et in chronic. ann. 877.

<sup>u</sup> Constant. de vita Germani, lib. 1. cap. 19. MS. in bibliotheca Sarisburiensi et Cottoniana, et apud Surium, tom. 4. Jul. 31.

<sup>w</sup> mentibus. Baron. male.

<sup>x</sup> MS. in bibliotheca Sarisburiensi et Cottoniana: et apud Surium, tom. I. Januar. 3. scd mutato stylo.

inorataum forte paroeliaum (Nimetodorenum; in qua nata est Genoveta) orandi vel manendi se gratia contulerunt.” De Lupo autem, ad Treeensis<sup>y</sup> sive Tricassinae urbis episcopatum jam eveeto, agens alter; “Exaeto,” inquit, “biennii<sup>z</sup> spatio, eum esset pollens ingenio, elarus cloquio, sanitate praeipius, cum S. Germano, totius perfectionis et gratiae spiritalis pleno, contra haeresim Pelagianam, quæ sanam oppugnabat fidem, in Britanniam profectus est: qui uno spiritu juneti, et pari voluntate concordes, terribiles oceani fluctus, temporibus hybernis mari se committentes, orationum gubernaculis mitigarunt.”

De re in Britannia ab eis gesta, pergit narrare Constantius: “Britanniarum<sup>a</sup> insulam, quæ inter omnes est vel prima vel maxima, apostoliei sacerdotes raptim opinione, prædicatione, virtutibus impleverunt. Et eum quotidie irruente frequentia stiparentur, divinus sermo non solum in ecclesiis, verum etiam per trivia, per rura, per devia diffundebatur; ut passim, et fiducies Catholice firmarentur, et depravati viam correctionis agnoseerent. Erat in illis apostolorum instar et gloria, et auctoritas per conscientiam, doctrinam per literas, virtutes ex meritis: aeedebat præterea tantis auctoribus assertio veritatis. Itaque regionis universitas in eorum sententiam prompta transierat. Latabant abditi sinistram persuasionis authores, et more maligni spiritus gemebant perire sibi populos evadentes. Ad extreum diuturna meditatione concepta presumunt inire conflictum. Proceedunt eonspieui divitiis, veste fulgentes, circumdati assentatione multorum: contentionisque subire aleam maluerunt, quam in populo, quem subverterant, pudorem taciturnitatis incurrere; ne viderentur sc ipsi silentio damnavisse. Illic plane immensa multitudinis numerositas etiam cum eonjugibus ac liberis cœpta convenierat. Aderat populus spectator futurus et judex. Adstabant partes, dispari conditione dissimiles: hinc divina auctoritas, inde humana præsumptio; hinc fides, inde

<sup>a</sup> Troyes, in Campania Gallicana.

<sup>b</sup> Vita S. Lupi, apud Surium, tom. I. Jul. 29.

<sup>c</sup> Constant. lib. I. cap. 23.

perfidia; hinc Christus, inde Pelagius auctor. Primo in loco beatissimi sacerdotes præbuerunt adversariis copiam disputandi; quæ sola nuditate verborum diu inaniter et aures occupavit et tempora. Deinde antistites venerandi torrentes eloquii sui cum apostolicis et evangelicis tonitribus profuderunt. Miscebatur sermo proprius cum divino, et assertiones violentissimas lectionum testimonia sequebantur. Convincitur vanitas, perfidia confutatur: ita ut ad singulas verborum objectiones reos se, dum respondere nequeunt, faterentur. Populus arbiter vix manus continet: judicium cum<sup>b</sup> clamore testatur."

Londini conventum hunc habitum fuisse affirmat Hector Boethius<sup>c</sup>: addens insuper, Pelagianos, "qui resipiscere contumaciter sprevissent, flammis regiorum magistratum opera esse adustos; cæteros pro admisso delicto pontificum auctoritate pœnis adactos, receptos esse in gratiam." Matthæus Florilegus<sup>d</sup> Verolamii synodum hanc collectam fuisse scribit. Pro quo faciunt, et antiquæ fani Albani membranulæ, quæ eo in loco, ubi S. Germani sacellum etiamnum superest, Germanum pro suggestu verbum divinum effatum fuisse testatur; et ipse Constantius, qui eundem S. Albani sepulchrum aperiri tum jussisse refert, "Germanus, inquit ille<sup>e</sup>, omnium apostolorum diversorumque martyrum reliquias secum habens, facta oratione, jussit revelli sepulchrum, pretiosa ibidem munera conditurus: arbitrans opportunum, ut membra sanctorum ex diversis regionibus collecta, quos pares meritis receperat cœlum, sepulchri quoque unius teneret hospitium. Quibus depositis honorifice atque sociatis, de loco ipso, ubi beati martyris effusus fuerat sanguis, massam pulveris secum portaturus abstulit: in qua apparebat, cruento servato, rubore martyrum cædem, persecutore pallente." Hincque natum Andreas Saussaius<sup>f</sup> affirmat "S. Albani Britannici profusam longe lateque per Gallias venerationem, quæ in antiquis nitet consignata fere omnium

<sup>b</sup> Tamen 2. MSS. Cot.

<sup>c</sup> Boeth. Scot. hist. lib. 8.

<sup>d</sup> Flor. hist. ad annum grat. 116.

<sup>e</sup> Camden. in Hertfordshire pag. 293.

<sup>f</sup> Constant. lib. 1. cap. 25.

<sup>g</sup> Martyr. Gall. Jun. 22. pag. 377.

ecclesiarum episcopalium diptychis: potissimum Bituriensis, Senonensis, Aurelianensis, Augustodunensis, Maccloviensis, Constantiensis, &c."

Cum Constantii vero narratione conferenda hic exhibemus, quæ Albanensis quidam habet monachus; qui sub medium duodecimi post Christum seculi de translatione S. Albani tractatum edidit: "Ad ejus tumbam, cœlesti sanctitate perspicuam, præclarus Dei sacerdos Antissiodorensis Germanus eo in tempore adoratus accessit: qui Pelagianam hæresim, cum suis auctoribus, in Verlamio civitate damnavit. Associato itaque sibi beato Lupo Trecasinæ urbis episcopo, sepulchrum gloriosi martyris diligenter aperuit; eique omnium sanctorum apostolorum et diversorum martyrum reliquias offerens, ibidemque recondens, solemniter collocavit. De loco autem in quo idem agonista invictus sanguinem fundens occubuit, massam pulveris secum ad natale solum gestaturus collegit: in qua, evoluto tam diuturno tempore, rubebat martyrium insignis athletæ; ad laudem ejus et gloriam, virtute Dei magnifica, servato cruento. Ipsius igitur gloriosi militis Christi passio et mors pretiosa per sanctum pontificem Germanum apud transmarinas nationes celebris in sancta refulsit Ecclesia." Et alius ejusdem loci cœnobita, qui anno MCCLVII. de mausoleo S. Albani tum invento scripsit: Reperta est "quædam urna, quasi recenter a furno figuli extracta, quadam testa cooperta. In qua continebantur quidam parvi asseres, quasi de uno vase pretioso propter vetustatem confracto et fere putrefacto; et pulvis terrestris sive incineratus et aliquantulum madidus, quasi sanguine nondum consumpto madefactus. Olla quoque et testa et plumbei panni erant quasi tincti cruento, sed indurato. Quod historiæ quæ de inventione ejus sub S. Germano facta est concordat. Legitur enim quod idem S. Germanus massam pulveris, ad natale solum eam secum portaturus, aperto ejus sepulchro collegit: in quo martyrium insignis athletæ servato magnifico cruento apparebat post tot tempora diuturna. In ipsum igitur pulverem pretiosa caro martyris et sanguis, qui primitus in Anglia fusus fuerat, resolvebantur."

Similiter et Thomas Walsinghamius<sup>h</sup>, in S. Albani vestimento apud Elienses conservato, conspecta fuisse narrat “cruoris coagula dense respersa, ita nova, ita recentia quasi pridie fuissent effusa :” ut supra<sup>i</sup> retulimus. “Et fas est credere,” inquit, “quod ad honorem Sancti, divino miraculo sanguis ejus sit in hac veste servatus ; sicut in pulvere sui sepulchri per multa secula fuerat conservatus : cuius pulveris massam, in qua rubebat adhuc sanguis martyris, S. Germanus Altissiodorensis episcopus secum abstulit, et detulit ad natale secum<sup>k</sup> Altissiodoro capellam construens in honorem martyris memorati.” AEdis hujus Antissiodori a S. Germano positae ita etiam meminit in Antissiodorensi suo chronicō Robertus monachus : “Fecit basilicam S. Albani martyris infra muros ipsius urbis, quam in honore ejusdem martyris dedicavit ; reliquiasque ipsius, quas secum a Britanniis detulerat, ibidem honorifice composuit.” Similiter Erricus Antissiodorensis libro primo de miraculis S. Germani : “Reversus ex Britanniis, reliquias antiquissimi preciosique Albani martyris secum detulit ; atque infra muros Antissiodori basilicam eis condendis exaedificans, praefati martyris nomine dedicavit.” Et Matthaeus Florilegus<sup>m</sup>, de Albani reliquiis ab Offa Meritorum rege inventis verba faciens : “Martyris corpus, astante Offa rege, in theca lignea, in qua prius a Christi fidelibus, propter barbarorum saevitiam, fuerat tempore discriminis occultatum, reperiunt ; cum ipsis sacris omnium apostolorum diversorumque martyrum reliquiis, quas ibi dudum sanctus deposuerat Germanus. Movit haec inventio tam clerum quam populum universum ad lacrymas : et ob hoc maxime, quod fidem fecit dictis sanctorum patrum, de reliquiis simul cum corpore repertis ; quas

<sup>h</sup> Walsingham. hist. Edvard. II. ad ann. 1314.

<sup>i</sup> Supra cap. 7. pag. 181.

<sup>k</sup> solum Altissiodorum.

<sup>l</sup> Id. ib. Beatus Michomeres, unus discipulorum S. Germani, qui sanctum virum de Hibernia fuerat prosecutus. B. Michomeri apud castrum cui Tharhodori nomen est, distatque ab urbe Antissiodorensi sane decem et octo millibus, deinceps oratorium est constructum : ubi sanctum Dei digne venerantibus divina hodieque beneficia cumulantur. Vid. Vincent. Bellov. in Germano : et Andr. Saussarium in martyrologio Gallicano.

<sup>m</sup> Flor. hist. ad ann. 794. Vide supr. cap. 7. pag. 201.

legimus, ad solatium martyris, ejus sacro corpori fuisse conjunctas."

Sed ad Constantii narrationem non tam accedunt scriptores nostri, quam diversi ab ea abeunt Colonienses S. Pantaleonis monachii, qui Albani<sup>n</sup> reliquias a Germano Romam perlatas, indeque a Theophania Othonis II. imperatoris conjugae Coloniam deportatas fuisse asserunt. Anno Christi DCCCCLXXXVI. translationem hanc ab illa factam, ex Moguntino suo MS. refert Serarius<sup>o</sup>: DCCCCLXXVII. assignant Colonienses; ex quorum traditione, controversiae inter eos et Anglos anno MCCCCXXVII. hac de re obortae narrationem hanc pertexit Surius<sup>p</sup>. "Ubi res innotuit Anglis, constanter illi asserere non dubitarunt, sanctum Albanum martyrem apud ipsos ortum et passum et conditum, eam quam suo sanguine illustrasset insulam nequaquam reliquisse, sed in ea semper permansisse. Ea occasione is, qui per id tempus apud S. Pantaleonem abbatis fungebatur officio, communicato cum fratribus sui monasterii consilio, cum sacræ B. martyris reliquiæ, jam trecentis et quinquaginta annis in ipsorum ecclesia quievissent, atque ab ipsius martyrio 1000. et eo amplius anni fluxissent, ad loculum cum ingenti devotione et reverentia accessit, eoque aperto videt ipse, vident et cæteri fratres, non sinc multa admiratione multisque lachrymis, magna omnipotentis Dei virtute clarissimi martyris corpus tot seculis incorruptum conservari; lætanaturque singulari Dei beneficio, tanti thesauri se compotes fieri potuisse. Ut autem certius de rei veritate constaret, et fidelium devotio excitaretur, e loculo venerandas extulere reliquias, et, ut Deus laudaretur in sancto suo, publiccas adspectandas proposuere; ac deinde in thecam aliam, auro argentoque et lapidibus pretiosis, quantum corum sinebant facultates, ornatam reposuere, in qua hodieque reservantur. Tum autem recentes videbantur, ac si non ita pridem pro Christo cæsus esset inclytus martyr.

<sup>n</sup> Supra, cap. 7. pag. 179.

<sup>o</sup> Serar. Moguntiac. rer. lib. 5. pag. 718.

<sup>p</sup> Sur. tom. 3. vit. sanctor. Jun. 22. collat. cum collectione historiarum sanctorum edit. Lovan. ann. 1485. fol. 88. col. 2. et 218. col. 2, 3.

Caput enim cum barba, cervicem etiamnum sanguinolentam, braehia et manus, scapulasque pelle et carne tectas, pectus cum eratibus laterum, denique spinam dorsi cum renibus invenerunt. Pannus etiam quo saerum corpus trecentis et quinquaginta annis obvolutum fuerat, instar nivis candidus, et plane incorruptus erat. Cum autem hæsaeræ reliquiæ ita ostenderentur, multi paralytiei, claudi, eurvi, contraeti, humi reptantes, gibbosi, eæci, muti, dæmoniae, manei, febrietantes, aliisque diversis affecti morbis, non pau ei etiam mortui et in aquis extincti, quorum omnium numerus quingentos excederet, curati sunt: ut nihil dicamus de jumentis, quibus æque est restituta sanitas."

Eadem, postremo tantum hoc de sanatis jumentis prætermisso, ex Surio repetit Erhardus Winheimius<sup>q</sup>: "œulato teste semetipso asseverans, S. Albani caput, eum carne et sanguine, ad præsentem usque diem ita integrum eonspici, ac si pridem carnificis gladio amputatum esset." Verum, si miraculorum obtentu dirimenda lis ista foret: proeuldubio superiores decederent Albanenses in Anglia cœnobitæ; vel unieo illo libro in testimonium advocate, quem circa annum MCLXX. de S. Albani miraculis apud se patratis in lueem ediderunt. Libri, quem ex Cottiana sumptum bibliotheca in manibus jam habeo, hoc est initium: "Miracula quæ per B. Albanum protomartyrem Anglorum virtus divina operari dignata est, quædam ex innumeris commendata literis, et posterorum omnium notitiæ transmittere euravimus:" quorum ne in dubium vocaretur fides, solennis obtestatio est annexa. "Quæ de beato martyre dieturi sumus, nemo falsa aut fabulosa existimet: sed quæ, Deum contestamur, aut ipsi œulis nostris vidimus, aut ab aliis probatae fidei relatoribus auribus nostris audivimus: alioquin tacere maluissemus sine culpa, quam cum culpa fari composita." Quibus ut cohors auxiliaria paulo post accessit de Amphibali et sociorum ejus translatione scriptio<sup>r</sup> illa altera: in qua, inter alia, quomodo in eorum oceursum a monachis ductus sit Albanus, ut eos

<sup>q</sup> Winheimi. sacrar. Agrippin. in Ecclesia, 12.

<sup>r</sup> Supr. cap. 7. pag. 195, et Matth. Paris. in hist. ann. 1178.

in cœnobio suo exciperet, sic author narrat: “Instituta domi processione, conventus et clerus accedunt; martyribus obviant, corpus Anglorum protomartyris deferentes. Quod ut consueverit aliquoties, prout noverunt ejus portatores, satis existere ponderosum, ea hora tantam sui facilitatem exhibebat, ut, quod miraculi est, alis quam humeris subvelhi, volare quam incumbere potius crederetur. Occurrit ergo martyr martyribus, magistro discipulus, hospes quondam hospiti, cœlestis civis æterno concivi: quemque ne viderent eum hostes, clam olim abduxerat, jam palam exceptit revertentem; et in eminentem cum sociis introduxit ecclesiam, quem aliquando solum in tuguriis non valebat exhibere securum.”

Illas tamen Albani reliquias non Colonienses solum in Germania, sed etiam Ottonienses<sup>s</sup> in Dania, et Elienses in ipsa Anglia sibi vendicarunt: de qua contentione Johannem Timmuthensem et ejus exscriptorem Capgravium in Albani legenda consulere poterit,

Perdere si quis in his dignabitur otia curis.

Nos ad illam omnium sermone atque scriptis celebratissimam victoriam Alleluiatricam Germano et Lupo ducibus a Britannis obtentam, sermonem jam convertimus: quam Constantius<sup>t</sup> sic enarrat: “Interea Saxones Pictique bellum adversus Britones junctis viribus suscepérunt, quos eadem necessitas in castra contraxerat; et cum trepidi partes suas pene impares judicarent, sanctorum antistituti auxilium petierunt. Qui promissum maturantes adventum, tantum securitatis ac fiduciae contulerunt, ut accessisse maximus crederetur exercitus. Itaque apostolicis ducibus Christus militabat in castris. Aderant etiam quadragessimæ venerabiles dies, quos religiosiores reddebat præsentia sacerdotum, in tantum ut quotidianis prædicacionibus instituti certatim ad gratiam baptismatis convolarent. Nam maxima exercitus multitudo undam lavacri

<sup>s</sup> Vid. Ælnothum in vita Canuti, cap. 28, 29. et Isac. Pontan. rerum Danicar. lib. 5. in historia regis, 68.

<sup>t</sup> Constant. lib. 1. cap. 28.

salutaris expetiit. Ecclesia ad diem resurrectionis Dominicæ frondibus contexta<sup>u</sup> componitur, et in expeditione campestri instar civitatis aptatur. Madidns baptismate procedit exercitus, fides fervet in populo; et contempto armorum præsidio, divinitatis expectatur auxilium."

" Interea haec institutio vel forma castrorum hostibus nunciatnr: qui victoriam quasi de inermi exercitu præsumentes, assumpta alacritate festinant: quorum tamen adventus exploratione cognoscitur. Cumque emensa solennitate paschali, recens de lavaero pars major exercitus arma capere et bellum parare tentaret, Germanus ducem se prælii profitetur. Eligit expeditos, circumjecta percurrit: et e regione qua hostium sperabatur adventus, vallem circumdatam editis montibus intuetur; quo in loco novum componit exercitum, ipse dux agminis. Et jam aderat ferox hostium multitudo, quam appropinquare intuebantur in insidiis constituti. Cum subito Germanus signifer universos admonet, et prædicit, ut voci suæ uno clamore respondeant. Securisque hostibus, qui se insperatos adesse confiderent, Alleluja, tertio repetitum, sacerdotes exclamant. Sequitur una vox omnium; et elevatum clamorem, repercuso aere, montium inclusa multiplicant. Hostile agmen terrore prosternitur: et ruisse super se non solum rupes circumdatas, verum etiam ipsam cœli machinam contremiscunt: trepidationique injectæ vix sufficere pedum pernitas credebatur. Passim fugiunt, arma projiciunt, gaudentes vel nuda corpora eripuisse discrimini. Plures etiam timore præcipites, flumen quod sensim venientes transierant, devoravit. Ultionem suam innocens intuetur exercitus, et victoriæ præstitæ otiosus spectator efficitur. Spolia colliguntur exposita, et prædam cœlestis victoriæ miles religiosus adipisceitur. Triumphant pontifices, hostibus fusis sine sanguine; triumphant<sup>x</sup> victoria fide obtenta, non viribus. Composita itaque opulentissima insula securitate multipli, superatisque hostibus vel spi-

<sup>u</sup> *contexta* MS. Cot. sed al. *contexta*.

<sup>x</sup> Sarisb. et antiquior. Cottoniana MS. *triumphat victoria, fide obtenta*.

ritualibus vel carne conspicuis (quippe qui vicissent Pelagianistas et Saxones) cum totius mœrore regionis redditum moliuntur."

In<sup>y</sup> agro Flintensi, juxta oppidum quod Angli Mold, Cambro-britanni Guid-cruc appellant, hoc gestum aiunt; indeque locum Maes Garmon, quod Campum Germani sonat, hucusque nomen retinuisse: in præterfluente Areno fluviolo sacro hoc exercitu baptizato. Videndumque annon huc etiam spectet illud Gregorii verba illa, "Cardines quoque maris operietz," edisserentis. "Omnipotens enim Dominus," inquit<sup>z</sup>, "coruscantibus nubibus cardines maris operuit: quia emicantibus prædicatorum miraculis ad fidem etiam terminos mundi perduxit. Ecce enim pene cunctarum jam gentium corda penetravit: Ecce in una fide orientis limitem occidentisque conjunxit. Ecce lingua Britanniae, quæ nil aliud noverat quam barbarum frendere, jamdudum in divinis laudibus Hebræum cœpit ALLELUIA resonare. Ecce quandam tumidus, jam substratus sanc-torum pedibus servit oceanus; ejusque barbaros motus, quos terreni principes edomare ferro nequiverant, hos pro divina formidine sacerdotum ora simplicibus verbis ligant: et qui catervas pugnantium infidelis nequaquam metuerat, jam nunc fidelis humilium linguas timet. Quia enim perceptis cœlestibus verbis, clarescentibus quoque miraculis, virtus ei divinæ cognitionis infunditur; ejusdem divinitatis terrorc refrenatur, ut prave agere metuat, ac totis desideriis ad aeternitatis gratiam pervenire concupiscat." Etsi enim ad gentis Anglorum conversionem a Beda<sup>b</sup> et Johanne<sup>c</sup> diacono et Aimoino<sup>d</sup> ista trahi non ignorem: quo minus tamen ad illorum accedam sententiam, vel illud me cohibet, quod ante missum ad Anglos Augustinum

<sup>y</sup> Non ad Trentam flumen, prout conjectura auguratus est Polydorus. Polyd. Vergil. Anglic. hist. lib. 3. MS. Sarisb. et Cotton. uterque numero 10.

<sup>z</sup> Job, cap. 36. ver. 30.

<sup>a</sup> Gregor. Moral. in Job. lib. 27. cap. 27. cap. 11. op. tom. 1. pag. 862.

<sup>b</sup> Bed. histor. lib. 2. cap. 1.

<sup>c</sup> Johan. Diacon. vit. Gregor. lib. 2. cap. 39.

<sup>d</sup> De gest. Francor. lib. 3. cap. 74.

expositionem Jobi a Gregorio editam<sup>e</sup> fuisse animadverterim.

Quæ a Constantio commemorantur facta hic a Germano et Lupo miracula, apud Bedam<sup>f</sup> legi possunt, iisdem pene verbis repetita; et apud Erricum Antissiodoreensem<sup>g</sup>, carmine heroico expressa. Ab eodem Errico, in<sup>h</sup> libri prioris de miraculis S. Germani extremo capitulo, et ante eum a Nimio, addita sunt et alia; authoritatis admodum exiguae. In iis de subulco (Ketelo vel Cadello) illud est ad regnum evecto: quod ab aliis<sup>i</sup> aliter, a Ranulpho Cestrensi<sup>k</sup> ita relatum legitur, “In legenda sancti Germani habetur, quod dum Vortigernus hospitium sancto Germano negaret, subuleus regis videns sanctos Dei afflictos, hospitium exhibuit, vitulum ad cibum dedit: sed post coenam Germanus vitulum resuscitavit. In crastino vero, ex Dei mandato, Germanus, Vortigernum de regno depositus, et subuleum prædictum cunctis stupentibus regem constituit; ac extunc Britannorum reges ex genere subulci prodi-erunt. Gildas tamen in historia sua dicit ista contigisse, non de Vortigerno sed de rege Powisiæ nomine Benty; cujus successores in illa parte Cambriæ prodierunt de genere illius subulci.” Galfridus Monemuthensis<sup>l</sup> per Germanum et Lupum “multa miracula ostendisse Deum” ait, “quæ Gildas in tractatu suo luculento dictamine peraravit:” ubi, num librum de victoria Aurelii Ambrosii Gildæ attributum, ad quem alibi<sup>m</sup> nos remittit, an Ninii potius historiam intelligat, quæ passim falso Gildæ nomine circumfertur, viderint illi quibus priorem tractatum videre contigit; ad posteriorem respexitse Ranulphum, res ipsa loquitur: quo referendum et illud Johannis de Garlandia distichon in libro secundo de triumphis Ecclesiæ.

<sup>e</sup> Gregor. Regest. lib. 1. epist. 43. indict. 9. ann. 591. et lib. 5. epist. 49. indict. 13. ann. 595.

<sup>f</sup> Bed. histor. lib. 1. cap. 17, 18, 19.

<sup>g</sup> Erric. vit. German. lib. 3.

<sup>h</sup> Ibi habetur sequens tantum de subulco.

<sup>i</sup> Vincent. Specul. historial. lib. 20. cap. 11. Jo. Januens. in legenda aurea, cap. 102. Anton. chronic. tit. 11. cap. 17. sec. 3. Jo. Fordon. in Scotichronico. Johan. Leyden. chronic. Belg. lib. 2. cap. 1.

<sup>k</sup> Ranulph. polychronic. lib. 5. cap. 1. <sup>l</sup> Histor. Britannic. lib. 6. cap. 13.

<sup>m</sup> Histor. Britan. lib. 4. cap. ult. vid. supr. pag. 126.

Gildas historicus miracula plurima scripsit,  
Quæ tunc per sanctos facta fuere duos.

In Constantii de Alleluiajatico illo triumpho narratione difficultas adhuc explicanda superest: qua ratione Saxones cum Britonibus belligerantes hic inducantur, quum eorum in insulam adventus Germani legatione tempore videatur fuisse posterior. Eum nodum Matthæus Florilegus<sup>n</sup> et Carolus Siganus<sup>o</sup>, cum solvere non potuissent, dissecuerunt; Scotorum pro Saxonum in historia substituto vocabulo. Beda<sup>p</sup>, Paulus<sup>q</sup> diaconus et Freculphus<sup>r</sup>, a Prospere rationibus in tempore legationis Germani designando recedentes, post adventum Anglorum sub Marciano imperatore victoriam hanc partam fuisse statuerunt. Antiquitatum patriarcharum scientissimus Camdenus<sup>s</sup> contra, in prima Germani profectio Prospere chronologia retenta, ex Ninii interpolatore Anglorum adventum in annum proxime præcedentem conjicit; Bedæ et Anglo-Saxonicorum omnium scriptorum de sui adventus tempore sententia hic neglecta.

Sed absque istis diverticulis facillimus patebit exitus, si consideraverimus, longe prius quam appulisset huc Hengistus, frequenter Saxonas irrumperem consueuisse in Britanniam. Nam in principio imperii Valentiniani I. Saxonas, non minus quam Pictos et Scotos, Britannos ærumnis vexavisse continuis auctor est Ammianus Marcellinus<sup>t</sup>, et sub Honorio Augustino de Stilichone ita canentem introducit Claudianus<sup>u</sup> Britanniam:

Illi effectum curis, ne bella timerem  
Scotica, ne Pictum tremerem, ne littore toto  
Prospicerem dubiis venturum SAXONA ventis.

Et ad insulam ab eorum impetu defendendam, institu-

<sup>n</sup> Flor. histor. ann. 448.

<sup>o</sup> Sigan. de Occidental. imper. lib. 12. ann. 429.

<sup>p</sup> Bed. in lib. de sex ætatib.      <sup>q</sup> Paul. diac. in addit. ad Eutrop. lib. 15.

<sup>r</sup> Freculph. chronic. tom. 2. lib. 5. cap. 16.

<sup>s</sup> Camden. Britann. pag. 95.      <sup>t</sup> Ammian. histor. lib. 26.

<sup>u</sup> Claudian. lib. 2. de laudib. Stilichonis.

tum fuisse comitem litoris SAXONICI per Britanniā, notitia imperii indicat: quo præsidio, abductis hinc Romanis legionibus, jam cessante; non mirum, si e Saxonico illo litore crebras incursions perpessa fuerit Britanniā: quod etiam in hujus historiae enarratione innuunt ipsius Pauli diaconi illa verba, “Ecce autem adhuc ibidem sanctis episcopis existentibus, valida Saxonum Pictorumque manus Britanniam ADVEHITUR.” Ut de Vortigerni consiliariis Saxonas huc invitantibus, non sine causa Gildas exclamaverit, “O altissimam sensus caliginem! O desperabilem crudamque mentis hebetudinem! Quos propensius morte cum abessent tremebant, sponte, ut ita dicam, sub unius tecti culmine invitabant *stulti principes* (ut dictum<sup>w</sup> est) *Taneos, dantes Pharaoni consilium insipiens.*”

Galfridus Monemuthensis<sup>x</sup>, per horum consortium, ipsius Vortigerni temporibus, Christianam religionem ita hic corruptam fuisse narrat; ut “jam nesciretur quis Paganus esset, quis Christianus: quia Pagani filias et consanguineas eorum sibi associaverant.” Et, “in tempore illo (si hunc audimus) venit sanctus Germanus Altissiodorensis episcopus, et Lupus Trecasensis episcopus, ut verbum Dei Britonibus prædicarent.” Similia habet Johannes Tinmuthensis in vita S. Dubricii: licet hæc ad Ambrosii Aurelii tempora referat: “Corrupta namque fuerat Christianitas eorum, tum propter Paganos quos rex in societatem eorum posuerat, tum propter Pelagianam hæresim cuius venenum ipsos multis diebus affecerat. Beatorum igitur virorum prædicatione restituta est inter eos veræ fidei religio; quia multis miraculis quotidie præclarebant:” additque, Vortimerum<sup>y</sup> Vortigerni filium, victoria adversus Anglos potitum, cœpisse “ecclesias jubente sancto Germano renovare.” Nec dissimiliter in Scotorum historia de eodem Vortimero Hector Boethius<sup>z</sup>: “Ad Christi tempora deinde restituenda, ad reparandam Ethnicorum crudelitate labefactatam religionem, toto conatu animum intendit. Nam Saxonum feritate Britanniam pervagante,

<sup>w</sup> Esai. cap. 19. ver. 11.

<sup>y</sup> Histor. Britannic. lib. 6. cap. 14.

<sup>x</sup> Histor. Britannic. lib. 6. cap. 13.

<sup>z</sup> Boeth. histor. Scot. lib. 8.

alii Britonum gentis a vera pietate alienati ethnico more litabant dæmonibus; alii et multo plures ritum eum aver-sati, Pelagianam hæresim semel abjuratam denuo sunt amplexi. Sed ut utroque errore Britannia purgaretur, Germanus Altissiodorensis et Luperus Trecensis, multa sanctitatis et doctrinæ celebritate antistites, e Gallia Vor-timeri regis opera acciti, multos ac pios impendere su-dores."

Johannes Gerbrandus Leydens<sup>a</sup> circa annum Domini CCXC. Diocletiano imperante Britanniam "fidem Christi deseruisse," atque "iterum idola colere cœpisse" scribit; "et in Paganismo usque ad prædicationem S. Germani episcopi Altisiodorensis, illuc ex Burgundia venientis, perduravisse;" ejusque demum opera, "totam Britanniam iterum ad cultum Christi secundo rediisse." Ex hoc qui-dem tempore Christianam fidem graviter hic laborasse, argumento esse poterit Britannici exercitus multitudo illa, quam certatim ad gratiam baptismatis percipiendam convolavisse retulit Constantius. Sed inde a Diocletiani tem-poribus Britannos infideles permansisse, quæ in octavo capite a nobis sunt producta manifestæ convincunt falsi-tatis: quibus addere libet, quod nunc in mentem venit, Prudentii<sup>b</sup> illud, de B. Cypriano scriptis suis Britannos pietate Christiana imbuente:

— Gallos fovet, imbuit Britannos,  
Præsidet Hesperiae, Christum serit ultimis Iberis.

Et authoris libri<sup>c</sup> de septem ordinibus Ecclesiæ ad Rus-ticum Narbonensem episcopum (ad quem a Leone I. pon-tifice data etiam habetur epistola) sub ipsum Anglo-Saxo-num adventum exarata verba sequentia: "Presbyteri hoc in ecclesiis suis faciant quod Romæ, sive quod in oriente, quod in Italia, quod in Creta, quod in Cypro, quod in Africa, quod in Illyrico, quod in Hispania, quod in BRITANNIA, quod etiam ex parte per Gallias fit." De primo

<sup>a</sup> Johan. Leydens. chronic. Belgic. lib. 2. cap. 1.

<sup>b</sup> Prudent. περὶ στεφάνων, hymn. 13. ver. 103.

<sup>c</sup> Inter opera Hieronymi, tom. 5. pag. 99.

statu Landavensis ecclesiæ scriptus libellus, a Lucii regis temporibus, ait Britannos “Christianæ religionis fidem sine aliqua pravi dogmatis macula sinceram conservasse, usque dum Pelagiana hæresis orta est. Ad quam confutandam,” inquit author, “sanctus Germanus episcopus et Lupus a Galliæ antistitibus ad Britannos missi sunt: saepe tamen ante missis legatis a Britannis ad eos, implorantibus auxilium contra tam execrabile periculum; quia tam pravæ doctrinæ hæreticorum non acquiescebant, neque tamen confundere valebant:” tum de episcopis ab eis in pluribus locis Britanniæ consecratis, et Dubricio dextralis Britanniæ archiepiscopo constituto, ea subjicit quæ in quinto<sup>c</sup> capite ex eo recitavimus. Similiter et Johannes de Garlandia, libro quarto de triumphis Ecclesiae, post fidei Christianæ a Lucio introductæ mentionem factam:

Floruit ergo fides medio tempore longo:  
Sed Vortigerni tempore læsa fuit.

Et libro secundo Germani et Lupi adventu commemorato:

Tunc Vortigernum fæx Pelagiana tyrannum  
Infecit: faciem tersit amæna fides.

Rogerus Boulus, ut et Cantabrigienses<sup>d</sup> commentarii, tradunt Cantabrigiensem academiam magnam cladem pertulisse a Pelagianæ sectæ hominibus, quia Pelagianos oppugnaverat: ait Johannes Caius<sup>e</sup>. A<sup>f</sup> quibus cum omnes pene Cantabrigiæ degentes scholastici immaniter trucidati, fusi, fugatique sunt; tandem Vortimerius, Vortigerii regis Britanniæ filius, scholasticis, et eorum urbi non levi subsidio adfuit. In istis rerum tumultibus, alii relicta Cantabrigia alio profecti sunt: Germanus vero atque Lupus sancti viri et doctores circuibant omnia, contendentes omni studio atque opera, ut Pelagianam hæresim continua prædicatione extinguerent et everterent. Qui cum tandem Glamorgantiam legionum urbem, quæ olim Britannorum lingua Caerleon dicebatur, pervenerant; ibi se firmarunt,

<sup>c</sup> Supra, cap. 5. pag. 102.

<sup>d</sup> Supra cap. 8. pag. 233.

<sup>e</sup> Cai. antiquitat. Cantabrig. academ. lib. 1. pag. 143.

<sup>f</sup> Id. in hist. Cantabrig. acad. lib. 1. pag. 28.

et sacras literas juxtaque liberales artes docuerunt. Addit quoque Caius<sup>g</sup>, “ multos præclaros viros Cantabrigienses” illis junctos idem fecisse. “ Ob quam causam,” inquit, “ haud scio an hæc illa Cantebrigia sit et dicatur, quam ad Sabrinam positam Roffensis historia refert: per Sabrinam, Uscam intelligens, credo, quod notior fluvius illa est, in quam se Usca recipit.” Verba Matthæi Florilegi, ex quo Roffensis ille totam suam historiam descripsit, ad annum DCCCXCVI. hæc sunt: “ Pagani noctu rece- dentes per provinciam Merciorum, non cessabant donec ad villam super Sabrinam, quæ Cantebrigge dicitur, per- venerunt.” Sic enim legit codex MS. quo ego utor: quum liber editus habeat Quante-brige; et annales mei Anglo-Saxonici ad eundem annum Cwatbridge<sup>h</sup>. Est autem ille Glocestrensum pagus, ad Camum amniculum positus, qua influit in Sabrinæ æstuarium; Fabio Etelwerdo<sup>i</sup> Cant- brige, hodie Cam-bridge nuncupatus: longe diversus a legionum urbe, olim<sup>k</sup> Glamogantiaæ, hodie Monemuthensis agri finibus inclusa; in qua fuisse “ gymnasium ducen- torum philosophorum, qui astronomia atque cæteris ar- tibus eruditæ, cursus stellarum diligenter observabant, et prodigia eorum tempore ventura veris argumentis prædi- cebant,” retulit Galfridus Monemuthensis<sup>l</sup>, ejusque hic secuti fidem, Gervasius Tillesburiensis, Alexander Esse- biensis, Tobias Roffensis, Johannes Brampton et Nicolaus Cantelupus: cujus, in historiola Cantabrigiæ, hac de re verba sunt ista: “ Cum a Dei adversariis (Pelagianis) omnes pene Cantabrigiæ habitatores essent destructi; Wortimer filius Wortigerni scholares Cantabrigiæ valida manu defendebat. Ex quibus sanctus doctor Germanus et Lopus coadjutores ad expellendum hæreses et errores adduxerunt, per regni partes viam Dei ostendentes. Et Domino cooperante venerunt ad urbem legionum in Glamorgantia, ubi nedum sacram docuerunt scripturam, verum et alias liberales scientias, experientia rationis et naturæ

<sup>g</sup> Cai. in antiquitat. lib. 1. pag. 159, 160. Florent. Wigorn. ad ann. 896. Quatbrig. Roger. Hoveden. ad ann. 909. Brige.

<sup>h</sup> Cwatbridge be yefenne.

<sup>k</sup> Vid. supr. cap. 5. pag. 102.

<sup>i</sup> Ethelwerd. hist. lib. 4. cap. 1.

<sup>l</sup> Hist. Britann. lib. 9. cap. 12.

forma, patriæ et juvenibus manifestaverunt: ita quod astronomia et cæteris artibus eruditæ, cursus stellarum diligenter observaverunt via vera; alii autem prodigia ventura eo tempore Britonibus prædixerunt: et alii mundum spernentes cum suis oblectationibus, soli Deo amore supernæ vitæ fideliter inhærentes, per sancta contemplationis desideria sacræ Scripturæ vacaverunt et orationibus: de quibus Tremerinus, Dubricius, Theonotus, Eldadus, David, Swithunus et Dumianus, maxime in expositione sacerarum Scripturarum jugiter Cantabrigiæ laboraverunt." Quo nomine neutiquam legionum urbem ille intellexit, uti suspicari visus est Johannes Caius, sed illam celebratissinam nostris temporibus academiam; quæ nihil illis profecto debet qui confictis hujusmodi fabellis inanem illi antiquitatis gloriam conciliare moluntur.

Doctorum autem horum nomina ex Britannica Galfridi Monemuthensis historia mutuatus est Cantelupus: in qua<sup>m</sup>, Aurelii Ambrosii temporibus, in Legionensi archiepiscopatu Tremorino Dubricium successisse, et Eldadum Claudiocestrensem sive Glocestrensem episcopum extitisse legimus; Arthuro vero regnante, Diwanum sive Duvianum (Dumianum hic appellatum) Wintoniensem fuisse episcopum, atque Dubrio in Legionensi archiepiscopatu Davidem, Eldado in Glocestrensi episcopatu successisse Theonum (qui hujus Theonotus est) inde ad Londinensem archiepiscopatum postea translatum. Qui superest Swithunus, ille ipse fuisse videtur, cuius in Davidis Menevensis vita Giraldus Cambrensis meminit: ubi Aidani sive Maiocdi Fernensis antistitis discipulum eum fuisse notat, alias "Scolanum dictum, et postmodum in Wintoniensi, ut prohibent, cathedra sublimatum." Longe enim tempore posterior extitit Swithunus ille alter, quem anno demum DCCCCXXXVII. Helmstano in Wintoniensi episcopatu successisse notat Florentius Wigorniensis in chronicō. Tametsi et hunc Cantabrigiensem fuisse volunt: idque authore Bonagratia de Villa Dei; ex cujns epistola ad nigros mo-

<sup>m</sup> Hist. Britan. lib. 8. cap. 7, 10, 12. lib. 9. cap. 15. et lib. 11. cap. 3.

naehos in Anglia, a Thomia Rudburno<sup>n</sup> et historiolæ Wintoniensis ecclesiæ scriptore verba producuntur ista : “ Cum a propria exulans patria in Anglia apud sanctissimos ac religiosos monachos totius regni vestri degerem in Wentina urbe, Helmstanum venerabilem abbatem cathedralis ecclesiæ, et venerabilem Swithunum ejusdem ecclesiæ præpositum et in professione sacræ theologiæ in studio Cantebriggensi cathedralum : me inter ærumnosa exilii discrimina speciali remunerandæ recreationis gratia confovebant.”

Jam Oxonienses, ne quiequam Cantabrigiensibus hic cedere putarentur, apud se etiam B. Germanum semestre integrum commoratum esse, et academiae suæ instituta mirum in modum approbasse volunt. De controversia enim inter veteres et Aluredianos scholasticos anno DCCCLXXXVI. exardescente, hujusmodi apud eos fertur narratio : “ Exorta est pessima ac tetrica Oxoniæ discordia inter Grymbaldum, doctissimosque illos viros quos secum illue adduxit, et veteres illos scholasticos quos ibidem invenisset : qui ejus adventu leges, modos, ac prælegendi formulas ab eodem Grymbaldo institutas, omni ex parte amplecti recusabant. Per tres annos haud magna fuerat inter eos dissensio ; occultum tamen fuit odium, quod summa cum atrocitate postea erupit, ipsa erat luce clarius. Quod ut sedaret, rex ille invictissimus Ælfredus de dissidio eo, nuntio et querimonia Grymbaldi certior factus, Oxoniæ se contulit, ut finem modumque huic controversiæ imponeret, qui et ipse summos labores hausit, causas et querelas utrinque illatas audiendo. Caput autem hujus contentionis in hoc erat positum. Veteres illi scholastici contendebant, antequam Grymbaldus Oxoniæ devenisset, literas illie passim floruisse, etiamsi scholares tune temporis numero erant pauciores quam priscis temporibus ; plerisque nimirum sævitia ac tyrannide paganorum expulsis. Quinetiam probabant et ostendebant, idque indubitate veterum annualium testimonio, illius loci ordines ac instituta a nonnullis pii et eruditis hominibus

<sup>n</sup> Rudburn. hist. major. lib. 3. cap. 2.

fuisse sancita; ut a D. Gilda, Melkino, Nennio, Kentigerno, et aliis, qui omnes literis illic consenserunt, omnia ibidem felici pace et concordia administrantes: ac divum quoque Germanum Oxoniam advenisse, annique dimidium illic esse moratum. Quo tempore per Britanniam iter fecit adversus Pelagianorum haereses concessionatus, ordines et instituta supradicta mirum in modum comprobavit. Rex ille inaudita humilitate utramque partem accuratissime exaudivit; eos piis, ac salutaribus monitis etiam atque etiam hortans, ut mutuam interesse conjunctionem et concordiam tuerentur. Itaque hoc animo discessit rex, quosque ex utraque parte consilio suo esse obtemperatos, et instituta sua amplexuros sperans. At Grymbaldus haec iniquo animo ferens, statim ad monasterium Wintoniense ab Aelfredo recens fundatum proficiscebatur. Deinde tumbam Wintoniam transferri curavit, in qua proposuerat post hujus vitae curriculum ossa sua reponenda, in testudine quae erat facta subter cancellum ecclesiae Divi Petri in Oxonia: quam quidam ecclesiam idem Grymbaldus extruxerat ab ipso fundamento, de saxo summa cura perpolito."

Narrationem hanc se "in principiis ac fine multorum veterum librorum, nominatim vero Rossi et Richardi Cluniacensis, seorsim antiquissima manu scriptam saepe legisse" affirmat Brianus Twynus<sup>o</sup>; et "legi in optimo manuscripto Asserii exemplari" non modo retulit Candenusp, sed etiam relatoris a quo hoc accepit (neque enim ipse exemplar ejusmodi unquam viderat) secutus fidem, Francofurtensi Asserii, de rebus gestis Aelfredi, editioni inserendam curavit: quod a doctissimo viro factum nolle. Nam ut exemplar penes Henricum Savilium Eboracensem aliquando extitisse demus, cui erraticum hoc fragmentum insertum fuerit (quemadmodum consimile B. Hieronymi elogium in<sup>q</sup> principio Gennadiani catalogi descriptum, intra Marcellini comitis chronicon MS. quo usus est Cus-

<sup>o</sup> Twyn. antiquitat. academ. Oxon. apolog. lib. 2. sec. 81.

<sup>p</sup> Camden. in Oxfordshire. pag. 267, 268.

<sup>q</sup> Suffrid. Petr. in edit. catalogi Hieronym. et Gennad. pag. 124, 125. ex MS. Martiniano.

pinianus<sup>r</sup> locum reperit:) quis optimum fuisse illud præstabit? quum antiquissimum antigraphium, si non ipsius, quod omnino videtur, Asserii, certe proximis ab eo temporibus, characteribus Saxonice exaratum, adhuc in Cottoniana bibliotheca conservetur; in quo istorum omnium neque vola extat neque vestigium.

Exemplar quidem illud, in D. Lumlæi bibliotheca a se visum, “plurimis in locis imperfectum et chartulis appenditiis recenter scriptis suffultum” fuisse, notavit Twynus. Sed quæ in chartulis illis continebantur, ex codice aliquo Asserii de rebus gestis *Ælfredi*<sup>1</sup> haudquaquam sunt desumpta; sed ex aliis annalibus qui, quod multa ex Asserio ad verbum haberent transcripta, sicut habet etiam Florentii Wigorniensis chronicon, ipsi Asserio a recentioribus perperam sunt tributi. Ut immerito in suspicionem vocatus sit hic a Twyno Matthæus Cantuariensis archiepiscopus, quasi veritatis aut charitatis odio aliquid omisisset; quum culpandus potius fuerit, quod ex incertis illis annalibus complura editioni suæ addidisset, et cum Asserianis non satis recto judicio commiscuisset. Nam quod ad narrationis hujus statuminandam fidem ex S. Germani vita producitur, Constantium Lugdunensem universitatis Britannicæ regionis meminisse; contra mentem authoris huc pertractum esse, ut adinoneam nihil opus est: per regionis enim universitatem, non aliud quam universam regionem intellexisse illum, res ipsa loquitur. Neque paulo rarius modo, sed ne omnino quidem uspiam, universitatis nomen pro academia illo seculo usurpatum ostendi poterit; quum circa Henrici III. Anglorum regis tempora illum loquendi morem demum invaluisse, ipse Camdenus<sup>s</sup> annotaverit.

“S. Briocus patria Anglus,” Andream Saussarium in martyrologio Gallicano, ad diem Aprilis ultimum, hic loquenter audis, “e provincia Corticana, nobili editus stirpe, a sancto Germano Antissiodorensi, fidem ibi disseminante orthodoxam, in Galliam abductus inque pietatis disciplinis feliciter institutus, postquam alte documenta salutis inibiberat, patrios ad lares rediit, parentes suos vera fide in-

<sup>r</sup> Jo. Cuspinian. in Cassiodori Fastos consular. pag. 517.

<sup>s</sup> Camden. ut supra.

formavit, quam circumquaque prædicans plurimum propagavit. Hinc Dominici talenti amplius multiplicandi cupidus, concessit in Armorican; Conanum Trecorensem comitem affinem suum irradiando superno evangelicæ veritatis lumine, divino lavacro abluit: adumatisque religiosæ vitæ cultoribus cœnobium construxit, sedisque pontificalis illie crepundia conferente Conano fundamenta collocavit; ubi a metropolita Turonensi suscepto pontificalis ordinis honore, maximo virtutum splendore præfuit annis ferme triginta. Deinde Andegavum profectus, ob rei sacræ incrementa, ibidem puram exhalavit animam." Hæc Saus-saius de S. Brioco urbis Briocensis, vulgo S. Brieu, ab ejus nomine nuncupatae in Britannia Armorica primo episcopo: quem alii non Britannum (id enim Saus-saius voluit, quum patria Anglum fuisse scripsit) sed Hibernum, e territorio Corcagiensi oriundum<sup>t</sup>; neque Germani Antissiodorensis sed Germani Parisiensis, in schola<sup>u</sup> ipsius episcopali, discipulum fuisse tradiderunt: qua in re, quid fuerit causæ cur ab aliorum sententia is discesserit, in commentariis qnos pollicetnr Apodicticis ut ostendat expectamus.

In anonymo<sup>w</sup> de ecclesiasticorum officiorum origine, noningentis abhinc annis scripto libello, Germanum et Lupum ordinem cursus Gallorum, sive Gallicanam liturgiam<sup>x</sup>, a Johanne Cassiano et Lirinensis cœnobii patribus acceptum, in Britanniam induxisse legimus: "Beatissimus Cassianus," inquit author, "qui Linerensi<sup>y</sup> monasterio beatum Honoratum habuit comparem, et post ipsum beatus Honoratus primus abba, et sanctus Cæsarius episcopus, qui fuit in Arelate, et beatus Porcarius abba qui in ipso monasterio fuit, ipsum cursum decantaverunt. Qui beatum Lupum et beatum Germanum monachos in eorum monasterio habuerunt: et ipsi sub normam regulæ ipsum cursum ibidem decantaverunt. Et postea in episcopatus<sup>z</sup> ca-

<sup>t</sup> Camden. in Hibernia, pag. 739.

<sup>u</sup> Claud. Hemeræus de academia Parisiensi cap. 1. pag. 5.

<sup>w</sup> MS. in bibliotheca Cottoniana.

<sup>x</sup> De cursibus ecclesiasticis unum librum condidi: inquit Gregor. Turonens. hist. lib. 10. cap. ult.

<sup>y</sup> In Lirinensi.

<sup>z</sup> episcopatu cathedram.

thedra summi honoris, pro reverentia sanctitatis eorum, sunt adepti: et postea in Britaniis vel Scottiis prædicaverunt, quæ vita beati Germani episcopi Antisiodeensis et vita beati Lupi adfirmat."

Primus Lirinensis cœnobii abbas fuit Honoratus: a quo et hodie locus insulæ S. Honorati nomen retinet. Sub eo Lupum nostrum, una cum fratre germano Vincentio et qui sororem illius in uxorem duxerat Hilario, monasticam vitam professum fuisse jam<sup>a</sup> diximus. Cassianum enim et Germanum, licet eodem tempore vixerint, Lirinenses fuisse monachos alibi nusquam legimus: et de Germano repugnat Constantins, qui illum ex Antissiodorensis civitatis præfecto, Antissiodorensis ecclesiae presbyterum et mox episcopum ordinatum fuisse confirmat. Unde Gabriel Pennottus<sup>b</sup> Germanum *nec ante episcopatum, nec pos-tea, vitam monasticam professum fuisse* concludit. Sub finem anni CCCCXXVI. Honorato in Lirinensis cœnobii præfectura Maximus, eidemque sub initium anni CCCCXXIX. defuneto in Arelatensi archiepiscopatu successor datus est Hilarius. Cirea idem etiam tempus evecto ad Reiensem episcopatum Maximo, in Lirinensis monasterii regimine successisse Faustum, ex scriptore vitae S. Caprasii colligimus: qui transiisse eum ait, "ex<sup>c</sup> hæ vita die Calendarum Juniarum, in saera Lerinensi insula, circa annos humanæ redēptionis triginta supra quadringentos;" præsentibus Fausto, Theodoro, Maximo, et Hilario: quo tempore Faustum<sup>d</sup> presbyterum fuisse et abbatem, reliquos episcopali dignitate decoratos, Honoratus Massiliensis in vita Hilarii Arelatensis clare confirmat. Post Faustum Lirinensis abbas fuit Porcarius: a quo Cæsarium, post annum Christi quingentesimum ad Arelatensem cathedralm adscitum, monasticis disciplinis Lirini fuisse institutum, ostendit in hujus vita discipulus ipsius Cyprianus<sup>e</sup>.

Ista curiosius a nobis temporibus sunt distincta, partim

<sup>a</sup> Pag. 175.

<sup>b</sup> Pennot. hist. clericor. canonicor. lib. 2. cap. 35. sec. 1.

<sup>c</sup> Vincent. Barral. chronolog. Lerinens. part. 1. pag. 193.

<sup>d</sup> Ibid. pag. 108.

<sup>e</sup> Ibid. pag. 230.

ut anonymi scriptoris locus lumen inde acciperet, neque ex eo aliquis Germanum ac Lupum a Porcario et Cæsario in Britanniam missos fuisse suspicaretur; partim etiam ut Semipelagianismi hoc tempore emergentis origo plenius intelligeretur. Nam dum Gallicani antistites in vicina Britannia Pelagianismi flammarum extingue laborabant, e mediis ipsorum visceribus erupit nova Semipelagianorum progenies, qui crassioribus aliquot Pelagii erroribus repudiatis, in reliquis contra Augustinum ejus partes defendendas suscepserunt: de quibus, qui orienti tum malo strenue se opposuit, Prosper Aquitanicus<sup>f</sup>:

Quid prodest verbis commentum Pelagianum  
Respue et sola damnatos plectere voce:  
Cum, paucis squalida sublatis de cute nervis,  
Intima viperei foveantur viscera sensus?  
O bene quod diri erroris malus ille magister  
Nullo prælevit lethalia pocula melle;  
Sed non ambigua infectum feritate venenum  
Protulit, et gustu virus detexit amaro.  
Nam si argumenti primordia non onerasset  
His, quæ discipuli Dempserunt callidores;  
Innumeræ dubio cepisset plasmate mentes.

Sed et “ in istis (ut appellat) Pelagianæ pravitatis reliquiis, non mediocrem virulentiae fibram nutriri,” in epistola ad B. Augustinum hoc tempore de eis scripta, confirmat idem: in qua et primarium locum, e quo scaturigo illa emanavit, designat quum ait, “ Multig servorum Christi, qui in Massiliensi urbe consistunt, in sanctitatis tuæ scriptis quæ adversus Pelagianos hæreticos condidisti, contrarium putant patrum opinioni et ecclesiastico sensui, quicquid in eis de vocatione electorum secundum Dei propositum disputasti:” et tempus etiam, quum postea addit, “ Nam unum eorum præcipuae authoritatis et spiritualium studiorum virum, sanctum Hilarium Arelatensem episcopum, sciat beatitudo tua admiratorem sectatoremque in aliis omnibus tuæ esse doctrinæ; et de hoc, quod in querelam trahit, jampridem apud sanctitatem tuam sensum suum per literas velle conferre;” quem locum viri docti

<sup>f</sup> Prosp. de Ingratis, cap. 38.

<sup>g</sup> Vid. Thcophili Raynaudi Defens. Valeriani, cap. 4. sec. 18.

frustra sollicitant; et codicum authoritate destituti, ex conjectura conantur emendare, eaque non una, sed varia atque multiplici. Episcopi enim nomen tollit hinc Baronius<sup>h</sup>, et Hilarium Arelatensem tantum legit. Alii vel Hilarium simpliciter legendum putant, quum neque patriæ, neque commorationis neque officii ratione Arelateus ille dici potuerit, priusquam civitatis illius factus fuisse episcopus, vel pro Arelatensis substituendum esse Narbonensis vocabulum (ut intelligatur Hilarius ille Narbonensis, ad quem octava Zosimi et tertia Bonifacii I. epistola scripta est) vel pro Hilario denique reponendum esse Honoratum, proximum illius in Arelatensi archiepiscopatu antecessorem: quomodo in commentariis epistolam Pauli ad Timotheum legit Claudio Espensæus.

Vulgatam vero lectionem sine dubio corruptam esse asserit clarissimus Vossius<sup>i</sup>: sed admodum dubiis ad hoc inductus argumentis. Primum, quod Prosperi “epistola illa exarata sit anno CCCCXXVI. Hilarius autem aliquot demum annis post Arclatensis episcopus factus sit.” At probandum primo fuerat, non sumendum pro certo atque concesso; dicto illo anno exaratam fuisse a Prospero hanc epistolam. Nam quod a Baronio<sup>k</sup> huc affertur, de absolutis duobus retractationum libris priusquam acceptæ ab Angustino fuissent istæ literæ, opinionem hanc convellit potius quam confirmat. Præterea, inquit vir doctissimus, “Augustinus Prosperum et Hilarium vocat filios dilectissimos. At qui scriberent ad coepiscopos, eos fratres solent appellare. Saltem Prosperum nondum fuisse episcopum, omnes consentiunt. Quocirca si Hilarins summi sacerdotii honore fuisse ornatus, Prospero absque dubio præponeretur. Nunc contra factum videmus, et ab Augustino libro de prædestinatione, et a Celestino epistola ad Gallos.”

Et quidem ex eo quod, tum a Celestino tum ab Augustino filius appelletur, non frater, et Prospero ab utroque postponatur, colligi posse facile concedimus, Hilarium illum qui ad Augustinum scripsit, et Augustini causam apud

<sup>h</sup> Baron. ann. 426. sec. 20.

<sup>i</sup> Voss. histor. Pelagian. lib. 6. thes. 14.

<sup>k</sup> Baron. ann. 426. sec. 19.

Celestinum egit, episcopum non fuisse. Ino laicum fuisse potius, illa epistolæ ipsius verba subindicare videantur. “Sunt ex parte tales personæ, ut his consuetudine ecclesiastica laicos summam reverentiam necesse sit exhibere.” Verum nos hoc ad Hilarium illum trahendum pernegamus, cuius Prosper in sua meminit epistola. Neque enim id ullo modo concedendum putamus Baronio<sup>1</sup>, unum et eundem Hilarium utrobique intelligi; illumque ipsum ad Augustinum de Pelagianæ hæreseos reliquiis scripsisse epistolam, qui postea Arelatensis creatus sit episcopus. Nam ut de tempore quo scripta fuit hæc epistola nihil nunc dicamus; quum post mortem Augustini idem Hilarius Romæ causam illius coram Celestino tutatus est, alterum Hilarium Arelatensem cathedralm possedit, ex annorum episcopatus illius calculo planum efficitur. Deinde noster hic Hilarius Augustini se discipulum fuisse profitetur. Arelatensem vero illum, non Augustini sed Honorati fuisse alumnum, nemo dubitaverit, qui vel Honoratum Massiliensem in vita Hilarii, vel ipsum etiam Hilarium in vita Honorati Arelatensis magistri sui perlegerit. Denique Arelatensem illum suum inter eos qui in doctrina de prædestinatione ab Augustino dissenserunt annumerat Prosper; quum alter ille ad Augustinum scribens, a partibus illius hic se stetisse protestatus fuerit, easdemque illo jam mortuo apud Celestinum contra adversantes istos una cum Prospero gnaviter defenderit. “Nolo,” inquit ille ad Augustinum, “Sanctitas tua sic me arbitretur hæc scribere, quasi de iis quæ nunc edidisti ego dubitem. Sufficiat mihi poena mea, quod a præsentia tuæ deliciis exulatus, ubi salubrius tuis uberibus nutriebar, non solum absentia tua crucior, verum etiam pervicacia quorundam, qui non tantum manifesta respidunt, sed etiam non intellecta reprehendunt. Cæterum hac suspicione in tantum careo, ut potius infirmitatem meam, qua tales parum patienter fero, notabilem putem.”

Atqui id certum esse objectat Johannes Latius<sup>m</sup>, “ne-

<sup>1</sup> Baron. ann. 426. sec. 20. et in Martyrolog. Roman. Mai. 5. vid. Theophili Raynaudi defensionem Valeriani, cap. 4. sec. 2.

<sup>m</sup> Jo. Latii histor. Pelagian. lib. 2. cap. 3. pag. 130.

mineum tum fuisse eo nomine episcopum Arelatensem. Nam Herote expulso, Arelatensem sedem occupavit Patroclus, qui demum anno CCCCXXVII. occisus est; cui successit Honoratus, et aliquanto post Hilarius: ita ut superstite Augustino nullus hoc nomine reperiatur Arclatensis episcopus.” Verum enimvero, si aliquanto post annum CCCCXXVII. Honorato in Arelatensi cathedra successit Hilarius, collendum potius fuerat, superstite adhuc Augustino Arelatensem episcopatum obtinuisse Hilarium. Honoratum sane brevi tempore Arelatensibus præfuisse, in ejus vita diserte testatus est ipse Hilarius: illudque tempus biennii spatio, in Hilarii vita, circumscribit Honoratus Massiliensis. E vita excessisse illum decimo sexto die Januarii, ex Petro Equilino<sup>n</sup> et martyrologiis liquet: ineunte, ut jam ostendimus, Christianæ nostræ epochæ anno CCCCXXIX. Inde ad vicesimum octavum, qui supremus Augustino fuit, Augusti diem supra integrum annum numerantur mensis septem, et dics duodecim. Sic igitur, quæ ante triennium inter Massilienses suos zizania sparserat Johannes Cassianus, in eodem illo agro adolescere jam cœperunt: authoritatis suæ umbram illis exhibente Hilario ad Arelatensem, et Maximo ad Reiensem episcopatum nuper promoto. Quo Prosperi illud referendum, in dicta ad Augustinum epistola: “Possumus quidem ad non credendum esse constantes, sed ad authoritatem talia sentientium non sumus pares: quia multum nos et vitæ meritis antecellunt, et aliqui eorum adepto NUPER summi sacerdotii honore supererminent.” Neque otiosus hic etiam fuisse putandus est Faustus Britannus, Lirensis tum abbas, postea dux factus totius Semipelagianorum exercitus: de quo in tertio decimo capite plenius videbimus.

Horum doctrinæ capita<sup>o</sup>, in literis<sup>p</sup> ad Augustinum hac de re scriptis, recensent Prosper et Hilarius: cuius summa huic redit; “Quantum ad Dcum pertinet, omnibus pa-

<sup>n</sup> Petr. de natalib. lib. 2. cap. 86.

<sup>o</sup> Vid. Johan. Latii histor. Pelagian. lib. 2. cap. 2. et Theophili Raynaudi defensionem Valeriani, cap. 4.

<sup>p</sup> Tomo 10. oper. Augustini, pag. 779, 783. et in Georgii Cassandri operib. pag. 610. et 645.

ratam vitam æternam, quantum autem ad arbitrii libertatem, ab his eam apprehendi qui sponte Deo crediderint, et auxiliū gratiæ merito credulitatis acceperint.” Quare autem a priore sententia, “ quam<sup>q</sup> a præceptoribus hauserant, et magistri eorum in Ecclesia invenerant,” hic discesserint; rationem hanc Prosper subjicit: “ In istam vero talis gratiæ prædicationem hi, quorum contradictione offendimur, cum prius meliora sentirent, ideo se vel maxime contulerunt: quia si profiterentur ab ea omnia bona merita præveniri, et ab ipsa ut possint esse donari, necessitate concederent, Deum secundum propositum et consilium voluntatis suæ, occulto judicio et opere manifesto, aliud vas condere in honorem, aliud in contumeliam; quia nemo nisi per gratiam justificetur, et nemo nisi in prævaricatione nascatur. Sed refugiunt istud fateri, divinoque ascribere operi sanctorum merita formidant; nec acquiescunt prædestinatum electorum numerum, nec augeri posse, nec minui: ne locum apud infideles ac negligentes cohortantium incitamenta non habeant; ac superflua sit industriæ ac laboris indictio, cuius studium cessante<sup>r</sup> electione frustrandum sit. Ita demum enim posse unumquemque ad correctionem, aut ad profectum vocari; si se sciat sua diligentia bonum esse posse, et libertatem suam ab hoc Dei auxilio juvandam, si quod Deus mandat, elegerit. Ac sic, cum in his qui tempus acceperunt liberae voluntatis, duo sint quæ humanam operentur salutem, Dei scilicet gratia, et hominis obedientia: priorem volunt obedientiam esse, quam gratiam, ut initium salutis ex eo qui salvatur, non ex eo credendum sit stare qui salvat; et voluntas hominis divinæ gratiæ sibi pariat opem, non gratia sibi humanam subjiciat voluntatem.”

Acceptis Prospieri et Hilarii literis respondit Augustinus, editis de prædestinatione sanctorum, et de bono vel potius dono perseverantiae, libris duobus: quos ut “ admirandos” cominendat Baronius, “ inspiranteque<sup>t</sup> divino spi-

<sup>q</sup> Voss. histor. Pelagian. lib. 4. part. 2. pag. 433.

<sup>r</sup> Al. *cassante*.

<sup>t</sup> Id. ad. ann. 426. sec. 21.

<sup>s</sup> Baron. in martyrolog. Roman. Mai. 5.

ritu" conscriptos. "Divinos plane libros" vocat Theophilus Raynaudus<sup>u</sup>: "quos D. Augustini cygneas voces et testamentum jure quis dixerit." Eosdem etiam Romanus pontifex Hormisda, in fine<sup>w</sup> epistolæ ad Possessorum, "Romanam<sup>x</sup> testatur suscipere Ecclesiam : et quid de gratia Dei, et libero humano arbitrio, eadem teneat et servet Ecclesia, ex ipsis libris abunde posse sciri asserit." Et<sup>y</sup> tamen Massiliensibus egregium illud opus adeo non satisfecit, ut quindecim, quæ habemus, objectionum excerpta inde capitula, ipso Augustino adhuc vivente, ad doctrinam illius infamandam divulgaverint. Qua de re ad Monimum ita scribit Fulgentius<sup>z</sup>: "Non ignoras præterito tempore illi luculentissimo sancti Augustini operi, quod scripsit de prædestinatione sanctorum, a quibusdam Gallis objectum, quod beatus Augustinus in assertione prædestinationis divinæ peccatores non ad solum prædestinatos diceret judicium, sed etiam ad peccatum: cuius dicta, quia ipse celeri præventus est obitu, Prosper vir eruditus et sanctus recta defendit fide et copioso sermone."

Post novum etiam exortum hoc dogma repertus est ali-us ; quem, nescio quid scripti polemici doctissimo seni minitantem, hisce elegis idem Prosper hoc tempore castigavit:

Contra Augustinum narratnr scrpere quidam  
    Scriptor, quem dudum livor adussit edax :  
Qui caput, obscuris contectum uteunque cavernis,  
    Tollere humo miserum perpulit anguiculum.  
Ant<sup>a</sup> hunc fruge sua æquorei pavere Britanni ;  
    Aut huic Campano gramine corda tunment.  
Quæ concepta fovet, promat ; quæ parturit, cdat :  
    Seu vetere arnuatur dogmate, sive novo.  
In quoisque sinus spirarum torqueat orbes,  
    Et fallax multa contegat arte caput :  
Currentem attritos super aspidas et basiliscos  
    Declinare senem vipera non poterit.

<sup>u</sup> Raynaud. Defens. Valerian. cap. 4. sec. 18.

<sup>w</sup> Epistol. Decratal. tom. 1. part. 2. pag. 540. edit. Roman. an. 1591.

<sup>x</sup> Jo. Maxentius, in respons. ad epistol. Hormisdæ.

<sup>y</sup> Vid. infra cap. 12. pag. 421.

<sup>z</sup> Lib. 1. cap. 30.

<sup>a</sup> Vid. supr. cap. 8. pag. 252.

## ITEM IN EUNDEM.

Quidam doctiloqui libros senis Augustini  
     Carpere, et adversum condere fertur opus.  
 Usque adeone bonum ingenium, et facundia dives,  
     Otentare artem non aliter potuit;  
 In nova prostratas acies nisi bella cieret,  
     Impiaque extinctis hostibus arma daret?  
 Hæc pugna, inmentor, mors est tua: te stylus iste  
     Conficit, et verbis perderis ipse tuis.  
 Dumque doces quantum valeat mens libera, monstras  
     Velle tuum tibimet sufficere ut pereas.  
 Verte gradum, fuge perniciem: stratosque rebelles  
     Oris apostolici fulmine ubique vide.  
 Nec te mutato defendi nomine credas:  
     Si pastorem ovium lædere vis, lupus es.

His addidit et Prosper epistolam de gratia et libero arbitrio, Augustino etiamnum superstite, ad Rufinum scriptam: qua virum sanctum a Semipelagianorum vindicat calumniis, "eum liberum arbitrium penitus submoveare, et sub gratiæ nomine necessitatem prædicare fatalem," imo et "duas illum humani generis massas et duas credi velle naturas," indigne clamitantium. "Sed prorsus nihil apud nos tale audierunt," inquit ille, "nihil tale legerunt: quia non fato quicquam geri, sed omnia Dei judicio novimus ordinari. Nec ex duabus massis, duabusve naturis, sed ex una massa, quæ est caro primi hominis, unam scimus omnium hominum creatam crearique naturam: et eandem per ipsius primi liberum arbitrium, in quo omnes peccaverunt, esse prostratam; nec ullo modo ab æternæ mortis debito liberam, nisi eam ad imaginem Dei secundæ creationis Christi gratia reformaverit, liberumque ejus arbitrium agendo, spirando, auxiliando, et usque in finem præeundo servaverit." Sed quæ de prostrata Pelagiana hæresi, et egregia hic Ecclesiæ a B. Augustino navata opera, in hac leguntur epistola, quæ a nobis etiam diligentius attendantur sunt dignissima: "Has versutias, quibus se filii tenebrarum in similitudinem filiorum lucis transfigurare voluerunt, cum et orientalium episcoporum judicia, et apostolicæ

sedis authoritas, et Africanorum conciliorum vigilantia deprehenderit; beatissimus quoque Augustinus præcipua utique in hoc tempore portio Domini sacerdotum, copiose et pulchre in multis voluminum disputationibus destruxit: utpote inter multa Dei dona, quibus illum abundantissime spiritus veritatis implevit, habens etiam hanc scientiæ et sapientiæ ex Dei charitate virtutem, ut non solum istam adhuc in suis detruncationibus palpitantem, sed etiam multas prius hæreses invicto verbi gladio debellaret. Cui inter tot certaminum palmas, inter tot triumphorum coronas, ad illuminationem Ecclesiæ et ad gloriam Christi, qua ipse illustratus est, perfulgenti quidam nostrorum (quod de ipsis multum dolendum est) occultis, sed non incognitis, susurrationibus obloquuntur; et, prout sibi noxias aliquorum aures oportunasque repererint, scripta ejus quibus error Pelagianorum impugnatur infamant:” quos tamen novos censurem novisse ait, “non solum Romanam Africamque ecclesiam, et per omnes mundi partes universos promissionis filios cum doctrina hujus viri, sicut in tota fide, in gratiæ confessione congruere: sed etiam in ipsis his locis, in quibus adversus eum querimonia concitatur, esse propitio Deo plurimos, qui ad perceptionem evangelicæ apostolicæque doctrinæ saluberrimis ejus disputationibus imbuuntur, et quotidie in membris corporis Christi, in quantum ea ipse multiplicat, dilatantur.”

Neque hic doctissimi Vossii de ista controversia judicium silentio prætermittendum arbitror: “Nempe celeberrimi quique,” inquit ille<sup>b</sup>, “occidentalis ecclesiæ doctores sequebantur Augustinum et Prosperum: cujus de gratia et libero arbitrio prædestinationeque divina, doctrinam ipse etiam sequor, et probo. Ut omnino sententiam meam haud satis assequantur, siqui existimare me arbitrentur, postremæ Augustini sententiæ, qua prædestinationem fide et perseverentia priorem facit, tanquam impiæ, vel etiam falsæ, obduci posse ea, quæ ante septennium in operc de controversiis a Pelagio et Massiliensibus excitatis, de pri-

<sup>b</sup> Voss. de historicis Latin. lib. 2. cap. 17.

ori Augustini sententia retuli; vel etiam, quæ adduxi ex libris, seu Latinorum, seu Græcorum patrum, qui scripserant ante Pelagii hæresin exortam. Nec enim, judicio meo, B. Augustinus prioribus patribus repugnat: sed quod de prædestinatione priores fere patres præteribant, hoc addit; atque ubi illi de gratia essent incauti locuti, hoc explicat."

Dum ista in occidente molirentur Semipelagiani novi; Theodosium imperatorem in oriente sollicitarunt Pelagiani veteres: de quibus in epistola ad Celestimum Romanum episcopum, hæresiarcha Nestorius: "Julianus<sup>c</sup> quidam, et Florus, et Orontius, et Fabius, dicentes se occidentalium partium episcopos, sæpe et piissimum et prædicatissimum imperatorem adierunt, ac suas causas defleverunt, tanquam orthodoxi temporibus orthodoxis persecutionem passi: sæpe eadem et apud nos lamentantes, ac sæpe rejecti, eadem facere non desierunt; sed insistunt per dies singulos, implentes aures omnium vocibus lacrymosis. His quidem ad eos sermonibus, quibus oportuit, usi sumus, cum negotii eorum veram fidem nesciremus. Sed quoniam apertiore nobis de causis eorum notitia opus est, ne piissimus et Christianissimus imperator noster molestiam sæpe ab his sustineat; ne nos, ignorantes eorum causas, circa negotii defensionem dividamur: dignare nobis notitiam de his largiri; ne vel quidam ignorando justitiam veritatis, importuna miseratione conturbentur; vel canonicam indignationem beatitudinis tuæ, quæ contra eos pro sectis religionis forte probata<sup>d</sup> est, aliud quiddam quam hoc æstiment."

Idem quoque in aliis ad Celestimum literis ab eodem Nestorio ita inculcatum invenimus: "Sæpe<sup>e</sup> scripsi beatitudini tuæ propter Julianum, Orontium, et cæteros, qui sibi usurpant episcopalem dignitatem, et creberrimam aditionem apud piissimum et prædicatissimum imperatorem faciunt, nosque concidunt frequentibus lamentationibus; tanquam temporibus orthodoxis de occidente pro-

<sup>c</sup> Act. Concil. Ephesin. part. 1. cap. 16. pag. 275. edit. Roman. ann. 1608. pag. 133. edit. Colon. ann. 1618.

<sup>d</sup> *Prolata.*

<sup>e</sup> Ibid. cap. 17. pag. 275, 276. edit. Roman. 134. Coloniens.

jecti. At hucusque scripta de his a tua veneratione non suscipimus : quæ si haberem, possem eis respondere, daremque compendiosum responsum luctibus eorum. Nunc enim ab incertis dictis eorum non habet quis ad quod se convertat : aliis hæreticos eos vocantibus, et ideo de occidentalibus partibus projectos esse dicentibus ; ipsis vero jurantibus calumniam se sustinuisse, et periculum pro orthodoxa fide ex subreptione perpessos. Quorum utrum certum sit, nobis gravis est ignorantia. Nam condolere eis, si vere hæretici sunt, crimen est : et iterum non condolere, si calumniam sustinent, durum et impium est. Dignetur igitur amantissima Dei anima tua informare nos, qui ad utrumque momentum hucusque dividimur, id est, et ad odium, et ad miserationem eorum. Doceri autem volumus, quam de his sententiam teneamus : detinemus enim eosdem viros per dies singulos dissimulantes spe et expectatione beatitudinis tuæ."

Sic vero hac de re rescripsit Celestinus : " Hæreticos<sup>f</sup>, de quibus nos, velut eorum quæ gesta sunt nescius, consulere voluisti, sedibus suis, injusta dicentes, expulit justa damnatio. Quos illic invenisse requiem, non putamus esse mirandum. Invenerunt enim impiam prædicationem, cuius comparatione se æstiment innocentes. Hoc loco, quia opportunitas sermonis exposcit, tacere non possunus, quod stupemus. Legimus quam bene teneas originale peccatum ; qualiter ipsam naturam asseris debitricem, et eum debitum merito reddere, qui descendit de genere debitoris. Quid tecum faciunt, qui sunt hæc negando damnati ? Nunquam sine suspicione, ea quæ sibi sunt adversa, convenient. Ejicerentur denique, si tibi quoque similiter displicerent. Cur tamen ea quæ in hos tunc sunt acta, quæruntur ; cum certum sit, illinc ad nos a Catholico tunc antistite Attico gesta directa ? Cur non sanctæ memoriae Sisinnius ista quæsivit ? quia utique sub decessore suo probaverat eos jure damnatos. Defleant infelices, spe se hominum fuisse deceptos, quibus jam potuit propter communionem sola pœnitentia subvenire. Ecce

<sup>f</sup> Act. concil. Ephesin. part. I. cap. 18. pag. 280. edit. Roman. 137. Coloniens.

scire de his incipis, siqua ante nescivisti. Causam tuam magis modo, quam aliorum, Catholica et festina deliberatione curato: quia convenienter dicimus; *Medice<sup>g</sup>, cura te ipsum, qui aliis desideras subvenire.*"

Hæc ille, in epistola scripta anno CCCCXXX. tertio Idus Augusti, Theodosio XIII. et Valentiniano III. Augustis consulibus. Indeque de Nestorio Johannes Cassianus; Semipelagianorum quidem coryphæus, sed Pelagianorum, uti videri volebat, maximus adversarius: "Hinc illud est, quod intercessionibus suis Pelagianistarum quarelas fovet, et scriptis suis causas illorum adserit; quod subtiliter his vel, ut verius dixerim, subdole patrocinatur, et consanguineæ sibi improbitati improbo suffragatur affectu: sciens scilicet ejusdem se esse sensus, ejusdem spiritus; et ideo dolens cognatam sibi hæresim ab Ecclesia esse disjunctam, quam scit sibi utique perversitate conjunctam."

Interea divinæ gratiæ adversus utrosque, et Pelagianos et Semipelagianos, assertor ille invictus, beatissimus Augustinus diem suum obiit: "qui spiritu divino," ut Didacus Alvarez<sup>i</sup> inquit, "potius quam humana industria, et Pelagianorum et Semipelagianorum errorem penetravit, detexit, impugnavit, expugnavit."

— quem Christi gratia cornu  
Uberiore rigans, nostro lumen dedit ævo,  
Accensum vero de lumine, nam cibus illi,  
Et vita, et requies, Deus est: omnisque voluptas  
Unus amor Christi est, unus Christi est honor illi.  
Et dum nulla sibi tribuit bona, fit Deus illi  
Omnia: et in sancto regnat sapientia templo.

quemadmodum de ipso, in libro de ingratis, Prosper cecinit.

Catholicæ de gratia ab eo traditæ doctrinæ summam hanc omnibus commendat Fulgentius; apposito tanto pontifice dignissimo elogio: "Omnes<sup>k</sup>, qui vitæ desiderant fieri

<sup>g</sup> Luc. cap. 4. ver. 23.

<sup>h</sup> Cassian. de incarnat. Christi, lib. 1. cap. 3.

<sup>i</sup> Alvarez de auxiliis, lib. 1. disput. 2. sec. 2.

<sup>k</sup> Fulgent. de veritat. prædestinat. lib. 2.

æternæ participes, oportet sanctorum patrum divinitus inspiratis informari et adhærere sententiis ; qui gratiæ divinæ sic illuminati sunt dono, ut indubitanter assererent in hominis voluntate nihil bonæ cogitationis oboriri, nisi quod beneficio gratiæ prævenientis infunditur, nihil in melius augeri, nisi quod subsequentis juvamine roboratur, nihil bene consummari, nisi quod eadem operante, atque opitulante perficitur. Hæc itaque Catholicorum patrum apostolicis institutionibus tradita permanet in ecclesiis sine aliqua dubitatione doctrina ; quam Graeci Latinique pontifices, sancti spiritus infusione firmati, uno atque indissonabili semper tenuere consensu. In qua B. Augustinus, indutus virtute ex alto, abundantius illis omnibus laboravit : non<sup>1</sup> autem ipse, sed gratia Dei cum illo.”

“ Ipsius ministerio Dominus uberiorem hujus rei fidelibus suis instructionem præbuit. Quippe adhuc ipso in corpore constituto Pelagiana hæresis adversus gratiam Dei mortiferis ausibus rebellavit. Nec defuit in vita benignitas miserantis Dei, quæ militem suum spiritualis gratiæ armis tanto fortius præcingeret, quanto acrius adversus eandem vasa iræ Diabolus instigaret. Proinde memoratus Dei pontifex turrim fortitudinis ipsam gratiam tenens, et exinde cuncta hostilium machinamenta telorum cœlestis juvaminis virtute confringens, non solum ipse de hoste victoriam referens triumphavit; quin etiam posteris certandi et vincendi ordinem, si quando victa pravitas recidivo ausu infandum caput erigere niteretur, ostendit. Sensum quippe Christi habens, tam gratiæ Dei, quam humani arbitrii, et officia discrevit et merita; semper divinis humana subjiciens, et veraciter docens, divinitus homini, et gratuito justificationis donum, et bonæ voluntatis exordium, et plenum tribui glorificationis effectum. Hunc legat omnis, qui salutem æternam adipisci desiderat: humiliter orans misericordiæ Dominum, ut eundem spiritum intelligentiæ legens accipiat, quem ille accepit ut scriberet, et eandem illuminationis gratiam adipiscatur ut discat, quam ille adeptus est ut doceret.”

<sup>1</sup> 1 Corinth. cap. 15. ver. 10.

Hujus sanctissimi pontificis obitum ad jam dietum annum, duorum Augustorum consulatu insignitum, ita refert Prosper in chronicō; “Augustinus episcopus per omnia excellentissimus moritur quinto Calendas Septembbris; libris Juliani inter impetus obsidentium Vandalorum in ipso dierum suorum fine respondens, et gloriose in defensione Christianæ gratiæ perseverans.” E vita autem excessisse, priusquam Theodosii imperatoris ad eum pervenissent literæ, quibus ad œcumenicum concilium in causa Nestorii indictum accercebatur, ostendit Liberatus<sup>m</sup> diaconus: “Scripsit imperator,” inquit ille, “et beato Augustino Hipponensi episeopo per Ebagnium Magistrianum, ut ipsi concilio præstaret sui præsentiam. Qui Ebagnius veniens Carthaginem uagnam, audivit a Capreolo ipsius urbis antistite, B. Augustinum ex hoc mundo min grasse ad Dominum: acceptisque ab eo ad imperatorem literis, loquentibus de obitu B. Augustini, Constantiopolim, unde venerat, rediit:” et ipse Capreolus in epistola<sup>n</sup> ad synodum, “Domini et filii nostri religiosissimi Theodosii imperatoris literæ ad manus nostras perlatae, ejusmodi erant, quæ beatae memoriæ fratris et coepiscopi nostri Augustini præsentiam peculiari ratione efflagitabant. Verum eum eæ literæ illum jam tum e vivis excessisse comperissent; ego regiam illam significationem, licet ad prædictum Augustinum præcipue destinata videretur, excipiens, missis ad universas Africæ provincias congruis literis consuetisque sermonibus, synodum cogere volui convenientem: quo nimirum ex fratribus et episcoporum nostrorum numero seligerentur, qui ad venerabilem beatitudinis vestræ synodum destinarentur.”

Imperatoris literas ante dies paschales ad se perlatas non fuisse refert ibidem Capreolus: post mortem scilicet Augustini prope jam octo, ante cœptam vero universalem synodum vix duorum mensium elapso spatio. Anno enim CCCCXXXI. quo consulatum gesserunt Bassus et Antio-

<sup>m</sup> Liberat. Breviar. cap. 5.

<sup>n</sup> Act. concil. Ephesin. Græco-latin. tom. 1. concil. part. 2. pag. 203. edit. Con lon. ann. 1618.

chus, dic vigesimo secundo Junii in urbe Ephesina, cuius co tempore episcopus fuit Memnon, convenerunt patres ducenti et decem Cyrillo patriarcha Alexandrino praesidentc. Quinto post die co adveniens Antiochenus patriarcha Iohannes, conciliabulum suorum coegit: quod tum quidem episcoporum quadraginta et trium<sup>o</sup>; postea vero, quibusdam<sup>p</sup> paulatim inde sese subducantibus et ad oecumenicæ synodi partes transeuntibus, triginta et septem paulo plurium, et tandem triginta circiter numero constabat: inter quos et Julianus<sup>q</sup> rccensetur; non Campanus quidem ille, Pclagianorum pugil, ut Claudio Menardo visum, sed Larissæus<sup>r</sup> episcopus. Eorum plerosque tamen cum Juliano Campano sensisse, et Pelagiana Celestianaque haeresi infectos fuisse, non solum Cyrillus in apologetico<sup>s</sup> ad Theodosium, sed etiam tota synodus oecumenica cum alibi<sup>t</sup> saepius confirmat, tum in relatione ad imperatores transmissa ita rem concludens: “”Ατοπον<sup>u</sup> γὰρ συνόδῳ διακοσίων δέκα ἐπισκόπων, οἵς καὶ πᾶν τὸ πλῆθος τῆς δύσεως τῶν ἀγίων ἐπισκόπων συνεψηφίσατο καὶ δι’ αὐτῶν ὑπαν τὸ λοιπὸν τῆς οἰκουμένης, τριάκοντα μόνους ἀντιμάχεσθαι: ὃν οἱ μὲν ἥδη πάλαι καθηρημένοι τυγχάνουσιν, οἱ δὲ καὶ τῆς τοῦ Κεληστίου κακοδοξίας εἰσὶν, οἱ δὲ καὶ ἀνεθεματίσθησαν ὡς τὰ Νεστορίου φρονήσαντες. Perabsurdum enim est, ducentorum et decem episcoporum synodo, quibus et universa occidentalium sanctorum episcoporum multitudo et per ipsos reliquus totus terrarum orbis consentit, triginta tantum numero sese opponere: quorum alii quidem jampidem depositi, alii etiam pravæ Celestii doctrinæ sectatores, quidam etiam, ut qui cum Nestorio sentiant, anathemati subditi sunt.”

In hac pscudo-synodo inter alia Celestiana sive Pclagiana dogmata, et illud definitum est: “ dc<sup>w</sup> Adæ anima, quia in peccato mortua non fuerit, eo quod Diabolus in cor

<sup>o</sup> Act. concil. Ephesin. Græco-latin. tom. I. concil. part. 2. pag. 227.

<sup>p</sup> Ibid. pag. 288.

<sup>q</sup> Ibid. pag. 289, et 307.

<sup>r</sup> Ibid. pag. 227.

<sup>s</sup> Ibid. pag. 403.

<sup>t</sup> Ibid. pag. 253, 288, 292, 302, 303, 307.

<sup>u</sup> Ibid. pag. 251.

<sup>w</sup> Gregor. I. Regist. lib. 7. epist. 31. op. tom. 2. pag. 883. vid. et lib. 6. epist. 14. pag. 802.

hominis non ingrediatur; et si quis hoc dixisset, anathema esset:” de quo Gregorius I. in epistola ad Anastasium patriarcham Antiochenum, “Quia<sup>x</sup> quidam illam Ephesinam primam synodum in eadem urbe existimant, quæ quondam ab hæreticis traditur esse composita; omnino necesse est ut charitas vestra eandem synodum apud sanctam Alexandrinam atque Antiochenam ecclesiam requirat, et qualiter in veritate habeat, inveniat. Vel, si placet, hinc dirigemus quæ ab antiquitate servata in scrieniis habemus. Illa enim synodus, quæ sub primæ Ephesinæ imagine facta est, quædam in se oblata capitula asserit approbata, quæ sunt Celestii atque Pelagii prædicamenta. Et cum Celestius atque Pelagius in ea synodo sint damnati; quomodo poterant illa capitula recipi, quorum damnabantur authores?”

Nimirum conciliabulum istud œcumenici concilii authoritatem sibi arrogavit, et pios etiam imperatores eodem quo habitum est tempore in ejusdemmodi errorem induxit: de qua injuria, in relatione<sup>y</sup> ad eos missa, ita tum conquesti sunt veræ synodi venerandi patres: “Κἀκεῖνο δὲ οὐ μικρῶς ἡμᾶς ἔθλιψεν, ἐκ συναρπαγῆς γένεσθαι φαινόμενον, τὸ τοὺς ἀποστατήσαντας ἀπὸ τῆς οἰκουμενικῆς συνόδου, τοὺς περὶ Ιωάννην τὸν Ἀντιοχείας, καὶ τοὺς σὺν αὐτῷ Κελεστιανοὺς καθηρημένους, τοῖς ἡμετέροις ἐντάξαι ὄνόμασι, καὶ μίαν πρὸς ἡμᾶς κἀκείνους σάκραν διαπέμψασθαι. Illud non mediocreter nos afflixit (quod ipsum quoque non absque fraudulenta subreptione factum apparet) illos qui ab œcumenica synodo desciverunt, Joannem Antiochenæ ecclesiæ episcopum, et Celestianos qui cum eo sunt, jam damnatos, inter nostra nomina insertos fuisse; unamque ad nos et illos sacram missam esse.”

Pelagiana autem illa decreta in Ephesina pseudo-synodo sancita fuisse videntur, postquam Johannes Antiochenus<sup>z</sup> et septem ejus sodales, inter quos erat et Theodoretus Cyri episcopus, inde Constantinopolini, communem causam apud imperatorem acturi, fuissent missi. Hi enim

<sup>x</sup> Gregor. I. regist. lib. 9. epist. 49. pag. 963.

<sup>y</sup> Act. concil. Ephesin. Græco-latin. pag. 292. edit. Colon.

<sup>z</sup> Ibid. pag. 278.

a tutanda Pelagiana factione adeo videri volebant alieni, ut in epistola<sup>a</sup> ad Rufum Thessalonicensem præsulem, ob hoc ipsum accusare Cyrillum et Memnonem, atque in ipsis reliquoœ cœcumenici concilii patres, non sint veriti; quod eadem sententes cum Celestio et Pelagio in communionem recepissent: quum tamen illi cognatam istam Nestorianæ hæresim ita fuerint detestati, ut Cyrus quidem et Memnon in plena synodo eos<sup>b</sup> qui Celestii vel Pelagii placita sequerentur anathematizaverint; tota vero synodus in epistola encyclica ad universos fideles, hanc rationem reddiderit quare ipsius hujus conciliabuli episcopos communi decreto ab omni ecclesiastico communione alienos esse statueret: quandoquidem “cum primis<sup>c</sup> Nestorii et Celestii sequi sententias manifeste ex eo sunt deprehensi, quod Nestorium condemnare noluerunt. Πρὸ πάντων μὲν τὰ Νεστορίου καὶ τὰ Κελεστίου φρονήματα ἐπιφερόμενοι σαφέστατα ἀπεδείχθησαν, ἐκ τοῦ μὴ ἔλεσθαι μεθ' ἡμῶν Νεστορίου καταψηφίσασθαι:” quasi qui Nestorium non odisset, neque a Celestio animo alieno esse potuisse.

Adjecti sunt ab cœcumenicæ synodi patribus et alii duo<sup>d</sup> hac de re canones: prior ad metropolitas pertinens: “Εἰ τις ὁ μητροπολίτης τῆς ἐπαρχίας, ἀποστατήσας τῆς ἀγίας καὶ οἰκουμενικῆς συνόδου προσέθετο τῷ τῆς ἀποστασίας συνεδρίῳ ἢ μετὰ τοῦτο προστεθείη, ἢ τὰ Κελεστίου ἐφρόνησεν ἢ φρονήσῃ, οὗτος κατὰ τῶν τῆς ἐπαρχίας ἐπισκόπων διαπράττεσθαι τι οὐδαμῶς δύναται, πάσης ἐκκλησιαστικῆς κοινωνίας ἐντεῦθεν ἥδη ὑπὸ τῆς συνόδου ἐκβεβλημένος, καὶ ἀνενέργητος ὑπάρχων. Si quispiam metropolita provinciæ, derelicta sancta et cœcumenica synodo, aut accessit ad illorum defectionis concessum aut accedet in posterum, sive cum Celestio sensit aut sentiet; ipse nihil amplius poterit agere adversus provinciæ episcopos, ut qui jam inde a synodo totius ecclesiasticæ communionis expers sit factus, et pror-

<sup>a</sup> Act. concil. Ephesin. Græco-latin. pag. 285.

<sup>b</sup> Ibid. pag. 247.

<sup>c</sup> Ibid. pag. 307.

<sup>d</sup> Ibid. pag. 307, 308. et in codice canonum orientalis Ecclesiæ a Jo. Tilio Paris. ann. 1540. edit. fol. 27. et codice canonum Ecclesiæ universæ, a Justello ibid. ann. 1610. edit. pag. 96, 98.

sus ad functiones inhabilis:" Posterior ad omnes spectans clericos: "Εἰ δέ τινες ἀποστατήσαιεν τῶν κληρικῶν, καὶ τολμήσαιεν ἡ κατ' ἴδιαν ἡ δημοσίᾳ τὰ Νεστορίου ἢ τὰ Κελεστίου φρονῆσαι, καὶ τούτους εἶναι καθηρημένους ὑπὸ τῆς ἀγίας συνόδου δεδικαίωται. Si qui autem clericorum defecerint, et ausi fuerint vel privatim vel publice quae sunt Nestorii aut Celestii sapere; sancitum est a sancta synodo istos quoque depositos esse."

Celestini denique de Juliani et sociorum depositione sententia a patribus est confirmata: quod ipsi in literis ad eum scriptis ita significant: "Αναγνωσθέντων ἐν τῇ ἀγίᾳ συνόδῳ τῶν ὑπομνημάτων τῶν πεπραγμένων ἐπὶ τῇ καθαιρέσει τῶν ἀνοσίων Πελαγιανῶν καὶ Κελεστιανῶν, Κελεστίου, Πελαγίου, Ιουλιανοῦ, Περσιδίου, Φλώρου, Μαρκελλίνου, Ὁρεντίου, καὶ τῶν τὰ αὐτὰ τούτοις φρονούντων ἐδικαιώσαμεν καὶ ἡμεῖς, ἵσχυρὰ καὶ βέβαια μένειν τὰ ἐπ’ αὐτοῖς ὥρισμένα περὰ τῆς σῆς εὐσεβείας καὶ σύμψηφοι πάντες ἐσμὲν, καθηρημένους ἔχοντες αὐτοὺς. Perfectis in sancta synodo commentariis actorum in depositione impiorum Pelagianorum et Celestianorum, Celestii, Pelagii, Juliani, Persidii, Flori, Marcellini, Orentii, et eadem cum illis sentientium: quae a pietate tua de ipsis decreta et constituta sunt, judicavimus et nos ea solida firmaque permanere debere; et idem omnes tecum statuimus, eos pro depositis habentes."

Atque ita, "secundum sacrosanctam universitatis et antiquitatis consensionem," ut Vincentius Lirinensis<sup>f</sup> notat, "Pelagius, Celestius, Nestorius, jure meritoque damnati sunt." De quo Prosper in chronicō: "Congregata apud Ephesum plus ducentorum synodo sacerdotum, Nestorius cum hæresi nominis sui, et cum multis Pelagianis, qui cognatum errori suo juvabant dogma, damnatur." Et alibi<sup>g</sup> de papa Celestino verba faciens: "Per hunc virum orientales ecclesiæ gemina peste purgatae sunt; quando Cyrillo Alexadrinæ urbis antistiti, gloriosissimo fidei Catholicæ defensori, ad execrandam<sup>h</sup> Nestorianam impietatem apos-

<sup>e</sup> Act. concil. Ephesin. Græco-latin. pag. 254. edit. Colon.

<sup>f</sup> Vincent. commonitor. advers. hæreses, cap. ult.

<sup>g</sup> Prosp. contra Collator. cap. 41.

<sup>h</sup> Extirpandam,

tolico auxiliatus cst gladio; quo etiam Pelagiani, dum cognatis confederantur erroribus, iterum prosternerentur." Quænam vero hæc fuerit inter utramque hæresim cognatio, dum quod a Pelagianis de membris Christi perverse est traditum, ad ipsum corporis caput a Nestorianis impie est traductum, ex actis occidentalium episcoporum adversus Nestoriana et Pelagiana dogmata, ita explicat Photius<sup>i</sup>:

"Οἱ μὲν Κελεστιανοὶ περὶ τοῦ σώματος ἡτοι τῶν μελῶν τοῦ Χριστοῦ (τουτέστι τῆς ἐκκλησίας) ἀποθρασύνονται ὅτι πὲρ οὐχὶ ὁ Θεὸς (τουτέστι τὸ πνεῦμα τὸ ἄγιον) τὴν τε πίστιν αὐτοῖς καὶ πάντα τὰ πρὸς ζωὴν καὶ εὐσέβειαν καὶ σωτηρίαν διαιρεῖ ἴδιᾳ ἐκάστῳ καθὼς βούλεται· ἀλλ' ὅτι πὲρ ή κατατεταγμένη τοῦ ἀνθρώπου φύσις (ή διὰ τὴν παράβασιν καὶ τὴν ἀμαρτίαν τῆς μὲν μακαριότητος ἐκπεσοῦσα καὶ τοῦ Θεοῦ χωρισθεῖσα, τῷ δὲ θανάτῳ παραδοθεῖσα) αὕτη κατὰ τὴν τῆς προαιρέσεως ἄξιαν τὸ πνεῦμα τὸ ἄγιον καὶ προσκαλεῖται καὶ ἀπωθεῖται. Οἱ δὲ Νεστοριανοὶ καὶ περὶ αὐτὴν τὴν τοῦ σώματος κεφαλὴν, τὸν Χριστὸν, τὴν αὐτὴν διάνοιαν καὶ τόλμαν ἔχουσι λέγοντες γάρ, ὅτι ἐπεὶ τῆς ἡμετέρας φύσεως ἐστὶν ὁ Χριστὸς, ὁ δὲ Θεὸς πάντας ἀνθρώπους ὄμοίως θέλει σωθῆναι, καὶ οὐκέπι προαιρέσει ἔκαστον τὸ ἑαυτοῦ πταῖσμα ἐπανορθώσασθαι, καὶ ἄξιον ἑαυτὸν αὐτοῦ ποιῆσαι. Διὰ τοῦτο οὐκ ἔστιν ὁ Λόγος ὁ τηχθεὶς, ἀλλ' ὁ γεννηθεὶς ἐκ Μαρίας, διὰ τὴν τῆς φυσικῆς προαιρέσεως ἄξιαν, εἶχεν ἐπόμενον τὸν Λόγον, μόνη τῇ ἄξιᾳ καὶ τῇ ὄμωνυμίᾳ κεκοινωνηκὼς τῷ Λόγῳ τῆς νίότητος. Celestiani de corpore seu membris Christi, hoc est, de Ecclesia petulanter ista jactant. Non Deum ipsum, id est, Spiritum sanctum fidem ipsis, omniaque ad vitam, pietatem et salutem necessaria, privatim dividere unicuique, prout velit: sed constitutam hominis naturam (quæ per transgressionem et peccatum beatitudine excidit, atque a Deo separata, morti tradita est) pro merito voluntatis uniuscujusque Spiritum sanctum et appellare et repellere. Nestoriani vero de ipso etiam corporis capite Christo eadem sentire et affirmare audent. Asserunt enim, quandoquidem nostræ Christus naturæ sit particeps factus, et Deus omnes homines SIMILITER salvos fieri velit; unum-

<sup>i</sup> Phot. bibliothec. num 54.

quemlibet etiam per arbitrii sui libertatem proprium peccatum corrigere, et Deo dignum se facere. Idcirco non genitum esse Verbum; sed eum qui ex Maria natus est, ob naturalis voluntatis dignitatem, habuisse Verbum concomitans: cum sola ista nobilitate, et eadem appellatione communicaret cum ratione filiationis."

Addit ibidem de hæresi Pelagiana Photius: "Αναθεματίσθη αὕτη ἡ αἵρεσις καὶ ἐν τῷ Εφεσίων ἀγίᾳ συνόδῳ. Ήαὲ εadem hæresis anathemate item damnata est in sacra Ephesina synodo." Item: "Μετὰ θάνατον τοῦ ἐν ἀγίοις Αὐγουστίνου ἥρξαντό τινες τῶν ἐν τῷ κλήρῳ τὸ μὲν δυσσεβὲς κρατύνειν δόγμα, κακῶς δὲ λέγειν Αὐγουστίνου καὶ διασύρειν, ὡς ἀναιρεσιν τοῦς αὐτεξουσίου εἰσηγησάμενον· ἀλλὰ καὶ Κελεστίνος ὁ Ρώμης ὑπὲρ τε τοῦ Θείου ἀνδρὸς, καὶ κατὰ τῶν ἀνακινούντων τὴν αἵρεσιν τοῖς ἐγχωρίοις γράφων ἐπισκόποις, τὴν κινουμένην πλάνην ἔστησεν. Post sancti Augustini mortem cœperunt quidam in clero impium illud dogma asserere; male etiam loqui de Augustino, atque adeo conviciis incessere, tanquam arbitrii libertatem tollendam docuisset. Verum Celestinus Pontifex Romanus, pro sancto viro, et contra eos qui hanc hæresim resuscitarent, ejus oræ epis copis scribens, errorem revocatum colibuit." Unde de eodem Celestino, Prosper<sup>k</sup>: "Per hunc virum intra Gallias istis ipsis qui sanctæ memoriae Augustini scripta reprehendunt maleloquentiæ est adempta libertas, quando consultantium actione suscepta, et librorum qui errantibus displicebant pietate laudata, quid oporteret de eorum authoreitate sentiri, sancto manifestavit eloquio: evidenter pronuncians, quantum sibi præsumptionis istius novitas displiceret, qua auderent quidam adversus antiquos magistros insolenter insurgere, et indisciplinata calumnia prædicationi veritatis obstrepere."

Nempe hic ipse Prosper, et Hilarius ille quem ab Are latensi episcopo distinguendum fuisse ostendimus, Romam profecti, Gallicanos quosdam presbyteros, qui Augustini jam vita functi scriptis liberius obtrectabant, apud Celestimum accusarunt. Ea occasione ad Venerium Massili-

<sup>k</sup> Prosper contra Collator. cap. 42.

ensem, in cuius ecclesia presbyteri munere fungebatur Cassianus, Leontium Foro-juliensem (ad quem spectabat ordinatio clericorum insulae Lirinensis, cuius tum abbas erat Faustus presbyter) et cæteros Galliarum antistites, a Celestino scripta est epistola: in qua episcopos ille culpat, quod ipsis tacentibus presbyteros loqui, et novis quæstionibus Ecclesiam turbare, permetterent: “*Filiī,*” inquit, “*nostri præsentes Prosper et Hilarius, quorum circa Deum nostrum solicitude laudanda est, tantum nescio quibus presbyteris illic licere, qui dissensioni ecclesiarum studeant, sunt apud nos prosecuti; ut indisciplinas quæstiones vocantes in medium, pertinaciter eos dicant prædicare adversantia veritati. Sed vestræ dilectioni justius imputamus, quando illi supra vos habent copiam disputandi.*”

Deinde, pluribus interjectis, addit: “*Super his multa jam dicta sunt eo tempore, quo ad fratri Tuentii dedimus scripta responsum. Nunc tamen repetentes sæpius admonemus, ut vitentur hujusmodi, qui laborant per terras aliud, quam ille noster jussit agricola, seminare. Nec tamen mirari possumus, si hæc erga viventes hi nunc tentare audent, qui nituntur etiam quiescentium fratrum memoriam dissipare. Augustinum sanctæ recordationis virum, pro vita sua atque meritis, in nostra communione semper habuimus; nec unquam hunc sinistræ suspicionis saltem rumor adspersit: quem tantæ scientiæ olim fuisse meminimus, ut inter magistros optimos etiam a meis semper præcessoribus haberetur. Bene ergo de eo omnes in commune senserunt; utpote, qui ubique cunctis et amori fuerit, et honori. Unde resistendum talibus, quos male crescere videmus.*” Epistolæ etiam, de gratia Dei et libero voluntatis arbitrio, quædam habentur subjuncta capitula; ex Innocentii et Zosimi epistolis atque synodi Carthaginensis anathematismis desumpta: quæ Celestini quoque nomine a Petro<sup>l</sup> diacono et Cresconio<sup>m</sup> sunt citata.

<sup>l</sup> Petr. in lib. de incarnat. et gratia Christi ad Fulgentium; cap. 8.

<sup>m</sup> Crescon. Breviar. Canonum, tit. 289, 290, &c.

Indefessi ejusdem in Pelagianis ubique reprimendis studii testes etiam tres illæ sunt epistolæ Idibus Martii, Aetio et Valerio consulibus, hoc est, anno CCCCXXXII. quo et mortuus est, in orientem ab eo missæ. In prima enim, quæ ad synodi universalis Ephesinæ episcopos scripta est, de his hæreticis hujusmodi ab eo facta est mentio: “Quod loquimur, Celestianorum testantur exempla; quod spem de synodo lucusque gesserunt. Habent, si resipiscunt, copiam revertendi: quod his solis non permittitur, quos proprie cum authoribus hærescos omnium fratrum constat subscriptione damnatos. Per Dei namque misericordiam aliquos ex corum numero ad nos jam rediisse gaudemus.” In secunda Maximianum, qui deposito Nestorio Constantinopolitanus factus est episcopus, sic adversus eos incitat: “Locum<sup>o</sup> impietas novella non habeat, et compresso olim per totum orbem sua damnatione noto Celestiano errori tua vigilantia resistatur; ut quicunque hujus dogmatis sunt sequaces, ab omni societate hominum repellantur. Obsistat illis per te Spiritus sanctus his in omnibus, qui ad has quascunque conantur provincias pervenire; ne eorum impia prædicatio resurgat. Obsistite eis: ita enim, ut damnentur quocunque pervenient, innotescunt; et tanquam non illis sententia toties repetita sufficiat, longinquas terras remotasque provincias inquietant. Sed eos ille persequitur, cuius fidem sua pravitate persequi nitebantur: et quo se abscondant, ad quas latebras confugiant, sua se impietate prodentes, invenire non possunt.”

In tertia clerum et populum Constantinopolitanum de Nestorio ita commonet: “Adfuerunt<sup>p</sup> inter alios, nec deseruerunt eum Celestiani iniquitatis operarii, quos Hymnidici nostri persequitur manifesta sententia. Jamdudum quippe inimici<sup>q</sup> Dei disperguntur, et pereunt qui operantur iniquitatèm: qui, sicut idem dicit, *velut cibum panis plebem Dominicam devorabant*. Habuit ergo secum sui magistros exitii: habuit hujusce rei perfectos tyro doctores.

<sup>n</sup> Act. concil. Ephesin. part. 3. cap. 20. pag. 414. edit. Colon.

<sup>o</sup> Ibid. cap. 22, pag. 415.

<sup>p</sup> Ibid. cap. 23. pag. 417, 418.      <sup>q</sup> Psalm. 92. ver. 9. al. Psalm. 91. ver. 10.

<sup>r</sup> Psalm. 14. ver. 4. al. Psalm. 13. ver. 7.

Nam separare difficile est quos scelera sola junxerunt ; quia majore ligantur glutino fœdera vitiorum. Quis tamen horum finis est ? nempe ille quem legimus : *Irritarit<sup>s</sup> in illo Dominus ; et erunt posthæc decidentes sine honore in contumelia inter mortuos in æternum.*" Indeque sicut in Romano martyrologio " S. Celestini<sup>t</sup> papæ, qui Nestorium Constantinopolitanum episcopum damnavit, Pelagiumque fugavit," celebris statuitur memoria, ut de utroque hæretico debellato titulus quidam triumphalis : ita utriusque hæresi, cum infamia et dedecore pariter sepultæ, commune hoc positum est a Prospero epitaphium ; quo caput istud, rebus intra Celestini pontificatum gestis explicandis destinatum, claudendum existimavimus.

Nestoriana lues successi Pelagianæ ;  
 Quæ tamen est utero prægnerata meæ.  
 Infelix miseræ genitrix et filia natæ,  
 Prodivi ex ipso germine quod peperi.  
 Nam fundare arcem meritis prior orsa superbis,  
 De capite ad corpus ducere opus volui.  
 Sed mea dum proles in summa armatur ab imis,  
 Congrua bellandi tempora noi. habui.  
 Et consanguineæ post tristia vulnera fraudis,  
 Aspera conserui prælia fine pari.  
 Me tamen una dedit victam sententia letho ;  
 Illa volens iterum surgere, bis cecidit.  
 Mecum oritur, mecum moritur<sup>u</sup>, mecumque sepulchrum  
 Intrat, et inferni carceris ima subit :  
 Quo nos præcipites insana superbia mersit,  
 Exutas donis, et tumidas meritis.  
 Nam Christum pietate operum et mercede volentes  
 Esse Deum, in capitis fœdere non stetimus :  
 Sperantesque animi de libertate coronam,  
 Perdidimus quam dat gratia justitiam.  
 Quique igitur geminæ miseraris busta ruinæ,  
 Ne nostro exitio consociere cave.  
 Nam si quæ Domini data munera sero fatemur,  
 Hæc homini credis debita, noster eris.

<sup>a</sup> *Irridebit illos.* Sap. cap. 4. ver. 18. <sup>t</sup> Martyrolog. Roman. VIII. Id. April.

<sup>u</sup> Al. *vivit.*

## CAP. XII.

Semipelagiani a Prospero scriptis refutati: Pelagiani a Xysto III. et Leone I. repressi. Britanni, a Scotis et Pictis conculeati, ab Actio Romanæ militiæ magistro auxilium frustra implorant. Idem famc confecti, recuperatis postea viribus hostes repellunt. De regibus eorum Constantino, et filio Constante Wintoniensi monacho, quid Britannica historia: de pace et rerum abundantia illis restituta, novaque vitiorum segete simul accrescente, quid Gildas tradat. Pelagiana hæresis emergens in Istria a Leone Magno, in urbe Romana a B. Prospero, in Britannia a S. Germano et Severo prosteratur. De S. Germani et Vortigerni Britannorum regis congressu fabulæ: Anglo-Saxones a Britannis invitati, Hengisto et Horsa ducibus, in insulam adveniunt. Ex quibus Germaniæ provinciis novi coloni ducti fuerint, et in quibus Britanniæ locis conserderint. Tempus eorum adventus explicatum, et cum vicinorum Francorum in Gallias migratione comparatum. Quomodo, auctis viribus, ex amicis hostes effecti, Britannicam rempublicam et Ecclesiam oppresserint. De miscrorum Britannorum reliquiis solum vertere coactis: eaque occasione, de eorum in Batavia, et Britannia Armorica collocatis sedibus.

**CELESTINO** in sede Romana successit Xystus sive Sixtus III. quem, adhuc presbyterum, magno animo Pelagianis se opposuisse docuimus<sup>a</sup>. Sub ejus pontificatus initiis, latius<sup>b</sup> sese diffundentibus in Gallia Semipelagianorum erroribus, adversus mali authorem Johannem Cassianum, Collatoris nomine designatum, a Prospero Aquitanico egregius editus est commentarius: cuius scriptio[n]is occasionem et propositum in operis exordio ipse sic enarrat: “*Gratiam<sup>c</sup> Dei, qua Christiani sumus, quidam dicere audent a sanctæ memoriae Augustino episcopo non recte esse defensam; librosque ejus contra errorem Pelagianum conditos immoderatis calumniis impetere non quiescunt.*

<sup>a</sup> Supra cap. 10. pag. 329.

<sup>b</sup> Hyginus, apud Rigaltium in Tertul.

<sup>c</sup> Prosp. contra Collator. cap. 1.

Quorum intus interstrepens domestica malignitas non minus spernenda esset, quam foris latrans haeretica loquacitas: nisi ejectis extra ovile Dominicum lupis, sub nomine ovium, suffragarentur; essentque ejusmodi ut nec ordo eorum in Ecclesia, nec ingenia despicienda videantur. Si quidem habentes speciem pietatis in studio, cuius virtutem diffitentur in sensu; trahunt ad se multos ineruditos, et non habentia spiritum discretionis corda conturbant: atque in eum statum deducere causam Ecclesiæ moluntur, ut dum nostros affirmant non veraciter pro gratia locutos, inimicos gratiæ persuadeant injuste damnatos esse."

" Non ergo negligendum est hoc malum, quod ab occultis parvisque seminibus augetur quotidie, et ab ortu suo latius longiusque distenditur: sed studendum est, in quantum Dominus adjuvat, ut fallacium calumniatorum hypocrisis detegatur: qui ex ipsa injuriæ magnitudine, quam in uno cunctis ac præcipue apostolicæ sedis pontificibus intulerunt, ab indoctis et parum cautis excellentioris scientiæ judicantur; et misero perversoque successu facilem mendacio consensum eliciunt, quia reverentiam sibi præsumptione perpererunt. Nec enim, cum sint bonæ opinionis viri, creduntur ullo modo tarditate intelligentiæ aut temeritate judicii in superfluæ querelæ conclamationem potuisse prorumpere: ac non potius magno ingenio ac vehementi studio laborasse, ut subtilissimi tractatoris disputationibus comprehensis, censura nunc districtior et inspectio sagacior inveniret, quod antea securus favor et benignitas incuriosa non viderat."

" Unde ergo hæc diligentia tam severi emersit examinis? Unde in hanc austерitatem supercilium tam tetricæ frontis se armavit; ut mensuras sensuum, pondera locutionum, numeros syllabarum insidiosus scrutator eventilet, magnumque se aliquid confidere præsumat, si Catholico prædicatori notam erroris affigat? quasi incognitum aliquod opus et quod hactenus latuerit imperatur: ac non illa his morsibus doctrina lanietur, quæ novorum haereticorum commenta disjecit, et diabolicum tumorem Pelagianæ elationis elisit. Viginti<sup>d</sup> amplius annis contra inimicos gratiæ

<sup>d</sup> Ab anno CCCCCXII. vel sequente. vid. supr. cap. 9. pag. 268. 271. 273.

Dei Catholica acies, hujus viri ductu, pugnat et vincit. Vincit dico, quia non patitur respirare quos vicit; et in quorum excidium unam cunctorum sacerdotum manu sententiam scripsit. Pulsi pontificio, et communione privati, querantur quasi de felicitate nostrae victoriæ; et arment in nos linguas suas, qui exulare a veritate, quam cives esse Ecclesiæ maluerunt: nostri autem corporales, ac participes gratiæ Dei, cur de his armis, quibus communis fides est defensata, causantur? Cur bellum confectum retractant; et munitiones securæ dudum pacis infirmant?"

Ac tandem contra eos sic concludit: "Igitur<sup>e</sup> hujusmodi hominum pravitati, non tam disputationum studio, quam authoritatum privilegio est resistendum: ut de prostrati dudum dogmatis corpore nullum membrum sinatur assurgere. Quia notum est, ita se falsitatis istius habere versutias, ut si eis liceat prætentæ correctionis imagine aliquod sibi faventium radicis suæ germen excipere, totam se possit in exigua sui parte reparare. Ubi enim non aliud habet summa, quam portio; non est devotionis dedisse prope totum, sed fraudis retinuisse vel minimum. Quod ne hypocritarum obtineatur insidiis, confidimus Domini protectione præstandum; ut quod operatus est in Innocentio, Zosimo, Bonifacio, Celestino, operetur et in Xysto: et in custodia Dominici gregis hæc sit pars gloriæ huic reservata pastori, ut sicut illi lupos abegere manifestos, ita hic depellat occultos."

Aliis præterea editis scriptis idem Prosper<sup>f</sup> bonam Catholicorum causam tuebatur: de quo Fulgentius<sup>g</sup> ad Monimum: "Non ignoras præterito tempore illi luculentissimo sancti Augustini operi, quod scripsit de prædestinatione sanctorum, a quibusdam Gallis objectum, quod beatus Augustinus in assertione prædestinationis divinæ peccatores non ad solum prædestinatos diceret judicium, sed etiam ad peccatum: cuius dicta, quia ipse celeri præventus est obitu, Prosper vir eruditus et sanctus recta

<sup>e</sup> Galfrid. hist. Britann. lib. 6. cap. 44.

<sup>f</sup> Voss. hist. Pelagian. lib. 1. cap. 18. pag. 62.

<sup>g</sup> Fulgent. ad Monim. lib. 1. cap. 30.

defendit fide et copioso sermone." Cum enim quindecim<sup>h</sup> capitula a Gallis objicerentur adversus ea quæ in Pelagianos scripserat Augustinus: ad singula respondit ille; ista libro suo præfixa præfatione: "Doctrinam (quam sanctæ memoriae Augustinus episcopus contra Pelagianos, inimicos gratiæ Christi, et liberi arbitrii decomptores, per multos annos apostolice asseruit, literisque mandavit) qui busdam visum est aut intelligendo, aut intelligi eam nolendo, reprehendere, et hoc quasi compendium cognitionis his, qui judicio eorum duecebantur, afferre; ut quæ in libris prædicti viri damnabilia reperisse jactabant, brevium capitulorum indiculis prædicarent: talique commento et detestationem ejus quem impeterent obtinerent, et ab his quæ infamassent curam exterriti lectoris averterent. Ne ergo hanc persuasionem temere quis recipiat, et talem putet sensum scriptis Catholici inesse doctoris, qualem eum qui frustra calumniantur ostentant; singulis capitulis, quæ rationis titulo prænotarunt, brevi et absoluta professione respondeo: in nullo recedens a tramite earum definitionum, quæ in sancti viri disputationibus continentur: ut facile vel tenuis diligentia adverat inspector, quam injustis opprobriis Catholici prædicatoris memoria carpat: et in quod peccatum cadant, qui aliena instigatione commoti, scriptorem celeberrimi nominis promptius habent culpare quam nosse."

Respondit idem ad decem dubia, ex Augustini libris de prædestinatione sanctorum (secundo etiam libro, qui est de dono perseverantiæ, communio eo nomine comprehenso) excerpta; quæ ex Genuensi civitate explicanda illi miserant Camillus et Theodore presbyteri: de ipso Augustino et re tota sub libelli finem ita concludens: "Quamvis nunquam tam insipienter locutus sit ad populum Christianum, et id quod mendax obtrectatio ineptissime finxit horruerit: pia tamen constantique doctrina abundanter probavit, prædicandam esse Ecclesiæ prædestinationem, in qua est gratiæ præparatio, et gratiam, in qua est prædestinatio effectus, et præscientiam Dei, qua ante secula æterna

<sup>h</sup> Vid' supr. cap. 11, pag. 101.

quibus esset collaturus sua dona præscivit. Cujus prædicationis quisquis est impugnator, apertissimus est Pelagianæ elationis adjutor."

Ab eodem refutata sunt et objectionum Vincentianarum sexdecim capita : quibus non tam Augustinus (licet falso titulo responsonis ejusdem ad articulos sibi falso impositos opusculum hoc aliquando ferebatur) quam ipse Prosper et reliqui, qui ab ejus partibus stabant, orthodoxi petebantur : sicut eodem Satanæ artificio, adversus ejusdem doctrinæ defensores easdem adhiberi calumnias hodieque cernimus. De qua injuria sibi et fratribus illata, in responsonum suarum præfatione, sic Prosper conquestus est : " Quidam Christianæ ac fraternæ charitatis oblii, in tantum existimationem nostram quoquomodo student lædere, ut suam se evertere, nocendi cupiditate, non videant. Contexunt enim, et qualibus possunt sententiis comprehendunt, ineptissimarum quarundam blasphemiarum prodigiosa mendacia ; eaque ostendenda et ingerenda multis publice privatimque circumferunt : asserentes talia in nostro esse sensu, qualia diabolico continentur indiculo. Quæ falso in nos ad excitandam invidiam jacitari, facile et sufficienter subscriptione unius probaremus anathematis ; nisi malignitas eorum, qui se gravari putant si de nobis bene sentiatur, ipsam subscriptionis nostræ brevitatem suspectam esset habitura. Unde ne hujus querelæ inveniretur occasio, necessarium conveniensque credidimus, ut sive ad calumniantium animos mitigandos, sive ad eos, quorum auribus tale aliquid insonuit, instruendos, quantum adjuvante Domino fieri potuerit, plene lucideque pandamus, quid de perversis definitionibus judicemus."

Harum objectionum authorem nonnulli<sup>i</sup>, haud levibus ducti conjecturis, Vincentium Lirinensem fuisse existimant, qui adversus hæreses Commonitorium, Xysto<sup>k</sup> Romanam ecclesiam administrante, tertio<sup>l</sup> post habitum concilium Ephesinum anno, quem nos Christi CCCCXXXIV.

<sup>i</sup> Vid. Voss. hist. Pelag. lib. 1. cap. 9.

<sup>l</sup> Vincent. Commonitor. cap. 42.

<sup>k</sup> Vincent. Commonitor. cap. 43.

numeramus, conscripsit. Eo vero tempore Pelagianum<sup>m</sup> illum Julianum adhue “ se collegarum sensui, aut incorporare neglexisse, aut excorporare præsumpsisse,” meminuit. Sub finem tamen pontificatus Xysti eundem in communionem Ecclesiæ insinuare se conatum, ad consulatum Theodosii XVII. et Festi, qui in annum CCCCXXXIX. incidit, his verbis in chrono suo doet Prosper: “ Hac tempestate Julianus Eclanensis<sup>n</sup>, jactantissimus Pelagiani erroris assertor, quem dudum amissi episeopatus intemperans cupido exagitabat, multimoda arte fallendi eorrectionis speciem præferens, molitus est in communionem Ecclesiæ irrepere. Sed his insidiis Xystus papa diaconi Leonis hortatu vigilanter occurrens, nullum aditum pestiferis conatibus patere permisit: et ita omnes Catholicos de refectione fallacis bestiæ gaudere fecit, quasi tunc primum superbissimam hæresim apostolicus gladius detruncasset.”

Erat hic diaconus Leo illo Magnus, qui anno proxime sciente Xysto in Romano successit pontificatu: a quo Julianum, in Campania sua res iterum turbantem, contritum esse, idem Prosper, eujus tunc opera in Pelagianis reprimendis ipse usus est Leo, in libello de dimidio temporis, capite sexto, ita retulit: “ In Italia, nobis apud Campaniam constitutis, dum venerabilis et apostolico honore nominandus papa Leo Manichæos subverteret, et contereret Pelagianos, et maxime Julianum: ambiens tum quidam Florus nomine, spiritu seductionis arreptus, virtutem et meritum sibi sancti Sosii martyris assignans, cum haud procul a Neapolitana civitate in subversionem animarum quædam promitteret faccretque illicita; a germano venerabilis Nostriani episcopi et Hierio presbytero simul cum clericis prædictæ ecclesiæ tentus et eoereitus, sic a præfatæ provinciæ limitibus pulsus est.” Qui impostor, ejusmodi falsis miraculis simplicium fidem subvertere molitus, Claudio Menardo<sup>o</sup> non aliud fuisse videtur quam Florus episcopus Pelagianus, cui postremum opus contra Augustinum dicavit Julianus; et quem, una cum eodem

<sup>m</sup> Vincent. Commonitor. cap. 40.

<sup>n</sup> Celanensis, Gelasio in LXX. episcoporum concil. et Bedæ, præfat. in Cantic.

<sup>o</sup> Menard. not. in Augustini imperfectum opus contra Julian. pag. 488.

et cæteris collegis a Celestino depositum, in Ephesino concilio iterum damnatum fuisse in præcedente capite adivimus.

Quam miseranda his temporibus rerum facies in Britannia fuerit, satis testatur epistolæ ad Aetium missæ flebilis illa ἐπιγραφὴ, AETIO III. CONSULI, GEMITUS BRITANNORUM: et lugubris quæ annexa est querimonia: “ Repellunt Barbari ad mare, repellit mare ad Barbaros. Inter hæc duo genera funerum, aut jugulamur aut mergimur.” Hic tamen, ubi in Gildæ codice a Polydoro Vergilio edito, Aetio ter consuli, legitur, monet doctissimus Camdenus<sup>p</sup>, in exemplaribus plurimis (sicut etiam in duobus quibus ego sum usus MSS. et quæ Galfridus Monemuthensis<sup>q</sup> est secutus) haberí, Agitio ter consuli; in aliis sine numeri adjectione Aegitio, et in uno Æquitio consuli. In Britannica historia carminibus expressa, quæ falso Gildæ nomine est prænotata, Agretium quoque appellatum invenio. Quum enim in quinto libro cladem Britonibus a Barbaris illatam poeta cecinisset, statim subiicit:

Lactentes matresque simul, juvenesque scnesque  
Occumbunt gladio, nulli sua munera prosunt :  
Ecclesiæ clerum reverentia nulla tuerit.  
Agretius consul Romanus ferre recusat  
Auxilium positis in tanta strage Britannis.

In Bedæ historiæ ecclesiasticæ<sup>r</sup> editionibus vulgatis, Boetius nominatur: quam lectionem non solum antiquissimorum exemplarium inspectio, quæ Aetium nobis exhibent, sed etiam ipse verborum Bedæ contextus vitiosissimam esse demonstrat: “ Anno (inquit, de Theodosio ju niore agens) regni ejus vicesimo tertio Boetius vir illustris, qui et patricius fuit, tertium cum Symmacho gessit consulatum. Ad hunc pauperculæ Britonum reliquæ mittunt epistolam, cuius hoc principium est: Boetio ter consuli gemitus Britannorum, &c.” Atqui Symmachum non Boetio sed Aetio tertium consuli collegam fuisse consentiunt

<sup>p</sup> Camden. Britann. pag. 77. et 95.

<sup>r</sup> Lib. 1. cap. 13.

<sup>q</sup> Galfrid. hist. Britann. lib. 6. cap. 3.

omnes: et alium aliquem consulem cogitare, a quo militare auxilium expeterent Britanni, quam Aetium, qui<sup>s</sup> “magister utriusque militiae” erat, et in vicina Gallia tum degebat; hoc vero suaviter esset ineptire. Neque Bedam recte perversæ temporum rationis insimulat hic Camdenus<sup>t</sup> (a Baronio<sup>u</sup> in errorem inductus ipse) quod ad annum Theodosii junioris XXIII. Christi CCCCXXX. Aetii consulatum tertium retulerit: quem “ex fastis consularibus constat in XXXIX. Theodosii illius et Christi CCCCXLVI. annum incidisse.” Nam in ipso capitis illius exordio aperte significaverat Beda, se Theodosii junioris regnum ab anno Domini CCCCXXIII. et Honorii Augusti obitu arcessere. Cum igitur “anno regni ejus vicesimo tertio” epistolam hanc ad Aetium missam esse subjicit, non aliud dictum voluit, quam quod a Jordano sive Jornande (ut a Cuspiniano citatur) vel (ut mea fert sententia) ab Hermanno Contracto est expositum: “Anno CCCCXLVI. Britanni ab Aetio et Romanis contra Scotos et Pictavos (seu Pictos) auxilium implorant, nec impen- trant.”

Eodem anno “magnam famem Constantinopolim invasisse, pestemque illico subsecutam;” et sequente quoque “famem et aerum pestiferum odorem multa millia hominum jumentorumque delevisse,” narrat Marcellinus<sup>w</sup> comes in chronicō: ex quo pleraque in jam citato loco ad verbum transcribens Beda, eandem<sup>x</sup> “illam famem Britones magis magisque affecisse” addit: illam nimirum, cuius ita meminit in epistola sua Gildas: “Interea fames dira ac famosissima vagis ac nutabundis hæret: quæ multos eorum cruentis compulit prædonibus sine dilatione victas dare manus, ut pauxillum ad refocillandam animam cibi caperent, alios vero nunquam; quin potius de ipsis montibus, speluncis, ac saltibus dumis consertis continue rebellabant.

<sup>s</sup> Vid. literas imperatorias ad Aetium datas Valentiano VI. Col. h. e. anno 415. inter Theodosii et Valentiniani novellas, tit. de episcoporum ordinat.

<sup>t</sup> Camden. Britan. pag. 94. <sup>u</sup> Baron. ann. 446. sec. 1.

<sup>v</sup> Vid. Valentiniani novell. tit. XI. in rescripto ad Aetium Patritium.

<sup>x</sup> Bed. hist. ecclesiast. lib. I. cap. 11.

Et tum primum inimicis per multos annos prædas in terra agentibus strages dabant, non fidentes in homine, sed in Deo; secundum illud Philonis: Necessæ est adesse divinum, ubi humanum cessat auxilium."

Humanum tamen etiam hic advocatum est auxilium; si Monemuthensi Galfrido credimus. Is enim, ut in quinto capite<sup>y</sup> a nobis dictum, ab Aldroeno Britanniæ Armoricae rege fratrem Constantium cum militum millibus duobus missum huc asserit; a Guitelino Londinensi archiepiscopo hisce vocibus salutatum: "Christus<sup>z</sup> vincit, Christus imperat, regnat Christus. Ecce rex Britanniae desertæ. Adsit modo Christus; ecce defensio nostra, ecce spes nostra et gaudium." Auxiliares istos, adjuncta sibi reliqua juventute insulæ, cum hostibus congressos victoriam adeptos esse narrat Galfridus<sup>a</sup>: et confluentes undique Britones, prius dispersos, Cicestriæ "erexisse Constantium in regem, regnique diadema capiti ejus imposuisse." Addit etiam, a Constantino filium primogenitum Constantem traditum "in ecclesiam Amphibali intra Wintoniam, ut monachalem ordinem susciperet;" eundemque patri, post decennium a Picto quodam interfecto, in regno successisse: quod in jam citata Britannicæ historiæ meta phrasi hisce versibus est expositum.

Interea quidam Pictus mucrone soluto  
Interimit regem, falsum nil tale timentem.  
Conveniunt igitur proceres, de substituendo  
Rege simul tractant; cum Vortigernus ad ipsum  
Constantem tendit mouachum, mortemque parentis  
Nunciat ejus ei dicens, Cur veste sub atra  
Hic latitas? regnum vocat, et succedere patri  
Te faciam, si forte meis parere paratus  
Consiliis, augere velis mea jura, tibique  
Sim propior cunctis, nostrum dum vivat uterque.  
Sic fore constanter Constans promittit, idemque  
Prouissum jurat: monachali veste remota  
Induitur regale decus: vix dante Britanno  
Assensum populo, regni diademate fulget  
Quod Vortigernus (spreto moderamine juris)  
Illiis imposuit capiti: nam Londoniensis

<sup>y</sup> Supra pag. 89.

<sup>z</sup> Galfrid. hist. Britannic. lib. 6. cap. 4.

<sup>a</sup> Galfrid. hist. Britannic. lib. 6. cap. 5.

Præsul, cuius erat hoc jus, decesserat : alter Pontificum non audet eum diadema regis Insignire ; quia monachus votumque professus In regem contra votum non debet inungi.

Habentur eadem in Floribus<sup>b</sup> historiarum, et magna Wintoniensium tabula : quibus ex Wintoniensis ecclesiæ historia adjiei etiam possunt ista : “ In veteri monasterio Constans, filius Constantini regis Britanniæ, habitum suscepit monaehilem. Qui tandem post mortem patris, consilio Vortigerni dueis Gewiseorum, relieto habitu monachorum, regni diadema susepuit : et non multo post tempore, consilio ejusdem ducis, crudelissime pereemptus est in ecclesia sancti Amphibali. Wintoniæ, inquit Gildas, Constantem Constantinus pater, frater Aldoeni regis Armoricanorum Britonum, filium suum monachum feuit. Cum quo eoneordant Moraeius et Gaufridus Monumtensis in historia Britonum, neenon et Walterus Oxenfordensis archidiaconis.” Et quidem annis ante tertium Aetii consulatum XXXIX. Constantinum in Britannia a militibus imperatorem acelamatuni, atque filium ejus Constantine<sup>c</sup> ex monaeho Cæsarem factum fuisse, probatae fidei authores docent ; indeque popularibus hisce narratiōnibus eominiseendis oecasionein datam censem eruditid<sup>d</sup>. Pro quibus fortasse fecerit et illud : quod quum Constantiū illum uxorem ex nobili Romanorum genere ortam duxisse referat Britannicae liistoria, atque ex ea Aurelium Ambrosium suscepisse ; ejusdem Ambrosii parentes in Britannia purpura indutos fuisse, (hoc est, ut Beda<sup>e</sup> explicat, regium nomen et insigne tulisse) non commentitius ille a Wintoniensibus citatus, sed verus etiam et genuinus Gildas confirmet.

Idem vero Gildas, istis de Constantio et Constance

<sup>b</sup> Matth. Paris. et Westmonaster. ad annum 435. et 445.

<sup>c</sup> Paul. Oros. lib. 7. cap. 40. Marcell. com. chronic. ad ann. Christi 411. Jornand. de regnor. succession. et de reb. Geticis, cap. 32.

<sup>d</sup> Camden. in Belgis ; pag. 191. et 195. Pontan. rerum Danicar. I. histor. I. lib. 3.

<sup>e</sup> Galfrid. Monemuth. lib. 6. cap. 5. Matth. Florileg. ann. 436.

<sup>f</sup> Bed. lib. I. histor. cap. 16. Henr. Huntingdon, histor. lib. 2.

prorsus prætermissis, de nova vitiorum segete apud Britannos, a belli et famis recenti plaga vixdum respirantes, succrescente ita narrare pergit: "In talibus induciis desolato populo sæva cicatrix obducitur famis; alia virulentiore tacite pullulante. Quiescente autem vastitate, tantis abundantiarum copiis insula affluebat, ut nulla habere tales retro ætas meminisset: cum quibus omnimodis et luxuria crescit. Crevit etenim germine præpollenti, ita ut competenter eodem tempore diceretur: *Omnino<sup>g</sup> talis auditur fornicatio, qualis nec inter gentes.* Non solum vero hoc vitium, sed et omnia quæ humanæ naturæ accidere solent, et præcipue, quod et nunc quoque in ea totius boni evertit statum, odium veritatis cum assertoribus, amorque mendacii cum suis fabricatoribus; susceptio mali pro bono, veneratio nequitiæ pro benignitate, cupidio tenebrarum pro sole, exceptio Satanæ pro angelo lucis."

"Ungebantur reges non per Deum, sed qui cæteris crudeliores extarent: et paulo post ab unctoribus non pro veri examinatione trucidabantur, aliis electis trucioribus. Siquis vero eorum mitior, et veritati aliquatenus propior videretur; in hunc quasi Britanniæ subversorem omnium odia telaque sine respectu contorquebantur, et omnia quæ displicuerint Deoque placuerint æquali saltem lance pen-debantur, si non gratiora fuissent displicantia: ita ut merito patriæ illud propheticum, quod veteri illi populo denuntiatum est, potuerit aptari, *Fili<sup>b</sup> i<sup>h</sup>, inquiens, sine lege, dereliquistis Deum, et ad iracundiam provocasti sanctum Israel.* Quid adhuc pereutiemini apponentes iniqutatem? *Omne caput languidum, et omne cor mœrens: a plauta usque ad verticem non est in eo sauitas.* Sieque agebant cuncta, quæ saluti contraria fuerint, ac si nihil mundo medicinæ a vero omnium medico largiretur. Et non solum hæc seculares viri, sed et ipse grex Domini ejusque pastores, qui exemplo esse omni plebi debuerint. Ebrietate quamplurimi quasi vino madidi torpebant resoluti, et animositatum tumore, jurgiorum contentione, invidiæ capacibus ungulis, indiscreto boni malique judicio

<sup>a</sup> 1 Corinth. cap. 5. ver. 1.

<sup>b</sup> Esai. cap. 1. ver. 4, 5, 6.

carpebantur: ita ut perspicue sicut et nunc est, *effundi*<sup>i</sup> *videretur contemptio super principes, seduci viam eorum, et errare in invio et non in via.*"

Hanc vitiorum sentinam Arianæ simul et Pelagianæ hæreseos accessione auctam fuisse, refert in vita B. Patricii Jocelinus: "Quia pestis," inquit ille<sup>k</sup>, "Pelagianæ hæresis atque etiam Ariana<sup>l</sup> perfidia pluribus in locis Britanniæ fidem fœdaverat; ipse prædicando et signa multa faciendo patriotas ad viam veritatis reducebat:" quomodo et Germanum anno Domini CCCCXLIX. Ariana simus et Pelagianam hæresim prædicatione et miraculis extinxisse, in vita S. Albani affirmat Johannes Timmuthensis. Pelagianam certe pestem in ea insula a Germano et Severo, sicut in continente Leone et Prospero, hisce temporibus repressam fuisse aliunde etiam intelligimus. De Leonis haec in re præstata opera, in bibliothecæ suæ capite quinquagesimo quarto ita scribit Photius: "Χρόνου δὲ παριόντος, καὶ τῶν ἀπὸ τῆς αἱρέσεως, διὰ τὸ<sup>m</sup> ἀναθεμάτισαι τὴν οἰκείαν αἱρέσιν, τῇ ἐκκλησίᾳ παραδεχθέντων: πάλιν ἐξ αὐτῶν ἀρχὴν ἐλάμβανε τὸ κακόν. Ἀλλὰ Σέπτιμος ἐπίσκοπος ἀρχομένης τῆς λύμης ἐπέσχε τὴν φορὰν, γράψας πρὸς Λέοντα, τὸν Ρώμης τηνικαῦτα προεδρεύοντα, ὃς διαπύρῳ ζήλῳ κατὰ τῆς δυσεβείας ἥγωνίσατο. Cum temporis progressu sectæ hujus homines absque hæresis suæ abjuratione Ecclesiæ restituti essent; iterum malum ab illis principium sumpsit. Verum Septimius episcopus renascentem luem, antequam longius serperet, coercuit, datis ad Leonem Romanæ ecclesiæ eo tempore præsidentem, literis: qui ferventi zelo contra iniquitatem illam depugnavit:" et in capite præcedente, "Ἐγράψε δὲ καὶ Λέων ὁ Ρώμης περὶ τῶν ἐπιστρεφόντων Πελαγιανιστῶν, ὅπως ὀφείλουσιν ἐπιστρέφοντες δεχθῆναι ἔγγράφως αὐτῶν τὸ φρόνημα ἀναθεματίζοντες. Scripsit et Leo Romanus episcopus de Pelagianistis conversis, opertere, si jam redeentes recipi velint, scriptis opinionem suam detestari."

<sup>i</sup> Psalm. 107. (al. 106.) 40.

<sup>k</sup> Jocelin. vit. Patric. cap. 92.

<sup>l</sup> Sic etiam Johan. Timmuthensis, infra.

<sup>m</sup> Legendum ἀντεν τοῦ, vel quid simile.

Hæc sancti Leonis scripta desiderari putavit Baronius<sup>n</sup>: cum illius adhuc extent tum ad Septinium Altinum episcopum, tum ad Nicetam Aquileensem archiepiscopum, Istriæ et Venetiæ metropolitanum, hac de re scriptæ epistolæ: quarum alteram, integrum; alterius, quia longior ea est, partem tantum hic describendam existimavimus.

LEO<sup>o</sup> EPISCOPUS, SEPTIMIO EPISCOPO S.

“ LECTIS fraternitatis tuæ literis, vigorem fidei tuæ, quam olim noveramus, agnovimus; congratulantes tibi, quod ad custodiam gregum Christi pastoralem curam vigilanter exequaris, ne lupi, qui sub specie ovium subintrarunt, bestiali sævitia simplices quosque dilacerent; et non solum ipsi nulla correctione proficiant, sed etiam ea, quæ sunt sana, corrumpant. Quod ne vipera possit obtinere fallacia, ad metropolitanum episcopum provinciæ Venetiæ scripta direximus: quibus ad status sui periculum cognosceret pertinere, si quisquam de Pelagianorum et Celestianorum consortio veniens, in communione Catholica sine professione legitimæ satisfactionis habeatur. Saluberrimum enim est, et spiritualis medicinæ utilitate plenissimum, ut sive presbyteri, sive diaconi, sive alii cujuslibet ordinis clerici, qui se correctos videri volunt, errorem suum, et ipsos erroris auctores damnari a se sine ambiguitate fateantur: ut sensibus pravis et dudum pereemptis, nulla sperandi supersit occasio, ne ullum membrum Ecclesiæ talium possit societate violari, cum per omnia illis professio propria cœperit obviare. Circa quos etiam illam canonum constitutionem præcipimus custodiri, ne ab iis ecclesiis, ad quas propriæ pertinent, sinantur abscedere, et pro suo arbitrio ad loca non sibi deputata transire. Quod cum recte non permititur inculpati, multo minus debeat licere suspectis. Pro-

<sup>n</sup> Baron. ann. 444. sec. 8.

<sup>o</sup> Leon. epist. 55. in Isidori Mercatoris collectione: in aliorum, 83. et 85. et 90.

inde dilectio tua, cuius devotione gaudemus, jungat curam suam dispositionibus nostris; et cum supradicto metropolitano det operam, ut circumspexe ac velociter impleantur ea, quae ad totius Ecclesiae incolumentem, et landabiliter sunt gesta, et salubriter ordinata.”

LEOP<sup>P</sup> EPISCOPUS ROMÆ, NICETÆ AQUILEIENSI EPISCOPO  
SALUTEM.

RELATIONE sancti fratri et coepiscopi nostri Septimii, quæ in subditis habetur agnovimus quosdam presbyteros, diaconos, ac diversi ordinis clericos, quos Pelagiana sive Celestiana hæresis habuerit implicatos, ita in vestra provincia ad communionem Catholicam pervenisse; ut nulla ab eis damnatio proprii exigeretur erroris, et pastoralibus excubiis nimium dormitantibus, lupus ovium pellibus tec-tus in ovile Dominicum, non depositis bestialibus animis, introiret: et quod per auctoritatem canonum decreto-rumque nostrorum ne insontibus quidem conceditur, usurpare, ut relictis ecclesiis, in quibus clericatum aut acce-pe-rant, aut receperant, instabilitate sua per diversa circumfe-rantur; amantes semper errare, et nunquam in fundamento apostolico permanere. Quoniam qui nullo discussi examine, nullo sunt præjudicio suæ professionis obstricti, hunc maxi-me expetunt fructum, ut sub velamento communionis plures domus adeant, et per falsi nominis scientiam multorum corda corrumpant. Quod utique efficere non possent, si ec-clesiarum præsules necessariam diligentiam in talium recep-tione servarent; ne cuiquam eorum evagari in diversa licuisset.”

“ Ne ergo hoc ulterius audeatur, neve per quorundam negligentiam introducta pernicies ad eversionem multarum tendat animarum, hac nostri auctoritate præcepti, indus-triæ tuæ fraternitatis indicimus, ut congregata apud vos synodo provincialium sacerdotum, omnes sive presbyteri,

sive diaconi, sive cujusque ordinis clerici, qui de Pelagianorum Celestianorumque consortio in communionem Catholicam ea imprudentia sunt recepti, ut non prius ad damnationem sui coarctarentur erroris, nunc, saltem posteaquam hypocrisis eorum ex quadam parte detegitur, ad veram correctionem, quae et ipsis prodesse, et nullis possit nocere, cogantur. Damnent apertis professionibus sui superbi erroris auctores, et quicquid in doctrina eorum universalis Ecclesia exhorruit, detestentur: omniaque decreta synodalia, quae ad excisionem hujus haereseos apostolicæ sedis confirmavit auctoritas, amplecti se, et in omnibus approbare, plenis et apertis ac propria manu subscriptis protestationibus eloquantur. Nihil in verbis eorum obscurum, nihil inveniatur ambiguum. Quoniam novimus hanc istorum esse versutiam, ut in quacunque particula dogmatis execrandi, qua se a damnatorum societate discreverint, nihil sibi sensuum suorum existiment esse non salvum. Cumque omnes definitiones suas ad subrependi facilitatem improbare se simulent atque deponere, hoc ibi tota arte fallendi, nisi intelligentur, excipiunt; ut gratia Dei secundum merita dari accipientium sentiatur. Quæ nisi gratis detur, non est gratia, sed merces, retributioque meritorum," &c.

"Cavendum ergo dilectioni tuæ est, magna que diligentia providendum, ne per hujusmodi homines extincta dum scandala suscitentur: et de exciso olim dogmate aliquod in provincia tua ejusdem mali germen oriatur; quod non solum in radicibus suis crescat, sed etiam sanctæ Ecclesiæ sobolem veneno sui odoris inficiat. Qui correctos se videri volunt, ab omni suspicione se purgent; et obediendo nobis probent se esse nostros. Quorum si quisquam salubribus præceptis satisfacere detrectarit, sive ille clericus sive sit laicus, ab Ecclesiæ societate pellatur; ne perditor animæ suæ, saluti insidietur alienæ."

Post Leonis adversus renascentem istam haeresim Ecclesiæ navatam operam, de Prosperi contra Semipelagianos, e putrida veteris haereseos stirpe Romæ denuo pullulantes, pugnam redintegrantis successu prospero,

patriarchia Photius<sup>a</sup> ista subjicit: “Μετ' οὐ πολὺ δὲ πάλιν, ὥσπερ ἀναφύειν τῆς πικρᾶς ρίζης ἀναισχυντούσης, ἐν τῇ ‘Ρώμῃ τινὲς ὑπὲρ τῆς αἰρέσεως ἐπαρρήσιάζοντο: ἀλλὰ Πρόσπερός τις, ἄνθρωπος ὡς ἀληθῶς τοῦ θεοῦ, λιβέλλους κατ' αὐτῶν ἐπιδιδωκὼς, ἀφανεῖς αὐτοὺς ἀπειργάσατο, ἔτι Λέοντος τοῦ προειρημένου τὸν Ῥωμαϊκὸν θρόνον ιθύνοντος. Post non diu rursum veluti existere atque enasci e mala radice impudenter cum cœpisset, Romæ etiam quidam pro hæresi libere locuti sunt: quos Prosper, homo sane divinus, libellis adversus eos in vulgus editis facile dissipavit extinxitque, Leone etiamnum, quem diximus, Romanam sedem gubernante.” Adversus istos postremum ab eo editum opus fuisse videtur, quum Romæ Leonis notarium ageret, quod Περὶ ἀχαρίστων inscripsit: in quo eorum κυρίαν δόξαν, qua voluntatis divinæ efficaciam a libero humanæ voluntatis arbitrio totam pendere statuebant, ita refellit et coarguit.

Sed<sup>s</sup> tamen hæc aliqua si vis ratione tueri,  
Et credi tam stulta cupis: jam pande quid hoc sit,  
Quod bonus omnipotensque Deus non omnia subdit  
Corda sibi, pariterque omnes jubet esse fideles?  
Nam si nemo usquam est, quem non velit esse redemptum,  
Haud dubie impletur quicquid vult summa potestas.  
Non omnes autem salvantur, magna pars est  
Quæ sedet in tenebris mortis, nec vivificatur.  
An varii motus animorum talia gignunt?  
Libertasque facit causam non omnibus unam?  
Ergo hominis valida arbitrio divina voluntas,  
Aut etiam invalida est, operis cui finis in illo est.  
Quem frustra juvisse velit, nisi præferat ille  
Affectionem, cujus comitetur gratia cursum, &c.  
At<sup>t</sup> vero omnipotens hominem cum gratia salvat,  
Ipsa suum consummat opus: cui tempus agendi  
Semper adest quæ gesta velit, non moribus illi  
Fit mora, non causis anceps suspenditur ullis.  
Nec quod sola potest, cura officioque ministri  
Exequitur, famulisve vicem committit agendi:  
Qui quamvis multa admoveant mandata vocantis,  
Pulsant, non intrant animas. Deus ergo sepultos  
Suscitat, et solvit peccati compede vinctos.

<sup>a</sup> Phot. bibliothec. num. 54.<sup>s</sup> Prosp. de Ingratis, cap. 13.<sup>r</sup> Vid. supr. cap. 8. pag. 251.<sup>t</sup> Ibid. cap. 15.

Ille obscuratis dat cordibus intellectum :  
 Ille ex injustis justos facit, indit amorem  
 Quo redametum amans : et amor quem conserit, ipse est.  
 Hunc itaque affectum, quo sumunt mortua vitani,  
 Quo tenebræ flunt lumen, quo immunda nitescunt,  
 Quo stulti sapere incipiunt, aegrique valescunt ;  
 Nemo alii dat, nemo sibi, non litera legis,  
 Nec naturalis sapientia : quæ semel acta  
 In præceps labi novit, consurgere nescit.

Et demum, apostrophe ad Deum facta, totum opus sic concludit :

Non<sup>u</sup> autem hoc curam minui, studiumque resolvi  
 Virtutum, aut opus ingenii torpere putandum est,  
 Quod bona sanctorum tua sunt ; et quicquid in illis  
 Aut sanum aut validum est, de te viget : ut videatur  
 Nil actura hominis, te cuncta gerente, voluntas.  
 Quæ sine te quid agit ? nisi quo procul exulet a te,  
 Præcipites semper calles et devia motu  
 Ingressura suo : nisi fessam tu bone et ægram  
 Suscipias, referas, foveas, tuearis, honestes.  
 Tunc fiet cursus velox, oculique videntes,  
 Libera libertas, sapiens sapientia, justum  
 Judicium, et fortis virtus, et sana facultas.  
 Hujus opis semper, Pater, indigeamus : ab ipsa  
 Prodeat arbitrium nostrum ; nihil, hac sine, sensus  
 Corporei possunt, opus ut servile quiescat.  
 Et tua dum in nobis agitur, non nostra, voluntas ;  
 Legitima in sanctis ducamus sabbata festis.

Ad secundum S. Germani in Britanniam contra Pelagianos susceptum iter jam accedo : quod non multo post prius tempore interposito contigisse volunt Beda<sup>w</sup>, Vincentius<sup>x</sup>, et in quarto de vita ipsius libro Erricus Antissiodorensis ita canens :

Vix præsul positis humeros subduxerat armis  
 Immensus fessus, propriamque reviserat urbem :  
 Ecce ferebantur precibus mandata coactis  
 Cunctorum, qui qui fuerant ex parte piorum,  
 In miseros iterum pestem recidisse Britannos  
 Dogmatis insani.

<sup>u</sup> Prosp. de Ingratis. cap. ultim.

<sup>w</sup> Bed. Istori. ecclesiastic. lib. 1. cap. 21.

<sup>x</sup> Vincent. specul. historial. lib. 20. cap. 10.

Verum longius inter utrumque intercessisse spatium, ex tempore mortis S. Germani colligimus; paulo post secundam hanc legationem illum obiisse, et Constantius, et reliqui omnes consentiunt. Et quidem “ex probatissimis authoribus Germanum obiisse anno salutis CCCCXXXV.” constare Camdenus<sup>y</sup> ait: quum tamen ante Baronium, chronologum profecto non optimum, nullus omnino author id affirmet: et Gallicano concilio in causa Chelidonii epis copi post novennium habito Germanum interfuisse testetur, qui tum vixit, Honoratus<sup>z</sup> Massiliensis episcopus. Anno CCCCXLVIII. expiravisse illum notat Carolus Sagonius<sup>a</sup>. Eo anno eundem, “cum Severo Treverensi episcopo iterum ad Britanniam missum, renascentem Pelagianam haeresim confutavisse, et sequente anno in Italiam profectum mortuum esse,” ait vulgatus Sigebertini chronicus interpolator. Anno CCCCXLVIII. Robertus Antissiodorensis, anno proxime sequente Nussiensis monachus in magno chronicō Belgico, Germanum Britanniam iterum invisisse significat: Constantinus Ghinius, in sanctorum canonicorum natalibus Julii 31. vel author potius, ut ex MS. Sarisburiensi liquet, qui de translatione S. Germani tractatum illi subjecit: in quo ista legimus: “Sedit autem idem Dominus et apostolicus noster sanctissimus Germanus in episcopali cathedra annos triginta, dies viginti et quinque. Obiit vero plenus Spiritu sancto apud Ravennam Italiae civitatem pridie Calendas Augustas; Valentiniano adhuc juvēne imperante cum Placida matre.”

Quinetiam ad annum CCCCLI. pervenisse, illa scriptoris actorum S. Genovefæ significare videntur, de secunda hac Germani profectio agentis: “Et urbe (Parisiorum) egressus, cursum est dispositi itineris executus: Eodem tempore Actila rex Hunnorum provincias Galliae gravi cœperat populatione vastare.” Matthæus Florilegus secundam hanc legationem ad annum CCCCXLIX. mor-

<sup>y</sup> Camden. Britann. pag. 94, 95.

<sup>z</sup> Vit. Hilarii Arelatens. in Vincentii Barralis chronolog. Lerinens. part. 1. pag. 112. ubi pro *cœli domum* reponere *Chelidonum*. Vid. tom. 1. concilior. Galiae, pag. 79. et 597. b.

<sup>a</sup> Sagon. de occidental. imper. lib. 13.

tem Germani, ex Sigeberti sententia, ad annum CCCCL. refert: quo etiam anno illum obiisse, non solum Sigebertus, (ex MSS. codicibus ab Auberto Miræo editis) sed etiam Robertus Antissiodorensis<sup>b</sup>, Vincentius Bellovacensis<sup>c</sup>, et Antissiodorensium<sup>d</sup> episcoporum indiculi affirmant. Pro Sigonii tamen sententia facit Constantius: dum Calendas Maias<sup>e</sup>, quibus S. Amator vita functus est, in quartam feriam incidisse scribit, eoque charactere ad annum CCCCXVIII. recta nos dicit, atque post eum sedisse<sup>f</sup> Germanum in episcopali cathedra annos triginta, dies viginti et quinque subjicit. Ut manifesti convincatur erroris Hector Boethius<sup>g</sup>, qui tradit post annum deum Domini quingentesimum, Uthero Pendracone regnum Britannicum administrante, S. Germanum in Britanniam secundo adventantem “obtinuisse apud Occam Saxonum regem in Anglia, virum a Christi pietate alienum, motum tamen vitae ipsius integritate, doctrina et miraculis, ut impune inter Saxones Christi dogma prædicaret, capitali poena indicta in eos qui Germanum aut Severum vel levi afficerent injuria: Kenricum Saxonem, immanem in Christi cultores hostem, quod S. Germanum cum comitibus, dum Christi doctrinam piis concionibus seminaret, multa aeris intemperie noctem totam sub dio permanere coegisset, a rustica turba multis injuriis postridie acceptum, agresti manu crudeliter esse interfectum.” Germanum denique et Severum victoriam illam Alleluiatricam<sup>h</sup> obtinuisse; quam ille cum Veremundo suo ad secundum hunc, quam cum Constantio et Beda ad primum Germani ad Britanniam adventum referre maluit.

Hujus vero posterioris profectionis occasionem ita explicat Constantius: “Interea<sup>i</sup> ex Britanniis nunciatur, Pelagianam perversitatem iterato, paucis autoribus, dilatari.

<sup>b</sup> Chronolog. Altissiodorens. edit. Trecis, anno 1608.

<sup>c</sup> Vincent. Specul. historial. lib. 20. cap. 15.

<sup>d</sup> Aut. Demochar. de sacrificio Missæ, tom. 2. cap. 19. Johan. Chenu, in episcoporum Galliæ, chronolog. pag. 224.

<sup>e</sup> Constant. vit. S. Germani, lib. 1. cap. 5.

<sup>g</sup> Boeth. Scotor. histor. lib. 9.

<sup>i</sup> Id. lib. 2. cap. 1.

<sup>f</sup> Id. lib. 2. cap. ult.

<sup>h</sup> Supra, cap. 11. pag. 381.

Rursusque ad beatissimum virum preces omnium deferuntur, ut causam Dei, quam prius obtinuerat, tutaretur. Quorum petitioni festinus occurrit; dum et laboribus delectatur, et Christo se gratanter impendit." Etsi autem vixerit tunc S. Lupus Tricassinus episcopus, atque etiam annos ad triginta S. Germano superstes fuerit; non ille tamen itineris comes jam accessit, sed "discipulus<sup>k</sup> ipsius Severus, totius<sup>l</sup> sanctitatis vir, (uti eum celebrat Constantius) qui tunc Treveris ordinatus episcopus, gentibus primæ Germaniae verbum vitæ prædicabat." Neque enim audiendi hic Petrus Merssæus Cratepolius et Petrus Bertius, qui in Trevirensium archiepiscoporum catalogo, Severum non solum cum S. Germano et Lupo in Britanniam profectum fuisse, quod ex chronicis pontificum Treverensium a Nussiensi quoque monacho in magno chronicò Belgico est proditum, sed etiam, quod temporum ratio nullo modo patitur, anno salutis nostræ CCCCXX. (circa quem et Germani obitum non minus falso Jacobus Januensis<sup>m</sup> collocat) mortem obiisse, inconsulte pronunciaverunt. Sed secundæ hujus legationis historiam ita pergit narrare Constantius. "Interea<sup>n</sup> sinistri spiritus pervalentes per totam insulam, Germanum venire, invitîs vaticinationibus, nunciabant: in tantum, ut Elaphius quidam regionis illius primus in occursum sanctorum sine ulla manifesti nuncii relatione properaverit; exhibens secum filium, quem in ipso flore adolescentiæ debilitas dolenda damnaverat, erat enim arecentibus nervis, contracto poplite, cui per siccitatem<sup>o</sup> cruris usus negabatur vestigii. Hunc Elaphium<sup>p</sup> provincia tota subsequitur, veniunt sacerdotes, occurrit inscia multitudine: confestim benedictio et sermonis divini doctrina profunditur. Recognoscit populum in ea quam reliquerat credulitate durantem: intelligunt culpam esse paucorum; inquirunt auctores, inventosque condemnant: cum subito

<sup>k</sup> Bed. hist. ecclesiastic. lib. I. cap. 21. et vit. S. Lupi, apud Surium, tom. 4. Jul. 29.

<sup>l</sup> Constant. lib. 2. cap. 2.

<sup>m</sup> Id. lib. 2. cap. 3. et 4.

<sup>n</sup> Helasium MS. Cot.

<sup>o</sup> Legend. Aur. cap. 102.

<sup>o</sup> *præ siccitate* (MSS.)

Elaphius<sup>q</sup> pedibus<sup>r</sup> advolvitur sacerdotum, offerens filium ; cuius necessitatem ipsa<sup>s</sup> debilitas etiam sine precibus allegabant. Fit communis omnium dolor : præcipue sacerdotum, qui conceptam misericordiam ad divinam clementiam contulerunt. Statimque adolescentem beatus Germanus sedere compulit, attractat poplitem debilitate curvatum, et per tota infirmitatis spatia medicabilis dextra percurrit. Salubrem tactum sanitas festina subsequitur, ariditas succum, nervi officia receperunt ; et in conspectu omnium filio incolumitas, patri filius reformatur<sup>t</sup>. Impletur populi stupore miraculi, et in pectoribus omnium fides Catholica inculcata<sup>u</sup> firmatur. Prædicatio deinde ad plebem de prævaricationis emendatione convertitur : omniumque sententia pravitatis auctores expulsi ab insula, sacerdotibus adducuntur, ad mediterranea deferendi ; ut et regio absolutione, et illi emendatione fruerentur. Quod in tantum salubriter factum est, ut in illis locis etiam nunc fides intermerata perduret."

Scripta autem hæc sunt, Antissiodorensem episcopatum administrante Censurio : ad quem ab excessu S. Germani quadraginta plus minus annos intercessisse, ejusdem ecclesiæ monachus Erricus in duorum librorum, quos de Germani miraculis soluta oratione edidit, præfatione colligit. In quarto vero librorum illorum sex, quos ad Carolum Calvum de ejusdem vita carmine conscripsit, secundæ hujus legationis historiam exponit idem ; posteriore narrationis parte hisce versibus expressa :

Hinc sacer ad plebem sermo convertitur omnem  
De lapsu, seu quæ reparent impendia lapsum.  
Obtinet immotis columen fundata columnis  
Tuta fides : fidei pugnant pro fœdere cuncti.  
Perpauci suberant detectæ fraudis alumni.  
Sistuntur : cunctis eadem sententia perstat,  
Multare exilio jugi ; sic insula felix  
Tartarea tum peste carens, insignibus almæ  
Nunc etiam fidei casto splendore coruscat.

De S. Germani et Vortigerni Britannorum regis con-

<sup>q</sup> *Heliasius* (MS. Cot.)

<sup>r</sup> *Al. manibus* (MS.)

<sup>s</sup> *Ætas et* (MSS.)

<sup>t</sup> *restituitur.*

<sup>u</sup> MS.

gressu, in Ninii collectaneis hæc invenimus: “ Super omnia mala adjiciens Guorthigirnus, accepit filiam suam in uxorem sibi: quæ peperit ei filium. Hoc autem cum compertum esset a sancto Germano, venit corripere regem cum omni clero Britonum. Et dum conventa esset magna synodus clericorum ac laicorum in uno concilio; ipse rex præmonuit filiam suam ut exiret ad conventum, et ut daret filium suum in sinum Germani, diceretque quod ipse erat pater ejus: ac ipsa fecit, sicut edocta erat. S. Germanus autem eum benigne accepit, et dicere cœpit: Pater tibi ero, nec te permittam, nisi mihi novacula cum forcipe pectineque detur, et ad patrem tuum carnalem tibi dare liceat. Mox ut audivit puer, ad avum suum patremque carnalem Guorthigirnum perrexit, et dixit illi: Pater meus es tu; caput mecum tonde, et comam capitinis mei pecte. Ille autem siluit, et puero respondere noluit; sed surrexit iratusque est vehementer, et ut a facie S. Germani fugeret quærebatur: et maledictus est et damnatus a B. Germano et omni Britonum concilio.”

Et, ne complendæ fabulæ quid deesset; Samuel Benlani filius, sive quis alias ille fuerit qui Ninio centones suos assuit, dignum patella ista adjecit hoc operculum: “ Guorthomir filius Guorthigirni in synodo habita apud Guarthernaiun, postquam nefandus rex ob incestum quem cum filia commiserat a facie Germani et clericorum Britanniae in fugam iret, patris nequitiæ consentire noluit; sed rediens ad S. Germanum, ad pedes ejus cecidit veniam postulans: atque pro illata a patre suo et sorore S. Germano calumnia, terram ipsam in qua prædictus episcopus opprobrium tale sustinuit in æternum suam fieri sancivit: unde et in memoriam S. Germani Guartheuniaun nomen accepit; quod Latine sonat, Calumnia juste retorta: quoniam cum episcopum vituperare putaverat, semetipsum vituperio affecit.” Cambro-Brittannis enim gwarth improperium vel calumniam, uniawn rectum vel justum denotat: et apud illos regio hæc, in Powisia sita, Gurthrenion<sup>w</sup> adhuc dicitur.

<sup>w</sup> Vid. Humfred. Lhuydi fragment. Britannic. descrip. fol. 20, 21. et Camden. in Radnorshire. pag. 479. vid. supra, cap. 5. pag. 84.

Ex horrendo autem illo incestu sanctum Faustum natum fuisse aiunt: "quem S. Germanus," inquit Ninius, "baptizavit, enutrivit atque docuit; et condidit locum magnum super ripam fluminis quod vocatur Renis, et manet usque hodie." Is vero Remnius fluvius esse putatur; quem Monemuthenses hodie a Morganensibus disterninare diximus<sup>x</sup>.

De ipsius etiam Vortigerni exitu addit ista Ninius: "Sanctus Germanus Guorthigirno prædicabat, ut ad Dominum se converteret: at ille usque ad regionem quæ a nomine suo acceperat nomen, scilicet Guorthigirniaun, miserabiliter aufugit; ut ibi cum mulieribus suis lateret. Sanctus itaque Germanus eum persecutus est cum omni clero Britonum: et ibi quadraginta diebus totidemque noctibus mansit; et super petram orabat, ibique die ac nocte stabat. Et iterum Guorthigirnus usque ad arcem quam ædificaverat et nomen suum imposuerat, atque in regionem Dimetorum juxta flumen Teibi ignominiose abscessit. Solito autem more S. Germanus eum secutus est; et ibi jejonus, cum omni clero, tribus diebus totidemque noctibus casualiter mansit. In quarta vero nocte arx tota circa mediæ noctis horam per ignem de cœlo missum ex improviso cecidit, ardente igne cœlesti: et Guorthigirnus, cum omnibus qui cum eo erant et cum uxoribus suis, defecit. Hic est finis Guorthigirni, sicut in libro B. Germani reperi: alii autem aliter dixerunt."

Similia de Vortigerni interitu ex eadem fabulosa B. Germani legenda (neque enim horum apud Constantium aut Bedam quicquam extat) Henricus Huntingdonensis<sup>y</sup> et Johannes Gerbrandus Leidensis<sup>z</sup> retulere. Verum Galfridus<sup>a</sup>, et eum secutus Matthæus Florilegus<sup>b</sup>, ab Aurelio Ambrosio <sup>et exercitu ipsius combustum fuisse Vortigenum narrat, admoto igne turri ad quam confugerat in oppido Genoreu: quod ad Vagam<sup>c</sup> fluvium positum, prope Monemutham ipsius Galfridi patriam, adhuc nomen suum</sup>

<sup>x</sup> Supra, cap. 5. pag. 101.

<sup>y</sup> Huntingd. hist. lib. 2.

<sup>z</sup> Chronic. Belgic. lib. 1. cap. 9.

<sup>a</sup> Hist. Britann. lib. 8. cap. 2.

<sup>b</sup> Flor. hist. ann. 466.

<sup>c</sup> Vid. supra, cap. 5. pag. 84.

retinet. Quod autem subdit Ninius, “B. Germanum reversum esse post mortem Guorthigirni ad patriam suam, et S. Patricium fuisse in illo tempore captivum apud Scotos;” cum temporum ratione non potest consistere: nisi ante annum Domini quadringentesimum Saxones a Vortigerno accersitos fuisse statuamus; quando Britanniam sub Romanorum adhuc imperio permansisse clarum est. Sed ad illum Saxonum adventum explicandum convertendus nunc est sermo; ab actis S. Germani facto transitu,

Qui oceano fidei refugas et dogma nefandum  
Reppulit, et signis te picta Britannia texit.

Hoc enim elogio, in Wandelberti Prumiensis<sup>d</sup> diaconi martyrologio, ornatum illum legimus.

Post abitum igitur S. Germani, et mox secutum obitum, de Scotorum et Pictorum adventu subito sparsus rumor Britannorum mentes perculit; acerbissima dcinde peste miserorum corpora depacente: de quibus ita Gildas, “Volente Deo purgare familiam suam, et tanta malorum labi infectam auditu tantum tribulationis emendare; non ignoti rumoris penniger ceu volatus arrectus omnium penetrat aures, jam jamque adventus veterum hostium, volentium penitus delere et inhabitare solito more a fine usque ad terminum regionem. Nequaquam tamen ob hoc proficiunt: sed comparati jumentis insipientibus, strictis morsibus rationis frænum obfirmantes, per latam diversorum vitiorum ad mortem proclive ducentem, relicto salutari, licet arcto, itinere, discurrebant viam. Dum ergo, ut Salomon ait, *Serrus<sup>e</sup> durus non emendatur verbis; Flagellatur stultus et non sentit.* Pestifera namque lues feraliter insipienti populo incumbit: quæ in brevi tantam ejus multitudinem remoto mucrone sternit, quantam ne possent vivi humare.”

“Sed ne hac quidem emendatur: ut illud Esaiæ prophetæ in eo quoque impleretur dicentis, *Et<sup>f</sup> vocavit Deus*

<sup>d</sup> Wandelbert. martyrolog. Calend. Octob.

<sup>e</sup> Prov. cap. 29. ver. 19. et cap. 17. ver. 10. juxta LXX.

<sup>f</sup> Esai. cap. 22. ver. 12, 13.

*ad planetum, et ad calvitium, et ad cingulum sacci: Eccē vitulos occidere et jugulare arictes, ecce manducare et bibere et dicere; Manducemus et bibamus, eras enim moriemur: appropinquabat siquidem tempus, quo ejus iniquitates, ut olim Amorræorum, completerentur. Initur namque consilium, quid optimum quidve saluberrimum ad repellendas tam ferales et tam crebras supradictarum gentium irruptiones prædasque decerni deberet. Tum omnes consiliarii, una cum superbo tyranno, cœcantur; adinvenientes tale præsidium imo excidium patriæ, ut ferocissimi illi nefandi nominis Saxones, Deo hominibusque invisi, quasi in caulas lupi, in insulam ad retundendas aquilonales gentes intromitterentur. Quo utique nihil ei usquam perniciosius, nihilque amarius factum est."*

At non a Britannis invitatos, sed a suis "e Germania in exilium pulsos," Ninius; speciatim vero "ex Frisia depulsos," huc eos advenisse, Johannes Leidensis<sup>g</sup> narrat. Atque ut Galli olim, referente Trogo<sup>h</sup>, "abundante multitudine, cum eos non caperent terræ quæ genuerant trecenta millia hominum ad sedes novas quærendas velut peregrinatum miserunt :" ita hic quoque, ex antiqua Saxonicae gentis consuetudine, hominum in ea superveniente abundantia, sorte hos electos fuisse significat Galfridus Monemuthensis<sup>i</sup>, "qui extera regna petituri, victum sibi perquirant; ut patria ex qua orti sunt a superflua multitudine liberaretur." De quo et Gottefridus Viterbiensis consulendus, in octodecima parte sui chronic. Cum Gilda tamen faciunt etiam Beda<sup>k</sup>, Paulus<sup>l</sup> diaconus, Lupus Servatus<sup>m</sup>, Fabius Ethelwerdus, annales Anglo-Saxonici, Henricus Huntingdoniensis, Matthæns Florilegus, et alii : qui a Britannis, et eorum rege Vurtigerno sive Guortigerno, quem superbi et infausti tyranni titulo designat Gildas, accessitos accessisse commemorant. Quibus accedit et Wi-

<sup>g</sup> Jo. Gerbrand. chronic. Belg. lib. 1. cap. 9.

<sup>h</sup> Justin. epitom. lib. 24.

<sup>i</sup> Hist. Britan. lib. 6. cap. 20. Vid. Gottefrid. Viterbiens. chronic. part. 18.

<sup>k</sup> Bed. hist. ecclesiast. lib. 1. cap. 14. et lib. 2. cap. 5. et in epitome, ad ann. 449.

<sup>l</sup> Paul. diac. addit. ad Eutrop. lib. 14.

<sup>m</sup> Lup. in vit. S. Wigberti cap. 1.

tichindus Saxo, Britannicæ hujus legationis acta sic expōnens :

“ Fama<sup>n</sup> prodente de rebus a Saxonibus prospere ges-  
tis, supplicem mittunt legationem ad eorum postulanda  
auxilia. Et procedentes legati ; Optimi, inquiunt, Sax-  
ones, miseri Bracti<sup>o</sup> crebris hostium incursionibus fatigati  
et admodum contriti, auditis victoriis a vobis magnifice  
patratis, miserunt nos ad vos, supplicantes ut ab eis vestra  
auxilia non subtrahatis. Terram latam, et spatiösam, et  
omnium rerum copia refertam, vestræ mandant ditioni pa-  
rere. Sub Romanorum hactenus clientela ac tutela libe-  
raliter viximus ; post Romanos vobis meliores ignoramus :  
ideo sub vestræ virtutis alas fugere quærimus. Vestra  
virtute, vestris armis hostibus tantum superiores invenia-  
mūr ; et quicquid imponitis servitii libenter sustinemus.  
Patres ad hæc pauca respondent : Certos amicos Bractis  
Saxones sciatis, et eorum necessitatibus atque commodis  
æque semper affuturos. Legati læti redierunt in patriam ;  
exoptato nuncio socios lætiores reddentes.”

Gulielmus Malmesburiensis, utraque sententia simul  
juncta, rem ita gestam narrat : “ Placuit<sup>p</sup> omnibus, Anglos  
et Saxones e Germania evocandos ; armis validos, sedibus  
vagos. Geminum futurum commodum : ut armis invicti  
facile hostes propulsarent ; et hactenus locorum incerti,  
pro ingenti annumerarent beneficio, si vel squallidum so-  
lum jejunumque cespitem ad habitandum suscepissent.  
Cæterum nunquam eos aliquid contra patriam molituros;  
quoniam genuinam feritatem morum emolliret memoria  
beneficiorum. Probato consilio, mittuntur in Germaniam  
legati ; spectabiles sanc viri, et qui digne personam patriæ  
inducrent. Germani audientes rem mille votis petitam a  
sc̄ iltro expostulari, vicino pede paruerunt ; celeritatem  
negotii lætitiae stimulis maturantes. Valedicentes igitur  
arvis genitalibns, renunciantes parentum affectibns, for-  
tunæ vela committunt placidoque ventorum favore, tribus  
longis navibus quas illi Ciulas vocant, Britanniam allabun-

<sup>n</sup> Witichind. gestor. Saxonior. lib. 1. pag. 3. edit. Basil. ann. 1532.

<sup>o</sup> Al. Brettii, h. e. Britanni. <sup>p</sup> Malmesb. de gest. reg. Angl. lib. 1. cap. 1

tur. Venerunt autem et tunc et sequenti tempore de tribus Germaniæ populis, Anglis, Saxonibus, Jutis."

" Omnis enim fere terra quæ trans oceanum Britannicum sub septentrionali axe jacet, quia tantum hominum germinat, non injuria Germania vocatur; licet multis provinciarum limitibus distincta. Quapropter sicut hi, quibus id muneris est, lascivientes arboris ramos solent succidere, ut reliquorum vitæ succo suo possit sufficere; sic incolæ aliquorum expulsione matrem alleviant, ne tam numerosæ prolis pastu exhausta succumbat: sed, ut facti minuant invidiam, sorte ducunt eliminandos. Inde est quod illius terræ homines invenerunt sibi ex necessitate virtutem; ut natali solo ejecti peregrinas sedes armis vendicarent: sicut Vandali qui olim proriverunt Africam, sicut Goths qui possederunt Hispaniam, sicut Longobardi qui adhuc obsident Italiæ, ut Normanni qui partem Galliæ armis domitam incolentes vocaverunt Normanniam. Ex hac ergo Germania primo venit in Britanniam parva quidem manus, sed quæ paucitatem suam virtute fulciret, ducibus Hengisto et Horsa commodæ indolis fratribus, haud obscura stirpe apud suos oriundis. Erant enim abnepotes illius antiquissimi Woden, de quo omnium pene barbararum gentium regionum genus lineam trahit; quemque gentes Anglorum Deum esse delirantes, ei quartum diem septimanæ, et sextum uxori ejus Freæ perpetuo ad hoc tempus consecraverunt sacrilegio:" de quibus Barbarorum idolis Adamus Bremensis etiam est consulendus, et cum Paulo<sup>q</sup> diacono conferendus.

Primi hi Anglo-Saxonum duces "erant filii Victgisli, cuius pater Vitta, cuius pater Veta, cuius pater Woden; de cuius stirpe multarum provinciarum regium genus originem duxit:" ut habet Beda<sup>r</sup>, ex antiquissimis exemplaribus integrati suæ hic a nobis restitutus. Vetam sive Welitam illum, in libris editis prætermisso, Witharum appellat Fabius Ethelwerdus: de patre quoque ipsius Wodeno, "rege multitudinis Barbarorum," ita subdens: "in tanta etenim seductione oppressi Aquilonales increduli, ut Deum colant

<sup>q</sup> De gestis Longobardorum lib. 1. cap. 8. et 9.

<sup>r</sup> Bed. hist. lib. 1. cap. 15.

usque in hodiernum diem: videlicet Dani, Northmanni quoque, et Suevi; de quibus Lucanus,

Fundit ab extremo flavos aquilone Suevos.”

Quia vero hie maxima rerum in Britannia facta est conversio: non abs re fortasse fuerit, ex quibus Germaniae provinciis advenae illi huius migraverint, et quibus in locis sedes hie deum fixerint, declarare.

Ex tribus Germaniae provinciis, unde novae huc deduetae sunt, coloniae, Jutia antiquum adhuc nomen retinet; regni Danie membrum notissimum. Partium enim illius regni, ut in hodiernae Daniæ descriptione habet Jonas Koldingensis, “spaciosissima et populosissima Gothia est: ejus nominis loeo, syllaba priori paululum vitiata, nunc cognatum retinetur, et Jutia dieitur.” Antiquam tamen esse Jutiæ et Jutlandiæ appellationem, non ex Adamo Bremensi tantum et Saxone Grammatico, sed etiam ex Beda liquet; qui ejus regionis incolas non semel Jutas nominat. Sie enim omnes quos eonsului MSS. Bedæ eodices legunt, consentientibus etiam Florentio Wigorniensi, Guilielmo Malmesburiensi, Henrico Huntingdonensi, Matthæo Westmonasteriensi, Ranulpho Cestrensi, et aliis: non Vitas, ut libri habent editi. Legum Edvardi eonfessoris interpolator Gutos eos appellat; ita de eis seribens: “Guti<sup>t</sup> similiter eum veniunt suseipi debent et protegi in regno isto Britanniae sicut eonjurati fratres, sicut propinqui et proprii cives regni hujus. Exierunt enim quondam de nobili sanguine Anglorum, seilicet de Engra civitate, et Angliei de sanguine illorum; et semper efficiuntur populus unus et gens una. Ita constituit optimus Ina rex Anglorum.” Fabius Ethelwerdus Giotam provinciam appellat, et ineolas Giotos; quos annales Petroburgenses Anglo-Saxonie, ut et liber Bedæ Saxonius, geatum et iotum voeant. Quo et Asserii Menevensis illud referendum, de Oslaco Ælfredi regis materno avo verba facientis: “Oslac Gothus natione: ortus enim erat

<sup>s</sup> Bed. hist. lib. 1. cap. 15. et lib. 4. cap. 16.

<sup>t</sup> Guil. Lambard. *Ἀρχαιοροπία*. fol. 137.

de Gothis et Jutis." Ita enim ex autographo legendum est; non, ut in Francofurtensi editione vitiosissime habetur, Indis. Atque ut ad indigenas hos respectu habitu, Gothorum regis titulum rex Daniæ hucusque retinet: ita videndum an non ad eorum propaginem illud Belisarii spectet, in colloquio cum Gothorum legatis, apud Procopium, libro secundo de bello Gothicō: "Ἡμεῖς δὲ Γότθους Βρεττανίαν ὄλην ξυγχωδοῦμεν ἔχειν, μείζω τὸ παραπολὺ Σκελίας οὖσαν, καὶ Ἀρωματίων κατήκοον τὸ ἀνέκαθεν γεγενημένην. Nos item Britanniam Gothos habere sibi permittimus, Sicilia longe præstantiorem, et Romanorum quondam ditionis effectam." Quanquam communi Gothorum nomine universas hasce aquilonares gentes eo tempore a Græcis comprehensas fuisse, Johannes Philoponus significet: Γότθους γὰρ, ait ille<sup>u</sup>, τοὺς βορείους πάντας βαρβάρους προσαγορεύειν εἰώθασιν.

Sequitur "Anglia vetus, sita inter Saxones et Giotos; habens oppidum capitale, quod sermone Saxonico Sleswic nuncupatur, secundum vero Danos, Haithaby," ut habet Ethelwerdus, et Guilielmus Malmesburiensis<sup>v</sup> eum secutus. Est autem hæc Sleswicensis ducatus et episcopatus urbs notissima: de qua Adamus Bremensis: "Sliaswig, quæ et Heithebu dicitur, brachium quoddam freti Barbari (sive Balthici) alluit, quod Sliam vocant; unde et civitas nomen trahit." Inter Sliam vero et Flensburgicum sinum interposita est illa Ethelwerdi vetus Anglia; quæ adhuc etiam ab incolis Anglen, ab Alberto Krantzio et aliis Latine scribentibus Anglia appellatur. Apud Bedam<sup>w</sup>, "illa patria Angulus dicitur, (ita enim scripti codices legunt, non ut editi, Anglia:) et ab eo tempore ut addit idem, quo Angli inde in Britanniam migraverunt, "usque hodie manere desertus inter provincias Jutarum et Saxonum perhibetur." Postea tamen a Jutis occupatam, ex Adamo Bremensi intelligimus: "Danos, quos Juthas appellant, usque ad Sliam lacum habitare" referente. Indeque Sleswicensis ducatus et olim ducatus Jutiæ dice-

<sup>u</sup> Johan. Grammatic. in Aristotel. Meteor. lib. 1. fol. 106. b.

<sup>v</sup> Malmesb. de gest. reg. Angl. lib. 2. cap. 2.

<sup>w</sup> Bed. lib. 1. cap. 15.

batur, et hodie intra meridionalis Jutiae terminos totus comprehenditur.

Angliae veteri finitima erat Saxonia; quae Bedæ, Asserii, et Ethelwerdi tempore Ealdsexe, sive antiquorum Saxonum regio cognominata est: et ipsa in Cimbrica Chersoneso posita: “Σάξονες, ἔθνος οἰκουν τῇ Κιμβρικῇ Χερόνησῳ. Saxones, gens habitans in Cimbrica Chersoneso:” inquit Stephanus Byzantinus: nempe, “ἐπὶ τὸν αὐχένα τῆς Κιμβρικῆς Χερσονήσου, in cervice velfaucibus Cimbricæ Chersonesi:” ut Ptolemæus in quarta Europæ tabula, et Marcianus Heracleotes in Periplo, magis distinete explicant. Vetus enim Saxonia ea fuit quæ, quod ab Albi fluvio Boream versus protenderetur, Nortalbingia postea est dicta: fluminibus Albi, Billa et Trava, infima; Eidora vero et Slia, suprema sui parte terminata. Et quidem eundem australem Saxonibus suis limitem statuit Ptolemaeus, inter Albis et Chalusi (sive Travæ, Lubecam hodie alluentis) ostia eos collocans: borealem, Eginhardus in annalibus<sup>x</sup> suis, ad annum Domini DCCCVIII. de Godefrido Danorum rege agens, his verbis designat: “Limitem regni sui, qui Saxoniam respicit, vallo munire constituit; eo modo, ut ab orientali maris sinu, quem illi Ostersalt dicunt, usque ad occidentalem oceanum totam Egidoræ fluminis aquilonarem ripam munimentum valli prætexeret.” Et in libello de Daniæ et septentrionalium gentium situ ac natura, Adamus Bremensis: “Daniam a nostris Nortalbingis flumen Egdora dirimit, quod oritur in profundissimo saltu paganorum Isarnho, et extenditur secus mare barbarum usque ad Sliam lacum.” De populis vero Transalbianæ hujus (ut appellat) Saxonæ, alibi addit idem: “Transalbianorum<sup>y</sup> Saxonum<sup>z</sup> tres sunt populi: primi ad oceanum Dithmarsi; et eorum ecclesia Mildenthorp. Secundi Holsati, dicti a sylvis, quas accolunt. Eos Sturia flumen interfluit: quorum ecclesia Sconenfeld. Ter-

<sup>x</sup> Hist. Franc. script. ab Andrea du Chesn. edit. tom. 2. pag. 254, 255. collat. cum pag. 45. et 83.

<sup>y</sup> Adam. hist. ecclesiastic. lib. 2. cap. 9.

<sup>z</sup> Transalbianos etiam Saxones eos vocat Eginhardus in annalib. ad ann. 802. pag. 42.

ti, qui et nobiliores, Stormarii dicuntur, eo quod seditionibus illa gens frequenter agitur: inter quos metropolis Hamburg caput extollit." Extant Ludovici Pii imperatoris literæ Aquisgrani datae; in quibus de hujus metropolis fundatione leguntur ista: "Statuimus unanimi consensu ecclesiastico, ultima in regione Saxonica trans Albim in loco nuncupato Hammeburgck, cum universa Nordalbingiorum ecclesia proprii vigoris constituere sedem:" cum quibus et illa Helmoldi in historia Slavica sunt conferenda: "Hamburgensis ecclesia præscriptos habet terminos suæ parochiæ, ultimam scilicet partem Saxoniæ, quæ est trans Albim, et dicitur Nortalbingia, continens tres populos; Tethmarsos, Holsatos, Stormarios."

Vetus igitur Saxonia non Westphalia est, ut Theodoricus Engelhusius, Wernerus Laerius, Albertus Krantz, et recentiorum alii putaverunt, licet et illam subsequitis temporibus ab antiquorum Saxonum posteris occupatam non inficiar; sed ea potius quæ Holsatiæ ducatus hodie dicitur; Holsatiam proprie dictam, Dithmarsiam, Stormariam et Wagriam in se complectens. In latitudine a Sleswicensi ad Hamburgensem urbem, in ultima Saxoniæ parte positam; in longitudine a mari occidentali ad orientale, sive ab oceano Germanico ad sinum Balticum protenditur: et veterem Franciam sibi habet adjacentem, inter Albis et Rheni ostia interjectam. Ut enim ad Rhenum usque pertigisse Francos, libro vigesimo, ita Saxones<sup>a</sup> iisdem confines extitisse, libro vigesimo septimo docet Ammianus Marcellinus: et utrosque "Τῶν ἵπὲρ τὸν Ρῆνον καὶ τὴν ἐσπερίαν θάλατταν ἐθνῶν τὰ μαχημώτατα, earum quæ ultra Rhenum et mare occiduum habitant nationes omnium bellicosissimas" fuisse, ora-

<sup>a</sup> Inter Saxones et Alemanos sita erat Francia; ut scribit Hieronymus in Hilarionis vita, op. tom. 4. par. 2. pag. 81. et itineraria tabula Peutingerorum, (vid.) Saxones et Francos communi usos lingua, ex Beda colligimus, lib. 1. cap. 25. Et ut linguam Francicam Teudicam appellat Nithardus, hist. lib. 3. Teotiscam Frodoardus, in chronic. ad annum 948. ita apud H. Spelman. in concil. pag. 301. lin. 29. Ex Anglicana synodo apud Magdeburgenses, centur. 8. cap. 9. col. 586. quam illis debemus.

tione prima in laudem Constantii imperatoris confirmat Julianus.

Loca vero Britanniæ a tribus istis gentibus insessa, ex Beda<sup>b</sup> cum Guilielmo Malmesburiensi<sup>c</sup> collato, in hac subiecta tabella conspicienda exhibemus.

**Qui in Britanniam venerunt ex**

Jutia ; possederunt	Cantium.
	Vectam insulam.
	Southantoniensis agri partem Vectæ objectam, qua Homelead <sup>d</sup> sive Humble fluvius oceanum intrat : quæ licet ad provinciam occidentalium Saxonum pertineret, a prima tamen sua origine iutnacynn, id est, Jutarum nationis appellationem Anglo-Saxonum temporibus retinuit.
Saxonia :	Australes <sup>e</sup> : Qui Suthsexiam tenuerunt ;
	Orientales : qui occupa- runt
	Essexiam. Middlesexiam. Hertfordiæ partem australi- lem.

<sup>b</sup> Bed. hist. lib. 1. cap. 15.

<sup>c</sup> Malmesbur. de gest. reg. lib. 1. cap. 6. Et Radulphus Niger, in chronicō ; et Matth. Florileg. ann. 586.

<sup>d</sup> Bed. lib. 4. cap. 16.

<sup>e</sup> “ Provincia australium Saxonum, quæ post Cantuarios ad austrum et ad occidentem usque ad occidentales Saxones pertingit.” Bed. lib. 4. cap. 13. Et partem Surrae. Guil. Lambard. Provincia Suthriæcum Suthseaxe, i. e. medii et australes Angli (Fab. Ethelwerd. chronic. lib. 3. cap. 2.) Saxones procul-dubio, ut nomen Suthseaxe demonstrat, et Suthangliæ metropolis in appendice Florentii Wigorn. 560. Dorcestria statuitur in comitatu Oxoniensi.

ratione  
situs dis-  
tincti sunt  
in Saxo-  
nes.

Occidentales :  
qui<sup>g</sup> antiqui-  
tus Gevissi<sup>h</sup>  
vocabantur.  
Habitave-  
runt autem.  
in comitatu

Suthreiæ<sup>f</sup>, sive Surriæ.  
Southantoniæ; parte illa  
maritima excepta, quam  
a Jutis occupatam dixi-  
mus.  
Bercheriæ.  
Wiltoniæ.  
Dorsettiæ.  
Somersettiæ<sup>i</sup>.  
Devoniae.  
Cornubiæ; licet maxima illi-  
us pars a veterum Britan-  
norum reliquiis ad nostra  
usque tempora retenta  
fuerit<sup>k</sup>.

Orientalibus  
Anglis; in  
agris

Northfolciæ.  
Suthfolciæ.  
Cantabrigiæ<sup>l</sup>: cum Eli-  
ensi<sup>m</sup> insula et parte (ut  
videtur) etiam Bedford-  
iæ.

Anglia;

Mediterraneis Anglis, sive Middilenglis;  
qui Leicestrensem provinciam incole-  
runt, Merciorum ditioni subditam. Unde  
in Merciorum regno a Radulpho Nigro  
collocatur Leghecestresyre et Lindeseia.  
Et a Matthæo Florilego Leicestrensis  
provincia<sup>n</sup>.

<sup>f</sup> Quod Suthoriona Bedæ lib. 4. cap. 6. Surræ, Gloucestriæ et Devonæ partes  
reliquas in se continebat. Guil. Lambard.

<sup>g</sup> Bed. lib. 3. cap. 7. Vid. Asser. Menevens. initio vitæ regis Ælfredi.

<sup>h</sup> In illa parte Angliæ, quæ in parte australi sita est fluminis Thamesis. Rog.  
Wendover. Matth. Paris. et Westmon. Hist. Roffens. in hist. anni 905. Meanva-  
rorum provinciæ in gente occidentalium Saxonum meminit Beda lib. 4. cap. 13.

<sup>i</sup> Pro qua Sarisburiensem et Bathoniensem provinciam habet hic M. Florilegus.

<sup>k</sup> Unde hic prætermittitur a Radulpho Nigro.

<sup>l</sup> In Merciorum regno male ponitur a Matth. Florilego. Vid. eund. pag. 228.

<sup>m</sup> Bed. lib. 4. cap. 19.

<sup>n</sup> Girvii dicebantur qui palustrem regionem in colebant in 4 Comit. Can-  
tabrigiens. Huntingdonensi. Northamptonensi. Lincolnensi. Camden. pag.  
360. Australium Girviorum meminit Beda, lib. 4. cap. 19. Vide Ingulph. fol.  
517. "Ad Afnæ fluente inchoat occidentalium terminus Anglorum, neconon  
Myrciorum (Fab. Ethelwerd. chron. lib. 4. cap. 4.) Bradansforda juxta fluvium

originem  
dederunt

Merciis; qui<sup>o</sup> Trenta fluvio dividebantur in

Lincolniæ.

Northantoniæ, (et quæ pars  
illius olim fuit) Rutlandiæ.

Huntingdoniæ.

Bedfordiæ<sup>p</sup> et Hertfordiæ<sup>q</sup>  
parte boreali.

Buchingamiæ.

Oxoniæ<sup>r</sup>.

Glocestriæ<sup>s</sup>.

Warwici.

Wigorniaæ<sup>t</sup>.

Herefordiæ<sup>u</sup>.

Staffordiæ.

Salopiæ.

Cestriæ.

Derbiæ.

Nottinghamiæ.

Australes :  
in comitatu

Aquilonares :  
in comitatu

Nordanhumbris : qui ad<sup>w</sup> borealem Hum-  
bri fluminis plagam habitantes<sup>x</sup>, disting-  
ebantur in

Deiros : in

Lancastria.

Eboracensi comitatu.

Westmorlandia.

Cumbriæ parte australi, cis  
Derventionem fluvium.

Bernicios : in

Cumbriæ parte boreali, cum  
Westmorlandiæ portione  
illi contigua.

Dunelmensi episcopatu.

Northumbriæ<sup>y</sup>.

Scotiæ parte australi; quæ

Afene.” Id. lib. 2. cap. 7. Afrens sive Sabrina ut videtur : nam et occiden-  
talium Saxonum et Merciorum terminus est : et statim in Ethelwerdo sequi-  
tur mentio ad Sabrinæ æstuarium posit. de quo supra, et Camden. pag. 255.

<sup>o</sup> Bed. lib. 3. cap. 24. <sup>p</sup> Integræ hic ponit Lambardus.

<sup>q</sup> Integræ hic ponit Florilegus. Vid. tamen eund. pag. 288. lin. 18. et 20.

<sup>r</sup> In quo Dorcestria. <sup>s</sup> Partem tantum Merciis tribuit Lambardus, male.

<sup>t</sup> Lambardus non habet : est Wiciorum provincia.

<sup>u</sup> Partem tantum tribuit Lambardus.

<sup>w</sup> Bed. lib. 2. cap. 5. et 9. <sup>x</sup> Id. lib. 3. cap. 1. et 14. et lib. 2. cap. 14.

<sup>y</sup> Reges Northanhumbrorum dominabantur in omni regione quæ ultra Hum-

ab oriente et occidenti mari Germanico atque Hibernico, meridie Solvaico aestuario et Tweda fluvio, a septentrione freto Dunbritannico et Edinburgico circumscribitur: Nordanhumbrorum enim regnum ad freta ista duo extensum, eorumque altero Scotorum, altero Pictorum ditionem terminatam fuisse; ex Bedæ<sup>z</sup> et aliorum historiæ corum certissimis testimoniis intelligimus.

In Deiræ et Berniciæ terminis defniendis, scriptores non conveniunt. “ Regnum Deirorum a fluvio Humbro usque ad flumen Tyne extendebatur; regnum vero Berniciorum a flumine Tyne usque ad mare Scoticum porrigebatur:” ait, ex Alphredo Beverlacensi, Ranulphus Cestrensis<sup>a</sup>: et post eum, Malmesburiensis monachus, in culogii sui libro quarto “ Regnum Deirorum,” inquit, “ a fluvio Humbre usque ad flumen Tyne se extendebat; regnum vero Berniciorum a flumine Tyne usque ad mare Scoticum, ubi nunc est villa sancti Johannis, porrigebatur: totum enim intermedium ad regnum Berniciorum pertinebat.” Richardo autem priori Hagustaldensi, in operis de ecclesiæ suæ statu principio, “ Deira ab Humbra incipiens ad Tesam fluvium terminabatur:” quam distinctionem et Humfredus Lhuydus<sup>b</sup> est secutus. Guilielmus Camdenus, aliquando<sup>c</sup> Tinam, aliquando<sup>d</sup> Tesim

brum est flumen, usque ad Scotiam. Malmesbur. de gest. regum lib. 1. cap. 6. Ninius, de Ida primo Nordanhumbrorum rege: Junxit arcem i. e. Dingueirin et Gurd-birnech (quæ duæ regiones fuerunt in una regione. i. e. Deur Abernet.) Anglice Deira et Bernicia. A Britannis Deira Deifyr, Bernicia Brennuyd appellatur. H. Lhuyd. fol. 24. a. Bernicos Britanni Guir a Brinaich quasi montanos dicunt. Camden. pag. 674.

<sup>z</sup> Bed. lib. 1. cap. 1. et 12. et lib. 4. cap. 26. Vide Matthæum Florilegum, ad ann. 587. Ranulph. Cestren. Polychronic. lib. 1. cap. 58. et Jo. Majorem, de gest. Scot. lib. 2. cap. 3.

<sup>a</sup> Polychronic. lib. 1. cap. 51. “ Donec Kinadius Alpini filius rex Scotorum, deletis Pictis, illud territorum, quod est inter Twedam et mare Scoticum fecerat suo regno pertinere”. Ibid. cap. 58.

<sup>b</sup> “ Deera regnum continebat totam regionem ab Humbro et Trenta ad Tyssam flumen: Bernicia vero et Tyssa ad mare Scoticum quod nunc Fyrtheus vocant”. Lhuyd. fragment. descript. Britann. fol. 24. “ Æstus ille nunc Forthea dictus mare Picticum et postea Scoticum diccbatur. Et hucusque Northumbrorum regnum extendebatur.” Ibid. fol. 40.

<sup>c</sup> Camden. Britan. pag. 558.

<sup>d</sup> Id. pag. 674.

fluvium horum regnum communem limiteni constituit: et utramque sententiam Johannes Timmuthensis, in regis Oswaldi vita, ita conciliare nititur: “ Regnum Deirorum a flumine Humbriæ usque ad Tynam fluvium quondam se extendit: regnum vero Berniciorum a fluvio Tynæ (an Tesæ potius?) usque ad mare Scoticum, quod Scotice Forth dicitur, porrigebat. Quicquid enim inter Tynam et Tesam fluvios extitit, sola eremi vastitudo tunc temporis fuit: et sic nullius ditioni servivit; eo quod sola indomitorum et silvestrium animalium spelunca et habitatio fuit:” quod ipsum etiam in Johannis Fordoni Scotichronico similiter annotatum invenimus.

In Beda quod hoc faciat illud tantum reperimus: “ Eatam<sup>e</sup>, qui Berniciorum provinciam gubernabat, in Hagustaldensi sive Lindisfarnensi ecclesia cathedram habuisse episcopalem.” Ne igitur ecclesiam, non Dunelmensem solum, ad quam post Bedæ tempora Lindisfarnensis sedes est translata, sed ipsam etiam Hagustaldensem, cis Tinam fluvium positam, extra Berniciorum fines (intra quos non Richardus<sup>f</sup> solum sed etiam Beda<sup>g</sup> eam collocat) transferre necesse habeamus: Tesis potius quam Tinæ interpositu regna hæc distingui maluimus. Eaque ratione, ut ad orientalem Berniciæ partem Dunelmensem episcopatum et Northumbriæ comitatum hodiernum; ita ad occidentalem totum illud Cumbrense regnum (cujus in decimo quinto capite occurret mentio) arbitramur referendum, quod everso Nordanhumbrorum Anglorum regno inter Derventionem fluvium et fretum Dunbritannicum a Cambro-Britannis est constitutum.

“ Indigenas Britanniæ, qui Anglis Saxones appellantur, ab eis, qui Germaniæ septentrionalem tractum incolunt, Saxonibus originem ducere, documentis approbatur:” inquit Lupus Servatus<sup>h</sup>: et Holsatiæ partem extremam, qua Jutiæ proxima est, in antiquis manuscriptis chronicis Olt Saxen, id est veterem Saxoniam dici, animadverterunt alii<sup>i</sup>. Ex insula Oghgul Hengistum, cum suis, hic adve-

<sup>e</sup> Bed. lib. 4. cap. 12. et 27. <sup>f</sup> Richard. de statu eccles. Hagustaldens. cap. 2.

<sup>g</sup> Bed. lib. 3. cap. 2. et lib. 4. cap. 12. <sup>h</sup> Lup. in vit. S. Wigberti, cap. 1.

<sup>i</sup> Suffrid. Petr. de origin. Frisior. lib. 2. cap. 12.

nisse in Ninio legimus: sive eo nomine integrum peninsulam Cimbricam ille intelligat, sive (quod in uno exemplari ita etiam scriptum hic inveni) Angul, id est, eam Chersonesi illius partem, quam hodie Anglen appellari diximus, et ipsam peninsulæ quandam speciem præ se ferentem. Alii<sup>k</sup>, ex chronicō Leidensi, Hengistum patria Frisium fuisse referunt. Johannes Leidensis<sup>l</sup> regem Frisiæ fuisse asserit; quam et Saxoniam<sup>m</sup> inferiorem dictam fuisse ait. “Sicut Anglicana promit historia, Saxones inferiores, qui vulgo dicuntur Frisones, cum innumera classe Britannicam expugnaverunt insulam:” inquit Johannes de Beka, in suo Trajectensium episcoporum chronicō: et Guilielmus Heda in suo: “Angli et Saxones et Marcii, qui Britanniam occupaverunt, egressi fuerant ex Germania inferiore.”

Suffridus Petrus<sup>n</sup> Hengistum Udolphi Haronis, septimi Frisorum ducis, filium fuisse contendit, et Suanæ filiæ Vetgisti Saxonum principis. Additque binas ab illo ductas fuisse colonias: priorem anno ætatis vigesimo secundo in Angliam veterem prope Jutiam, ubi sexaginta duobus annis versatus fuerit, partim agricultura, partim piratico genere belli colonos sustentans: posteriorem anno ætatis octogesimo quarto ex ista Anglia in Britanniam, in qua ultra annos quatuor non duraverit, anno ætatis suæ octogesimo octavo qui fuit Christi CCCCLIII. fato functus. Et ne de rei veritate quicquam dubitaremus, pessimo exemplo, vir cæteroqui doctus et diligens, de<sup>o</sup> priore colonia scripsisse fingit, primo quidem ipsum Udolphum Hengisti et Horsi commentitium patrem, deinde duos ejusdem monetæ duces, Yglonem Lasconem, qui anno Christi CCCCIX. et Hollium, qui anno CCCCXXX. mortuus fu-

<sup>k</sup> Vorper. Thaborit. hist. Fris. lib. 1. cap. 8. Cornel. Kemp. rer. Frisic. lib. 2. cap. 22.

<sup>l</sup> Johan. Gerbrand. chronic. Belgic. lib. 1. cap. 9.

<sup>m</sup> Vid. Vorper. Thaborit. lib. 1. cap. 3. et ejus expilatorem, Cornel. Kempiuin, lib. 1. cap. 10.

<sup>n</sup> Suffrid. Petr. in apologia pro antiquit. Fris. a pag. 75. ad 78.

<sup>o</sup> Id. de scriptorib. Frisiæ Decad. 3.

erit : de posteriore vero Haionem Fortemanum, qui anno Christi CCCCLXXVIII. obierit.

Yglonem enim scripsisse somniavit bonus senex,

1. De expeditionibus suis adversus Vestphalos ac Sicanibros.
2. De præsidii ab ipso in Angria et Vestphalia collocatis.
3. De matrimonio Udolphi Haronis et filiae Vetgisti satrapæ Saxonum.
4. De origine Vetgisti, et cognatione ejus quam habuit cum Oldibaldo Frisiorum duce.
5. De institutione et educatione Hengisti et Horsi.
6. De decessu Hengisti et Horsi in Angliam veterem.
7. Catalogum ducum et comitum, qui classi Hengistianæ in ducenda hac colonia præfuerunt.
8. De adoptione Hengisti et Horsi facta a Vetgisto avo eorum materno.

Hollium deinde,

1. De colonia Anglicana.
2. De qualitate Angliæ
3. De piratica Frisorum ex Anglia in mari Britannico.

Haionem denique,

1. De vocatione Hengisti ex Anglia veteri in Britanniam.
2. De pactis inter Hengistum et Vortigernum initis.
3. De præliis Hengisti et Horsi contra Pictos et Scotos, pro defensione Britannorum.
4. De causis ob quas Hengistus Britannis, ex defensore, hostis factus sit.
5. Catalogum ducum classum Hengisti, quas in Britanniam adduxit.
6. De copiis quas Hengistus ab initio usque ad obitum suum in Britanniam advexit.

Ego vero ut Hengistum et Horsum Frisos fuisse prorsus non abnuerim; ita ex Danica Frisia, potius quam ex illa Hollandiæ vicina, ortos fuisse existimaverim. In Dania enim etiam Frisia est: quam, alterius illius respectu, minorem appellat Saxo<sup>p</sup> grammaticus. Australis Jutiæ pars ea est maxime australis (a Jutis autem Cantuarios ortos ostendimus; quorum regem Hengistum fuisse constat) ad orientem veterem Angliam, ad austrum veterem Saxoniam sibi habens conterminam, ab utraque flumine Eidora intercurrente dirempta. Ejus incolas, ab hoc flumine Eiderstedios, a litore cui incident Strand-frisos, vulgo denominant. “Hos a Frisonum gente conditos, nominis et

<sup>p</sup> Saxo, in Danicæ suæ historiæ proœmio.

linguæ societas testimonio est:" ut inquit Saxo<sup>q</sup>. Eos enim a tot jam sæculis linguam patriam incorruptam adhuc retinere, confirmat etiam Ubbo Emmius<sup>r</sup>; de Frisica illud etiam adjiciens, " in<sup>s</sup> universum cum Anglo sermone tantum cognitionis et similitudinis habere, ut ad nullum omnino aliarum gentium, ne quidem finitimarum, proprius accedat." Cui et illud addendum, quod ex Leidensi profertur<sup>t</sup> chronicō: " S. Willebrordus cum suis ex Anglia veniens, primum applicuit in Valachria insula Zelandiæ, et venit Westcapellam ubi deus erat Mercurius: ibique evangelium lingua Frisconica, quasi Friso Frisonibus prædicavit."

Jam si Frisii hi utrique ejusdem fuerint originis, et communi etiam tam inter se quam cum Anglis sermone fuerint usi; minus erat mirandum, Frisones quoque a Beda inter eas gentes connumerari, a quibus nostri Anglo-Saxones genus traxerint. Verba illius, libro quinto historiæ ecclesiasticæ, capite decimo (vel, ut antiqui MSS. distinguunt, nono) hæc sunt: " Eo tempore venerabilis et cum omni honorificentia nominandus famulus Christi et sacerdos Ecgbertus, quem in Hibernia insula peregrinam ducere vitam pro adipiscenda in cœlis patria retulimus, proposuit animo pluribus prodesse; id est, inito opere apostolico verbum Dei aliquibus earum quæ nondum audierant gentibus evangelizando committere. Quarum in Germania plurimas noverat esse nationes, a quibus Angli vel Saxones, qui nunc Britanniam incolunt, genus et originem duxisse noscuntur. Unde hactenus a vicina gente Britonum corrupti Germani nuncupantur. Sunt autem Fresones, Rugini, Dani, Hunni, antiqui Saxones, Boructuarii." Ubi notandum, ante illud tempus de quo Beda agit, quodque in finem septimi post Christum seculi incidit, Francis in Gallias quas occupaverant commigrantibus, Saxonas in sedes ab eis derelictas paulatim concessisse, et non modo oram maritimam inter Albim et Rhenum

<sup>q</sup> Saxo, hist. lib. 14.

<sup>r</sup> Hist. Frisic. lib. 2. pag. 69.

<sup>s</sup> Hist. Frisic. lib. 2. pag. 76.

<sup>t</sup> A Vorpero Thaborita, lib. 1. hist. Fris. cap. 8. et Cornel. Kempio, lib. 2. rcr. Frisic. cap. 22.

interjectam insedisse, sed etiam ad interiores Germaniae partes penetrasse: indeque factum, ut in proxime sequente capite idem Beda provinciam antiquorum Saxonum ad Rheni ripam, a citeriore Frisia per quadraginta fere millia passuum dissitam, collocaverit: ne quis tum iisdem eos finibus conclusos fuisse existimet, quibus ante adventum in Britanniam continebantur.

Sunt quidem qui existiment ante<sup>u</sup> ductas, vel ab Anglis in Britanniam, vel a Francis in Galliam colonias, Saxonas portuosum illud emittendisque ac recipiendis navibus aptissimum litus inter Albim Rhenumque consedisse: sed nulla firma, quantum adhuc ego video, autoritate subnixi. Diocletiani ævo, Francos æque ac Saxones per tractum Belgicæ et Armoricæ mare infestasse, libro nono historiæ suæ testatur Eutropius: atque “agilem fuisse piratico in opere gentem Saxonum in tota maritima a Rheno fluvio usque in Doniam urbem quæ vulgo Danmarc nuncupatur,” eo tempore quo in Britanniam sunt advocati, in primo annalium suorum libello affirmat Fabius Ethelwerdus. Per oram illam maritimam fecisse piraticam Saxonas non negamus: in continente vero tractus illius eos sedes fixisse, nondum invenimus. Nam ne Zosimo assentiamur qui Quados<sup>w</sup>, Saxonum partem, Bataviam pulsis inde Francis Saliis occupavisse, et Julianum Salios tutatum Quados in deditioinem redegisse narrat; illud primo facit, quod Quadi pars Saxonum nulla fuerit, deinde quod Eunapius Sardianus<sup>x</sup> (cujus Zosimus historiam transcripsit<sup>y</sup> potius, quam novam ipse scripsit) neque Quados istos, neque, quos eorum loco apud Zosimum substituit Cluverius, Cauchios, neque omnino Saxonas, sed Chamavos fuisse retulit: ipso quoque Juliano, in epistola<sup>z</sup> ad senatum populumque Atheniensem, rem a se gestam

<sup>u</sup> Camden. Britann. pag. 93. Cluver. Germ. antiqu. lib. 2. cap. 36. pag. 488. et lib. 3. cap. 21. pag. 590. edit. 2.

<sup>w</sup> Zosim. hist. lib. 3.

<sup>x</sup> Eunap. in eclog. legation. ab Hœschlio edit. pag. 8.

<sup>y</sup> Phot. bibliothec. num. 98.

<sup>z</sup> Julian. oper. part. 1. pag. 514. edit. Paris. ann. 1630.

similiter exponente. “*Ὑπεδεξάμην μὲν μοῖραν τοῦ Σαλίων ἔθνους, Χαμάζους δὲ ἐξήλασα.* Saliorum partem excepti; Chamavos expuli.”

Neque ullum omnino justi ponderis, præter Bedæ illud unicum jam a nobis explicatum, occurrit testimonium, quod Frisicæ originis Anglo-Saxones fuisse doceat. Antiquiora enim illa quæ tanti æstimat, Frisiæ suæ decus, Ubbo Emmius<sup>a</sup>, me sane multum non moverunt: Marcellini in vita Suidberti, gentilis sui et laborum socii, unum; Procopii, ætati isti qua illa in Britanniam expeditio accidit haud paulo propioris, alterum. “Ipse Suidbertus sitiebat salutem omnium hominum, et præcipue paganorum Frisorum et Saxonum, eo quod Angli ex ipsis propagati sint:” inquit Marcellinus ille; atque iterum de eodem, et reliquis Willibrordi sociis: “Quoniam sancti doctores propagati fuerunt in Anglia de stirpe Frisonica et Saxonica; ideo convenienter potuerunt iis prædicare evangelium Christi lingua Germanica:” quibus citatis subdit Emmius, “Hoc sane teste, qui de se suisque sociis ea scribit, et pietatis eximia laude claret, majorem requirere non debemus.” Sed virum illum sagacissimum fugit, subdititium esse Marcellinum istum: cui a Stephano Vito<sup>b</sup>, viro antiquitatum, non Hiberniæ solum suæ sed aliarum etiam gentium scientissimo, ita larva est detracta, ut quic illius postea in se suscepit patrocinium, imperitum aliquem non modo “stylum mutasse, et loco antiquorum nominum quarundam provinciarum et urbium magis recentia collocasse,” sed etiam “nonnulla imperite de suo capite veritati minus consona addidisse; idque certum esse, et negari non posse,” coactus fuerit agnoscere.

Ex Procopii libro quarto de bello Gothicō citantur ista: “Britanniam<sup>c</sup> insulam tres numerosissimæ gentes incolunt, quarum unicuique suus rex imperat: nominantur hæ gentes Angili, FRISONES, et, qui cum insula cognatum

<sup>a</sup> Ubb. Emm. rer. Fris. lib. 3. pag. 98, 99.

<sup>b</sup> Apud Gretserum, lib. 1. observation. in Philippum de Divis Eystettensib. cap. 9.

<sup>c</sup> Edovard. Maihew, tabul. 3. de scriptorib. Anglic. ordinis Benedict. cap. 40.

<sup>d</sup> Camden. Britann. pag. 94.

nomen habent, Britones," quibus hoc quoque epiphonema ab Emmio est subjunctum, "Et quid desideres amplius?" Verum et hoc etiam clarissimum illum virum latuit, non de Britannia scripsisse ista Procopium, sed de Brittia: quam eodem<sup>e</sup> ipso in loco a Britannia disertis verbis secernit, atque inter Britanniam et Thulem, quae illi Scandinavia est, sitam fuisse indicat. Unde corrigendum illud Isacii Tzetzæ, scholiastæ Lycophronis: "Περὶ τὸν Ὡκεανόν ἐστιν ἡ Βρεττανία νῆσος (Βριττίαν debet dicere, vel saltem intelligere) μεταξὺ τῆς τε ἐν δύσει κειμένης Βρεττανίας, καὶ Θούλης τῆς πρὸς ἀνατολὴν. In oceano est Britannia insula, inter Britanniam ad occidentem positam, et Thulem ortum spectantem." Quæ enim Tzetzæ fratres, Johannes in Hesiodi "Eργα, et Isacius in Lycophronis Alexandram, de animabus defunctorum in Britanniam deportatis fabulati sunt, ea omnia ad Brittiam a Procopio<sup>f</sup> relata observavimus.

Sed missis istis παρέργοις, de tempore quo Hengistus et Horsus ad Guortigernum assesserunt, deinceps inquiramus: anno Domini CCCLXXXV. illud factum, Johannes Leidensis<sup>g</sup> et annales<sup>h</sup> Frisiorum tradiderunt. In antiquissimis<sup>i</sup> chronicis lingua Cambro-Britannica conscriptis, "a tempore Guorthigerni usque ad bellum Badonicum, quo Arthurus dimicavit adversus Saxones et eos debellavit, centum et viginti octo anni: deinde a bello Badonico usque ad bellum de Camilan, in quo cæsus est Arthurus, duo et viginti anni numerantur. Cum autem Arthuri excessus in Britannica<sup>k</sup> historia ad annum DXLII. sit relatus; subductis inde 128. et 22. Dominicæ ærae annus CCCXCHI. relinquetur. Atqui adhuc sub Romanorum imperio vixisse Britanos, non est dubium: neque Saxonas prius in auxilium eos advocasse, quam a Romanis penitus fuissent derelicti, æque certum est. Ut nullo modo fides Fran-

<sup>e</sup> Procop. lib. 4. Gothic. pag. 349. edit. Græc.

<sup>f</sup> Ibid. pag. 352.

<sup>g</sup> Jo. Gerbrand. chronic. Belgic. lib. 1. cap. 9.

<sup>h</sup> Cornel. Kem. rcr. Frisic. lib. 2. cap. 22.

<sup>i</sup> Johan. Pri. histor. Britannic. defens. pag. 121, 122.

<sup>k</sup> Galfrid. Monemuth, lib. 11. cap. 2.

cisco Irenico sit adhibenda; qui<sup>1</sup> Anglo-Saxonas “inopinato ductu in Angliam trajecisse Valentiniani temporibus, ac Romanos omnes ad internectionem occidisse” comminiscitur: et eorum hic tantum sententiae sit attendendum, qui sub Theodosii junioris vel successoris Marciani imperio rerum Britannicarum conversionem hanc contigisse tradiderunt.

Ad Felicis et Tauri consulatum, qui in annum CCCCXXVIII. incidit, anonymous Ninii interpolator Saxonum adventum refert. Iisdem quoque consulibus, “partem Galliarum propinquam Rheno, quam Franci (Saxonibus contermini) possidendam occupaverunt, Aetii comitis armis receptam” testatur Prosper in chronicō, cui et illud addendum putaverim, quod ex aliis consularibus fastis a Gregorio Turonensi<sup>m</sup> est productum: “Theodomerem regem Francorum, filium Richimeris quondam, et Ascilam matrem ejus, gladio interfectos:” statim enim subjungit Gregorius: “Ferunt etiam TUNC Chlogionem utilem ac nobilissimum in gente sua regem Francorum fuisse.” Anno autem CCCCXXVIII. vel proxime sequente, ex Tironis chronicō colligitur, regnare in Francia cœpisse Chlogionem sive Chlodium hunc: quem et Theodomeris illius filium ac successorem facit Fredegarius Scholasticus<sup>n</sup>; ea omnia Theodomeri Richimeris filio adscribens, quæ vetus gestorum regum Francorum abbreviator<sup>o</sup>, et cum eo Ado Viennensis, Aimoinus atque Sigebertus, Faramundo Marcomiri filio tribuunt.

Britannici vero illius chronographi supputationem ne quis desideret; ex duobus antiquissimis Cottonianæ bibliothecæ codicibus descriptam exhibebimus hic et illustrabimus.

A mundi principio usque ad Constantium et Rufum, quinques mille DCLVIII. anni reperiuntur.

Item a duobus geminis, Rufo et Rubellio, usque in Stilichonem consulem, CCCLXXIII. anni sunt.

<sup>1</sup> Irenic. Germanic. Exeges. lib. 6. cap. 37.

<sup>m</sup> Greg. Turon. histor. lib. 2. cap. 9.

<sup>n</sup> Pag. 95. edit. M. Freheri.

<sup>o</sup> Ibid. pag. 58.

Item a Stilichone usque ad Valentinianum filium Placidiæ et regnum Guorthigirni, XXVIII. anni : et a regno Guorthini, (al. Guortigirni) usque ad discordiam Guitolini et Ambrosii, anni sunt XII. quod est Guoloppum, id est, Cat-guolph.

Guortigirnus autem tenuit imperium in Britannia Theodosio et Valentini-anō consulibus : et in quarto anno regni sui Saxones ad Britanniam venerunt, Felice et Tauro consulibus, CCCC. anno ab incarnatione Domini nostri Jesu Christi.

Ab anno<sup>P</sup> quo Saxones venerunt in Britanniam, et a Guortigirno suscepti sunt, usque ad Decium et Valerianum, anni sunt LXIX<sup>P</sup>.

Victorius Aquitanus fastos suos consulares a duorum geminorum Fusii, quem ille Rufum appellavit, et Rubellii consulatu inchoatos, in Constantini et Rifi consulatu, qui in annum æræ nostræ CCCCLVII. incidit, terminaverat : “ Ex tempore Dominicæ passionis, diebus Kalendarum Januariarum, et nominibus consulum, a duobus geminis, Rufo scilicet et Rubellio, usque ad consulatum Constantini et Rifi, diligent annotatione collectis, per CCCCXXX. annos, cum lunis atque temporibus : ac deinceps sine consulibus, per annos centum et duos futuros, ut DXXXII. annis omnis summa consistat, patefacere properavi.” Sic ille, in canonis paschalis præfatione ad Hilarium : ubi et Ensebianas rationes secutus, a mundi origine usque ad Constantimum et Rufum consules, quinquies mille sexcentos quinquaginta octo annos dinumerat. Hunc igitur, ut videmus, ducem secutus est Britannus noster : qui ex iisdem quoque fastis, a duobus geminis usque ad Stilichonis (cujus stre-

<sup>P</sup> Regnante Gratiano (ut Gildæ nomen præferens liber habet) vel Martiano (ut rectius Ninii legit) secundo, Saxones a Guorthigirno suscepti sunt, anno CCCXLVII. ut habet Pseudo-Gildas, vel CCCCXLVI. ut Ninius, post passionem Christi.

“ A primo anno quo Saxones venerunt in Britanniam, usque ad annum quartum Mervini regis, supputantur anni 429.” inquit Ninius, qui in præfat. codicis MS. in publica Cantabrigiensis academiæ bibliotheca, scripsisse se ait anno 858. Dominicæ incarnationis, 24. vero Mervini regis Britonum. Qua ratione Saxones venissent in Britanniam anno incarnat. 409. Confer Caradoci Lancarvan. chronic. de initio Mervini Vrych. In excerptis ex Nino vel Pseudo-Gilda potius, ad calcem Galfridi Monemuthensis in MS. D. Simondi D'Ewes circa tempus Henrici II. descripto legitur. “ A primo anno quo Saxones venerunt in Britanniam, usque ad annum quartum Merminis regis, supputantur anni CCCCXXIX. anno CCCXLVII. post passionem Domini, a Wortegirno suscepti sunt. Ab eodem anno usque ad Decium et Valerianum, anni sunt LXIX. ubi tria illa Pseudo-Gildæ vel Ninii loca ἀσύγκλωστα συγκλώθει.”

nuam in Britannia a Scotorum, Pictorum et Saxonum incursionibus tutanda navatam operam Claudianus prædicat) consulatum, trecentos et septuaginta tres annos percensem; utroque nimirum, et geminorum et Stilichonis priore consulatu simul numerato. A Stilichonis deinde consulatu illo, qui in annum CCCC. incurrit, usque ad Valentinianum filium Placidiæ, et regnum Guortigirni, viginti octo annorum intervallum constituit: quum ad Theodosii XI. et Valentiniani I. consulatum, quo juxta illum Guortigernus regnum, et juxta rei veritatem Valentinianus Placidiæ filius imperium exorsus est, XXV. ad Felicis et Tauri consulatum XXVIII. ponendi fuissent. His vero consulibus Saxones huc advenisse addit; anno, non ab incarnatione ut in codicibus perperam est exaratum, sed a passione Domini CCCC. Ad consulatum enim Felicis et Tauri annotatus habetur annus CCCC. Victoriae periodi, a duorum geminorum consulatu deductæ; in quo Victorius, antiquissimos secutus patres, Christum crucifixum credidit. A Saxonum denique adventu hoc annos sexaginta et novem numerat noster chronologus usque ad Decium et Valerianum: quod postremum par consulum in Victorianorum fastorum continuatione, quæ ad manus ipsius pervenerat, extitisse verisimile est. Anno autem vulgaris nostræ epochæ CCCCXCVIII. Decium Paulinum consulem invenimus: non Valeriano tamen, sed Johanne Scytha collega addito.

In breviori illo chronicò quod Tironi Prospero tribuitur, ad annum post excessum Honorii XVIII. ante obitum vero Theodosii junioris IX. circa annum videlicet Christi CCCCXLI. annotatum legimus: “Britanniæ, usque ad hoc tempus variis cladibus eventibusque laceratæ, in ditionem Saxonum rediguntur;” indeque in chronicò quod Marci Maximi Cæsaraugustani episcopi præfert titulum; ad annum CCCCXLIV. “Britanniæ, usque ad hoc tempus variis cladibus dilaceratæ, tandem per ditionem Saxonibus traduntur.” Sed horum chronicorum incerta est auctoritas: ut ea præponderari non debere videatur, vel Gildæ Britanni fides, qui ante tertium Aetii consulatum eos huc advocatos non fuisse indicat; vel Anglo-

Saxonorum omnium annalium testimonium, qui ante annum CCCCLV. Hengisti<sup>a</sup> regnum non incipiunt. Quæ enim ex B. Germani vita contra sunt objecta, quam nullas vires habeant, in superioribus satis declaravimus.

Anglos “ applicuisse in Britanniam anno ab incarnatione Domini CCCCXLV. anno Theodosii imperatoris decimo quinto” scribit Radulphus Niger in chronicō. In ipsum annum CCCCXLVI. quo tertium consulatum gessit Aetius, eorum adventum Sigebertus conjicit: cum quo et antiquior in bibliotheca Cottoniana consentit chronographus, “ annum Dominicæ incarnationis DCCLVII. cum anno CCCCVIII. adventus Anglorum in Britanniam” componens. Turgotus in Dunelmensis ecclesiæ historia, “ annum Dominicæ incarnationis DCXXXV. annum adventus Anglorum in Britanniam CLXXXVIII.” esse affirmans; a Christo ad eorum adventum ea ratione CCCCXLVII. annos dinumerat. Annos CCCCXLVIII. Johannes de Garlandia, in libro primo de triumpho ecclesiæ, ita constituit,

Sunt quadringenti, deciesque quater, simul octo

Sunt anni, peperit ut pia virgo Denm:

Fortes ad validos Angli venere Britannos;

Qui gladiis regnum supposuere sibi.

Latino-Saxonici annales, quos Cottonianæ bibliothecæ a Camdeno relictos fuisse memoravimus<sup>r</sup>, ad annum CCCCXLVIII. referunt: cum quibus etiam facit quod Cuspinianus<sup>s</sup> ex Jordani sive Jornandis, ut ille putat, ineditis annalibus protulit. Nos vero annales illos cum Hermanni Contracti chronicō ab Henrico Canisio edito eosdem fuisse deprehendimus: indeque locum hunc, qui mutilus a Cuspiniano est productus, ita restituimus: “ Angli-Saxones, a Britannis contra Pictos et Scotos [auxilio asci, insulam petunt, et hostibus fugatis in socios] arma convertunt; et post multa bella, magna ex parte insula subacta potiti sunt.”

<sup>q</sup> Beda lib. 2. cap. 5. cum eo etiam filium Oisc. venisse scribit. qui anno 512. vitam finiit.

<sup>r</sup> Supra cap. 3. pag. 55.

<sup>s</sup> Jo. Cuspin. commentar. in Cassiodori consulaire, pag. 542.

Fabius Ethelwerdus, et cum eo annales lingua Anglo-Saxonica conscripti, nec non Guilielmus Malmesburiensis, Henricus Huntingdoniensis, Alanus de insulis, Matthæus Florilegus et alii<sup>t</sup>, annum CCCCXLIX. eorum adventui assignant: illis, ut videtur, venerabilis Bedæ verbis ad ducti “Anno<sup>u</sup> ab incarnatione Domini quadringentesimo quadragesimo nono (ita enim ex MSS. legendum; non, ut habent editi codices, quadringentesimo nono) Marcianus cum Valentiniano quadragesimus sextus ab Augusto regnum adeptus, septem annis tenuit. Tunc Anglorum sive Saxonum gens invitata a præfato rege (Vurtigerno) Britanniam tribus longis navibus advehitur.” Verum quum ante annum proxime sequentem Marcianum imperium non iniisse certo constet, vel ad Valentiniani et Avieni consulatum, id est, annum CCCCL. cum Florentio Wigorniensi eorum adventus potius fuisse referendus; vel, ut in vulgato Mariani Scotti chronicō habetur, ad consulatum Herculani et Asporatii, quem in annum CCCCLII. incurrisse ex fastis liquet. Neque enim in ipso præcise imperii initio, sed intra septennium illud quo Marcianus rebus præfuit, huc appulisse Anglos significare Beda voluit: vel intra quinquennium potius quo una cum Valentiniano imperium administravit. “Horum enim tempore Anglos, a Britonibus accersitos, Britanniam adiisse,” in historiæ ſuæ ἀνακεφαλαιώσει chronica ipse indicat. Ut<sup>w</sup> multo rec tius ad annum CCCCLIV. Johannes Clinnus Kilkenniensis, et annales ecclesiæ S. Trinitatis apud Dublinienses, eorum adventum retulerint; quam Hector Boethius<sup>x</sup>, qui post CCCCLXXXII. demum annum, Congallo Scottis imperante, Hengistum et Orsum, “lectis cum decem armatorum millibus triginta triremibus rostratisque navibus” (quum Beda trium tantum longarum navium meminerit) in Britanniam transmisisse asserit.

Gensericum Vandalorum regem, post captam Cartha-

<sup>t</sup> Inter quos Polydorus Vergilius, histor. lib. 3. <sup>u</sup> Bed. lib. 1. histor. cap. 15.

<sup>w</sup> Anno 454. venerunt Saxones in Britanniam. Johannes Clynn in chronic. Anglii venerunt in Angliam. annales Eccles. S. Trinit. Dublin. annales Ros-senses ad annum 456. referunt.

<sup>x</sup> Boeth. Scotor. histor. lib. 8.

ginem, non modo in Siciliam, sed etiam “in Scotiam ac Britanniā transvisse, ibique se retinuisse, usque dum Attilae superbia defebuerat,” contra historiæ fidem affirmat Franciscus Irenicus<sup>y</sup>. Etsi enim per cunctas Romani imperii provincias Gensericum piraticam passim fecisse constet; adeo nullo locorum habito delectu, ut feratur<sup>z</sup> quondam, quum e Carthaginis portu velis passis soluturus esset, interrogatus a nauclero, quo tendere populabundus vellet, respondisse, Quo Deus impulerit: tamen ad Britanniam aut Scotiam nostram aliquando eum accessisse, neque in nostrorum neque in exterorum monumentis uspiam invenimus. Ad Attilae vero superbiam, cujus ab Irenico hic injecta mentio, quod attinet: eam anno CCCCLI. ab Aetio compressam fuisse notum est, memorabili illo in Campaniæ Gallicanæ campis Catalaunicis commisso prælio; de quo Jornandes: “In<sup>a</sup> hoc famosissimo et fortissimarum gentium bello ab utrisque partibus CLXII. millia cæsa referuntur, exceptis XC. millibus Gepidarum et Francorum, qui ante congressionem publicam noctu sibi occurrentes, mutuis concidere vulneribus; Francis pro Romanorum, Gepidis pro Hunnorū parte pugnantibus.”

Francos enim, cum vicinis suis Saxonibus, auxiliares Romanis hic adfuisse testatur idem<sup>b</sup>: licet inter eos qui Attilae castra sunt secuti Francos quoque connumeret Apollinaris Sidonius, in panegyrico quem Avito Augusto socero suo dixit, Hunnici exercitus copias ita recensens :

---

pugnacem Rugum comitante Gelono,  
Gepida trux sequitur; Scotum<sup>c</sup> Burgundio cogit:  
Chunnus, Bellonotus, Neurus, Basterna, Toringus,  
Bruterus, ulvosa quem vel Nicer abluit unda,  
Prorumpit Francus.

Unde vero acciderit, ut una Francorum pars Aetio, altera Attilæ se adjunxerit, causam Francicarum rerum scriptori-

<sup>y</sup> Irenic. Germaniæ exeges. lib. 6. cap. 25.

<sup>z</sup> Procop. Vandalic. lib. 1. <sup>a</sup> Jornand. de reb. Geticis, cap. 41.

<sup>b</sup> Jornand. de reb. Geticis, cap. 36. et Pauli diacon. addit. ad Eutrop. lib. 15.

<sup>c</sup> Ita legunt vulgati codices: licet in MSS. Scerum aut Scœrum haberi notent Sidonii scholiastæ, Savaro et Sirmondus.

bus hactenus ignorataim, ita nobis in historia sua aperuit Priscus Panites, Græcus Rhetor: “Τῷ<sup>d</sup> Ἀττήλᾳ ήν τοῦ πρὸς Φράγγους πολέμου πρόφασις ἡ τοῦ σφῶν βασιλέως τελευτὴ, καὶ ἡ τῆς ἀρχῆς τῶν ἐκείνου παιδῶν διαφορὰ. Τοῦ πρεσβυτέρου μὲν Ἀττήλαν, τοῦ δὲ νεψέρου Αέτιον ἐπὶ συμμαχίᾳ ἐπάγεσθαι ἐγνωκότος· ὃν κατὰ τὴν Ρώμην εἰδομεν πρεσβευόμενον, μήπω ιούλου ἀρχόμενον, ξανθὸν τὴν κόμην, τοῖς αὐτοῦ περίκεχυμένην διὰ μέγεθος ὥμοις· θετὸν δὲ αὐτὸν ὁ Αέτιος ποιησάμενος παῖδα, καὶ πλεῖστα δῶρα δοὺς, ἅμα τῷ βασιλεύοντι ἐπὶ φιλίᾳ τε καὶ ὄμαιχιᾳ ἀπέπεμψε. Francos bello lacessendi Attilæ causa fuit regis ipsorum obitus, et de regno inter liberos controversia. Seniori Attila studebat, juniores Aetius tuebatur: quem Romæ vidimus legationem obeuntem, nondum lanugine efflorescere incipiente, flava coma, et capillis propter densitatem et magnitudinem super humeros effusis. Hunc autem Aetius in filium adop-taverat, et plurimis donis ornatum ad imperatorem, ut amicitiam et belli societatem cum eo contraheret, miserat.”

Atque hinc Gregorii Turonensis narrationi lux aliqua affulget: qui cum dixisset: “Aetium<sup>e</sup> cum Francis Gothisque conjunctum adversus Attilam conflixisse,” et Gothorum rege in prælio occumbente, Thorismodo filio ipsius post partam victoriam ut in patriam festinaret persuasisse, “ne insistente germano, patris regno privaretur;” addit, eundem Aetium “simili et Francorum regem dolo fugavisse:” ac si illi quoque author fuisse ad proprias sedes remeandi, ne paternum regnum eo absente a fratre ipsius similiter occuparetur. Regem vero hunc qui Aetio subsidio venit, non alium quam Meroveum fuisse, a quo sequentes Francorum reges Merovingorum tulerunt nomen, Robertus Gaguinus, Paulus Æmilius, Carolus Sigonius et reliqui, pro certo sumunt atque concessso: temporis quoque ratione non refragante. Regni enim Merovei initium circa annum CCCCXLVIII. (quod Sigebertus Gemblacensis et Matthæus Florilegus retinent) vel CCCCXLIX.

<sup>d</sup> Eclog. legationum, ab Hæschelio edit. pag. 27.

<sup>e</sup> Gregor. Turon. histor. lib. 2. cap. 7.

in Tironis chronicō vidēmus collocatū. Atque ut Clodioni sive Chlogioni (cujus supra meminimus) immediate successisse agnoscunt omnes, ita etiam de hujus stirpe, ut notat Gregorius<sup>f</sup>, “ quidam Meroveum regem fuisse adserunt :” non affinem<sup>g</sup> utique, ut Aimoinus<sup>h</sup> voluit, sed potius filium. Id enim ut credamus, non tam Guilielmi Malmesburiensis<sup>i</sup>, qui Faramundi nepotem fuisse ait, vel Fredegarii Scholastici<sup>k</sup>, qui, crassa licet addita fabella, ex Clodianis saltem uxore susceptum fuisse tradit, vel Sigeberti Gemblacensis<sup>l</sup>, etiam, qui expresse filium Clodii fuisse dicit, et Blondi<sup>m</sup>, qui Meroveum Clodioni patri mortuo successisse scribit, nos movet testimonium ; quam Prisci authoritas, qui ipsum Meroveum (si modo illum fuisse demus qui adhæsit Aetio) conspexit, et præcedentis regis filium fuisse expresse tradidit.

Ad Anglos jam redeo : de quibus homo Italus, nostrarum rerum rudis, Pomponius Lætus : “ Qui in Britannia erant, cum Scotorum et Pictorum rapinas et impetus ferre non possent, Anglorum regem Vertigomarum ad opem ferendam poposcerunt.” Et in Hercule suo Prodigio Stephanus Vinandus Pighius, “ Saxones Angli, Verdigomaro duce, Britanniam occuparunt.” Hunc de rege Anglorum errorem sane jocularem unde illi exculpserint nescio, nisi ex his forte verbis Pauli Aquileiensis<sup>n</sup> diaconi : “ Residui Britannorum, dum continuos Scotorum impetus formidarent, ultra jam de Romanorum præsidio diffidentes, Anglicorum gentes cum suo rege Vertegerno, ad defensionem suæ patriæ invitavere : quos amicabili societate exceptos, versa in contrario vice, hostes pro adiutoribus impugnatoresque sensere :” Quod vero subdit Paulus ; “ Sequenti deinceps tempore gens Anglorum sive Saxonum Britanniam tribus longis navibus advelitur,”

<sup>f</sup> Gregor. Turon. histor. lib. 2. cap. 9.

<sup>g</sup> Cognatum ejus appellat Scotichron.

<sup>h</sup> Aimoin. de gest. Francor. lib. 1. cap. 6.

<sup>i</sup> Malmesbur. de gest. reg. Anglor. lib. 1. cap. 3.

<sup>k</sup> Fredegar. epitom. Gregor. cap. 9. pag. 95. edit. Freheri.

<sup>l</sup> Sigebert. chronic. anno 418. <sup>m</sup> Blond. Decad. 1. lib. 2.

<sup>n</sup> Paul. diacon. addit. ad Eutrop. lib. 11. Sic et Munsterus in cosmograph.

non ad sequentem aliquam, sed ad illam ipsam cujus antea meminerat Anglorum expeditionem, esse referendum, non ex Beda solum liquet, quem ille in his rebus authorem sequi solet, sed etiam ex Gilda, primum horum adventum ita enarrant : “ Tum<sup>o</sup> erumpens grex catulorum de cubili leænæ Barbariæ, tribus ut lingua ejus exprimitur cyulis, nostra longis navibus, secundis velis (omine auguriisque quibus vaticinabatur, certo apud eum præsagio, quod ter centum annis patriam cui proras librabat insideret ; centum vero quinquaginta, hoc est, dimidio temporis sæpius vastaret) evectus, primum in orientali parte insulæ, jubente infasto tyranno, terribiles infixit ungues ; quasi pro patria pugnaturus, sed eam certius impugnaturus.”

Ad quorum pleniorum intellectum, notandum est, I. Saxonum pandos myoparones, ut eos appellat Sidonius<sup>p</sup>, (dromones, a cursus celeritate, eos nominat hic Ethelwerdus, celoces Galfridus<sup>q</sup>) ab Anglis Keeles vocari ; vocabulo ad Gildæ cyulos proxime accedente : licet ob celeritatem Frisica lingua Schiulen potius dictos Suffridus Petrus<sup>r</sup> opinetur. II. Quia Britannia olim Romana insula (ut eam vocat Prosper<sup>s</sup>) habebatur, atque ita Romanum nomen tenebat, testante Gilda<sup>t</sup>, “ ut non Britannia sed Romania censeretur ;” ideo Romanam linguam ab eodem Gilda suam hic appellari : Germaniam vero, unde Anglo-Saxones advenerant, Barbariæ nomine designari. Quicquid enim Romani nominis ac linguæ studiosum, Romaniae : quicquid a Romanorum imperio et moribus alienum, Barbariæ nomine notabatur. Unde de Chariberto rege, qui ætati Gildæ suppar fuit, Venantius Fortunatus<sup>u</sup> :

Hinc cui Barbaries, illinc Romania plaudit :  
Diversis linguis laus sonat una viri.

III. Anglos ultra mille centum et octoginta jam annos in Britannia conseditisse : quicquid inepti illi vates de breviori temporis spatio cecinerint. Et nugatoribus quibus-

<sup>o</sup> Gild. epist. sec. 23.

<sup>p</sup> Apollinar. lib. 8. epist. 6.

<sup>q</sup> Galfrid. Monemuth. lib. 6. cap. 10.

<sup>r</sup> Suffrid. de origin. Frisior. lib. 2. cap. ult.

<sup>s</sup> Supra, cap. 11. pag. 367.

<sup>t</sup> Gild. epist. sec. 5. et 10.

<sup>u</sup> Fortunat. lib. 6. epigram. 4.

dam tamen sic arrisit hoc insomnium: ut Ambrosio quoque Merlino consimile oraculum affingendum putaverint: “Exin<sup>w</sup> coronabitur Germanicus vermis, et æneus princeps humiliabitur. Terminus illi positus est, quem transvolare nequibit. Centum namque et quinquaginta annis in inquietudine et subjectione manebit: trecentis vero insidebit.” IV. Appulisse Hengistum et Horsam in locum quem vulgo Hypwines-fleet nominatum, Ethelwerdus et Anglo-Saxonicorum annalium scriptores affirmant: quique hodie Ebsfleete esse putatur in Thanato Cantii insula. Eam autem insulam novis advenis primum fuisse traditam, præter alias, Ninius et Malmesburiensis confirmant; simulque locum hunc Gildæ illustrant, eos “primum in orientali parte insulæ terribiles infixisse unguis,” asserentis. Ut enim in orientali Britanniæ plaga Cantium, ita in orientali Cantii parte Thanatos sita est.

Quid postea secutum, ita Beda<sup>x</sup> explicat: “Inito ergo certamine cum hostibus, qui ab aquilone ad aciem venerant, victoriam sumpsere Saxones. Quod ubi domi nunciatum est, simul et insulæ fertilitas, ac segnitia Britonum; mittitur confestim illo classis prolixior armatorum, ferens manum fortiorem, quæ præmissæ adjuncta cohorti, invincibilem fecit exercitum. Susceperunt ergo qui ad venerant, donantibus Britannis, locum habitationis inter eos; ea conditione, ut hi pro patriæ pace et salute contra adversarios militarent, illi militantibus debita stipendia conferrent.” Quod a Gilda Britanno, paulo acerius, sic est expressum: “Cui supradicta<sup>z</sup> genitrix, comperiens primo agmini fuisse prosperatum, ita mittit satellitum canumque prolixiorem catastam; quæ ratibus advecta, adunatur cum manipularibus spuriis. Inde german iniquitatis, radix amaritudinis, virulenta plantatio, nostris condigna meritis, in

<sup>w</sup> Galfrid. Monemuth. lib. 7. cap. 3.

<sup>x</sup> Bed. lib. I. histor. cap. 16.

<sup>y</sup> “Quinque Saxonum millia, cum uxoribus et liberis, octodecim Liburnicis delata e Germania, invitante Hengisto, in Britanniam venere. Cum his Hengisti conjux et Roxiena filia, virgo incredibili formositate;” Hect. Boeth. Scotor hist. lib. 8.

<sup>z</sup> *Barbara leæna Germaniaæ. Gloss. Gild. MS.*

nostro cespite ferocibus palmitibus pampinisque pullulat. Igitur intromissi in insulam Barbari, veluti militibus et magna (ut mentiebantur) discrimina pro bonis hospitibus subituris; impetrant sibi annonas dari; quæ multo tempore impertitæ, clauserunt (ut dicitur) canis faucem."

Pergit Beda: "Confluentibus certatim in insulam gentium memoratorum catervis, grandescere populus cœpit advenarum; ita, ut ipsis quoque qui eos advocaverant, indigenis essent terrori. Tum subito inito ad tempus foedere cum Pictis, quos longius jam bellando pepulerant, in socios arma vertere incipiunt." Quæ ne sine justitiæ aliquo colore suscipere viderentur; ἐπιμήνια<sup>a</sup>, sive stipendia menstrua, parce nimis atque ab indigenis sibi suppeditata causabantur. "Queruntur," inquit Gildas, "non affluenter sibi epimenia contribui, occasiones de industria colorantes: et ni profusior eis munificentia cumularetur, testantur se cuncta insulæ, rupto foedere, depopulaturos. Nec mora, minas effectibus prosequuntur." De his etiam et Abbo Floriacensis audiendus, in vita regis Edmundi, Anglo-Saxorum apud nos primordia hisce verbis explicans: "Acciti aliquando in Britanniam precario munere in perniciosum auxilium tres Germaniæ populi, hoc est, Saxones, Viti (sic enim habet meus MS. pro Juti) et Angli primum Britonibus interdiu fuere præsidii. Qui cum saepius bello laceressit se et suos defensarent fortiter (illi vero ignaviæ operam dantes quasi proletarii ad solam voluptatem domi residerent, fisi de invicta fortitudine stipendiariorum militum quos sibi conduxerant) ipsos miseros indigenas domo patriaque pellere deliberant. Factumque est: et, exclusis Britonibus, statuunt inter se dividere victores alienigenæ insulam bonis omnibus foecundissimam; indignum judicantes eam ignavorum dominio detineri, quæ ad defensionem suam idoneam posset præbere sufficientem alimoniam et optimis viris. Qua occasione inducti, orientalem ipsius insulæ partem, quæ usque hodie lingua Anglorum EAST-ANGLE vocatur, sortito nomine Saxones sunt adepti. Vitis et Anglis ad alia tendentibus, in quibus suæ sortis funiculo

<sup>a</sup> Hoc verbum habetur in eclogis Polybii de legationib. et apud veterem scholiastam 7. satyræ Juvenalis; ut ad eum notat P. Pithæus. opusc. pag. 772.

potirentur, ne esset cum sodalibus ullum de possessionibus litigium, quibus suppeteret amplitudo terræ ad regnandi emolumentum. Unde contigit, ut per regiones et provincias divisa, plurimis primum ducibus, deinde regibus sufficeret una eademque Britannia." Ita Abbo, in eo tamen lapsus, quod East-Angliam orientalium Anglorum patriam, ipso etiam reclamante nomine, non Anglis sed Saxonibus sortito obvenisse creditit.

Anno post adventum ipsorum "sexto, iniisse bellum Hengest et Horsam contra Wirthgernum in campo Egles-thrip: ibique interfectum Horsam, et Hengest cepisse regnum," scribit Fabius Ethelwerdus: anno CCCCLV. prælium hoc commissum fuisse, atque Horsa cæso Hengistum regnum iniisse, annales omnes Anglo-Saxonici consentiunt; ad quem annum, in annalibus etiam Asserio Menevensi attributis, ita annotatum legimus: "Bellum apud Cantiam in loco qui dicitur Ægelestrep contra Brittones et regem Brittonum Guirthevirnum; in quo cecidit Horsa. Et frater ejus Henegistus regnum suscepit cum filio Oisc apud Cantuarios;" et in Florentii Wigorniensis chronicō: "Hengest et Hors cum Wirtgerno Britonum rege in loco qui dicitur Ægelestrep pugnavere: et licet in ea pugna Hors occisus esset, Hengest tamen victoriam habuit; et post hoc cum filio suo Æsc regnare cœpit." Ninius, et Britannica<sup>b</sup> cum eo historia, prælium hoc a Vortimero Vortigerni filiō factum refert, post aliud ab eodem ad flumen Dervent gestum: "Primum recensens bellum super flumen Dervent. Secundum bellum super vadum quod dicitur in lingua eorum Episford, in nostra autem lingua Satheneghabail: et ibi cecidit Horsa, cum filio Guorthigirni cuius nomen erat Catigirnus."

Matthæus Florilegus<sup>c</sup> tria hic prælia distinguit. Unum apud flumen "Derewent: ubi Vortimerus victoriam adeptus, cœpit possessiones anissas civibus indigenis restituere, ipsosque diligere, ecclesias destructas restaurare, atque viros ecclesiasticos, præcipue religiosos hono-

<sup>b</sup> Galfrid. Monemuth, lib. 6. cap. 13.

<sup>c</sup> Flor. histor. ann. 454, et 455.

rare.” Alterum apud Aillesford: in quo vixit fuerit Vortimerus. Tertium denique, in quo Horsus et Catigirnus sunt interfecti. Derwentum autem flumen, non Eboracense illud hic intelligendum, sed Darentum Cantianum; a Darentford sive Dartford oppido illi apposito satis cognitum. Secundus ille locus, qui ab aliis Ægles-threp, in annalibus Saxonice Petroburgensibus Æglesford et hodie Ailesford dicitur: prope quem Catigirni, ut putatur, memoriæ positum saxeum cernitur monumentum, Keith coty house vulgo appellatum; neque Horsted procul dissitum, quod ab Horsa accepit nomen. Tertius locus qui Horso fatalis fuit, et Ninio Episford, Henrico Huntingdonensi Aeilstreu vel Estre est dictus, in orientibus Cantii partibus situs fuisse videatur; in quibus ad sua usque tempora Horsam, “occisum in bello a Britonibus, monumentum habuisse suo nomine insigne,” Beda<sup>d</sup> confirmat.

Atque hic etiam illud obiter notandum, eodem fere tempore iniisse hic Hengistum regnum suum, quo apud Francos Merovingorum primus regnare cœpit Childericus: de quo, ad annum CCCCLVI. Cæsar Baronius: “Liquet, ab hujus anni tempore, cum res Romanæ collapsæ essent, et Gothis negotium esset cum Suevis, Francos in Gallia suas firmasse sedes, regnumque stabiliisse Parisiis, Childerico regnante;” quanquam Jacobo Sirmondo<sup>e</sup>, patriarcharum saltem rerum multo quam ille erat intelligentiori, certius liqueat, Childerici filium et successorem Chlodovæum (quem Χλωθοῖο Agathias, Ludovicum Remigius Remensis in testamento suo, Chlothovechum in epistolæ<sup>f</sup> ad episcopos epigrapha, ipse sc appellat) “Francici regni fines adhuc angustos nec statos, devictis Romanis, subactis Alamannis, Gothis profligatis dilatavisse, sedemque Parisiis constituisse.” Childerici enim tempore “parvam rem regum regnique Francorum fuisse,” a scriptore etiam vitæ Gildæ<sup>g</sup>, ex bibliotheca Floriacensi a Johanne de Bosco

<sup>d</sup> Bed. lib. 1. histor. cap. 15.

<sup>e</sup> Sirmond. in Francorum regum catalogo, præfix. tomo 1. concilior. Galliæ.

<sup>f</sup> Ibid. pag. 176.

<sup>g</sup> Vit. Gilda, cap. 12.

editæ, est notatum. Quibus et Malmesburiensis<sup>h</sup> nostri illam, de communi utriusque gente sermone, observatiōnem libet adjicere : “ Naturalis lingua Francorum communīcat cum Anglis ; eo quod de Germania gentes ambæ germinaverint :” illa nimirum lingua, quam Franci Transrhenani terunt ; et qua Carolum magnum Francorum regem usum fuisse, ex vita ipsius paulo ante confirmaverat. Quamobrem, ut linguam Francicam Teudiscam appellat Nithardus<sup>i</sup>, et Teotiscam Frodoardus<sup>k</sup> : ita et Anglo-Saxoniam nostram Gregorius Ostiensis Teutonicam nominat ; de actis concilii Merciorum sub Offa rege habiti ad Hadrianum I. pontificem, cuius in Anglia legatus fuerat, ista referens : “ In<sup>l</sup> conspectu concilii clara voce singula capitula perlecta sunt ; et tam Latine quam Teutonice, quo omnes intelligere possent, dilucide reservata sunt.” Quo minus mirum videri nobis debeat, quod a Beda<sup>m</sup> proditum invenimus ; Augustinum et socios, conversionis Anglorum opus aggressos, “ accepisse, præcipiente papa Gregorio, de gente Francorum interpretes.”

Anno vero gratiæ CCCCLVI. ut habet Matthæus Florigalus, “ Horso defuncto, Saxones Hengistum fratrem ejus in regnum Cantiae sublimaverunt. Quo etiam anno ter contra Britones pugnasse legitur. Sed probitati Vor-timeri resistere non valens, ad insulam Thanet confugit ; ubi quotidie prælio navalی vexabatur. Tandem Saxones cymbas suas vix ingressi, relictis mulieribus et filiis, in Germaniam redierunt :” et ante eum Henricus Huntingdoniensis in libro historiarum secundo : “ Scripserunt quidam Hengistum, post imperfectum fratrem Horsum, in eodem anno ter contra eos pugnasse nec potuisse resistere probitati Gortimeri : sed semel ad insulam Tenet, semel ad naves fugisse, et pro his qui abierant in patriam misisse :” et ante utrumque Ninius Britannus : “ Guorthemir filius Guorthigirni cum Hengisto et Horso et illorum gente potenter pugnabat, et eos usque ad insulam

<sup>h</sup> Guil. Malmesbur. de gest. reg. Anglor. lib. 1. cap. 3.

<sup>i</sup> Nithard. histor. lib. 3.

<sup>k</sup> Frodoard. chronic. ad ann. 948.

<sup>l</sup> Histor. ecclesiast. Magdeburgensium ; centur. 8. cap. 9. col. 586.

<sup>m</sup> Bed. histor. ecclesiastic. lib. 1. cap. 25.

quæ dicitur Taneth expulit; illosque illic tribus vi-  
cibus conclusit, obsedit, percussit, comminuit, terruit.  
Ipsi itaque legatos trans mare usque in Germaniam  
miserunt, vocando ciulas cum ingenti numero bellatorum  
virorum et fortium: et postea pugnabant contra reges  
gentis nostræ. Aliquando vincebant, et dilatabant ter-  
minos suos: aliquando vincebantur, et expellebantur.  
Et Guorthemir quatuor bella contra eos avide gessit:”  
quorum postremum ab eo commissum “in campo juxta  
lapidem tituli, qui est super ripam Gallici maris (qui  
a lapide illo adhuc Stonar nomen retinet, in Thanato  
insula non procul a Rhutupino portu positus:) ubi Bar-  
bari,” inquit Ninius, “victi sunt, illeque victor fuit. Et  
ipsi in fugam usque ad ciulas suas reversi sunt, in eas  
muliebriter intrantes: ille autem post modicum intervallum  
temporis mortuus est.”

Anno enim sequenti, ut narrare pergit Huntingdoniensis,  
“regnante Leone imperatore (qui regnavit septemdecim  
annis) morbo periit flos juvenum Gortimerus: cum quo  
simul spes et victoria Britonum extincta est. Hengist  
igitur et Æsc filius suus receptis auxiliis a patria sua, et  
morte juvenis freti bello se præparant apud Creganford.  
Britanni vero quatuor phalanges maximas quatuor ducibus  
munitas fortissimis bello prostituunt. Sed cum ludum  
belli Britones inissent, numerum Saxonum majorem solito  
male ferebant. Recentes quippe, qui supervenerant, et  
viri electi erant: securibus et gladiis horribiliter corpora  
Britonum findebant. Nec tamen cesserunt, donec qua-  
tuor duces eorum prostratos et cæsos viderunt: tunc vero  
ultra quam credi potest perterriti, a Kent usque in Lon-  
doniam fugerunt; et nunquam in Cantiam postea gratia  
pugnandi venire ausi sunt.” Pugnam hanc ad Creccan-  
ford Cantii opidulum (ad Creccam sive Creiam fluvium  
non longe a Dartfordia positum, et Creiford hodie appellatum)  
anno CCCCLVII. quo Leo senior imperare cœpit,  
factam fuisse, etiam Fabius Ethelwerdus et Florentius  
Wigorniensis, una cum annalibus Saxonice Ecclesiæ  
Christi Cantuariensibus ac Petroburgensibus, confirmant:  
licet in aliis ad præcedentem annum, non ita recte, refe-

ratur. Anno<sup>n</sup> CCCCLXI. Hengistum auditio obitu Vortimerii, cum tribus millibus armatorum sibi sociatis in Britanniam advectum cædem hanc patrasse, in Scotichronico legimus, libro tertio, capite decimo quinto : “ Anno Domini CCCCCXI. (inquit ibi Fordonus) Hengistus auditio obitu Vortimerii, qui per venenum a sua neverca porrectum extinctus fuerat, cum tribus millibus armatorum sibi sociatis in Britanniam adactus est. Sed cum tantæ multitudinis adventus iterum Vortigerno in rege creato principibusque regni nunciatum fuisse, indignati valde cum illis constituant præliari. Quod cum Hengisto filia sua, Vortigerno injuste prius copulata, per internuncios patri clam indicasset ; ipse Hengistus gentem Britanniæ sub specie pacis prodere cogitavit.”

Britannorum jam aliam de Saxonibus narrationem a Ninio, licet non admodum eleganti sermonc, expositam hic adjungimus ; ut utriusque gentis historiæ a studiose lectore inter se conferri possint : “ Post mortem Guorthemir regis Guorthigirni filii, et post reversionem Hengisti cum suis turmis, fallax consilium hortati sunt ; ut dolum Guorthigirno cum exercitu suo facerent. At illi legatos ut pacem impetrarent miserunt, et ut perpetua amicitia inter illos fieret, et Guorthigirnus cum suis majoribus natu concilium fecerunt ; et scrutati sunt quid facherent. Tandem consilium omnibus fuit, ut pacem facherent : et legati Saxonum reversi sunt. Postea vero conventum adduxerunt : ut ex utraque parte Britones et Saxones sinc armis convenirent statutum est ; et amicitia firma adinvicem esset. Hengistus nequissimus omni familiae suæ jussit, quod unusquisque artavum<sup>o</sup> suum sub pede suo in medio ficonis sui poneret : et quando clamavero ad vos et dixero, Nemet eour saxes<sup>p</sup> ; cultellos vestros ex ficonibus<sup>q</sup> vestris educite, et in illos irruite, et fortiter contra resistite. Et regem illorum nolite occidere, sed eum ob causam filiae

<sup>n</sup> Ita et Mat. Florileg.

<sup>o</sup> Id est, *cultellum* ; Johan. Januens. in catholico.

<sup>p</sup> “ Quippe brevis gladius apud illos saxa vocatur. Unde sibi Saxo nomen traxisse putatur.” Theoderic. Engelhus. chronic.

<sup>q</sup> *Thecis* : quæ a Græcobarbaris etiam φικάρια appellantur.

meæ quam dedi illi in conjugium tenete: quia melius est nobis, ut ex manibus nostris redimatur. Et conventum adduxerunt, et in unum convenerunt: Saxones autem amicabiliter locuti sunt, et mente interim vulpeculi more agebant, et vir juxta virum socialiter sederunt. Et Hengistus, sicut dixerat, vociferatus est; et omnes seniores trecenti Guorthigirni regis jugulati sunt, ipseque solus captus et catenatus est: ac regiones plurimas pro redemptione animæ suæ tribuit illis; id est, Eastsex, Suthsex, et Middlesex."

Atque hinc Simon, in Abbendoniensium abbatum historia, prima Abbendoniæ suæ repetit initia: quam alii ejusdem loci cœnobitæ Constantinianis floruisse temporibus, et ante Anglorum adventum monachorum conventu celebrem fuisse tradiderunt. Quo figmento licet non sit veri multum similior ipsa hæc Simonis narratio; tamen ne quid hic etiam curiosus lector desideret, subjiciendam curavimus: "Eo tempore quo nequissimus Hengistus paganus apud Stanhengest tot nobiles consules et barones, id est, quadringentos et sexaginta, seductoria calliditate peremit; filius cujusdam consulis qui ibidem occubuit vix evasit, cui nomen erat Aben. Hic maximo timore percussus, ad quandam sylvam in australi parte Oxoniæ sitam pervenit; ibique cum feris, herbis et radicibus vitam ducens, multo tempore delituit. Cum autem aquam non haberet unde biberet; oratione facta, dedit ei Deus fontem, qui usque hodie ibidem cernitur. Cum audissent ergo homines provinciæ illius sanctitatem viri; confluebant ad eum, et ejus sermonibus multum proficiebant. Tunc construxerunt ei habitaculum et capellam in honore sanctæ Mariæ. Non ferens ergo vir ille sanctissimus hominum frequentiam, latenter recessit, et in Hiberniam profectus est; ibique bono fine in Domino quievit. Mons vero ubi vir ille manebat, et quem relinquebat, ex nomine ejus Aben-dun vocatur. Hic est mons qui juxta Bawbe sita est, juxta Pinnesgrave." Hucusque Simon.

Anno vero CCCCLXI. Hengistum, auditio obitu Vortimerii, "cum tribus millibus armatorum sibi sociatis in Britanniam advectum," viros illos quadringentos et sexaginta

jugulavisse, in Scotichronico legimus. Galfridus Moncymuthensis<sup>r</sup> trecenta millia armatorum Hengistum sibi associavisse narrat: atque in conventu illo, Kalendis Maiis juxta Ambrii cœnobium, haud longe a Sarisburia, habitu circiter quadringentos et sexaginta vel (ut alia habent exemplaria, quæ Johannes Timmuthensis quoque in vita S. Dubricii est secutus) quadringentos et octoginta barones et consules occisos; eorumque corpora a B. Eldado, Gloucestrensium episcopo, in vicino cœmiterio, Christiano more, postmodum sepulta fuisse subjicit. Guilielmus Caxtonus, et ejus vestigiis insistens Johannes Major<sup>s</sup>, cum quindecim hominum millibus, Britanniam ingressum esse Hengistum; et in monte illo juxta Sarisburiam MLXI. (vel MLX. ut habet Major) Britonum nobiles viros dolo Saxonas intremisse scribit. Johannes Hardingus<sup>t</sup>, Hengistum cum trecentis navigiis in Britanniam appulsum, quadringentos nobiles Britannos proditione sustulisse refert. Trecentos tantum, cum Ninio, numerat Guilielmus Malmesburiensis<sup>u</sup>. Nequc plures Britanniae principes ibi peremptos, ex Leidensi chronicō Vorperus Thaborita<sup>w</sup> et Cornelius Kenipius<sup>x</sup> referunt. Totidem quoque habet<sup>y</sup> Johannes Gerbrandus Leidensis: alibi<sup>z</sup> tamen inter eos, duodecim duces Britanniarum, quasi præcipuos recensens. Postquam enim totam Britanniam B. Germani opera ad cultum Christi secundo rediisse dixisset; “in eo Christianitatis cultu permansisse” eam addit, “usque dum Hengistus rex Frisiæ paganus et Aschus ejus filius duodecim<sup>a</sup> duces Britanniarum fere cum omnibus suis principibus et adiutoribus occiderunt. Et extunc totam Britanniam fidem Christi deseruisse” asserit: donec Gregorius Magnus per Augustinum et Mellitum Angliam ad baptismi gratiam

<sup>r</sup> Histor. Britanic. lib. 6. cap. 15. cum lib. 8. cap. 5. et 9.

<sup>s</sup> Major, de gest. Scotor. lib. 2. cap. 3. <sup>t</sup> Harding. chronic. cap. 68.

<sup>u</sup> Malmesbur. de gest. reg. lib. 1. cap. 1.

<sup>w</sup> Vorper. histor. Fris. lib. 1. cap. 8. <sup>x</sup> Kemp. rer. Fris. lib. 2. cap. 22.

<sup>y</sup> Johan. Leidens. chronic. Belgic. lib. 1. cap. 9.

<sup>z</sup> Id. lib. 2. cap. 1.

<sup>a</sup> Anno 465. Hengistum et Æscum filium ejus, ad Wippeds-flect commisso prælio, duodecim duces Britannorum occidisse, in Fabii Ethelwerdi, Florentii Wigorniensis, et Anglo-Saxonum chronicis legimus.

tertio revocaret. Ubi veteres Britannos et novos advenas Anglos non magis ille videtur distinxisse, quam Albertus Krantz**<sup>b</sup>**, qui Gregorium scribit “ primum Angliæ prædicatores immisisse; quum jam diu abolita esset in provincia religio Christi; quam Lucius quondam Britannæ rex ab Alexandro primo ejus nominis summo pontifice impetravit in insula prædicari.”

Christianam tamen religionem ab Anglo-Saxonibus hic dominantibns miserum in modum hoc tempore fuisse oppressam negari non potest : “ Clerum<sup>c</sup>, templa et omnia ad cultum divinum ordinata Engistus Paganus conculcat et perdit.” De qua calamitate jam tum imminente, Ambrosium Merlinum ita vaticinatum fuisse tradiderunt Britones<sup>d</sup>. “ Cultus religionis delebitur; et ecclesiarum ruina patebit:” verum statim subjecisse. “ Prævalebit tandem oppressa ; et sævitiae exterorum resistet.” Præsentia vero mala a Gilda veracissimo historico ita habemus expressa, stylo plane dithyrambico : “ Confovebatur, ultionis justæ præcedentium scelerum causa, de mari usque ad mare ignis, orientali sacrilegorum manu exaggeratus: (in orientali enim parte insulæ Saxones primas sedes posuisse jam ante dixerat:) et finitimas quasque civitates agrosque populans, non quievit accensus, donec cunctam pene exurens insulæ superficiem rubra occidentalem trucique oceanum lingua delamberet. In hoc ergo impetu, Assyrio olim in Judæam comparando, completur quoque in nobis secundum historiam, quod propheta deplorans ait, *Incenderunt igni sanctuarium tuum; in terra polluerunt tabernaculum nominis tui: et iterum, Deus<sup>e</sup>, venerunt gentes in hæreditatem tuam: co-inquinaverunt templum sanctum tuum, &c.* Ita ut cunctæ coloniæ crebris arietibus, omnesque coloni, cum præpositis ecclesiæ, cum sacerdotibus ac populo mucronibus undique micantibus ac flammis crepitantibus simul solo sterne-

<sup>b</sup> Krantz. metropol. lib. 1. cap. 6.

<sup>c</sup> Jo. Major, de gestis Scotor. lib. 2. cap. 3.

<sup>d</sup> Galfrid. Monemuth. lib. 7. cap. 3.

<sup>e</sup> Psalm. 74. (al. 73.) ver. 7.

<sup>f</sup> Psalm. 79. (al. 78.) ver. 1.

rentur: et, miserabili visu, in medio platearum una, turrium edito cardine avulsarum murorumque celsorum saxa, sacra altaria, et cadaverum frusta crustis ac sigillantibus<sup>g</sup> purpurei crux tecta, velut in quodam horrendo torculari mista viderentur; et nulla esset omnimodis, praeter domorum ruinas, bestiarum volucrumque ventres, in medio sepultura: salva sanctorum animarum reverentia, si tamen multæ inventæ sunt, quæ arduis cœli id temporis a sanctis angelis veherentur. Ita enim degeneraverat tunc vinea illa, olim bona, in amaritudinem; uti raro secundum prophetam videretur, quasi post tergum vindemiatorum, racemos vel spica."

Eadem sed contractius, ex Gilda repetit Beda: quorum hæc summa: "Ruebant<sup>h</sup> ædificia publica simul et privata; passim sacerdotes inter altaria trucidabantur, præsules cum populis sine ullo respectu honoris ferro pariter et flammis absuebantur: nec erat qui crudeliter interemptos sepulturæ traderet." His a se citatis Bedæ verbis Hector Boethius<sup>i</sup>, de Saxonum quodam decreto, a seipso, ut videtur, excogitato, præmittit ista: "Vetitum eo decreto, ne quispiam Britannici sanguinis in Albione extra Gualiae fines, post eum qui vicesimus ex eo foret dies, inveniretur: neve quis profiteretur Christi dogma, Christianove ritu sacra perageret; capitali pœna in edicto minus obtemperantes proposita. Eo prætereunte die, exercuere Saxones crudeliter pœnam in rebelles: cœperatque per procaces in utriusque sexus omnem ætatem, in regionibus quæ Saxonum cessissent nomini, cædes evagari. Sævitum immanissime in Christi sacerdotes, templa, cœnobia :" posteaque octavum historiæ suæ librum hac narratione claudit: "Passi sunt complures sub idem tempus antistites et sacerdotes, propter Christi nominis confessionem a Saxonum feritate in Albione (uti qui Britannicas res memoriæ prodiderunt, literis manda- verunt) constantissimis animis martyrium. Alii alio fu- gientes, secundioribus se rebus servaverunt: et inter eos Patricianus episcopus vita et disciplina insigni apud Con-

<sup>g</sup> al. *semigelantibus*, al. *sigillaribus*.

<sup>h</sup> Bed. histor. lib. 1. cap. 15.

<sup>i</sup> Boeth. Scotor. hist. lib. 8.

gallum Scotorum regem ; a quo prædiis et agris in Mona insula donatus, vitam plane Christiano dignam docendo et exhortando ad meliora peregit. Quievit is beatissimo fine, perspicuum cunctis exemplum, studiosam vitam Deoque optimo maximo semper acceptam relinquens, Conrano rege Scotis imperitante."

Hujus persecutionis, in anni CCCCLXII. historia, ita meminit Matthæus Florilegus : "Ecclesias et ecclesiastica omnia ad solum usque destruebant, sacerdotes juxta sua altaria trucidabant, sacras Scripturas igne concremabant, per sanctorum martyrum sepulturas cumulos terræ congerrebant." Eadem repetit Johannes Fordonus in Scoti-chronico : addita hac totius hujus tragœdiæ veluti catastrophe : "Viri religiosi et conjugati substantiam, conjuges, liberos et (quod majus est) libertatem relinquentes, exteras ac transmarinas petebant regiones. Nonnulli de miserandis reliquiis qui ab hac clade evadere poterant speluncas et memoria loca, quidamque borcales patres et quidam australes, Scotiam videlicet Walliam et Cornubiam, petierunt :" quæ Gildas, qui a calamitosissima illa tempestate proxime abfui, ita deplorat : "Nonnulli miserarum reliquiarum in montibus deprehensis acervatim jugulabantur. Alii fame confecti accedentes manus hostibus dabant in ævum servituri, si tamen non continuo trucidarentur, quod altissimæ gratiæ stabat loco. Alii transmarinas petebant regiones ; cum ululatu magno, ceu celeusmatis vice, hoc modo sub velorum sinibus cantantes : *Dedisti<sup>k</sup> nos tanquam oves escarum, et in gentibus dispersisti nos.* Alii montanis collibus, minacibus præruptis, vallatis et densissimis saltibus, marinisque rupibus, vitam suspecta semper mente credentes, in patria licet trepidi perstabant." Ex iis vero qui transmarinas petebant regiones quidam, ut Johannes Leidensis<sup>1</sup> innuit, (licet locus in libro edito sit depravatus) "fugientes venerunt ad terram Armoricæ dictam ; quam obtinentes nominaverunt Britanniam minorem, et illa Britannia nunc est ducatus Franciæ. Quidam autem alii Britones fugientes ad Hollandiam, atque

<sup>k</sup> Psalm. 44. ver. 11. al. Psalm. 43. ver. 12.

<sup>1</sup> Jo. Gerbrand. chronic. Belgic. lib. 1. cap. 13.

ad ostia Rheni fluminis ubi Rhenus intrat mare, prope Catwyck vela divisorunt: et ibidem castrum munitissimum construxerunt, quod Britton appellaverunt; vicinumque populum eis subjecerunt."

Hoc castrum idiomate Teutonico Die burch te Britten idem alibi<sup>m</sup> appellatum docet; quasi Brittenburgum sive Britonum castellum dixeris: eodemque sensu ab accolis Hollandis hodie Het huys te Britten, id est, Domus Britannica nuncupatur. In<sup>n</sup> Batavico litore ad medium Rheni ostium sita est arx ista: cuius hodie rudera tantum et fundamenta manent, marinis fluctibus et arenarum cumulis ita objecta, ut non nisi recedente maris æstu, et velhementiore vento continuatis flatibus litus nudante, conspi cienda se præbeant. Ejus ichnographia quadrata, ducentis quadraginta pedibus aquaaversum producta, justum duorum Romanorum jugerum spatium complexam fuisse demonstrat. Præsidiarium<sup>o</sup> enim Romanorum munimentum hoc fuisse, præter alia, veteres nummi, lapides, coctiles lateres imbricesque cum suis inscriptionibus in iisdem ruinis reperti dubitare nos non sinunt: quos in Bataviæ suæ capite decimo Hadrianus Junius, et in antiquitatum Batavicarum tabulario Petrus Scriverius spectandos nobis proposuit. Ut igitur castrum hoc a Britonibus constructum Johanni Leidensi concedere non possumus: ita a Romanis jam derelictum occupavisse illud Britones, vicinumque populum, quod ille retulit, sibi subjecisse, ne quasi quiddam incredibile existimetur, facit Procopii Cæsariensis a nobis jam productum testimonium<sup>p</sup>; qui Justiniani temporibus Brittiam, distinctam a Britannia nostra insulam, a tribus numerosissimis nationibus, "Anglis, Frisonibus, et qui idem cum insula habebant nomen Britonibus," habitatam fuisse scripsit. Si verum enim est quod ille ait, ex<sup>q</sup> adverso maxime ostiorum Rheni, in

<sup>m</sup> Jo. Gerbrand. chronic. Belgic. lib. 5. cap. 30.

<sup>n</sup> Arcem Britannicam a Romanis contra Britonum incursiones in litore extrectam affirmat Guil. Lindanus apud Baron. martyrolog. Roman. Octob. 21.

<sup>o</sup> Vid. Stephanum Vinandum Pighiumi, in Hercule Prodigio, pag. 45, 46.

<sup>p</sup> Supr. pag. 458.

<sup>q</sup> Καταντικρὺ τῶν τοῦ Ρήνου ἐκβολῶν μάλιστα. Procop. rer. Gothicar lib. 4.

oceano fuisse sitam: non alia quam Batavorum insula hæc esse poterit.

Neque de Frisonibus hic quicquam miri: quum non solum Plinii<sup>r</sup> et Taciti<sup>s</sup> ætate Frisos hic consedisse liqueat; sed posterioribus etiam temporibus Frisiæ partem et Trajectensem<sup>t</sup> provinciam habitam fuisse constet, et septentrionalem Hollandiam, quæ West-Frisiæ sive occidentalis Frisiæ nomen adhuc retinet, et Hollandiæ comitibus dominorum Frisiæ titulum olim dedit. Sed unde Angili vel Angli illi huc advenerint, videndum: “Magnam certe Anglorum copiam ex Britannia duce Hengisto in Frisiam trajecisse, ex annalibus notris intelligimus;” inquit Suffridus Petrus<sup>u</sup>. “Leidensem<sup>w</sup> quoque civitatem ab Hengisto filio (ut ille ait) regis Frisiæ, ex Britannia pulso, primo ad ripam Rheni fundatam,” ex annalibus refert Cornelius Kempius: “constructoque<sup>x</sup> castello ad orientem Rheni ripam, præsidem in eo constitutum Dibaldum Borchgravium, ut viatoribus passagium liberum præberet, et tutum negotiatoribus accessum et recessum præstaret; unde postea et civitas sumpsit nomenclaturam vulgari idiomate Leiden.”

Id Johannes Gerbrandus Leidae ipse ortus, plenius enarrat. Cum enim dixisset Hengistum<sup>y</sup> “collectis armigeris ex Saxonia inferiori (sive Frisia) patria sua, cum Sclavensibus id est Hollandensibus” in Britanniam trajecisse: quid ab ea exercitus parte factum, quæ patrias sedes iterum repetiit, ita explicat: “Cum<sup>z</sup> Saxones Frisones cum Sclavensibus, id est, Hollandensibus revecti fuissent cæteris ibidem dimissis; et jam non habentes opus præ manibus, nescirent quid agerent, et quo se verterent: perrexerunt pariter ad sylvam immitem, in manu forti, et ibidein apud cursum Rheni fluminis magnum castrum fundaverunt, quod nunc Leydis nominatum. In eodem ergo

<sup>r</sup> Plin. natur. histor. lib. 4. cap. 15.      <sup>s</sup> Tacit. lib. de Germania.

<sup>t</sup> Bed. histor. ecclesiastic. lib. 5. cap. 12.

<sup>u</sup> Suffrid. de origin. Frisior. lib. 2. cap. 11.

<sup>w</sup> Kemp. rer. Frisic. lib. 2. cap. 1.      <sup>x</sup> Ibid. cap. 21.

<sup>y</sup> Johan. Leidens. chronic. Belgic. lib. 1. cap. 9.

<sup>z</sup> Ibid. cap. 10.

Leydensi castro ordinaverunt, ex seniorum consensu, constitueruntque pro nemoris custodia quendam Burchgraviūm seu Castellanūm, virūm robustūm, cum animosis plērisque viris; ut idem Castellanus sive Burchgravius cum eis defenderet et secure duceret mercatores euntes et redeuntes ab illo castro ad castrum Wiltenborch et Slavenborch; et ideo dicebatur castrum illud Leyden, id est, ductio: "quod ipsum etiam de Pyrgo sive Burgo<sup>a</sup> illo ab Hengisto condito (ipsius enim Lugduni Batavorum oppidi structuram longe antiquiorem fuisse Ptolemæi et tabularum itinerariarum evincit authoritas) vulgata Hollandiæ chronica secuti, nostri quoque ævi viri<sup>b</sup> doctiores retulerunt.

Et quidem Hengistiani exercitus partem non exiguanam, "exterminatis dispersisque insulæ indigenis, domum recessisse," ex antiquioribus authoribus, Gilda<sup>c</sup> atque Beda<sup>d</sup>, didicimus. Sed cum patriam Hengisto non Frisicam illam, e Batavorum vicinia, sed Danicam jam assignavemus: quærendum an ille, eum Anglis suis, a Vortimero e Britannia, ut Britannica indicat historia, pulsus: an victor, fugientes Britannos insecutus, coloniam huc deduxerit, et novam arcem præsidiariam hic extruxerit quæ veteri ab eis occupato munimento semper immineret. Procopius enim tres istos populos, Frisicum videlicet indigenam, Anglicum et Britannicum advenas, non in unam coalusse rempublicam, sed suis quosque regibus subjectos fuisse significat: et a Brittenburgo non nisi duarum circiter horarum itinere distat Burgum illud, a quo Burggravii Leidenses nomen olim habuerunt; quod tamen non ab Hengisto, sed a Mandetho nescio quo (patre Lemanni regis Batavorum ejus nominis primi) conditum affirmat in Batavia sua Cornelius Haemrodius: ut de Philippo Cluverio, cui<sup>e</sup> Romanæ videtur esse structuræ, lapidibus

<sup>a</sup> De Burch.

<sup>b</sup> Janus Dousa, in oda 2. Lugdunens. Johan. Meurs. Athenar. Batav. lib. 1. cap. 15. Gotfrid. Hegenitus, in itinerario Frisio Hollandico. Vid. Hadrian. Jun. Batav. cap. 17. pag. 269, 270.

<sup>c</sup> Gild. epist. sec. 25.

<sup>d</sup> Bed. histor. lib. 1. cap. 16.

<sup>e</sup> Cluver. German. antiqu. lib. 2. cap. 36.

eamdem quam Brittenburgum specie præ se ferentibus vetustatem, et aliis, a quibus Normannorum<sup>f</sup> opus fuisse creditur, nihil dicam. Hac enim de re quisque quod volet sentiat, per me quidem licebit.

Britannos apud Plinium<sup>g</sup>, et Britannianos in notitia utriusque imperii, ad Brittenburgios illos trahit Abrahamus Ortelius<sup>h</sup>, ad Armoricanos Paulus Merula<sup>i</sup>. Verum Plinii Britanni<sup>k</sup>, sive Brianni potius, in Arebatium finibus ab illis fuerant quærendi: et in notitiarum libro, ut Pannonicianos a Pannonia, ita etiam Britannianos a Britannia nostra deduci quid vetat? Britannorum vero coloniam in Armoricam traductam, a Constantio quidem Chlоро significat Radulphus Niger in chrono, a filio ejus Constantino Magno Guielhelmus Malmesburiensis<sup>l</sup>, a Maximo tyranno Ninius<sup>m</sup>, Galfridus Moneimuthensis, Henricus Huntingdoniensis, Giraldus Cambrensis, Matthæus Florilegus, et posterioris ævi complures alii. Verum post Saxonum adventum hoc factum, neque solus neque primus Johannes Leidensis, sed et ante et post illum tradiderunt alii. In quibus et vetus est scriptor Armoricanus; qui Fracanum consobrinum Cotonii regis Britannici, cum filio suo Wingualoeo<sup>n</sup> (Winwaloco et Galnutio aliis dicto) e majore Britannia in Armoricam transmigrasse ostendens, de tempore Britannicæ coloniæ eo deductæ præmittit ista: “Britanniarum<sup>o</sup> soboles quondam ratibus ad istam devecta est citra mare Britannicum terram, tempore quo gens Barbara, dudum aspera in armis, moribus indiscreta, Saxonum maternum possedit cespitem. Tunc se chara soboles in istum conclusit sinum: quo loco, magnis laboribus fessa, ad horam consedit sine bello quieta. Interea miserorum qui paterna incolebantrura, peste fœda repente exorta, cater-

<sup>f</sup> Jo. Latius, in Hollandiæ descript. cap. 5.

<sup>g</sup> Plin. hist. nat. lib. 4. cap. 30.

<sup>h</sup> Ortel. thesaur. Geograph. voc. Britanni.

<sup>i</sup> Merul. Geograph. part. 2. lib. 3. cap. 31.

<sup>k</sup> Vid. Cluveri German. lib. 2. cap. 27.

<sup>l</sup> Mahmesbur. de gest. reg. lib. 1. cap. 1.

<sup>m</sup> Vid. supr. cap. 8. pag. 212. 214.

<sup>n</sup> At natum illum postea author narrat in Armorica.

<sup>o</sup> Vita S. Wingualoei, MS. in bibliotheca Cottoniana.

vatim absque numero et absque sepultura miseranda ster-  
nuntur corpora. Ex hac lue, magna ex parte antiqua de-  
solatur patria. Tandemque pauci et multo pauci qui vix an-  
cipitem effugissent gladium, aut Scoticam quamvis inimi-  
cam, aut Belgicam, natalem autem patriam linquentes,  
coacti acriter alienam petivere terram. Inter hos vir qui-  
dam illustris, spes proliis beatæ nomine Fracanus, Catonii  
regis Britannici viri secundum seculum famosissimi conso-  
brinus; cuius adhuc sacram in lumbis latebat semen. Iste  
igitur cum geminis natis, Weithnocho Jacoboque paren-  
teque eorundem Alba nomine quæ cognominatur Triman-  
nus Armoricanus (ubi tunc opacum adhuc sine clade audie-  
batur siluisse terræ spatium) rate conscensa aggreditur,  
enatato cum paucis ponto Britannico et Circio leniter  
flante, delatus est in portum qui Bracheus dicitur.” Cujus  
coloniæ Riovalum ducem fuisse, abbas Florentius<sup>p</sup> nobis  
indicavit; ita de illo scribens, “Principabatur in trans-  
marina sive majori Britannia, quæ modo dicitur Anglia;  
et postmodum, in copiosa navium multitudine ac manu  
valida, exteriorem sibi subjicit Britanniam.”

De tempore consentit et Eginhardus in annalibus, quos  
anonymos Hermannus comes Nuenarius, adulterino Adelmi  
Benedictini titulo prænotatos Marquardus Freherus emisit.  
“Cum<sup>q</sup> ab Anglis ac Saxonibus Britannia insula fuisset  
invasa, magna pars incolarum ejus mare trajiciens, in  
ultimis Galliæ finibus Venetorum et Coriosolitarum re-  
giones occupavit:” quod, illius vestigiis insistens, Pader-  
bornensis poeta latius explicavit; in secundo Carolini sui  
operis libro de Armorica gente canens similiter.

Insula cuius erat fœcunda Britannia dudum  
Patria: namque illuc habitabat tempore multo.  
Cumque novas Angli sedes sibi quærere vellent,  
Saxonesque simul hanc invasere feroce;  
Expulsi statim veteres cessere coloni,  
Maxima pars quorum fugiens mare transiit, atque  
Gallia qua fines habet extremos, ibi tandem  
Fluctibus Oceani quæ proxima viderat arva  
Detinuit: quibus in terris huc usque moratur,  
Indicium patriæ solo dans nomine prisæ.

<sup>p</sup> Florent. in vita S. Judoci; apud Surium, Decemb. 13.

<sup>q</sup> Annal. Francor. ann. 786.

Sic et author fragmenti<sup>r</sup> historiæ Francicæ, ex vetusta membrana Floriacensis cœnobii a Petro Pithœo editi ad annum DCCCCXVII. “ Juxta Normannos habitationem habent Britanni: qui pulsi a Britannica insula dudum a Saxonibus, eandem regionem quam modo incolunt sibi vindicantes, appellavere a sua gente Britanniam, quæ prius Cornu Galliæ dicebatur:” et Johannes Gobellinus<sup>s</sup>: “ Britanni ab Anglis ex insula pulsi, in continentem navigantes, inter Guascones et Nortmannos sedes sortiti sunt, in queis nomen et linguam retinuere; multis civitatibus occupatis, quarum una est Venetensis appellata:” ut Paulum Æmilium, Albertum Krantzium, Reinerum Reineccium, et alios recentiores omittam.

Pro quibus illud maxime facit, quod ante tempora Childerici I. (quem eodem prope anno cum Hengisto regnum iniisse ostendimus<sup>t</sup>) Britannorum Galliam incolentium nulla certa apud authores occurrat mentio. Dicit quidem Papirius Massonus<sup>u</sup>, in notitia utriusque imperii hæc verba haberi: “ Aletha civitas maritima Britanniæ Celticæ”: sed sefellit eum memoria. Neque causam afferunt alii, quare vel Βρετανοὺς<sup>w</sup> Dionysii Periegetæ, vel Britones<sup>x</sup> sive Brittones Juvenalis, Martialis et Ausonii, de minoris hujus magis quam de majoris nostræ Britanniæ incolis accipere debeamus. Childerico vero regnante Armorican<sup>“</sup> a Britannis possessam et Letaviam<sup>y</sup> dictam fuisse, in vita Gildæ quam ex Floriacensi bibliotheca Johannes a Bosco edidit; et “ Britannos de Biturica a Gothis expulsos fuisse, multis apud Dolensem vicum peremptis,” in Gregorii Turonensis<sup>z</sup> historia; et concilio Turonico primo anno CCCCLXI. celebrato “ Mansuetum<sup>a</sup> episcopum Britannorum interfus-

<sup>r</sup> Histor. Francor. scriptor. ab Andr. du Chesne edit. tom. 2. pag. 631.

<sup>s</sup> Gobellin. commentar. Pii II. lib. 3. pag. 156. et lib. 6. pag. 271. edit. Roman.

<sup>t</sup> Supra, pag. 472.

<sup>u</sup> Masson. descript. fluminum Franciæ, pag. 144.

<sup>w</sup> Vid. Camden. Britan. pag. 9. et 80.

<sup>x</sup> Vid. Eliæ Vineti comment. in Ausonii epigram. 107. et Mosellam, sec. 246.

<sup>y</sup> Letania perperam legitur in codice edito. Vid. supra, pag. 109.

<sup>z</sup> Gregor. histor. lib. 2. cap. 18.      <sup>a</sup> Tom. 1. conciliar. Galliæ, pag. 126.

isse et subscrispsisse; et Britannos<sup>b</sup> super Ligerim sitos," in Apollinari Sidonio disertis verbis legimus, cuius et ad Riothamum epistola<sup>c</sup> extat, quem Riothimum Britonum regem Jornandes<sup>d</sup> nominat, in qua Britannorum illorum mores graphicē describit: "Gerulus," inquit, "epistolārum, humili, obscurus, despicibilisque etiam usque ad dānum innocentis ignaviæ, mancipia sua, Britannis clam solicitantibus, abducta deplorat. Incertum mili est, an sit certa causatio: sed si inter coram positos æquanimiter objecta discingitis, arbitror hunc laboriosum posse probare quod objicit; si tamen inter argutos, armatos, tumultuosos, virtute, numero, contubernio contumaces, poterit ex æquo et bono solus, inermis, abjectus, rusticus, peregrinus, pauper audiri." Et de Brittia quidem Batavica, atque Britannia Armorica, ista dicta sufficient.

<sup>b</sup> Sidon. lib. 1. epist. 7.

<sup>c</sup> Id. lib. 3. epist. 9.

<sup>d</sup> Jornand. de reb. Getic. cap. 45. Vid. Sigebert. chronic. ann. 470.

## CAP. XIII.

De Fausto Britanno Semipelagianorum coryphæo, et conciliis Arelatensi atque Lugdunensi, quibus ille interfuit: de Gennadii quoque ecclesiasticorum dogmatum libello, et Lucidi Palinodia. De Gilda Albanio, Davide Menevensi, et Dubricio archiepiscopo. De Ambrosii Aurelianii regno, et rebus gestis. De Gelasii Romani et Johannis Alexandrini scriptis contra Pelagianos editis: et Romanæ septuaginta episcoporum synodi decreto. De Godelberto presbytero, Paulino, Gundleo, Cadoco et Winwaloco. De Nazaleodo et Arthurio Britannorum regibus; persecutione Saxonica, Gildæ Albanii et Cadoci Lancarvanensis exitu. De Iltuto, et ejus discipulis. De synodis Breviensi et Victoriana in Britannia habitis. De Badonico prælio, et nativitate Gildæ Badonici.

ANTE Saxonum in Britanniam adventum, in Galliis Faustum Britannum consedisse ostendimus<sup>a</sup>: qui Maximo primum in Lirinensis monasterii præfectura, deinde in urbis Reiensis episcopatu successit. Unde, in epistola ad ipsum Faustum, Apollinaris Sidonius: “ Precum<sup>b</sup> peritus insulanarum, quas de palæstra congregationis eremitidis et de senatu Lirinensium cellulanorum in urbem quoque, cuius ecclesiæ sacra superinspicis, transtulisti, nil ab abbe mutatus per sacerdotem: quippe cum novæ dignitatis obtentu, rigorem veteris disciplinæ non relaxaveris.” Et alibi<sup>c</sup> ad eundem:

---

Quæ gratia patrem  
Mansit Honoratum: fuerit quis Maximus ille,  
Urbem tu cuius monachosque, antistes et abbas,  
Bis successor agis.

Ita, in eucharistico ad Faustum, Sidonius; quod hoc ab eo concluditur voto:

Quicquid agis, quoctunque loci es, semper mihi Faustus,  
Semper Honoratus, semper quoque Maximus esto.

<sup>a</sup> Supra, cap. 11. pag. 394. 399.

<sup>b</sup> Sidon. lib. 9. epist. 3.

<sup>c</sup> Sidon. carm. 16.

Episcopus jam factus, cum Auxanio collega, Romanæ interfuit synodo, in anniversario Hilari pontificatus die sub finem anni CCCCLXII. habitæ: in<sup>d</sup> qua constitutum, ut apud Gallos concilia quotannis fierent, metropolitanis per Leontium Arelatensem episcopum<sup>e</sup> ad illa peragenda convocatis. Inter ea unum adversus eos qui, Augustini de prædestinatione doctrina perperam intellecta, fatali cui-dam necessitati res humanas subjecisse videbantur, in ipsa Arelatensi civitate est congregatum: in quo, sententiā synodi scripto explicandi cura Fausto est commissa. Id ipse in scripti illius præfatione ad Leontium (non Forojuliensem, uti putavit Baronius<sup>f</sup>, sed Arelatensem illum episcopum) ita affirmat: “Quod pro sollicitudine pastorali, beate papa Leonti, in condemnando prædestinationis errore, concilium summorum antistitum congregastis; universis Galliarum ecclesiis præstitistis. Quod vero ad ordinanda ea, quæ collatione publica doctissime protulisti, operam infirmis humeris curamque mandasti; parum ut reor tanto negotio, parum sanctæ existimationi vestræ consulustis, et me judicio charitatis, vos periculo electionis onerasti.” Ac demum ambiguis hisce verbis præfationem illam claudit: “In quo quidem opusculo, post Arelatensis concilii subscriptionem, novis erroribus deprehensis, adjici aliqua synodus Lugduncensis exegit.”

Hæc verba a fine totius operis huc fuisse translata, sine omni ratione, pronunciavit Severinus Binius<sup>g</sup>: quasi quicquam ad suminam rei interesset, sive in prologo legcrentur illa, sive in epilogo: “In fine,” inquit, “hujus commentarii et libelli ipse Faustus vel alias quis dolose addiderat hæc verba: ut scilicet aliquo fupo venditari posset, quasi scriptum de gratia et libero arbitrio commentarium duæ synodi recepissent et approbassent. Fraude hac animadversa, supra recensita verba prudenter meritoque inde sublata, et ante illud Fausti opus collocata sunt; ut sua qnæque tempori et auctoribus redderentur, neve Faustus simpliciores infauste decipere posset.” Hæc ille:

<sup>d</sup> Tom. I. Concilior. Galliæ, pag. 129, 130, 131, 134, 135.

<sup>e</sup> Vid. concil. Arelatens. II. can. 18.

<sup>f</sup> Baron. ann. 490. sec. 30.

<sup>g</sup> Bin. not. in concil. Arelatens. III.

huc inepte referens, quæ Cæsar Baronius<sup>h</sup> (ex cuius analibus suas is in concilia annotatiunculas eisdem pene verbis descriptsit) ad subscriptionem, quæ Fausti epistolæ ad Lucidum legitur apposita, cum aliquo saltem verisimilitudinis colore accommodaverat. Sed verba illa in fine prologi ad Leontium ambigua sunt, ut monui: quæ sic vel possent accipi, ac si ipsius Fausti opusculo concilium Arelatense subscriptississet, vel ita, ut post absolutum Arelatense illud concilium et subscriptionibus patrum firmatum, novi alii errores in proxima Lugdunensi synodo sint deprehensi, quorum detectionem ad finem operis attexere necessarium videretur.

Si priori modo verba illa accipias: accipienda simul erit Thomæ Malvendæ Dominican et (qui ejus expurgationem bibliothecæ patrum suam fecit) Johannis Mariae Brasi-chellani, pontificii palatii magistri, censura ista: "Neuti-quam<sup>i</sup> ullus ob id existimet ab utroque concilio approbatos tres (repone duos) libros Fausti de gratia: ut ipse mendaciter innuere videtur in praefatoria epistola ad Leon-tium episcopum Foro Juliensem;" vel Arelatensem potius, ut jam docuimus. Non extant quidem hodie conciliorum Arelatensis et Lugdunensis acta, ut quid de prædestinationis doctrina senserint certo possimus statuere: interim tamen in tot doctrina et pietate præstantes viros ita injurirosos esse nos non decet ut, unius versipellis vulpeculæ (eo enim nomine, nec injuria, Faustum notavit Baronius<sup>k</sup>) auctoritate freti, reliquiarum Pelagianæ hæreseos patronos eos fuisse credamus. Et ut rigidorem prædestinationis absolutæ prædicationem illi patres omnino non probave-rint: nihil tamen necesse est, ut cum Fausto totos in Se-mipelagianorum castra concessisse existimemus. Cum, ut hodie, ita illis etiam temporibus, nonnulli medium quan-dam semitam sint ingressi: in quibus præcipuum locum obtinet eruditus ille librorum de vocatione gentium auctor, quos vulgati libri Ambrosio Mediolanensi et Prospero

<sup>h</sup> Baron. ann. 490. sec. 16.

<sup>i</sup> Tom. 1. Indicis librorum expurgandorum, edit. Romæ ann. 1607. in censura tom. 4. bibliothecæ patrum.

<sup>k</sup> Baron. not. in martyrolog. Roman. Septemb. 11.

Aquitanico, alii conjectura ducti Hilario Arrelatensi (quem cundem cum Hilario<sup>l</sup> illo qui, una cum Prospero, Augustini contra Massilicenses causam egit fuisse opinantur) haud recte adscripserunt.

Lugdunensis ille episcoporum conventus occasione fortasse dedicationis ecclesiæ Lugdunensis, a loci illius antistite Patiente<sup>m</sup> tunc extractæ, factus est: in quo, cæteris hoc rogantibus præsulibus, Faustum celeberrimam concessionem habuisse, hisce verbis qui præsens cam audiit, in epistola ad eundem postea scripta testimonium dat Apollinaris Sidonius: “*Licet<sup>n</sup>* prædicationes tuas, nunc repentinæ, nunc cum ratio poposcisset elucubratus, raucus plosor audierim; tunc præcipue, cum in Lugdunensis ecclesiæ dedicatæ festis hebdomadalibus collegarum sacro-sanctorum rogatu exorareris ut perorares. Ibi te inter spiritales regulas vel forcenses medioximum quiddam concessionantem, quippe utrarumque doctissimum disciplinarum, pariter erectis sensibus auribusque curvatis ambiebamus; hinc parum factitatem desiderio nostro, quia judicio satisfeceras.” Neque alio videtur referendum, quod in vestusto codice conciliorum adnotatum legitur; “*De<sup>o</sup> libro ecclesiasticorum dogmatum*, qucm S. Patiens protulit.”

Circumfertur liber ille, tum falso Augustini<sup>p</sup>, tum Gennadii Massiliensis<sup>q</sup> presbyteri vero titulo prænotatus. Augustino eum tribuit non Gratianus solum, cum recentioribus; sed Rabanus Maurus etiam in fine libri quarti de universo, cui et integrum hoc scriptum inscrit: Gennadio vero, præter alias, Hadrianus<sup>r</sup> I. papa, (qui Massiliensem episcopum<sup>s</sup> illum appellat) Walafridus Strabus<sup>t</sup>, et Rathrannus<sup>u</sup> Corbeiensis monachus; in eo tamen lapsus, quod hunc cum alio ejusdem temporis et nominis, qui sedi Constantinopolitanæ præfuit, confuderit. Sic enim ille libro

<sup>l</sup> Vid. supr. cap. 11. pag. 398.

<sup>m</sup> Sidon. Apollinar. lib. 2. epist. 10.

<sup>n</sup> Id. lib. 9. epist. 3.

<sup>o</sup> Tom. 1. concilior. Galliæ, pag. 152.

<sup>p</sup> Tomo 8. oper. Augustin. app. pag. 75.

<sup>q</sup> Gennad. de ecclesiast. dogmatib. edit. Hamburg. an. 1614.

<sup>r</sup> Hadrian. respons. ad capitulare Caroli M. de imaginib. cap. 59.

<sup>s</sup> Episcopum etiam eum appellat Sigebertus in chronicō, ann. 490.

<sup>t</sup> Walafrid. de reb. ecclesiast. cap. 20.

<sup>u</sup> Et Cæsarius Heisterbachius, lib. 5. cap. 15.

tertio contra Græcos, nondum in lucem edito: “Gennadius Constantinopolitanus episcopus, vir multa lectione antiquorum peritus, in libro ecclesiasticorum dogmatum de Spiritu sancti processione sic loquitur.” In hujus libri capite vigesimo primo sententiam suam de gratia et libero arbitrio auctor ita explicat: “Libertati arbitrii sui commissus est homo statim in prima mundi conditione: ut, salva<sup>w</sup> vigilantia mentis admittente, etiam in præcepti custodia perseveraret; si vellet in eo quod creatus fuerat permanere. Postquam vero seductione serpentis per Eman cecidit, naturæ bonum perdidit pariter et vigorem arbitrii, non tamen electionem; ne non esset suum quod emendaret<sup>x</sup> peccatum, nec merito indulgeretur quod non arbitrio diluisset. Manet itaque ad quærendam salutem arbitrii libertas, id est, rationalis voluntas: sed admonente prius Deo, et invitante ad salutem; ut vel eligat vel sequatur vel agat occasione salutis, hoc est, inspiratione Dei. Ut autem consequatur quod elit, vel quod sequitur, vel quod occasione agit; Dei esse libere confitemur. Initium ergo salutis nostræ Deo miserante habemus: ut acquiescamus salutari inspirationi, nostræ potestatis est; ut adipiscamur quod acquiescendo admonitioni cupimus, divini est muneris; ut non labamur adepto salutis munere, solicitudinis nostræ est et cœlestis pariter adjutorii; ut labamur, potestatis nostræ est et ignaviæ.”

Quæ vero in eo capite et triginta proximis sequuntur, neque apud Rabanum habentur, neque in antiquis MSS. codicibus: utpote “ab erudito quodam et recentiore scriptore interjecta, propter errores aliquot præcedentium capitum:” quemadmodum in censura appendix tertii tomi operum Augustini Lovanienses theologi observarunt: ubi et “librum hunc non esse Catholici sciptoris” pronunciant: et “quædam habere a lectore cavenda.” Speciatim vero quod in vigesimo primo isto capite de viribus liberi arbitrii post lapsum relictis docetur, Johannes Soteallus Montidiensis<sup>y</sup>, Johannis Hesselii theologiæ apud Lovanienses

<sup>w</sup> Al. sola.

<sup>x</sup> Al. evitaret.

<sup>y</sup> Johan. Soteall. præfat. in opera Prosperi, edit. Lovan ann. 1565.

professoris regii judicium secutus, “ Pelagianæ hæreseos esse constare” asserit: ideoque “ libro huic, quoniam non satis Catholicus erat, studiosum quempiam” illa quæ diximus capitula subjecisse; quæ “ sic capiti vigesimo primo libri ejusdem ex professo repugnat, ut aliquantulum consideranti satis statim eluceat, non nisi ad ejus redargutionem fuisse annexa.” Quibus addenda et vetus illa quam, Lugdunensis<sup>z</sup> ecclesiæ nomine, de eodem Florus magister tulit sententia: “ Hominem absque laboris sui studio ad Deum pervenire non posse, non est Catholicum, sed Pelagianum. Invenitur in libello, cuius titulus est dogmatum ecclesiasticorum, quædam talis definitio: sed omnino (ut alia nonnulla in eodem libello) Pelagiani erroris est. Et ideo quicunque eum propter alia quædam utilia legit, cum hujusmodi ibi sensus invenerit, meminerit solicite apostoli dicentis: *Omnia<sup>a</sup> probate, quod bonum est tenete.*”

Et certe Gennadium Massiliensibus suis, qui ab Augustini doctrina discesserant, sese adjunxisse; libelli illi quibus Hieronymi chronicon, hæresein indiculum et ecclesiasticorum scriptorum catalogum continuavit, manifeste ostendunt. In appendice enim ad indiculum illum de hæresibus, novo Prædestinatiorum excogitato nomine, damnatos fuisse illos qui Augustini de prædestinatione sententiam sunt amplexi, alibi<sup>b</sup> declaravimus. Ut dubitandum non sit, ex ejusdem quoque appendice ad Hieronymianum chronicon (scripsisse enim Gennadium librum chronicarum, ubi Hieronymus dimisit, apud Bostonum Buriensem legimus) in breves illos annales qui falsum Tironis Prospere nomen præferunt notationem illam profectam fuisse, quam ibidem commemoravimus: “ Prædestinatorum hæresis, quæ ab Augustino accepisse dicitur initium, his temporibus serpere exorsa est:” præsertim cum in scriptorum<sup>c</sup> catalogo de Augustino scribat: licet “ ex multiloquio non effugerit peccatum, errorem

<sup>z</sup> Lugdunens. eccles. lib. adversus Johannem Seotum: tomo 9. bibliothec. patr. part. 1. pag. 1011. edit. Colon.

<sup>a</sup> 2 Thess. cap. 5. ver. 21.

<sup>b</sup> Hist. Gotteschale. cap. 2. op. tom. 4. pag. 26.

<sup>c</sup> Gennad. scriptor. ecclesiast. catalog. cap. 38.

tamen illius (sermone multo contractum, lucta hostium exaggeratum) nec dum hæresis quæstionem dedisse:" et Prosperum ibidem<sup>d</sup> insimulet, quod "opuscula Cassiani, quæ Ecclesiæ Dei salutaria probat, ille infamet ut nociva;" et hos ipsos Fausti libros suo quoque calculo ita approbet: "Edidit<sup>e</sup> opus egregium de gratia Dei, qua salvamur; et libero humanæ mentis arbitrio, in quo salvamur. In quo opere docet, gratiam Dei semper et invitare, et præcedere, et adjuvare voluntatem nostram; et quicquid ipsa libertas arbitrii pro labore piæ mercedis acquisierit, non esse proprium meritum, sed gratiæ donum."

At quantum fraudis in ista gratiæ prædicatione lateat, aperuerunt illi, qui ex ipso opere integrum Fausti de necessitate gratiæ et naturalibus liberi arbitrii viribus sententiam explicarunt: quod inter recentiores Alphonsus Alvarez<sup>f</sup> præstítit; audiendos esse negans, "qui Faustum inter patres referunt, cum non inter patres sed inter hostes gratiæ Christi sit computandus:" inter antiquos Johannes Maxentius<sup>g</sup>, qui suo quoque tempore nonnullos Faustum Catholicum conatos fuisse defendere speciatim monet, quod "primas partes non homini sed gratiæ Dei tribueret;" prolato eam in rem testimonio ipsius<sup>h</sup>, sententiam apostoli ita edisserentis: "Gratiæ<sup>i</sup> Dei, inquit, sum id quod sum. Primas partes soli gratiæ pie subjectis adscribit, media quæque laboris magisterio et obedientiæ deputat; utrumque in consummatione moderatus, gratiam laboremque conjungit. Non dicit, Ego sine gratia; aut, Gratia sine me: sed, Gratia Dei mecum." Verum eadem gratiæ acceptance homonyma, qua usus olim fuerat Pelagius, lectori fucum hic fecisse ostendit Maxentius: "Gratiæ," inquit, "cui hoc loco Faustus primas partes tribuit, non eam qua per Spiritum sanctum fit ut verbo Dei forinsecus intonanti assensum præbeamus et obedientes efficiamur, sed prædicationem divinorum asserit eloquiorum: ut videlicet gratiæ sit, quod nobis

<sup>d</sup> Gennad. scriptor. ecclesiast. catalog. cap. 84.

<sup>e</sup> Ibid. cap. 85.

<sup>f</sup> Alvarez. de auxiliis, lib. 1. disput. 2.

<sup>g</sup> Tomo 6. bibliothec. patr. pag. 380, 381. edit. Colon.

<sup>h</sup> Faust. de grat. et libero arbitrio. <sup>i</sup> 1 Cor. cap. 15. ver. 10.

divina eloquia prædicantur; nostrum autem sit, ut eidem prædicationi consentiamus:" quod etiam ipsius Fausti verbis hisce, ex libri primi capite vigesimo octavo (quod nobis de eum septimum est) proluetis confirmat: " Clamat voluntas: quia sola per se elevari nescit infirmitas. Ita Dominus [invitat volentem] attrahit desiderantem, erigit adnitentem. Quid est autem attrahere, nisi prædieare, nisi Scripturarum consolationibus exeitare, inerepationibus deterrire, desideranda proponere, intentare metuenda, judicium comminari, præmium polliceri?"

Itaque Gennadii illam de hoc Fausti opere prolatam sententiam, Romani Palatii magister Brasichellanus (sive Malvenda ille fuerit) bibliothecæ patrum tertium expurgans tomum, ita castigandam censuit: " Gennadius et Faustum et ejus opera laudat: sed nulla fides in his ei adhibenda; quod eo tempore quo ista seribebat, nimium Pelagianis addictus, eorum encomia celebrabat. Notissimum autem est, Faustum erroris Semipelagianorum antesignanum, et ejus scripta a saneta Romana ecclesia repudiari: ut tomo quarto, initio operum ejusdem annotabinius :" quod etiam variis testimoniis eo<sup>k</sup> in loco eum eonfirmasset, ita tandem concludit: " Ex his plene perspectum habeas, quam caute scripta Fausti sint tibi perlegenda; in quibus in errores multos Pelagiani dogmatis plerumque offendes. Si eos aves collectos inspicere; consule Joannem Maxentium in responsione ad epistolam Hormisdæ papæ ad Possessorem."

Similiter et Theophilus Raynaudus Jesuita: " Genadius<sup>l</sup> ex Cassiani et Fausti laudibus, Prosperi autem refectione, non obscure se prodit Semipelagianum." Et de ipso Fausto: " Faustum<sup>m</sup> laborasse errore Semipelagianorum quoad salutis initium, diserte asserit Petrus diaconus libro de incarnatione et gratia Christi, capite ultimo, et non posse eum nota illa eximi (quamvis subobscure plerumque errorem prodat, ac ita ut ægre teneatur) mihi videtur indubitatum, ex tam multorum illius avi Catholi-

<sup>k</sup> In censura tomī 4.

<sup>l</sup> Raynaud. defens. Valerian. cap. 7. sec. 5

<sup>m</sup> Ibid. cap. 3. sec. 6.

corum doctorum concitatione in Faustum. Ut proinde operam ludant recentiores qui pro Fausto pugnant, et eum usquequaque Catholicum fuisse tanto post tempore persuadere nituntur: decepti exilitate meriti naturalis quod respectu gratiæ admittit, et interdum vix nomine meriti dignatur, ob tenuitatem; ita ut non obstante aliquali illo merito, gratiam agnoscendam inculcans, eandem sincere asserere videatur." Et Bartholomæus Petrus Lintrensis<sup>n</sup>, in academia Duacena theologiæ professor primarius: "Constat certe doctissimis ecclesiæ patribus libros duos Fausti de gratia et libero arbitrio displicuisse ut subdole scriptos; sic ut cum verbis damnet hæresim Pelagii, ipsam artificiosis viis corroboret :" deinde de recentiorum quibusdam ea fraude circumventis, addit: "Imposuit sane calliditas Fausti Erasmo, qui libros illos duos publicavit, putans esse Catholici authoris: imposuit etiam alii, qui eos curans imprimi, titulum eis dedit opus insigne :" quorum prius illud a Johanne Molano, theologiæ in Lovaniensi academia professore, et pontificio librorum censore, accepit: qui, in præfatione ad opera Fulgentii, Fausti duos libros habere nos monuit, "ab Erasmo Roterodamo, cui calliditas Fausti imposuit, sub nomine Catholici scriptoris editos."

Pluribus quoque hac de re agit in annalibus suis Cæsar Baronius, causam totam ita demum determinans: "Non<sup>o</sup> est quidem, ut pro Fausto aliqua possit in ejus defensionem vel excusationem apologia elaborari, quem constat in universo orbe Catholico impugnatum." Et postea, "Quinam<sup>p</sup> autem colligantur ex Fausti duobus libris illis errores scriptis S. Augustini et sententiæ ecclesiæ Catholicæ adversantes; tu vide illos collectos a Maxentio in responsione ad Hormisdam Romanum pontificem, ubi in pluribus Faustus declaratur hæreticus. Videre namque est eundem Faustum in conventibus sanctorum patrum, ut Saul inter prophetas, prophetam et ipsum apparuisse, eadem cum illis sentientem: sed privatis postea scriptis

<sup>n</sup> Barthol. Petr. in Romanæ sedis definition. veter. de gratia Dei.

<sup>o</sup> Baron. ann. 490. sec. 33.

<sup>p</sup> Ibid. sec. 35, 36.

dolosa arte totam de justificatione hominis destruxisse sententiam; dum captiose videre volens pugnare contra Pelagium, Pelagio favisce compertus est. Ejusmodi plane erant Pelagianorum, immo et Pelagii ipsius, fallaces artes; dum videli volentes eam hæresim confutare, eandem firmitius stabilirent. Cum igitur Fausti sententiæ ubique ab ecclesia Catholica fuerit contradictum; videant quanto periculo quidam ex recentioribus, dum in Novatores insurgunt, ut eos confutent, a S. Augustini sententia de prædestinatione recedunt."

Addenda his est et antiquioris authoris, Adonis Viennensis episcopi, de Gennadii illo judicio et perverso Fausti dogmate, ab eodem producta sententia: "Faustus ex abbatte Lirinensis monasterii apud regium Galliæ episcopus factus, Pelagianum dogma destruere conatus, in errorem labitur: unde qui ejus sensus in hac parte Catholicos prædicant, sicut Gennadius de illustribus viris scribens, omnino errant. Ita enim liberum arbitrium tam Augustinus quam cæteri Catholicæ in Ecclesia Dei docent, ut illuminatio, virtus et salus illi a Christo, et per Christum, et cum Christo sit: Faustus vero iste ita liberum Christianum arbitrium docere conatur, ut illuminatio ejus, virtus et salus, non a Christo, sed natura sit. Contra hunc scribit lucidissima fide Avitus Viennensis episcopus, ejus redarguens errorem: similiter et Johannes vir eruditus Antiochenus presbyter." Hæc Ado Viennensis in chronicō: per Avitum, celebrem illum Viennensis ecclesiæ antistitem Alcimum Avitum intelligens; cuius adhuc ad Burundionum regem scriptum extat, quo Fausti ad benedictum Paulinum editam epistolam refutavit. De Johanne enim, quem non alium quam Maxentium hic accipimus, pluribus dicendum erit suo loco.

Ut a nostri vero temporis scriptoribus<sup>q</sup> notatum est, contra doctrinam S. Augustini, ejus nomine suppresso, libros hosce edidisse Faustum: sic a Maxentio quoque observa-

<sup>q</sup> Sixt. Senens. bibliothec. sanct. lib. 6. annotat. 252. Alphons. Alvarez de auxiliis, lib. 1. disput. 2. sec. 3. Johan. Lat. hist. Pelagian. lib. 2. fin. cap. 10. Gerard. Voss. hist. Pelag. lib. 4. part. 1. thes. 1. pag. 400.

tum illum fuit, doctrinæ Fausti “ ita contradixisse Augustinum, ut credas eum jam tunc non nisi contra scripta Fausti respondisse.” Augustini vero, in epistola ad Græcum diaconum, hunc in modum ipse Faustus meminit; “ In<sup>r</sup> scriptis sancti pontificis Augustini, etiamsi quid putatur apud doctissimos viros esse suspectum: ex his quæ damnanda judicasti, nihil noveris reprehensum.” Ejusdemque in scripto hoc præsente mentionem hanc facit per quam honorificam: “ Opus<sup>s</sup> naturalis legis in cordibns hominum fuisse conscriptum, beatissimus pontifex Augustinus doctissimo sermone prosequitur.” Aliis quoque ejusdem patris testimonii ad incautos decipiendos abusum fuisse, Facundus Hermianensis indicat: quæ in nostris libris non invenimus. Nam mutilum hoc opus ad nos pervenisse, ex Johannis Maxentii citationibus etiam animadvertisimus: qui non solum prioris libri vigesimum octavum caput illud numerat, quod nobis non nisi decimum septimum est; sed etiam “ caput ejusdem libri decimum quintum agens contra eos qui non generale sed speciale asserunt donum esse credulitatis,” commemorat, atque haec ex eo producit verba, “ non Augustino tantum verum etiam apostolo omnino contraria.”

“ Sed dicas quia non omnibus detur sed donum sit personale credulitas; et illis tantum credere suppetat, quibus Deus specialiter donavit ut crederent. Non ita est. Nam dum eam Dominus etiam ab incredulis exigit, omnibus insertam eam esse demonstrat. Cui autem etiam ipsa naturæ lege non suppetat credere, quando et dæmones credunt et contremiscunt?” quorum nihil in nostris habemus codicibus. Locus autem ille Facundi, ex libri contra Mutianum scholasticum initio petitus, sic se habet: “ Faustus Gallus in quæstione liberi arbitrii, male intellectis et incongrue adhibitis ipsius beati Augustini sententiis, fallebat et in assensionem sui erroris inducebat incautos: qui tamen a sanctæ memoriae Fulgentio Ruspensi detectus atque convictus est.” Nam præter illa Aviti et Johannis Antiocheni ab Adone commemorata scripta: Fulgentii

<sup>r</sup> Faust. epist. 2.

<sup>s</sup> Id. de grat. et libero arbitr. lib. 2. cap. 7.

quoque Afri legisse se testatur Isidorus “ de<sup>t</sup> gratia Dei et libero arbitrio libros responsionum septem, in quibus Fausto Galliae Regiensis urbis episcopo Pelagianæ pravitati consentienti respondens, obnittitur ejus profundam destruere calliditatem.”

Ad quam profundam calliditatem et illud referri poterit, quod non Semipelagianismo solum suo Arelatensis et Lugdunensis synodi velum prætexuerit, sed quod hac etiam prætensa specie ad suas partes Lucidum presbyterum (quem Nestorianum, sine ulla causa, Menardus<sup>u</sup> nominat) pelleixerit ; quasi nihil aliud quam ipsius synodicæ patrum sententiacæ explicationem scriptum a se editum contineret. Primo enim datis ad eum literis, et sex quibus subscriberet propositis anathematismis, Arelatensis, quæ tum agebatur, synodi censuram, ni faceret, interminatus, hominem terruit. Post habitum deinde et Arelatense et Lugdunense concilium libros illos suos (ut ex fine prologi liquet) de gratia Dei et humanæ mentis arbitrio absolvit : quorum sententia, certis quibusdam articulis comprehensa, velut in Lugdunensi recens statuta concilio, denuo Lucido est proposita, ut ad illius normam errores suos (prædestinatianos scilicet ; de quibus alibi<sup>w</sup> a nobis dictum) emendaret. Atque inde nata est illa Lucidi palinodia, episcopis viginti septem, sive, ut aliæ habent editiones, triginta aut uni et triginta directa : cuius locum initium : “ Correptio vestra salus publica, et sententia vestra medicina est. Unde et ego sumnum remedium duco, ut præteritos errores accusando excusem, et salutifera professione me diluam. Proinde, juxta prædicandi recentia statuta concilii, damno vobiscum sensum illum, qui dicit laborem humanæ obedientiæ divinæ gratiæ non esse jungendum.” Cum aliis articulis, non<sup>x</sup> tam ex superiore illa epistola quam privata auctoritate ad Lucidum Faustus scripserat, quam ex libris

<sup>1</sup> Isidor. Hispal. de scriptorib. ecclesiastic. cap. 14. al. 27.

<sup>u</sup> Claud. Menard. in notis ad Augustini opus imperfect. contra Julian. pag. 483.

<sup>w</sup> Histor. Gotteschale. cap. 2. op. tom. 4. pag. 26.

<sup>x</sup> Vid. Johann. Lat. hist. Pelagian. lib. 2. fin. cap. 13.

de gratia et libero arbitrio, quibus totius concilii sensum expressum a se fuisse comminisceretur, depromptis.

In memoriam enim hic revocandum est, quod de Fausto, sive Leontii sive totius Arelatensis concilii postulato opus illud se scripsisse significante, monendum hic censuit clarissimus Vossius: “Mandati<sup>y</sup> limites excedens, ea in libello suo inseruit, quibus Claudianus Mamertus, et alii præstantissimi viri qui synodo interfuerent, nunquam, puto, subscrispsissent. Sic enim prædestinatos refellit, ut in contrarium lapsus errorem, non obscure Semipelagianam defendat opinionem.” Et de concilio quoque Lugdunensi: “Minime<sup>z</sup> putamus subscripturum fuisse omnibus istis, quæ libro suo Faustus complexus fuit. Imo fortasse nec literis Lucidi, (etsi is scribere se dicat secundum recentia statuta concilii) calculum adjecisset: quandoquidem quæ fusius disserit Faustus, pene omnia hæc a Lucido paucis comprehensa videmus. Facilius tamen iis, ob ambiguatem verborum, qualemunque mantelum invenire est, quam libro Fausti.” Quod vero simul ibidem agnoscit, “Lugdunense concilium Arelatensis synodi anathematismos approbasse;” idque “ex præfatione Fausti apertius esse, quam ut negari possit”: ad doctissimi viri sententiam ea in re non possumus accedere; quum anathematismorum aliquorum in illa præfatione nulla omnino occurrat mentio; neque literis et anathematismis Fausti ipsum Arelatensem conventum unquam subscrispsisse adhuc constare arbitremur.

Johannes quidem Maria, Romani palatii magister, pro auctoritate sua rem totam ita definiit: “Sciendum<sup>a</sup> epistolam Fausti ad Lucidum presbyterum, approbatam tot episcoporum subscriptione in concilio Arelatensi, et epistolam Lucidi presbyteri ad episcopos congregatos in synodo Lugdunensi, quæ ambæ operi Fausti præmittuntur, sanas esse atque Catholicas, judicio duarum synodorum confirmatas.” Sed ignoravit ille, quod vidit Vossius, in epistola Lucidi summatim comprehensa fuisse illa, quæ fusius in libris de gratia et libero arbitrio sunt declarata:

<sup>y</sup> Voss. hist. Pelagian. lib. 1. fin. cap. 8.

<sup>z</sup> Id. lib. 7. part. 1. thes. 5.

<sup>a</sup> Ind. expurgator. Roman. in tom. 1. bibliothec. patr.

alias epistolam illam ut sanam et Catholicam non commen-  
dasset, qui de ipso Fausti opere hanc tulerat sententiam,  
“ Certissimum est Faustum fuisse Semipelagianorum ante-  
signanum, et scriptionem istam ejus multis Pelagianorum  
erroribus refertam.” Et quum alteram illam “ epistolam  
Fausti ad Lucidum presbyterum approbatam tot episco-  
porum subscriptione in concilio Arelatensi” commemorat;  
eorum non videtur numeravisse nomina, qui præter ipsum  
Faustum decem tantum sunt, vix pars eorum tertia quibus  
suam epistolam inscripsit Lucidus.

Neque vero dissimulavit Baronius<sup>b</sup>, quem ducem hic  
sive Malvenda sive palatii magister est secutus, Henricum  
Gravium professorem Lovaniensem (cui, ut<sup>c</sup> “ eximiæ pro-  
bitatis spectataeque eruditionis viro,” tumulum ipse posuit;  
quemque in rebus ad Pelagianam historiam pertinentibus  
apprime versatum fuisse, notæ quibus septimum Augustini  
tomum illustravit satis testantur) “ non esse legitimam  
subscriptionem illam ad epistolam Fausti” existimavisse:  
quam et irreptitiam fuisse, vel ipse præfixus titulus suspi-  
cionem cuivis injicere potuisset. “ Et subscrivserunt  
episcopi, qui ordine subsequuntur, qui in ea quoque syno-  
do adfuerunt.” Ubi, quum relativum illud cum antecedente  
contextu minus cohærere animadvertisset contaminator  
ille conciliorum Severinus Binius, novum hunc a se confic-  
tum titulum antiquioris illius loco supposuit, “ Ab<sup>d</sup> Arela-  
tensi concilio adjecta subscriptio et approbatio hæc est.”  
Qui Gallicana concilia postea edidit, titulum<sup>e</sup> prorsus præ-  
termittere maluit. Sed pro Gravio facit vetustus codex  
MS. bibliothecæ S. Galli; in<sup>f</sup> quo episcoporum subscrip-  
tiones nullæ extant: nisi illa fortasse ipsius Fausti unica:  
“ Item alia manu: Faustus exemplar epistolæ meæ relegi,  
et subscrpsi.” Atque ut maxime daremus, Faustum epis-  
copis aliis, ambiguitate verborum circumventis, ut epistolæ  
ad ipsos nihil attinenti nomina sua apponenter persua-

<sup>b</sup> Baron, not. in martyrolog. Roman. Septemb, 11.

<sup>c</sup> Franc. Sweert. Athen. Belgic. in Henr. Gravio.

<sup>d</sup> Tom. 2. concil. part. 1. pag. 633. edit. Colon. ann. 1618.

<sup>e</sup> Tom. 1. concilior. Galliæ, pag. 150. edit. Paris. ann. 1629.

<sup>f</sup> Henr. Canis. antiqu. lection. tom. 5. part. 2.

sisse: cur tamen toti Arelatensi synodo subscriptio ista tribueretur, nullam videmus rationem; cum et paucorum numero episcoporum ea sit, neque inter illos pauculos Arelatensis archiepiscopi, totius concilii præsidis, nomen uspiam compareat. Leontii, inquam, illius; cui "concilii summorum antistitum congregati, et erroris (ut ille vocat) prædestinationis in eo condemnati," præcipuam laudem in operis sui præfatione ipse Faustus tribuit.

Vidit hoc perspicacissimus Vossius<sup>g</sup>: sed Arelatensis ecclesiæ antistitum catalogo destitutus seipsum hic satis expedire non valuit: Ravennio quidem Æonium, et huic Cæsarium in Arelatensi sede successisse, statuerat pri-  
mum Cæsar Baronius<sup>h</sup>: sed quum Leontium hic desiderari postea animadverteret; eum<sup>i</sup> inter Æonium et Cæsa-  
rium collocavit, quem inter Ravennium et Æonium interponere debuisse. Æonium enim immediate Le-  
ontio successisse, ex Ruric<sup>j</sup> ad eundem Æonium no-  
viter ordinatum episcopum literis constat: quarum  
hoc est exordium, "Agnito<sup>k</sup> transitu sancto, et vene-  
rabilis apud me recordationis Domini mei decessoris  
vestri, Leontii; animo et mente confusus diu multum-  
que tristatus sum, quod et impedientibus peccatis meis  
tanto antistiti occurrere non merueram, et tali essem pa-  
rente privatus." Æonio deinde immediate successisse  
Cæsarium, non minus clare testatur in vita ejusdem Cæsa-  
rii discipulus ipsius Cyprianus, "Sanctus," inquiens,  
"Æonius episcopus clerum et cives aliquot alloquitur, ip-  
sosque rerum dominos per internuncios appellat; ut, pos-  
tequam ipse Domino volente decesserit, nullum alium  
quam Cæsarium sibi substituant :" quod ita quoque fac-  
tum fuisse narrat.

Quin et apud ipsum Baronium<sup>l</sup> Hilarie papæ habentur literæ anno CCCCLXIII. ad Leontium Arelatensem epis-  
copum datæ: agnoscitque idem<sup>m</sup>, Auxanum, qui primo  
loco Fausti epistolæ subscrisisse dicitur, eundem esse  
cum Auxanio episcopo qui anno præcedente, una cum

<sup>g</sup> Voss. histor. Pelagian. lib. 1. fin. cap. 50.

<sup>h</sup> Baron. ann. 441. sec. 13.

<sup>i</sup> Id. in appendic. tom. 10. ad ann. 441. et 453.

<sup>k</sup> Ruric. lib. 1. epist. 15.

<sup>l</sup> Baron. ann. 463. sec. 15, 16.

<sup>m</sup> Id. an. 490. sec. 25. cum ann. 462. sec. 7.

Fausto, Romanae Hilari papæ synodo adfuit. Ut mirandum sit Claudium Robertum<sup>n</sup>, qui in Arelatensium archiepiscoporum serie invertenda Baronum errantem est secutus, hic verum dicentem deseruisse, et Auxanium qui “interfuit concilio Lugdunensi, et subscripsit epistolæ Lucidi presbyteri,” illum fuisse tradidisse, quem anno **DXLIV.** in Arelatensi cathedra successorem habuit Cæsarium: si in eo tamen id mirandum, qui non solum hoc in loco epistolam Lucidi presbyteri ab epistola Fausti episcopi distinguere oblitus fuerit; sed etiam in ejusdem catalogi parte præcedente, inter Arclatenscs archiepiscopos Julianum Pelagianum, et quidem ante annum **CCCXLIX.** collocare nihil dubitaverit.

Exstat Apollinaris Sidonii ad Faustum epistola; in qua de scripto quodam bipartito ab illo edito suum hoc interponit judicium, “ Legimus<sup>o</sup> opus operosissimum, multiplex, acre, sublime, digestum titulis, exemplisque congesatum, bipartitum sub dialogi schemate, sub causarum themate quadripartitum. Scripseras autem plurima ardenter, plura pompose; simpliciter ista, nec argute illa nec callide: gravia mature, profunda sollicite, dubia constanter, argumentosa disputatoric, quædam severe, quæpiam blande, cuncta moraliter, lecite, potenter, eloquentissime. Itaque per tanta te genera narrandi toto latissimæ dictationis campo sequuntus, nihil in facundia cæterorum, nil in ingeniiis facile perspexi juxta politum.” Ad duos Fausti libros de gratia Dei, et humanæ mentis libero arbitrio, spectare haec contendit Cæsar Baronius<sup>p</sup>, quam vere, jam non dispuo, et tria de<sup>q</sup> libris illis ex hac Sidonii epistola observat: I. “ Faustum illos non omnibus communicasse: utique ex mala conscientia timentem, ut qui in eis essent laquei sub herbis latentes ab aliquo acuti ingenii viro et dogmatum callentissimo detecti, penitus dissiparentur. II. Sidonium, etsi virum pium et doctum, penetralia tamen rerum ecclesiasticarum adhuc juniorem haud fuisse perserutatum, quippe in sacris dogmatibus (ut paulo ante dixerat) adhuc tyronem. III. In Britanniam, ubi diu vi-

<sup>n</sup> Claud. Robert. in Gallia Christiana, pag. 18.

<sup>o</sup> Sidon. lib. 9. epist. 9.

<sup>p</sup> Baron. ann. 490. sec. 15.

<sup>q</sup> Ibid. sec. 13, 14.

guit dogma Pelagii," missos fuisse libros istos: quod ex his Sidonii verbis ille colligit, "Legi volumina tua, quæ Riochatus antistes ac monachus, atque istius mundi bis peregrinus, Britannis tuis pro te reportat."

Verum pronomen illud *TUIS* non dogmatis hic communione denotat, sed patriæ. Etsi enim Faustum Facundus<sup>r</sup> et ante eum alii<sup>s</sup> Africani episcopi, in synodica sua de gratia Dei et humano arbitrio epistola, Gallum appellant; et Africanus quoque episcopus Possessor in literis ad Hormisdam natione Gallum fuisse dicat: tamen ab ipsis Gallis externum eum fuisse habitum, vel illa jam dictæ epistolæ Sidonianæ conclusio satis ostendit: "Quocirca merito te beatissimum boni omnes idque supra omnes tua tempestate concelebrabunt: cuius ita dictis vita factisque dupliciter inclaruit, ut quandoquidem tuos annos jam dextra numera verit, (sic enim loquitur, quasi centesimum jam Faustus attigisset ætatis annum) sæculo prædicatus tuo, desiderandus alieno, utraque laudabilis actione decedas, te relicturus EXTERNIS, tua proximis."

Atque inde est, quod ipse Faustus in epistola<sup>t</sup> ad Felicem, patriciæ dignitatis virum, relegationis suæ meminerit; et in epistola<sup>u</sup> ad Ruricum, Lemovicensem episcopum, ita de se ipse scripserit: "Dum novos cives commercio charitatis acquirimus, dum de acquisitorum salute gaude mus; inter hæc positi bona, præsenti insultamus exilio, et patrem (lege patriam) nos non amisisse sed commutasse cognoscimus. Nam dum fideles famuli Dei in necessitatibus nostris bonitatem suæ devotionis exercent, sine sede propria possessores, sine possessione divites sumus:" et in alia<sup>v</sup> ad eundem, "Gratius ad vos, dum vobis de patria scribimus, qui nobis patriam in peregrinatione fecistis, qui indefessa liberalitate patriæ desideria temperastis: vim quandam divinæ justitiae, succendentibus sibi beneficiis, inferentes; ut quod intulerat ad castigationem, converteret ad honorem, conferret ad consolationem, mutaret ad requiem mentis, &c. nos vestro locupletaret obsequio, vos nostro

<sup>r</sup> Suprà, pag. 498.

<sup>t</sup> Faust. epist. 1. -

<sup>v</sup> Id. epist. 9.

<sup>s</sup> De quibus, capite sequente.

<sup>u</sup> Id. epist. 6.

ditaret exilio." Alcimus Avitus denique Viennensis episcopus, in epistola ad Burgundionum regem contra ipsum Faustum scripta, eum ortu<sup>w</sup> Britannum, habitaculo Reensem, disertis verbis fuisse asserit: e majore utique Britannia ortum; si, ut dictum est, et ante Saxonum in Britanniam adventum ad Gallos Faustus concesserit, et non prius in Armorican a Britannis deducta fuerit colonia, quam ipsorum patriam Saxones occupavissent.

Thomas Dempsterus in Scotorum numero illum reponit: eadem vanitate, qua illum et cum Fausto episcopo Fulgentii Ruspensis et cum Congello abate Columbani nostri præceptore eundem facit. De priore, in vita B. Fulgentii a discipulo ipsius conscripta, capite quarto, ita legimus: "Fuit tunc temporis episcopus quidam laudabiliter prædicandus, nomine Faustus; qui pro fide Catholica non longe a cathedra sua jussus fuerat relegari. De multis enim sacerdotibus hoc Hunericu tyranni persecutoris astuta malignitas ordinaverat; ut juxta patriam propriam peregrinationis incommodum sustinentes, ad negandum Deum facile flecterentur." Ubi Faustum hunc et Africatum episcopum fuisse significat, et laudabiliter prædicandum, et a Fulgentio patris loco habitum: ideoque longe diversum a Fausto illo, quem in capite vigesimo sexto episcopum Galliarum extitisce, et Pelagianis occulte favissce, et ne serperet virus ab illo sparsum, a Fulgentio detectum et refutatum fuisse, idem scriptor retulit. De abate, Notkeri Balbuli, in martyrologio suo ad V. Idus Junias memoriam S. Columbae celebrantis, verba hæc sunt: "Cum plurimos discipulos vel socios sanctitatis suæ pares habuisset: unum tamen, Comgellum scilicet, Latine Fausti nomine illustrem, præceptorem beatissimi Columbani, magistri Domini et patris nostri Galli, virtutum ac meritorum suorum quasi unicum, exemplo Isaac, reliquit hæredem."

Et fuisse quidem eum S. Columbani magistrum, Jonas etiam docet; de Columbanus, in vitæ ejus capite tertio, ita scribens: "Dedit operam ut monachorum necteretur societati, ac monasterium cuius vocabulum est

<sup>w</sup> Vid. Sirmon. notas ad Facund. pag. 562.

Benchor<sup>x</sup> petiit: in quo præsul virtutum ubertate cluebat B. Congellus, egregius inter suos monachorum pater; qui que et religionis studio, et regularis disciplinæ cultu, præcipiuus habebatur:” Ut omnino fallatur doctissimus Meursius<sup>y</sup>; qui in superiore illo Notkeri loco Congellum nomen proprium esse negat, et pro Græcorum syngello vel syncello accipiendum autumat. Inter S. Columbæ vero non discipulos numerandus ille (quippe educatus, ut in vita illius legimus, a S. Fintano in monasterio ipsius Cluain-Ædnech, in plebe Laiges<sup>z</sup>, posito in aquilonali Luginensium plaga juxta radices montis Bladini) sed socios. Si tamen Comgallus noster idem fuerit cum Congello illo; quem abbatem fuisse monasterii, quod Scotice dicitur Cambas, Adamnanus<sup>a</sup> significat. Nomen vero illius, non Faustum, sed Pulchrum pignus interpretati sunt alii. Ita enim de illo et Benchorensi cœnobio ab illo extruendo vaticinantem S. Patricium inducit Jocelinus<sup>b</sup>: “ Annorum sexaginta circulo completo, nascetur quidam filius vitæ, Comgallus nomine; quod interpretatur, pulchrum pignus: erit enim dilectus Deo et hominibus; atque ob morum meritorumque pulchritudinem intendens prospere procedet, et regnabit cum Christo inter ipsius pignora computandus. Ipse in loco luce præostenso ecclesiam sanctorum aedificabit; in qua innumera filiorum lucis et vitæ agmina Christi servitio mancipanda coadunabit.” Omninoque Fausti Reiensis episcopi et Comgalli Benchorensis ætate invicem collata appetet, prius vita decessisse Faustum quam in lucem editus fuerit Comgallus: ut Dempsterus istos inter se inepte admodum confuderit.

Quo tempore Reiensem episcopatum apud Gallos administravit Faustus, in Britannia claruerunt Gildas Albanius et Dubricius Cambrius. Gildam Badonicum, qui de Britanniae excidio epistolam scripsit toties a nobis laudatam, et Gildam Albanum in unum conflavit vitæ S. Gildæ scriptor, quem ex Floriacensis bibliothecæ veteribus mem-

<sup>x</sup> Vid. supra, cap. 6. pag. 160.

<sup>y</sup> Jo. Meurs. Gloss. Græco-Barbar. voc. Σύγκελλος.

<sup>z</sup> Læsiæ, in reginæ comitatu.

<sup>a</sup> Lib. 1. cap. penult.

<sup>b</sup> Jocelin. de vit. Patricii, cap. 98.

branis Johannes a Bosco in lueem edidit: quum unum ab altero distinguendum temporum ratio neeessario requirat. Albanii vitam habeo, a Caradoeo Lanearvanensi deserip-tam: quod rude illud distiehon ad scripti caleem adjectum indieat :

Lancarbanensis dictamina sunt Caratoci :  
Qui legat emendet, placet illi compositori.

Is, de juvenis in Galliam susepto itinere et in Britanniam reditu, tradit ista: “ Transfretavit<sup>c</sup> mare Gallium, in eivitatibus Galliae remansit, studens optime spatio septem annorum: et in termino septimi anni, eum magna mole diversorum voluminum, remeavit ad majorem Britanniam. Audita fama famosissimi advenæ eonfluxerunt ad eum scholares undique. Audierunt ab eo septem disciplinarum scientiam subtilissime: unde ex discipulis magistri effecti sunt sub magistrali honore. Religio sapientissimi doctoris magnificeabatur et collaudabatur intantum a Britannigenis omnibus, quod nee par ei inveniebatur nee poterat inveniri, pro suis meritis excellentibus.” Deinde hæc de prædieatione ejus subjeicit: “ Prædicator erat elarissimus per tria regna Britanniæ. Reges timebant timendum: eui obediebant, audita aeeptabili sua prædieatione. Prædiebat omni Dominiea die apud maritimam ecclesiam quæ stat in Pepidiaue regione, in tempore Trifuni regis; innumerabili multitudine plebis illum audi-ente. Et dum ineiperet prædieare, retenta est vox prædieationis in prædieante.” Est autem Pepidiaue Pembro-ehiensis eomitatus promontorium, a Cambro-Britannis Cantred Dewi, ab Anglis Saint David's land appellatum; quod natus ibi fuerit S. David, eodemque Meneviam sedem archiepiscopalem transtulerit.

David hie Arthuri regis avunculus, Saneti (filii Cereti regis, qui Ceretieæ<sup>d</sup> provinciæ nomen dedisse dieitur) et Nonnitæ eujusdam filius fuisse perhibetur. Quum mater vero infantulum in utero ferret, “ Contigit,” inquit in ejus vita Giraldus Cambrensis, illam a Lanearvanensi eœptam

<sup>c</sup> Vid. Andr. Saussayi martyrolog. Gallican. pag. 83.

<sup>d</sup> Cardigan.

narrationem pertexens, “ ut ecclesiam quandam in loco sitam cui nomen Cair morva, id est, urbs maritima vel castrum, orandi gratia more consueto mulier intrasset; in qua doctor egregius Gildas sermonem tunc forte ad populum faciebat. Qua ingressa, statim obmutuit: adeo ut nec unum prædicationis verbum amplius enunciare valuerit. Interrogatus autem a populo cur ita diutius interrupto sermone taceret, respondit: Ego quidem communī loquela vos alloqui possum: prædicare vero, nescio quo eventu, nullatenus possum.” Ex quibus corrigendus est Alanus de insulis, qui Merlini illud vaticinium exponens, “ Prædicator Hiberniæ propter infantem in utero crescentem obmutescit,” post Augustini in Angliam adventum, quem plus centum annis nativitate Davidis posteriorem fuisse constat, hoc factum retulit: “ Sanctus David,” inquit, “ Britonum Walensium archiepiscopus, dum adhuc in materno utero clauderetur, et die quadam prædicator Hiberniæ, qui cum Augustino a B. Gregorio in Angliam missō venerat et ab eodem Augustino in Hiberniam missus fuerat, verbum Dei populo prædicaret; superveniente matre sancti David, repente obmutuit. Qui postmodum resumpto usu loquendi, cum spiritu prophetiæ, instar Zachariæ patris B. Johannis, prophetavit: et dixit mulieri illi, magni meriti fore puerum quem gestabat, et excelsum in verbo gloriæ; et cui ipse merito cedere, ut poterit meliori, deberet et quasi obmutescere.” Quomodo vero Hiberniæ prædicator habitus fuerit Gildas, suo dicendum erit loco.

Neque enim Patricius noster hic intelligendus venit: quem totis triginta ante natum Davidem annis, relicta valle Rosina sive Menevia, in Hiberniam concessisse, ex Ricci-marchio, Guilielmo Malmesburiensi<sup>e</sup> Giraldo Cambrensi et Johanne Tinmuthensi, S. Davidis vitam enarrantibus, cognoscimus; indeqnc etiam subducto calculo, sub annum CCCXLII. Davidem in lucem fuisse editum colligimus. Baptizatum vero “ in loco qui Port-cleis appellatur (qui prope Meneviam positus, nomen adhuc retinet) a Relveo Menevensium episcopo, qui divina providentia eadem illuc

<sup>e</sup> In lib. de antiquitate ecclesiæ Glaston.

hora de Hibernia venerat," scribit Giraldus: de loco in quo nutritus est, hæc etiam subneetns: "Puer nutritus est in loeo qui Vetus Rubus dicitur: qui et Cambrice Hen-meneu, Latine vero vetus Menevia vocatur. Sortitus est autem locus hic nomen ab Hibernieo *Munj*, quod et Rubus sonat: unde et Kil-muni Hiberniee adhue hodie ecclesia Menevensis appellatur. Puer itaque crescebat, gratia plenis: literarumque addictus studiis, supra coætaneos perspicacis ingenii velocitate proficiebat." Alius vitæ Davidis scriptor: "Puer Christi in loco qui dicitur vetus Rubus nutritus, creseebat jugiter in gratia et virtute, amabilis Deo et hominibus, ibique literis traditur, et eeclesiastio servitio informatur."

Porro Gildam, ut ad eum jam revertamur, annos natum triginta in Armoricam a Britannis tune possessam, Childerico Merovei filio Francis imperante, concessisse refert liber<sup>f</sup> Floriacensis: et primo quidem in insula quæ in Reuvissi pagi prospectu sita est aliquandiu substitisse, et vicinorum liberos magisterio et doctrinæ ipsius communendatos erudiisse; dcinde vero in eontinentem trajeeisse, ibique monasterium ad quoddam castrum in monte Reuvissi in prospetu maris situm, et parvum<sup>g</sup> oratorium super ripam fluminis Blaveti, ad quod, ubi in maris sinum se infundit, ejusdem nominis oppidum cernitur, sub quadam eminenti rupe construxisse. Denique "a<sup>h</sup> fratribus rogatum religiosis, qui ad eum e Britanniis venerant, post decem annos ex quo inde reeesserat, scripsisse epistolarem libellum; in quo quinque reges ipsius insulae redarguit, diversis sceleribus atque criminibus irretitos." Ubi epistolaris libri scriptorem cum eo qui Childerici tempore venit in Galliam eonfundit, errore manifesto: quum Childerio regnante auctorem illius epistolæ nondum natum fuisse eonstet: quippe qui annum obsessionis montis Badonici (de quo postea) eundem et suæ nativitatis fuisse profiteatur: unde et Badonici eognomentum, quo a Gilda (de quo nunc agitur) Albanio distingueretur, a nonnullis illi datum est.

Dubricii matrem Eurdilam finisse aiunt, filiam Peibani

<sup>f</sup> Vit. Gild. cap. 12. in bibliotheca Floriacensi Johan. a Bosco.

<sup>g</sup> Ibid. cap. 13.

<sup>h</sup> Ibid. cap. 15.

reguli cuiusdam Cambriæ. “ Quis vero pater ejus extiterat, ignoratur: quidam idecirco erroneous eum patre carere mentiuntur;” inquit Johannes Timmuthensis. Alius regem Erchyng, Pepiau nomine, ex Warwicensis collegii chronicis patrem illi assignat: “ Crevit illius fama (ut vitæ scriptorem loquentem audias) cum utriusque legis novæ et veteris peritia per totam Britanniam; ita quod ex omni parte totius Britanniæ scholares veniebant. Non tantum rudes, sed etiam viri sapientes et doctores ad eum studendi causa confluebant: in primis sanctus Theliaus, Samson discipulus suus, Ubelinus, Merchiguinus, Elguoredus, Gunuinus, Longual, Arthodu, Longur, Arguistil, Junabin, Condbram, Gorvan, Guernabin, Jovan, Elheharn, Judnon, Curdocui, Aidan, Cinvarch: et cum his mille clericos per septem annos continuos in podio Hentlan super ripam Guy in studio literarum divinæ sapientiæ et humanae retinuit; exemplum eis præbens in semetipso religiosæ vitæ et charitatis perfectæ. Et per aliud spatium in nativitatis suæ solo, id est Miserbdil, eligens locum unum in angulo illius insulæ opportunum sylvis et piscibus super ripam Guy, cum suis innumerabilibus discipulis mansit, per plures annos regendo studium: nomen loco imponens Moch-rhos Britannice, id est, Porci locus; quod in somnis admonitus est, ut ibi habitaculum et oratorium fundaret, ubi scropham albam cum poreis cubantem reperit.” Warwicum, ut scribit Johannes Rossus, “ veniens sedem habuit episcopalem ubi nunc castrum Warwici situm est; ecclesiamque in honorem B. Mariæ condidit, quæ usque dies nostros apparuit;” licet ejus extractionem Rogero, secundo e Normannico sanguine Warwici comiti, Camdenus attribuat. Landavenses, ut alibi<sup>i</sup> ostendimus, Dubricium suum archiepiscopum fuisse gloriantur: alii urbis<sup>k</sup> legionum archiepiscopum constitutum ferunt ab Ambrosio Aurelio; de cuius regno, et re adversus Saxones bene gesta, ut aliquid dicamus locus jam postulat.

Saxonici exercitus partem non exiguum, vastata Britannia, domum rediisse; ex Gilda et Beda in superiore

<sup>i</sup> Supr. cap. 5. pag. 102.

<sup>k</sup> Ibid. pag. 94.

capitel<sup>1</sup> est dictum: “ At ubi hostilis exercitus, exterminatis dispersisque insulæ indigenis domum reversus est, cœpisse et illos paulatim vires animosque resumere, emergentes de latibulis quibus abditi fuerant:” Beda<sup>m</sup> narrat, et, quem ille secutus est, Gildas: “ Tempore,” inquit, “ interveniente aliquanto, cum recessissent domum crudelissimi prædones, roboratæ a Deo reliquiæ, quibus confugiunt undique de diversis locis miserrimi cives tam avide, quam apes alveario procella imminentे, simul deprecantes eum toto corde et (ut dicitur) innumeris onerantes æthera votis, ne ad internacionem usque delerentur; duce Ambrosio Aureliano viro modesto (qui solus forte Romanæ<sup>n</sup> gentis tantæ tempestatis collisione occisis in eadem parentibus, purpura nimirum indutis, superfuerat; cuius nunc temporibus nostris soboles magnopere avita bonitate degeneravit) vires capessunt, victores provocantes ad prælium, queis victoria, Domino annuente, ex voto cessit.”

Ante Saxonum adventum clariusse Ambrosium hunc significavit Ninius: Vortigerni regis historiam sic exorsus: “ Guorthigirnus regnavit in Britannia: et dum ipse regnabat, urgebatur a metu Pictorum Scotorumque, et a Romanico impetu, necnon et a timore Ambrosii. Interea venerunt tres ciulæ a Germania in exilio pulsæ: in quibus erant Hors et Hengist:” et ab ipso horum adventu initium regni illius deducit Sigebertus: ad annum Christi CCCCXLVI. ista adnotans: “ A Germania Angli Britanniam veniunt, eamque ab hostibus tutam faciunt esse: non multo post eam sibi vindicant. Ambrosium Aurelianum sibi Britanni regem statuunt: ejusque ductu per annos quadraginta quinque vario belli eventu, contra Anglos confligunt:” quo temporis curriculo completo, anno CCCCXCI. “ Britanos, non valentes amplius ferre virtutem Anglorum, ut vicos concessisse in jus et nomen eorum,” contra Britannicæ historiae fidem narrat. In chronologica appendice, cuius jam<sup>o</sup> me minimus, ad Ninium adjecta, a regno Guorthigerni usque

<sup>1</sup> Supra, pag. 479.

<sup>n</sup> Vide supr. pag. 87. et 127.

<sup>m</sup> Bed. lib. 1. hist. cap. 16.

<sup>o</sup> Supra, pag. 460.

ad discordiam Guitolini sive Vitaliani et Ambrosii, quæ prælio Guoloppino causam dedisse dicitur, anni duodecim numerantur.

S. Germanum et Lupum, “consentiente rege Ambrosio, Aurelio et omni clero, Dubricium archiepiscopum consecravisse,” affirmat in ejusdem Dubricii vita Johannes Tinmuthensis: *juxta quam rationem, anno CCCCXXX.* regnavisset ille in Britannia. Henricus Huntingdoniensis<sup>p</sup> anno septimo adventus Saxonum in Angliam, qui illi est Christi CCCCLVI. in prælio apud Aeilestreu commisso, primam aciem Ambrosium Aurelianum, duas reliquias Vortigerni filios Gortimerum et Catigernum duxisse scribit. Ipsum quoque Vortigernum, post filii Gortimeri sive Vortimeri mortem regni Britannici gubernacula resumentem, incendio ab Ambrosio sublatum fuisse Galfridus Monemuthensis<sup>q</sup> retulit: quod Matthæus Florilegus anno CCCCLXVI. factum notat; in anno demum CCCCXCVII. regnum Ambrosii simul cum vita terminans. Hector Boethius<sup>r</sup>, anno CCCCXCVIII. Britannorum regno admotum, septem<sup>s</sup> pene annos illud gessisse scribit. David Pouelus, in Britanicorum regum catalogo, novemdecim regni annos illi tribuit: ab anno CCCCLXXXI. eos inchoans, et in anno quingentesimo, (quod a Georgio Buchanano<sup>t</sup> etiam factum) eosdem finiens.

De Odobogare sive Odoacre Herulo, anno CCCCLXXVI. Italiæ regno potito, in vita S. Severini, qui Noricis evangelium annunciat, ab Eugypio abate descripta, ista, legimus: “Odobogar<sup>u</sup> rex sancto Severino familiares litteras dirigens, si qua speranda duceret dabat suppliciter optionem; memor illius præsagii, quo eum expresserat quondam regnaturum. Tantis itaque Sanctus alloquiis invitatus, Ambrosium quendam exulantenem rogat absolvi. Cujus Odobogar gratulabundus paruit imperatis.” Hunc

<sup>p</sup> Henr. Huntingd. hist. lib. 2. vide supra, pag. 472.

<sup>q</sup> Vide supra, cap. 12. pag. 440.

<sup>r</sup> Boeth. hist. Scotor. lib. 8.

<sup>s</sup> Id. lib. 9.

<sup>t</sup> Buchanan. rer. Scoticar. lib. 5. in rege 44.

<sup>u</sup> Eugyp. vit. Severin. cap. 32. a Velsero edit. Augustæ Vindelic. an. 1595.

nostrum fuisse Ambrosium putavit Baronius<sup>w</sup>, ad annum CCCCLXXVII. ita de illo scribens : “ Hic purpuram quidem assumpsisse, non<sup>x</sup> autem nomen imperatoris, reperitur : ipseque primus id tentavit, ut Gilda testatur, non autem et parentes, ut legitur apud Bedam<sup>y</sup>, qui sub Zenonis imperio hæc contigisse tradit, sicut et Ado in chronicō ; licet quoto anno ipsius Zenonis id acciderit, nemo prodat. Nos hoc anno posuimus, sequenti nimirum a liberatione Ambrosii ab exilio sub Odoacre : si hunc eundem cum illo Ambrosio esse velimus ; quod ut opinemur, multa persuadent.” Cum nihil tamen in tota hac narratione occurrat, quod prudenti cuiquam hoc persuadeat ; præter unum Ambrosii nomen, quod illi cum multis aliis commune fuisse constat.

Quod enim ipsum Ambrosium Aurelianum, non parentes illius, purpuram in Britannia sumpsisse asserit, mendosæ Gildæ editioni a Polydoro Vergilio procuratæ illud debet ; in qua, pro indutis (quod nos ex manuscriptis Gildæ exemplaribus, lectioni Bedæ congruenter exhibimus<sup>z</sup>) indutus legitur : cuiusmodi vitium in Bedæ quoque chronicon, quo Paulus diaconus est usus, irrepsisse videatur. Cum enim Beda scripserit ; “ Britones duce Ambrosio Aureliano viro modesto, qui solus forte Romanæ gentis Saxonum cædi superfuerat, occisis in eadem parentibus purpura indutis, victricem eorum gentem provocantes ad prælium viciisse :” eum secutus Paulus, rem ita extulit ; “ Apud<sup>a</sup> Britanniam Ambrosius Aurelianus, qui solus forte Romanæ gentis Saxonum cædi superfuerat, purpuram induit ; victoresque Saxones, Britonum ducens exercitum, superavit sæpe.” Ut admodum debili nitantur hic fundamento Onuphrius Panvinius et Octavius de Strada, qui in Romanorum imperatorum catalogo “ Imperatorem Cæsarem Ambrosium Aurelianum, Pium, Felicem, Au-

<sup>w</sup> Baron. ann. 476. sec. 2. et 477. sec. 30, 31.

<sup>x</sup> Quod tamen affirmavit Blondus sub finem lib. 2. decad. 1. Et Polydorus Vergilius Anglic. hist. lib. 3.

<sup>y</sup> Beda de sex ætat. in Zenon. et de gest. Engl. lib. 1. cap. 16.

<sup>z</sup> Ita correxisse ille videtur ex Paulo diacono et Blondo, Beda minime consulto.

<sup>a</sup> Paul. diacon. in continuat. Eutrop. fin. lib. 16.

gustum" recensent: utpote "imperatorem appellatum in Britannia anno Domini CDLXXV. urbis conditae MCCXXVII. et non longe post occisum," si illis sine ullo locuplete teste hic loquentibus cuiquam credere libeat.

Guilielmus Malmesburiensis, de Guortimeri filii Vortigerni obitu verba faciens; "Eo<sup>b</sup>," inquit, "extincto Britonum robur emarcuit, spes imminutæ retro fluxerunt. Et jam tunc profecto pessum issent, nisi Ambrosius solus Romanorum superstes, qui post Vortigernum monarcha regni fuit, intumescentes Barbaros eximia bellicosi Arthuri opera pressisset." Ac si Ambrosio æqualis fuisset Arthurus; quem post mortem Ambrosii a fratre ipsius Uthero Pendracone genitum communis aliorum est sententia. Ambrosii vero "laudes eximus Britonum historicus Gildas, præ cæteris eorum regibus, non tacuit; imo posteris eleganti stylo ejus gesta fideliter conscripta dereliquit:" quemadmodum in Scotichronico legimus. Et quidem librum quem<sup>c</sup> Gildas de victoria Aurelii Ambrosii inscripsit, si titulus non mentitus fuerit authorem, habuisse se Galfridus Monemuthensis significat: ex quo, simul et Britannico codice quem ex Armorica delatum a Gualtero Oxoniensi archidiacono acceperat, longam hac de re historiam ipse<sup>d</sup> pertexit; cuius summa hæc est:

E medio sublato Vortigerno, Saxones sese trans Humbrum receperunt: quos ocius insecurus Ambrosius, "cum nationes præteriret, inspiciens illas desolatas, condolebat, maxime autem propter ecclesias usque ad solum destrutas; quibus restorationem promittebat, si triumpho potiretur." Hengistus adversus eum circiter ducenta millia armatorum in campum qui dicebatur Maisbeli eduxit: sed conserto prælio fusus est ejus exercitus; ipseque juxta urbem Conani, Britannis Cair-Conan, Anglis Cuningeburg dictam, (Eboracensium Conisburgh ea est, ad Danum sive Donum fluvium posita) ab Eldole Claudiocestriæ duce captus, in hostium potestatem venit. Capta deinde urbe, cum quid de Hengisto statuendum esset deliberaretur; El-

<sup>b</sup> Malmesbur. de gest. reg. lib. 1. cap. 1.

<sup>c</sup> Galfrid. hist. lib. 4. cap. ult.

<sup>d</sup> Id. lib. 8. cap. 3, 4, &c.

dadus Claudiocestrensis episcopus, frater Eldol, vir summae prudentiae et religionis, hunc in modum locutus est : “ Etsi omnes istum liberare conarentur; ego ipsum in frusta conciderem. Insequerer namque prophetam Samuelem ; qui cum Agag regem Amalech in potestate tenuisset, concidit illum in frusta, dicens : *Sicut<sup>e</sup> fecisti matres sine liberis, sic faciam hodie matrem tuam sine liberis inter mulieres.* Sic ergo facite de Hengisto, qui alter Agag existit.” Quo dicto, Eldol Hengistum extra urbem ductum obtruncavit.

Anno CCCCLXXXIX. hoc factum scribit Matthæus Florilegus : addens etiam, “ Hengisto successisse Osric filium ejus, cognomento Æsc, super gentem Saxonum in Cantia ; a quo reges Cantiæ usque hodie Æsc-kynges vocantur,” unius tantum anni metachronismo ab Ethelwredo et Anglo-Saxonicis annalibus discrepans : qui mortis Hengisti, ut et omnium omnino victoriarum quas a Saxonibus reportarunt Britones, mentione prorsus prætermissa, anno præcedente Æscam apud Cantuarios regnum iniisse retulerunt : ad quem annum, in Florentii Wigorniensis quoque chronicō legimus : “ Hengist, postquam regnum Cantuariorum triginta et quatuor annis strenuissime rexit, vitæ finem fecit. Cui successit in regnum Æsc filius suus ; et viginti et quatuor annis regnavit.” De quo et Beda, libro secundo historiæ, capite quinto. “ Oeric cognomento Oisc ; a quo reges Cantuariorum solent Oiscingas cognominare. Cujus pater Hengist ; qui cum filio suo Oisc invitatus a Vurtigerno, Britanniam primus intravit.”

Octam deinde Hengisti filium qui Eboraco sc̄ incluserat, et Eosam cognatum ejus qui in urbe Alclud (sive Dunbrittonia) se muniverat in deditiōnem accepisse Ambrosium narrat Galfridus, regione juxta Scotiam eis concessa : atque ita triumphatis hostibus, ecclesiis<sup>f</sup> restaurandis et reipublicæ constituendæ enixe operam dedisse. “ Nam<sup>g</sup> tota,” inquit, “ intentio ipsius versabatur circa

<sup>e</sup> 1 Sam. cap. 15. ver. 33.

<sup>f</sup> Vide supra, cap. 5. pag. 94.

<sup>g</sup> Galfrid. lib. 8. cap. 9.

regni restitutionem, ecclesiarum reformationem, pacis ac legis renovationem, justitiae compositionem. Exinde petitivit Guintoniam, ut eam sicut cæteras restitueret. Cumque in restauracione ejus quæ ponenda erant posuisset: monitu Eldadi episcopi, ivit<sup>h</sup> ad monasterium prope Cair Caradoc quæ nunc Salesberia dicitur; ubi consules et principes jacebant, quos nefandus Hengistus prodiderat. Erat ibi cœnobium trecentorum fratrum in monte Ambrii, qui, ut fertur, fundator ejus olim extiterat." Apud Johannem Timmuthensem, in vita Dubricii, locus iste est mons Ambrosii, qui nunc vulgo Stanhenges dicitur. In quo ingentium quæ ibi conspicitur saxorum substructio- nem, non in principum illorum, ut vulgo creditur, ab Ambrosio, sed in ipsius Ambrosii memoriam a Britannis pos- sitam fuisse Polydorus asserit: "Britannus," inquit ille, "duci<sup>i</sup> suo Ambrosio de republica bene merito magnifi- cum posuit sepulchrum, factum ad formam coronæ, ex magnis quadratis lapidibus, eo loco, ubi pugnando<sup>k</sup> ceciderat; ut tanti ducis virtus ne oblivione eorum, qui tunc erant, aut reticentia posterorum insepulta esset. Extat etiam nunc id monumentum in diœcesi Sarisberiensi prope pagum, quam Amisberiam vocant:" vel Ambresburiam potius, vocabulo Ambrosii vicum denotante.

Superioribus tamen temporibus et Ambrii (si hujusmodi quis fuit) et Ambrosii memoriam reliquiarum S. Melori celebritas apud Ambresburienses obscuravit. Meliorem eum appellat Philippus Ferrarius, in catalogo sanctorum generali, ad diem III. Januarii; et anno CCCCXI. passum fuisse ex Johanne Capgravio annotat; quanquam Cap- gravius Calendis Octobris martyrio vitam illum finiisse dicat, in ipsis Christianæ fidei a Britannis acceptæ pri- mordiis: "Dum in exordio, inquit, Christianæ fidei apostolica doctrina per orbem terrarum in omnibus gentibus diffunderetur, conversa est Britanniæ gentilitas ad fidem; et multi Domino credentes, et apostolica præcepta se-

<sup>h</sup> Vide supr. cap. 12. pag. 473.

<sup>i</sup> Polydor. Vergil. Anglic. hist. lib. 3.

<sup>k</sup> A Saxonibus occisum fuisse, refert etiam Huldrichus Mutius, Germanic. chronic. lib. 5. et Blondus, decad. lib. 2.

quentes, variis virtutum miraculis fulserunt: de quorum numero beatum Melorum fidenter credimus extitisse. Fuit enim beatus Melorus de nobili Britannorum genere: cuius pater Melianus ducatum Cornubiaæ tenuit," &c.

Ut Saxoniorum illorum principum ab Hengisto interemptorum in ævum conservaretur memoria, Tremouno sive Tremorino urbis legionum archiepiscopo suggestente, ab Ambrosio Aurelio rege Ambrosium Merlinum<sup>1</sup> vatem accersitum fuisse refert Galfridus: et cum exercitu quindecim millium armatorum, cui Uther Pendraco frater regis præfuerit, in Hiberniam missum, nobilem illam structuram lapidum ex Killarao monte, Gillomauro Hiberniæ rege frustra repugnante, secum asportasse, atque in agro Sarisburiensi, in quo hodie ea cernitur, collocasse. De qua fabula, licet plane anili, communi tamen fama multum celebrata, audiatur, si placet, Alexander Nechamus in suo de divinæ sapientiæ laudibus poemate:

Nobilis est lapidum structura, Chorea Gigantum :  
 Ars experta suum posse, peregit opus.  
 Quod ne prodiret in lueem segnius, artem  
     Se, viresque suas consuluisse reor.  
 Hoc opus adseribit Merlino garrula fama ;  
     Filia figmenti fabula vana refert.  
 Illa congerie fertur decorata fuisse  
     Tellus, quæ mittit tot Palamedis aves.  
 Hinc tantum munus suscepit Hibernia gaudens :  
     Nam virtus lapidi euilibet ampla satis.  
 Nam respersus aquis magnam transfudit in illas  
     Vim, queis eurari sæpius æger eget.  
 Uther Pendragon molem transvexit ad Ambri  
     Fines, de vieto victor ab hoste means.  
 O quot nobilium, quot corpora saera virorum,  
     Illic Hengisti proditione jacent !  
 Interea fuit gens inclyta, gens generosa ;  
     Interea, nimis eredula, eauta minus.

Item Giraldus Cambrensis, in Hiberniæ topographia : " Fuit<sup>m</sup> antiquis temporibus in Hibernia lapidum congeries admiranda, quæ et Chorea gigantum dicta fuit: quia

<sup>1</sup> De eo videnda nostra epistolarum Hibernicarum recensio, op. tom. 4. pag. 562.

<sup>m</sup> Girald. Topograph. distinct. 2. cap. 18.

gigantes eam ab ultimis Africæ finibus in Hiberniam attulerant, et in Kildarensi planicie, non procul a castro Nasensi, tam ingenii quam virium opere mirabiliter erexerant. Unde et ibidem lapides quidam aliis simillimi, similique modo erecti, usque in hodiernum diem conspiciuntur. Mirum qualiter tanti lapides, tot etiam et tam magni unquam in unum locum vel congesti fuerint, vel erecti; quantoque artificio lapidibus, tam magnis et altis, alii superpositi sint non minores: qui sic in pendulo et tanquam in inani suspendi videntur, ut potius artificum studio, quam suppositorum podio inniti videantur. Juxta Britannicam historiam lapides istos rex Britonum Aurelius Ambrosius divina Merlini diligentia, de Hibernia in Britanniam advehi procuravit: et ut tanti facinoris egregium aliquod memoriale relinqueret, eodem ordine et arte quaprius, in loco constituit, ubi occultis Saxonum cultris Britanniae flos cecidit, et sub pacis obtentu, nequitiæ telis, male tuta regni juventus occubuit."

In agro vero Kildariensi, a castro Nasensi duobus fere passuum millibus, bina ejusmodi saxa conspiciuntur, quos longos lapides vocant: quanquam Britannicæ scriptor historiæ Killair, in occidentali Midia sitam, intellexisse hic potius videatur; ubi lapidem quendam suo tempore Giraldus<sup>n</sup> extitisse notat, "qui umbilicus Hiberniae diceretur, quasi in medio et meditullio terræ positus:" pro quo tamen umbilico, Birrae in comitatu regio alias quidam excavatus lapis hodie ostenditur. Sed ad Sarisburensem illam de qua agimus saxorum molem nulla in Hibernia proprius accedit, quam quæ in agro Corcagiensi cernitur, juxta oppidum, a lapidibus illis in loco olim sylvestri positis, Cloughtekilty appellatum: in quo fundamenta etiam conspiciuntur amplissimæ domus, quam nobilis illius Johannis Magnavillani (sive de Mandeville, triginta et quatuor annorum peregrinatione notissimi) fuisse tradunt accolæ.

De Britannici exercitus ex Hibernia reditu subjicit Galfridus<sup>o</sup>: "Cum gaudio in Britanniam reverti cœperunt: et prosperantibus ventis applicant; sepulturasque

<sup>n</sup> Girald. topograph. distinct. 3. cap. 4.

<sup>o</sup> Hist. Britan. lib. 8. cap. 12.

virorum cum lapidibus apparant. Quod cum indicatum fuissest Aurelio, diversos nuncios per diversas partes Britanniae direxit: jussitque clerum ac populum submonere, submonitos vero in montem Ambrii convenire, ut cum gaudio et honore praedictam sepulturam repararent. Ad edictum ergo illius venerunt pontifices et abbates, et ex unoquoque ordine qui ei subditi fuerant: et cum omnes convenissent, instante die quae prædestinata fuerat, imposuit Aurelius diadema capiti suo, festumque Pentecostes regaliter celebravit: tribusque sequentibus diebus continue celebrationi vacavit. Interea honores qui possessoribus carebant, domesticis suis largitur; ut eis obsequii sui laborem remuneraret. Evacuatæ erant duæ metropolitanæ sedes, Eboraci videlicet atque urbis legionum, a pastoribus suis: quibus communī populorum consilio consulere volens, concessit Eboracum Sampsoni illustri viro, summaque religione famoso; urbem vero legionum Dubrio, quem divina providentia in eodem loco profuturum clegerat. Cumque hæc et cætera in regno suo statuisset: præcepit Merlino lapides circa sepulturam erigere, quos ex Hibernia asportaverat. At ille præceptis ejus obediens, codein modo quo in Killarao monte Hiberniæ positi fuerant, erexit illos circa sepulturam: et ingenium virtuti prævalere comprobavit."

Ejusdem Merlini instinctu, "Vortigonom regem Britonum valde dilatavisse fidem Christi," scribit Wernerus Laerius in suo temporum quem appellat Fasciculo; Utheri Pendraconis fratrem (ut ex sequentibus liquet) Ambrosium eo nomine intelligens: de cuius in fide Christiana propaganda studio Hectorem Boethium<sup>p</sup>, si placet, audias: "Migrant Ambrosii edicto populariter e Britannia in Germaniam cuncti Saxonum generis ad bellum idonei: cæteris vectigalibus factis, ea lege ut Christi dogma profitrentur in Albione manere permissis. Venientes haud in multo post tempore peregrinis e regionibus Britanni, in quas Saxonum dudum arma declinantes confugerant, patrias sedes abeuntibus Saxonibus occuparunt. Christi

templa Ambrosii pia opera restituta; pontifices sacerdotesque suas sunt vocati in sedes; vera religio undique culta; Deorum gentilium statuae effractae; qui gentilitatis sacerdotes inventi in Britannia, diris suppliciis affecti. Sacris supplicationibus plures dies Londini est opera nava-ta, sacræ ædes apertæ, &c. Verum Saxonum nonnulli in Britannia Ambrosio permittente remanentes, Christianam eminentientes religionem, clam idolis litabant: qua re comperta, capti sacrificuli, cæsi loris, ulla sine commisera-tione ad unum sunt cremati." Quæ eadem licentia in Ambrosii laudem sunt excogitata, qua Judæorum et hæ-reticorum patrocinii afflictum illi crimen est in impolitis illis Gottefridi Viterbiensis<sup>a</sup> versiculis:

Aurelius primogenitus, regnique monarchus,  
Sic pacis sancita facit, sic prospicit actus;  
Ut reparet patriæ gaudia, lata quies.  
Confovet optima, dissipat horrida, regia norma;  
Prælia deprimit, abdita rejicit, apta reformat:  
Rex erat, imo pater, gesta paterna patent.  
Attamen admissa patris feritate patrizat:  
Nam prius inflixa renovat tormenta remissa,  
Et tenet erroris dogmata plena dolis.  
Æmulus ipse Dei, populi fit tutor Hebraei,  
Atria<sup>r</sup> scripta vehit, scetamque fovet Manichæi;  
Catholicique rei prorsus habentur ei.  
Post annos paucos, post multa pericula rerum,  
Suscepit Aurelius fatum finemque dierum;  
Justus apud proceres, sed reus ante Deum.

His etiam adde, si libet, Johannis Garlandini<sup>s</sup> de Aurelio et duobus ejus successoribus nihilo magis limatum tetras-tichon:

Hengistus Saxon fidei corruptor ab hoste,  
Aurelio captus, decapitatus obit.  
Uter et Arthurus, fidei duo mœnia sacrae,  
Exemplum dederant et speculare jubar.

Mortuo enim Aurelio successit frater ejus Uther, "qui secundum traditionem historiæ Britanicæ, si fas sit credere, ope Merlini vatis adduxit de Hibernia choream

<sup>a</sup> Gotfrid. chron. part. 18.

<sup>r</sup> Arria.

<sup>s</sup> Joh. de Garlandia, lib. 4. de triumphis Ecclesiæ.

gigantum, quæ nunc in planis Sarum Stanhenges dicitur; Pascentium quoque filium Vortigerni et Gillomaurum regem Hiberniæ interfecit:" inquit in polychronico<sup>t</sup> suo Ranulphus Cestrensis: de quo Pascentio, Ninius: "Regnavit in duabus regionibus, id est, Buelt<sup>u</sup> et Guorthigurniaun<sup>w</sup>, post mortem patris sui, largiente Ambrosio; qui fuerat rex in omnes regiones Britanniæ :" de Gillomauro vero, alibi<sup>x</sup> idem Ranulphus: " Hildericum Gilomaurus tyrannus, invasor Hiberniæ Britanniæque expugnator, regno expulit; et post eum tribus annis in Africa regnavit :" ubi Gillomaurum Hiberniæy regem (quem junctis cum Pascentio copiis Britanniam invadentem, eo quo Aurelius Ambrosius obiit tempore, ab Uthero prope Meneviam interfectum refert historia Britannica) confundit cum Gilimere, filio<sup>z</sup> Genzonis, filii Genserici<sup>a</sup>, Vandolorum in Africa rege; quem, Arthuro Utheri filio Britannis imperante, regno exuit dux exercitus Justiniani Belisarius: quod in tertio suo consulatu, hoc est, anno Christi DXXXIII. factum, ipse Justinianus, in constitutione Pandectis, sub finem ejusdem anni editis, præfixa, confirmat.

Dubricium episcopum primum Landavensem, deinde legionum urbis archipræsulem, non solum verbo Pelagiana dogmata vehementer improbasse, sed etiam librum contra Pelagianos scripsisse, Johannes Balæus<sup>b</sup> asserit: cuius rei penes ipsum fides esto. In Dalmatiæ vero et Piceni provinciis eam hæresim hoc tempore pullulare cœpisse, ex Gelasii Romani pontificis literis anno CCCCXCIII. conscriptis intelligimus. Sic enim ille, in epistola<sup>c</sup> ad Honorium episcopum: " Nunciatum nobis est in regionibus Dalmatarum quosdam recidiva Pelagianæ pestis zizania seminasse: tantumque illic eorum prævalere blasphemiam,

<sup>t</sup> Polychronic. lib. 5. cap. 4.

<sup>u</sup> In Brechnoch-shire.

<sup>w</sup> In Radnor-shire. vid. supr. cap. 5. pag. 83. et cap. 12. pag. 440.

<sup>x</sup> Polychron. lib. 4. cap. ult.

<sup>y</sup> Galfrid. Monemuth. lib. 8. cap. 12, 14, 16. ubi in lib. impress. Gillomanius perperam appellatur.

<sup>z</sup> Procop. de bello Vandalie. lib. 1.

<sup>a</sup> De quo supra cap. 12. pag. 465.

<sup>b</sup> Balæ. scriptor. Britann. centur. 1. cap. 51.

<sup>c</sup> Gelas. epist. 5. tomo 2. concilior. edit. Bini.

ut simplices quosque mortiferi furoris insinuatione decipiант. Est quidem error ipse nefarius tanto perniciosior ad subrependum, quanto ad fallendum verisimilitudinis colore versutior: præstante [tamen] Domino, adest fidei Catholicæ pura veritas, concordibus universorum patrum deprompta sententiis, quæ et subtile virus funestæ pravitatis exponat, et humano generi salvando conferat de scripturarum confectione medicinam. Nullatenus igitur discretionem rerum nondum abundantia corda conturbet: donec et occultum vulnus appareat, et salvatio singularis eluceat: quoniam quantalibet arte fallaciæ spiritus perditionis armetur; sancto gladio spiritus principalis et detegitur et necatur."

Et in alio<sup>d</sup> ad eundem rescripto: "Non solum dilectio tua nostra non debet vigilantia permoveri, sed præsentis colloquii salutatione percepta, nobiscum potius industriam propriæ sociare solertiae; quatenus vel sive tentata sint talia, protinus corrigantur, vel ne qualibet obreptione tententur, attentius præcavendo subintrare non valeant. De quibus autem ii, quos tua charitas destinavit, si plenius instrui voluerint, sequentes tituli cum suis responsionibus intimabunt: et quoniam se his acquiescere præfati eatenus sunt professi, ut eadem se et primitus tenuisse firmarent, sed ante ullius in quæstionem vocata vellent manifestius expediri: studuimus (quantum inter occupationes fieri potuit, quæ nos minime respirare patiuntur) largiente Domino, sequentes paterna vestigia, de talibus quæ cepimus non silere. Quam regulam sobrie sentiendi quisquis fideli corde sectatur, inter orthodoxos merito debeat aestimari: quisquis vero putaverit abnuenda, ab apostolicis sese non ambigat exulare doctrinis."

Idem in epistola<sup>e</sup> ad Piceni episcopos per Romulum diaconum missa, de deliro quodam sene Pelagianæ hæreseos zizania in ea provincia disseminante scribit ista: "Oblatus est nobis miserabilis senex Seneca nomine, qui non modo totius est eruditioнis alienus, sed ipsius quoque

<sup>d</sup> Gelas. tom. 2. concil. edit. Binii. epist. 6.

<sup>e</sup> Ibid. epist. 7.

intelligentiae communis prorsus extraneus, in Pelagianæ voraginis cœno (sicut de quibusdam in Apocalypsi legimus) velut una ranarum imprudenter immersus, inque illa fæce horribiliter volutatus, nullatenus inde qualiter emergere posset inveniens: quia puritatem relinquens Catholieæ veritatis, quanto se per lubricum falsitatis eonatur attollere, tanto magis ejus lutosis foveis circumclusus obruitur, &c. Hæc etiam ipsa quæ idem proferre videbatur, olim et ab hæreticis Pelagianis in medium produeta doceimus et a Catholicis prædicatoribus competenter elisa; Pelagium, Celestium, Julianum, cæterosque complures oratoriæ facundiæ viros in hac assertione probavimus fuisse convictos, et tam ecclesiasticis eonstitutis, quam imperialibus etiam percussos fuisse præceptis: proinde istum ferre non posse firmavimus, in quibus illi tales tantique prostrati sunt: qui nec ipsa, quæ ab illis sunt disputata, vel intellectu capere, vel eloquio simili possit astruere." Deinde tria Pelagianæ sententiæ capita, "quæ sibi præcipue hic senex lugendus," ut ille loquitur, "asevit," diligenter refutat:

- I. Cum in uteris matrum opere divino creentur infantes; justum non videri, quod factura Dei sine ulla propriis actionibus cuiquam peccato dignatur obstricta.
- II. Parvulos sine sacro baptisme pro solo originali peccato non posse damnari.
- III. Gratiam ad salutem non esse necessariam; illamque secundum hominum merita conferri.

Confutatione peracta, episcopos primum eoarguit, qui putridum silicernium tam diu sustinuerunt: "Quapropter," inquit, "nimis ineusamus fratres et coepiscopos nostros, maxime per Pieeni provincias cœlesiam Domini gubernantes; quin non solum ineptissimi senis abjectæque personæ pravum non deterruere colloquium, verum et suo nutriri con-sensu. Quis audiat? quis ferat? passos esse pontifices, ut eadaver neseio quod indignum, presbyterum sibi non aequiescentem audire, communione privaret? Qnomodo talis vel susceptus ab aliquo, vel patienter auditus est?" Deinde in hæreticum et ejus assecas hanc profert senten-tiam: "Nusquam loci prorsus inveniatur præfatæ pestis

<sup>f</sup> Apocal. cap. 16, ver. 13.

assertor; nec accessum prorsus ecclesiæ, vel usquam participationem Catholicæ communionis inveniat, qui hæreticorum mavult subsequi nefaria professione consortium: et hi cum quibus antea probabitur noxiū miscuisse colloquium, nisi resipiscunt et ab ejus societate decedunt, ab ecclesiastico remoti servitio, devota ultione plectantur, quo cæteris cavendi ministretur exemplum. Nullum adeat: nec usquam loqui damnatae olim blasphemiae jam sinnantur."

Fertur etiam Gelasii adversus Pelagianam hæresim scriptum singulare, ex vetusto codice Vaticano editum: cuius hoc initium: " De Pelagianis quidem sensibus blasphemiasque sacrilegis, et apud majores nostros tam divinis quam humanis legibus justa discussione damnatis, nimis est copiosa materia; quia et illorum est multiplex perniciosa perversitas (eoque nocentior, quo verisimilitudinis colore subtilior) quam de ipsius humani generis principe, pravo funestoque commento, non rite conceptam rerum consequentiam mendaciis texuerunt. Necesse est enim, ut qui a principio deviarit ab integro tramite, vagus ubique progrediens, quanto se currere fortius putet, tanto plus erret; et in his ut competit refutandis disputatio prolixa debeat adhiberi: quoniam quidem perfectæ medicinæ mos est, originem vel intelligere prius vel reserare morborum, eisque patefactis, medelam conficere congruentem: quæ cuncta, si Dominus vitam facultatemque tribuerit, in quantum cœlesti rore vegetati valebimus, alias moliemur explicare. Nunc autem hunc articulum, qui quosdam movere perlibetur, sufficienter interim duximus explicandum; ut eodem convenienter inspecto, quod in cæteris cavere jam debebant, Domino Deo nostro præstante, perpendant. Æstimant igitur quidam in hac vita posse quenquam hac perfectione consistere; ut nullis prorsus fragilitatis humanæ pulsetur affectibus, nec corporeis exagitetur illecebbris." De quo articulo deinceps disserit; et hominem non vivere sine peccato, multis Scripturæ prolatis testimoniis, confirmat.

Extabat et Johannis Talaidæ Alexandrini episcopi ad Gelasium apologia; in qua Pelagio et ejus sectatoribus

anathema dictum fuisse, in bibliotheca sua testatur Photius: “Αναθεματίζει δὲ, inquit<sup>g</sup>, καὶ Ἰωάννης ὁ Ἀλεξανδρεῖας, ἐν τῇ πρὸς Γελάσιον τὸν Ρώμης ἀπολογίᾳ, οὐ μόνον τὴν Πελαγιανὴν αἵρεσιν, ἀλλὰ καὶ Πελάγιον, καὶ Κελέστιον, καὶ ἔτι Ἰουλιανὸν, ὃς καὶ αὐτῶν ἐγνώσθη διάδοχος. Damnavit et anathemate Johannes Alexandrinus, in apologia ad Johannem Romanum episcopum, non solum Pelagianam hæresim, verum etiam Pelagium ipsum atque Celestium, una cum Juliano, qui in hac ipsis secta successisse deprehensus est.” Adhuc vero superest Romana septuaginta episcoporum synodus sub eodem Gelasio habita: in qua non modo Celestius, Pelagius, et Julianus damnantur, atque Augustini, Hieronymi et Prosperi (viri, ut ibi appellatur, religiosissimi) libri commendantur, sed etiam Cassiani presbyteri et Fausti Regiensis opuscula inter apocrypha et improbatæ lectionis scripta nominatim recensentur; eaque ratione tum Pelagianorum tum Semipelagianorum dogmata totius synodi decreto reprobantur: quod illum Cassiani et Fausti laudatorem Gennadium fugisse videtur, quum librum suum de ecclesiasticis dogmatibus Gelasio censendum obtulit: quanquam si quid reliquiarum Pelagianismi in eo delitesceret, partim tribus adversus Pelagium libris ab ipso editis dilui, partim sub sanctioribus illis effatis quæ huic ipsi operi sunt interspersa abscondi potuisse non diffideret. “Initium<sup>h</sup> salutis nostræ Deo miserante habemus.” “Nullum<sup>i</sup> credimus ad salutem nisi Deo invitante venire.” “Bonæ<sup>k</sup> cogitationes semper a Deo sunt.” “Nullus<sup>l</sup> sanctus et justus caret peccato.”

Hoc enim de fide sua opus illud esse putatur, cuius in scriptorum suorum recensione ita ipse meminit: “Ego Gennadius Massiliæ presbyter scripsi adversus omnes hæreses libros octo, adversus Nestorium libros sex, adversus Pelagium libros tres, et tractatus de mille annis [in Apocalysi B. Johannis]. Et hoc opus de fide mea misi ad

<sup>g</sup> Phot. bibliothec. num. 54.

<sup>h</sup> Gennad. ecclesiast. dogmat. cap. 21.

<sup>k</sup> Ibid. cap. 82.

<sup>i</sup> Ibid. cap. 56.

<sup>l</sup> Ibid. cap. 86.

Gelasium urbis Romæ episcopum:" quod pronomen demonstrativum verba ista tractati de ecclesiasticis dogmatibus subjuncta fuisse arguit, non alteri de ecclesiasticis scriptoribus libello; cui in Suffridi Petri editione (consentientibus etiam codicibus, quibus in suis scriptorum catalogis Honorius Augustodunensis, Bostonus Buriensis et Johannes Trithemius sunt usi) attexta conspiciuntur. Hic vero in memoriam revocandum est quod supram indicavimus, Hieronymiani catalogi, ut hæreticorum, ita etiam scriptorum ecclesiasticorum supplementum edidisse Gennadium, quum Timotheus hæreticus adhuc viveret in exilio; a quo revocatus anno CCCCLXXV. post biennium vivere desiit. Et quidem in Timotheanis terminatur Gennadianus hæreticorum indiculus: quæ enim in libro edito sequuntur, ex Isidoro Hispalensi<sup>n</sup> sunt traducta: quem hinc etiam, una cum exscriptoribus suis, Rabano<sup>o</sup>, Honorio<sup>p</sup> et Gratiano<sup>q</sup>, in Bonosiacis suo loco restituendis obiter emendare liceat. Cum enim hic Bonosiaci proxime ante Acephalos sint collocati; antiquarius aliquis eorum ortum antiquorem fuisse animadvertis, ex ea sede motos inter Donatistas et Circumcelliones temere intrusit: plane contra Isidori mentem, qui Circumcelliones describens ut superdictæ hæresis habentes doctrinam, non Bonosiacos sed Donatistas (quorum partem Circumcelliones extitisse notum est) præcessisse demonstrat.

Scriptorum ecclesiasticorum continuationem auxit postea Gennadius, et ad initia imperii Anastasii perduxit. In ipso Anastasii exordio librum ab eo fuisse editum, ex eo colligit Baronius<sup>r</sup>, quod "de Gelasio papa agens ipsum vita functum esse ait sub Anastasio imperatore, quem constat primo Anastasii anno nondum absoluto vita functum esse; de reliquis vero scriptoribus qui post hanc florerunt nihil scribat, ut de Avito episcopo Viennensi, et

<sup>m</sup> Supr. cap. 11. pag. 366.

<sup>n</sup> Isidor. Origin. sive Etymolog. lib. 8. cap. 5.

<sup>o</sup> Raban. de institut. cleric. lib. 2. cap. ult.

<sup>p</sup> Honor. Augustodun. libell. de hæresib.

<sup>q</sup> Gratian. caus. 24. quæst. 3. cap. penult.

<sup>r</sup> Baron. annal. tom. 6. ann. 490. sec. 46.

aliis." Verum memoriae lapsu manifesto Gelasii exitum eo anno collocat, in quo ponendum erat pontificatus ipsius initium: neque advertit, in eadem Suffridiana catalogi Gennadiani editione, in qua mortis Gelasii facta est mentio, etiam Cæsarium Arelatensem commemorari; qui non solum sub Hormisda cum Avito Viennensi claruit, sed etiam Arausicano<sup>s</sup> concilio triginta et tribus post mortem Gelasii annis contra Semipelagianos habito, sub Felice IV. præfuit. Ex quo dubium illud expediri facile poterit, quod verbis hisce proxime præcedentibus, de libelli ecclesiasticorum dogmatum interpolatore, ab eodem Baronio est propositum. "Quæ a capite vigesimo primo ejusdem commentarii usque ad vigesimum secundum interjacent, non esse Gennadii, sed Gennadii correctoris, optime observavit doctissima schola Lovaniensis: fueritne id factum censura Gelasii, librum ad se missum cognoscentis et emendantis, vel ejus jussione alius aliquis id præstiterit, haud affirmare omnino auderem, vel negare." Nam ut caput vigesimum secundum cum decem sequentibus ex Celestini I. capitulist<sup>t</sup>, et trigesimum tertium cum quatuor proximis ex Africana<sup>u</sup> synodo, ita trigesimum octavum, et tredecim sequentia ex Arausicano illo concilio tot annis post Gelasii excessum celebrato ad verbum sunt descripta; ac non modo post Gelasii sed etiam post Rabani tempora (ut ostendimus<sup>w</sup>) recentioris alicujus critici studio, medicamenti loco, suspectæ sanitatis scripto interposita.

Ante mortem vero Gelasii multoque magis ante pontificatum Felicis IV. sui de ecclesiasticis scriptoribus libelli appendicem Gennadium absolvisse (ideoque Gelasii et Cæsarii commemorationem illam, ac pari ratione additamenta illa reliqua ad veterem editionem a Suffrido Petro adjecta, a posteriore esse manu) ex hisce authoris de Theodulo verbis deprehendisse mihi videor. "Moritur hic scriptor ante triennium, regnante Zenone": anno enim CCCCXCI. quo consulatum gessit Olybrius, Zenonem interiisse, ex fas-

<sup>s</sup> Baron. annal. in appendic. tom. 10. ad annum 529.

<sup>t</sup> Supra, cap. 11. pag. 415.

<sup>u</sup> Supra, cap. 10. pag. 324.

<sup>w</sup> Supra, cap. 13. pag. 492.

tis Cassiodori, Marcellini comitis et Victoris Tonnonensis liquet: succedente Anastasio, quem in consulatu ejusdem Olybrii filii Ariobindæ, mense Xanthico sive Aprili, feria quinta majoris Hebdomadæ, quæ eo anno in undecimum Aprilis diem incidit, inductione XIV. inauguratum fuisse, in Constantinopolitano chronicò legimus, quod Alexandrini nomine a Matthæo Radero habetur editum. Ultra annum igitur CCCCXCIV. nequaquam processit Gennadius, Asturii atque Præsidii consulatu prænotatum: ad quem Romanam septuaginta episcoporum synodus, absque ullo tamen veterum vel codicum vel authorum testimonio, retulit Severinus Binius. Et quum ante biennium Gelasium pontificatum iniisse constet, cuius in Honorato Massiliensi ille meminit; ipso anno CCCCXCIV. qui Anastasii tertius, Gelasii vero secundus fuit, supremam libro manum Gennadium apposuisse, ego mihi facile persuaserim. Num vero ad annum æræ Hispanicæ DLXXII. sive Christi DXXXIV. (quod in chronicò maximo Cæsaraugustano tributo legimus) vitam ille produxerit, viderint alii.

Claruit etiam, ut<sup>x</sup> ferunt, temporibus Anastasii Augusti, anno Domini quingentesimo, Godelbertus presbyter; qui Alcimi Aviti Viennensis episcopi, ut Sigebertus<sup>y</sup> scribit, “studium imitatus, per historias et allegorias divinæ scripturæ ab initio mundi usque ad partum virginis heroico pede eleganter cucurrit.” De eo Thomas Dempsterus “S. Godelbertus<sup>z</sup> presbyter, rhetor disertissimus, philosophus Platonicæ sectæ subtilissimus, theologus memorabilis, nec Anglo-Saxo, nec Britannus, sed Scotus (ut discere potuisset non ab annalibus modo nostris, sed a magistro suo Balæo singularis impudentiæ Johannes Pitseus:) præceptorē habuit S. Sedulium; ad cuius imitationem, heroicum suum poema a mundo creato usque ad Christum natum summa majestate perduxit.” Atqui Scotum hunc fuisse, neque in annalibus ullis ego adhuc invenire potui, neque in Balæo, cuius de Godelberti patria verba hæc sunt:

<sup>x</sup> Jo. Trithem. de scriptorib. ecclesiastic. in Godelberto.

<sup>y</sup> Sigebert. de scriptorib. eccles. cap. 23.

<sup>z</sup> Dempster. histor. ecclesiastic. Scotor. lib. 7. num. 608.

“ Ex<sup>a</sup> aliquorum scriptorum conjecturis, genere Anglo-Saxonicus fuit : eum nihilominus poetam Britannicum Lilius Gyraldus in poetarum historiis vocat :” quanquam nec Britannicum fuisse, vel Lilius Gyraldus<sup>b</sup>, vel scriptorum, quod ego quidem sciam, ante Balæum quisquam alias, traxiderit.

Nomen certe illius, Anglo-Saxonicae et Francicæ potius quam Britannicae vel Scoticæ est originis : ut si Anastasii temporibus ille claruerit, de quo mihi nondum liquet, in Francicorum scriptorum numero, cum Anglo-Saxones a Christiana fide adhuc fuerint alieni, reponendus fuisse videatur. Nam quod in sanctorum catalogum Dempsterus eum refert, et (quod Cottam<sup>c</sup> fortasse legisset “ neque indisertum academicum pertimuisse, nec sine ista philosophia rhetorem quamvis eloquentem”) inter rhetores disertissimos atque philosophos Platonicæ sectæ subtilissimos eundem connumerat; commenti genus est illi homini non minus familiare, quam librorum qui nunquam scripti sunt ex ipsius otioso deprompta cerebro recensio. Trithemius, præter poema illud a Siegebero commemoratum, cuius titulum fuisse dicit, Allegoriae Scripturarum libri quatuor, et alia plura scripsisse Godelbertum retulit. Balæus, ne non amplius aliquid quam Trithemius vidisse putaretur, præter illud opus non solum homiliarum et epistolarum librum unum, sed etiam alia plura composuisse addit, licet non compareant, et ne nihil quam illi plus novisse Dempsterus existimaretur, præter homiliarum librum unum et epistolarum libros quinque (tot enim illi communisci libuit) poematum quoque Latinorum variorum librum unum scripsisse asserit : quæ non habenda nauci sunt omnia.

Apud Britannos vero claruisse dicuntur hoc tempore Paulinus, Gundleus, et Cadocus. Paulinum Giraldus Cambrensis laudat: de Davidis Menevensis institutione ita scribens : “ Succedente tempore, crescentibus quoque virtutum meritis, ad centesimum summopere fructum aspirans, carnemque ab omni libidine servans immunem ; ad

<sup>a</sup> Jo. Balæ. scriptor. Britann. centur. I. cap. 49.

<sup>b</sup> Lil. Gregor. Gyrald. poetar. hist. dialog. 5.

<sup>c</sup> Apud Ciccr. initio lib. 2, de natura Deor.

sacros gradatim ordines provectus, tandem sacerdotali dignitate est sublimatus. Exin profectus est in Vectam insulam, ubi Paulinus Germani discipulus, divinis ex toto mancipatus officiis, gratam Deo vitam agebat: ut praeceptoris ejusdem tam doctrinis instructus quam exemplis informatus, longe efficacius et divinis Scripturis imbuueretur, et ad patriam a vita felici cursu transveheleretur.” De Gundleo et Cadoco ista refert, in eorum vita, Johannes Timmuthiensis: “S. Gundleus filius regis australium Britonum extitit: et post mortem patris regno in septem partes diviso, sex ejus fratres portiones suas acceperunt; et ipsi quasi seniori in omnibus parebant. Gundleus vero ex uxore sua Gladusa filium suum nomine Cadocum genuit, virum sanctum et Deo placentem”: Postea, “regno Cadoco filio suo commendato,” ecclesiam construxit; ibique “in magna abstinentia et vitae sanctimonia vivere cœpit.” Cadocus autem monasterii Nancarbanensis sive Lhancarvanensis, in Glamorgania tribus passuum millibus a Cowbrigia positi, “Abbas<sup>d</sup> effectus, ipsum sæpe visitans confortabat: asserens non inchoantibus coronam esse promissam, sed perseverantibus in bonum. Pascebaturque Cadocus centum quotidie clericos, totidem pauperes, et totidem viduas, præter advenas et hospites ad illum crebro venientes. Licet enim abbas multos sub se monachos regeret, portionem tamen regni patris sui possidens, indigenibus necessaria distribuit. Haec ei subito inhæsit cogitatio, ut sancta loca in quibus Patricius sanctus habitaverat inviseret, et ejus disciplina atque exemplis quasi discipulus frueretur egregiis. Hic enim ante multum temporis quasi candela lucidissima in alto collocata amplissima aspergens lumina, cunctas Hiberniæ insulæ illuminarat ecclesias: et non solum illas, sed etiam totius mundi ad quas fama ejus meritumque deferri potuissent.”

Quo<sup>e</sup> tempore viam universæ carnis ingressurus erat S. Patricius, “Ecclesiæ Christi eximum decus, et totius Hiberniæ splendidum sidus,” S. Winwalocus Britannus

<sup>d</sup> Ex vita MS. biblioth. Cott.

<sup>e</sup> Jocelin. in vita Patricii, cap. 182.

<sup>f</sup> Vit. Winwaloci, apud Surium, tom. 2. Mart. 3.

vitam apud Armoricos agens monasticam, ad insulam quandam se transtulit ; in eaque cum sociis suis triennio mansit, vitam ducens eremiticam : postea siccis pedibus, cum comitibus mare transeuntem, ad continentem rediisse, ibique loco ubi consederat aquarum penuria laborante fontem e terra uberrimum produxisse scribunt : quod eleganti carmine Jacobus Bidermannus expressit. In Tauraco monasterio postremam vitæ partem exegisse dicitur, tandemque “ plenus<sup>g</sup> dierum quinto Nonas Martias, quarta feria in prima quadragesimæ hebdomada,” (in illum vero mensis Martii diem anno DIV. dies Cinerum incidit) integer et corpore et mente obiit : anno DVIII. Cerdicium Saxonem et filium ipsius Kenricum una die quinque millia Britannorum cum rege suo Nazaleod sive Natanleod occidisse, Anglo-Saxonum tradunt annales ; indeque regionem illam usque ad Cerdices-ford (ea hodie Hantoniensium Chardford est) Nazanleogæ sive Natanleagæ nomeū accepisse. Hector Boethius<sup>h</sup> Utherum Pendragonem Britannis tunc imperasse, et Nathaliodo huic, “ homini obscuræ originis, longa familiaritate viri magis quam virtute pellectum, summam detulisse belli administrationem” ; eundemque, “ præstantissimum secundum regem ducem, cum quindecim hominum millibus” cæsum fuisse scribit. Matthæus Florilegus, vel ejus saltem interpolator, anno DVIII. Utherum regem, infirmitate laborantem, “ ducem Nathanlioth principem militiæ Britonum ordinavisse” ; eumque cum quinque millibus virorum corruisse refert : deinde de nova clade, post triennium<sup>i</sup> ecclesiis Britanniae a Saxonibus illata, subjungit ista :

“ Anno gratiæ DXI. videntes Saxones qui Britanniam inhabitant Uther Pendragon regem gravi infirmitate depresso, convenerunt omnes in unum, ut omnes insulanos a finibus suis expellerent, et junctis viribus fertilem patriam sibi in perpetuum subjugarent. Perlustrantes itaque quasque provincias, cum neminem sibi resistere cog-

<sup>g</sup> Vit. ejusd. MS. in bibliotheca Cottoniana.

<sup>h</sup> Boeth. histor. Scotor. lib. 9.

<sup>i</sup> Quando ille male putat vixisse adhuc Utherum.

novissent, totam fere insulam a mari usque ad mare devastare cœperunt. Nec prælatis eeelesiarum vel rebus eelesiasticis parcentes, Christianitatem pene totam in insula deleverunt. Insulani autem regem infirmum deserentes, ad montium abrupta et silvarum latibula confluxerunt: secundum illud antiquum proverbium;

Cui caput infirmum, cætera membra dolent."

In hæ persecutione promovenda non postremas Cerdieï partes fuisse ferunt: de quo in Wintoniensis ecelesiæ historiolæ capite nono ita legimus: " Bonitate fidei Christianæ per adventum Cerdici in partibus Gewisæorum exclusa, secundo monaelhi interfieuntur in eeclesia Amphibali, quæ vetus cœnobium vocatur in Wentana eivitate: et de monasterio Christi et sancti Amphibali ecelesia illa templum effleitur Dagon CXLII. annis, usque adventum S. Birini Gewisæorum apostoli; qui missus est a B. papa Honorio, et venit in terram Gewisæorum anno quadragesimo primo post adventum S. Augustini in Angliam, anno seilicet gratiæ DCXXXV." et in antiquitatibus ejusdem ecelesiæ, similiiter: " Monaelhi denuo introdueti inhabitant ecelesiam Wintoniæ in quieta paee, a morte videlieet Diocletiani usque ad adventum Cerdieii Saxonici et pagani ae West-Saxonum regis primi, hoc est, CCX. annis. Et tunc iterum monachi oceisi sunt a paganis Saxonibns, et eeelesia Wintoniæ de domo Dei et sancti Amphibali templum effleitur Dagon; videlieet CXLII. annis, usque ad adventum sancti Birini Gewisæorum primi episeopi et Kinigils regis. Ab adventu Cerdieii et secunda monaelhorum interfectione, et a tempore quo eeclesia Wentana efficitur templum Dagon, florent anni nongenti oeto": (ad tempus nimirum, quo<sup>k</sup> ista ab authore scripta sunt:) et in majore Thomæ Rudburni elironieo, " Cerdieus<sup>1</sup> sive Cerdicius super Britones plures exereens viatorias, post adventum suum anno deeinno quarto monarehiam occidentalium Saxonum adeptus, regni diadema suscepit; coronatus more gentili apud Wintoniam, in loco quem de Christi Ecclesia, id est Win-

<sup>k</sup> Vid. supra, pag. 199. 201.

<sup>1</sup> Lib. 2. cap. 1.

toniensi, monaehis interfectis, pagani templum fecerant Dagon ; anno Dominicæ incarnationis DXVI. anno secundo regni Arthuri regis Britonum."

Quod si in perplexis antiquiorum istorum temporum rationibus extrieandis conjecturæ loeum aliquem lieeat coneedere : quandoquidem Natanleodum illum, de quo diximus, non modo regem Fabius Ethelwerdus, Florentius Wigorniensis et Anglo-Saxonie omnes annales, sed etiam regem maximum Britannorum Henricus Huntingdonensis<sup>m</sup> appellat, videndum an eo nomine alias hie possit aeeipi, quam ipse rex Utherus ; qui proprio nomine Natanleodus dietus, Admirandi sive Horribilis (id enim Cambro-Britannis Uthr sonat) ob res fortiter a se gestas eognomentum postea obtinuerit : quomodo in notulis Ninio adjeetis, de filio et suecessore illius Arthuro legimus : "Mab uter Britannie, Latine filius horribilis : quoniam a pueritia sua erudelis fuit. Arthur Latine translatum, sonat ursum<sup>n</sup> horribilem ; vel malleum ferreum, quo confringuntur molæ leonum." Hoc vero ita posito, et eertior aliquanto harum rerum institui posset chronologia, et de regni Arthuriani initio aliquid haberemus tandem comperti ; de quo tantoperc inter scriptores vide-mus variari.

Inter exterios enim, Jacobus Meyerus<sup>o</sup> anno CCCCLVIII. floruisse regnum Arthuri in Britannia asserit : sub Hilario, qui post triennium pontifieatum Romanum est adeptus, illum regnavisse Martinus Polonus annotat. Cirea annum Leonis imperatoris undeeimum, qui ejusdem Hilarii postremus, Christi CCCCLXVII. numeratur, cœpisce illum regnare refert in speculo historiali Vineentius ; et eum secutus monaehus Nussiensis, in magno echronio Belgio a Pistorio edito : "Mortuo," inquit Vineentius<sup>p</sup>, "Uther-Pendragon rege, sublimatus est in regno filius ejus Arthurus ; eujus mirabiles actus etiam ora linguæve personant populum : lieet plura esse fabulosa videantur. Qui multa pro-

<sup>m</sup> H. Huntingd. histor. lib. 2.

<sup>n</sup> Ut Græcis ἄρκτος, ita Britannis Arth ursum notat.

<sup>o</sup> Meyer. annal. Flandr. lib. 1.

<sup>p</sup> Vincent. lib. 20. cap. 56. Antonin. chronic. tit. 11. cap. 2. sec. 2.

bitate pollens, cunctis se amabilem exhibebat; quia cum virtute animi etiam mira liberalitate affluebat." Zenone Leonis successore imperante, Arthurum regnasse significant in chronicis suis Radulphus Niger, Valerius Anselmus Ryd et Huldricus Mutius. Anno CCCCLXXXV. (qui Zenonis fuit duodecimus) natum illum fuisse Johannes Gerbrandus<sup>q</sup> retulit. Quindecim annorum juvenem Guilielmus Malmesburiensis<sup>r</sup>, Galfridus Monemuthensis<sup>s</sup>, Matthæus Florilegus<sup>t</sup> et eulogii<sup>u</sup> author; octavum decimum ætatis agentem annum Ranulphus Cestrensis<sup>v</sup>, Johannes Tinmuthensis<sup>w</sup> et Georgius Buchananus<sup>x</sup>, regem factum fuisse narrant. Anno DXV. Radulphus de Baldoc et Thomas Rudburnus; DXVI. Matthæus Florilegus et David Pouelus; DXXVIII. Buchananus; DXXII. Hector Boethius<sup>y</sup>, regnare illum cœpisse sensit.

Guilielmus Malmesburiensis libro primo de gestis regum Anglorum, capite secundo, anno dominicæ incarnationis CCCCXCV. Cerdicuni in Britanniam venisse, ac Britones ita contudisse docet, ut "in ejus jura volentes concesserint; posteaque crebras circumquaque victorias extenden-tem, post adventum suum vicesimo quarto anno in occiden-tali parte insulæ, quam illi West-Sexam vocant, monar-chiam adeptum esse." Idem vero, in Glastoniensis ecclæ antiquitatum libello, "hujus Cerdici anno decimo cœpisse regnare super Britones Arthurum" ait: quo etiam anno surrexisse apud Britones Arthurum belligerum, in Ranulphi Cestrensis polychronico, et Johannis Tinmu-thensis aurea historia legimus; anno nimirum gratiæ, ut Henricus Marleburgensis explicat DXXVIII. West-Sax-onici<sup>z</sup> regni cum Malmesburiensi et Huntingdonensi, ab anno DXIX. deducto principio. Addit vero Ranulphus: "In quibusdam chronicis legitur, quod Cerdicus saepius cum Arthuro configens, si semel vinceretur, alia vice acrior sur-rexit ad pugnam: tandem Arthurus extædiatus, post vigesi-

<sup>q</sup> Johan. Leidens. chronic. Belgic. lib. 1. cap. 13.

<sup>r</sup> Malmesbur. de antiquitat. eccles. Glastoniens.

<sup>s</sup> Hist. Britanic. lib. 9. cap. 1.

<sup>t</sup> Flor. histor. ann. 516.

<sup>u</sup> Eulog. lib. 5.

<sup>v</sup> Polychronic. lib. 5. cap. 6.

<sup>w</sup> Johan. in aurea historia.

<sup>x</sup> Buchanan. rer. Scoticar. lib. 5. in rege XLV.

<sup>y</sup> H. Boeth. Scotor. histor. lib. 9. <sup>z</sup> Polychronic. lib. 5. cap. 6.

nium sextum annum adventus Cerdie, fidelitate sibi jura-  
ta, dedit ei Hamteschiram et Somersetam ; quam partem  
vocavit West-Sexam." Faetum hoc ex Divionensis cuius-  
dam ehroneis, refert Lelandus, non post vigesimum sextum  
sed post duodecimum annum adventus Cerdici ; qui in æræ  
Christianæ **DVI.** incidit. Thomas Rudburnus<sup>a</sup>, decennio  
insuper addito, anno Dominicæ incarnationis **DXVI.** quem  
ille "secundum regni Arthuri numerat, Cerdicu sæpius  
eum Arthuro conflixisse, pertæsum Arthurum cum Cerdicu  
deinceps prælia inire fœdus cum illo pepigisse, et conces-  
sisse Cerdicu Cornubiensibus ut sub annuo tributo ritum  
Christianæ religionis observarent," in majore memorat his-  
toria.

Res a Gilda Albanio in Britannia, Arthuro regnante,  
gestas in ejus vita Caradocus sic enarrat. "Cadoeus<sup>b</sup>  
abbas Nanearbanensis eeelesiæ rogavit Gildam doetorem  
ut regeret studium seholarium per anni spatium : et roga-  
tus rex ut illum, nulla merecede accepta a scholaribus,  
præter orationes eleri et scholarium. Ubi<sup>c</sup> ipsem et scrip-  
sit opus quatuor evangelistarum ; quod adhuc remanet in  
ecclesia sancti Cadoci, auro et argento undique cooper-  
tum, ad honorem Dei et scriptoris sanctissimi et Evange-  
liorum. Tenent Walenses indigenæ illud volumen pre-  
tiosissimum in conjurationibus suis, nec audent ape-  
rire ad videndum ; nee confirmant paeem et amicitiam in-  
ter inimicos, nisi illud affuerit imprimis appositum. Finito<sup>d</sup>  
anni spatio, et scholaribus reedentibus a studio, sanctus  
abbas Cadocus et Gildas doctor optimus communis consilio  
adierunt duas insulas, scilicet Roneeh et Ecni. Nolebant  
impediri in ecclesiastico officio a confluentia hominum :  
propterea nesciebant melius consilium, quam relinquere  
Carbanam vallem et adire insulare secretum. Dum<sup>e</sup> sic  
perseveraret S. Gildas intentus jejuniis et orationibus, ve-  
nerunt piratae de insulis Orcadibus : qui afflixerunt illum,  
raptis ab eo suis famulis servientibus et ductis in exilium,  
cum spoliis et omnibus suæ habitationis supelleebus, un-  
de affletus nimium, non potuit ibi amplius habitare."

<sup>a</sup> Rudburn. chronic. lib. 2. cap. 1.

<sup>b</sup> Caradoc. Lancarvan. vit. Gild. cap. 14. <sup>c</sup> Ibid. cap. 15.

<sup>d</sup> Ibid. cap. 16.

<sup>e</sup> Ibid. cap. 18.

“ Reliquit<sup>f</sup> insulam, ascendit naviculam, et ingressus est Glastoniam cum magno dolore; Meluas rege regnante in æstiva<sup>g</sup> regione. Susceptus vir suscipiendus a Glastoniense abbatे, docuit confratres et diversas plebes, seminans semen seminandum cœlestis doctrinæ. Ibi<sup>h</sup> scripsit historias de regibus Britanniæ. Glastonia, id est, urbs vitrea: quæ nomen sumpsit a vitro et urbis<sup>i</sup> nomine primitus in Britannico sermone. Obsessa<sup>k</sup> est itaque ab Arthuro tyranno cum innumerabili multitudine, propter Guennivar uxorem suam, violatam et raptam a prædicto iniquo rege, et ibi ductam (propter refugium inviolati loci, propter munitiones arundineti et fluminis ac paludis) causa tutelæ. Quæsiverat<sup>l</sup> rex rebellis reginam per unius anni circulum; audivit tandem illam remanentem: illico commovit exercitum totius Cornubiaæ et Dibueniæ<sup>m</sup>; paratum est bellum inter inimicos. Hoc viso abbas Glastoniæ, comitante clero et Gilda sapiente, intravit medias acies: consuluit Meluas regi suo pacifice ut redderet raptam. Reddita ergo fuit, quæ reddenda fuerat, per pacem et benevolentiam. His<sup>n</sup> peractis, duo reges largiti sunt abbati multa territoria: qui venerunt ad templum S. Mariæ visitandum et orandum; confirmante abbatе fraternitatem dilectam pro pace habita, et pro beneficiis quæ fecerant et amplius quæ facturi erant. Inde redierunt reges pacificati: promittentes veneranter obedire reverentissimo abbatи Glastoniensi, et nunquam violare sanctissimum locum nec etiam subjacentia loco principali.”

“ Habita<sup>o</sup> licentia abbatis Glastoniensis, cleri et populi, cupivit religiosissimus Gildas eremitariam iterum vitam colere supra ripam fluminis<sup>p</sup> proximi Glastoniæ: et voluntatem complevit in opere. Ubi<sup>q</sup> ædificavit ecclesiam in nomine sanctæ et individuæ Trinitatis: in qua jejunabat et orabat assidue, et cilicio indutus, exemplum donans omnibus irreprehensibile bene vivendi cum religione. Vi-

<sup>f</sup> Caradoc. Lancarv. vit. Gild. cap. 19. <sup>g</sup> Somerset-shire.

<sup>h</sup> Caradoc. Lancarv. vit. Gild. cap. 20. <sup>i</sup> Bury.

<sup>k</sup> Caradoc. Lancarv. vit. Gild. cap. 21. <sup>l</sup> Ibid. cap. 22.

<sup>m</sup> Devoniae Cambrobritannis Duffneyt dictæ.

<sup>n</sup> Caradoc. Lancarv. vit. Gild. cap. 23. <sup>o</sup> Ibid. cap. 24.

<sup>p</sup> Axi.

<sup>q</sup> Caradoc. Lancarv. vit. Gild. cap. 25.

sitabant sancti viri illum visitandum, de longinquis partibus Britanniæ: admoniti redibant, et auditæ hortamenta et consilia retinebant cum exultatione.” Mortuus tandem Gildas, et ad Glastoniensem abbatiam delatus, “ sepclitur<sup>r</sup> in medio pavimento ecclesiæ B. Mariæ.” Hæc, in illius vita, Caradocus Lancarvanensis: quibus et hoc, ex Guilielmi Malmesburiensis de Glastoniensis ecclesiæ antiquitate libello petitum, adjungimus: “ Sicut a majoribus accepimus, Gildas neque insulsus neque infacetus historicus, cui Britanni debent, si quid notitiae inter cæteras gentes habent, multum annorum ibi exegit, loci sanctitudine captus: ibique anno Domini DXII. de medio factus, in vetusta ecclesia ante altare est sepultus.”

Idem obitus annus et in magna Glastoniensis ecclesiæ tabula illi assignatur, ubi strenuissimi regis Arthuri capellanus nuncupatur, et in vita illius a Johanne Capgravio edita; ubi migrasse etiam quarto calendas Februarii legitur. In anonymo tamen Glastoniensi chronographo, ad annum DXXII. annotatum reperi: “ S. Gildas Britonum historiographus migravit ad Dominum; corpusque suum in vetusta ecclesia ante altare beatæ Mariæ usque ad combustionem ecclesiæ requievit:” post combustionem enim illam, quam anno MCLXXXIV. contigisse ostendimus<sup>s</sup>, “ in vetusta ecclesia effusa esse corpora sanctorum Patricii a dextris altaris, Indracti sociorumque ejus a sinistris, et sancti Gildæ de pavimento ante altare, et in scriniis collocata,” Guilielmi Malmesburiensis interpolator retulit. Quod etiam in Glastoniensis cœnobii reliquiarum indiculo ita consignatum invenimus: “ In feretro S. David Menevensis archiepiscopi continentur reliquiae S. Gildæ Britonum historiographi: et solum deficiunt hanchiæ. Qui post obitum suum sepultus fuit in vetusta ecclesia ante altare gloriosæ virginis Mariæ: et ibidem sexcentos, quinquaginta, et viginti duos annos usq[ue] ad combustionem ejusdem ecclesiæ jacuit; et postea, sicut Domino placuit, translatus fuit in serinio argenteo.”

Philippus Ferrarius, in catalogo generali sanctorum qui in martyrologio Romano non sunt, nono Calendas Febru-

<sup>r</sup> Caradoc. Lancarv. vit. Gild. cap. 28. <sup>s</sup> Supra, cap. 6. pag. 145. 147.

arii, Benaventæ in Anglia S. Sophiae episcopi et martyris anno CCCCCXC. ibidemque S. Cadoci martyris anno D. passi, memoriam celebrari asserit. Verum Johannes Capgravius<sup>t</sup>, ad quem nos ille remittit, unum et eundem facit Cadocum et Sophiam: neque Beneventam hic intelligit aliam, quam notissimam illam Italiæ urbem Beneventanam. Narrat enim Cadocum, Gildæ de quo jam egimus perfamiliarem, abbatे in monasterio suo Lancarvanensi ordinato discipulo suo Ellenio (reginæ cujusdam transmarinæ filio) de terra Britanniæ decessisse; et novo Sophiae, quod sapientia Dei plenus esset, accepto nomine, Beneventanæ civitatis primo abbatem, deinde episcopum effectum, nono Calendas Februarii martyrio ibidem vitam finivisse: atque hac demum fabella totam illius legendam concludit: “In<sup>u</sup> ejus honore fundata est ibi ecclesia magna super sepulchrum ejus; in qua nullus Britannus intrare permittitur. Futurum est enim, ut asserunt cives, quendam Britonem ex suo in Britannia monasterio, scilicet Lancarvan, illuc advenire; et reliquias corporis sancti furto inde quandoque auferre. Quinimo, quod gravius est, post ablationem corporis sancti fontem illum qui secus est urbem, quem ad operariorum usum in ædificatione murorum civitatis per illius preces de tellure manare fecit, velut mare super totam urbem et illius habitatores inundaturum præsagiunt.”

Hujus Cadoci, dum Lancarvanensis fuisse abbas, horatu Iltutum<sup>w</sup> (nobilissimi militis Bicani et Rieniguilidæ filiae regis minoris Britanniæ filium) seculo renunciasse ferunt; postquam a consobrino suo Arthuro rege “cum honore receptus, tandem ad regem Morganensium veniens curiam ejus sub ipso rexisset, secundus a rege factus:” quanquam a S. Germano presbyterum ordinatum fuisse affirmet scriptor vitae Samsonis, quam ex Floriacensis bibliothecæ membranis Johannes a Bosco in lucem emisit; haec de eo memorans: “Hildutus<sup>x</sup> discipulus sancti Germani erat, ipseque Germanus ordinavit eum in sua juventute ad gradum presbyteratus. Ille vero Hildutus de totis scripturis Veteris ac Novi Testamenti, et in omni philoso-

<sup>t</sup> Ex Johanne Tinmuthensi.

<sup>u</sup> Johan. Tinmuthensis.

<sup>w</sup> Johan. Tinmuthens. in vita Iltuti.

<sup>x</sup> Vit. Samsonis, cap.

phiæ genere, ac metricæ et rhetoricae disciplinis doctus erat; Scripturæ universæ peritissimus, ac futurorum præseius." Eundem etiam S. Germani fuisse discipulum, et in vita Maglorii apud Surium<sup>y</sup>, et in Vincentii speculo<sup>z</sup> historiali, et in Landavensi regesto<sup>a</sup> legimus: licet id ægre temporum ratio patiatur: sive cum illis Antissiodoreensem Germanum, qui plus justo senior, sive cum Andrea Saus-saio<sup>b</sup> Parisiensem, qui ætate non paulo fuit junior, hic accipere libeat. A Dubricio<sup>c</sup> Landavensi episcopo in loco qui ab illo Lan-iltut, id est, ecclesiæ Iltuti accepit nomen est constitutus. Is locus, Morganiæ<sup>d</sup> prope mare nec procul a Lancarvanensi Cadoci monasterio ad Bovertonum positus, paulo contractius Lan-twit hodie appellatur: ibi ecclesia primum, deinde monasterio extructo, Merchiauno cognomento Vesano Morganiæ rege approbante, gymnasium aperuit: de quo scriptor vitae ipsius anonymous: "Confluebant ad illum scholares plurimi: quorum de numero quatuor isti; Samson, Paulinus (vel Paulus potius) Gildas et Dewi (id est, David) studebant sapienter eruditæ; aliquique complures sicut illi," et vitae Gildæ scriptor, ex Floriacensi bibliotheca editus: "In schola doctoris Hilduti erudiebantur plurimi nobilium filii; inter quos præclariores erant, tam generis nobilitate quam morum probitate, Samson videlicet atque Paulus: sed hos quoque mira ingenii sagacitate superabat Gildas beatus. Ex quibus Samson sanctissimus postea Britannorum extitit archiepiscopus; Paulus vero Oxismorum ecclesiæ præfuit episcopus." Gildas autem non Albanius (de cuius morte jam egimus) hic intelligendus sed (de cuius nativitate in fine hujus capituli crit agendum) Badonicus: Samson Dolenensis, et Paulus Leonensis<sup>f</sup> in Britannia Armorica episcopi sunt pariter accipiendi.

Dubricii Landavensis episcopi temporibus claruisse etiam Cungarum eremitam author est Capgravius<sup>g</sup>: quem

<sup>y</sup> Sur. vit. sanctor. tom. 5. Octob. 24. <sup>z</sup> Vincent. lib. 21. cap. 105.

<sup>a</sup> Regest. Landav. in vita Samsonis.

<sup>b</sup> Martyrolog. Gallican. Januar. 29. pag. 83.

<sup>c</sup> Johan. Tinmuth. in vita Dubricii.

<sup>d</sup> Glamorgan-shire.

<sup>e</sup> Vit. Gild. cap. 3.

<sup>f</sup> S. Ponl de Leon.

<sup>g</sup> Jo. Capgrav. in vita S. Cungari.

ab Angligenis et Walensibus, quod eos viam Domini diceret, Docuinum vocatum fuisse ait. Eum apud Somersettenses primum, in loco qui ab ipso Cungresbiriæ nomen postea acceperit, deinde apud Morganenses, oratorium in honorem sanctæ et individuæ Trinitatis construxisse memorat, atque in utroque duodecim canonicos, qui regulatiter viventes Deo ibidem deservirent, constituisse: circumjacente territorio, huic quidem a Poulento Glamorgantiæ rege, illi vero ab Iva rege Anglorum largissimo, liberaliter donato. Quis autem alias ille Iva esse poterit, quam clarissimus ille occidentalium Saxonum rex Ina? quo consentiente, episcopalem sedem translatam fuisse prodiderunt alii a Cungresburia<sup>h</sup> (in cuius nomine non tam Gungari quam Cangorum<sup>i</sup>, veterum hujus tractus incolarum, deprehendi fortasse poterit vestigium) “ad villam quæ tunc Tethiscine, nunc vero Welles nominatur; ab Ina quidem rege (ut inquit Lelandus<sup>k</sup>) loci illustratore Fontanetum, at antiquitus a Theodoro regulo Theodorodunum dicta.” Ut quum Dubricii temporibus Inæ regnum longe posterius fuisse nullum sit dubium, de Capgravii in hac narratione fide non minus dubitare liceat, quam in ipsius Cungari parentelæ designatione; dum cujusdam Constantinopolitani imperatoris et imperatricis Luciriae unicum filium fuisse retulit.

Prius quam Dubricio in Legionensi archiepiscopatu successor datus est David, Meneviae, quæ vallis Rosina olim nuncupabatur, insigne construxit ille monasterium; vel saltem, a B. Patricio fundatum, restauravit: “David,” inquit in illius vita Johannes Timmuthensis, “constructo in valle Rosina monasterio, talem cœnobialis propositi rigorem decrevit; ut monachorum quisque, quotidiano desudans operi, manuum labore suam in commune transigeret vitam, dicens: Qui<sup>l</sup> enim non laborat, ait apostolus, non manducet. Indeque monachi illi, divinis ex toto mancipati officiis, a populari frequentia in angulari quadam

<sup>h</sup> Supra, cap. 5. pag. 87.

<sup>i</sup> Vid. Camden. in Somerset-shire, pag. 168.

<sup>k</sup> Jo. Leland. in elenco antiquor. nomin. subjuncto assertioni Arturii.

<sup>l</sup> 2 Thess. cap. 3. ver. 10.

solitudine super Hibernicum mare longe remoti, quatuor his curis, manuum scilicet labore, lectione, oratione, et pauperum refectione, vitam feliciter exegere :" quemadmodum, in ejusdem Davidis vita, refert Giraldus. His etiam adde, si libet, veterem illum de Meneviensis peregrinationis precio versiculum :

Roma dabit quantum, dat bis Menevia tantum,

Quod planius illo explicabatur disticho :

Meneviam si bis, et Romam si semel ibis ;  
Merceæ æqua tibi redditur hic et ibi.

Dubrio adhuc superstite, anno Christi<sup>m</sup> LXIX. contra Pelagianos Breviensem synodum fuisse habitam, in capite quinto<sup>n</sup> ex aliis annotavimus : cuius synodi, ut et Victorianæ eam subsecutæ, pleniorum historiam, ex Davidis Menevensis vita a Giraldo Cambrensi descripta excerptam, visum est hic subjicere : " Pelagiana labes et hæresis detectanda, per B. Germanum Antissiodoreensem et Lupum Trecensem in insulam transmissos olim extincta, recidivo morbo recidivaque malitia in fidei Catholicæ perniciem jam resuscitata, universalı totius Camibriæ synodo colligendæ occasionem dedit. Unde et collectis in Ceretica<sup>o</sup> regione apud Brevi episcopis et abbatibus virisque religiosis diversorum ordinum multis, neenon et laicis principibus ac populis de universa regione collectis; cum a pluribus in publica audientia sermo factus populum, hæretica pravitate pene irrevocabiliter infectum, ad fidei reducere tramitem non prævaluisset : tandem Paulinus episcopus, cum quo David olim liberalibus disciplinis in<sup>p</sup> pueritia studuerat, ut propter episcopum nuper a patriarcha consecratum (Davidem enim, cum Eliud, qui nunc Teliaus<sup>q</sup> vulgo vocatur, et Paterno, Hierosolymain profectum a patriarcha episcopalem ordinationem accepisse jam narraverat biographus seu Ricemarchus) virum sanctum, discretum pariter et disertum, qui nondum advenerat, communiter ad omnibus ab tantum ecclesiæ discriben mitteretur,

<sup>m</sup> Ita Balæus, centur. I. cap. 55.

<sup>n</sup> Cardigan-shire.

<sup>o</sup> Teliu, al. Teliaus. Ricemarch.

<sup>n</sup> Supra, pag. 104.

<sup>p</sup> Ita Ricemarch.

verbis quidem suasoriis peroravit. Mittuntur itaque nuncii semel et secundo, nil proficientes. Erat enim vir sanctus contemplationi deditus: de temporalibus rebus et secularibus, nisi necessitate urgentiore compulsus, aut nihil aut parum curans. Tandem vero duo mittuntur viri sanctissimi ac fidelissimi, Daniel videlicet et Dubricius." Ab his persuasum, cum ad synodum accessisse Davidem et injunctum prædicationis officium peregrisse Giraldus narravisset, de totius rei exitu demum addit: "Sermone completo, tota, cooperante gratia, hæresis evanuit, discussa penitus et deleta. Pater autem David communi omnium, tam cleri scilicet quam populi, electione pariter et acclamatione, cui et honorem antea destinatione Dubricius cesserat, in Cambriæ totius archiepiscopum est sublimatus." Deinde alterius synodi acta, et utramque subsecutum ecclesiæ Cambricæ sub Davidis regimine florentem statum, ita explicat.

"Processu temporis et alia synodus collecta est, cui nomen Victoriae: in qua, convocato denuo totius Cambriæ clero, ea quæ in priori synodo firmata fuerant, adjectis quoque quibusdam super Ecclesiæ commoditatibus, firmo rigoris examine sunt renovata. Ex his itaque duabus synodis omnes Cambriæ totius ecclesiæ modum et regulam, ecclesia quoque Romana auctoritatem adhibente et confirmante, suscepérunt; quarum decreta, quæ ore promulgaverat, præsul David sua quoque sancta manu literis mandavit; suæque ecclesiæ, aliisque per Cambriam pluribus, reservanda commendavit. Quæ quidem, sicut et alii quamplurimi nobilis bibliothecæ thesauri egregii, tam vetustate quam incuria, piratarum quoque crebris insultibus, qui de Orcadum insulis aestivo tempore longis navibus advecti, maritimas Cambriæ provincias vastare consueverant, evanuerunt. Prædictis itaque temporibus in Cambriæ finibus ecclesia Dei floruit insignis, et multis de die in diem fructibus adolevit: multis passim in locis monasteria sunt constructa, multæ fidelium congregations in variis ordinibus ad Christi obsequia sancta devotione collectæ. Cunctis autem pater David, tanquam in specula positus eminentissima, vitæ speculum erat et exemplar:

instruebat subditos verbo, instruebat et exemplo, efficacissimus ore prædictor, sed opere major. Erat enim andientibus doctrina, religiosis forma, egentibus vita, orphanis munimem, viduis fulcimen, pupillis pater, monachis regula, secularibus via, omnibus omnia factus ut omnia lucrifaceret Deo."

Davidem avunculum fuisse aiunt<sup>r</sup> magni illius Arthuri; quem duodecim præliis cum Saxonibus dimicavisse refert Ninius (falso Gildæ nomine ab Henrico Huntingdoniensis hic citatus) in monte Badonis eorum postremo commisso. Cujus prælii genuinus Gildas, tunc natum se testatus, hisce verbis meminit : " Ex eo tempore (quo a Saxonibus scilicet victoram Ambrosius Aurelianus reportavit) nunc cives, nunc hostes vincebant ; ut in ista gente experiretur Dominus solito more præsentem Israelem, utrum diligit eum an non : usque ad annum obsessionis Badonici montis [qui prope Sabrinum ostium habetur,] novissimæque ferme de furciferis non minimæ stragis ; quique quadragesimus quartus (ut novi) orditur<sup>t</sup> annus, mense jam uno emenso, qui et meæ nativitatis est :" et, qui illi σύγχρονος fuisse dicitur, Britannicorum Bardorum princeps Thaliessinus :

Gwae yntwy yr ynvydion, pan vy waith Baddon  
 Arthur benn haelion y lafneu by gochion  
 Gwnaeth ar y alon gwaith gwyr gafynion  
 Gouynion gwaed daredd mach dcyrn ygogledd,  
 Heb drais heb drossedd.

quæ in Latinum sermonem traducta ita exhibuit Dominus Johannes Prisæus :

O miseros illos nimium sub monte Badone  
 Quum crux Arthuri, magnatum principis, ense  
 Inficeret ; fusque foret jam sanguinis ulti  
 Heroum, quorum auxilio borealia juste  
 Regna stetere diu.

Galfridus Monemuthensis<sup>u</sup> prælii hujus historiam enarrans fusius, Saxones usque ad Sabrinum mare colonorum

<sup>r</sup> Galfrid. Monemuth. lib. 9. cap. 15. Girald. in vita Davidis.

<sup>s</sup> H. Huntingd. hist. lib. 2.

<sup>t</sup> MS. Cantabrig. oritur.

<sup>u</sup> Britannic. hist. lib. 9. cap. 3, 4.

depopulatione facta, “inde arrepto itinere versus pagum Badonis, urbem obsedisse” scribit: deinde Arthurum Sumersetensem provinciam ingressum, visa cominus ob-sidione, milites suos ad pugnam animasse; eosque S. Dubricii urbis legionum archiepiscopi benedictione hil-a-ratos, hostium castra primum quidem ad proximum mon-tem compulisse, die vero sequente profligavisse. Quæ Sabrini maris hic injecta mentio glossemati illi ansam dedisse videtur, quod Gildæ verbis ex bibliothecæ Canta-brigiensis manuscripto codice attextum exhibuimus: nam urbem Badonis eandem esse recte notavit in Dubricii vita Johannes Tinmuthensis cum ea quæ nunc Bathonia vo-catur. Hanc enim in Sumersetensi agro positam, Bri-tannis Cair Badon, et montem vicinum Bannesdowne (quod excelsum<sup>w</sup> collem sonare dicitur) et vallem ad Avonam fluvium hic procurentem Nant Badon appellari, a Cam-denox præterea est observatum.

Ad tempus pugnæ quod attinet: Saxonum hanc stragem Beday factam notat quadragesimo circiter et quarto anno adventus eorum in Britanniam: annorum illum numerum a Gilda editum ad anteriora referens; quum tempus quo scripta ab eo ista sunt spectasse potius videatur: perinde ac si dixisset, a clade Badonica quadragesimum quartum tunc numerari cœpisse annum; unico quippe anni illius mense adhuc elapso: idque ex sua ipsius ætate se novisse; quandoquidem et suæ nativitatis et illius victoriæ eundem fuisse annum a parentibus ipse didicerit. Itaque anno gratiæ DXX. prælium hoc factum fuisse prodit Matthæus Florilegus: Britannico quoque chronographo suffragante, quein a bello Badonicō ad cædem Arthuri annos duos et vi-ginti numeravisse jam<sup>z</sup> ostendimus. Quo posito, et Gildam anno illo DXX. in lucem editum, et anno DLXIV. scrip-tam ab eo fuisse hanc quam illius habemus epistolam, pariter erit consectarium.

<sup>w</sup> Jo. Davies, in Britannico-Latino Lexico, voc. Bann.

<sup>x</sup> Camden. in Somerset-shire, pag. 170.

<sup>y</sup> Bed. histor. lib. 1. cap. 16.

<sup>z</sup> Supra, cap. 12. pag. 459.











Princeton Theological Seminary Libraries



1 1012 01196 5607



